

B



DE DIVINA PSALMODIA,

EIVSQVE

CAVSIS, MYSTERIIS, ET DISCIPLINIS,
Deque variis Ritibus omnium Ecclesiarum in
psallendis Diuinis Officiis,

TRACTATVS
HISTORICVS, SYMBOLICVS, ASCETICVS.

SIVE

PSALLEN-^{TIS} ECCLESIAE HARMONIA,

Opus nouum, & curiosum, ac multiplici eruditione illustratum.

*Auctore D. IOANNE BONA à Monte Regali Congreg. Reform.
S. Bernardi Ordinis Cisterciensis Abbate Generali, Sacrarum
Congregationum Rituum, & Indicis Consultore.*

EDITIO SECVNDA AVCTIOR ET EMENDATIO.

Nunc primum prodit in Galliis.



PARISIIS,
Apud LVDOVICVM BILLAINE, in Palatio Regio.

M. DC. LXIII.
SVPERIORVM PERMISSV.



AVGVSTISSIMÆ COELORVM REGINÆ

MARIÆ DEIPARÆ

IN SVBALPINIS ITALIÆ PROPE MONTEM

Regalem miraculis coruscanti

D. IOANNES BONA eius Ecclesiæ indignus Abbas

D. D.




ADSTO paucis , ac tremens altari tuo,
GLORIOSISSIMA VIRGO, & hunc pri-
mum ingenio mei factum, qui tua po-
tenti manu obstetricante in lucem edu-
ctus est, pedibus tuis venerabundus ad-
uoluo. Audies hic psallentis Ecclesiæ Fi-
lij tui dilectissima Sponsa mysticam har-
moniam; audies ploratum multum capti-
uæ filia Sion ab hoc miserrimo exilio, in quo incolatus eius
prolongatur, suspirantis ad patriam; audies mœsta Cantica,
quæ labia fidelium eructant cælestis tuæ Hierusalem amu-
lantium gaudia: audies, inquam, & exaudies. Quid enim
suauius potest in auribus tuis resonare, quam preces & Hym-
ni seruatorum tuorum Deum iugiter collaudantium, & ad ipsam
clamantium die, ac nocte? Hoc huius mea lucubrationis ar-
gumentum est, hic scopus. Sacram siquidem, & diuinam Psal-
modiam, eiusque Historiam, mysteria, & asceticam institu-
tionem noua methodo explicare conatus sum: reque captis
aspirante, te vires subministrante, quod nequaquam me pos-
se sperabam, tandem perfeci. Indignus forem deinceps tuo
patrocinio, CLEMENTISSIMA MATER, ni hoc tuum bene-
ficiū ad te rediret. Suscipe igitur qua soles benigne
hoc qualecunque munusculum, quod templi huius tholo in-
ter tot qua circumpendent aurea, & argentea anastomata

reus voti iam pridem concepti affigo: nec enim minus pre-
tiosum, vel tibi gratum fore confido, quam si ex auro vel
gemma compactum esset. Excipe illud & sive munifico
amplexu; placidissimus affulgeat illi ob utus tue incompa-
rabilis pietatis tanquam solare iubar, ut per omnes orbis
Ecclesias radios emittat: ut modum laudandi Numinis om-
nibus indicet, atque in aeternum tui nominis gloria eluces-
cat. Posside me ut rem tuam, o suprema cælorum Regina, &
cum volueris in hac tibi dicata ade agris mortalibus tot im-
pendere beneficia, ne me indonatum hinc patiaris abire. In-
nova signa, immuta mirabilia. Si hic cæcorum oculos dis-
cussa caligine, ut Solem afficerent, aperuisti: oculos mentis
mea clarissima tua luce perfunde, ut lumen vultus Dei, quod
signatum est super nos, puro semper intuitu perspiciam. Si
obturatas surdorum aures, refoverasti; da gaudium & letitiam
auditui meo interno, ut audiam vocem sponsi loquentis in si-
lento ad cor Hierusalem. Si mutarum linguarum vincula di-
rupisti; tribue ori meo sermonem rectum & bene sonantem,
ut cum diuinas concino laudes, placeant verba mea in con-
spectu æterni Regis. Si malè affectis pristinam valetudinem
depulso morbo restituissti; sana me diuturna infirmitate la-
borantem, ut integer animus meus sine ulla aegritudine pra-
ua affectionis in die nouissimo inueniatur. Id precor humil-
limè ante hanc mirificam Imaginem tuam in genua promo-
lutus, hac die solemni, quam nobis venerabilem reddidit
Natale tuum, Anno post Verbi in utero tuo admirabilem
Incarnationem CIO DCCLXIII.



PRAEFATIO AD LECTOREM.

1.  TII Monastici, benevole Lector, rationem reddere incipio, cum hanc meam de diuina Psalmodia lucubrationem typis euulgo. Scio quidem hæc ætate eruditissima scribentibus multa à multis imminere iudicia, multas parari censuras: sed recordatus sum cum D. Hieronymo illius vetusculi,

Pollio, & ipse facit noua carmina;

meque cum aliis plerisque tenuit, & corripuit, iuxta Satyrici dictum insanabile scribendi cacoëthes: Cum præsertim docuerit me vir magnus Ennodius Ticinensis, non minus de otioso silentio reddendam esse rationem, quam de otioso sermone. Sed istis paginis, inquires, quid erit loci post tot sanctissimos Patres, post tot doctissimos viros, qui de diuinis Officiis vherrima nobis Commentaria reliquerunt? An non hanc spartam satis superque exornarunt, qui viri, & quam eximij! Isidorus Hispalensis, Amalarius Forrunatus, Rabanus Maurus, Rupertus Tuitiensis, & alii innumeri tum veteres, tum recentiores? Ornarunt illi quidem, & Ecclesiasticæ functionis Sacramenta operosissimis scriptis illustrarunt. Sed an ideò sequi puder, quia illi præcesserunt? Nunquid, vt verbis vtat D. Hieronymi, aut Terrullianus B. Martyrem Cyprianum, aut Cyprianus Lactantium, aut Lactantius Hilarium *dererunt à scribendo?* Diuina eloquia, inquit Chrysostomus, fonti similia sunt largis, perennibusque fluentis scaturienti. Qui ante nos fuere pro viribus suis aquas inde hauserunt: & similiter qui post nos futuri sunt idem attentabunt, neque sic totum euacuare poterunt: sed magis interim augescunt flumina & increscunt. Rectè Romanus Sapiens. Qui præcesserunt, non præripuisse mihi videntur, quæ dici poterant, sed aperuisse. Crescit in dies mareria, & inuenturis inuenta non obstant. Præterea conditio optima est vltimi. Parata verba inuenit, quæ aliter instructa, nouam faciem habent: nec illis manus iniicit tanquam alienis; sunt enim publica. Iurisconsulti negant, quidquam publicum vsucapi. Et si concedamus omnia à veteribus inuenta esse, hoc semper nouum erit, vsus & inuentorum ab aliis scientia, & dispositio. Rectè item Damascenus: Nonnunquam id, quod à perfectis relictum est, repperit puellus: & in id quod prætercursum est à Sapientibus, incidunt idiotæ: & id quod occultatum est Magistris, compatiuit discipulis. Denique alius alio plura inuenire potest, nemo omnia. Et sæpè iuniori reuelat Deus, quod melius est, ait Pater Monachorum.

Hieron. præf. lib. 3. in Oisam.

Virgil. Ecl. 3.

Iuuen. Sat. 7.

Ennod. præf. carmin. 9.

Hieron. prol. lib. 1. in ep. ad Ephes.

Chryf. hom. 3. in Genes.

Seneca ep. 79.

Id. ep. 65.

Damasc. orat. de defunctis.

Auson Idyll. 10. Benedic. reg. c. 3.

August. lib. 1. de
Trinit. c. 3.

2. Non fuit autem meum consilium post tot editos de sacris præcationibus libros, malè recoctam, quod aiunt, cramben fastidiosum huius sæculi palato obiicere: sed fiduciam mihi præbuit, aliquid de nouo audendi id, quod scribit Augustinus libro primo de Trinitate, vtile esse plures à pluribus fieri libros diuerso stylo, non diuersa fide, etiam de quæstionibus eisdem, vt ad plurimos res ipsa perueniat, ad alios sic, ad alios autem sic. Quod si dixerò me in his scriptis methodum seruasse, ab aliorum methodo prorsus diuersam, magis libera vox erit, quàm superba. Confer, si placet, hunc librum cum cæteris, qui hætenus de eodem argumento prodierunt, fateberis proculdubio neminem reperiri, qui omnes Diuinæ Psalmodiæ partes, mysteria, & disciplinam hac ratione explicarit. Possum audacter de stylo, & methodo huius operis dicere, quod Phocas Grammaticus de breuitate suæ artis.

Phocas præmio
de nomine, & ver-
bo.

*Ars mea multorum es, quos sæcula prisca tulerunt,
Sed noua te breuitas affert esse meam.*

Pasch. præf. lib. 6.
in Math.

Possum quoque Paschasii Raberti verba vsurpare dicentis. Expositio mea multorum eruditissimorum est Doctorum, quos antiquior tulit ætas, & firmavit auctoritas veritatis, sed proprio commendatam stylo, nouitas facit esse meam; ita vt tractatus qui de omnibus colligitur, vnus verè videatur, & specialiter esse meus. Si quid verò benè tractaui, malo id cum prædicto Phoca lectoris iudicio laudari, quam mea iactari prædicatione. Simias enim ferunt, inquit Synesius, postquam pepererint in fortibus suis tanquam simulachris obtutus defigere præ admiratione pulchritudinis; adeò natura eius amans est, quod peperit: quamobrem aliis permittenda est in sobolem inquisitio. Ob id Lysippus Apellem ad tabellas admittebat, & Apelles Lysippum. Porro si quid peccatum in hoc opere est (& sanè plurima peccata sunt) meum est: si quid bonum, si quid laude dignum, non meum, sed alienum est.

Lapsus est memo-
ria Synesius, nam
Lysippum pro
Protogene posuit.

3. Ex scriptis probatissimorum Auctorum pleraque meo stylo eliciui illud Poëtæ sequutus.

Lucret. lib. 3.

*Floriferis vt apes in saltibus omnia libant,
Omnia nos isidem depascimur aurea dicta.*

Bern. serm. 3. sup.
Missus est.

Nonnulla vt apud ipsos sunt admisui, vt quod ait Bernardus, ex vasculorum pulchritudine gratiora fiant, quæ in eis lectori apposuerim. Nec mihi vitio vertas (verba sunt Theodosii Macrobi ad Eustachium filium) si res, quas ex lectione varia mutuabor, ipse sæpè verbis, quibus ab ipsis Auctoribus enarratæ sunt, explicabo: quia

Macrobi. præfat
Satur.

præfens opus non eloquentiæ ostentationem, sed noscendorum congeriem pollicetur. Afranius togarum scriptor, (ex cuius fabulis exempla sæpius afferunt in suis grammaticis institutionibus Sosipater Charisius, & Nonius Marcellus) in ea togata, quæ Compitalia inscribitur; non inuerecundè respondens arguentibus, quod plura sumpsisset à Menandro. Fateor, inquit, sumpsi, non ab illo modo, sed ut quisque habuit, quod conueniret mihi, quodque me non posse, melius facere credidi, etiam à Latino. Plaurus, Cæcilius, Terentius, & cæteri eloquentes viri, teste D. Hieronymo, non solum versus, sed multa capita acceperunt ab Antiquis. Quare Terentium Lucius Launius criminabatur quasi publici ærarii furem: Virgilius compilator veterum dicebatur: Tullius quoque, qui in arce eloquentiæ Romanæ stetit, Rex Oratorum, & Latinæ linguæ illustrator, reperundarum accusabatur à Græcis. Ipse Homerus, ut Eusthatus in Odisseam scribit, furti arguitur à Naucratis, quod profectus in Ægyptum Iliadem & Odisseam sibi adscripserit, quas ibi reperit in templo à quadam Poëtria iam pridem decantatas. Apollodorus citatus à Laërtio, Si quis, inquit, eximat de Chryssippi scriptis quæ aliena sunt, vacua charta relinquetur. Extat Stephani Forcæculi I. C. elegans Dialogus, qui Prometheus, seu de rapto animorum, inscribitur, alienæ inuentionis prædones incessens. S. Ambrosii scripta, ut D. item Hieronymus refert, Origenis sermonibus plena sunt; Exæmeron autem ex Basilio compilauit. Recentiorum libri quid aliud plerumque sunt, quam Centones è pulchrioribus Antiquorum dictis? Secunda pars Theologicæ Summæ D. Thomæ magna ex parte legitur in Speculo Morali Vincentii Beluacensis. Plura capita A. Gelii transcripsit Macrobius. In Eclogis Calpurnii, & Nemesiani iidem quandoque versus leguntur, quos alter alteri sublegit. Si ab Aristotele aliena demantur, qui Phœnix videtur, cornicula apparebit, furtiuis nudata coloribus. Plaro se reum furti audiuit accusari, quod magnam partem Philolai transtulerit in Timæum. Alia veterum Scriptorum furtis recensent, eleganter ex Græcis Clemens Alexandrinus, & Eusebius Cæsariensis: ex nostris autem Aurelius Macrobius, Augustinus Engubinus, & Ludouicus Cresolius. Si quispiam nouus Archimedes adesset nobis, quiproprium, & alienum in libris discerneret, si iudicem haberemus Aristophanem, qui mortuorum linguam intelligeret; cum loquuntur per ora viuorum: Si Cratinum, qui libros torqueret, ut latrocinia confiterentur; quot in re literaria fures inueniremus? Texunt plerique libros, sicut fecta ex variis floribus, *Miranturque nouas frondes, & non sua poma*. Pauci possunt cum Manilio dicere:

*Nostra loquat: nulli ratum debebimus orsa,
Nec furtum, sed opus veniet.*

Afran. apud Macrobr. lib. 6. Sat. cap. 1.

Hieron. proë lib. 1. in Michæam & proëm qq. seu traditum Hebraicè. in Genf.

Idem initio Apolog. ad Pamach. & ep. ad eundem de errorib. Originis.

Clemens Alex. 6. Strom.
Euseb. lib. 10. præp. Euang.
Macrobr. 5. & 6. Sat.
Engub. de perenni Philosoph.
Cresol. Theatri Rhet. lib. 5. c. 9.

Manil. Astronom. lib. 2.

4. Ab hoc autem communi vicio, haud immunis ego sum: quod vltro, & ingenuè fateor, ne me quispiam accuset, & lege Iulia perculatus damnandum censeat, si hemistichium aliquod, vel integrum versum, siue sententiam probati alicuius Scriptoris meis carminibus, & scriptis immixtam videat. Vix enim fieri potest, vt quis eruditum aliquod argumentum pertractet, quin vel inuitus è veterum monumentis plura transcribat. Porro negant Iurisconsulti eum damnari debere, qui pecuniam publicam acceperit, si postea erogauerit. Ligna quidem, & lapides ad hanc structuram ab aliis accipi: at ædificii forma, & constructio mea est. Sanctorum verò Patrum, & antiquorum sententias fideliter ex fonte excerpti riulorum perosus impuritatem: Verba tamen scrupulosè non sector, dum sensus integer maneat. Nam & Apostoli in citando veteti Testamento aliquando, & media interfecant, & ex pluribus locis vnum constant, vt Hadrianus Papa, Leo Castrensis, & Franciscus Ribera doctè obseruant.

5. De stylo nihil habeo, quod præfari oporteat: possum autem cum Cassiodoro humilem verecundè promittere, mediocrem non improbè polliceri. Sacræ doctrinæ profanam coniungere eruditio-nem, vbi necesse fuit, non dubitavi præclarissimorum Ecclesiæ procerum insistenti exemplo. Sapientia enim vocat ancillas ad arcem, & gentilis puella in coniugium assumitur à Iudæo. A malis etiam Scriptotibus aliquando abstinere non potui, Senecam imitatus, qui volens Publium Mimum citare, ait: Nunquam me in bona re mali pudebit auctoris. Librum in capita, capita in paragraphos subdivisi, quia vt monet Fulgentius, lectoris renouat studium temperies distincta librotum. Et sicut labor viatoris hospitio, ait Augustinus, ita libri termino reficitur Lectoris intentio.

6. De singulis Officiis, eorumque partibus non ea dumtaxat, quæ ad Historiam pertinent, sed symbolicas insuper rationes, & asceticam doceo disciplinam. Ascetas autem illos vocant Philosophi, qui solidarum virtutum exercitationibus incumbunt: quare Patres Græci Monachos Ascetas, & Monasteria Asceteria, atque tractatus de virtutum exercitatione Asceticos nuncupant. Quæ omnium scriptis euulgata sunt, prætermisi quandoque, quia operæ redundantis est, cunctis nota replicare: atque omnia persequi velle, aut nimis miseræ, aut inani iactantiæ adscribi solet.

7. Solutæ orationi quædam Poëmata intermiscui vario carminum genere, vt si minus à stylo, saltem à versuum varietate placerent. Laudem ab istis non quæro. Licet enim scitabar Cicero neminem se Poëtam cognouisset, qui sibi non optimus videretur: noui tamen ego, quam sit mihi curta supellex, & iute cogor mitari cum Satyrico, quomodo fieri potuit, vt sic repentè Poëta prodirem.

Ignosce

Ad Iuliam perculat. l. 4.

Hadr. l. ep. 3. pag. mihi 740.

Leo in c. 8 & 9. Isaia Ribera. in c. 13. Osee n. 33.

Cassiod. præf. lib. 1. Variar.

August. de doct. Christ. lib. 2. c. 18. & 40.

Nazianz. orat. 10. Sen. de Tranquil. cap. 11.

Fulg. iust. lib. 1. ad Monachi.

Aug. in f. lib. 1. con aduer. legis, & Prophet.

Simmach. lib. 6. ep. 32.

Plin. lib. 7. c. 37.

Cic. 6. Tuscul. Petrus iust. Satyrar.

Ignosce Lector, cum possem culpa carere, malui hanc deprecari; id nimirum exigente genio meo, cuius hac re non obsequi, & si voluissem, non valuissem. Adde, quod & rationem Diuinarum Laudum sequutus sum, quæ Hymnis constant, & prosa. Neque tamen fortuito in Poeticos passim sonos erumpo, sed ibi duntaxat, ubi forma quadam subest, vel materia Poëtica. Miscere verò poetica Philosophicis docet me, teste Ficino, omnis antiquitas, idque olim è Græcis visitatum asserit Cicero in Tusculanis. Idem permittunt, & laudant Plutarchus, Iamblicus, Plinius, & ex nostris Pacianus, atque Ambrosius. Nec defunt exempla: nam prosæ versus miscuere doctissimi viri Valerius Martialis, Statius Papinius, Decius Aufonius, Lucianus Sarnofarenus, Theodorus Prodromus, Petronius Arbiter, Fulgentius in Mythologiis quicumque ille sit, Martianus Capella, Seuerinus Boëthius, Valerius Probus, Phocas Grammaticus, Curius Fortunatianus Rhetor, Iunius Moderatus Columella, Sidonius Apollinaris, Venantius Fortunatus, Ennodius Ticinensis, Marcus Vatro in Sartyris Menipæis, Seneca in ludo de morte Claudij, & multi Recentiores. Si quis autem à Poëticis alienus fuerit, Poëtica non legat, ea enim ratione composita sunt, ut sine dispendio cæterorum omitti possint.

8. Dicam ego de hoc libro, quod Chrysostomus de suis sermonibus: Licet omnes non legant, pars saltem dimidia leget. Quod si nec dimidia quidem portio legerit, vel tertia pars. Quod si nec tertia, nec quarta, sint saltem decem. Quod si nec decem, saltem quinque. Quod si nec quinque, vnus saltem. Et si nec vnus, mercedem tamen perfectam pro meo labore, & bona intentione accepturus sum. Dicam cum Christiano Druthmano Monacho; Ego nulli nolenti iussuro, aut legere, aut habere hunc librum, sed qui voluerit: & si aliquis hunc detestetur, ordinet meliorem, & ego voluntarie ipsum suscipio, nam iste nihil vlli nocet. Dicam & cum Aspendio Citharædo, atque cum Hismenia tibicine quotum præclari viri mentionem faciunt, Noui intus mihi ipsi, & Musis canere. Mihi soli scripsi, mihi scenam struxi. Sufficiunt, mihi pauci Lectores, sufficit vnus, sufficit nullus. Dicam tandem cum Valerio Martiali.

*Si nimius videns, feraque coronide longus
Esse liber, legito pauca, libellus ero.*

Vale, mi Lector, & si quid ex huius libri lectione profeceris Deum lauda, & ora pro me.

Ficin lib 1. epist.
ad Baro. Fontan.
Cic. 1. Tuscul.
Plot comm Quo-
modo adol. Poe-
tas audire debeat.
Iamb. lib. 2. de vi-
ta Pythag. c. 1.
Pl. n. iunior. lib. 7.
ep. 9
Pacian ep. 1. adu.
Novatianos.
Ambros. lib. 1. de
fide ad Grauan,
cap. 1.

Chryf. tom. 1.
hom. de Paradis.
& Scripturis.

Druth. prol. in
Matth.
Ambros. præf. in
Psalm.
Hieron. lib. 2. adu.
Ruffin. c. 8.
Dio Chryf. or. 78.
Seneca ep. 7.

Martial. in. lib.
10.

PROSPECTVS OPERIS

PER CAPITA ET PARAGRAPHS.

CAP. I.

De antiquitate, & excellentia diuinæ Psalmodiæ.

§.1. **A**ntiquitatis quanta sit vis. Diuinarum laudum antiquissima origo. Religio solius hominis propria. Cur homo recta statura. Ignorantia malorum radix. Dei cognitio difficillima. Quadam obiter aduersus Atheos. pag. 50

§.2. Sensum Religionis hominibus innatum Dei existentiam probare. Diuina laudis initium ab Angelis, imò ab ipso Deo. Vnde sumi debeat Ecclesiastica Psalmodiæ origo. 59

§.3. Viguisse semper diuini cultus studium à primis parentibus usque ad Christum. Testimonia infidelium de precibus, & Hymnis primorum Christianorum. 63

§.4. Testimonia sanctorum Patrum de sacra Psalmodiæ ab ortu Ecclesiæ, & deinceps temporum serie seruata. Addita quædam de eius excellentia, & de perenni Psalmodiæ in quibusdam Ecclesiis instituta. Desiderium lau-

dandi Deum. Tali obiter quidam Ecclesiastica hymnodiæ columinatores. 67

CAP. II.

Quibus de causis certæ quædam horæ ad psallendas Deo laudes fuerint institutæ.

§.1. **V**aria nomina Horarum Canoniarum explicantur. Cur diuina mysteria symbolis, & allegoriis occultantur antiqui. 78

§.2. Prima ratio institutionis Horarum ex D. Cypriano. Secunda ex Amalario Fortunato, & Honorio Augustodunensi. 83

§.3. Tertia ratio ex Hugone Victorino. Quarta ex communis scriptorum sententia ob Dominicæ Passionis memoriam. 85

§.4. Quinta, & sexta ratio in gratiarum actionem ob diuina beneficia. Septima per analogiam ad ciuitatem humanam. Addita quædam de breuitate vite. 87

§.5. Octaua ratio ex parabola Evangelica laborantium in vinea. Nona ex mystica septenarij numeri significatione. Etiam infi-

INDEX CAPITVM.

deles statis horis orare. *Error*
Cabalistarum obiter indicantur. 91

CAP. III.

De varia diei, ac noctis
 diuisione.

§. 1. **Q**uid dies, quid nox sit.
*Prima diei diuisio in naturalē, & artificialem. Diei
 ciuilis initia varia apud varias
 gentes. Hora nomen aequiuocum.* 96

§. 2. Hora unde dicta. *Figmenta
 Poëtarum de Horis. De usu ho-
 rologiorum apud veteres. Hora
 olim nunciata à seruis. Verus
 dies Christus est.* 100

§. 3. *Secunda diuisio diei naturalis
 antiquo Romanorum more. Ter-
 tia diuisio diei, & noctis artifi-
 cialis. Cur diuisa dies in 12. ho-
 ras. De horis aequalibus, & ina-
 equalibus: In vicissitudine diei,
 & noctis refulcet mirabiliter Dei
 prouidentia.* 105

§. 4. *Dies in quatuor precipuas
 partes diuisa ab Antiquis. Item
 nox. Quid stationes, quid Vigilia
 sint. Quota hora quodlibet
 officium celebrandum. Quot sint
 partes officij.* 113

CAP. IV.

De Nocturnis Vigiliis.

§. 1. **C**ur nocte orandum sit.
*Etiā Ethnicos noctur-
 nas vigilias celebrasse in hono-
 rem. Decorum. Exhortatio ad
 vigilandum. Oratio ut mystica*

fugentur tenebra. 119

§. 2. *Laudes vigiliarum. Exempla
 vigilantium. Nocturnum tem-
 pus maximè opportunum ad
 orandum.* 124

§. 3. *A scētariis damnari vigilias.
 Quota hora nocturna synaxis
 persolui debeat. Somnus post vi-
 giliās Monachis interdictus, &
 cur. Oratio ad Deum, ut excites
 nos.* 129

§. 4. *Amor vigilare facit. Quo-
 modo vigilandum sit. Quae sint Vi-
 giliae mysticae.* 134

CAP. V.

De Laudibus.

§. 1. **A**n Laudes sint officium
*distinctum à Nocturnis.
 Matutini nomen aequiuocum.
 Laudes incipiente crepusculo
 persolueda sunt. Quid fies cre-
 pusculum, quae eius duratio.* 138

§. 2. *Cur Matutini, & Laudum no-
 men huic officio tribuatur. Ma-
 tutina orationis prerogatiua.
 Eiusdem rationes mysticae. Lu-
 cis, & Aurora encomia.* 142

§. 3. *Matutinum tempus aptissi-
 mum contemplationi. Quae sit
 mystica lux anima. Tota nocte
 quaritur sponsus: non nisi in
 Aurora inueniendus. Oratio ad
 Deum, ut verum lumen oriatur
 in nobis.* 148

§. 4. *Luxta Iacobusque ad auroram,
 quid symbolicè, & moraliter in-
 dicet. Denique hortatio ad lau-*

INDEX

dandum Deum. 151

CAP. VI.

De Prima.

- §.1. **O**randum esse post solis ortum. Laudatur sol, eiusque orius describitur. Fabula Memnonis. De cultu solis, & eius falsa Apotheosi. Inter priscos adorantium ritus etiam oscula adhibita. 155

- §.2. Omnes Ethnicorum Deos referri ad solem. Cur oremus versus Orientem. 160

- §.3. Veterum opiniones de sole. Verus Sol adorandus, qui est Christus. Quis sit ignis obscurans solem. Cur oremus hora Prima, 166

- §.4. De Matutinis salutationibus. Prima quando fuerit instituta, & qua hora persolui debeat. 168

CAP. VII.

De Tertia.

- §.1. **H**ora Tertia mysteria. Numerus Ternarius commendatur. 171

- §.2. Hora Tertia oramus ob aduentum Spiritus sancti. Gratia sancti Spiritus quid operetur in anima. 174

- §.3. Quid sit portare spiritum, & vivere in spiritu. Oratio ad Spiritum sanctum. Cur hac hora aurea, & sacra nuncietur. 177

CAP. VIII.

De Sexta.

- §.1. **D**ivina maiestas in sole precipue lucet. Solis, & Dei

comparatio ex sanctis Patri-
bus. 179

- §.2. Effectus solis in meridie quomodo impiis, & iustis conueniant. Quid sit meridies. Affectus sponsa quarens ubi pascat, ubi cubet sponsus. Cur meridie oremus. Mediocritas laudatur. 183

- §.3. Demonium meridianum quid sit. Sexta horae mysteria ex sacris libris. Hac hora crucifixus est Christus. 188

CAP. IX.

De Nona.

- §.1. **H**umanarum rerum inconstantia. Ea per Nonam designatur. Utilitas tentationum. 192

- §.2. Numerus Nouenarius infavus. Hora Nona mysteria. Cur oremus hac hora. 196

- §.3. An hora nona cibum sumerent Antiqui. Quinam semel, qui pluries in die olim reficerentur. Christianorum qui mores de eadem re, & qua hora ieiunium soluerent. 199

CAP. X.

De Vesperis.

- §.1. **M**ysticus solis occasus. Quid sit solem viri, & occidere. Dicta quaedam breuiter de cognitione sui. Humanarum rerum magnam esse vicissitudinem. 207

- §.2. De eo quod scriptum est. Ad Vesperum demorabitur fle-

CAPITVM.

tus. Dictum obiter de utilitate lacrymarum. Vesper contemplationem significat. 212

§. 3. Magna esse vespertini temporis Sacramenta. Notantur quaedam de Epistolis laureatis. Pacis encomium, & ad eam exhortatio. 217

§. 4. Vesperarum ex nouo testamento prerogatiua. Vesper mundi finem significat. Oratio ad Dominum, ut nobiscum manere dignetur. 220

§. 5. Quid sit Vesper, & quae eius Ethymologia. Qua hora vespertinum officium persolui debeat. Notantur quaedam de Lucernario, & hora Lucernari. Mores nostros ab antiquis multum distare. 223

CAP. XI.

De Completorio.

§. 1. Completorium cur sit dictum. Quare à Lectione inchoetur. Ostensum contra quosdam Sanctum Benedictum primum Completorii institutorem fuisse. 226

§. 2. Completorium qua hora celebrandum. Admonet nos finis nostri. Mystica eius significaciones. Quae sit bona, & viuificans mors, quam iusti optant. 231

§. 3. Hora Completorii obtulit Abraham sacrificium. Contemplationis series ex eodem sacrificio explicatur. Deprecatio pro dono contemplationis. 239

§. 4. Completorio feruentius adesse debemus multis de causis. Somnus imago mortui. 242

CAP. XII.

De Officio paruo Beatæ Virginis.

§. 1. Quam difficile sit de Maria laudibus scribere. Cur negotium omnium seculorum dicatur esse. Eius cultum semper viguisse. Ad ipsam B. Virginem deprecatio. 245

§. 2. Officii parui B. Virginis memorabilis institutio. Eius origo antiquior, quam vulgus putet. De parua encomia, & ad eam salutatatio. 250

§. 3. Ritus officii explicatur. Ordo Cisterciensis specialiter deipara dictus est. Exhortatio ad implorandum in omnibus Maria nomen, & auxilium. 255

CAP. XIII.

De Officio Defunctorum.

§. 1. Ut Oremus pro Defunctis. Quaedam de Purgatorio. Quae peccata in eo puniantur. Voces purgantium animarum. 258

§. 2. Quot, & quibus operibus animabus defunctorum suffragari possimus. Officij pro defunctis quam antiquus sit institutio. Cur certi quidam dies sacris pro mortuis offerendis tribuantur. 262

§. 3. Quo ritu officium defunctorum celebretur. Dicta quaedam de mortis recollectione. Qui mores

INDEX

Ethnicorum erga defunctos, deque variis sepeliendi modis. Qui mortui plangendi. Purgatorij acerbitas, & ad illud declinandum adhortatio. 265

- §. 4. *Indicantur Auctores, qui fidem Purgatorij, ritumque orandi pro defunctis asserunt. Addita quadam ex profanis scriptoribus de funerandi ratione.* 271

CAP. XIV.

De Psalmis Pœnitentialibus, & Litaniiis.

- §. 1. **P**œnitentia utilitas, & effectus. De Psalmis Pœnitentialibus, eorumque usu. Laudes pœnitentia. Cur septem tantum sint Psalmi Pœnitentiales. 273

- §. 2. *Notantur quadam de singulis Psalmis Pœnitentialibus. Denique adhortatio ad pœnitentiam.* 278

- §. 3. *Litania quid sit, & quotuplex. Litaniarum vis, & efficacia.* 288

CAP. XV.

De Psalmis Gradualibus.

- §. 1. **Q**uindecim Psalmis Gradualibus totidem gradus Christiana perfectionis indicari. Vitæ spiritualis triplicem esse statum. De ascensione mentis in Deum. Quindecim animæ dignitates ex Abbate Cellensi. 292

- §. 2. *Quinque gradus insipientium, omne mortale, omne veniale*

crimen deferere; diuitias, ac dignitates contemnere: prauos motus cohibere: proprium iudicium, & propriam voluntatem abnegare. Quæ sint purgati animi indicia. 296

- §. 3. *Quinque gradus Proficientium: Virtutes omnes acquirere, virtutum exemplar alijs esse, iustitia viam docendo demonstrare, se humilem in omnibus exhibere, omnes irrisiones & detractationes patienter ferre.* 302

- §. 4. *Quinque gradus perfectorum. Orationis studium, purissima intentio, in omne opus bonum magno impetu ferri, velle semper quod vult Deus, adharere Deo, & unum fieri cum conspiritum intimo charitatis affectu.* 306

CAP. XVI.

De singulis Partibus Diuinæ Psalmodiæ.

§. I.

De Oratione Dominica.

Ostenditur ex Patribus dignitas, utilitas, & efficacia huius orationis. Petitionum ordo, & congruentia ex D. Thoma. Quinam possint hanc orationem ritè, ac iure recitare. Quoties, & quo ritu in diuinis officijs recitetur. 311

§. II.

De Angelica Salutatione.

Eius dignitas, & excellentia demonstratur. Quando, & à quibus fuerit instituta. Cur in diuinis officijs recitetur. 317

CAPITVM.

§. III.

De Symbolo Apostolorum.

Quando, & à quibus fuerit institutum. Quædam de symboli ratione. Laudes symboli ex Patribus. Quoties, & quo ritu dicatur. Cur hoc symbolum Romanum nuncupetur. 319

§. IV.

De Horarum initio.

Cur à Versu Domine labia mea aperies, incipiat no-
cturna synaxis. Quid sit mysticè
aperiri labia. Completorio cur
præmittatur hic Versus, Conuer-
te nos Deus salutaris noster.
Conuersio vera qua sit. Ira Dei du-
plex. Vfus multiplex huius Versi-
culi, Deus in adiutorium meum
intende. 327

§. V.

De signo Crucis.

Hora Canonica à signo Crucis
incipiunt. Signi huius Anti-
quitas, & virtus ex sanctis Patri-
bus. Qua ratione manu exprima-
tur. Alia quedam de Cruce obiter
notantur. 332

§. VI.

De Gloria Patri.

Varij errores recensentur, &
confutantur de Hymni huius
origine, & institutione. Quid sit
Deum glorificare. Vera gloria qua

fit. Inanis gloria sugillatur, lauda-
tur humilitas. 337

§. VII.

De Alleluia.

Huius vocis præconia ex Patri-
bus. Cur ex Hebræico in Gra-
cum, vel Latinum idioma non sit
translata. Cur certis diebus inter-
mittatur. Cur prolixiori modula-
tione cantetur. A quo primum can-
tari cæperit. Eius multiplex vsus.
Quid Latine significet. Addita
quædam ex Hebræico fonte de de-
cem præcipuis nominibus Dei. 341

§. VIII.

De Inuitatorio.

Cur Psalmus nonagesimus quar-
tus, & quo ritu nocturnis vi-
giliis præmittatur. Brevis eiusdem
Psalmi explicatio. 352

§. IX.

De Hymnis.

Hymnorum vsus antiquissimus.
De Hymnis Orphei. Versa ge-
nera Hymnorum. Laudantur Hym-
ni ex sacris, & prophanis auctori-
bus. Quid sit Hymnus. Quo ritu
cantari soleant. 356

§. X.

De Antiphonis.

Quid sit Antiphona. Quis
primus fuerit Antiphona-
rum institutor. Alserni canus anti-
quitas. Antiphona charitatem de-

INDEX

signat. Suspiria amantis animæ.
361

§. XI.

De Psalmis.

Psalmodum encomia ex Patribus. Psalterium compendium est omnium scientiarum. Diviso Psalterij. Psalmus quid sit, Usus Psalmorum laudabilis, antiquissimus. 368

§. XII.

De Canticis.

Quomodo inter se differant Psalmus, Canticum, Canticum Psalmi, & Psalmus Cantici. Canticum quid sit. De Canticorum usu, numero, materia, & antiquitate. De Cantico Te Deum laudamus. Per alia Cantica proponendum esse ad Cantica Canticorum. 373

§. XIII.

De Versibus.

Versus unde dicatur. Quid significet. Aliquot versuum explicatio. Cantica Evangelica cur stando psallantur. 378

§. XIV.

De Lectionibus.

Antiquitas, utilitas, & excellentia sacrarum Lectionum. Ritus Lectionum explicatur. De benedictionibus. Cur Prælati Dominus, & non Dominus nuncupetur. Dicta quadam obiter de hac voci. Sacra scriptura cur difficilis. 379

§. XV.

De Responsorijs.

Responsoria quid significant. Cur prælixius cantentur. Quis eorum auctor. Quo ritu dicantur. 389

§. XVI.

De Capitulis.

Capitulum quid sit. Quare singulis horis, & quo ritu recitetur. 391

§. XVII.

De Collectis.

Collecta nomen æquiuocum. Collectarum primi auctores. D. Benedictus benedictionis nomine collectam indicat. De salutatione Dominus vobiscum, quæ collectis præmittitur. Notantur quædam de ultima collectarum clausula, & de hac voce Amen. 392

§. XVIII.

De Symbolo Athanasij.

Quando Symbolum scripserit Athanasius. Cur die Dominica recitetur. Notantur obiter huius diei prerogativa. 399

§. XIX.

De lectione Martyrologij.

Exemplorum quantitas sit vis. De Cruciatibus sanctorum Martyrum. De usu, & ritu legendi Martyrologium. 400

§. XX.

De precibus, & suffragiis, acque de fine Officii.

Per ad Primam, & Completorium quadam preces certis diebus

CAPITVM.

las recitentur. Cur etiam in Laudibus, & Vesperis commemorationes sanctorum fiant, itemque sanctæ Crucis, & deprecatio pro pecc. De Versu Benedicamus Domino. De oratione ad B. Virginem, qua dicitur in fine cuiusque horæ. Quis Antiphonam Salve Regina composuerit. 404

CAP. XVII.

De Cantu Ecclesiastico.

- §.1. *Laudatur uniuersum Musica, eiusque varj, & admirabiles effectus enumerantur.* 407
- §.2. *Dicitur quadam de harmonia mundi. Inesse musicam singulis rebus. Origo Musica. De cantu Ecclesiastico. Eum antiquissimum esse. An instrumenta musicalia admittenda in Ecclesia. Primus organorum usus.* 417
- §.3. *Cantus Ecclesiastici qui fuerint primi inuentores. De Musicis, & Cantoribus, eorumque discrimine. De Tonis, seu modis tropicis. Omnem Musica mutationem malam esse. Cur ab hodierna musica non iidem effectus sint, qui ab antiqua. Actum obiter de triplici genere cantus Diatonico, Chromatico, Enharmonico.* 422
- §.4. *De singulis Tonis, eorumque proprietatibus, & effectibus. Quædam de cantu Gregoriano.* 429
- §.5. *Qualis esse debeat Ecclesiasticus cantus. Que vicia à Canto-*

ribus euitanda. Quinam censentur bene cantare. Que vera Musica, quis verus anima contentus sit. 432

CAP. XVIII.

De variis Ritibus, quibus vtitur Ecclesia Catholica in recitandis diuinis Officiis.

- §.1. *Ritibus Ecclesiam varietatibus exornari. Varias Ecclesiarum consuetudines unitati fidei non obesse.* 439
- §.2. *De Ritu Romano.* 441
- §.3. *De Ritu Monastico pro his qui militant sub Regula S. Benedicti. Præmittuntur quadam de excellentia huius sanctissimi Monachorum Patriarchæ.* 445
- §.4. *De Ritu Cisterciensium.* 450
- §.5. *De Ritu Carthusianorum.* 452
- §.6. *De Ritu Præmonstratensium.* 453
- §.7. *De Ritu Prædicatorum.* 454
- §.8. *De Ritu Carmelitarum.* ibid.
- §.9. *De Ritu Lugdunensi Ecclesiæ.* 455
- §.10. *De Ritu Ambrosiano.* 456
- §.11. *De Ritu Mozarabico.* 459
- §.12. *De aliis quibusdam ritibus Ecclesiæ Latine.* 462
- §.13. *De Ritu Græcorum.* 463
- §.14. *De Ritu Græco Monachorum Cryptæ ferratæ Ordinis S. Basilij.* 467
- §.15. *De Ritu Armenorum.* 470
- §.16. *De Ritu Maronitarum.* 474
- §.17. *De Ritu Illyricorum.* 476
- §.18. *De Ritibus Abassinorum, & Coptiorum.* 477

INDEX

- §.19. De aliis quibusdam Ritibus
Ecclesie Orientalis. 478
§.20. De Codicibus sacrarum pre-
cationum. 479

C A P. XIX.

De disciplina psallendi.

- §.1. **D**E duplici preparatione an-
te officium, remota, & pro-
xima. Remotam in relictitudine
vitae, in libertate animi, in oris
sacriurnitate: Proximam in pu-
ritate intentionis, in divina pra-
esentia consideratione, in divini
auxilij imploratione sitam esse.

480

- §.2. Virum oratio ad intellectum, an
verò ad voluntatem pertineat.
Varia orationis definitiones. V-
triusque potentia actus requiri
ad bene orandum. Intellectum
attentione, voluntatem deuotio-
ne componi. Actum prius de re-
uerentia, qua componitur exter-
nus homo. Ea quid sit, & quatuor-
plex, & qua eius incitamenta.

486

- §.3. Ceremonia quid sint, & qua
huius nominis origo. Earum ef-
ficacia, & utilitas ad diuinum
cultum. Vera à falsis, & supersti-
tiosis discernenda. Exteriores ce-
rimonias sine interno spiritu pa-
rum prodesse.

493

- §.4. De Attentione. Eam triplicem
esse ad verba, ad sensum verbo-
rum, ad finem qui Deus est. Qua
& quanta harum attentionum
vis, & necessitas. De eo, qui ra-

pitur extra se dum psallit, con-
trouersa quadam tractantur, &
solumuntur.

496

- §.5. Multis euagationibus huma-
num mentem subiectam esse. Om-
nes euagationes è seipsa fonti-
bus oriri: à curis & sollicitudini-
bus, à magna negotiorum mole,
ab otio, à superfluis colloquiis, ab
animi perturbationibus, à sen-
suum exteriorum libertate, &
ab instabilitate imaginationis.

501

- §.6. Septem euagationum remedia
sigillatim enumerantur. Euaga-
tiones inuoluntarias nullum o-
rationi detrimentum inferre.

506

- §.7. Quid sit Deuotio, qui eius effe-
ctus, & efficacia. Tum nouem do-
cumenta ingeruntur ad eam cõ-
parandam, & conservandam.

509

- §.8. Qua sint impedimenta deuotio-
nis. Interioris, & exterioris
hominis pugna, & humana ca-
lamitatis deploratio. Oratio ad
impetrandum gratiam deuotio-
nis.

514

C A P. XX.

De variis Sanctorum exemplis ad Diuinum officium per- tinentibus.

- §.1. **E**xemplum magnam esse
vim ad vitam recte insti-
tuendam.


519

- §.2. Exemplorum Decades quatuor.

520

- §.3. Operis clausula, & pro ea gra-
tissimum actus.

526



INDEX CARMINVM.

METRVM PRIMVM.

Initium operũ cum inuocatione
superni auxiliũ. Versus he-
roicus exameter solus, ut apud
Boëtium, & Martianum Capel-
lam. pag. 49

METR. II.

*Aduersus Atheos Scazon, quo
passim omnes Epigrammatographi
vniuntur.* 57

METR. III.

*Enthusiasmus, & dicendorum
propositio. Versus exametri heroici.*
82

METR. IV.

*Affectus erga Christi Passionem.
Ode, Dicolos Distrophos: primus
versus est exameter heroicus, secun-
dus senarius Iambus, ut apud Ho-
ratium epod. od. 16.* 86

METR. V.

*De breuitate vite Ode, Tricolos
tetrastraphos. Duo primi Versus
sunt Alcaici Dactylici ex Penthe-
mimere Iambica, & duobus da-*

*ctylis: Tertius est dimeter Iam-
bus Hypercatalecticus: Quartus com-
stat ex duobus dactylis, & duobus
trocheis: ut apud Horatium, lib. I.
od. 9.* 90

METR. VI.

*De horis & horologijs. Elegia
prima.* 105

METR. VII.

*Noctũ Encomium Ode, Dico-
los tetrastraphos. Tres primi ver-
sus sunt Asclepiadei: Quartus
Glyconicus, ut apud Horatium, lib.
I. od. 6.* 128

METR. VIII.

*Potentia Amoris in nocte, &
somnia, atque apparitio sapien-
tia Elegia secunda.* 134

METR. IX.

*Laus Aurora. Carmen Anacreon-
ticum, quo post Anacreontem fessi-
missime vniuntur Martianus Ca-
pella, Prudentius, & Sidonius
Apollinariũ. Primus pes est Iam-*

c ij

INDEX

bus, Spondeus, vel Anapestus, sequuntur duo Iambi, & syllaba.

147

METR. X.

Inuitantur omnes creatura ad cantandas Deo laudes. Ode, Dicolos tetraſtrophos. Tres primi verſus ſunt Daſtylici Alcmani, & conſtant ex ſpondeo, daſtylo, & caſura: deinde daſtylo & ſpondeo. Quartus eſt Pherecratius ex ſpondeo, daſtylo & ſpondeo. Hanc compositionem, ſive ut loquitur Tarentianus Maurus, hanc compaginem & concinnationem, qua verſus alternat, apud neminem vidi. Verſus ſum ego primus haud inueniſſe.

154

METR. XI.

Deſcribitur Orius Solis. Verſus Glyconici, ut apud Senecam & Boëtium ſepe.

156

METR. XII.

Oratio ad Chriſtum. Ode, Dicolos tetraſtrophos. Tres ſiſphici cum Adonio, ut apud Horat. lib. 1. od. 2.

169

METR. XIII.

Enthuſiaſmus ob Adventum Spiritus Sancti. Ode Dicolos diſtrophos. Glyconicus cum Aſlepiadeo, ut apud, Horatium, lib. 1. od. 3.

171

METR. XIV.

Deſcribitur Adventus Spiritus Sancti. Ode, Dicolos diſtrophos. Primus verſus eſt Exameter heroicus. Secundus eſt daſtylicus trimeter hypermeter ab exordio conſtans primo ex una ſyllaba longa, vel duabus brevis, deinde extrinſus ultimis pedibus verſus heroici. Viſuntur hac compositione Lyrici recentiores.

178

METR. XV.

Verus Sol eſt Deus. Ode, Dicolos diſtrophos. Sapphicus cum Glyconico, qua compositione utitur Boëtius lib. 2. Metr. 3. Huius autem Metri argumentum ab eodem Boëtio acceptum eſt, lib. 5. Metr. 2.

182

METR. XVI.

Affectus ſpoſe, id eſt anima querentis ſponſum. Elegia tertia.

186

METR. XVII.

Laudatur mediocritas. Ode, Tricolos tetraſtrophos. Duo Aſlepiadei cum Pherecratio, & Glyconico, ut apud Horatium, lib. 1. od. 3.

188

METR. XVIII.

Affectus anima amantis erga Chriſtum Crucifixum. Ode, Dicolos diſtrophos Iambicus trimeter cum dimetro, ut apud Horatium, Epod. od. 1.

198

C A R M I N V M

METR. XIX.

*Comparatio antiqua, & nostra
atatis. Anapestici dimetri, quibus
passim utuntur Seneca, Boëtius, &
alii.* 205

METR. XX.

*Rerum vicissitudo. Ode, Dicolos
distrophos. Tetrameter dactylicus
cum penthemimere dactylica, qua
compositione utitur Ausonius.* 210

METR. XXI.

*Inuitatio ad lacrymas. Elegia
quarta.* 214

METR. XXII.

*Pax ubi invenienda Phalencij
Hendecasyllabi, ut apud Boëtium,
Martialem, & alios.* 219

METR. XXIII.

*Sicut Sol, ita & homo vix natus
vergit ad finem. Ode, Dicolos di-
strophos. Exameter, heroï us cum
dactyl: cetera metro, ut apud Ho-
ratium, lib. I. od. 7.* 232

METR. XXIV.

*Contemptus Teræ, elenatio ad
Cælum, varique affectus amantis
animæ. Dithyrambus. Versus Da-
ctylici, Iambici, Trochaici, Anape-
stici, Choriambici, Anispaestici,
Ionici, Pæonici, diversorum g.*

*nerum, puri, & impuri, integri,
& mutili, simplices & compositi.
Amas Dithyrambus genus dicen-
di sumidum, plenum vocum com-
positarum, quas Horatius sesqui-
pedales vocat plenum iocorum, &
licentia. Sed ab his consilio absti-
nuï, ne luderem in re seria: solam
ahstem libertatem, & inconstantiam
Dithyrambi in varietate versuum
sequutus sum.* 239

METR. XXV.

*Innuatio B. Virginis Mariæ,
Versus dactyl: qui constant ex
syllaba longa, vel duobus breuibus
in principio, deinde ex tribus po-
stremis pedibus versus heroïci. V-
tuntur his Boëtius, lib. 2. Metr. 5.
& Mart. Capella, lib. 2.* 247

METR. XXVI.

*Laudes, & innuatio B. Virgi-
nis. Elegia quinta.* 252

METR. XXVII.

*Coniuratio inferni, ut portas
pandat. Versus Trochaici tetram-
etri brachycatalecti, ut apud Sen-
cam, Prudentium, & alios.* 260

METR. XXVIII.

*Mortis contentio vera Phi-
losophia. Ode, Dicolos distrophos.
Trimeter Iambicus cum Penta-
metro elegiaco, ut apud Boëtium,
lib. 3. Metr. 6.* 266

INDEX

METR. XXIX.

Omnia contemnenda, quia mors inexorabilis est. Ode, Dicolos distrophos ad instar illius Horatianae, Non ebur, neque aurum: lib. 1. od. 18. 276

METR. XXXV.

Viri iusti constantia. Ode, Dicolos distrophos. Sapphicus cum dimetro Iambico, qua compositione utuntur Recentiores. 306

METR. XXX.

Felicitas paenitentis. Ode, Dicolos distrophos. Dactylicus trimeter hypercatalectus cum pherecratio, ut apud Boëtium, lib. 3. Metr. 6. 280

METR. XXXVI.

Conformitas humana voluntatis cum divina. Ode, Dicolos distrophos. Phalencius hendecasyllabus cum pentametro elegiacus, ut apud Boëtium, lib. 4. Metr. 4. 312

METR. XXXI.

Litania. Ode Dicolos distrophos. Exameter heroicus cum dactylico trimetro hypercatalecto. Hac compositione usus sum ego primus sine ullo exemplo. 289

METR. XXXVII.

Oratio Dominicalis. Ode, Dicolos distrophos. Versus exameter cum Penthemimere dactylica, ut apud Horatium, lib. 4. od. 7. 313

METR. XXXII.

Oratio, & excessus ab humanis. Trimetri Iambici. 295

METR. XXXVIII.

Mysteria fidei. Ode, Monocolos Alcaici dactylici, quibus utitur Claudianus in Epithalamio. Constant ex Penthemimere Iambica, & duobus dactylis. 323

METR. XXXIII.

Dinitum cura. Ode, Dicolos distrophos, Asclepiadeus cum Dimetro Iambico, ut apud Boëtium, lib. 3. Metr. 8. 298

METR. XXXIX.

Oratio paenitentis ad Christum. Ode, Dicolos distrophos. Trochaicus dimeter cum Glyconico. Utuntur hac compositione Lyrici recentiores. 329

METR. XXXIV.

Vera felicitas. Ode, Monocolos, Asclepiadei. Horat. lib. 1. od. 1. 300

C A R M I N V M.

METR. XL.

*Varij affectus amantis anima
erga sponsam absentem, & presen-
tem: dulcisque luctu amoris creati,
& increati. Elegia sexta.* 365

METR. XLI.

*Laudatur David, eiusque Psalmi.
Ode, Dicolos distrophos. Asclepia-
deus cum Pheretratio, ut apud
Boëtium, lib. 2. Metr. 1.* 371

METR. XLII.

*De Sanctis Martyribus. Ode, Di-
colos distrophos. Exameter cum
dimetro Iambico, ut apud Hora-
tium, epod. od. 4.* 401

METR. XLIII.

*Concentus musicus in laudem
Dei. Ode, Dicolos distrophos. Tro-
chaicus dimeter acatalectus cum
altero dimetro catalecto, ut apud
Martianum Capellam, lib. 2.* 415

METR. XLIV.

*Harmonia mundi. Ode, Dicolos
distrophos. Tetrameter dactylicus
cum dimetro Iambico, ut apud
Boëtium, lib. 4. Metr. 1.* 437

METR. XLV.

*Laudes Dini Benedicti Patris
Monachorum. Ode, Dicolos distro-
phos. Exameter cum dactylico te-
trametro acatalecto, ut apud Boë-
tium, lib. 1. Metr. 3.* 446

METR. XLVI.

*Vbique Deus. Ode, Tricolos tri-
strophos. Exameter heroicus cum
dimetro Iambico, & penthemime-
re dactylica. Moras. epod. od. 13.* 484

METR. XLVII.

*Angeli orantibus, & psallentibus
assistunt. Elegia septima.* 489

METR. XLVIII.

*Laudes solitudinis Dimetri
Iambici, quibus solis vtuntur Au-
sonius & alij.* 512

METR. XLIX.

*Amoris potentia. Ode, Tricolos
tristrophos. Trimeter Iambicus
cum penthemimere dactylica, &
dimetro Iambico, ut apud Hora-
tium, epod. od. 11.* 517

METR. L. & VLTIMVM.

*Hymnus Eucharisticus. Carmen
Exametrum.* 533


Errata grauiora sic corrigenda.

P Ag. 8. col. 1. lin. 4. ante finem solitæ, *leg.* solidæ. p. 16. c. 2. l. 11. Allatius, *leg.* Allatius. p. 10. c. 1. l. 20. Cifengrenius, *leg.* Eifengrenius. p. 27. c. 1. l. 38. Allatius, *leg.* Allatius. p. 32. c. 2. l. 6. obseruant, *leg.* obseruatit. p. 47. c. 2. l. 13. Turon. *leg.* Turonensis. p. 64. l. 33. fidem, *leg.* idem. p. 109. l. 28. sed, *leg.* sex. p. 121. l. 5. Cyprim, *leg.* Cyprim. ibidem l. 29. vulgatur, *leg.* vulgatus. p. 149. l. 32. post clarissimo, *adde* lumine. p. 151. l. 1. facilem, *leg.* faciem. p. 156. l. 7. attollitur, *leg.* attollit. p. 159. l. 1. sed, *leg.* Sol. p. 164. l. 11. putantis, *leg.* putantes. p. 166. l. 33. declaratione, *leg.* delectatione. p. 183. v. 3. superagrans, *dele* su. p. 207. initio cap. 7. l. 3. alios, *leg.* filios. p. 220. v. 3. nostri, *leg.* nosti. p. 224. l. 23. Hic, *leg.* Hi. p. 230. l. 29. Latinū, *leg.* latium. p. 268. l. 17. Nircanis, *leg.* Hircanis. p. 277. v. 12. corona, *leg.* coronæ. pag. 281. v. 11. sine *leg.* siue. v. 20. seruiat, *leg.* sæuiat. v. 16. Gestas, *leg.* Gestat. p. 284. l. 23. aliquot, *leg.* aliquotæ. p. 292. n. 1. l. 14. aurora: *leg.* autem. p. 294. l. 28. reformata, *leg.* reforma. p. 305. in Metro v. 19. languores, *leg.* angores. p. 314. v. 5. reuelet, *leg.* releuet. p. 323. in Metro v. 30. dat, *leg.* das. p. 426. l. 9. Radingum, *leg.* Vadingum. p. 331. l. 11. in *leg.* eo. *Ibid.* in titulo §. v. post sanctis, *adde* Patribus. p. 340. l. 11. Aranonis, *leg.* Annonis. p. 147. l. 8. post fermè, *adde* literis. p. 366. v. 1. lampada, *leg.* lampade. p. 371. §. 12. n. 1. l. 10. voce, *leg.* vocis. p. 375. l. 26. dulcedinem, *leg.* dulcem. p. 382. l. 1. Apostolicis, *leg.* Apostolis. p. 389. l. 15. legendum, *leg.* legendi. pag. 400. l. 3. Patropolitanum, *leg.* Pampolitanum. p. 406. l. 6. post supremi, *adde* Spiritus. p. 409. l. penult. Cantus, *leg.* Cantat. p. 413. l. 4. plenam, *leg.* plenum, *qui error corrigendus.* item p. 423. 426. p. 413. l. 17. idem, *leg.* iidem. p. 415. l. 3. optimam, *leg.* optima. p. 417. n. 1. l. 20. otiosam *leg.* curiosam. pag. 425. l. 10. patriciam, *leg.* patriam. *Ibid.* l. 11. quidquam, *leg.* quidam. p. 426. l. 17. definientes, *leg.* desinientes. p. 431. l. penult. præconiis, *leg.* præconis. p. 417. in Metro, v. 16. nihil, *leg.* nil. p. 447. v. 5. concinet, *leg.* concinit. p. 451. l. 1. post tempore, *adde* utimur. pag. 465. l. 10. diuerforium, *leg.* dimissorium. p. 471. l. 4. *leg.* Melchchieferis. p. 480. c. 19. l. 10. S. Simon, *dele* nomen sancti. p. 490. v. 19. tepido, *leg.* lepido. p. 492. l. 4. proximum, *leg.* primum. p. 503. v. 6. oppositis, *leg.* appositis. p. 501. l. 40. corporea, *leg.* corpora. p. 508. l. 2. fide, *leg.* fidei. p. 515. l. 10. disquisitiones, *leg.* disquisitores. p. 517. in Metro v. 18. vestrum, *leg.* vstrum. p. 519. n. 5. l. 16. & rectè, *leg.* & quod rectè. p. 522. l. 12. mendicus, *leg.* medicus.

NOTITIA AVCTORVM,
ET LIBRORVM,

QVI IN HOC OPERE CITANTVR,
NOTANTVR, ILLUSTRANTVR.

PRÆMONITIO AD LECTOREM.

 *Bsequor genio huius seculi, AMICE LECTOR, cui nihil placet, nisi critico sale respersum sit. Quare non nuda Auctorum nomina praefigo, quod alij solent: sed singulis ausus sum adicere censuram, & de ijs proferre, quid sentiam. Nolim tamen huius Edicto semper subscribas, BONVM FACTVM: Mendaces enim sumus in stateris Filij hominum; saepe decipimur, saepe dormitamus. Vt autem ipsi Veteres, ita nos posteri castigabunt, hoc summam habente aequitatem, iuxta Sententiam Iurisconsulti, ff. quod quisque iuris, l. i. ut idem ius nobis dicatur, quod ipsi alijs diximus. Lege, & vale.*

A

Abbas Vrspergensis Ordinis Præmonstraten. cuius nomen diu ignotum est Conradus à Lichtenauu, in Chronico diligens, sed Pontificibus infensus.

Abbas Vercellensis, dictus Thomas Gallus, siue à S. Victore, primus Abbas S. Andreæ Vercellarum, cuius est commentarius in S. Dionysium Areopagitarum facilis & accuratus.

Abraham Ecchellensis Maronita Linguarum Orientalium Professor, multa & recondita præditus eruditione.

Abſalonis Abbatis Sprinkirbacensis sermones docti & elegantes. Huius cum laude meminit Cæsarius Heisterbacensis, lib. 4. cap. 89. Cui Synchronus fuit. Vixit ergo, non anno 1120. ut Miræus scripsit, sed circa an. 1200.

Achillis Bocchij Bononien. Symbolicarum quaestionum libri 5.

- multæ eruditionis, sed styli depressi.
- Achillis** Tatij Alexandrini ex Ethnico, & in Eroticis venusto, sed parum casto Scriptore Episcopi Christiani, teste Suida, Isagoge in Arati Phænomena. Quæ ætate vixerit, non liquet.
- Adam** Abbas Persennæ, quæ est Abbatia Ordinis Cisterciensis in Diœcesi Cenomanensi, cuius elegantissimi sermones extant Romæ MSS. apud doctissimum virum Hilarionem Ræcatum Abbatem Cisterciensem.
- Adam** à S. Victore, auctor sequentiarum Missæ, quas non admittit vetus Ecclesiæ.
- Adonis** Viennensis Archiepiscopi Chronicon breue, ab origine Mundi ad sua tempora.
- Adrianus** Turnebus Criticus celeberrimus, & emunctæ naris.
- Ælredus** Abbas Rieuallii in Anglia Ordinis Cisterciensis, vir sanctissimus, & suauissimi eloquij.
- Ægidius** Columna Romanus, Ordinis S. Augustini Archiepiscopus Bituricensis, & Cardinalis, vir celebris doctrinæ, & miri ingenij, Doctor fundatissimus nuncupatus.
- Ælius** Lampridius Historicus fidelis, sed dicendi genere inutilis. Vixit sub Diocletiano.
- Ælius** Donatus Grammaticus præstantissimus, præceptor D. Hieronymi.
- Ælianus** Scriptor Græcus, sed natus Præneste, ob sermonis suauitatem dictus Melliphtongus, cuius de vatiâ historia, deque historia animalium libros exquisitissimos habemus. Vixit sub Hadriano.
- Æneas** Gazeus Philosophus Platonicus, pietate, & eruditione clarissimus, qui Dialogum de resurrectione, & immortalitate animorum inscripsit Theophrastum, quod potiores in Dialogo partes isti tribuat.
- Ænæ** Scriptoris vetustissimi (nisi fallit inscriptio) commentarius polieteticus. Claruit tempore Alexandri Magni.
- Afranius** fabularum Togatarum egregius Scriptor, quarum extant sola fragmenta apud veteres Grammaticos. Mores eius culpat Quintilianus lib. 10. cap. 1.
- Agapetus** Diaconus vir pius, & magni spiritus, de Regis officio ad Iustinianum.
- Agathias** Scholasticus Smyrnenus, qui tenui stylo, & confuso de rebus Iustiniani libros quinque necessarios conscripsit.
- Agobardus** Lugdunensis Episcopus, vir doctrina insignis, sed Iconomachis consentiens, præterquam in cultu S. Crucis: qui etiam lapsus est, quod in diuinis officiis nihil vellet admittere præter sacram Scripturam.
- Agræti** inter veteres Grammaticos recensitus ob libellum de Sermone Latino.
- Aimoinus**, siue Aimonius Monachus de rebus Francorum laudabiliter scripsit, sed notat Baronius Tomo 10. eum Iconoclastis consensisse. Quis iste fue-

rit, & quo tempore vixerit, de-
que duplici Aimo nō eruditif-
simè, vt solet, Philippus Lab-
be in dissertationibus ad Bel-
larminum de Scriptoribus Ec-
clesiasticis.

Alanus Insulensis ex primo Ab-
bate Ripatorij Ordinis Ci-
sterciensis in Diœcesi Trecen-
si Episcopus Antissiodorensis,
quem pleriq; confundunt cum
altero Alano Conuerso Cister-
cij, qui dictus est Doctor vni-
uersalis, cum longè ab illo di-
uersus sit. Scripsit Poëma con-
tra Claudiani Rufinum, quod
ideo Anticlaudianum vocauit.
Valerius Andreas in Biblioth.
Belgica ait Episcopum vitam
duntaxat S. Bernardi, alia ope-
ra Conuersum scripsisse. Episco-
pus obiit anno 1182. Conuersus
1294.

Albinus Flaccus Alcuinus, Abbas
multæ pietatis, & scientiæ Scri-
ptor, quem Eginarthus ait Ma-
gistrum fuisse Caroli Magni.
Liber autem de diuinis officiis
malè tributus ei videtur, quia
in eo citantur versus Theodul-
phi Episcopi Aurelianensis, qui
vixit sub Ludouico Pio, quod
etiam obseruauit P. Sirmondus
in notis ad Teodulphum.

Alcinous de doctrina Platonis
Platoniorum lectioni necessa-
rio præmittendus, quem li-
brum commentariis illustra-
uit Iacobus Carpentarius. Sed
hunc perperam Alcinoo tribui
suspicio est. Longam enim sen-
tentiam ex capite eius 10. citat
Eusebius lib. 11. Præp. Euang.

cap. 23. sub nomine cuiusdam
Didymi, quem infra lib. 15. cap.
25. Arium prænominat, nisi for-
tè hic Dydimus ab Alcinoo ac-
cepit. Ætas eius incerta.

Alcimus Auitus Viennen. Archie-
piscopus, qui plura grauitè, &
venustè scripsit versu, & soluta
oratione. Ioannes Gagneus in
editione Lugdunensi anni 1536.
multa pro arbitrio mutauit, &
inaudito facinore quingentos
propè versus suos pro Auiti
versibus intrusit. Pura habentur
Auiti Poëmata in editione
Sirmondi.

Alexandri ab Alexandro I. C. die-
rum genialium opus omni anti-
quitate & eruditione refertif-
simum. Improbant in eo criti-
ci, quod Auctores dissimulat,
per quos profecit.

Althelmus Episcopus Anglus, cu-
ius est liber de Laudibus Vir-
ginitatis stylo tumido, poëtico,
confuso, verbisque nouis, &
inuitatis.

Alexander Halensis Anglus in-
signis Theologus Ordinis Mi-
norum, dictus Doctor irrefra-
gabilis.

Alardus Gazzus Monachus eru-
ditus Cassiani Scholiastes.

Algazel Philosophus Arabs Aui-
cennæ Sectator, & abbrevia-
tor.

Aloysius Nouarinus vir multa
præditus eruditione, sacra &
profana.

Albertus Crantzius Hamburgensis, diligens Historicus regionū
Septentrionalium, cuius Ca-
tholicæ doctrinæ impiæ notæ

ad marginem additæ sunt à Secretariis.

Albertus Pighius, vir acutissimi ingenij, Theologus, Philosophus, & Mathematicus peritissimus, sed liber eius de Ecclesiastica Hierarchia cautè legendus est, quod non semper solidam tradat doctrinam.

Alphonfus Tostatus Episcopus Abulensis, vir ingenio, iudicio, ac pietate eximius, qui brevissimo tempore, cum non nisi XL. annis vixerit, copiosissima in scriptutam commentaria reliquit.

Alphonfus à Castro Ordinis Minorum, acerrimus Fidei propugnator, sed notat eum aliquando Bellarminus in controversiis.

Alphonfi Regis Hispaniarum Tabulæ Astronomicæ Astrologis necessariæ, quas Lucas Gaucricus castigavit.

Alypius Musicus, cuius Isagogen edidit Ioan. Meursius, eumque vixisse putat sub Iuliano.

Alcoranum lex impiissima Turcarum.

Ambrosius Ansbertus Monachus sacrarum literarum peritia clarus. Fuit Abbas S. Vincentij ad fluviū Vulturum, qui Capuam interfuit. Testatur ipse met se vocari Autpertum in fine libri decimi comment. in Apocalypsim, seque vixisse ait tempore Desiderij Longobardorum Regis, vnde perperam à plerisque sæculo nono adscribitur,

Ambrosius Mediolanensis Epis-

copus verè cœlesti manans ambrosia: cui tamen, sicut & ceteris Patribus, quædam tribuuntur, quæ sua non sunt,

Amalatio Fortunato Episcopo Treuirensi perperam tributum opus, quo Ecclesiastica officia explicantur doctè, diffusè, sed quandoque nimium subtiliter. Eius autem verus auctor est alter Amalarius Ecclesiæ Metensis Diaconus. De duobus Amalariis vidi M. S. dissertationem Constantini Caietani, in qua ait hunc posteriorem ex Monacho Metensi, & Archidiacono Turonen. Cardinalem fuisse, & vixisse circa an. 840. quod verum est, cætera criticis examinanda relinquo.

Amedeus ex Abbate Altæcumbæ Ordinis Cisterciens. Episcopus Laufanen. dulcissimus B. Virginis Encomiastes.

Ammianus Marcellinus, Historicus iudicio & fide clarus; sed stylo Poëtico, duro, & inepto: Homo enim Græcus græcas retinuit loquendi formas. Iuliani Apostatæ miles & Parasitus fuit, Christianis infensus. Scripsit libros xxxj. sed priores xij. desiderantur.

Amphilochius Iconij Episcopus; quem D. Hieronymus parem facit Basilio, & Gregorio Nazianzeno. Sed vita Basilij ei falso tributa est.

Andreas Hierosolymitanus, Episcopus Cretensis, magni spiritus Orator.

Andreas Tiraquellus I. C. vario litterarum genere excultus.

Ansgardus Monachus, scriptor vitæ S. Anberti Rothomagensis Episcopi.

Anacreon Teius Lyricus Græcus festiuissimus.

Anacleti Sicci de Ecclesiastica Hymnodia, eiusque vsu & præstantia liber elegans, & eruditus.

Anastasius Abbas, & Bibliothecarius Apostolicus Græcè & Latinè doctus. In vitis Pontificum plura sunt vocabula illius ætatis qua vixit, circa finem sæculi noni, tunc omnibus cognita, nunc obscura & difficilia.

Anastasius Abbas alter, cuius est eruditum, sed mutilum opus aduersus Iudæos.

Anastasius Episcopus Nicænus, cuius sunt doctæ responsiones ad Orthodoxos, si tamen eius sunt & non alterius, vt quidam putant.

Anastasius Sinaïta Patriarcha Antiochenus, eruditione & scientia scripturarum insignis, cui tamen quædam tribuuntur, quæ sunt alterius Anastasij Patriarchæ item Antiocheni recentioris.

Angeli Caninij Anglarensis doctæ & solidæ disquisitiones in nouum testamentum ex Linguis Orientalibus.

Angelus *del Paz*, Ordinis Minorum, vir solidæ & facundæ doctrinæ, atque eximie pietatis.

Angelus Manriquez vir doctissimus, & clarissimus, qui Annales Cistercienses summa cura conscripsit, sed defuit illi multarum rerum cognitio, quibus

vberiores eos reddere potuisset.

Angelus Minorita Musicus auctor Floris Angelici.

Angela de Fulgineo in cuius spiritualibus scriptis quædam duriora sunt, quàm ferat communis vsus Scholasticæ Theologiæ.

Antigonus Carystius, quem laudant Laërtius, & Athenæus, multa scripsit; nunc verò sola supersunt Collectanea historiarum mirabilium, quarum iucunda, sed sæpè fabulosa narratio est.

Antonij Magni sanctissimi Patris Monachorum Epistolæ Apostolici sensus, & spiritus, quas ex Arabico in Latinum idioma transtulit vir Cl. abrahamus Eccellenensis Maronita.

Antonius Augustinus Archiepiscopus Tarraconen. Iuris Pontificij diligens & doctus Epitomastes, & Romanarum antiquitatum peritissimus, sed in expendenda temporum ratione, & Canonum veritate non admodum accuratus.

Antonij Dauroutij Catechismus historialis, magno labore & diligentia scriptus.

Antonius Iopez Ordinis Benedictini Chronologus in multis corrigendus.

Antonius Monchiacenus Demochares Ressonæus Doctor Sorbonicus, cuius est doctissimum & laboriosum opus de sacrificio Missæ aduersus Misoluzugos.

Antonius Patauinus sanctitate

admirandus, cuius scripta cum solida doctrina iunctam habent Christianam simplicitatem.

Antonius Perez, vir doctus, sed in Regula S. Benedicti explicanda parum diligens.

Antonij Riciardi Brixiani commentaria Symbolica, quibus arcana multa explicantur.

Anselmus Cantuarien. Archiepiscopus, cuius opera doctrina & succo plenissima sunt.

Antiochi Monachi Græci Homiliæ spirituales, siue Pandectes scripturarum stylo conciso, & eleganti.

Anthologia seu Florilegium Epigrammatum Græcorum, opus varium, in quo plura frigida, & inepta.

Annibal Rosselius Calaber, cuius est in Pimandrum Trismegisti ingens commentarium omnem ferè Philosophiam, & Theologiam complectens.

Apollodoti Grammatici Bibliotheca, siue deorum genealogia compendium continens omnium fabularum.

Apollonij Rhodij Argonautica, opus laboriosum, in plerisque durum & ingratum.

Apuleius Medaurensis, Philosophus Platonici stylo tumido & inflato, magno tamen ingenio, & faceto.

Aratoris subdiaconi historia Actuum Apostolorum eleganti carmine explicata.

Apollinaris Episcopus Laodiceus, postea in hæresim lapsus, vir doctissimus & eloquentis-

simus, qui heroïco carmine multa scripsit. Sunt qui illi Tragædiam Christi patientis tribuant, sed stylus depressior est, quàm sint alia eius Poëmata.

Aponius antiquus & Latinus scriptor, Cantica Canticorum iuxta sensum allegoricum exactissimè explicauit. Sed magna pars huius operis interijt.

Ardo Smaragdus Monachus Anianæ, vir doctrina & sanctitate præclarus, auctor Commentariorum in Regulam S. Benedicti, quæ passim tribuntur Smaragdo Abbati S. Michaëlis, quæ etiam Iacobus Pamelius perperam adscripsit Rabano Mauro.

Aristeas scripsit ad Philocratem historiam LX XII. Interpretum. Sed qui nunc extat sub eius nomine vulgatus liber supposititijs existimatur; nam Latinus multum differt à Græco, ex quo quædam Eusebius lib. 8. de Præp. Euang. Sed & Græcum à Iudæo quodam Alexandrino confectum esse docet Valesius in notis ad eundem Eusebij hist. Eccl. lib. 5. cap. 8.

Aristoxenus Tarentinus discipulus Aristotelis, quem Suidas ait in omni disciplinarum genere excelluisse. Eius Harmonica elementa primus edidit Ioannes Meursius.

Arnobij Afri libri 7. contra gentes, variaz eruditionis, sed styli asperioris, confusi, & inæqualis.

Arnobij alterius iunioris, qui paulò post S. Leonem vixisse creditur, breuissimi commentarij in Psalms iuxta mysticum sensum, id seruantes vt Psalmi series omni ex parte sibi cohercat, quod & iucundum, & ingeniosum est.

Arnoldus Abbas Bonzuallis, vir admodum pius & doctus, non Cisterciensis, vt quidam putarunt, sed Benedictinus. Huius esse librum de operibus Christi Cardinalibus olim Cypriano tributum testatur Lucas Holstenius ex fide antiqui Codicis M. S. Nec officit coniectura Pamelij existimantis illius auctorem propè tempora S. Cypriani vixisse, quod scribat contra Nouatianos, nam Arnoldus eosdem hæreticos redarguit, libro de 7. verbis Domini. Stylus quoque non est dissimilis ab alijs operibus Arnoldi. Inscriptio verò ad S. Cornelium Pseudepigrapha est.

Arnoldus Vuion Ordinis Benedictini laudator egregius, cui plura addi, multa etiam demi possunt.

Aristoteles Stagiritis Summus Princeps omnium scientiarum, cuius mores Laërtius & Tertullianus, doctrinam alij carpunt, præsertim Melchior Canus in suis locis Theologicis.

Aristenæti eroticæ & lepidissimæ Epistolæ; sed obscenæ, & in quibus non verba rebus, sed verbis res inseruiunt.

Aristophanis Comædiæ facetæ

& elegantes, sed maledicæ. Vixit Olymp. 85.

Artemidori Daldiani liber vanissimus, sed eruditus, de somniorum interpretatione, inter cætera, quæ mendax Græcia finxit, numerandus. Vixit tempore Antonini Pij.

Archangeli Burgonouensis Minoritæ Cabalistarum obscuriora, & selectiora dogmata caurè legenda. Fuit hic discipulus Francisci Georgij Veneti, & tres etiam libros scripsit de excellentia nominis Iesu ex nugis Cabalistarum.

Arati melioris Poëtæ, quæ Astrologi Phænomenon liber vnus. Vixit Olymp. 127. teste Eusebio.

Arrianus Nicomediensis Epicæti discipulus, cuius dissertationes libris octo, sermones libris duodecim scripsit, ex quibus soli quatuor supersunt: Historicus item insignis, dictus alter Xenophon, vt testatur Suidas. Vixisse creditur circa tempora Maximini.

Aristides prænomine Elius Adriænis omnium Sophistarum artificiosissimus.

Asterij Episcopi Amasæ in Ponto Homiliæ dulcissimi styli, & ad affectus concitandos aptissimi.

Astrampsychi Onirocritica, olim falsò tributa Nicephoro Patriarchæ Constantinop. Eius meminit Suidas.

Asconius Pædianus Patauinus antiquus, & doctus Grammaticus, cuius supersunt in quâdam

- Ciceronis orationes notæ , seu Commentarij.
- Athanasius Alexandriæ Episcopus, columna Ecclesiæ, sincerus Fidei defensor.
- Athanasius Kircher Fuldenſis, omnium linguarum cognitione, & totius Mathesis, præsertim Musicæ scientia singulariter excultus, qui abditam Ægyptiorum, aliorumque Orientalium Philosophiam è tenebris excitauit.
- Athenagoras Atheniensis, eximius Christianæ Fidei defensor aduersus Gentilium calumnias. Cum verò Athenagoræ nulla sit mentio apud Eusebium, & D. Hieronymum dubitat Baronius *in notis ad diem 18. Ianuarij*, an opera tributa Athenagoræ sint S. Martyris Athenogenis. Sed Proclus Philosophus relatus ab Epiphanio *basiliensi 64. num. 21.* citat ea sub nomine Athenagoræ, vt obseruat Petauius.
- Athenæi vndeque doctissimi libri dipnosophiston, idest de cænis sapientum. Claruit temporibus Antonini Philosophi, & L. Veri.
- Augustinus Hipponensis Præsul, Phœnix ingeniorum, omni laude superior.
- Augustini Fortunij historia sacri Ordinis Camaldulensis.
- Augustinus Steuchus Eugubinus, cuius libri de perenni Philosophia solitz pietatis, ac veræ Philosophiæ indices sunt, continentque medullam omnium antiquorum Philosophorum.
- Aubertus Miræus vir multæ doctrinæ & eruditionis, & de Ecclesiasticis antiquitatibus optimè meritus.
- Aurelius Olympius Nemesianus Poëta suauis, & venustus.
- Aurelius Victor, summæ auctoritatis Historicus, qui scripta sua ex Suetonio, Eutropio, & aliis antiquioribus contexit.
- Auli Gellij, siue Agellij, vt aliis placet, Noctes Atticæ puræ latinitatis, ac multiplicis eruditionis.
- Aufonius Magnus Burdegalenſis laudabilis Poëta, sed styli durioris. Hunc Victor Gifelinus *in Scholiis ad lib. 2. Prudentij contra Simmacum* falsò insinuat apostasiam à Fide Christiana ad Ethnicismum. Constat autem ex Paulino Gentilem fuisse, & quæ de Christo inter eius opera sunt, ei perperam tribuuntur.
- Audoënius Rothomagen. Episcopus, vir sanctus, & doctus Scriptor vitæ S. Eligij Npuiomenſis.
- Auerroës Summus inter Arabes Philosophus implacabilis Auicennæ æmulus, & Aristotelis commentator, à veræ sapientiæ semita sæpè aberrans.
- Auicenna Arabs Medicus, & Philosophus multi nominis ad Christianam Philosophiam proximè accedens. De huius patriæ & nomine, & qualiter se mutum, ac surdum simulans à celeberrimo Medico scripta surripuerit, quæ postea suo nomine edidit, iucundam historiam, nescio

nescio qua fide, narrat G. Sionita è Monte Libano cap. 3. suæ Arabiæ. Vixit anno Christi 990.

B

B Acchij Isagoge artis Musicæ. Extat M. S. Romæ cum aliis antiquis Musicis in Bibliotheca Eminentissimi Cardinalis Barberini.

Bacchiarij elegans & efficax Epistola ad Ianuarium de recipiendis lapsis.

Bandomia, siue Bandominia Sanctimonialis, quæ ad vitam S. Radegundis Reginæ librum addidit, quo complectitur prætermittit à Fortunato.

Bartholomæus Gauantus sacrorum Rituum cognitione celebris.

Bartholomæi Cassanæ multæ lectionis viri Catalogus gloriæ mundi.

Baptista Platina vir doctus, sed in vitis Pontificum parum verax.

Baptista Vernacia Sanctimonialis magni spiritus, & à Deo edocta.

Basilus Magnus facundia & scientia maximus.

Basilus Seleuciæ Episcopus perspicacis ingenij, & ornatæ dictionis Orator, quem notat Photius nimium tropis abundare.

Basilij alterius Iunioris Monachi Asceticæ vitæ descriptio edita à Iacobo Pontano.

Basilij Imperatoris ad Leonem F. Capita exhortatoria Christiana

pietate plena.

Barnabas Brissionius I. C. & Criticus iudicio, & eruditione insignis.

Beda Ven. Monachus omni disciplinarum genere excellens.

Benedicti Monachorum Patris Regula sermone luculenta, discretione præcipua.

Benedictus Pererius Sacrorum librorum accuratus Interpres.

Bernardus Abbas Claræuallensis Doctor mellifluus, & Theodidactus, spiritualis doctrinæ Thesaurus.

Bernardus Abbas Fontis Calidi aduersus Valdenses.

Bernardus Bauhusius, qui pia & acuta scripsit Epigrammata.

Berno Augiæ Abbas, mysteriorum Missæ explanator. Scribit ipsemet lib. 1. de Officio Missæ se interfuisse coronationi Henrici II. Imp. anno 1014. ex quo patet quo tempore vixerit, contra quæ alij putarunt, qui annis ducentis antiquiorem faciunt.

Berengosius Abbas, vir multæ & facundæ scientiæ.

Berrardini Sacci Ticinensis Historia varia, curiosa, & multa continens scitu digna.

Berosus Chaldaus ab Annio Viterbiensi confectus.

Bessarion Cardinalis acerrimus, Platonis defensor.

Bionis Smyrnæi Idyllia, & carmina varia.

Bonauentura, vita & doctrina Seraphicus.

Boëtius Seuerinus Philosophus, mathematicus Theologus, Rhetor item, ac Poëta acutus, lo-

- cuples, & sublimis; multum licet repugnante Laurentio Valla, qui docet eum, latinè loqui.
- Bonifacius Archiepiscopus Moguntinus, & Martyr, vir Apostolici spiritus.
- Bonifacii Simonetæ Abbatis Cisterciensis opus eximium de Christianis persecutionibus, quod nouo inuento in sex libros Epistolarum diuisit. Vir fuit multæ lectionis. Vixit anno 1490.
- Breuiaria diuersorum Ordinum, & Ecclesiarum.
- Brigitte sanctissimæ feminae Reuelationes, maturo Theologorum iudicio approbatæ.
- Bruno Astensis, Abbas Montis Cassini, & Episcopus Signinensis, sanctitate & doctrina insignis, cuius opera nuper edita sunt Venetijs.
- Brunonis Cartusianorum Fundatoris commentaria pia, & docta in scripturam.
- Brunonis Herbipolen. Episcopi, patruelis Conradi II. Imperatoris Commentaria item in scripturam.
- Burchardus, siue Brochardus Episcopus Vormaciens. sacrorum Canonum collector.
- C
- Callistrati Græci expositio statuarum; quem solum librum habemus ex multis, quos huius nominis varii Scriptores ediderunt.
- Callimachus Cyrenæus Hymnographus, & apud Græcos Elegiæ Princeps. Carmen eius de coma Berenicis Latinè reddit Catullus. Ex eo colligimus eum vixisse vsque ad Ptolomæum Evergetem.
- Calpurnius Flæcus declamator disertissimus.
- Calpurnius Siculus Poëta, generosæ venæ bucolicus, tempore Cari Imperatoris.
- Carolus Sigonius Mutinensis, vir multæ & excellentis doctrinæ, atque prudentiæ.
- Cassiodorus Senator, & Regi Theodorico ab Epistolis, postea Monachus, vir grauis & solidè doctus, cuius sacræ & profanæ lucubrationes plenæ sunt iucunditatis & gratiæ.
- Catharina Bononiensis mysticæ Theologiæ alumna præclarissima.
- Catharina Senensis, cuius Dialogi, & Epistolæ mirabilem sapientiam pro vitæ institutione continent.
- Caius Iul. Cæsar in Commentariis purus, tersus, sine fūco, quem Quintilianus eodem animo scripsisse ait, quo pugnavit.
- Cæsarij Arelatenensis Homiliæ suauæ & deuotæ.
- Cæsarius scriptor Dialogorum de fide Catholica, frater Gregorij Nazianzeni, vt ait Photius, & alij post eum; tamen id negat Iacobus Billius, in orat. 10. *Nazianz.*
- Cæsarius Heisterbacensis Ordinis Cisterciensis, in Historiis memorabilibus pius, verax, & simplex.

Cæſaris Batoniꝝ Cardinalis Annales Eccleſiaſtici, opus ingens, & Eccleſiæ neceſſarium.

Cebeſis Thebani diſcipuli Socratis Tabula, qua vitæ humanæ rectè inſtituendæ præcepta continentur.

Cenſorinus Inculentus & curioſus auctor, cuius libellum de die natali laudant Sidonius Apollinaris, & Aurelius Caſſiodorus.

Chalcidij in Timæum Platonis argutiſſima Commentaria, niſi quod dimidiam tantum partem explanat. Chriſtianus fuit & Diaconus Eccleſiæ Carthaginēſis, & hæc Commentaria Ofio Cordubenſi dedicauit. Extat ad hunc Chalcidij Fulgentij Planciadis liber de priſco ſermone. Cæſar Vaninus in ſuo diuinæ Prouidentię Amphitheatro Chalcidicum perperam vocat, & circumforaneum blateronem admodum indignè.

Chriſtianus Druthmarus Monachus Corbeienſis trium Linguarum peritus, Euangelii ſecundum Matthæum doctus Commentator, ſed incultæ diſtinctionis.

Chriſtophorus Clauius Bambergenſis, recentiorum Mathematicorum Princeps.

Chriſtophorus Marcellus Venerus, ſcripſit de Anima vniuerſalis traditionis ſpiſſum volumē, quo tractatus abſolutiſſimus continetur de Anima vegetatiua, ſenſitiua, & rationali ad mentem Ariſtoreliſ & Plato-

nis, ſtylo tamen conſuſo & obſcuro.

Chriſtophorus Varſenicius, Canoniciſ Cracouiienſis, vir nobilitate, doctrina, rebusque geſtis pro Catholica fide eximiis.

Chromatius Aquileienſis Epico-
pus SS. Hieronymi & Ambroſii teſtimonio celebris.

Chryſippus Preſbyter Hieroſolymitanus, cuius extat elegans ſermo de B. Virgine.

Chryſoſtomus Henriquez, diligens Compiler Menologiꝝ Cisterciensis, in quo tamen quædam ſunt ſphalmata circa Hiſtoriam, & Chronotaxim.

Claudianus Latinorum Poëtarum glorioliſſimus, & ſi Græcis cõparetur ſoli Homero ſecundus. Non tamen Chriſtianus fuit, vt quidam putant; nam Auguſtinus, *lib. 5. de Ciuit. c. 16.* dicit eum à Chriſti nomine alienum fuiſſe: & Paulus Oroſius, *lib. 7.*

Hiſtor. c. 33. eundem vocat eximium Poëtam, ſed paganum peruiacitiſſimum. Verſus autem de Chriſto, qui ei tribuuntur, ſunt Claudiani Mamerti Vienneſis Preſbyteri, ſive Damafi Papæ, vt aliis placet.

Claudii Marii Victoris Maſſilienſis, Commentariorum in Ge-neſim libri tres verſu heroico eleganti. Fuiſſe autem ſecularis literaturæ quam ſacrarum literarum peritiorem, iudicium eſt Gennadii Maſſilienſis.

Clandius Eſpencæus inſignis Theologus Pariſienſis, ſed in quibusdam cautè legendus.

Claudius Salmaſius Eccleſiæ Ro-

- manæ hostis, vir loquax, & veterum Auctorum Compiler.
- Claudius Minoës vir multæ lectionis & eruditionis.
- Claudius Seissellus ex Episcopo Massiliensi Taurinensis Archiepiscopus, scientia, eloquentia, & pietate insignis.
- Clemens Alexandrinus penu sciētiæ, priscorumque sapientum medullam continens.
- Clemens Romanus Martyr, in cuius operibus vtilia multa sunt, multa item apocrypha, & quæ tanto viro perperam adscripta censentur.
- Clemens Galanus Clericus Regularis, vir de Armena Ecclesia optimè meritis, qui de eius cum Romana conciliatione luculentum opus edidit Latino, & Armeno idiomate.
- Cledonius Romanus Senator, cuius est expositio in Donati Grammaticam.
- Constantius Presbyter de vita Sancti Germani.
- Constantinus Caietanus Abbas, vir eruditus, sed cum voluerit inimicitias clarescere, multorum in se odia concitauit.
- Constantino Imperatori cognomento Pogognato tributa Geoponica, siue de re rustica liber, quem collegit ex variis Auctoribus Dionysius Vticensis, vel secundum alios Cassianus Bassus, ut ait Vossius, *cap. postremo libri primi de Historicis Grecis*.
- Constantinus Harmenopolus dignitate, & literatura illustris.
- Consalius Durantus Episcopus, qui reuelationes S. Brigittæ notis illustrauit.
- Columbanus Abbas notæ sapientiæ & sanctitatis magister.
- Cornelius Gallus Foroiuliensis, mellitissimus Poëta. Sed Maximiani esse quæ vulgò ei tribuuntur, nihilque Galli ad nos peruenisse Critici accuratores sentiunt.
- Cornelius Tacitus, vir liberi iudicii & styli, prudens & acutus; sed impius quandoque, & de testandus.
- Cornelius Celsus Medicus; at in illo styli facilitas, breuitas, numerus, non Medicina spectanda est. Vixit sub Tiberio.
- Cornelius Iansenius, senior sacrarum Litterarum accuratus Interpreter.
- Cornelius à Lapide pius item & doctus Scripturarum expiator.
- Colutus Thebanus Lycopolita Poëta præclarus de raptu Helenæ. Claruit tempore Anastasii Imp.
- Columella vtilis, eloquens, & politus Auctor, qui de re rustica minimè rusticè scripsit tempore Claudii Imperatoris.
- Corippus Africanus Grammaticus, & Poëta sub Iustino iunior Augustus, cuius laudes cecinit carmine heroico.
- Cosmæ Hierosolymitani Hymni sacri & elegantes. Fuit Episcopus in vrbe Majuma Constantino Copronymo imperante.
- Concilia generalia, & Prouincialia.

Curius Fortunatianus, cuius sunt libri tres Rhetoricæ Scholicæ, quibus hanc artem optimè expressit.

Cydonij oratio de contemnenda morte. Est autem hic Demetrius ille Cydonius Theſſalonicenſis, vir multæ doctrinæ & pietatis, qui multa opera D. Thomæ Aquinatis in Græcum tranſtulit, & aduerſus Schiſmâ Græcorum plura ſcripſit.

Cyprianus Martyr floridus, ſuavis, doctus, & efficax ad perſuadendum. Tertullianum in quibusdam opusculis imitatus eſt, ſed ſtylo clariori, & elegantiori.

Cyrellus Alexandrinus pietate, eloquentia, & acumine inſignis.

Cyrellus Hieroſolymitanus, cuius Catecheſes Apoſtolicam redolent ſcriptionem.

D

Dacio Epifcopo Mediolanenſi falſo adſcriptum Chronicon vt cenſent viri docti.

David à Mauden, rerum moralium peritiſſimus.

David Origanus, cuius Aſtronomiæ Ephemerides valdè eruditæ ſunt, in nonnullis tamen locis expurgandæ.

Demetrio Phaleræo, tributus liber de elocutione Rhetoricis neceſſarius, qui eſſe creditur alterius Demetrii Rhetorici Alexandrini, vt docet Voſſius, lib. 6. *inſtitutionum oratoriarum*, c. 2. ſect. 2.

Diadochi Photicenſis Epifcopi

capita centum de perfectione doctæ & ſublimia.

Dio Cocceius, Romanæ Hiſtoriæ ſcriptor elegans: ſed qui morum, vel iudicii prauitate inſignes viros inſectatur Ciceronem, Senecam, & alios. Grandiſſermone & tumido vtitur, vt notat Photius.

Dio Pruſæus ob auream facundiam dictus Chryſoſtomus, orator Clariffimus, vehementia, vbertate, & varietate præſans.

Diodorus Siculus, Hiſtoricus celeberrimus, quem Plinius ait primum è Græcis eſſe, qui deſierit nugari. Veræ tamen Hiſtoriæ fabularem initio admifcuit, & ex quadraginta libris, quos ſcripſit, quindecim ſoli ſuperſunt. Vixit ſub Auguſto.

Diogenes Laërtius ſedulus indagator antiquitatis, ex cuius libro de vitis Philoſophorum multum proficere poſſunt ſtudioſi. Sunt qui dicant eum plus ſtudiij in legendo, quam diſtingentia in ſcribendo adhibuiſſe. Floruit circa tempora Antonini Pij.

Diomedes Grammaticus multæ peritiæ in arte ſua.

Dionyſius Areopagita, dictus Teoſophus, vt ait Hilduinus in Areopagiticis, vertex Theologorum.

Dionyſius Carthufianus, doctor extaticus, pius, ſapiens, & numero operum quæ ſcripſit, vix vli poſt Auguſtinum poſtponendus.

Dionyſius Halycarnaſſæus ſtudioſiſſimus antiquitatis; utilis, &

veracissimus Historicus, nobilis itē Rhetor, & subtilis Criticus. Vixit sub Augusto; Librosque xx. scripsit, sed xj. soli supersunt.

Dionysius Alexandrinus sanctitate & doctrina eximius, cuius scēe cum laude Veteres Patres mentionem faciunt Hieronymus, Athanasius, itemque Eusebius, & alij.

Dionysius Longinus Cassius mordax Criticus, & Rhetor praestantissimus, atque egregius Philosophus, Magister Porphyrii, quem Ennapius in vita Porphyrii, & ipse Porphyrius in vita Plotini valde commendant.

Dionysius Petavius luculentus, & doctissimus Scriptor, humana & diuina literatura insignis.

Dionysii Thracis Tiresi Alexandrini discipuli Aristarchi docti, & antiqui Grammatici diæreses. Hunc laudant Clemens Alex. lib. 5. Strom. Plutarchus in vita Homeri, Suidas, Sextus Empyricus lib. 1. adu. Mathem. c. 3. & alij. Pleraque eius opera extant M. S. in Bibliotheca Vaticana.

Diophantus Alexandrinus insignis Arithmeticus, & præcipuus Algebrae Scriptor, eiusque inuentor. Vixit sub Antonino, eique rectius Algebrae inuentio tribuitur, quam Gebro Arabi, ut quidam putant.

Dioscorides Anazarbensis, Medicus celeberrimus, quem secuti sunt, & transcripserunt ferè omnes, qui de simplicibus me-

dicamentis tractant.

Dorothei Archimandritæ doctrinæ, siue sermones Monastica disciplinae praxim edocentes.

Dorotheus Tyrius creditus auctor Synopsis de vita, & morte Prophetarum, quo in libro multa sunt tanto viro indigna. Sunt qui putant esse cuiusdam Dorothei Abbatis Romani.

Dracontius Poëta Christianus non ignobilis de opere sex dierum.

Drogo Monachus, & Episcopus Ostiensis, pius, dulcis, & facundus.

Dungalus Monachus aduersus Claudium Taurinen. Episcopum Iconoclastam.

E

Ebrardi Betuniensis liber Anti-hæreseos, quo Valdensium sectam egregie, & diffusè confutat.

Echberti Monachi in Sconaugia sermones aduersus Catharos: itemque deprecatio ad Beatam Virginem inter opera D. Bernardi.

Ecclesiæ Lugdunensis liber de tribus Epistolis, quo quemdam Monachum subtilissimè defendit, Gotteschalcum scilicet hæreticum, cuius historiam Lud. Cellotius scripsit, ubi multa de hoc libro, eiusque Auctore.

Edmundus ex Monacho Cisterciens. Archiepiscopus Cantuarien. vir magnæ sanctitatis, sed simplicissimi eloquii.

Eginhardus Caroli Magni Imper. gener, deinde Monachus, & vir

- eius Scriptor elegans, & fidelis.
- Elizabeth de Sconaugia libri tres Reuelationum, in quibus quædam sunt æquiori trutina examinanda.
- Elias Cretensis Nazianzeni Scholastes.
- Eliz Monachi Græci Florilegium spirituale.
- Eligij Nouiomenfis Episcopi vtiles ad populum, & ad clerum Homiliæ.
- Emmanuel Bryennius Musicus Græcus peritissimus, in quo multa sunt, quæ irem reperiuntur in Musica Euclidis, & Aristidis Quintiliani. Sed cum huius ætatem ignorem, nescio quis plagium fecerit.
- Emmanuel Malaxus Pelloponnesius auctor Turco. Græciæ, quam Martinus Crusius Græcè & Latine edidit.
- Ennius primus inter Latinos Epicus Poëta, ingenio maximus, arte rudis, vt ait Ouidius.
- Epiphanius Episcopus vniuersæ antiquitatis Ecclesiasticæ prætorarium, sed qui in sermone Atticæ elegantie nitorem neglexit.
- Epiphani Constantiniopolitani Epistola ad Hornisdam.
- Ephrem Syri Diaconi opera spiritualem doctrinam, & cælestem pietatem redolentia.
- Epictetus Stoicus veræ Philosophiæ incomparabilis Magister, quem Franciscus de Sales Episcopus Gebennensis. *lib. 1. de Amore Dei cap. 18.* probabile existimat ad fidem conuersum
- in fine. Expurgandus autem est ab erroribus Stoicisimi.
- Eradius Presbyter, cuius sunt quidam sermones inter opera D. Augustini.
- Ericius Puteanus vir admodum doctus, & eruditus.
- Ermengardus contra Valdensium Sectam.
- Esaïas Abbas Monasticarum virtutum optimus præceptor.
- Etherius Episcopus Vxamenfis aduersus Elipandum Episcopum Toletanum.
- Euagrius Ponticus, qui opuscula quædam Ascetica, & vitæ quorundam Patrum scripsit: sed hic Pelagianæ hæresis semina iecit.
- Euagrius Scholasticus Ecclesiasticæ Historiæ Scriptor, res potius profanas, quam sacras petra tractans.
- Euclides antiquus celeberrimus, & incomparabilis Mathematicus, quem Platoni coæuum plerique faciunt, sed integro fere seculo posteriorem ostendit Vossius de scientiis Mathematicis cap. 15.
- Eucherius Lugdunensis Episcopus, quem Senecam Christianum vocant, scripsit multa: sed Commentaria in Genesim, & in libros Regum ei falso tributa videntur, quia in his Gregoriū Magnum citat, qui centum, & amplius annis post eum vixit.
- Eudoxi optimi Astrologi Phenomena. Platoni equalis fuit, cuiusque vitam scripsit Laërtius.
- Eugippus Abbas Scriptor vitæ S. Seuerini Noricorum Apostoli.

Eulogii Cordubensis martyrio, & scriptis eximii Memoriale Sanctorum.

Eumenii Rhetoris elegantissima oratio pro Scholis instaurandis.

Eunapii Sardiani opus elegans, & venustum de vitis Philosophorum, & Sophistarum, in quo passim ostendit, quàm fuerit Christianis infensus.

Euripides Summus Tragicorum, quem Scenicum Philosophum vocant Sextus Empyricus, & Clemens Alexandrinus.

Eusebio Emiseno falsò tributæ Homiliæ, quarum pleræque sunt Eucherii Lugdunensis, aliæ etiam Fausti Regiensis, aliæ Cæsarii Arelatenfis. Porro Eusebium patria Phœnicem, Emesæ urbis ad Libanum Episcopum, Arianum fuisse testatur Theodoretus Dialogo 3. adu. Hæreticos, qui impatibilis inscribitur.

Eusebius Paphili Episcopus Cæsariensis omnium antiquorum Philosophorum doctrinis excultus, atque insignis historicus, & laude dignus; si Ariana hæresi non fuisset infectus.

Eustathij Martyris Episcopi Antiocheni egregia Commentaria in Exameron.

Eusthatius Archiepiscopus Thessalonicensis homeri Interpretis doctissimus, acutissimus, religiosissimus.

Eutropius historicus nec diligens, nec elegans, quem putarunt nonnulli fuisse Christianum, & discipulum S. Augustini, sed repugnant tempora, nam hic sub

Iuliano Apostata in Perside militauit, vt obseruat Vossius lib. 2. de Histor. Latinis.

Euthymius Zigabonus, cuius sunt elegantes, eruditi, & pressi Commentarii in scripturam. Scripsit etiam Panopliam aduersus Hæreses iussu Alexii Comneni Imperatoris. Sed ex eius tractatu contra Latinos, cuius meminit Leo Allati lib. 2. de consensu Ecclesiæ Occid. & Orient. cap. 10. n. 5. constat eum schismaticum fuisse.

Eutychianus de pœnitentia Theophili, qui Deum, & B. Virginem scripto negauerat, *apud Surium die 4. Februarij.*

Exordium Ordinis Cisterciensis, incerti Auctoris.

F

FAcundus Episcopus Hermanienfis in Africa, vir sui nominis, cuius libri pro defensionem trium Capitulorum Concilij Calcedonenfis, licet malæ faueant causæ, plura tamen bona continent, & lectu digna.

Fabij Paulini Vtinenfis libri vij. de septenario recondita Philosophia, & omni eruditione ferti;

Faustus Episcopus Regiensis in Gallia, quem Regiensis Ecclesia vt Sanctum colit *die 16. Ianuarij*, sed eius doctrina damnata est, nam & Semipelagianorum antesignanus fuit, & nihil præter Deum esse incorporatum asseruit *Epist. 16. & 17.* satis proluxa, & insulsa disputatione.

- tionem. Confutat hunc errorem in libris de statu animæ Mammertus Claudianus.
- Felix Ennodius Ticinensis sententiis abundans, eloquio intricatus.
- Festus Pompeius Grammaticus eruditissimus, quo vtiliorem lingua Latina non habet.
- Ferrandus Diaconus Carthaginensis, vir excellentis doctrinæ, quem auctiorem edidit, & notis illustravit Franciscus Chiffletius è Soc. Iesu.
- Flavius Vopiscus diligens, sed tenuis Historicus.
- Flori cognomento Magistri Ord. S. Benedicti expositio Missæ. An hic Florus sit ille Lugdunen. Ecclesiæ Diaconus, cuius celebris memoria est apud Sirmundum in notis ad Anitum pag. 60. apud Petauium to. 1. Theolog. lib. 9. cap. vlt. & apud Cellotium sæpe in Hist. Gothescalci, viderint Critici accuratiores.
- Franchinus Gafforius Laudensis Musicus excellens, & eruditus.
- Franco Abbas Afligeniensis, cuius est luculentum opus de gratia Dei.
- Francisci - Alvarez Æthiopica lægatio multa continens curiosa.
- Franciscus Georgius Venetus ingeniosus auctor, sed Cabalistis nimium addictus.
- Francisci Luisini Vtinenfis critici exquisiti Parergon libri tres.
- Francisci Perucij Pompæ funebres Italicè descriptæ.
- Franciscus Petrarcha, Poëta, Orator, & Philosophus multi nomi-
- nis, qui, vt ait Iouius, sepultas literas è Gothicis tumulis excitauit.
- Franciscus Ribera in sacris literis explanandis disertissimus.
- Franciscus Sacchini Societatis Iesu, post Nicolaum Orlandinum Historiographus accuratissimus.
- Franciscus Suarez primæ notæ Theologus.
- Franciscus Salesius Episcopus Gebennen. cœlesti Sapientia, & Apostolico spiritu plenus.
- Franciscus Turrianus rerum Ecclesiasticarum peritissimus.
- Freculfus Monachus, deinde Episcopus Lexouienfis, celebris Historicus.
- Frontinus prænominatus Sext. Iulius, cuius est præclarum opus stratagemaricon.
- Fulbertus Carnotensis, scientia, sanctitate & zelo Ecclesiasticæ disciplinæ insignis.
- Fulgentius Ruspensis Episcopus stylo clarus, doctrina profundus.
- Fulgentij Planciadis Grammatici Mythologiarum libri tres, vtilis quidem, sed dictionis admodum tumida, & verbis abstrusis, atque poëticis abundantes. Hoc opus editum olim fuit sub nomine Fulgentij Episcopi Carthaginensis. Bollandus die 14. Ianuarij censet esse S. Fulgentij Episcopi Astigitani in Hispania, Fratris SS. Leandri, & Isidori, qui primò fuit Episcopus Carthagenæ, vnde fortassis factum est, vt Fulgentio Carthagen. tribueretur. Sed hæc est

conie ctura Buarrij in Cōment.
ad Chronicon supposititium
M. Maximi, nam Auctōr My-
thologiarum est procul dubio
Fulgentius Planciades Gram-
maticus Africanus.

G

Gabrias Scriptor fabularum,
quæ in antiquis Codicibus
nomen præferunt Ignatij Dia-
coni. Hunc non Gabriam, sed
Babriam vocat Suidas.

Gabriel Albaspinæus Episcopus
Aurelianensis rerum Ecclesia-
sticarum scientia omni ex parte
ornatus.

Gabrielis Biel literalis, & mysti-
ca Canonis Missæ explicatio,
quam tamen ipse in fine operis
ingenuè faretur se collegisse ex
Magistri Eggingi de Brunsvicæ
lectura, paucis additis & immu-
tatis.

Gabrielis Palæoti Cardinalis lau-
datissimus liber de sacris, &
profanis Imaginibus.

Galenus Pergamenus Medicus, &
Philosophus magni nominis, in
cuius scriptis intempestivas di-
gressiones, & longas periodos
damnat Photius. Erravit etiam
in natura animæ rationalis ex-
plicanda. Nemo tamen plura
scripsit ac maiori doctrina;
quare Antiqui eum æquare
Aristoteli, & ipsi etiam Plato-
ni non dubitarunt, ut indicant
Alex. Aphrodisien. in lib. 8.
Topic. non procul à principio,
& Eusebius circa finem lib. 5.
Eccles. Historiæ. Vixit sub An-

ronino Philosopho, & Commo-
do Filio.

Gaspar Barthius Criticus, & Phi-
lologus multæ eruditionis.

Gaudentius Episcopus Brixienfis,
pietate & sapientia illustris.

Gemini Rhodij, qui viuebat Cice-
ronis ætate, elementa Astrono-
mica.

Gilbertus Genebrardus Archie-
piscopus Aquisgranensis sacrarum li-
terarum, & linguarum peritia
eminentissimus. Fuit Mona-
chus S. Benedicti, cumque Ar-
chiepiscopatum à Gregorio
XIII. adeptus esset eorum in-
tercessione, qui à Rege desci-
uerant, eo postea rerum potito,
habita dignitate frui non po-
tuit.

Gennadius Massiliensis, cuius est
opus de Ecclesiasticis dogmati-
bus tributum Augustino.

Gennadius Scholarius Patriarcha
Constantinopolit. lingua niti-
dus, & ingenio acer, qui scripsit
aduersus Græcos pro Synodo
Florentina. Alius fuit eodem
tempore Gennadius Scholarius
Monachus eiusdem Synodi
perpetuus hostis.

Georgius Buchananus Scotus no-
bilis Poëta, sed infamis Aposta-
ta, & hereticus impiissimus.

Georgius Cedrenus Monachus
Græcus, in cuius Historia si
quid boni reperitur, ab aliis
compilarum est.

Georgius Codinus Cuiuspalates
Scriptor exactissimus de officiis
Ecclesiæ, & aulæ Constantino-
politanae.

Georgii Nicomediensis Metropo-

- litæ orationes , in quibus summa pietas, & eloquentia nitet.
- Georgius Pisides Diaconus , & Cartophylax Ecclesiæ Constantinopolitanæ , haud ignobilis Poëta.
- Gerardus Belga Monachus Benedictinus , cuius deuotissima & feruentissima opuscula edidit vir doctissimus eiusdem Ordinis Professor Gabriel Bucelinus.
- Germani Patriarchæ Constantinopolitani Theoria rerum Ecclesiasticarum , & sermones elegantissimi. Cum verò plures eius nominis eiusdem Sedis Episcopi fuerint, incertum est an vni, & cui tribuenda sint hæc scripta.
- Gertrudæ sanctissimæ Abbatissæ vita, siue Insinuationes Diuinæ pietatis.
- Gilbertus Abbas Suuinshetensis in Anglia Ordinis Cisterciensis post D. Bernardum, eodem ferè spiritu Canticorum explanator.
- Girardi Rufi Commentaria in Arithmeticam Boëthij Pythagoricis, & Platoniciis subtilitatibus illustrata, sed cautè legenda : Auctor enim, cum esset Episcopus Oleronensis in Pearnia, hæresim in ea Prouincia propagauit.
- Gosfridus Abbas Vindocinensis, & Cardinalis, vir florentissimæ pietatis, & doctrinæ : Ex cuius Epistolis ea expungenda, quæ est ad Robertum de Arbrisselo in sancti viri dedecus conficta à Roscelino damnato in Concilio Sueffionensi anno 1140.
- Gorgiæ Leontini Rhetoris omniscij, sed numerorum nimium studiosi, oratio de Laudibus Helenæ.
- Gregorius Nazianzenus dictus Theologus, humanæ, & diuinæ sapientiæ thesaurus.
- Gregorius Neocæsariensis dictus Thaumaturgus, scriptis & miraculis admirandus.
- Gregorius Nyssenus vir eloquentissimus, & omni doctrina refertus, frater Basilij Magni.
- Gregorius Magnus Papa morum instructor præcipuus, & omnium virtutum Magister.
- Gregorius Turonensis fidelis Historicus, sed simplicioris eloquij.
- Gregentij Archiepiscopi Tephresis in Regno Homeritarum, qui olim Sabæi, disputatio doctissima aduersus Hebræos.
- Guericus Abbas Igniacensis Ordinis Cisterciensis, suauis, pius, & abundans cœlesti doctrina.
- Guido Aretinus Monachus Ecclesiasticæ musicæ decus, & facilioris methodi canendi inuentor.
- Guigo maioris Carthusiæ Prior, vir probatissimæ vitæ, & scientiæ, cuius est tractatus Augustino, & Bernardo tributus sub titulo Scalæ Paradisi, siue de modo orandi.
- Guilbertus Tornacensis, doctus & pius Theologus Ordinis Minorum.
- Gulielmus Abbas S. Theodorici Auctor Tractatum ad fratres de Monte Dei, & de amore

Dei inter opera D. Bernardi.
Gulielmus Baldefanus Theologus
Taurinen. scripsit Historiam
Ecclesiæ Occidentalis, quæ ex-
tat M. S. in Bibliotheca Sere-
nissimi Sabaudia Ducis.

Gulielmus Budæus Græca, & La-
rina eruditione, legumque sci-
entia instructissimus, qui tamen
lectori sæpè molestus est variis
& perpetuis digressionibus.

Gulielmi Canteri viri multarum
literarum, ac summi iudicii no-
væ Lectiones.

Gulielmus Durandus dictus Spec-
ulator, præter speculum iuris
scripsit Rationale divinarum
Officiorum omnibus Ecclesia-
sticis necessarium.

Guilielmus Cisengrenius, qui ad-
versus Hæreticos voce & scrip-
tis strenuè decertavit.

Gulielmus Parisiensis Episcopus,
patria Aruernus, in Scripturis
divinis, & doctrina morali co-
piosè eruditus.

Gulielmus Postellus Auctor dam-
narus, nugator supersticiosissi-
mus, qui capacissimum inge-
nium, variaque doctrina instru-
ctum nugis suis, ac somniis
multum fœdavit. Nicol. Or-
landinus initio libri quinti Hi-
stor. Soc. Iesu è Tyrocinio So-
cietatis à S. Ignatio amanda-
rum scribit, quod spiritu er-
roris inflatum deprehendisset.
Catholicus tamen Parisiis æta-
te decrepita obijisse dicitur.

H

Hartmannus Monachus Poë-
ta pius, & simplex.

Haymo Monachus, & postea E-
piscopus Halberstaten. in ex-
plicandis scripturis facilis, &
accuratus.

Hebediesu Metropolita Sobensis,
cuius tractatum de Scripturibus
Chaldeis edidit Abraham Ec-
chellensis, & notis eruditissimis
illustravit.

Henricus de Knyghton Canoni-
cus Leycestrensis de euenibus
Angliæ, inter x. Rer. Anglica-
rum Scriptores editos à Sel-
deno.

Henricus Cardinalis Ostien. Iuris
Pontificij consultissimus. Pri-
mus omnium summam scrip-
sisse creditur multa eruditione
Canonica plenam.

Henrici Glareani Heluetij Musici
eruditissimi Dodecachordon.

Hæricus Harphius mysticæ Theo-
logiæ Magister doctus, metho-
dicus, singularis.

Henricus Spondanus Episcopus
Appamiarum Baronij Epito-
mastes, & continuator, qui etiã
librum de sacris Cæmeteriis
edidit omnigena eruditione re-
fertum.

Henricus Auctor mysticæ Theo-
logiæ, quæ incipit *Via Sion*
lugens, & D. Bonaventuræ tri-
buitur. A quibusdam de Pal-
ma, ab aliis de Balma cognomi-
natur. Fuir Confessarius B. Co-
letæ, & vir magnæ perfectio-
nis, teste Vuadingo Annalium

to. 4. anno 1380. num. 15.

Heliodori patria Phœnicis, Tricæ in Thessalia Episcopi Historia Æthiopica suauissima, castissima, & sine exemplo artificiosa. Hunc tanquam Principem sequuti sunt, qui fictas Historias ediderunt, sed ut eius artificium non sunt assequuti; ita nec modestiam sequuti sunt, non sine morum, & honestatis irreparabili detrimento.

Heraclidis (non Pontici, qui fuit discipulus Aristotelis, sed alterius Recentioris, citantur enim in hoc libro posterioris xui Auctores) doctissimæ Allegoriæ in Homerum.

Hermannus Contractus ex illustri Veringensium Comitum sanguine, pietate, & scientia illustrissimus; sed Chronicon eius penè ad verbum ex Beda exscriptum est.

Hermetis Pastor, liber ab antiquis Patribus laudatus, & à S. Irenæo nomine scripturæ citatus, quamvis nunquam in Canone fuerit. Qui verò nunc extat, corruptus ab Hæreticis censetur, & tanquam Apocryphus rejicitur.

Heterodanus Historicus elegans, perspicuus, copiosus, veritati vbique studens, nisi in Alexandro, & Maximino, ut Angelus Politianus, & veteres etiam Scriptores obseruarunt.

Herodotus Pater Historiæ, dulcis, candidus, fufus, sed quandoque fabulosus. Athenæus vocat eum maximè admirandum, & mellissimum. Hic est antiquissimus

Historicorum, quos habemus, nam quæ circumferuntur Historiæ de bello Troiano, sub nomine Daretis Phrygij, & Dyæis Cretensis fictitiæ sunt, & antiquis illis falsò attributæ, Heribertus Roseuvidus, cuius multa eruditio, & viuudum ingenium tum in aliis libris elucet, tum præcipuè in vitis Patrum, quas collegit, & illustrauit.

Heruæus Dolenfis in Biturigibus Monachus, qui vixit circa annum 1130. Auctor Commentariorum in Paulum, quæ S. Anselmo Cantuarien. tribuuntur. Huius vita describitur Tomo 1. Spicilegij veterum Scriptorum, quos in lucem profert V. Cl. Lucas Dacherius Benedictinus, Epist. 58. Bellatminus & alij hæc Commentaria falsò adscribunt Heruæo Natali Magistro Generali Ordinis Prædicatorum, sed errorem detexit verò Auctore inuento Philippus Labbe vir eruditissimus, & de libris ac literis optimè meritus.

Hesiodus Poëta perelegantis ingenij, & mollissima dulcedine carminum memorabilis. Quidam Homero iuniorem, alij antiquiorem faciunt, sed plerumque opinio est æqualem fuisse.

Hesychij Presbyteri Centuriæ de temperantia & virtute, stylo non admodum claro.

Hesychij (alteriusne an eiusdem nescio) Presbyteri Hierosolymitani, quem Iyechium vocant

C ii)



Commentaria in Leuiticum. Hic eius Ecclesiæ Presbyter, non autem Patriarcha fuit, vt constat ex Photio, & ex Rabano *Proömio in Leuiticum*, quibus consentiunt antiquæ inscriptiones in Codicibus M. SS. Addit in hanc rem alias coniecturas, Ioan. Bollandus in *cap. 6. vite Euthymij Abbatis die 10. Ianuarij*.

Hieremix Drexelij varia opuscula spiritalia lectu dignissima.

Hieroclis Philosophi in aurea Pythagoræ carmina valdè vtilis ad benè viuendum Commentarij.

Hieronimus Stridonienfis vir omnium virtutum, diuina, & humana eruditione orbi notissimus.

Hieronimus Cardanus vir doctus, & magni ingenij, sed impius, vt constat ex eius libris, præsertim ex eo, quem scripsit de vtilitate capiendi ex aduersis, in quo sceleratos suos mores graphicè expressit.

Hieronimus Emser Suenus vir doctus, & Fidei Catholicæ tenacissimus, qui aduersus Lutherum strenuè decertauit. Sed in vita S. Benno's, quam scripsit, vellem cum abstinuisse ab ethnica locutione, nam B. Virginem magnam Deam, sanctos Deos, Clericorum collegium psallentium Sectam vocat, & alias huiusmodi phrases habet viro Catholico prorsus indignas.

Hieronymi Magij solertissimi Critici Miscellanea. Fuit hic

capta Cypro in Asiam adductus, & quod mirum est, seruus hominis Turcæ libros composuit.

Hieronymi Mercurialis variaz lectiones, atque eruditum opus de re gymnastica.

Hieronynus Platus, cuius libri de bono status Religiosi singulari eius doctrinam, & styli elegantiam valdè commendant.

Hieronimus Oforius vir eloquio suavis; ingenio, doctrina, & pietate præstantissimus.

Hieronymi Rubei Scriptoris diligentissimi Historiæ Rauennates.

Hilarius Pictauiensis Episcopus doctrina, & stylo grauissimus, sed difficilis, & obscurus.

Hilarius Diaconus, cuius sunt Commentaria in Paulum, quæ Ambrosio tribuuntur. Huius meminit Augustinus *lib. 4. contra duas Epistolas Pelagianorum c. 4.* citatque locum ex his Comment. in *cap. 5. ad Romanos*. Hieronymus autem in *Dialogo aduersus Luciferianos* vocat eum Orbis Deucalionem ob inductum anabaptisum.

Hildegardis celeberrimæ Sanctimonialis opera varia, diuino spiritu exarata.

Hildebertus Cenomanen. Episcopus postea Archiep. Turonen. cuius Epistolæ dulcissimæ, & venustissimæ sunt.

Hildefonsus Archiepiscopus Toleranus B. Virginis laudator deuotissimus, ac eius intemperatæ Virginitatis defensor eximius.

Hilduinus Abbas S. Dionysii Parisien. qui Historiam Arcopagiticam, seu vitam S. Dionysii scripsit petente Ludouico Imp.

Hincmarus Remensis Episcopus doctus, sed dubiæ famæ, dubio vitiorum, ac virtutum temperamento.

Hipparchi Bithyni veteris Astronomi, quem Plinius *lib. 2. c. 26.* nunquam satis laudatum dicit, expositio in Arati Phænomena.

Hippocrates Cous Summus Philoſophus, & totius Medicinæ parens. Natus est anno 1. Olymp. 80.

Horatius Venusinus Lyticorum Phænix, satyricus mordacissimus.

Honorii Augustodunensis Gemma animæ, siue explicatio diuinorum officiorum.

Homerus Fons ingeniorum, Princeps Poëtarum.

Horus Apollo Niliacus antiquus Scriptor Hieroglyphicorum.

Hugo à S. Victore, humanis & diuinis literis apprimè excultus, doctrinæ D. Augustini æmulator, vocatus ob id lingua Augustini.

Hugo Eterianus Græcè, & Latine doctus, sed pro sæculi vitio non multum elegans.

Hugo Folietensis Monachus, Auditor librorum de Claustro animæ inter opera Hugonis Victorini.

Hugo Menardus Monachus, sacra & Monastica eruditione, omni-que literarum gloria illustris.

Humbertus Cardinalis Syluæ

Candidæ Episcopus, Latinarum rituum aduersus Græcos propugnator, nimis tamen, & minutior quam par esset.

Humberti Magistri Ord. Prædicatorum pium, & vtile opusculum de Religiosorum eruditione.

Hyginus prænominatus C. Iulius Augusti libertus nobilis Antiquarius, & fabulator.

Hyginus alter, siue Hygenus inter Auctores Gromaticos editus à Nic. Rigaltio, qui vixit Traiani ætate, vt ipsemet testatur in suo elegantissimo libello.

Hyppolitus Marraccius Lucensis, vir eruditus, & multæ pietatis erga B. Virginem.

Hyppolitus Portuenſis Episcopus, & Martyr, Scriptor disertissimus & Apostolici spiritus.

I

Iacobi Aluarez pium, prolixum, & sacris documentis plenissimum opus de vita spirituali.

Iacobus Boulduc Capuccinus, vir iudicio, inuentione, & doctrina egregius, vt constat ex eius libris de Ecclesia ante, & post legem, & de oggiio Christiano.

Iacobus Bozius Ecclesiastica eruditione clarus, crucis Encomiastes.

Iacobi Fabri Stapulensis, viri docti elementa musicalia: sed hic in fine defecit ad Calvinistas.

Iacobus Gretzerus malleus hereticorum, cuius libri de Cruce omni laude dignissimi sunt.

Iacobus Gualterus Chronographus diligens, & hæresum profligator.

Iacobi Gutherii de iure manium, siue de præfco funere libri tres valdè eruditi.

Iacobi Pameli Liturgica, & notæ doctissimæ in Tertullianum, & Cyprianum.

Iacobi Philippi Foresti Bergomatis egregium opus, quod prænotauit supplementum Chro- nicorum, in quo tamen nihil aliis inditum dicit.

Iacobus de Valencia Episcopus Christopolitanus Psalmorum, & Canticorum Commentator.

Iacobus de Vitriaco Episcopus Aconensis, & Cardinalis, celebris historicus, & feruens diuini verbi Declamator.

Ignatius Martyr dictus Theopha- rus, vir Apostolicus. Quæ eius Epistolæ veræ sint, quæ suppositiæ, optime Bolland. in Prologom. ad eius vitam.

Iamblicus nobilis Platonius, qui de mysteriis Ægyptiorum, & de vita Pythagoræ libros scripsit, & protrepticas ad Philosophiam orationes: sed in vita Pythagoræ multa surripuit ex ea, quam scripserat Porphyrius eius Præceptor. De vita Pythagoræ libros vij. composuit, quorum quatuor duntaxat ad nos peruenerunt: duo priores editi sunt, duo posteriores habentur MS. in Bibliotheca Vaticana.

Ianus Durantius Casellius Criticus insignis.

Idiota pius Scripitor, cuius nomen nuper repertum est Raimun-

us Iordanus.

Innocentius Papa iij. stylo tenuis, doctrina sublimis.

Ioachimus Abbas Ord. Cisterciensis, vir Prophetici spiritus, & scientiæ non vulgaris.

Ioannes Andreas Bononiensis I. C. doctissimus.

Ioannes Antonius Flaminus de vita sancti Petri Damiani.

Ioannes Antonius Valtrinus, cuius est eruditum opus de re militari.

Ioannes de Anania, vulgò Archidiaconus, iuris Pontificii celebris Interpret.

Ioannes Azorius morali litteratura instructissimus.

Ioannes Baptista Donius Florentinus, qui de Musica, modisque musicis antiquis & nouis doctissime scripsit, doctius scripturus, si Græca eruditione præditus fuisset.

Ioannis baptistæ Nouati pium, & spiritum opus de Eminentiâ Dei paræ.

Ioannes Bollandus, cuius labor in colligendis actis Sanctorum Ecclesiæ Dei multum utilis est. Vtinam vitam habeat tam prolixo operi parem.

Ioannis Bonifacii historia Virginalis de vita, & miraculis B. Virginis.

Ioannis Belet accurata explicatio diuinorum officiorum.

Ioannis Brodæi Critici multæ eruditionis Miscellanea.

Ioannes Rufæus Petri Blesensis Scholiastes.

Ioannes Cassianus Monasticæ perfectionis perfectissimus Magister.

Ioann

Ioannes Cantacuzenus Eximperator Constantinopolitanus eximius Historicus, sed res suas nimium extollens.

Ioannes Climacus, siue Scholasticus (non Scholasticus, ut quidam scribunt) sic dictus à Scala graduum perfectionis, quam luculenter descripsit gradibus triginta. Afferit tamen Matthæus Raderus in notis libri ad Pastorem Scholasticum dici debere ex Codicibus Græcis, cui consentit Philippus Labbe.

Ioannes Chrysostomus vir notæ sanctitatis, & diuinæ eloquentiæ theatrum.

Ioannes Cochæus Leodiensis prudens, & eruditus Politicus.

Ioannes Curopalates Historicus Græcus, græco schismate infectus.

Ioannes Damascenus in confessione Fidei clarus, in docendo, ac differendo subtilis. De Historiis autem, quas scriptis suis inserit, quædam notarunt Baronius, & Bellarminus, alique Theologi.

Ioannes Diaconus Scriptor vitæ S. Gregorij Magni.

Ioanni Episcopo Hierosolymorum adscriptus liber de Institutione Monachorum ab aliquo Carmelita confectus, ut censet Baronius *anno* 444.

Ioannes Ecchius Sueuus Catholicorum dogmatum aduersus Lutherum strenuus defensor.

Ioannes Eusebius Nierembergii, vir pius & doctus, multitudine librorum quos scripsit omni-

bus notus.

Ioannes Filescus Theologus Parisiensis doctus, & eruditus.

Ioannes Geometra Græcus elegans hymnographus.

Ioannes Gerardus Vossius omni doctrinarum genere, atque omni eruditione mirabiliter excultus: utinam Orthodoxa fide imbutus fuisset.

Ioannes Gerson Scholasticæ, moralis, & mysticæ Theologiæ professor eximius.

Ioannes Goropius Becanus de Symbolica Theologia optimè meritus. De eo Scaliger ita censet quod in suis libris nihil aliud ostenderit, quam sibi otium superfuisse, quo abutetur ad leuia ingenia oblectanda.

Ioannes Iustus Lanspergius veræ pietatis instructor exactissimus.

Ioannes Keplerus, de quo iure dici potest, neminem in Mathematicis æuo suo subtiliorem fuisse: at dum Physica attingit, nemo profectò ineptior. Lib. 4. Harmonic. cap. 7. ait terram magnum animal esse; & lib. de motibus Martis dicit Solem esse magnum magnetem. Pertinax etiam fuit in asserendo motu terræ, atque his paradoxis magnam suæ doctrinæ labem insperxit.

Ioannis Kuchmanni Lubecensis opus eruditum de solemnitatibus Romanorum funerum.

Ioannis Lorini vberissima in scripturam Commentaria.

Ioannes Mauburnus exercitiorum spiritualium Scriptor nulus.

li secundus.

Ioannes Michaël Constantiensis in spiritualibus exercitiis pius, sed prolixus.

Ioannes Monachus de vita S. Petri Damiani.

Ioannis Moschi Monachi cognomento Euirati Pratum spirituale de vitis SS. Patrum stylo rudiori, & humiliori, ut ait Photius. Tribuitur hoc opus à quibusdam Sophronio Episcopo Hierosolymitano, cui dicatum est.

Ioannes Nyder, cuius præter Formularium est Alphabetum diuini Amoris inter opera Gersonis.

Ioannes Picus Mirandulanus vir ingenij portentosi, & ad omne genus literaturæ idonei.

Ioannes Pineda profundus, & eruditus Diuinæ Scripturæ Interpretres.

Ioannes Presbyter Nicomedien. de Martyrio S. Basilei Episcopi Amasæ.

Ioannes Abbas Raythu eruditione diuina copiosè instructus, Climaci Scholiastes.

Ioannis Reuclini, seu Capnionis, damnatæ lectionis libri de Arte Cabalistica, & de verbo mirifico.

Ioannes Rosinus in Romanis antiquitatibus veterum Scriptorum sedulus excerptor.

Ioannes Rusbrochius Theologus mysticus, obscurus, Magni Areopagitæ æmulator.

Ioannes Sauaro, cuius notæ ad Sionium, velut Cornacopiæ variarum rerum sunt.

Ioannis Sapientis Cyparissiotæ expositio elementaria eorum, quæ de Deo dicuntur, quo libro abdita continentur mysteria mysticæ, & symbolicæ Theologiæ.

Ioannes Sarisberienfis Episcopus Carnotensis tempore Alexandri III. super æui illius morem doctissimus, vir gravis etiam cum de nugis scribit.

Ioannes de Sacro Bosco Anglus, cuius libellus de Sphæra primum tenet locum inter eius generis Scriptores.

Ioannis Schenckij obseruationum medicarum libri varij, & curiosi.

Ioannes Stephanus Durantus de Ritibus Catholicæ Ecclesiæ.

Ioannes Stobæus, cuius est præclarissimum, & valde vile opus Sententiarum ab antiquissimis Scriptoribus excerptum.

Ioannes Stöfflerinus celebris Mathematicus de vsu Astrolabij.

Ioannes Taulerus Ord. Prædicatorum Theologus mysticus profundus, & celesti sapientia singulariter imbutus.

Ioannes Trithemius doctus, & pius Auctor, sed in Historia non satis accuratus.

Ioannes à Turre Cremata Cardinal. Ord. Prædicatorum Theologus, & I. C. eximius.

Ioannes Tzetzes Poëta Polyhistoricus, in Chiliadibus quas scripsit sæpè stolidus, & futilis.

Ioannes Xiphilinus Monachus, & postea Patriarcha Constantinopolit. Dionis Cassij abbreviator.

Iodoci Clichtouxi sacrarum literarum scientissimi Elucidatorium Ecclesiasticum.

Iodoci Coccij infinitę Lectionis opus, quod Thesaurus Catholicus inscribitur; in quo tamen nullum statuit discrimen inter veros & supposititios Auctores.

Ionas Abbas Luxouienfis, qui multas Sanctorum vitas luculento sermone descripsit. Errat Trithemius, & alij post ipsum putantes hunc Hibernum fuisse; nam ipse se Italum asserit in Attala, & Monasterij Bobienfis alumnus: discipulus autem Columbari dictus est, quia eius Regulam professus est.

Ionas Episcopus Aurelian. aduersus Claudium Taurinensem.

Jordanus, siue Iornandes ex notario Gothorum Episcopus Rauenas, cuius liber de rebus Getarum Epitome est Geticorum Cassiodori. Stylo vitur rudi & agresti, nisi vbi ex Floro quædam transcribit.

Ioseph Flauius Hebræus stylo dilucidus, amabilis, iucundus, sed in antiquitatibus parum fidelis.

Ioseph Vicecomes Mediolanensis, qui de antiquis Ecclesię Ritibus plures libros doctę, & luculenter conscripsit. At alicubi eum errasse ostendit Leo Allatius libro de Narthece veteris Ecclesię.

Ioseph Zedlinus recentiorum Musicorum Princeps, qui edidit Italico sermone plures libros

Institutionum, & Demonstrationum harmonicarum.

Irenæus Episcopus, & Martyr, omnium doctrinarum, vt inquit Tertullianus, curiosissimus explorator.

Isidorus Hispalensis omni generaliterarum excultus. Innior à quibusdam vocatur, vt distinguatur ab Isidoro Cordubensi, qui vixit circa an. 100. Cuius sunt Commentaria in libros Regum.

Isidorus de Isolanis Mediolanensis Ord. Prædicatorum præclarus suo tempore Philosophus, & Theologus.

Isidorus Pelusiota doctrinæ spiritualis non sine eloquentiæ laude Professor.

Isaaci Syri Presbyteri Antiocheni utilis, & pius liber de Contemptu mundi; sed Phrasas habet difficiles, & modum loquendi obscurum.

Iulius Cæsar Bulergerus vir multæ antiquitatis, & plurimæ lectionis.

Iulius Cæsar Scaliger eruditorum maximus, sed nimium sibi tribuens.

Iulius Capitolinus Historicus; quem multi hoc nomine indignant censent.

Iulius Materius Firmicus cultus, & grauis Auctor libri de mysteriis, & erroribus profanarum Religionum ad filios Magni Constantini. Hic nondum Christianus, Genethliacorum sequutus errorem, primus fuit qui astrorum iudicia Latine fecit audiri, editis libris octo

- Astronomicorum.
Iulius obsequens de prodigijs Auctor cuiusq[ue], elocutionis candida & defecata.
Iulij Pollucis diligentissimi, & eruditissimi viri Onomasticon. Lectore indiget erudito, nam innuit doctis, & non docet imperitos.
Iulianus Aurelius haud spernendus Auctor de cognominibus Deorum.
Iuliani Archiepiscopi Toletani, viri sancti, & sapientis Prognosticon de futuro sæculo. Hic obiit æra Hispanica 718. anno scilicet Christi 690 ideò malè confunditur cum Iuliano Pommerio, qui teste Ennodio Ticiensi vivebat anno 90.
Iulianus Imperator Apostata loquacissimus, & impius Scriptor.
Iuo Carnotensis Episcopus Scripturarum, & Canonum scientia illustris.
Iustinus Historicus Trogi Pompei breuiator stylo nitidissimus cuius Epitome ipsi Trogo exitio fuit.
Iustinus Martyr doctissimus Philosphus, & vindex Christianæ Religionis.
Iustus Abbas Ordinis Cisterciensis, cuius extat luculentus sermo de Ordinis præstantia.
Iusti Episcopi Vrgelitani explicatio Cantici Canticorum sermone brevis, sensu profunda.
Iustus ipsius magnæ doctrinæ vir, & elegantis eruditionis apex.
Iuuenalis Satyricorum Princeps.
Iuenci Presbyteri Hispani, &

Poëtæ non ignobilis Euangelica Historia. Hic, ut ait D. Hieronymus, Euangelij maiestatem sub metri leges mittere non pertimuit.

L

- L** Astantius Firmianus Tullianæ eloquentiæ fluuius, qui tamen plus studij posuit in destruendo Hellenismo, quam in Christiana Religione astruenda.
Latinus Pacatus Drepanus elegans Panegyristes.
Laurentius Iustinianus Sanctissimus, eloquentissimus.
Laurentius Nouariensis Episcopus vir disertissimus, quem quidam coniiciunt illum fuisse, qui mellifluus vocatur à Sigiberto *cap.* 111. quod Homilias ore mellito declamarit, à quo reuera titulo non dissentit stylus.
Laurentius Surius nitidus Scriptor, cuius laboriosum opus de vitis Sanctorum gratius foret, & utilius, si veterum Scriptorum primigeniam phrasim retinisset.
Laurentius à Villauicentio Hispanus Ord. S. Augustini, scripsit inter cætera libros tres multis nominibus viles de rectè formando studio Theologico.
Lælij Bisciolæ Horarum subsecinarum opus insigne, res continens in omni Philologiæ genere excellentes.
Leander Albertus de vita B. Iordanii Ord. Prædicatorum.
Leonardus Lessius Theologus

- subtilis ingenij, & liberi iudicij.
- Leontius Byzantinus** aduersus Eutychianos, & Nestorianos. Dubium est, an idem sit, qui Sallaminius dictus est, eius videlicet Ciuitatis Episcopus.
- Leo Castrensis**, cuius sunt doctissima Commentaria in Isaiam, ex Scriptoribus Græcis, & Latinis contra Rabbiorum deliramenta.
- Leonis Hebræi Philosophi** Platonici Dialogismus de Amore.
- Leonis Imperatoris** de re tactica utilis liber.
- Leo Magnus Papa**, cuius eloquentia cor afficit, penetrat, vrit.
- Liber de Viris illustribus Ordinis Cisterciensis** incerti Auctoris.
- Libanius Sophista** declamator mirè disertus; sed dum nimis diligens esse vult, in obscuritatem sæpè delabitur.
- Lilius Gregorius Girardus** multæ lectionis Philologus, & acris iudicij Criticus.
- Liturgiæ Apostolorum, & aliorum SS. Patrum.**
- Longi Sophistæ** Scriptoris confusi, & ræca licentia lasciuientis Pastoralia.
- Lucanus Grandiloquus**, & concitatus Poëta, styli inæqualis, quem Quintilianus initio libri x. oratoribus potius, quam Poëtis annumerandum censet. Alij passim Historicum non Poëtam vocant.
- Lucas Holstenius** Hamburgensis, vir clarissimus, singularis doctriinæ, & admirandæ eruditionis in omni genere literaturæ.
- Lucas Dacherius Monachus Benedictinus** in indagandis & edendis veterum Patrum scriptis diligentissimus; de Catholica Ecclesia, & de Rep. literaria optimè meritus.
- Lucas Vuadingus** Ordinis Minorum Historiographus excellentissimus, rerum gestarum, & scriptorum gloria illustris.
- Lucas Tudenfis Episcopus** aduersus Albigeneses.
- Lucianus Presbyter, Scriptor Historiæ** Inuentionis S. Stephani, in qua multa peccari circa nomen Syriacorum interpretationem obseruarunt eius linguæ periti.
- Lucianus Samosatenus** vir doctus, & puræ, ac venustæ dictionis, sed Deorum, & hominum irrisor.
- Lucifer Calaritanus**, cuius lapsus notissimus est. Baronius censet eum impœnitentem obiisse, at Sardinia Historici, vt Sanctum laudant. Eius libelli ex centonibus scripturarum compacti sunt.
- Lucius Florus** concisus, elegans, & floridus rerum Romanarum Epitomastæ. Damnant in eo multi, quod in temporum ratione negligens fuerit, sitque vsus stylo declamatorio potius, quam Historico.
- Lucretius Carus** Poëta Physicus subtilis, argutus, enucleatus, sed impius.
- Lucretius, siue Lactantius Placidius** Grammaticus veterum

transcriptor, Statij Papinij Commentator.

Ludolfus Saxo Carthusianus de vita Christi Scriptor pius, & utilis.

Ludovicus ab Alcazar, de cuius ingenio testimonium perhibent, docta in Apocalypsim Commentaria.

Ludovicus Blofius rerum spiritualium peritissimus, qui inter cetera opuscula Speculum Monachorum edidit sub ficto nomine Dacriani Abbatis.

Ludovici Carrionis Critici elaboratissimi antiquæ Lectiones, & observationes.

Ludovicus Cælius Rhodiginus vir reconditæ eruditionis, & multæ antiquitatis, sed durioris eloquij.

Ludovici Cresolij Myſtagogus; opus varium de factorum hominum disciplina, ex SS. Patribus multa eruditione contextum.

Ludovicus de la Cerda celebris Criticus, Tertulliani, & Virgilij Commentator.

Ludovici de Prussia Ord. Minorum Trilogium animæ, de eius potentis, passionibus, & habitibus, in quo multa præclara & recondita.

Ludovicus Viues Valentinus, vir quidem doctus, sed nimium sæpè insolens, & elatus, quippè qui Augustinum docere præsumit.

Luitprandi Ticinensis Diaconi, postea Episcopi Cremonensis Historiæ sui temporis. Liber autem de vitis Romanorum

Pontificum sub eius nomine editus, suppositivus est.

Lycophron Græcorum Poëtarum obscurissimus, cuius extat sola Alexandra, siue Cassandra.

Lyſidi Pythagorico tributa Epistola de dogmatibus Magistri.

M

M Acarius Ægyptius signis; virtutibus, & scriptis clarissimus.

Macrobius Philosophus eximius, & Criticus acutissimus.

Mamertinus Panegyristes elegans, & insignis.

Manuel Paleologus Summi Princeps ingenij de regia educatione ad filium.

Maphæus Vegius Laudunensis Orator, & Poëta insignis.

Marcelli Francolini nunquam satis laudatum opus de tempore horarum Canonicarum.

Marchettus Patauinus Musicus, qui de cantu plano tractatum vtilem scripsit.

Marcus Antonius Muretus Orator, & Criticus scientissimus, & Poëta non ignobilis.

Marcus Antonius Natta Aſtenſis, non solum Iurisprudentia, sed & scientiis politicioribus excultus.

Marcus Antoninus Imp. cognomento Philosophus, cuius libri de se ipso, & ad se ipsum, olim de vita sua malè inscripti, medullam continent totius moralis Philosophiæ ex placitis Stoicorum.

Marcus Eremita, dictus Asceta,

- cui sanctam Communionem Angelus ministrabat. Capitula de temperantia sublimia, & difficilia sunt, & stylo diuersa ab aliis eius opusculis, quæ ab Hæreticis deprauata sunt.
- Marcus Gazensis Ecclesiæ Diaconus**, vitam scripsit S. Porphyrij Episcopi sui, à quo Legatus ad Arcadium Imp. missus fuerat.
- Marcus Manilius Poëta Astronomicus** elegantissimus, sed rei Astronomiæ non admodum peritus. Ioannes Riuus in vita S. Augustini hunc Christianum fuisse ait, illum videlicet cui Augustinus inscripsit librum de vita beata, quod notat Gaspar Geuartius ad Statij syluas.
- Marcus Tullius Cicero summus Philosophus**, & princeps Oratorum, typus perfectæ eloquentiæ.
- Marcus Varro** vir vndecunque doctissimus, quem Cicero acutissimum, Augustinus acerrimum, peritissimum, & granissimæ auctoritatis vocat.
- Marianus Victorius Episcopus Amerinus D. Hieronymi studiosissimus Scholastes.**
- Marius Bettiſſus Bononiensis** subtilis & ingeniosus Mathematicus.
- Marius Victorinus Afer** sensu profundus, dictione obscurus, durus in sententiis, & sæpè Platonizans.
- Marinus Neapolites Philosophus** Platoniciæ sectæ, & Rhetor, ac Mathematicus eruditus.
- Marinus Mercennius Ordinis Minorum de diuinis humanisque literis**, deque re Harmonica optimè meritus.
- Martianus Capella stylo asper**, doctrina varius, de nuptiis Mercurij, & Philologiæ.
- Martialis Lemouicensis Episcopi viri sanctissimi**, & Apostolici Epistolæ supposititiæ à viris doctis existimantur.
- Martialis**, qui primus Epigrammata scribere docuit, acutissimus Poëta, sed obscenitas in eo castiganda est.
- Martinus del Rio**, vir variæ doctrinæ, rerumque magicarum incomparabilis disquisitor.
- Martinus Aspilcueta Nauartus**, cuius opera omnium manibus versantur non sine ipsius laude, & legentium fructu.
- Martinus Perez Episcopus Guadixensis** celebris ob librum quem reliquit de diuinis, Apostolicis, & Ecclesiasticis traditionibus.
- Martinus Polonus Chronologus** simplicissimus, & sæpè fabulator.
- Marsilij Cagnati Medici Veronensis**. Critici exquisitissimi variæ obseruationes.
- Marsilius Ficinus Platoniorum decus**, qui ferè solus ex Platoniciis inoffenso pede percurripotest.
- Matthæi Riccij Sinarum Historia** elegans, & curiosa.
- Maximilianus Sandæus**, vir magno ingenij acumine pollens, ut patet ex eius varia, medica, mystica, & Symbolica Theologia, aliisque tractatibus.
- Maximus Martyr sublimis**, fer-

uens, & limatissimus Scriptor.
Maximi Margunij Episcopi Cytherorum Schilmatici Hymni sacri Anacreontici.

Maximus Medaurensis Philosophus Ethnicus, *cuius est Ep. 43. Tom. 1. Augustini.*

Maximus Planudes humanis & diuinis literis inter Græcos, qui sæculo decimo quarto floruerunt, maximè instructus, vir sanè laudabilis, nisi Græcorum schismati pertinaciter adhæsisset.

Maximus Taurinensis Episcopus summa præditus sanctitate, & eloquentia.

Maximus Tyrius Platoniorum mellitissimus, sapientia & dicendi venustate soli cedens Platoni.

Mechtildis Virginis vita, siue liber gratiæ spiritualis.

Menander Khetor Græcus, cuius est de genere demonstratio luculentum opusculum.

Metrophanes Smyrnæus vir doctus, sed schismaticus.

Methodius Episcopus, & Martyr, cuius sunt quidam sermones: nam Revelationes pseudepigraphæ sunt, & fabulosæ scætant narrationibus.

Mercurius Trifmegistus pythagora, & Platone antiquior, ut scribit Lactantius *libro de Ira Dei*, cuius quæ extant opera quidam conficta censent, alij putant ex veris eius operibus excerpta esse. Certius tamen est ab aliquo Gnostico conficta fuisse, antiqua ramen, nam à Porphyrio & alijs antiquioribus

bus citantur.

Michaël Glycas Historiæ Byzantinæ Scriptor, à quo plurima recondita eruuntur, quamvis Historiæ leges non admodum exactè obseruant.

Minutius Felix Causidicus Romanus Christianæ veritatis aduersus gentes acerrimus, & perelegans assertor.

Modesti libellus de vocabulis rei militaris ex Vegetio transcriptus.

Moschi Siculi poetæ Græci Idyllia suauissima.

Moses Bar-cepha Episcopus Syrus, vir doctus, & profundus, sed à vera Theologia quandoque dissentiens.

Musæi poema de Amore Herus, & Leandri stylo politissimo.

N

Natalis Comes, cuius mirificum ingenium, ac multiplicem eruditionem concelebrant Mythologiarum libri ab eo conscripti.

Nemesius Episcopus Emesæ vrbis in rhœnicia scripsit librum de natura hominis olim Gregorio Nysseno tributum: dissentit autem de re proposita exactissimè, sed nimium Platoni addictus fuit.

Nicetas Acominatus Choniates dignitatibus, ingenio, ac doctrina illustris, Historiæ veritatis vbique studiosus, sed Latinis infensus.

Nicetas heracliae Metropolitæ gregor. Naziâzeni Cômensorum Nicephorus

Nicephorus Calistus Xanthopulus, Historicus Ecclesiasticus elegans, sed parum diligens, & Schismaticus.

Nicephorus Gregoras Historicus probatissimus, nisi quod xui vitio alienus ostenditur ab Ecclesia Romana, & de se multa loquitur parum decorè.

Nicephorus Patriarcha Constantinopolitanus, qui aduersus Iconomachos strenuè decertauit.

Nicolaus Cabasilas Archiepiscopus Thessalonicensis, vir doctus, sed Græco Schismate infectus. Gentianus Heruetus conatur eum excusare, sed Æthiopem lauat.

Nicolaus Caussinus Rhetor floridissimus, atque omni politiori literatura ornatus.

Nicolaus Copernicus Mathematicus multæ subtilitatis, sed nouatum rerum nimium studiosus.

Nicolaus Cusanus Cardinalis, vir profundæ scientiæ, & subtilissima exercitatione limatæ.

Nicolaus Oresmius Lexouiensis Episcopus, cuius est non contemnendum opusculum de mutatione monetarum.

Nicomachus Gerasenus Philosophus Pythagoricus laudatus à Photio, cuius Enchiridion Harmonicæ edidit Ioannes Meurfius.

Nicolaus Serarius Ecclesiasticæ antiquitatis diligentissimus peruestigator, hostis Hæreticorum.

Nicolai Londani Philosophi præstantissimi de Reuersione animi in cælum Tractatus lucu-

lentus è Psalmis Gradualibus sumpto argumento.

Nicolaus Godignus de rebus Abassinorum vir clarus è Soc. Iesu. Auctor verò, quem tacito nomine reprehendit, est Ludouicus de Vrreta, cuius Historia Æthiopica multis fabulis plena est.

Nilus Monachus discipulus S. Ioannis Chrysostomi de interemptione Sanctorum Patrum, qui erant in Sina. Scripsit & Ascetica quædam. Plures autem fuerunt huius nominis Asceticorum Scriptores, sed quæ singulis opuscula assignari debeant, mihi cettò non constat.

Nonius Matcellus Grammaticus, ob crebra, quæ apud ipsum extant veterum fragmenta, quæ alibi non repetiuntur, expectendus, alioquin nec eruditione, nec iudicio laudabilis.

Nonni Panopolitæ Poëtæ Græci felicissimi, ac mirabilis genij Paraphrasis in Ioannem, & Dionysia.

Notkerus Balbulus Monachus S. Galli, Othonis Magni Nepos, cuius antiquum Mattytologium edidit Canisius.

O

Odo Abbas Cluniacensis doctrina, & pietate celebris, qui Commentaria B. Gregorij in Iob breui coarctauit volumine, & alia quædam scripsit, lectu digna.

Oecumenius Auctor catenæ Græ-

cæ veterum Patrum in plerisque libros noui Testamenti.

Ogerius Abbas Lucedij, quod est Cænobium Ord. Cisterciens. in Diœc. Vercellen. Auctor 15. sermonum de Cæna Domini inter opera D. Bernardi, cui synchronus fuit, vt constat ex veteri Cod. M. S. Abbatiz Stafardæ eiusdem Ordinis, qui nunc est Taurini in Bibliotheca Serenissimi Ducis Sabaudia. Extat in Menologio Cisterciensi die 10. Septembris, & in Monastico Martyrologio Hugonis Menardi. At hic eum Oglerum vocat: alij Ocellum.

Oliuetij Bonartij viri docti de Horis Canonicis libri tres.

Olympiodori Monachi succincta, & accurata enarratio in Ecclesiasten, iuxta triplicem sensum.

Onofandri Platonici Strategicus, siue de Imperatoris militari institutione.

Onuphrius Panuinius Veronensis vir ingentis lectionis, rei antiquariæ sacræ, & profanæ peritissimus.

Oppiani Cilicis Poëtæ absolutissimi Cynegetica, & Halieutica.

Ordo Romanus, quo veteres Romanæ Ecclesiæ ritus explicantur. Liber est valdè antiquus, nam eum citant Amalarius & Albinus Flaccus; sed qui editus est posterioris æui ceremoniis abundat, quod omnibus ritualibus libris contingit, cum à recentioribus transcribuntur.

Oracula Sybillina octo libris

comprehensa, quæ tamen superposita à viris doctis existimantur, abest enim ab illis oraculorum maiestas, & nimis clarè fidei nostræ mysteria describunt.

Origenes Adamantius à D. Hieronymo Chalcenterus dictus, id est habens area intestina, rarum sapientiæ Sydus, atque vtinam non cadecum, dum enim fastidit literam, Historiam penè omnem in allegoriam vertit; & dum sublimiora sectatur, corrui in profundum.

Orientij Episcopi Illiberitani cõmonitorium morale versu Elegiaco elegantissimo; sed mutilum in fine.

Orphæus Poëta Epicus, mysticus, Physicus, & Hymnographus.

Osbertus Monachus Cantuariensis. Scriptor vitæ SS. Elphegi, & Dunstani Archiepiscoporum.

Ottomari I. uicinij Musici præclarissimi Musurgia.

Otho Monachus Molismensis auctor vitæ S. Roberti primi Abbatiss Cisterciensis.

Ouidius Poëtarum copiosissimus, & ingeniosissimus, Elegiacorû Latinorum Princeps, cui Seneca *controv. 5. lib. 9.* Battologiam obiecit.

P

Pachomij Abbatis Sanctissimi Monachorum Magistri Regula, quam Angelo dicente scripsisse dicitur.

Palladij Monachi Galatæ Histo.

- ria Lausiaca, seu vitæ Patrum ad Lausum. Fuit autem Palladius Episcopus Helenopoleos Pelagij, & Origenis fautor.
- Palæphati Ægyptij, seu verius Atheniensis, vt ex Suida colligitur, Mythologi perantiqui liber Historiarum incredibilium, siue de non credendis fabulosis narrationibus.
- Pappus Alexandrinus celebris Mathematicus, cui Musica Euclidis à quibusdam eruditis ascribitur. Eius sunt item Commentaria in libros Harmonicorum Ptolomæi Porphyrio adscripta, nam hic scripsit in quatuor tantum prima capita, vt constat ex antiquo Codice M. S. Bibliothecæ Vaticanæ.
- Paschasius Diaconus Cardinalis, qui de Spiritu Sancto luculentissimos edidit libros Magni Gregorij testimonio celebres *l. 4. Dial. c. 4.* Verum qui nunc extant editi sub eius nomine in M. S. Bibliothecæ Vaticanæ nomen præferunt Fausti Regienfis, cui etiam eos tribuebat P. Sirmundus.
- Paschasius Ratbertus Abbas Corbeiensis, vir in diuinis Scripturis valdè eruditus, secularium literarum non ignarus,
- Paulinus Episcopus Nolanus, sanctitate, & scientia eminens; sensu, & eloquio sublimis. Sed æui vitio modulum syllabarum in versibus sæpè neglexit.
- Paulus Æmilius Historicus elegans, & disertus, ac teste Lipsio omnium Recentiorum præclarissimus.
- Paulus Emisenus, cuius extant doctæ quædam lucubrationes in Actis Concilij Ephesini.
- Paulus Orosius, quem Gelasius Papa virum eruditissimum appellat, SS. Hieronymi, & Augustini amicitia clarus; eius Historias castigat Scaliger circa temporum rationem in animaduersionibus Eusebij.
- Paulus Manutius vir copia, scientia, eruditione, & elegantia summus.
- Pauli Sherlogi eruditissima, & acutissima Commentaria in Canticorum.
- Paulus Riccius Cabalista ex Iudæo Christianus, cui nigrum Theta Romanus index præfixit.
- Pausanias minus quidem facundus Scriptor, sed ob rerum copiam, & Historiarum varietatem vtilissimus.
- Pelagius Diaconus citari solet in libro de doctrina, vita, & perfectione SS. Patrum, cuius non Auctor, sed Interpres fuit.
- Persius acutus Satyricus, sed obscurus. Stylus enim magnificum affectans, crebrisque, & audacibus translationibus vtrè in obscuritatem frequenter labitur. Nascitur etiam obscuritas ex ignorantia. Scribit ille quæ suo tempore ferus & tabernariis notissima erant, quæ quia nobis ignota nunc sunt, plena mysteriorum arbitramur,
- Petronius Arbiter purissimæ latinitatis impurissimus Scriptor.
- Pettus Abailardus D. Bernardi

celebris Antagonista, cuius opera nuper è tenebris prodierunt.

Petrus Aionius Spinelus, cuius est præclarum opus de Laudibus, & cultu B. Virginis.

Petri Aion Florentini Harmonicæ Institutiones.

Petrus Babyon, seu de Babyone Anglus, Auctor Commentariorum in Matthæum, quæ sub nomine S. Anselmi circumferuntur. Viuebat hic an. 1300. fuitque Poëta, & Rethor elegantissimus, ut asserunt Catalogi Scriptorum Angliæ.

Petrus Blesensis Archidiaconus Bathonien. libertate spiritus in scribendo eximius, & normam viuendi Ecclesiasticis præscribens.

Petrus Bongus Platonica, & Pythagorica disciplina optimè instructus, ut eius liber de mysteriorum numerorum ostendit.

Petrus Canisius vir peracris iudicij, & solidæ pietatis.

Petrus Cellensis Abbas panem Cælestis doctrinæ libro de panibus aliisque opusculis abundè subministrans.

Petrus Chrysológus ex aurea ingenij, & eloquentiæ vbertate id cognomen assecutus Familiæ illi sunt congeminationes, & periodorum conformationes.

Petrus Comestor, dictus Magister Historiæ Scholasticæ, quam ex libris sacris potissimum textit, itemque ex profanis, ex quibus incertas Historias aliquando admiscuit.

Petrus Damianus ex Monacho Cardin. vir optimi sensus, & auctæ facundiæ, quem fuisse Canonikum Regularem absurdo errore asserit Ioannes Trullus, eum scilicet confundens cum Petro Portuensi Canonico Reg. qui vixit eodem tempore. Vtrumque commemorat Hieron. Rubeus lib. v. Hist. & auen. rectè obseruans quantum inrer eos discriminis sit. Porro Damianum ob zelum Ecclesiasticæ disciplinæ alterum Hieronymum dictum esse notat Baronius in Martyrologio ad diem 9. Nouembris.

Petrus Diaconus Cassinensis, cuius pleraque opera nondum impressa sunt, præsertim Commentar. in Regulam S. Benedicti. Habet quædam eius opuscula Io. Baptista Marus S. Angeli in foro piscario Canonicus, vir doctus, & antiquorum Patrum studiosissimus.

Petri Dorlandi Carthusiani Chronicon sui Ordinis, quo res præclare in eogestas explicat.

Petrus Faber I. C. nominatissimus, penû omnium scientiarum.

Petrus Galatinus Ord. Minorum Theologus insignis, qui tamen librum de arcanis Catholicæ veritatis aduersus Hebræos maiori ex parte transcripsit ex pugione fidei Raimundi Martini Ord. Prædicatorum.

Petrus Gregorius Tholosanus vtriusque iuris, & omnium scientiarum peritia magnus.

Petrus Lombardus Episcopus Pa-

- rifen. Theologiæ compilator, dictus Magister Sententiarum.
- Petrus Mauritius dictus Venerabilis, Abbas Cluniacen. vir sanctus, verborum venustate placens, & sententiis grauis.
- Petrus Montius, siue de Monte, Philosophus multæ & reconditæ doctrinæ, sed confusus aliquando, & obscurus.
- Petrus Nonius non ignobilis Mathematicus, cuius est egregius liber de crepusculis.
- Petrus Pilichdorsius, qui sectam Valdensium docto volumine confutauit.
- Petrus Pithæus omnium bonarum artium ornamentum, & vindex antiquitatis.
- Petri Pontij Parmensis de re Musica Dialogi praxim eius edocentes.
- Petrus Rouerius, qui Reomaensis Monasterij Historiam edidit, & illustrauit.
- Petrus Tyriæus Nouesius rerum reconditarum cognitione conspicuus.
- Phalaridis Agrigentinarum Tyranni Epistolæ verbis concisæ, sententiis locupletes, si tamen veræ sunt, & non ab aliquo exercitij gratia confictæ.
- Phœbadij Episcopi Agennensis in Gallia liber singularis aduersus Arianos. Alij Sebadium vocant, eiusque laudes celebrat *lib. 1. Histor.* Seuerus Sulpitius.
- Phœdrus Thrax Augusti Cæsaris libertus, fabularum, quas, ut ipse ait initio lib. v. auctoritatis gratia Æsopicas nuncupa-
- uit, libros quinque conscripsit iambicis versibus cultissimis & elegantissimis.
- Philastrius Brixienfis Episcopus hæresum profligator: quædam tamen tanquam hæretica respuit, quæ talia non sunt, ut quod stellæ sint cælo infixæ.
- Philippus Abbas Bonæ Spei, pius & doctus, sed dicendi genere singularis, quippè qui clausulas similiter desinentes vbique affectat.
- Philippus Beroaldus vir summus suo sæculo, sed audax, & in quo iudicium subindè desideratur.
- Philippus Clarquallensis de miraculis S. Bernardi.
- Philippus Cluuerius vir singulariter eruditus, de antiqua & noua Geographia optimè meritus.
- Philippus Labbe Soc. Iesu, vir infinitæ lectionis, & eruditionis, atque acerrimi iudicii in veterum scriptis recensendis.
- Philo Carpathiorum Episcopus à S. Epiphanio ordinatus, cuius Commentario in Cantica Cantorum inserta sunt quædam ex S. Gregorio Papa, quæ ideo cum reliquis malè cohærent.
- Philo Iudæus Platonis æmulus, vir omnium consensu doctissimus.
- Philostrati iuxta Suidam senioris, iuxta alios iunioris, Heroica, Icones, & vitæ Sophistarum floridissimo & suauissimo stylo.
- Philostratus Lemnius in vita Apollonij Thiarçi fabulator, & mendax, sed sermo eius melledulcior fuit.

- Philotheus** Patriarcha Constantinopolit. facundus Orator, sed Schismaticus pertinacissimus.
- Phocas** antiquus Grammaticus, à quo Grammaticam suam magna ex parte mutuati, sunt Ælius Antonius Nebrissenfis, & Ioan. Despauterius.
- Phornutus**, vel **Cornutus**, Græcus Auctor, cuius est liber de natura Deorum, siue vt Christiani veteres inscripserunt, de Græcanica Theologia.
- Photij** Pseudopatriarchæ Constantinopolitani Bibliotheca, quæ insinuat eius lectionem, & acerrimum iudicium demonstrat: sed hic homo perditus fuit, & primus auctor Schismaticis Græcorum: ingenij vafri, versipellis, & ambitiosi.
- Pierius Valerianus** Hieroglyphicorum accuratissimus collector & illustrator.
- Pindarus** Lyricorum Princeps inimitabilis.
- Plato** sapientiæ Antistes, Philosophorum Antesignanus, quem tamen dolet Tertullianus, *lib. de Anima cap. 23.* omnium hæreticorum condimentarium factum. Multa quoque congerunt aduersus eum Athenæus, *lib. 11. Dipnosoph.* & ex recentioribus Io. Bapt. Crispus, *lib. de Platone causè legendo.* Eius elocutionem seuerè exagitat Dionysius Halycarnassensis, laudat autem M. Tullius.
- Plautus** decima musa, Romanæ linguæ lex, omnium leporum pater.
- Plethonis** Scholia in magiam Zoroastris. Hic Georgius Gemistus prænominatur, & in Concilio Florentino pro vnione Ecclesiæ multum laborauit.
- Plinius maior** vir singularis doctrinæ & styli, sed non est vbi que sui similis.
- Plinius iunior**, cuius Panegyricus & Epistolæ omnibus numeris absolutæ sunt miscentes vtile dulci. Sed in Pauegyrico nimia quandoque prolixitate aggrauat animum legentis.
- Plotinus** Platoniscus profundissimus, & à populari capto omnino disjunctus. Genus dicendi sectatus est horridum, & incultum, verborumque ac sententiarum obscuritate perplexum.
- Plutarchus** compendium eruditionis, prudentiæ thesaurus, totius Philosophiæ Venus, ac lyra, vt de eo scribit Eunapius. Libri autem de Placitis Philosophorum alteri Plutarcho recentiori tribuuntur.
- Pœnitentiale Romanum**, ex quo apparet Ecclesiasticæ disciplinæ quanta olim seueritas fuerit.
- Polizani** stratagemata militibus vtilia, arguta, & curiosa.
- Polybius** Megalopolitanus Historiæ Romanæ Auctor vetustissimus, ciuili prudentia, & scientia militari nulli secundus; qui duplici fungitur munere Historici & Philosophi, narrans, & docens.
- Polidorus Ripa** I. C. qui luculentum tractatum scripsit de Nocturno tempore.

Polidorus Virgilius non contemnendæ literaturæ homo, sed in libro de inuentoribus rerum sæpè futilis, & mendax est.

Pomponius Mela, cuius libellum de situ orbis styli elegantia, & breuitas toti orbi commendant.

Porphyrus Philosophus Christianæ fidei defensor, vt aſſerit Auguſtinus, *lib. 10 cap. 28. de ciuit. Dei*, quem Theodoretus, *lib. 3. adu. Græcos* fautorem mendacij, & Cyrillus *lib. 3. cont. Iulian.* patrem calumniarum vocant. De huius vita & ſcriptis diſſertationem eruditiffimam edidit V. C. L. Lucas Holſtenius.

Poſſidippus Græcus Poëta cuius in Anthologia quædam ſunt Epigrammata. Mentionem eius faciunt Clem. Alexandrinus in *Protreptico*, Arnobius, *lib. 6.* & Stephanus de *Vrbibus*.

Poſſidius Afer Episcopus Calamensis, qui malè quibusdam eſt Poſſidonius, Scriptor vitæ S. Auguſtini.

Pothonis Preſbyteri Frumienſis libri pij, & ingenioli de ſtatu domus Dei, & deque magna domo ſapientię.

Prifcianus Cæſarienſis Grammaticus, omnium ſui generis Princeps ſcriptor.

Primaſius Episcopus Vticenſis, ſive Adrumerinus, in Africa, cuius ſunt Commentaria in D. Paulum ſtylo dulci, & temperato.

Proclus Lycius Philoſophus Platonicus, Mathematicus, & Poë-

ta, hoſtis Chriſtianorum. Quæ & quanta ſcripſerit docet Suidas. Voſſius lib. de ſectis Philoſophorum non Lycium, ſed Siccenſem fuiſſe ait.

Proclus primo Cyzicenſis Episcopus, poſtea Patriarcha Conſtantinopolit. vnus de antiquis Eccleſiæ Patribus, æqualis Cyrillo Alexandr. qui ipſum egregiè laudat.

Procopius Gazeus Sophiſta ſacræ Scripturæ Commentator magis ex aliorum laboribus, quam ex proprio ingenio.

Procopius Illuſtrius Cæſarienſis verax Hiſtoricus, ſtyli mediocriſ. Vixit Iuſtiniani temporibus, Belifario à ſecretis.

Propertius Poëta dulciſſimæ venæ.

Proſper Aquitanicus acerrimus fidei deſenſor in ſcribendo accuratus, ſiue ſoluta, ſiue ligata oratione loquatur. Sirmundus in notis ad Sidonium Apollinarem conſtanter negat hunc Episcopum fuiſſe. Imo laicum fuiſſe & vxoratum docet Philippus Labbe.

Prudentius Pindarus Chriſtianus, dulciſſimus, & prudentiſſimus Chriſti vates.

Pſellus nobiliſſimus, & diſertiſſimus Philoſophus, & Theologus. Quis autem hic fuerit, & quæ ſcripſerit, docet vir doctiſſimus Leo Allatius in diatriba de Pſellis.

Ptolomæi Alexandrini, ſeu verius Peluſiote libri tres Harmonicorum. Hos autem libros non eſſe huius Ptolomæi Geo-

graphi & Astrologi, sed alterius Ptolomæi Philadelphi recentioris Philosophi Pythagorici asserit Ioannes Meursius in notis ad Musicam Nicomachi Geraseni.

Publij Syri Mimographi graues, & elegantes sententiæ.

Pythagoræ sapien tissimi Philosophi aurea Carmina, si tamen eius sunt, & non potius Philolai, vel Lyfidis. Nihil enim quod verè Pythagoræ foret extare tum Ioseph in Antiquitatibus, tum Rufinus aduersus D. Hieronymum, alique recentiores affirmant.

Quintilianus Aristides Musicus Græcus excellentissimus.

Quintiliani Senioris acutissima declamationes.

Quintilianus Iunior Auctor Oratoriarum Institutionum, optimus dicendi artifex.

Quintus Curtius tertius, & perspicuus Historicus, acutus in sententiis, in orationibus mirè disertus.

Quinti Calabri, siue Cointi Smyrnæi suauissimi styli Paralipomena, siue prætermissa ab Homero.

R

Rabanus Maurus ex Abbate Fuldensi Archiepiscopus Moguntinus eque doctus, ac pius, ligata & soluta oratione

excellens. Artificiosum valdè est eius Poëmarion Isogrammaticum de laudibus S. Crucis.

Rabbi Abraham Sepher Ietzirah, id est liber Creationis Magno Abrahamo Patri Credentium, solemnè mendacio à Cabalisticis attributus.

R. Abrahami Aben Esra inter magistros suæ gentis nominatissimus, Scriptit in totum vetus Testamentum.

R. Akiba Commentarius in librum Ietzirah, quem ipse scripsisse dicitur, & Abrahamo supposuisse.

R. Daud Kimchi celebris Hebræorum Grammaticus.

R. Elieser Auctor libri Berachot, id est Benedictionum.

R. Iacob Cohen explicatio libri Ietzirah.

R. Ioseph Castiliensis Cabalista, cuius est liber Nucum, & pottalucis.

R. Isaac explanatio nominis sancti.

R. Iuda, qui ab Hebræis Rabbeni Hakados, id est Magister noster sanctus nuncupatur, vir magni nominis inter suos, Auctor Mischnæ, quæ est quasi secunda lex, qua vtuntur Hebræi.

R. Moyfès Ægyptius, qui doctissimum librum conscripsit More Haneuochim Duce dubitantium, de dubiis perplexis veteris Testamenti stylo difficili, & scholastico. patriam habuit Cordubam, sed dictus est Ægyptius, quia in Ægypto habitauit

- tauit. Primus fuisse videtur, qui inter Iudæos defierit nugari; ideo à suis celebratur hoc dicto: A Moysè (Legislatore) vsque ad Moysen (hunc scilicet dictum Maymonidem) nemo fuit sicut iste Moyses.
- R. Simeon Ben Ioachai Auctor libri Zoar, quo fundamenta ponuntur vanæ artis Cabalisticæ.
- Radulphus Ardens feruentissimus concionator.
- Radulphus Glaber Monachus, Historiarum sui temporis accuratissimus Scriptor, quem Baronius, & alij merito reprehendunt, quod velit Romanum Pontificem, nihil posse extra suam Diocesim.
- Radulphus de Riuo Decanus Tungrensis tenacissimus antiquitatis in diuinis officiis, vt constat ex eius libro de Canonum obseruantia.
- Raimundi Martini Ordinis Prædicatorum Pugio fidei aduersus Mauros, & Iudæos, liber aureus, post quatuor sæcula è tenebris erutus, & nouissimè impressus Parisiis cum variis, & doctissimis obseruationibus eximij viri Ioseph Voisin Burdegalen. ex quo Galatinus, vt supra dixi, optima quæque in sua arcana transfudit, suppresso penitus auctoris nomine.
- Raimundi de Sabunde Theologia Naturalis valdè ingeniosa, praxim continens Artis magnæ Raimundi Lullii. Adrianus Turnebus dicebat hunc librum esse quintam essentiam D. Thomæ.
- Rampertus Episcopus Brixienfis S. Philastrij Encomiastes in libro de eius translatione.
- Ratramni Corbeienfis Monachi contra Græcorum opposita libri IV. editi to. 2. Spicilegij à V. CL. Luca Dacherio.
- Raphaël Volaterranus, vir multæ industriæ, ac doctrinæ, ac veterum Auctorum laboriosissimus excerptor, qui inter cætera ingenij sui monumenta reliquit libros 38. vrbaneorum Commentationum, quibus omnia comprehendit.
- Ratpertus Monachus, Poëta pius, & simplex.
- Remigius Antissiodorensis Monachus, cuius est in Prophetas minores luculenta enarratio miram breuitatem cum perspicuitate complectens.
- Rhegino Abbas Prumiensis non inutilis Historiographus.
- Richardus à S. Laurentio probæ notæ Auctor, B. Virginis eximius laudator, stylo simplici.
- Ricardus à S. Victore, vir scientia cautus, lingua disertus, diuinæ contemplationis subtilissimus Magister.
- Richardus Pampolitanus Anglo-saxo Eremita, pius Scriptor.
- Robertus Bellarminus Cardinalis omni scientiarum genere excultus, & summa imbutus pietate.
- Roberti à Flud Oxoniensis Eretodoxi inanis subtilitatis opera, nimirum vtriusque Cosmi Historia, Philosophia Mosæica, & alia; quibus merito Græcum prouerbum conuenit, magnus

- liber, magnum malum.
- Roderici Episcopi Zamorensis speculum vitæ humanæ omnium statuum bona & mala optimè representans.
- Rufinus Aquileiensis non minima pars Doctorum Ecclesiæ, ut ait Gennadius, vir elegantis ingenij, D. Hieronymi quondam amicissimus, postea aduersarius, de quo extat Censura Gelasij Papæ, *cap. Sancta Romana, distinct.* 15.
- Rupertus Abbas Tuitiensis pietate eximius, eloquio nitidus, sensu profundus: errauit tamen circa Sacramentum Eucharistiæ errorem astruens impanationis, ut Bellarminus obseruat, & ex scriptis eius manifestum est.
- Ruricius Lemouicensis Episcopus, cuius extant Epistolæ elegantes, & artificiosæ.
- Rustici Cardinalis disputatio contra Acephalos. Hic autem damnatus fuit sub Vigilio Papa ob pertinacem trium capitulorum defensionem.
- Rusticus Helpidius V. C. & exillustri Boëtij æqualis, qui summatim tribus versibus heroicis, plerasque Historias vtriusque testamenti non sine acumine, & venustate complexus est.
- Rutilius Numantianus Gallus egregius Poëta, nisi quod Christianis, præsertim verò Monachis, iniquus est.

S

- S Alonius Episcopus Viennensis in Gallia, qui prouerbia, & Ecclesiasten mysticè explicauit. Hunc fuisse Episcopum certum est, sed an fuerit Viennen. dubitat Baronius *an.* 441.
- Saluianus Presbyter Massiliensis, cultus, ac pius Auctor, nouus sui temporis Hieremias.
- Sallustius Græcus Philosophus Cynicus, Auctor doctissimi libelli de Diis, & Mundo.
- Sallustius Historicus admirandus, florentissimæ breuitatis artifex; cuius dictionem Asinius Pollio damnabat tanquam obscuram, & in translationibus audacem: ab Augustino autem *lib. de vita beata*, electissimus verborum pensator nuncupatur.
- Sanctes Pagninus Hebræicarum litterarum, & diuinæ Scripturæ peritia insignis.
- Sapho Lesbica suauissima in Lyricis Poëtria.
- Saxo, Grammaticus viuidus, & elegans Historicus, sed fabulator quandoque, & subleste fidei.
- Sebastianus Foxius Morxillus Platonis Interpres doctus, nobilis, sine labe.
- Secundi Atheniensis Sophistæ, quem Suidas crasso errore confundit cum Plinio Secundo, aureæ sententiæ.
- Sedulius florentissimus Scriptor, & optimæ, ac Christianæ venæ Poëta.

Seneca Sapientiae fons, ac virtutis studio penè Christianus, expurgandus tamen ab erroribus Stoicorum.

Seneca Iunior Tragædus tersus, & grauis; sed ei tribuæ Tragædiæ non vnius Poëtæ sunt. Octauiam censent nonnulli L. Flori esse, cuius est Epitome Rerum Romanarum, qui adoptione dictus est Annæus Seneca.

Sergius Hieropolitanus Christianus, & disertus Orator.

Seruius Honoratus celebris Grammaticus, & Virgilij Commentator.

Seueri Rhetoris, & Poëtæ Christiani carmen Bucolicum.

Seuerianus Gabalensis Episcopus, antiquus, & eloquentissimus Scriptor, sed ob æmulationem S. Ioannis Chrysostomi minus secundam posteritatis famam meruit, vt ait Petauus in Rationario.

Sexti Empyrici subtilissimi Philosophi, Plutarchi ex sorore Nepotis, libri admirabiles aduersus Mathematicos, & Pyrrhonianum hypotyposeon.

Sidonius Apollinaris Aruernorum Episcopus, vir acris ingenij, & cothurnatæ eloquentiæ, sed stylo duro & obscuro ob corruptum à Gothis sæculum.

Sigibertus Gemblacensis Monachus, vtilis, & laudabilis Historicus, nisi quod Gregorio VI. iniquior fuit, & in gratiam Imperatoris multa mentitus est.

Silius Italicus Orator verius, quam Poëta; qui, vt ait Plinius,

carmina scripsit maiore cura, quam ingenio.

Simplicius magnus Philosophus, Platonis, & Aristotelis conciliator, ac vtriusque sectator, & Epicteti Stoici Commentator. Non tamen Christianus fuit, vt quidam perperam existimant.

Simeon de Cassia vir admodum pius, & seruens, cuius est insigne opus de gestis Domini Saluatoris.

Simeon Metaphrastes vir Sanctus Sanctorum vitas descripsit, in quibus quid obseruandum sit docent Bellarminus de script. Ecclesiasticis, & Baronius sæpè in Annalibus. Bolandus tamen eum seueriori censura immerito perstrictum ait in præf. generali ad Acta Sanctorum cap. 1. §. 3. Vixit tempore Leonis Filij Basilij Macedonis.

Simeonis Præpositi Monasterij S. Mamantis, quem Græci nouum Theologum post Nazianzenum vocant, orationes & opuscula sanctis documentis plenissima. Sunt qui hunc confundant cum Simeone Metaphraste, sed ex huius scriptis colligitur ipsum vixisse annis circiter CCL. post Metaphrastem.

Simeon Vuangnerock è Soc. Iesu vir doctus & pius, qui pietatem Marianam Græcorum ex eorum Menæis luculenter exscripsit.

Smaragdus Abbas diuinæ scientiæ lumine imbutus, qui cum S. Ardone Smaragdus à plexi-

que confunditur.

Socrates Constantinopolitanus Ecclesiasticæ Historiæ scriptor, Hæreticus Nouatianus, quem Phorius ait nec styllum splendidum habere, nec in dogmatibus esse accuratum.

Solinus Polyhistor Plinij transcriptor sæpè dormitans, qui tamen Plinij curæ quædam adiecit.

Sophoclis Tragicæ graves, acutæ, sublimes. Diuinum Poëtam vocat Cicero 2. de Diuinat.

Sophronius Patriarcha Hierosolymitanus, cuius elegans & declamatorium ingenium in variis, quas scripsit, orationibus elucet.

Sospiter Charisius doctus, & antiquus Grammaticus.

Sozomenus Salaminus Historicus Ecclesiasticus ab Ecclesia alienus, & parum verax.

Speusippi libellus valdè vtilis de definitionibus Platonis.

Statius papinius Neapolitanus, summus, & egregius poëta.

Stephani Abbatis, & postea Episcopi Tornacen. Epistolæ elegantes, & curiosæ.

Stephani Eduensis Episcopi præclarum opus de Sacramento Altaris.

Stephanus Forcatulus Iurisprudentia, philosophia, & varia præditus eruditione.

Strabo Amasenus princeps Geographorum, quem frustra conatur de sui operis possessione deicere Franc. patricius lib. 3. *Peripatetic. discussionum*, vt quidam Stratonij tribuat. Casti-

gandus autem videtur Strabo, quod Historias, & philosophicas disputationes Geographiæ miscuerit.

Suetonius Tranquillus Historicus emendatissimus, & candidissimus, liber, & concisus, qui vitis Cæsarum scripsit pari libertate, ac ipsi vixerunt, vt censet D. Hieronymus.

Suidas Monachus Byzantinus Grammaticus eruditissimus, & admirabilis.

Symmachus V. C. mirabili eloquio, & scientia præditus, sed Christianis infensus.

Symposius Poëta enigmatum Scriptor non contemnendus.

Symphoriani Camperij Lugdunen. Platonica Symphonia, iis valdè vtilis, qui Platonice doctrinæ student.

Synesius Cyrenensis Episcopus, qui in suis scriptis Platonem, Demosthenem, ac Pindarum exhibet nobis Christiano ore loquentes.

T

Tatiani florentissimus liber aduersus Gentiles. Sed post martyrium S. Iustini, cuius erat auditor, factus est Tatianus Hæresiarcha.

Terentius tersissimus Comicus, quem Cicero elegantissimum vocat. Sunt qui putant eum in componendis Comædiis adiutores habuisse C. Lelium, & Scipionem Æmilianum, nec ipse negat, vt constat ex Prologo Adelphorum.

Terentianus Maurus, qui librum de metris scripsit versibus dis-

- ficilibus, & laboriosis.
- Teridij Presbyteri nomine scripta ægula Monachorum, quæ S. Cæsarij est, cuius Teridius Ne-
pos fuit.
- Tertullianus Presbyter acris, & vehementis ingenij, & in lo-
quendo obscurus, disertior quam felicius, ut de eo loquitur Vincentius Lirinensis, cuius lapsus nos admonet, non altum sapere, sed timere.
- Thalassij Monachi Centuriæ spirituales de charitate, continentia, & regimine mentis.
- Themistius Euphrades, id est eloquens sapientiæ, ac regiæ disciplinæ thesaurus. Non tamen fuit Christianus, ut quidam putant, licet Christianos Impp. laudauerit. Præceptorem suum vocat Augustinus in fine libri de Categoriis.
- Theocritus floridissimus Bucolicorum Princeps.
- Theodoretus Episcopus Cyrensis fluidus, copiosus, & vndeque doctissimus.
- Theodorus Balsamon Patriarcha Antiochenus Canonum Interpreter sæpè vacillans & Ecclesiæ Romanæ aduersarius.
- Theodorus Gaza Thessalonicensis, Græcæ, & Latinæ linguæ scientissimus, quem Pomponius Lætus sui æui doctissimum existimauit. Erat in eo summum doctrinarum studium, cum summa eloquentiæ facultate.
- Theodori Ecclesiæ Constantinopolitanæ Lectoris collectanea ex Ecclesiastica Historia.
- Theodorus Feltanus Catholicæ doctrinæ aduersus Nouatores defensor acerrimus.
- Theodorus Prodrōmus vir excellentissimus seu versu, seu prosa; seu sacra, seu profana scribat, sed fuit Schismaticus.
- Theodorus Studites vir admirandus, potens opere, & sermone.
- Theodoricus Erfordiensis Scriptor vitæ S. Dominici.
- Theodulfus ex Abbate Floriacensi Episcopus Aurelianen. tam versu, quam prosa excellens.
- Theofridus Abbas, cuius extant sermones nitidi eloquij de Reliquiis & veneratione Sanctorum.
- Theoleptus Philadelphicæ Metropolitanæ suavis hymnographus.
- Theo. Smyrnæus Mathematicus, cuius opuscula multa in variis Bibliothecis M. SS. supersunt. Quædam edidit Ismaël Bulliardus, qui eum Plutarcho cœuum fuisse arbitrat.
- Theophanes Byzantius; qui res gestas sub Iustino II. libris 10. eleganter prosequitur.
- Theophanes Cerameus Archiepiscopus Tauromenice in Sicilia, cuius extant Hymni sacri, & orationes,
- Theophanis Episcopi Niceni Hymni pro Ecclesiasticis officiis.
- Theophylactus Bulgarorum Archiepiscopus Schismaticus, qui ex Chrysostomo sua in Scripturam Commentaria compilauit.
- Theophylactus Simocatta, cuius præter Historiam extant quæstiones Physicæ, & Epistolæ agrestes, morales, amatoricæ: stylum habet venustum, sed

- dum nimis elegantiam sectatur in cacozelon, & puerilem affectionem incidit.
- Theophili Alexandrini Epistolæ Paschales vtilis, & doctæ.
- Theophilus Episcopus Antiochenus primigenium Ecclesiæ spiritum in suis lucubrationibus ostendens.
- Theophili Protospatarij lib.v. exquisitissimi de hominis fabrica.
- Theophilus Raynaudus omni doctrina, & eruditione refertus, multitudine librorum quos scripsit omnibus notus.
- Theophrastus Philosophiæ decus, diuinæ vir eloquentiæ, vnde & nomen ab Aristotele magistro suo accepit, cum prius Tyrtaeus diceretur.
- Theosteticus politus & amœnus in Hymnis, & in Historia.
- Thomas sanctimonialis auctrix vitæ S. Febroniz Virginis, & Martyris.
- Thomas Aquinas doctor Angelicus, Princeps Theologorum Scholasticorum.
- Thomas Cantipratanus Ord. Prædicatorum sub figura Apum librum scripsit de officio Prælatorum, & subditorum, quo miracula sui temporis verè, & fideliter describit.
- Thomas Cisterciensis Cantica Cæricorum exposuit stylo conciso, & aspero, crebrisque diuisionibus intricato.
- Thomas de Vio Caietanus profundus Theologus, & Interpretæ Sacræ Scripturæ, vir summi ingenij, nec minoris pietatis.
- Thomas Dempsterus optimæ notæ Philologus, & rerum Scotticarum Historicus.
- Thomas de Villanoua Archiep. Valentinus, qui sanctitate, & doctrinâ vniuersam Hispaniam illustrauit.
- Thomas de Kempis simplici stylo magnam tradens doctrinam spiritus.
- Thomas à Iesu Carmelita exaltatus vir multiplici doctrinâ, & in praxi mysticæ Theologiæ singulariter eruditus.
- Thomas Valdenfis Carmelita magno pollens ingenij acumine, vt ex doctrinali fidei colligitur, quo hæreses extirpantur.
- Thucydides omnium cultissimus, & verax Historicus, stylo sæpè durus, nec satis rotundus, vt ait Cicero, de qua re etiam reprehenditur à Dionysio Halicarnassæo. Demosthenes autem tanti eum fecit, vt octies manu sua scripserit.
- Titus Bostrorum Episcopus Sectæ Manichæorum doctè confutauit, & Euangelium secundum Lucam explicauit. Sed hanc Lucæ expositionem falsò huic tribui censeo, nam citantur in ea Chrysostomus, Cyrillus, & alij Patres, qui post ipsum floruerunt.
- Titus Livius Historiæ Latinæ Princeps, lactea vbertate fluens, cui tamen Asinius Pataunitatem obiecit, Lipsius frigidum aliquando, & supinum agnoscit.
- Trebellus Pollio nobilis Historicus cuius dictio paulò altius assurgere censetur, quam conueniat Historico.

Tycho Brahe Excellentissimus Astronomus, qui in siderum observatione nulli priorum cessit.

Tychonius Afer Donarista, cuius meminit Augustinus *lib. 3. de doct. Christi*.

Turcius Rufus Asterius, cuius est Collatio veteris, & noui testamenti venusto carmine expressa, à quibusdam Sedulio, ab aliis Claudiano Mamerto adscripta.

V

Valerianus Cemeliensis Episcopus, quem Theophilus Raynaudus erudita Apologia libetare nititur à suspitione Semipelagianismi.

Valerius Flactus felicitis ingenij, & magni iudicii Poëta; sed imperfectum Argonauticorum opus reliquit.

Valerius Maximus rerum varietate conspicuus, in plerisque acutus, & subtilis, in plerisque durus, & abiectus, labe quoque adulationis viloscens.

Valerius Probus Grammaticus, vir multæ industriæ in notis antiquorum explicandis.

Vegetius disciplinæ militaris eloquens, & doctus Scriptor.

Venantius Fortunatus Pictauiensis Episcopus nitidæ venæ Poëta, quem Hilduinus virum prudentem, & scholasticissimum appellat.

Victorinus Episcopus non Pictauiensis, sed Petauionensis, seu Pitabionensis in superiori Pannonia, & Martyr, quem Optatus Milenitanus, ut insignem hæresum debellatorem laudat *lib. 1.* Hieronymus autem eum

enumerat inter Chiliaftas *in c. 36. Ezech.* Nihil eius superest præter Commentarium in Apocalypsim, de quo etiam dubitamus, an sit legitimum.

Victor Cartennæ in Mauritania Episcopus, stylo & dictione sublimis, cuius liber de Pœnitentia inter opera D. Ambrosij reperitur. Philippus Labbe ex Codicibus MSS. docet hunc librum esse alterius Victoris Turonensis ite in Africa Episcopi.

Victor Gifelinus Prudentij schiaftes non admodum accuratus.

Victor Episcopus persecutionis Vuandalicæ in Africa Scriptor, & particeps. Hic Episcopus Vticensis per errorem vocatur. Nam ut notat Franciscus Chiffletius in notis ad vitam S. Fulgentij scriptam à Ferrando, quo tempore hic scripsit, erat Episcopus Vticensis Florentinus. Victor itaque Episcopus Vitenfis fuit, & postea Primas Byzacenus, in qua Prouincia est Ciuitas Vitenfis. Ita Chiffletius ex antiquo Codice MS.

Vigilij Episcopi Tapfitani in Prouincia Byzacena libri 5. aduersus Eutychen, hætenus tributi Vigilio Martyri Episcopo Tridentino, cuius esse non posse, iam agnouerat Baronius. Verus Auctor repertus est in Cod. MS. Monasterij S. Eugendi, siue S. Claudij Iurenfis. Idem Chifflet. præf. in Ferrandum.

Vincentius Beluacensis vir omniscius, ac plurimæ lectionis, ut ex eius quadruplici speculo constat.

Vincenſij Fetrerii viri ſanctiſſimi
Opuſculum de vita ſpiritali
cœleſti plenum ſapientia.

Vincenſius Galilæus, qui doctiſſi-
mum tractatum edidit de an-
tiqua, & noua Muſica, planè ne-
ceſſarium ad Muſicam noſtri
temporis corrigendam.

Virgilius Maro Poëta abſolutiſſi-
mus, dictus Plato Poëtarum ab
Alexandro Seuero, vt refert
Lampridius; omnium optimus,
& incomparabilis.

Vitruuius, cuius ſunt de Archite-
ctura notiſſimæ, & omni laude
dignæ lucubrationes.

Vlpianus Rhetor Demothe-
niſcholiſtes creditus ille, quem
inter ſapientes enumerat Athe-
næus in Cœniſ.

Vranius, ſiue Oranius, qui vitam
B. Paulini deſcripſit.

Vrbani Quarti Rom. Pontificis
pia Metaphraſis in Pſalmum 50.

Vualfridus Strabo, vir ſapiens, &
literarum ſcientia illuſtris. Fuit
Monachus Fuldenſis, poſtea
Decanus S. Galli, demum Ab-
bas Augiæ diuitis: qua de cau-
ſa quidam decepti, duos Stra-
bones fecerunt, vnum Mona-
chum Fuldenſem, alterum Au-
giæ Abbatem, cum idem ſit.

Vuillielmus Malmesburienſis Mo-
nachus rerum Anglicarum lu-
culentus Hiſtoricus.

Vuolfangi Lazii Viennen. erudi-
tiſſima Romanæ Reipub. Com-
mentaria.

X

Xenophon Summus Philoſo-
phus, magnus Hiſtoricus,
ſuauiſ Orator, Apis Attica, di-
ctus à Suida, cuius ſtylus dul-
cior melle à Tullio dicitur, &
cum quadam lenitate fluens.
Cyriopædia non ad fidem Hiſto-
riæ, ſed ad effigiem iuſti impe-
rii ab eo ſcripta eſt, vt idem
Tullius affirmat lib. 1. Ep. 1. ad
Q. fratrem.

Xenocratis Platonici inſignis li-
bellus de morte.

Z

Zachariæ Scholaſtici, ac po-
teſta Ep. ſcopi Mytilenes ſub-
tiliſſima diſputatio de Mundi
opificio contra Philoſophos.

Zeno Veronenſis Antiſtes acumi-
ne ingenii, ſtyli præſtantia, re-
rumque diuinatum petitiâ cla-
riſſimus.

Zonaras Hiſtoricus græcis, & co-
pioſus, ſed in quo maiorem cu-
ram deſiderant Critici Recen-
tiores.

Zoroaſtris oracula Magica, ſeu ve-
rius reconditæ philoſophiæ ar-
tificioſum compendium: non
autem reuelationes ſub eius no-
mine à Gnoſticis euulgatæ. Du-
bium eſt autem, fueritne hic
Bactrianorum Rex, an alius re-
centior, de qua re doctè & eru-
ditè Sam. Bochartus p. 1. Geogr.
ſacræ lib. 4. cap. 1. Apuleius 2.
Florid. ait Zoroaſtrem Pytha-
goræ præceptorem fuiſſe.



PSALLEN- TIS ECCLESIAE HARMONIA.

TRACTATUS

HISTORICVS;
SYMBOLICVS,
ASCETICVS.

DE

DIVINA PSALMODIA

EIVSQUE CAUSIS, MYSTERIIS, ET DISCIPLINA;
Deque variis ritibus omnium Ecclesiarum in psallendis
diuinis Officiis.

CAPVT I.

De antiquitate, & excellentia diuinæ Psalmodia.

METRVM I.



AGNVM opus aggredior : laudum veneranda sa-
ctarum

Dogmata, & arcanos Hymnorum pandere ritus.

Quid Psalmi, sanctæque preces, quid mystica templi

Religio, quid dia notent modulamina certis

Horarum spatiis summo resonantia Regi.

Quamuis priscorum dudum hæc illustria scriptis

Eniteant : mihi plura tamen penetranda supersunt.

Angelicos cantus, vixque ulli audita priorum

Verba referre iuvat, superosque recludere sensus

Tu Deus ignitis olim qui corda replesti

Linguarum pluuiis, tanti tu muneris auctor.

Dexter ades, nutuque tuo referare latentia

Sacrorum causas liceat, gratissima dona

Mystis, mortalem sine te fallentia sensum.

Tu quoque diuini purissima mater Amoris,

Lux mundi, calique decus, quæ prodiga terre

G

*Æthereas largiris opes, ac diuite dextra
Effundis superæ septena charismata lucis;
Duc age, Diua, tuum salebrosa per inuia vatem,
Te sequor, audaci labor hic tibi militat ausu.
Iste mihi faciles & vos clarissima mundi
Lumina, vos cæli proceres, vos conscia Christi
Pectora, sidereis vos me succendite flammis.
Forſitan hæc Latias volitantia scripta per oras
Accendent pietate animos, cultuque percunſi
Crescet in immensum diuinæ gloria laudis.*

§. I.

Antiquitatis quanta sit vis. Diuinarum laudum antiquissima origo. Religio solius hominis propria. Cur homo recta statura. Ignorantia malorum radix. Dei cognitio difficillima. Quædam obiter aduersus Atheos.

Arnob. lib. 1. contra gentes.
Tertul. lib. 1. adu. Marcionem.

1. **S**Citè quidem dictum est ab Arnobio Religionis auctoritatem non esse tempore æstimandam, sed Numine: scitè quoque Tertullianus scripsit, res diuinas debere potius de sua veritate, quam de vetustate censi; sed quia filiorum hominum mendacium in statervis opinio est, id solum præstantissimum esse, quod est antiquissimum, operæpretium me facturum existimaui, si in ipso tractationis limine diligenter inuestigarem, quibus Diuinæ laudes adoleuerint incunabulis, vt illarum videlicet cognito exordio, dignitas simul, & excellentia clarius innotescant. Quod si ad vulgi mentem tanta longæ durationis potestas est, vt miscendo humana diuinis, multarum urbium, & populorum initia ad Deum aliquem referre, & augustioribus primordiis consecrare potuerit; hac sanè gloria sacras preces non carere argumento esse multa possunt.

T. Livius initio histor.

2. Fama in primis exploratissimæ sanctitatis sacrarum literarum irrefragabili testimonio, omniumque sapientum consensu confirmata. Tum natura ipsa Dei cognitionem mortalium animis ingenerans, quem cognitum summis laudibus prosequi, eiusque auxilium in omnibus implorare eiusdem naturæ ductu edocemur. Quis enim abscondi potest, vt non sentiat Dei beneficia, vt non eius experietur amorem? Aut quis diuinæ largitatis munificentia locupletatus non ei protinus offerat *hostiam laudis, fructum laborum consentientium nomini eius*? Natura, inquit Simplicius, non homines soli, sed & muta animalia, plantæ, & lapides, omnesque res pro cuiuslibet facultate singula ad Deum conuersa sunt. Homines verò præterea statim à pueritia ad Dei cultum à parentibus assuefunt, communesque hominum sententias sequuntur. Omnes namque homines, & Barbari, & Græci tam priore infinito tempore,

Ad Hebræos cap. 13. 15.
Simplicius in Epist. 67.

quam nunc, licet alij alijs sententiis, Deum esse arbitrantur. Et, ut scribit Iamblicus, ante omnem rationis usum inest cuique naturaliter insita Deorum notio: Nam quia mundus factus est, ait Plotinus, si mentis aures ad hunc convertere libeat, forsitan audiemus ita clamantem: Me proculdubio fecit Deus. Eodem sensu Epicte- tus apud Arrianum; Ex ipso, inquit, apparatu operum solerti, & artificioso pronunciare solemus effectorem esse artificem aliquem, nec temere, & casu evenisse ista. Ergo horum quidvis suum nobis declarat artificem: aspectabilia verò illa in mundo corpora, inspec- tiones etiam, & oculis vindique lumen effusum opificem suum non testabuntur? O multam cæcitatem, exclamat Trismegistus, ô mul- tam impietatem! ô multam perfidiam! Simulachrum, aut imagi- nem sine sculptore, aut pictore nullus fieri dicet, hoc autem opifi- cium sine opifice factum erit: Cui consonans Tullius; Quid potest, inquit, esse tam apertum, tamque perspicuum, cum cælum suspe- ximus, cælestiaque contemplati sumus, quam esse aliquod Numen præstantissimæ mentis, quo hæc regantur? Quod qui dubitat, haud sanè intelligo, cur non idem sol sit, an nullus sit dubitare possit. Nemo est enim tam rudis, tam feris moribus, ait Lactantius, qui non oculos suos in cælum tollens, tamen nesciat cuius Dei providen- tia regatur hoc omne, quod cernitur; aliquam tamen esse intelli- gat ex ipsa rerum magnitudine, motu, dispositione, constantia, vti- litate, pulchritudine, temperatione. Rectè Gregorius Nazianzenus; Sicut quispiam citharam pulcherrimè confectam, & elaboratam conspiciens, eiusque concinnitatem, & constitutionem; aut etiam ip- sius citharæ cantum audiens, nihil aliud, quam ipsum citharæ con- ditorem, atque citharædum mente reputat, atque ad eum cogita- tione fertur, etiamsi de facie ignotum: eodem modo is nobis, qui res effecit, effectusque movet, atque conservat, manifestus est, etiamsi mente minimè comprehendatur. Rectè item Theophilus Patriarcha Antiochenus: Sicut anima in humano corpore non videtur inuisibi- lis existens, verum ex corporis motu cognoscitur; sic nec Deus cor- poreis oculis videri potest, cæterum ex providentia, qua singula or- dinat, intelligitur. Quemadmodum si quis cernat navim suis arma- mentis instructam mare sulcare, & in portum appellere, certè cre- dit aliquem, à quo gubernetur in ea esse gubernatorem: sic certè nemo adeo abiecti animi est, quin credat Deum esse gubernatorem omnium, quamvis ipsum oculis carnalibus non assequamur.

3. Ideo religionem virtutum omnium moralium excellentissimam mortalium animis iniecit Deus, ut quos eadem humanitas forti nexu inter se ligat; una, eademque religio Deo religet omnipotenti. In hoc totius vitæ nostræ summa ratio consistit, ut summum illud Numen ante omnia cognoscamus, cognitum purgatissima pietate

Iamblic. de my-
ster. Egypt. c. 1.
Plotin. enneade
3. lib. 1. c. 3.
Epicet. lib. 1. c. 6.

Trismeg. Pimandr.
cap. 5.

Cicerolib. 1. de
nat. deorum.

Lactant. divin.
institut. lib. 1. cap. 24.

Nazianz. orat. 2.
de Theologia.

Theoph. lib. 1. ad
Autolycum.

veneremur. Vtrumque actum docet religio omnium bonorum firmamentum, & mater, totius mundi pacatissima beatitudo. Hac subla, si quis mundum dixerit cœlum esse sine sole, nihil dixerit: Nox mera erit, & quod nocte deterius est, nihilum, & inane. Hac sola tanquam rationalis naturæ præclarissima dote super bestias, & uniuersa pecora præcellit homo. Artium enim, & gubernationis industria, ipsa quoque ratio, atque internos animi sensus exprimens sermo adeo hominem non distinguunt à brutis, vt plerique Philosophorum illud etiam inani subtilitate disputare præsumperint, Num brutis animantibus insit ratio. Sola religio est, cuius in brutis nullum extat vestigium. Eleganter Laëtantius in hanc sententiam; Summum hominis bonum in sola religione est. Nam cætera omnia, quæ putantur esse homini propria, in cæteris quoque animantibus reperiuntur: cum enim suas voces propriis inter se notis discernunt, atque dignoscunt, colloqui videntur: ridendi quoque ratio apparet in his aliqua, cum demulsis auribus, contractoque rictu, & oculis in lasciuiani resolutis aut homini alludunt, aut suis quisque coniugibus, ac fœtibus propriis. Iam illa, quæ sibi prospiciunt in futurum, & cibos reponunt, habent vtique prouidentiam. Rationis quoque signa in multis deprehenduntur. Nam quando vtilia sibi appetunt, mala cauent, pericula vitant, latibula sibi parant in plures exitus disparentia, profecto aliquid intelligunt. Incertum est igitur, vtrumne illa, quæ homini tribuuntur, communia sint cum aliis viuientibus: religionis certè sunt expertia. Hinc omnium hominum sapientissimus humanam naturam diffiniens non à rationalitate essentialem eius differentiam desumpsit, sed supra communem Philosophantium scholam altiori sublimatus fastigio, *Deum, inquit, time, & mandata eius observa, hoc est enim omnis homo.* Ergo necessaria consecutione infert Bernardus, si hoc est omnis homo, absque hoc nihil omnis homo. Cultus enim Diuinus, iuxta Platonicos, ita ferè hominibus est naturalis, sicut equis hinnitus, & canibus latratus. Chrysostomus aurea sua eloquentia illud Ceneleos explicans, *Hæ sunt generationes Noë: Noë vir iustus, atque perfectus fuit.* Rarus, inquit, & nouus genealogiæ modus. Nam, vt scriptura dixit, *Hæ sunt generationes Noë,* aures nostras excitauit, quasi genealogiam illius narratura, & quis eius pater fuerit, & vnde genus duxerit, & quomodo in hanc vitam editus, & alia quæ mos est genealogias narrantibus recensere: relictis tamen illis omnibus, & aliorum consuetudinem superans inquit, *Noë vir iustus, atque perfectus fuit.* Nam quia cæteri homines ob carnales voluptates, quibus immergi erant, amiserant esse homines, iste in tanto populo hominis imaginem seruauit. Quæ autem est imago hominis? Rationalem esse. Quid ergo? an non & illi fuerunt rationales? Verum non hoc solum fuerit hominem ef-

Plutarchus in opusculis, de hac re, & Sextus Empiricus, lib. 1. Pyrrhonianorum cap. 14. Laëtantius, lib. 3. c. 10.

Bruta vi ratione affirmabat Celsus Epicureus, vt ait Origenes libro 4. contra ipsum Vi de item Porphyrium lib. 3. de Abstinentia Lud. Vi. ues lib. 2. de Anima, Læli. Bisceiola to. 2. Hor. Sube. lib. 1. c. 4. & Ioan. Euseb. Hierem. berg. lib. 3. Hist. nat. Eccles. 12. 13.

Bern. ser. 20. in Cantic. Ficinus lib. 14. Platon. Theologia cap. 9. Gen. 6. 9. Chrys. hom. 13. in Gen.

se, sed & virtutibus esse deditum, & vitia fugere; illicitis affectionibus imperare, & mandatis Dominicis obtemperare. Nam cum in malum declinant homines, & serui fiunt irrationalium vitiolorum, hominis nomenclatura se reddunt indignos, & cum bestiis computantur. Quando enim, sicut idem alibi scribit, ut asinus calcitras, ut taurus exultas, libidine incensus sic hinnis ut equus: quando in epulis vrsorum imitaris vorarum, & pinguedine corpus mulorum more distendis: cum exercenda simultate camelum, lupum imiteris rapina: cum irascaris ut serpens, & atrocitate scorpionum percutias: cum subdole insidieris ut vulpes, ac veneno malignitatis armeris ut coluber, & vipera: qua ratione in hominum te possum numero collocare, nulla in te cernens signa humanæ naturæ? Sanè qui huiusmodi est, inquit Cydonius, non homo vocari debet, sed portentosa bestia, quales in fabulis describuntur, qui solo aspectu falsam hominis speciem præferat.

Idem Hom. 4. in
Matth.

Cydon. orat. de
contemnenda
morte.

4. Hominum verò, brutorumque discrimen ipsa corporum figuratio demonstrat. Cætera animantia prona facie incurvantur in terram, quia ventris, in quem deflectuntur, solas sequuntur voluptates: Homo recto stat corpore, despicitque terras, ut qui erecto vultu intuetur cælum, quæ sursum sunt querere discat, non quæ super terram. Rectè Silius.

Nonne vides hominum ut celsos ad sidera vultus

Sustulerit Deus, ac sublimia finxerit ora:

Cum pecudes, volucrumque genus, formasque ferarum

Segnem, atque obscenam passum strauisset in alium?

Silius Italic. lib.
35. v. 84.

Solus nempe homo, ait Ruricius Lemouicensis Episcopus, de omnibus animalibus sublimis creatus est, ut auctorem suum semper cælo iuentus aspiat, non mundalia opera solo defixus exerceat. An non confunderis, exclamat Bernardus, sursum caput habere, qui sursum cor non habes? corpore rectus stare, qui corde repis in terra? His autem qui terrena sapiunt quam læti illudunt demones prophetico sermone dicentes, *Inclinate, et transeamus?* Propterea, ut scribit Iulius Firmicus; Nihil aliud, dum in hac vitæ breuitate sumus, nobis elaborandum est, nisi ut terreni corporis labe purgata, & anputatis, si fieri potest, omnibus vitijs, incorruptam animi diuinitatem, & nulla scelerum contagione pollutam auctori nostro reddamus Deo, ne diuinæ fabricationis immemorem animum vitiosis libidinum laqueis implicatum, tamquam proiectum per præcipitia perdamus. Nihil enim debemus cogitare terrenum, præsertim cum sciamus fabricatorem nostrum Deum, ira nos diuini artificij moderatione fecisse, ut recti corporis forma ab omni humilitatis deiectione deposita, nihil aliud primum patefacta oculorum acie, nisi Solem, & Lunam, stellasque, & horum omnium pulcherrimum, atque immortale domicilium videremus.

Ruric. lib. 1. Epist.
42.

Bern. ser. 22. de
diuersis.

Isaïæ 51. 23.
Iulius Maternus
Firm. p. 1. lib. 2.
Mathæos.

Miu. Felix. in O.
ſtauo.

Simile eſt illud Octauij apud Minutium Felicem. Præcipue cum à feris belluis hoc differamus, quod illa prona, in terramque vergentia nihil nata ſunt proſpicere, niſi pabulum: nos quibus vultus erectus, quibus ſuſpectus in cælum datus eſt, ſermo, & ratio, per quæ Dominum agnoſcimus, ſenſimus, imitamur, ignorare nec ſas, nec licet ingerentem ſeſe oculis, & ſenſibus noſtris cœleſtem claritatem. Sacriligij enim vel maximi inſtar eſt humi quærere quod in ſublimi debeas inuenire. Auguſtinus item ſic de hac re philoſophatur; Figura corporis non proni, ſed erecti ſumus. Qua in re admonemur ab eo, qui nos fecit, ne meliore noſtri parte, id eſt animo, ſimiles pecoribus ſimus, à quibus corporis erectione diſtamus. Sed ſicut corpus ad ea quæ ſunt excelsa corporum, id eſt ad cœleſtia, naturaliter erectum eſt; ſic animus, qui ſubſtantia ſpiritalis eſt, ad ea quæ ſunt in ſpiritalibus excelsa erigendus eſt, non elatione ſuperbiæ, ſed pietate iuſtitia. Propter hoc enim, ait Chryſoſtomus, rationales facti ſumus, & à brutis differimus, vt laudemus, celebremus, glorificemus iugiter Dominum omnium conditorem.

Auguſtin. lib. 12.
de Trinit. cap. 1.

Chryſ. homil. 26.
in Gen.

5. Rectus itaque Deus rectum hominem fecit, at ille recto corpore curum animum gerens tantum Dei munus neglexit, & degeneri conuerſatione naturæ iura tranſgrediens cum in honore eſſet non intellexit, comparatus eſt iumentis inſipientibus, & ſimilis factus eſt illis. Prodiit hæc peruerſitas ex ignorantia, ex infecta radice peſſimus frutex. Quam veritatem in cæca errorum nocte Philoſophus Charronenſis videns, Inſcitia Deorum, atque ignoratio, inquit, iam inde ab initio in duos quaſi riuos dimanans ab vna parte in duris, ac refractarijs ingentijs tanquam in aſpero ſolo impietatem, quæ nullos putare Deos: ab altera velut in molli, ac tenero ſolo ſuperſtitionem animis lenibus ingenerauit. Nam, vt vnum omnium rerum principium fuit, cuius omnipotentia è nihilo cuncta produxit; ita olim vna de illo ſcientia erat, atque vna religio, quæ cum primis parentibus nata ad poſteros eſt deuoluta, vt in libris de perenni philoſophia doctiſſimè diſſerit Eugubinus. Sed cum ingenti propagatione diffuſi longius à ſe homines reſceſſiſſent, ſpretoque virtutum exercitio rebus duntaxat terrenis incumbere, tum rerum præteritarum memoriam, tum ipſum Dei cultum neglexerunt. Ita ſolet fama non tam vires acquirere, quam perdere cundo: ſicut aqua in plures riuulos deriuata, quo magis à fonte recedit, eo inſalubrior euadit. Hoc modo labefactata religio tot fabulis, ac ſigmentis violata eſt, vt non minus in Dei cognitione, quam in eius cultu maxima inconſtantia, & veri ignoratione plerique mortalium errant. Nam veri Dei vera notitia vix in vna Iſraëliticæ gentis proſapia integra manſit, ſicut ſcriptum eſt: *Nomen in India Deus, in Iſraël magnum nomen eius.* Vnde & Ethipicus quidam ſcriptor de illius populi moribus diſſerens,

Pſalm. 48.

Plutarc. initio
lib. de ſuperſtit.

Aug. Eugubin.
lib. 1. de per. Phi-
loſophia.

Pſalm. 75.

Diuerſum, ait, à reliquis hominibus obtinent, cum alijs in rebus uſque vitæ quotidiano, tum eo præſertim quod nullum ex cæteris Dijs colunt, ſuum illum Deum ineffabilem, inuiſibilemque exiſtantes. De quibus & Satyricus cecinit;

*Quidam fortiti metuementem ſabbata Patrem
Nil præter nubes, & cæli Numen adorant.*

Quoſdam quidem fuiſſe extra genus Iſræliticum, qui ad cœleſtis ciuitatis conſortium ante Chriſti tempora pertinerent, oſtendit Auguſtinus; ſed hi pauciſſimi ſunt, vixque numerum faciunt, ſi cum inſinita perditorum hominum multitudine comparentur. Gens enim humana ſemper malè de Deo meruit, vt loquitur Tertullianus, primò quidem vt inofficioſa eius, cum intelligeret ex parte non requiſiuit, ſed & alios in ſuper ſibi commentata eſt, quos coleret: dehinc quod non inquirendo innocentie magiſtrum, & nocetie iudicem, & exactorem, omnibus vitijs, & criminibus inoleuit. Cæterum ſi requiſiſſet, ſequeretur vt cognosceret & recognosceret requiſitum, & recognitum obſeruaret, & obſeruatum magis propitium experiretur, quam iratum.

6. Difficile quidem eſt quis, & qualis ſit Deus abſque diuini luminis illuſtratione dignoſcere; nam, vt Heraclitus apud Themiſtium dicit; Natura latere gaudet, & ante naturam naturæ opifex, quem vel ea de cauſa veneramur, & admiramur, quod minime ſit expedita ipliſus cognitio, nec ſine ſudore comprehendendi poſſit. Et vt Magnus Gregorius ſcribit; Penè omne quod de Deo dicitur, eo ipſo iam indignum eſt, quod potuit dici. Nam cuius laudi non ſufficit obſtupeſcens conſcientia, quando ſufficiet loquens lingua? Notum eſt illud Simonidis apud Ciceronem, qui ab Hierone Rege Siculo interrogatus, quid Deus ſit, diem vnum huic conſiderationi petijt: elapſo illo, nondum ſibi liquere dixit, & biduum in eandem deliberationem poſtulauit, elapſo & biduo, triduum ſibi depopoſcit: denique id vnum reſpondit, quo plus cogitaret, plus cogitandum occurrere; minus atque minus expediri ſe, quo diutius in hac cogitatione luſtaretur. Hanc Simonidis cunctationem admirandam omnibus, & ſectandam, ait Cæcilius apud Minutium Felicem. Tantum enim virium non habemus, inquit Plutarchus, vt noſtra ratione aſſequi Dei cognitionem valeamus. Et Fulgentius; Quomodo, ait, ſufficienter, aut dignè loqui poterit quis? de quo; homo de Deo, mortalis de immortalis, viſibilis de inuiſibili, paruus de immenſo, temporalis de æterno, de creatore creatura? Auſtor item libri de operibus Chriſti cardinalibus apud Cyprianum, quem eſſe Arnoldum Abbatem nuper repertum eſt. Aſſertio inquit, de Dei eſſentia in promptu haberi non poteſt, neque enim diſſimilis eſt Diuinitas, ſed viciuſ, ſinceriuſque remotio indicat negando quid non ſit, quam aſſerendo quid ſit. Atque, vt docet Ficinus, ſicut ſol ſine ſole non

Dio Caſſius lib.
37. hiſtor.

Iuuenal. ſat. 14.

Aug. lib. 18. de ci-
uit. Dei cap. 47.
Tertullian. in A-
polog. cap. 40.

Themist. orat. in
laudem Iouiani.

Greg. lib. 10. mor-
cap. 23.

Cic. lib. 2. de nat.
Deorum.

Min. Felix. in O-
ctauio.
Plut. in lib. de
Pythiæ oraculis.
Fulg. ſerm. de du-
plici natu. Chri.
ſti.
In præf.

Ficinus lib. de
Chriſt. relig. c. 2.

Hilar. lib. 1. de
Trinitate.

cernitur, ita neque Deus sine Deo cognosci potest. Sapienter Hilar-
ius Pictauiensis Episcopus; Deus inuisibilis, ineffabilis, infinitus,
ad quem & eloquendum sermo sileat, & inuestigandum sensus he-
betetur, & complectendum intelligentia coarctetur. Perfecta scien-
tia est sic Deum scire, vt licet non ignorabilem, tamen inenarra-
bilem scias. Credendus est, intelligendus est, adorandus est, & his
officijs eloquendus est.

Psal. 13.
Ad Rom. 1. 21.

7. Esse verò Deum, eumque vnum, infinitum, sapientissimum, &
immortalem adeò manifestum est, vt omnino inexcusabiles sint, non
illi soli, qui dicunt in corde suo, *Non est Deus*; sed & illi, qui, vt di-
cit Apostolus, *Cum cognouissent Deum, non sicut Deum glorificaue-
runt, sed euauerunt in cogitationibus suis, & mutauerunt gloriam
in corruptibilis Dei in similitudinem imaginis corruptibilis hominis,
& volucrum, & quadrupedum, & serpentium.* Dum enim abie-
cta, & indigna veneratione lignum adorabant, & lapidem, debere
se cultum conditori omnium profitebantur. Inuenissent proculdubio
Deum, si inquirendi apponere voluissent affectum, dicente Domino,
Quarite, & inuenietis: nec eò dementiæ deuenissent, vt terram co-
lerent, quæ idcirco pedibus nostris subiecta est, vt calcanda nobis sit,
non adoranda. De humano videlicet arbitrato Diuinitas pensatur, vt
loquitur Tertullianus: omnisque error religionis inde promanat, teste
Augustino, quia anima pro Deo suo phantasmata sua colit. Et quidem
lex intus inserta docuit Numinis venerationem, sed negligentia, &
contumacia inuenire non meruit veritatem: quia cum veritatem cog-
noscerent, & contemnerent, iure receperunt in pœnam, vt nec
cognoscerent. O stultitiam filiorum hominum sub vestigijs pedum
suorum Deum sibi querentium, quem adorarent!

Theoph. lib. 1. ad
Autolye.
Sedulius carm.
pasch. lib. 1.
Iuuen. sat. 15.

Non pudet in Diuos seles, & bruta referre?
ait Sibylla apud Theophilum; & vt Christianus Poëta canit,
*Nonnulli venerantur olus, mollesque per hortos
Numina sicca rigant.*

Psal. 113.

Egyptij scilicet, quorum nascentia in hortis numina quida-
que ethnicus Poëta irridet in Satyra: vt non immerito Regius Pro-
pheta in speciem acerbioris vindictæ imprecatus sit, vt similes Dijs
suis cultores eorum efficerentur. Hæc duplex in orbe terrarum viget
impietas, duplex atheismus, vt Philotheus affirmat Episcopus Con-
stantinopolitanus, Deos nimirum sibi fingentium, cultumque crea-
toris transferentium ad creaturas: & eorum, qui Deum omnino ne-
gant, qui, vt Satyricus cecinit,

Iuuen. sat. 13.
v. 86.

--- *In fortune casibus omnia ponunt,
Et nullo credunt mundum rectore moueri,
Natura voluente rices & lucis, & anni:
Atque ideo intrepidè quæcunque altaria tangunt.*

Hoc

Hoc summum nefas est, & ad omnem malitiam gradus.

Hec prima scelerum cause mortalibus agris

Naturam nescire Deum.

Quamquam affirmat Plato magna mens Philosophorum neminem unquam, qui hanc opinionem de Dijs habuerit, quod non sint, in hac sententia ad senectutem usque perseverasse. Deum enim, inquit Paulus Orosius, quilibet hominum contemnere ad tempus potest, nescire in totum non potest. Maximus Tyrius doctissimus Platoniorum, In tanta, ait, Philosophorum pugna, contentione, ac dissonantia, nusquam gentium cernete est aut leges, aut rationes non in hoc saltem omnes convenire, quod unus Deus Princeps, ac Pater omnium existat. Hoc non solum fatetur Græcus, sed & Barbarus, sed & insularum, & continentis habitator: ipsi denique qui sapientiam abnegant. Nam quo pacto rationem hominis obtinere poterit, qui Deum negat animæ suæ parentem? est enim homo, ut Hildebertus Episcopus scribit, animal diuinum, & quasi quodam participio Numinis insignitum. Ossibus, & carne parentem circumfert, & sapit terram; ratione Deo se propinquum, & affinem denuntiat. Porro brutalem Atheorum impietatem, quamvis non sit huius loci pluribus redarguere, libet eam tamen hoc claudicante metro de-
testari:

M E T R U M I I.

ERgonè quispiam sub axe celorum est,
Delirus adeò, ut dicat in suo corde
Non est Deus? vel plenus improbiis votis,
Orbis Monarcham siderumque rectorem
Turpi veterno publicæ rei ignarum
Clausum latere in adibus poli credat?
Sic in Deum conspirat, & minas iactat
Vilis homo, spoliū mortis, vna factoris,
Lutosa terra massa, pulueris sacculus?
Ergo solutus Numinis metu infelix
Sic in diurna luce sponte caligas,
Natura apertis abnegans fidem distit?
Videsne ut undas legibus nitens Phœbe
Temperet? ut unda comprimat Thetis fluctus
Tenuis arenæ terminum mari ponens?
Ut semper Helles portitor, parens florum
Iustus adequet partibus diem nocti?
Vides ut æstu torridus ferus cancer,
Caprique fidus algidum statim horis
Sistant diem, solisque cursui metus
Ponant? ut errent fulgida poli flammæ;

Silius lib. 4. v.

794.

Plato 10. de legi-
bus.

Oros. initio lib.

4. Histor.

Maxim. Tyrius
scim. 2.

Hildeb. Epist. 56.

Seruentque certo fudere inditas leges?
Quis voluit astra? quis rotat vices rerum?
Quis è recondito, abditoque thesauro
Educit Aoli furentis insanam
Turbam, procellarumque concitat nimbos?
Quis lacte pingit liliū, quis argento
Ligustra, calibus ignibus, rosas auro?
Quis vniuersam graminumque, florumque
Hortique, pratique decoras venustatem?
Annè reperiri vanitas potest maior,
Quàm mentis effrangi impetu Deum summum
• Temerare, & illi sceptrâ denegare orbis?
An quod scelestis proroget viri pomas,
Dormire credit impius pigrum Numen?
Sed præstat alto nos silentio Divos
Colere, luent mox impij scelus: tuncque
Vindicta cælum absolues: & malos perdet.

Chrysostom. in
Psalm. 135.

Optimè de hac re oris aurei concionator. Non est fundamentum, & quonam modo stat ædificium? Non est catina, & quomodo consistit nauigium? Non est fabricator naui, & quonam modo natis comparata est? Non est ædificator, & quomodo domus facta est? Non est architectus, & quis urbem condidit? Non est agricola, & quomodo agri tulere manipulos? Non est musicus, & quomodo in mundi lyra apparet concentus? Non est qui prouideat, & quomodo per omnia peruatit prouidentia? Non est auriga, & quomodo quatuor elementorum curtus agitur? Non est statuarius, & quomodo homines veluti quædam statuas in mundo facti sunt? Non est fornicis constructor, & quis tibi cæli fornicem construxit? Non est aurifex, & quis veluti discum aureum tamquam in mensa solem in cælo posuit? Non est qui ferat lampadem, & quis tibi veluti lampadem argenteam dedit lunam in nocte? Non est qui illuminet, & quis tibi clara, & lucem præbentia dedit luminaria? Non est qui faciat solus magna lumina, & quis accensos astrorum lychnos tibi in cælo posuit? quemadmodum dicit Propheta, *Qui facit luminaria magna solus, solem ut præsit diei, & lunam ut præsit nocti.* Non est opifex, & quomodo pulchritudo creaturarum testatur creatorem? Quæcunque in mundo fiunt, aguntur, exercentur, habent qui eis præsit, eaque perficiat: & solus mundus non habet qui eum administret? Hactenus Chrysostomus. Extolle te igitur, atque erige spiritus meus, & virtute, qua à Deo mihi es inspiratus, ut verbis utar Marij Victorini Afri, agnosce Deum intelligere difficile, non tamen desperatum; nam ideo nosse se voluit, ideo mundum, & opera sua diuina constituit, ut eum per ista omnia cerneremus. Scire

M. Victor. lib. 3.
adu. Arium.

autem quid sit Deus, hoc est viuere, hoc est esse. Quid est enim homo, inquit Bernardus, nisi quod tu o Deus innotuisti ei? Itaque si notitia Dei causa est, ut homo aliquid sit, ignorantia facit, ut nihil sit. Quare Plato maximum esse censer nostræ diuinitatis indicium, quod soli nos in terris tanquam sorris diuinæ participes Deum cognoscimus, & inuocamus, cultuque religioso tanquam supremum Numen colimus, & veneramur.

Berni. Epist. 18.

Plato in Protagora.

§. II.

Sensum Religionis hominibus innatum Dei existentiam probare.

Diuinæ laudis initium ab Angelis, imo ab ipso Deo. Vnde

sumi debeat Ecclesiastica Psalmodia origo.

1. **C**onstat igitur viguisse semper diuini cultus aliquod studium, quamuis barbaræ gentes extra leges, moresque proicetæ sacrilegis erroribus religionis candorem deprauarint. Est autem quidam religionis sensus ita cunctis innatus, & in animo quasi insculptus, ut ex eo sumperit argumentum ad probandam Dei existentiam Sextus Empyricus Pyrrhonius: Si non sunt Dij, inquit, nec religio, quæ est scientia cultus Deorum: eorum enim, quæ non sunt, cultus esse nequit; est autem religio, ergo sunt Dij. Quædam verò naturalis propensio ad religionem, ut Themistius scribit, omnium hominum communis est; ratio tamen, & modus colendi Numinis pro cuiusque libertate diuersus. Quæ cum ita sint, tantam habent diuinæ laudes antiquitatem, quantam habet religio. Religio autem humanæ menti ingenita virtus cum primo parente nata ab eodem in filios, & nepotes diffusa est.

Sext. Empyricus li. 8 adu. Mathematicos.

Them. orat. 12. ad Iouian. Insp.

2. Verumtamen non ad solos homines spectat prima diuinarum laudum exercitatio. Est aliud, quod eis debetur, sublimius initium à nobilioribus creaturis. Nam & super muros cœlestis Hierusalem constitutos custodes, qui non taceant dic, ac nocte laudare nomen Domini Isaias Propheta commemorat. Seraphicos item spiritus apud eundem legimus alterna modulatione clamantes: *Sanctus, Sanctus, Sanctus Dominus Deus Sabaoth, Plena est omnis terra gloria eius.* Quæ verba explicans Chrysostomus, In cœlis, ait, exercitus Angelorum Deum celebrant, in terris hominum chori easdem diuinas laudes imitantur. In cœlis Seraphim hymnum ter sanctum exclamant, in terra hominum cœtus eundem modulantur. Cœlestium verò, & terrenorum communis quædam Panegyris admirabili concentu constituitur, vna gratiarum actio, vnum gaudium, vnus lætitiæ chorus, atque concentus. Sed & ipse Dominus Angelorum, *Vbi erat*, ait ad Iob, *quando ponebam fundamenta terræ? Indica mihi, si habes intelligentiam. Cum me laudarent simul astræ matutina, & iubilarent omnes filij Dei.* Obstupuerunt videlicet Angeli sancti ipso rerum aspectu cum pulchritudinem vidissent creaturarum: nam

Isai. 62. 6.

Isai. 6. 3.

Chrysost. hom. 1. de verbis Isaiæ.

Iob. 38. 4. 7.

Hugo lib. 1. de
Saciamentis.

Anastaf. lib. 4.
Hexam.

Rupert. in Gen.
lib. 1. c. 12.

Psalm. 103.

Rupert. lib. 1. de
Victoria Verbi
Dei cap. 30.
Basil Seleuc. or. 1.
in cap. 1. Gen.

prima die diuina est lux à tenebris, Angeli scilicet boni à malis, vt Hugo Victorinus docet. Quod enim agebatur in mundo sensibili imago erat eorum, quæ in mundo intelligibili agebantur. Existimatur autem Hugo simul cum cælo, & terra creatos fuisse Angelos, & per illam moram, qua terra fuit inanis, & vacua, vsque ad lucis creationem, eos in via fuisse ad merendum, & demerendum. Tum creata luce qui fuerunt in gratia confirmati, quomodo putas iubilauerunt? quam excelsis, & sonoris vocibus celebrauerunt Deum? O si habere-mus Hymnos illos, & digni essemus ore humano eos proferre, quam perfecta esset in ore nostro laus diuina! Quarta verò die censet Anastasius Synaita Angelos laudasse Deum, non solum propter creationem astrorum, sed etiam propter mysterium Incarnationis, quod in illis representabatur. Hymnis, inquit, Deum celebrauerunt. Quam-obrem? Quoniam facta sunt astra? Non certe propterea; sed cum vidissent solem è terra recurrentem, in mysterio didicerunt Christi Incarnationem, & è terra assumptionem; & ideò cum vidissent eum ex sancta Virgine tanquam ex abyssu exortum, statim exclamarunt dicentes, Gloria in excelsis Deo. Optimè Rupertus Abbas. De tenebris iubente Deo resplenduit lux, Angelica scilicet creatura, quando dixit Deus in principio, hoc est in Filio suo. Fiat lux, & facta est lux. Vnde Angeli non ingrati incessabiliter laudant, consentunt, amant, adorant. Huius eorum laudis, vel confessionis assiduitatem, & incessabilem intentionem mirificè Psalmista his verbis exprimere contendit: *confessionem, & decorem induisti, amicus lumine sicut vestimento*. Magnificentius & dignitatem eius, qui laudatur, & eorum qui laudant instantiam exprime re non potuit. Suo namque indumento iure quisque vestitur, quia non alterius, sed suum est, quod tunc illum non dedecet, si secundum habitudinem corporis eius benè accommodatum est. Cum ergò dicit confessionem, & decorem induisti, amplissimè gratulatur, & optimè dicit dignum illum esse tantis consentium Angelorum laudibus, & decere illum quicquid boni clamare possint, aut norint, eo quod ipsa substantiæ, vel vocis eorum organa ille fecerit, & in circuitu excelsi solij sui in magno honore feliciter constituerit, vel ordinauerit. Sublato quoque, & terribiliter deturbato Sathana cum Angelis eius, continuo profectum hunc sancti Angeli habuerunt, vt nouam diuinæ laudis habentes materiam nouum inciperent canere canticum, sicut idem Tuitiensis Abbas obseruat. Et in creatione mundi, teste Basilio Selenciæ I piscopo, spectaculi stupore correpti ad singula quæ fiebant iteratis faustis acclamationibus conditorem prosequiebantur. Hæc sunt diuinorum cantuum auspiciatissima natalia, hæc alternæ modulationis regalia profus, ac dignissima incunabula.

3. Sed quid Angelos commemoro? Pudet ab illis diuinæ laudis

repetere antiquitatem, quæ ipsimet diuinæ æternitati coexistit. Deus, Deus, inquam, in augustissima illa solitudine, antequam quicquam faceret à principio, se solo gloriosissimè beatus seipsum iugiter colaudabat. Omnem superat creaturarum mentium intelligentiam dulcissima illa, & consonantissima harmonia, qua se mutuo laudant in simplicissima vnitate tres distinctæ personæ: Pater à nullo genitus, principium siue principio: Filius Verbum Patris, paternæ gloriæ splendor, omnium intelligibilium expressio: Spiritus Sanctus à Patre, & Filio procedens, vtriusque nexus, & amor, fons pacis, & bonitatis. Deus nimirum se digessit in Deum, vt ait sanctus Zeno, & suo manente integro statu totum se Pater reciprocauit in Filium: atque alter in altero exultat cum Spiritus sancti plenitudine vna originali cœternitate renitens. In Patre totus Filius, & totus in Verbo Pater. Vnus in alteto est, numerum tamen sine numero omnes conferuant: Pater Filio semper interior, semperque manet exterior, vt loquitur Hilarius, & excedens quicquid humano sensu concipi potest, ex se Filium genuit, non ex aliqua subiacente materia, quia per Filium omnia: non ex nihilo, quia ex se Filium: non vt partem sui, quia in ipso est omnis plenitudo diuinitatis. Laudat autem Filium Pater, quia Deus ex Deo est: laudat Patrem Filius, quia ipse est Verbum Patris, quo ille dicit omnia: laudat Spiritum sanctum Pater, laudat Filius, nam ex Patre, Filioque procedens vtriusque amor, & nexus est: laudat Spiritus sanctus Patrem, & Filium, qui cum Patre, & Filio in summa, & incredibili regnat vnitate. O musicam! ô concentum! ô laudes! ô supremi Seraphici spiritus! ô excellentissimæ creaturæ, velate alis faciem vestram, demittite penas, & præ admiratione deficite ad tantam archetypæ musicæ suauitatem. Sordescit in ore proptio humana laus, quia, vt dicit Plutarchus in eo libello, quo tractat, qua quis ratione seipsum citra inuidiam laudare possit; qui seipsum laudant impudentes sunt, nam decebat eos pudor, etiamsi ab aliis laudarentur: sunt etiam iniusti, quia sibi sumunt, quod tribui ab aliis debuit. At Deus, cum sit infinitæ virtutis, ipse solus potest se dignè laudare, qui propriam solus immensitatem comprehendit. Audeo dicere cum Augustino: Vt benè ab homine laudetur Deus, laudauit se ipse Deus. Et quia dignatus est laudare se, ideò inuenit homo quemadmodum laudet eum. Neque enim hoc potest dici Deo, quod dictum est homini, *Non te laudes tuum*. Vt homo se laudet arrogantia est, vt Deus se laudet misericordia est. Nouit prodesse nobis, vt amemus eum, ideò laudando se, amabilem se facit, vt nos amando, & laudando eum, meliores efficiamur. Deus itaque, inquit Gregorius Magnus, qui nos prohibet, ne proprio ore laudemur, per Scripturam sacram laudes suas loquitur, vt valeamus eum audientes cognoscere, cognoscentes ama-

Zeno serm. 1. de Genesi.

Hilar. lib. 3. de Trinit.

Plutarchus.

Aug. præf. in Ps. 144.

Prou. 27. 2.

Greg. lib 18. mor. cap. 7.

Psalm. 110.

re, amantes sequi, sequentes adipisci, adipiscentes verò eius visione perfui. Vnde Psalmista ait, *Virtutem operum suorum annuntiabit populo suo, ut det illis hereditatem gentium.*

Tertull. lib. 1. adu. Marcionem.

D. Thom. cum suis 1. p. qu. 61. art. 2. & 3.

4. Laus ergo diuina, si ad ipsummet Deum referatur, tunc incœpit, cum non erat tempus, omnia transcendens tempora semper præsentis æternitatis eminentia. Non enim habet tempus æternitatis, ait Tertullianus, omne tempus ipsa est, quod facit pati non potest. Si verò ab Angelis eius originem deducamus, fuit illa quidem, cum iam tempus factum esset, initio enim corporalis creaturæ creatos illos fuisse probabilior Theologorum sententia assueurat: sed sicut illi à duratione successiua illius temporis, quod numerus, & mensura motus dicitur esse, omnino exempti sunt; sic etiam eorum operationes nequaquam iis mutationibus sunt obnoxia, quibus corporalis creatura subiecta est non volens. Ideò laudes, quas Deo concinunt in nouem choros distincti, nullam pati possunt vetustatis iniuriam, nullum temporis detrimentum. Quid verò nobis commune cum Deo, cuius comparatione sic sumus, quasi non simus? Quid nostros Hymnos Angelicis assimilare præsumimus, quorum æmulari felicitatem etsi volumus, non valeamus? Ea igitur omiſsa laude, qua & Deus seipsum, & Angeli Deum glorificant, quam nec verbis exprimere, nec mente concipere possumus, è cœlestibus ad terrena descendendum est, quò eius hymnodia describamus exordium, quam statim temporum, horarumque spatiis in hoc miserrimo terreni incolatus exilio frequentamus. Inoleuit autem quorundam mentibus nimis iniqua aduersus Canonicas preces opinio eas tertio, vel quarto sæculo post Christum natum cœpisse: sed, ut fateri oportet, eas, ut hodie in vsu sunt, non adeò antiquam, saltem aliqua ex parte, originem habuisse; ita perspicuum est citum orandi aliquoties in die cum ipsa religione, hominumque cœtibus inchoasse. Certa sunt rerum omnium principia, certi progressus, & ætates. Nihil simul natum, & politum est; rerumque exordia exilia semper, & rudiora fuerunt; nec facile reperitur in exordio maturitas, & in inchoatione perfectio. Aspice Rhenum, inquit Romanus sapiens, aspice Euphratem, omnes denique inclytos amnes, quid sunt, si illos illic, vnde effluunt, æstimes? Quicquid est, quo timentur, quo nominantur, in processu parauerunt. Sic diuina Psalmodia obstericante manu Domini cum primo omnium parente nata in primo sui ortus rudimento rudis, & indigesta tacitis sensim, & ordinatis adoleuit augmentis.

Polydo. Virgilius lib. 6. de inuent. rerum c. 2. quem sequuntur Scælarii.

Seneca lib. 3. de benef. cap. 19.

§. III.

Viguisse semper diuini cultus studium à primis Parentibus vsque ad Christum. Testimonia infidelium de precibus, & hymnis. primorum Christianorum.

1. **V**arias laudes, & Hymnos, prout nascentis sæculi simplicitas exigebat, diuina maiestati tanquam debitæ seruitutis tributum primos homines cecinisse docet Cyrillus Alexandrinus, qui cultum Dei ab Adamo cœpisse scribit; idque etiam Paraphrastes Chaldaeus indicat, qui Psalmi nonagesimo primo hunc titulum præfixit: Laus, & Canticum, quod dixit homo primus in die Sabbati. Moses quoque Bar. cepha docet Psalmistam in persona Adæ verba ista protulisse, *Tu formasti me, & posuisti super me manum tuam*: ita vt Sacerdotium acceperit, & munus Deo laudés, ac preces solemniter offerendi, quod per manuum impositionem conferri solet. Hugo item Victorinus; Credimus, inquit, Deum docuisse Adam cultum diuinum, quo eius beneuolentiam recuperaret, quam per peccatum transgressionis amisisset, ipsumque docuisse filios suos. *Deus enim*, ait Scriptura, *creauit primos homines, & sensu repleuit cor illorum, vt nomen sanctificationis collaudarent, & magnalia enarrarent operum eius*. Rupertus Abbas post S. Gelasium Papam protoparentes nostros acculat, quod tantis à Deo beneficiis cumulati nullas laudes, & preces grati animi indices reddidisse legantur. Sed ad illorum iustissimam defensionem satis, superque sufficiens est scriptoris sacri simplicissima, & sobria narratio alia multa silentio regens, de quorum certitudine nemo sanæ mentis dubitarit. Quando enim sapientissimus vir Adam è nihilo procreatum se vidit ad imaginem, & similitudinem Dei: quando formatam Euam aspexit similem sibi: quando nimirum, vt Alcimus Auitus Viennensis Archiepiscopus canit,

Pro thalamo Paradisus erat, mundusque dabatur

In dotem, & letis gaudebant sidera flammis;

Nonne protinus in vocem laudis, & gratiarum actionis erupisse censendus est? Eius quoque filios par est credere non tam natura impellente, quam docente vtroque parente didicisse Deum sacrificiis venerari, precibusque inuocare. Nec est quod aliquis occidenti literæ nimium inhaerens ad Enos filium Seth Adami nepotem vsus, & ritum diuini cultus referre contendat, quia de illo dicit Scriptura, *Iste cepit inuocare nomen Domini*; multiplex enim huius dicti explicatio est. Sunt qui dicant Enos primum fuisse, qui nomen Dei sub nomine illo ineffabili *יהוה* inuocauerit. Alij primum intelligunt, id est præstantissimum, quod super omnes religione enituerit. Alij, quod populum cœperit ad publicas Dei laudes, ad publicum cultum congregare, iam tunc fidelium Ecclesiam coadunans. Mihi magis arridet

Cyrill. lib. 3. in Iulianum.

Moses de paradiso p. 1. c. 28. Psalm. 118.

Hugo in Gen.

Eccli. 17.

Rupert. lib. 2. in Gen. c. 39. Gelas. tract. adu. Pelagianos.

Auit. lib. 1. de orig. mundi, vers. 190.

Gen. 4. ac ibidem Abulen. Caeteran. Pererius, Corn. à lapide, & alij.

Boulduc lib. 1. de
Eccl. ante legem,
& lib. 1. de oggio
Christi cap. 5.
Philastr. lib. de
hæres. num. 9.
Plin. lib. 5. c. 17.

Solin. c. 36.

Baron. ann. 64.
Plura de Essenis
Nic. Seranus l. 3.
Tuhæresil.

Beros. lib. 3. antiq.

Cl. Marius comm.
in Gen. lib. 3.

Gen. 14. 63.
Ibidem 32. 28.

eorum placitum, qui docent Enos certas precandi formulas, certoque ritus, & ceremonias primum omnium adinuenisse, atque ideo dici, quod nomen Domini cœperit inuocare. Legendus hac de re doctissimus vir Iacobus Boulduc, qui libro primo de Ecclesia ante legem docet Enos instituisse sodalitatem pfallentium Deo, qui dicti sint Enosæi, postea Essæi, vel Esseni. Verum de Essenis diuersa apud Scriptores fama est. S. Philastrius inter hæreticos veteris testamenti Essenos numerat, vitam monasticam exercentes, sed Christum Filium Dei non expectantes. Plinius de illis hæc habet. Per seculorum millia, incredibile dictu, gens Essenorum æterna est, in qua nemo nascitur. Et Solinus Plinij transcriptor; Per immensum spatium sæculorum, incredibile dictu, æterna gens est cessantibus puerperis. Putat autem Baronius paulo ante Christum eos cœpisse, & ad prædicationem Apostolorum conuersos Christo nomen dedisse.

1. Hæc diuini cultus laudabilis institutio crescentium annorum cumulo adaucta maiora in dies suscipiebat felicissimi progressus incrementa. Nam & Noë sollicito cultu ultra cæteros tunc mortales Deum propitiavit, eundemque sacros ritus, & Theologiam docuisse, ac rituales libros scripsisse asserit Berosus Chaldeus, siue Annii Viterbiensis. Post diluuium autem quomodo laudes Deo cecinerit explicat his versibus Claudius Marius Victor Massiliensis.

*Non prius officij quicquam seruatus inire
Constituit, quam sacra Deo, laudesque rependat,
Gratesque euaso referat discrimine Noe.
Mox niueo sacra exurgunt altaria saxo,
Agrouitque hæc prima recens altaria mundus;
Antea totus enim conuexo tramite cæli
Templum mundus erat.*

Hic iustus in generatione sua, & perfectus fuisse asseritur, cuius sanctitas eo magis est admirabilis, quod toto prorsus à iustitia declinante mundo solus iustus inuentus est. Successit Abraham pater credentium in fidem studium sanctissimis ceremoniis à Cananæis distinctus. Deinde Isaac, & Iacob illustrissimos Patriarchas feruentissimos in Dei laudibus fuisse, & humanis argumentis conicias, & diuina lectione compereris. Quorum vnus egressus in agrum ad ineditandum orandi studium luculenter ostendit: alter luctatus cum Angelo magni nominis mysterium cœlesti benedictione cumulatus adimpleuit. O quantum præpropere virtus in ipsa infantia splendoris effudit! Sed iam in alrum tolluntur anni, & crescit ætas. Post alios Patres, quorum sedulam in diuinis laudibus diligentiam euincunt eximia eorum gesta, familiaritas cum Deo, & candidissima innocentia mores, magnus Dux, & legislator Israëliticæ plebis effulget.

Hic

Hic gentem à Deo electam versus, & hymnos non tam psallere, quam pangere docuit, adhibitis insuper musicis concentibus, & instrumentis. Aperiuntur maria ante pedes illorum inaudito prodigio, transeunt inter tumentes aquas sicco vestigio, tum reuolutis vndis hostiles exercitus maritimis vorticibus submerguntur: & vt canit nobilis Poëta Sedulius.

Sedul. lib. 1. carm.
Psalh.

*Peruia diuisi patuerunt carula Ponti
In geminum reuoluta latius, nudataque tellus
Cognatis spoliatur aquis, ac turba pedestris
Intrat in absentis pelagi mare, perque profundum
Sicca peregrinas stupuerunt marmora plantas.*

Quid autem illi tanta, & tam incruenta potiti victoria? Tunc cecinit Moses, ait sacer Textus, & filij Israël carmen hoc Domino, & dixerunt: Cantemus Domino, gloriosè enim magnificatus est, equum, & ascensorem deiecit in mare. Ad hæc Maria viro- rum exemplum secuta sumpsit tympanum in manu sua, egressæque sunt omnes mulieres post eam cum tympanis, & choris, quibus præcinebat dicens, *Cantemus Domino, gloriosè enim magnificatus est.* Porro hæc mulier typus Ecclesiæ fuit, vt S. Zeno scribit, quæ cum omni- bus Ecclesijs, quas peperit, hymnum canens, & pectoris verum tympanum quatiens, populum Christianum ducit non in eremum, sed in cælum. Idem Moses cum legem Domini audiente populo legisset, canticum illud triumphale cantauit, *Audite cæli quæ loquor.* Progre- diamur. Feliciora nos vocant diuinarum laudum augmenta. Ecce hominem secundum cor Dei, egregium Psalter Israel. *De omni corde suo laudauit Dominum, & dilexit eum, qui fecit illum, & stare fecit cantores contra altare, & in sono eorum dulces fecit modos.* Huius Psalmi adhuc resonant in ore fidelium, & in Ecclesia Dei æternum duraturis concentibus cantabuntur. Quod ipse in spiritu præuidens, & prædicens, *In Ecclesiâ*, ait, *benedicam te Domine, psallam tibi in nationibus, in medio Ecclesiæ laudabo te, psallam nomini tuo in seculum seculi, vt reddam vota mea de die in diem.*

Exod. 15.

Zeno serm. 5. de
Exodo.

Deut. 1. 32.

Ecclesi. 47. 10.

Psal. 15. 107. 21.
& 60.

3. Perseuerauit in populo Dei hoc psalmodiæ studium, Daniel enim tribus temporibus in die flestebat genua, & adorabat. Rechabitar, siue Cinæ canentes, atque resonantes vocantur, quia assiduas Deo laudes canebant. Eliam docuisse discipulos suos hymnos, psal- mos, & cantica ad laudem Dei cum musicis instrumentis decantare scribit Auctor monasticarum institutionum sub nomine Ioannis Hiero- solymitani. Apud Eldram quater in die confitebantur, & adorabant Dominum: passimque sancti veteris Testamenti psalmos, & can- tica cecinisse leguntur; donec, fundata Christi sanguine Ecclesia, vni- versis claritas, figuris veritas, vniuersa nouitas, Prophetarum vaticinijs diu expectata promissio admirabili mutatione successit. Tunc amplio- ribus sacramentis nobilitata religio solemniiori cultu summi largitoris

Daniel 6. 10.

1. Par. 2. in fine.

Io. Hierosol. insti-
t. c. 10.
1. Esdr. 9. 3.

Luc. 6. 12.
 Matth. 26. 30.
 Marc. 14. 26.
 Act. 2. 12.
 Act. 16. 25.
 Act. 10. 9.
 Ibid. 3. 1.

Suidas V. Philo.

Euseb. lib. 2. c. 17.
 Philo de vita con-
 templ.

Lucianus in Phi-
 lopatre.

Plin. lib. 10. ep. 97.

Amm. Marcellin.
 lib. 28. in fi.

clementiam adorauit. Ipsum Dominum ad instructionem nostram pernoctasse in oratione, & post mysticam cœnam hymnum dixisse narrant Euangelistæ. De Apostolis certa res est. Hora enim tertia orantes acceperunt Spiritum sanctum. Paulus, & Silas in ipso carcere media nocte laudabant Dominum. Hora sexta Petrus ascendit in superiorem ædium partem, vt orationi vacaret. Denique Petrus, & Ioannes ascendeant in templum ad horam orationis nonam. Quod si libeat ad fideles accedere teneræ adhuc & vagientis Ecclesiæ, testimonia non deerunt ab his quoque, qui foris sunt. Philo Iudæus primo loco aduocandus Scriptor celeberrimus, & vno Platone minor, quem Phorius in Bibliotheca perperam scripsit ex Christiano Iudæum factum. Is librum scripsit, cui Suidas titulum tribuit de vita Christianorum: alij inscribunt de vita contemplatiua, siue de virtutibus supplicum, quod fideles Alexandrini B. Marci discipuli, quorum mores describit, orando, & supplicando tempus omne transigerent. Hunc librum laudat Eusebius in Ecclesiastica Historia. In rem nostram hæc inter cætera scribit. Hymnos canunt in Dei laudem, vel recens à se factos, vel pridem ab aliquo priscorum vatum, qui carmina & cantica multa ipsis reliquerunt trimetri generis; Prosodias item, & hymnos varios, qui ad libamina, ad aram, in stationibus quoque, & choris concinuntur, diuersis, quæ in choro sunt, conuersionum vicibus eleganter commensurati. Peracta cœna subdunt vigilias, in quibus pernoctare solent, & cantare hoc modo. Confestim surgunt omnes ex vtraque parte conuiuium quoddam celebraturi, & primum sunt chori duo, virorum vnus, alter mulierum. In vtroque suus eligitur dux, & præcentor, qui simul & personæ dignitate, & arte musicæ autecellit. Deinde hymnos canunt in Deum metris, & modulationibus multis compositos, nunc iunctis vocibus simul resonantes, nunc sibi inuicem congruè respondentes. Hæc Philo, cui Græcum testem adiungo Lucianum Samosatenum cognomento Atheum. Hic in dialogo quodam, postquam ore sacrilego Christi religionem impudenter irrisit, Christianos in fine conuiciatur ad hymnos tota nocte decantandos vigilantes. Plinius item Secundus libro decimo Epistolarum, Christianorum mores Traiano Cæsari ita describit, quod soliti essent stato die ante lucem conuenire, carmenque Christo quasi Deo dicere secum inuicem, seque sacramento non in scelus aliquod obstringere; sed ne furta, ne latrocinia, ne adulteria committerent, & quæ sequuntur. Ammianus quoque Marcellinus Christianorum in Ecclesia pernoctationes commemorat. Hæc infideles: sed fidelium testimonia quis recenseat? Lassatur calamus grauissimorum Patrum Græcorum, & Latinorum numero, qui vnanimi consensu hymnodicæ ritum, horas, & antiquissimum institutum stabilierunt. Hic sacrosanctæ Psalmodiæ

meridies est, hic autumnus, hæc nunquam interitura iuventus. Sed præcipuas tantum insigniorum Patrum sententias recitabo, servato ordine temporis, quo quisque vixit.

§. IV.

Testimonia sanctorum Patrum de sacra Psalmodia ab ortu Ecclesiæ, & deinceps temporum serie servata. Addita quadam de eius excellentia, & de perenni psalmodia in quibusdam Ecclesiis instituta. Desiderium laudandi Deum. Tacti obiter quidam Ecclesiastica Hymnodia calumniatores.

1. **O**ccurrunt nobis in ipsis Ecclesiæ incunabulis, primo scilicet Christiano seculo, qui viri ! Clemens Romanus, & Dionysius Areopagita. Primus in Apostolicis constitutionibus orandum esse præcipit mane, hora tertia, sexta, & nona, vespere, & ad galli cantum. Mane gratias agentes, ait quod illuminavit nos nocte sublata, & reddito die : Tertia, quod ea hora Pilatus iudicium aduersus Dominum pronunciauit : Sexta, quod ea hora in crucem actus est : Nona, quod tunc omnia mota, & tremefacta sunt Domino crucifixo, quia horrenter audaciam impiorum Iudæorum, & contumeliam Domini ferre non possent : Vespere quod noctem dederit ad requiescendum à diurnis laboribus : Ad galli cantum, quod ea hora nunciet aduentum diei ad facienda opera lucis. Alter Epistola ad Demophilum laudat S. Carpum, quod soleret circa mediam noctem ad diuinos euigilare hymnos. Et libro de Ecclesiastica Hierarchia Ecclesiasticum cantum vocat concordem, & consonam sacrarum rerum choream : passimque meminit hymnologię, psalmodiarum, lectionum, & canticorum. Sanctus quoque Ignatius Martyr Epistola ad Magnesianos, & ad Heronem sacros cœtus, & synaxes ad orandum commendat : & Epistola ad Philippenfes salutat collegia Virginum, quæ cum Deo se consecrassent, proculdubio psalmis, & orationibus statis horis incumbabant. In vita etiam S. Cornelij Centurionis, quem Petrus Apostolus baptizauit, nocturnæ psalmodiæ, hymnorumque mentio fit. Spectat denique ad primum seculum, quod Cassianus in Monasticis institutionibus scribit. Nam cum in primordijs fidei pauci quidem, sed probatissimi Monachorum nomine censerentur, qui à beatæ memoriæ Euangelistæ Marco normam susceperere viuendi, cum diuerso modo quidam quinquagenos, alij sexagenos psalmos in nocturna, & vespertina synaxi dici instituerent, quidam in medio fructum apparens duodecim psalmos recitauit, & repente disparuit, siquæ illis Angelico monitu præscriptus est numerus psalmodiarum tam in vespertinis, quam in nocturnis conuentibus seruandus.

2. Secundo seculo præter Iustinum Martyrem, & Philosophum, nullum ex Patribus inuenimus, qui specialiter, & expressè diuinorum officiorum mentionem faciat : nam Theophilus, Athenagoras,

Clem. Rom. lib. 8.
cap. 34.

Dionys. Areopag.

Ignatius Martyr.

Apud Suxium die
13. Septembr.
Ioan. Cass. lib. 1.
cap. 5.

- Iustinus Martyr.** Tatianus, & Irenæus toti sunt in confutandis infidelibus: aliorum opera non extant. Iustinus autem in libro Apologetico pro Christianis conuentus, & preces, ac in ijs sacras lectiones commemorat. Et ibidem; Precibus finitis, inquit, vnusquisque laudem, & gloriam rerum vniuersarum Patri per nomen Filij, & Spiritus sancti offert. Epistola quoque ad Zenam & initio colloqui cum Triphone Iudæo hymnorum, & laudum meminit, precumque nocturnarum, ac diurnarum. Hoc item seculo occurrit Sanctus Abercius Episcopus Hierapolitanus, qui solitas horæ nonæ preces recitasse dicitur, vt refert Sarius in eius vita ex Simeone Metaphraste. Occurrit & Monasterium sancti Heleni Episcopi, cui præfuit Theodorus, illique successit Eugenia, quæ ibidem in habitu virili mentita sexum monachum agebat. Inter huius autem virtutes auctor vitæ eius apud Heribertum Roseuidū hæc habet. Tertiæ, sextæ, nonæ, vespertinis, vel nocturnis, atque matutinis horis tam cautissimè insistebat, vt videretur iam perisse Deo, si horarum vel quidpiam spatij absque diuinis laudibus aliqua præterisset.
- Tertullianus.** 3. In limine tertij seculi statim inueniemus Tertullianum: quæra meritò Latinorum Scriptorum antesignanum dixerimus. Hic in Apologetico aduersus gentes cætus antelucanos ad cauendum Christo ex Epistola Plinij citata commemorat. Et ibidem, Coimus, inquit, in cœtum, & congregationem, vt ad Deum quasi manu facta precationibus ambiamus orantes, cogimur ad diuinarum litterarum commemorationem. Libro de Corona militis cætus antelucanos iterum laudat, aliosque ritus Ecclesiæ, libro secundo ad Vxorem: & libro de Ieiuniis horam tertiam, sextam, nonam, & vespertinam, earumque rationem eleganter explanat. Ex aduerso floret Græcorum præcipuus Origenes, qui libro primo contra Cellsum primum caput criminationis aduersus Christianos fuisse scribit, quod clancularios conuentus haberent, ad agapen nimirum, & ad synaxim. Idem libro tertio in Iob (si tamen ipsius sunt ea commentaria) matutinas, & vespertinas deprecationes commendat. Quid eius præceptor Clemens Alexandrinus, nonne septimo Stromatum tertiæ, sextæ, & nonæ meminit? Deinde subdit; Iam verò triplicem horarum diuisionem, quæ totidem sunt honoratæ precibus, sciunt qui nouunt beatam sanctarum mansionum Trinitatem. His omnibus & martyrio, & eloquio maior est Cyprianus, qui libro de Oratione Dominica nocturnæ, & matutinæ precis, tertiæ item, & sextæ, & nonæ, ac vespertinarum mysteria edisserit, cuius aurea verba capite sequenti recitabo. Sanctus item Zeno sermone primo ad Neophytos post baptismi dulces vigilias clarissimæ noctis exaltat: Et Cæcilius apud Minutium Felicem nocturnas congregationes Christianorum calumniatur, eosque vocat Latebrosos, & Lucifugaces. Similiter Arnobius libro primo contra gentes; Quotidianis,
- Sarius** dic 28. O Anbr.
- Roseu. de vitis** Patr. lib. 1.
- Origenes.**
- Clemens Alexan-** drinus.
- Cyprianus.**
- Zeno.**
- Minutius Felix.**
- Arnobius.**

inquit, precibus Deum colimus. Vixit & hoc seculo sanctus Hippolytus Martyr Episcopus Portuensis, qui oratione de consummatione seculi, inter ceteros Ecclesiæ ritus ab Antichristo tollendos psalmodium decantationem enumerat. Ad hæc tandem tempora pertinent plures sancti, ex quorum actis illustria de horis canonicis testimonia eliciuntur. S. Chariton plures Lauras edificavit, suisque Monachis constitutiones scripsit, præsertim verò de psalmodia tam diurna, quam quæ noctu fieret. Cum S. Basileus Episcopus Amasææ detineretur in carcere, Clerici, & Diaconi auro inpetrarunt à custodibus, ut ad ipsum magnum Pontificem intrare possent, & una cum illo divinas preces, noctibus præsertim canere, ut scribit in eius vita Ioannes Presbyter Nicomedienensis. In actis S. Sebastiani à B. Tiburtio Præfecti Filio quidam Torquatus reprehenditur solo nomine Christianus, quod hymnos noctu psallentibus pervigil non interesset. Matutinum officium, & horæ novæ preces in vita S. Febronie Virginis, & Martyris leguntur, quam scripsit Thomais Sanctimonialis. In actis sanctorum Martyrum Indes & Domnæ cum aliis, qui passi sunt Nicomedie, mentio fit Christianorum, ut nocturna officia Deo psallent, de more in Ecclesia congregatorum.

Hippolytus Por-
tuenfis.

Surius 18. Septeb.

Ioannes Nicome-
dien.

Surius 10. Ian.

Thomais Sancti-
monialis.

4. Quartum seculum exhibet nobis Eusebium Cæsariensem pas-
sum in Ecclesiastica Historia; & Pachomium Abbatem, qui regulam,
& modum psallendi accepit ab Angelo; Magnumque Antonium,
qui plura Monasteria instituit plena choris psallentium. Quid Athana-
sium commemorem, quid Basilium, quid Gregorium Nazianze-
num? Primus libro de virginitate, siue de meditatione; Sol oriens,
inquit, videat librum in manibus. Post tertiam synaxes conficies,
quoniam ea hora defixum est lignum crucis. Sexta hora absolues de-
precationes cum psalmis, ploratu, & supplicationibus, quoniam
hac hora pendit Filius Dei in cruce. Nona hora rursus in hymnis,
& glorificationibus eris, quoniam hac hora Dominus in cruce pen-
dens reddidit spiritum. Duodecima hora maiorem, & longiorem
facies synaxim, Media nocte excitaberis, & hymnis celebrabis Do-
minum Deum tuum, Matutino tempore hunc psalmum dicito, *Deus
Deus meus, ad te de luce vigilo, & Benedicite omnia opera
Domini Domino.* Idem Apologia ad Constantium Imp. agit de pre-
cationum synaxi, deque vigilijs, & pernoctationibus. Basilus ean-
dem horas celebrat in regulis fusius disputatis questione 37. & sermo-
ne primo de institutione Monachorum, qui alijs est sermo quartus
exercitamentorum pietatis; Epistola item 6. ad Neocæsarienses; &
Epistola prima ad Gregorium Theologum; Ecquid beatius, ait, quam
hominem in terra concentum Angelorum imitari? ineunte statim die
in orationes ire? in hymnis, & canticis creatorem venerari? Ipse
verò Theologus oratione habita coram CL. Episcopis, & oratione

Surius 27. Decēb.
Eusebius Cæsariē-
sis.

Pachomius Abb.
Antonius Magn.
Athanasius.

Basilus.

Gregorius Nazia-
zenus.

prima aduersus Iulianum, & secunda in Pascha, psalmodiarum centus, nocturnas vigiliis, & alternas modulationes commendat, & oratione vndecima de laudibus Gorgoniæ sororis, O noctes infomes, exclamat, & psalmodiarum cantus, & stationem ex die in diem desinentem! ô David, quam tu pijs dumtaxat animabus haud prolixè cecinisti; In carminibus verò tanquam de re notissima sic canit,

Iamb. 18.

----- sed quod omnibus notissimum,
*Notisunè cernis vt canat laudes Deo
 Natura vterque sexus oblitus sue?
 Quot, quamque sancti? cernis Angelicum chorum,
 Qui nunc simul, nunc vocibus alternis canit?*

Ephrem Syrus.

Gregorius Nyssenus.

Cæsarius dial. 4.
interrog. 191.

Gaudentius.

Theophilus Alexandrinus.

Epiphanius
lib. 5 de vitis PP.
libello 12. num. 6.

Hist. Lauf. cap. 7.

Hilarius.

Ambrosius.

Consentiunt alij Patres, S. Ephrem Syrus sermone de beatitudinibus, horæ tertiæ, sextæ, nonæ, vespertinæ, & matutinæ mentionem facit: & Parænesi 19. & 21. morem surgendi nocturno tempore ad celebrandas diuinas laudes vñtatissimum semper fuisse asseuerat. Gregorius Nyssenus epistola ad Olympium Monachum, quæ est de vita sororis eius Macrinæ, assiduam psalmodiarum decantationem inter præcipuas sanctimonialium exercitationes recenset, speciatim verò vespertinas preces, & nocturnas vigiliis celebrat. Cæsarius in Dialogis de fide Catholica; Peculiariter, inquit, à sacro cœtu Christigeræ Ecclesiæ nostræ vsurpatur septenaria beneficentia; septies enim in die laudauit te, ait David auctor carminum diuinorum. Gaudentius Episcopus Brixianus vigiliarum meminit primo, & quarto sermone: psalmodiarum, hymnorum, & canticorum spiritualium sermone octauo, & nono, specialiter verò sermone nono ait; Lectiones diuinas aure percipimus, ore Dominum confitemur, laudamus, benedicimus, obsecramus, manus supplices ad cælum tendimus, pedibus ad Ecclesiam currimus, & vnâ Trinitatis Deitatem flexis ad terram genibus adoramus. Theophilus Alexandrinus Epistola prima Paschali circa finem hymnos commemorat in Ecclesiastica congregatione Domino decantatos. Hymnos item matutinos, & psalmos ad lucernam decantatos laudat Epiphanius in expositione fidei Catholicæ, vbi etiâ varia Monachorum instituta describit: atque ipsum in suo Monasterio tertiam, sextam, nonam, & vespas more maiorum instituisse libro quinto de vitis Patrum inuenio. Palladius in Historia Lausiaca narrat de monte Nitriæ, in quo vinebant quinque millia Monachorum tempore Magni Antonij, circa horam autem nonam, inquit, licet stare, & audire in vnoquoque Monasterio hymnos, & psalmos Christo canentes, & preces ad hymnos emittentes; adeò vt existimet quispiam se sublimè elatum transmigraue in paradysum deliciarum. Astitit vigiliis Hilarius ad Psalmum 118. ad illum versiculum, *Memor sui nocte nominis tui Domine*; itemque Ambrosius ibidem, & tractatu ad Virginem lapsum, & sermone 25. qui est in die

Cinerum, aliasque horas enumerat libro tertio de Virginibus. Paulinus Nolæ Episcopus libro tertio de vita S. Martini sic canit:

Paulinus.

Vigil ocios omnis

*Turba ad consuetos modulamina dulcia psalmos
Aduolat, & sanctis solatia quarit in hymnis,
Quæ pellant segnes vegetato corpore somnos,
Cantibus, & sacris nocturna silentia vincant.*

Dicebant Donatistæ Ecclesiam apud ipsos tantum esse. Redarguit eos libro secundo contra Parmenianum S. Optatus Mileuitanus ex psalmo, qui præcipit laudari Dominum à solis ortu vsque ad occasum, & ait: Numquid pagani extralegales possunt cantare Deo, aut laudare nomen Dei, & non sola Ecclesia, quæ in lege est? Quam si apud vos tantummodo esse dicitis, fraudatis aures Dei. Si vos soli laudatis, totus tacebit orbis, qui est ab ortu solis vsque ad occasum. Clausistis ora omnium Christianarum gentium: indixistis silentium populis vniuersis Deum per momenta laudare cupientibus. Igitur si & Deus debitas sibi laudes expectat, & vt sonent Spiritus sanctus hortatur, & totus orbis quod debet paratus est reddere, ne fraudetur Deus: etiam vos ipsi laudate cum omnibus, aut quia nolulistis esse cum omnibus, soli conticescite. Aurelius Prudentius hymno primo *Kαὶ νυκτὸς* noctis vigilias concelebrat, & hymno ad incensionem cerei Paschalis, vel, vt habent aliæ impressiones, ad incensionem lucernarum, ait:

Optatus Mileuitanus.

*Nos festis trahimus per pia gaudia
Noctem concilij, vota que prosperè,
Certatim vigili congerimus prece,
Extractoque agimus liba sacrario.
Pendent mobilibus lumina funibus,
Quæ suffixa micant per laquearia,
Et de languidulis fota natatibus
Lucem perspicuo flamma iacis vitro.*

Prudentius.

Sed omittamne hoc seculo clarissimos viros Hieronymum, & Chrysostomum? Hic ad Psalmum 118. ad versum, Septies in die laudem dixi tibi: optimi quique viri, inquit, ac pietate præditi quouis die stationem ad Deum septies faciunt. Primum scilicet noctu vigilantes, quod etiam diluculum appellamus. Deinde ad solis exortum Deo, qui diem innexit, gratias agunt. Hora tertia cum Spiritus sanctus ad Apostolos accessit: Sexta, cum Christus Deus noster carne cruci affixus est, ac chirographum illud, quod nobis contrarium erat, deleuit; Nona cum cruorem effudit, ac spiritum tradidit, nosque à diaboli dominatu liberauit. Ad solis occasum, quod etiam lucernarium appellamus, quia tunc ob diei transitum Deo gratias agimus. Postremo cum ad somnum nos conferimus. Quæ quidem om-

Chrysostomus.

nia in vnum collecta septenarium efficiunt. Idem homilia 59. ad populum Antiochenum postquam celebrauit vigilias nocturnas, ad quas Monachos surrexisse asserit ante diem cum gallus cantauit, rursum facto die matutinas orationes, & hymnos commemorat, tum tertiam, sextam, nonam, & vespertinas preces. Et in quatuor partes, inquit, diem dispartit, dum singulæ partes implentur, psalmodijs, & hymnis Deum venerantur. Vespere facto mensam petunt, deinde parum sedentes, vel potius hymnis omnia concludentes in suo quisque lectulo requiescunt. Et homilia 14. in primam ad Timotheum, describens vitam Monachorum post nocturnas preces laudes matutinas enumerat, itemque tertiam, sextam, nonam, & vespertinam synaxim. Hieronymus autem Epistola octaua ad Demetriadem; Præter psalmorum, inquit, & orationis ordinem, quod tibi hora tertia, sexta, nona, ad vespertum, media nocte, & mane semper est exercendum, statue quot horis sanctam Scripturam ediscere debeas. Et Epistola 22. ad Eustochium, Horam tertiam, sextam, nonam, diluculum quoque & vespertam nemo est, ait, qui nesciat: noctibus bis, terque surgendum. Legendus item est Epistola 27. quæ est Epitaphium sanctæ Paulæ: & in caput sextum Danielis.

Hieronymus.

Augustinus.

5. Quinti seculi agmen ducit Augustinus. Sat dictum solo nomine. Vigiliarum meminit sermone 2. 56. & 140. de tempore: & initio concionis ad Cathecumenos, tomo sexto, & homilia 26. inter quinquaginta: quibus sermone 55. tertiam, sextam, & nonam; sermone verò 251. & libro 22. de Civitate Dei cap. 8. vespertinas preces adiungit. Libro autem nono confessionum, vigiliarum, hymnorumque à D. Ambrosio institutorum concentum laudat, itemque Epistola 119. ad Ianuarium, quæ est de ritibus Ecclesiæ, & alibi passim. Sequitur Ioannes Cassianus rerum Monasticarum diligens Scriptor, qui libro secundo, & tertio de institutis cœnobiorum horarum canonicarum ritum, & modum accuratè describit, tertiæ scilicet, sextæ, & nonæ, vespertinarum, & nocturnarum precationum, matutinæ laudis, & primæ, quam alteram matutinam vocat, & suo tempore in suo Bethleemico Monasterio institutam tradit. Nec desunt alij Patres, & Scriptores insignes huius seculi. Petrus Chrysologus laudat vigilias sermone 24. & 39. itemque diurnas orandi horas sermone 21. Synesius Episcopus hymno primo matutinos, vespertinos, & nocturnos hymnos offert Deo. Victor Vitensis libro secundo Vandalicæ persecutionis Clericos describit hymnos nocturnos psallentes: & libro tertio Hunnericum Regem, cum in exilium egisset Catholicos Episcopos, & sacerdotes, legem tulisse narrat, ut non psallèrent, neque orarent: nec codicem ad legendum in manibus gestarent. S. Cæsarius Arelatensis in regula monastica S. Teridio tributa ritum psallendi in noctibus sic ordinat; Vigiliæ à mense Octobri vsque ad Pascha duos nocturnos

Petrus Chryso-
logus.
Synesius.

Victor Vitensis.

Cæsarius in regula
num. 19. & 20.

nocturnos faciant, & tres missas: ab vna missa legat frater tria folia, & orate; legat alia tria, & orate; legat alia tria, & levet se. Dicite Antiphonam, Responsorium, & aliam Antiphonam; Antiphonas ipsas de ordiue psalterij. Post hæc dicant matutinos directaneum, *Exaltabo te Deus meus Rex*; deinde *Confitemini*, inde *Cantemus Domino*, *Lauda anima mea Dominum*, Benedictionem, *Laudate Dominum de cælis*, *Te Deum laudamus*, *Gloria in excelsis Deo*, & Capitellum. Omni Dominica sic dicatur. Sidonius Apollinaris Epistola 17. libri 5. Cultu, ait, peracto vigiliarum, quas alternante mulcedine monachi, clericique psalmicines concelebrauerant; quisque in diuersa secessimus, non procul tamen, vt pote ad tertiam præsto futuri, cum Sacerdotibus res diuina facienda. Simeon Metaphrastes in vita S. Theodoræ Alexandrinæ, quæ Zenone imperante virili habitu induta in Monasterio vixit, Docet, inquit, eam Abbas de more psallere debere, vespertinam, & matutinam glorificationem quotidie peragere, nec horarum vllam prætermittere. Ipsa quoque moritura puerum sic instruebat. Consuetas preces numquam neglexeris, neque horas, quæ sunt constitutæ fratribus ad conueniendum, Matutini, inquam, Tertie, Sextæ, Nonæ, & Vesperarum. Narrat Nilus Monachus sanctos Pates in Sina à barbaris trucidatos summo mane, cum paulò ante desissent hymnos cantare. Meminit vespertinæ psalmodiæ in vita S. Seuerini Eugippus Abbas. In Monasterio S. Theodosij Cœnobiatche, septies in die variis linguis hymnodicæ regula peragebatur. Possem alia multa ex vitis Sanctorum, qui hoc seculo vixerunt, afferre: itemque ex historia Lausiaca Palladij, ex Socrate similiter, & Sozomeno, qui ad præsens quoque seculum pertinent; sed pergo consules breuitati.

6. Sexto seculo horarum canonicarum assertor erit, & testis, vnus pro mille, sanctissimus Monachorum Patriarcha Benedictus, qui omnium iustorum spiritu plenus, quantus fuerit in studio diuinarum laudum propagando à capite octauo, vsque ad vigesimum suæ Regulæ luculenter ostendit: sed de officij monastici ordinatione fufus infra suo loco. Meminit autem Sanctus Benedictus omnium partium tam maiorum, quam minorum cuiusque officij, cæterisque horis Completorium adiunxit, quod ab ipso institutum est, vt capite vndecimo demonstrabimus. Huius discipulus Gregorius Magnus ad septimum seculum spectat, cuius laudes in sacramentario, & cantu, quem ab ipso Auctore Gregorianum vocamus, manifestæ sunt. Cæterum hic sisto gradum. Quid enim adhuc egemus testibus? Dicam cum Varro iudice apud Tullium: Aut hoc testium satis est, aut nescio quid satis sit. Paucis annis post Gregorium vixit Isidorus Hispalensis, cuius ingeniosum laborem in explanandis Ecclesiasticis officiis sequuti sunt postea haud contemnenda industria Alcuinus, Amalarius Fortunatus,

Sidonius Apollinaris.

Metaphr. apud Surium 12. Septeb.

Nilus Monachus.

Eugippus Abbas. Metaphrastes.

Palladius. Socrates. Sozomenus.

Benedictus.

Greg. Magnus.

Cic. 1. de finib.

Rabanus Maurus, Vualfridus Strabo, Rupertus Abbas, Hugo de S. Victore, & alij recentiores, qui per latissimum hymnodic pelagus plenis eloquentiæ velis spatiantur.

7. Sacra igitur psalmodia modulatio æquales cum Angelis sortita natales creuit sub Patriarchis, nouo vixit iuuentæ flore, non sub Pelagio secundo, ad quem insigni errore precis horariz institutionem refert Polidorus Virgilius, sed nascente Ecclesia Apostolorum decretis stabilita. Et quidem nocturnas vigilias, laudes matutinas, Tertiam, Sextam, Nonam, & Vesperas iam ab ipsis Apostolorum temporibus in vsu fuisse ex supracitatis testimonijs constat. Ex veteri quoque testamento multum momenti habet antiquitas illa matutini, & vespertini sacrificij: itemque illud, quod in mundi creatione vespert dumtaxat, & mane commemorantur, vt Rupertus Abbas obseruat. Prima verò tempore Cassiani, Completorium autem ex Diui Benedicti institutione initium habuerunt. Auctor vitæ S. Guduali Archiepiscopi, & Eremitæ horas canonicas Christi, & Apostolorum auctoritate institutas dicit, quas vir sanctus recitaturus cum dixisset, *Deus in adiutorium meum intende*, Angeli subiunxerunt, *Domine ad adiuvandum me festina*: & sic totum officium alternis vicibus cum viro Dei expleuerunt. Porro successu temporum tantum fuit in Ecclesia diuinæ psalmodiæ studium, vt nec diminui amplius, nec augeri posse videatur. Scribit Palladius oculatus testis ciuitatem se vidisse, in qua cum plura essent Monasteria, quam profanæ domus, in omnibus vicis, & angulis diuinæ laudes cantabantur, vt ex vna ciuitate vna facta cerneretur Ecclesia. Metaphrastes apud Surium auctorem Acæmetarum fuisse tradit Alexandrum Abbatem, qui cum prius Byzantiæ exerceretur in templo magni Martyris Menæ, postea in ipso ostio Pontifici venerandum statuit Monasterium, in quo nouam quidem, sed longè omnium pulcherrimam legem imposuit, vt hymnorum ad Deum numquam interromperetur perpetuitas; Sed per vices mutatis ministris hæc numquam silens, & numquam conquiescens tribueretur Deo glorificatio. Mortuo verò Alexandro successit Ioannes, qui in regione Bythinorum aliud excitauit Monasterium ἀκοιμίτων, id est, non dormientium. Ioanni successit Marcellus, qui in plura cænobia idem studium inuexit. In regia autem vrbe Constantinopoli simile Monasterium constructum fuisse scribit Nicephorus, in quo perpetuis carminibus nunquam non hymni Deo canebantur, sodalitate monachorum eam ob rem in tres cetus diuisa. Nec caruit Occidens hoc instituto. Bernardus enim in vita Sancti Malachiæ postquam de multitudine Monasteriorum Hyberniz, & Scotiz loquutus est; Ex quibus, inquit, ad has nostras Gallicanas partes S. Columbanus ascendens Luxouienſe construxit Monasterium factus ibi in gentem magnam. Aiunt tam magnam fuisse, vt succedentibus sibi vicissim choris continuarentur solemnia diuinorum, ita vt ne monientum quidem

Polid. Virg. de inu.
rerum lib. 6. cap. 2.

Rup. de diu. off.
lib. 1 cap. 9.

apud Surium 6.
Iunii.

Pallad. in histor.
Lauſiaca.

Sur. 29. Decemb.

Niceph hist Eccl.
lib. 5. c. 23.

diei, ac noctis vacaret à laudibus. Diu etiam viguit in Monasterio Agonenſi Thebæis Martyribus ſacro hæc inceſſabilis pſalmodiæ ratio à ſancto Sigifmundo Rege & Martyre inſtituta, vt in hiſtoria Franco- rum Gregorius Turonenſis teſtatur; Libro quoque de gloria Marty- rum aſſiduum, & quotidianum pſallentium à prædicto Rege ibidem inſtitutum affirmans. Ab Agauno verò hæc pſallendi regula in alias partes diſſuſa eſt, nam vt reſert Aimonius libro tertio de geſtis Fran- corum, Guntramnus Rex Baſilicam ædificauit, in qua monachi iugi- ter pſallèrent, prout rex Sigifmundus in Agauno inſtituerat. Qui vi- delicet pſallendi ordo, ait ille, etiam ad ſepulchrum S. Martini anti- quitus celebrabatur: & à B. Germano in Monasterio S. Vincentij ſer- uari inſuſus, nec non in Monasterio S. Dionyſij à Dagoberto Rege agi præceptus eſt. Quo Dagoberto regnante S. Amatus Abbas Monaſte- rium Virginum conſtruxit, quas in ſeptem turmas diſtributas noctu diuque per vices ſine intermiſſione pſallere voluit, ita vt ſemper du- decim Virgines in vnaquaque turma eſſent, Teſte item Fulberto apud Surium ſub diſciplina Sancti Aichardi Abbatis viuebant in vno cœno- bio nongenti monachi diuinis laudibus iugiter incumbentes: ex his vna die obierunt quadringenti quinquaginta à Deo præmoniti, quo- rum vna pars hora tertia, pars altera hora ſexta, pars tertia hora nona, pars quarta hora vespertina deceſſit. Narrat Hieronymus Emſer in præmio vitæ S. Bennonis Episcopi, Clericos Eccleſiæ Miſnenſis in varias claſſes diſtributos iugiter pſallere conſueuiſſe die, ac nocte; quam perennem laudationem Erneſtus, & Albertus fratres Saxoniz Principes, & Miſniæ Marchiones fundarunt. Sunt & aliæ multæ eiufmodi Eccleſiæ, in quibus olim iugis pſalmodia exercebatur: nam, vt in Orientem regrediâr, monaſterium S. Publij deſcribit Theodoretus in Philotheo, in quo hymnos matutinos, & vespertinos decantabant monachi primo Græci, deinde Syri, vtrique propria lingua ſibi ſucce- dentes. Deſcribens quoque monaſterium Zoziæ Sophronius Episcopus in vita S. Mariæ Egyptiacæ, Pſallentia, inquit, ibi erat inceſſa- biles totius noctis habens ſtabilitates. Tum Oxyrynchus dicta eſt ciuitas in Thebaide, in qua per omnem partem die, ac nocte hym- nos, & laudes Deo referebant viginti millia virginum, & decem mil- lia monachorum. Etiam in ordine noſtro Cisterciendi quædam cœno- bia fuiſſe legi, quibus ex hac inſtitutione nomen inditum fuit, nam laus perennis, & iugis laus vocabantur, quod in eis perenni ſucceſ- ſione diuinæ laudes celebrarentur. Emulabantur nimirum antiquio- res monachi ſuperiæ Hieruſalem gaudia, per cuius vicos feſtinum Alleluia nunquam interruptis concentibus cantatur. Nam, vt opti- mē Auguſtinus: Cum poſt iſtas corruptionis anguſtias habitabimus in domo Dei, tota vita noſtra non erit niſi laus Dei. Recedente neceſ- ſitate omnia negotia neceſſitatis intercident, quoniam non erit quid

Greg. Turon. hiſt.
Franc. lib. 4. c. 6. &
de glor. Mart. cap.
75.
Aimon. de geſtis
Franc. l. 3. c. 80.

Surius 13. Septem-
bris.

Fulbert. cap. 17.
vitæ S. Aichardi,
apud Sur. 15. Sep-
temb.

Hier. Emſer. apud
Sur. 16. Iun. t. 7.

Theod. Philoth.
cap. 5.

Sophronius lib. 2.
de vitis Patrum
cap. 4.

Aug. in pſal. 141.

ibi agatur. Non dico die, ac nocte, vbi nox non est, sed toto die, cū vnus dies est, non erit quid ibi agamus, nisi laudemus quem diligimus, quia tūc & videmus. Modo nō visū desideramus, & laudamus: tūc visū quod amamus, quomodo laudabimus? sine fine erit laus, quia sine fine amor.

8. Longum esset retexere quam sublime, quam diuinum sit opus diuinis quotidie laudibus vacare; hymnis, & canticis spiritualibus exercere seipsum, & beatorum in terris felicitatem imitari, sicut scriptum est, *Beati qui habitant in domo tua Domine, in secula seculorum laudabunt te*. Placet hic Antiochi sanctissimi monachi verba dedisse. Psalmodia, inquit, est opus incorporearum virtutum Deo ministrantium, & indiuisè assistentium, iuxta quod dicitur, *Laudate Dominum omnes Angeli eius, laudate eum omnes virtutes eius*. Hoc opus competit & hominibus, omnis enim spiritus laudet Dominum. Monachis autem peculiari quadam prerogatiua, vel in primis conuenit, quod institutum vitæ prorsus Angelicæ delegerunt. Suffragatur Antiocho Cyrillus Hierosolymitanus his verbis. Propterea traditam nobis hanc Seraphicam Theologiam Sanctus, Sanctus, Sanctus recitamus, vt in illa cœlesti hymnodia cū supramundana militia cōmunice mus per huiusmodi hymnos nos sanctificantes. Scribit Philo magis gaudere Deum puris mentibus, quæ hymnos offerant in gratiarum actionem, quam Hecatombis. Ad hoc enim, teste Chrysostomo, creatus est homo, vt laudet Deum. Nihil à nobis, ait ille, æquè requirit Deus, ac laudes, & gratiarum actiones; propterea rationales nos fecit, & à brutis lingua discreuit, vt eum laudemus, & iugiter glorificemus. Sed de psalmodiæ excellentia ne plura hic scribam, fecit vir omnium literarum gloria illustris Anacletus Siccus, qui vniuersa de genere hoc elegantissimè pertractauit edito insigni opere de Ecclesiastica hymnodia, eiusque vsu, & præstantia.

9. Vtinam possem, Deus meus, vera iucunditas cordis mei, vtinam possem laudare te tam excelsa voce, tam pura mente, sicut nunquam laudatus es ab aliqua creatura tua in cœlo, & in terra. Vtinam possem omni momento vacare tibi, & à laude tua nunquam cessare. Vbi est enim bonum meum, & lætitia mea, vbi pax, & requies animæ meæ, nisi in laude creatoris mei? Sed quomodo potero te dignè laudare, qui nec te satis mirari dignus sum? Nam socordia depressus ad te, qui iustus es, ipse non iustus erigi nequeo: & cum adhuc simulacra mundi huius circumferam, vel inuitus ad terram allidor: neque speciosa laus esse potest in ore peccatoris. Verumtamen ante te est omne desiderium meum, & multiplex gemitus cordis mei pro defectibus meis. Suscipe igitur ardentissimum desiderium languentis animæ meæ in laudem, & gloriam nominis tui. Suscipe vota cordis mei in holocaustum matutinum, ascendant oratio mea ad te, sicut incensum vespertinum: da sermonem rectum, & bene sonantem in os meum,

Psalm. 83.
Antiochus hom.
105. quæ tota est
de psalmodia.

Cyrrill. catech. 5.

Philo lib. de vict.
offerenda.
Chryf. in psal. 116.

Anaclet. Siccus.

vt placeant verba mea, & hæc qualescunque lucubrationes meæ in conspectu tuo in æternum.

10. Possem hoc loco acriori stylo aduersus quosdam Anonymos inuehi, qui ementito Theologi nomine, vt facilius deciperent simpliciores, ausi sunt publicam horarum canonicarum recitationem irridere, & calumniari. Aiunt superuacua esse tot officia, ad honestam dumtaxat Religiosorum alioquin otio, & inertia languentium occupationem adinuenta. Nunc in Ecclesiæ vtilitatem, in studia literarum, in præstantissima charitatis opera diu noctuque incumbentibus quid opus cantu, & psalmodia? Quasi vero omnium Ordinum religiosi viri choro iugiter mancipati non infinita pietatis opera exercuerint, non plura posteris reliquerint doctrinæ monumenta. Nusquam sancti Patres officij diuini solemniter recitandi causam designant otiosorum occupationem. Aliæ illis causæ. Nec se otiosos nuncupari patiuntur tot Ecclesiæ procures, tot Præsules, & Antistites, tot primæ notæ Theologi, tot sanctitate insignes viri, tot illustres Dominici agri cultores, qui in Deo dicatis cœnobijs non sine proximi ædificatione, & animarum fructu vixerint, & viuunt: non tot Presbyteri, & Ecclesiarum Cathedralium Canonici & scientia, & natalibus illustrissimi, non ipse summus Pontifex Ecclesiæ Catholicæ caput, non Cardinales, non Reges, & Principes, qui omnes summo studio hunc morem statis horis publicè psallendi ab ipsius Ecclesiæ incunabulis ad hanc nostram senescentem ætatem coluerunt, alaudarunt, frequentarunt, semperque laudabunt, & frequentabunt, donec Antichristi tyrannidis omnem Dei cultum à fidelibus tollat. Sectarios tanta intemperie Ecclesiasticum cantum irridere non miror: solenne illis est omnem pietatis speciem, omnem religionis maiestatem euertere. At inter Catholicos, inter eos qui se Theologos nuncupant, homines reperi, qui antiquissimos Ecclesiæ ritus, qui sanctissimam psallendi disciplinam, si non omnino tollere, at saltem dignitatem eius minuere, præstantiam eleuare conentur; profecto non crederem, ni typis euulgate scriptiones id euidenter ostenderent. Psalmodiam igitur nihili estimant fideles, quæ maximas Dei laudes continet, nostræ Religionis arcana commemorat, contemplationem nutrit, gignit amorem, perfectam orandi formam exercet, dæmones fugat, lætificat Angelos, delicias spirituales subministrat, & quamdam in terris cœlestis gloriæ felicitatem repræsentat. Væ retroactis seculis, quæ istos Theologos non tulerunt, vt admonerent Ecclesiam, ne tot cantibus, & prolis precibus fatigaretur. Sed parco verbis. Latitant, quia malè agunt, aduersarij. Nolo ego cum laruis, aut instar illius Cyclopi apud Homerum cum nemine luctari. Porro de ortu, & excellentia sacrosanctæ Psalmodiæ iam diximus: nunc dicendum, quæ causæ à sanctis Patribus assignentur, ob quas certæ horæ ad psallendum Deo fuerint institutæ.

CAPVT II.

QVIBVS DE CAVSIS CERTÆ QVÆDAM HORÆ
ad psallendas Deo laudes fuerint institutæ.

§. I.

Varia nomina horarum Canonicarum explicantur. Cur diuina mysteria symbolis, & allegorijs occultarint Antiqui.



ERTO S hymnos, certamque rationem publicè laudandi Deum primi Patres Ecclesiæ diuinum officium nuncuparunt. Vocant enim officium Latini idiomatis Professores, id quod quisque debet efficere, habita ratione locorum, temporum, & personarum. Inde titulum de Officijs acceperunt libri tres Ciceronis, totidemque Ambrosij Præfulis Mediolanensis. Est etiam officium apud Suetonium honor, vel obsequium: Assidentem, inquit, coniurati specie officij circumsteterunt. Dicitur autem officium vna immutata litera ob decorem sermonis, quasi efficium ab efficiendo, vt notat Ambrosius. Quia verò in diuinis laudibus id omne continetur, quod nobis faciendum est, erga Deum, easque statis horis persoluentes debitum seruitutis obsequium supremæ Maiestati impendimus, ideò sub hac duplici acceptione Dei laudibus officij nomen imposuerunt Antiqui. Alij horarias preces cursum diuinum vocarunt, vel à cursu solis desumpto vocabulo; vel quia legendo, & cantando percurruntur. Sanctus Columbanus Regulæ suæ caput septimum inscripsit de cursu: S Bonifacius Epistola 17. speciales horas, & cursum Ecclesiæ custodiant: Gregorius Turonensis, exurgente Abbate cum monachis ad celebrandum cursum: Fortunatus Pictauiensis Episcopus in vita S. Germani, S. Germanus iter agens semper nudo capite cursum recitauit, etiamsi nix, aut imber vgeret: Idem in carminibus:

Carmine Davidico diuina poemata pangens

Cursibus assiduus dulce reuoluit opus.

A Græcis officium canon dicitur: Basilii in regulis breuiotibus; Si quis non occurrat adesse canoni psalmodiæ: Io. Moschus in prato spirituali, post canonem, quod Latinus vertit post officium: S. Antiochus Psalmodia nostra canon appellatur: sicut agricola nisi suum canonem plenum, & bonum reddiderit, in carcerem conijcitur, donec integrum persoluat debitum; ita continget monacho, si per oscitantiam sibi præscriptum canonem transmiserit. Dicitur etiam synaxis passim apud Cassianum à verbo συναξιν quod est colligere, seu congregare, quia ad psallendum colliguntur in vnum, & congregantur Religiosi. Eodem sensu à S. Pachomio in regula dicitur collecta: & in vitis Patrum nar-

Suet. in Cæsare.

Ambros. de off.
lib. 1. cap. 8.

Columban. reg.
cap. 7.
Bon. fac. ep. 17.
Greg. Turon. l. 1.
de glor. Martyrum
cap. 11.
Fortunat. cap. 79.
vitæ S. Germani.

Idem lib. 1. ep. 10.
Basil. reg. breu.
147.
Præf. sp. cap. 27. &
40.
Antioch. homil.
105.

Cass. lib. 1. c. 10. &
coll. 15. cap. 1.

rat Ruffinus pulſaſſe Diabolum aliquando nocturno tempore ad oſtium cellulæ Macarij iunioris, & dixiſſe; Surge Abba Macari, & eamus ad collectam, vbi fratres ad vigilias congregantur: & infra; Nulla ſine nobis collecta agitur, nullaque congregatio monachorum. In Concilio Agathenſi Miſſa nuncupatur his verbis, in conſeſſione marutinarum, vel eſpertinarū miſſarum poſt hymnos capirella de pſalmis dicantur. Ab alijs Pſalmodia, Agenda, & ſolemnitas dici ſolet. Sanctus autem Benedictus in ſigni prænomine vocat officium diuinum opus Dei, opus nimirum, quod erga Deum deuota mentis actione præſtare debemus; opus illud, de quo ſcriptum eſt, *Opus iuſti ad vitam*, & alibi: *Maledictus qui facit opus Domini fraudulentem*. Et quia maiores noſtri tempus, & horas, quibus prædictum officium perſoluendum eſt, Eccleſiaſticis canonibus diſtinxerunt; ideo canonicas horas appellamus conſtitutis horis regulariter celebrandas. Quæ inſtitutione non temerè, non in conſultò ſancitâ ſecretiores cauſæ ſymbolicæ rationes; ac ſolis ſapientibus reuelata myſteria conſecrantur.

2. Viſibilibus enim imaginibus ad diuinas intelligentias pro vi-
rium noſtrarum modo conſcendimus, reſte Dionyſio Areopagita. Neque aliter fas erat infirmitati noſtræ lucere diuinum radium, niſi ſacrorum varietate velaminum opertum, & his quæ nobis familiaria ſunt veſtitum, quia iuxta Domini ſententiam illicitum eſt projicere ante porcos mundam, & luciformem venuſtatem inuiſibilium margaritarum. Negabar Plato ſecretiora myſteria ijs communicari debere, qui animo purificati non eſſent, ne immunda multitudo eorum ſanctitatem contraria, aut falſa interpretatione corrumpere. Hipparchus Pythagoricus, reſte Clemente Alexandrino, expulſus è ſchola fuit, quod magiſtri præcepta apertè ſcripſiſſet, eique ramquam mortuo columnam impoſuerunt. Lyſidis hæc de re elegantiffimam epiſtolam ad ipſum Hipparchum reſert Beſſarion Cardinalis, eamque commemorat Iamblicus. Quot fabulæ, & allegoriæ ab Antiquis fuerunt inuentæ, vt earum inuolucro ſublimiorem philoſophiam occultarent? Metrodorus Lampſacenus, de quo Diogenes in Anaxagora, & Tatianus oratione contra Græcos meminere, totum Homeri poemã ad allegorias traxit, quem Proclus, & Euſtathius ſunt imitati. Strabo autem libro primo Geographiæ aduerſus Eratoſthenem id euincit: idemque prudentiſſimus Scriptor Plutarchus, & Leo Hebraus eroticus doctor aſſuecunt. Heraclides quoque initio libri allegoriarum in Homerum, Si quis, ait, citra philoſophicam contemplationem, & allegoricum ſenſum Homeri carmina accipiat, non alius vtique fuerit Homerus, quam Salmonæus, & Tantalus, increperantia linguæ, qui morbus eſt turpiſſimus, laborans. Legendus item de hac re Porphyrij libellus de Antro Nympharum, quem Latinum fecit vir clãrus & abſtruſiori ſapientia ſingulariter præditus Lucas

lib. 1. de vitis PP.
cap. 29.

Concil. Agathen.
cap. 30.

Bened. reg. c. 43. &
47.

Prou. 10. 16.
Hicr. 48. 10.

Dion. Arcop. de
Eccleſ. hier. cap. 1. &
de Cœl. hier. cap. 1.

Clem. Alex. lib. 5.
ſtrom.

Beſſ. adu. calumn.
Plat. lib. 1. cap. 2.
Iambli. de vita Py-
thag. lib. 1. c. 17.

Strabo 1. Geogr.
Plut. lib. de aud.
poët.
Leo dialog. 1. de
amore.
Heraclid. lib. Al-
legor. in homeri.

- Max. Tyr. ser. 19. Holstenius. *Ænigmatum sunt omnia referta*, inquit Tyrius, tamquæ Poëtæ, quam quæ Philosophi enuntiant: Quod enim humanæ imbecillitatis caprus manifestè percipere non potest, eius est fabula modestior interpres. Heraclitus Ephesius, vt Laërtius testatur, librum de natura ex industria obscurius scripsit, ne si à vulgo passim legeretur, contemptibilis esset. Dominus Iesus, cum esset sapientia æterna, loquebatur in parabolis ad turbas, & sine parabolis non loquebatur eis, ne diuina secreta passim omnibus paterent, & facile intellecta vilescerent. Scribit Ignatius ad Trallianos se abstrusiora illis non scribere, metuo enim, ait, ne vim mysteriorum minimè capientes strangulemini. Sacra mysteria, inquit Gregorius Nazianzenus, apud abiectos non sunt explicanda: idem enim est, ac si quis imbecillæ auri tonitruum sonum, & solem infirmis oculis, & lacte adhuc ventibus solidum cibum committat. Rabbi Moyse Ægyptius in libro, quem Directorem perplexorum inscripsit, siue de dubijs perplexis veteris testamenti, docet sapientes prohibuisse, ne quis arcana legis patefaceret. Nicetas in fine commentarij ad orationem 40. Nazianzeni, Fidei, inquit, mysteria, quæ magis recondita sunt apud profanos homines, teclæ, & occulta habebis, atque inuiolata custodies non aliter atque ea, quæ impressa sigillo seruantur. Ipsi Reges maiestatem imminui, & vulgari olim putabant, vt verbis vtar Latini Pacati, nisi eos intra repositum palatinæ ædis inclusos, tamquam aliquod Vestale secretum, veneratio occulta consuluisset: nisi intra domesticam vmbra iacentes solitudo prouisa, & silentia latè conciliata vallassent. Soler nimirum ignoratio addere rebus auctoritatem, eaque est humanæ mentis imprudentia, vt quæ palam exposita sunt minoris faciat, quæ abstrusa vehementer admiretur. Hinc Phalaris Agrigentinorum Tyrannus ad Ariphætum scribens; Opera tua, ait, & his quæ misimus, & longè maioribus præmijs digna sunt, mea autem perscrutari noli; nihil enim in his potius, quam silentium ducimus. Synesius ex Philosopho Platónico Episcopus Catholicus vetustissimum institutum esse arbitratur sub vilioris argumenti specie, quæ sunt in philosophia magna, atque præstantia dissimulare, vt neque quæ difficulter inuenta sunt ex hominum memoria excidant, neque in profanum vulgus edita deprauentur. Fabulis autem veritatem occultare, inquit Salustius Philosophus, insipientes prohibet, ne contentinant: studiosos vt philosophentur cõpellit. Narrat Iulius Firmicus, quod cum Orpheus sacrorum cetemonias aperiret, nihil aliud ab his, quos iniuriabatur in primo vestibulo, nisi iuhurandi necessitatem, & cum terribili quadam auctoritate religionis exegit, ne profanis auribus religionis secreta proderentur: patiuntur enim hæc omnia iacturam, cum perditis, & desperatis animis ingeruntur. Ideo Ægyptij in ingressu templorum, teste Synesio, Sphinges collocarunt, vt admonerent
- Laërt. de vitis
Philos lib. 9.
Matth 13.
- Ignat. epist. 5.
- Nazianz. or. 44.
- R. Moyse lib. 3.
cap. 1.
- Nicet. ad or. 40.
Naz. num. 51.
- Lat. Pac. Drepanus in Paneg.
Theodosij.
- Phalaris epist. 16.
- Synesius præf. libri de insomnia.
- Salust. lib. de Diis.
& mund. cap. 3.
- Iul. Mat. Firmicus præf. lib. 7 Marthef.
- Synes. de regno,

admonerent mystica dogmata à profana multitudo inuoluta custodiri debere. Nam nec lippiens oculus, ait Isidorus Pelusiota, in solis orbem aciem defigere potest, & si eam defigat, frustra id agit: nec fordida mens sanctarum rerum quicquam vtiliter perscrutari potest. Ozias Rex, cum sacris rebus profanas manus iniicere præsumpsisset, lepra percussus extra templum eiectus est. Gentiles quoque sacris arceri solebant profanos, vt Poëta passim ostendunt. Virgilius enim sic canit:

& Pierius lib. 6.
Hieroglyph. cap.
12. Isid. Pel. lib. 6.
ep. 304.

2. Paralip. 16.

Virgil. 6. Æneid.

————— *Procul, ô procul este profani,
Conclamat rates, totoque abscistite luo.*

Et Silius Italicus:

Parcite pollutis contingere vincula palmis,

Et procul hinc, moneo, procul hinc quæcunque profana.

Titus quoque Calphurnius:

Ite procul, sacer est locus, ite profani.

Ouidius item in Fastis:

Innocui veniant, procul hinc, procul impius esto.

Et Statius Papinius in Syluis:

————— *Procul hinc, procul ite nocentes.*

Quò etiam pertinet illa Mimorum γῶμα

Sordere vis diuina? vulgo fac palam.

Sil. Ital. lib. 17.

Calph. eclog. 2.

Ouid. 1. Fast.

Stat. lib. 3. Sylu.

3. Τὰ μυστήρια ἀπὸ τοῦ μύου, quod est claudere, vel cœlare, dicta sunt, quod nequaquam reuelari debeant his, qui sacris non sunt initiati. Omnibus autem mysteriis silentij fidem olim adhibitam Tertullianus in Apologetico, & initio libri contra Valentinum demonstrat. Aristides in eleusinio eos arguit, qui indignè mysteria euulgant. Apuleius in Milesijs; Sacris pluribus initiatus nostri, ait, sanctam silentij fidem. Mysterium, inquit Chrysostomus, est quod nemo nouit, quod est admirabile, quod est absconditum. Ambrosij sententia est ineffabilibus mysteriis nullam rem magis quadrare, quam silentium. Cui adstipulatur Basilius sic scribens. Qui in primordiis Ecclesiæ certos ritus præscripserunt Apostoli, & Patres, in occulto, silentioque suam mysteriis seruauerunt dignitatem. Sanctus quoque Ioannes Abbas Raythu docet Climacum obscurè narrasse contemplationem, quia noluit omnibus mysteria reuelare. Qui verò ab ethnicis admitebantur ad sacra, mystæ, ac mystici dicebantur: vnde est illud apud Clementem Alexandrinum, & Iulium Maternum Firmicum, Ieiunauit, potum confectum bibi, de cista accepi, factus sum mysticus. Nos autem vt mystæ euadamus, Iesum prius inuocemus, qui est vera lux, quæ illuminat omnem hominem venientem in hunc mundum, & sic pergamus ad contuendas pro viribus sacrarum precum

Tertull. apolog.
cap. 7.

Aristid. in eleus.

Apul. lib. 3.

Chryf. ad Coloſſ.

or. 5.

Ambros. lib. 6. de

Sacramentis.

Basil. de Spir. sancto cap. 27.

Io. Rayt. ad gr. 27
Climaci.

Cl. Alex. in Pro-
trepico.

Iul. Mar. de erro-
rib. profan. reli-
gionum.

intelligentias, pro vt illas à Patribus accepimus; & quas illi nobis vel per signa, vel per intelligentiæ sacratoris arcana tradiderunt, in quantum possumus, speculemur. Leuemus velum, faciem Moyfi reuelemus, & ingressi sanctuarium videamus spiritum vitæ, qui est in rotis. Veniant qui altiori mysteriorum commercio digni sunt, & solutis terrenorum affectuum calceamentis accedant ad videndum, & audiendum Deum: meminerintque scriptum, *Secretum meum mihi*: &, *In corde meo abscondi eloquia tua*: itemque; *Sapientiam loquimur inter perfectos*. Sed quo ausu occulta reuolare potero ingenio pauper, affectu iners; nisi tu, Iesu bone, qui potes omnia, emittas manum tuam de excelso habitaculo tuo, & introducas me in domum tuam, in locum tabernaculi admirabilis: Dedecet enim, vt Arnoldus Abbas scribit, corruptum incorrupta contrectare, & purificatoriis muneribus manu apponere impuram. Tu ergo, qui potes facere mundum de immundo conce- tum semine, purifica me potenti illapsu gratiæ tuæ, & clarifica me claritate interni luminis, vt supernæ tuæ lucis splendore perfusus incerta, & occulta sapientiæ tuæ percipere valeam; sacramque precationum mysteria explicare. Græcorum quidem Scriptores, ait Epiphanius, vbi fabulosum aliquid scriptum aggrediuntur, Musam aliquam inuocant, non Deum. Nos autem inuocamus sanctum vniuersorum Dominum, vt adiuuet paupertatem nostram, & inspiret Spiritum sanctum suum, vt nihil adscititium in promissum scriptum comportemus, atque hoc ipsum petentes nostræ insufficientiæ nobis conscij, iuxta fidei mensuram, ac proportionem ipsum nobis largiri obsecramus.

Isaïæ 24. 16.

Psal. 118.

1. ad Cor. 2. 6.

Arnold. de 7. verbis
cap. 3.Epiphanius initio
Panajj.

METRUM III.

*M*ystica sacrarum penetralia pandere rerum;
Atque adytum referare poli, perfusa superno
Lumine mens gestit. Procul hinc gens vana recedat,
Quæ residem, tetraque animi caligine mersum
Tollere nescit humo, scelera deuincta catenis.
Si nihil ad vestros cæli mysteria mores,
Sanctæque religio, pietasque, & Numina spectant;
Parcite polluti hæc scripta euoluere dextræ,
Parcite vulgus iners, dira plebs conscia culpa,
Cui fixum stat corde nefas, quam vulnere fixo
In Bacchi, Venerisque luem malus impulit error.
Non hic obscuræ rerum primordia pando
Naturæ è claustris: non hic digesta per annum
Tempora, non Thebas, non alti sidera cæli
Concino diuersos hominum variantia casus:
Non fæta fatidicæ primum sulcata carinæ,
Non stygij raptoris equos, non pocula Circes,

*Non clarum facidem, formidatumque nouerca
Amphitryanidem, miseraque incendia Troia.
Non refero hic varias subeuntia corpora formas,
Non syluas, viridesque plagas, Veneresque, iocosque.
Hæc, pereant, quicunque colunt. Mibi splendida ab alto
Lux nitet, & diuo iam cor perfunditur æstu.
Ecce Deus, Deus ecce venit, procul este profani:
Este procul, nocuos procul hinc auertite vultus.
At vos sanctæ anima, solida pietatis alumna,
Quas amor, & summi perstringit Numinis horror,
Vos precor hic paucas perituri temporis horas
Conterere, & mecum veterum vestigia Patrum
Certa sequi. Dignus, Deus est, cui pangere laudes
Legibus hic doceo sacris, quem iussa per orbem
Terra colit, celebratque polus, manesque tremiscunt.*

§. II.

*Prima ratio institutionis horarum ex Diuo Cypriano. Secunda ex
Amalario Fortunato, & Honorio Augustodunensi.*

1. **P**rimam rationem mysticam, ob quam horaræ preces sunt in-
stitutæ, eloquentissimus Cyprianus assignat his verbis. In ora-
tionibus celebrandis inuenimus obseruasse cum Daniele tres pueros
in fide fortes, & in captiuitate victores horam tertiam, sextam, & non-
nam sacramento scilicet Trinitatis, quæ in nouissimis temporibus ma-
nifestari habebat. Nam & prima hora in tertiam veniens consumma-
tum numerum Trinitatis ostendit. Itemque ad sextam quarta proce-
dens declarat alteram Trinitatem. Et quando à septima nona com-
pletur, per ternas horas Trinitas perfecta numeratur. Quæ horarum
spatia iam pridem spiritualiter determinantes adoratores Dei statutis,
& legitimis ad precem temporibus seruiebant: & manifesta post-
modum res est, sacramentum olim fuisse, quod ante sic iusti pre-
cabantur. Nam super discipulos hora tertia descendit Spiritus san-
ctus, qui gratiam Dominicæ promissionis impleuit. Item Petrus ho-
ra sexta in rectum superius ascendens signo pariter, & voce Dei mo-
nentis instructus est, vt omnes ad gratiam salutis admitteret, cum de
emundandis gentilibus antè dubitaret. Et Dominus hora sexta cru-
cifixus ad nonam peccata nostra sanguine suo abluit, & vt redime-
re, & viuificare nos posset, tunc victoriam sua Passione perfecit.
Sed nobis, præter horas antiquitus obseruatas, orandi iunc & spatia,
& sacramenta creuerunt. Nam & mane orandum est, vt resurrectio
Domini matutina oratione celebretur, quod olim Spiritus sanctus
designabat in psalmis dicens, *Rex meus, & Deus meus, quoniam*
ad te orabo Domine mane, & exaudies vocem meam, manû assistam
tibi, & contemplanbor te. Recedente item sole, ac die cessante ne-

Cyprianus lib. si-
ue serm. de orat.
Dominica propè
finem.

Psalm. 5.

cessariò rursum orandum est. Nam quia Christus sol verus, & dies verus est; sole, ac die seculi recedente, quando oramus, & petimus, vt super nos lux denuò veniat Christi, precamur aduentum lucis æternæ gratiam præbiturum. Et post pauca de nocturnis precibus. Quando mundi lege decurrens vicibus alternis nox resoluta succedit, nullum de nocturnis tenebris esse orantibus damnum potest, quia filiis lucis & nocte dies est. Quando enim sine lumine est, cui lumen in corde est? Aut quomodo sol ei, & dies non est, cui sol, & dies Christus est? Qui autem in Christo, hoc est in lumine, semper famus, nec noctibus ab oratione cessemus. Hæc Cyprianus Christianæ eloquentiæ Princeps.

Amalar. lib. 3. de
Eccles. officiis c. 11.

2 Secunda ratio Amalarium Fortunatum habet auctorem. Christi enim sanguine, magno, & inæstimabili pretio, à diabolica seruitute redempti iam nostri non sumus, sed Redemptoris nostri, quotquot Christiano nomine censemur, quem debitis gratiarum actionibus prosequi, ac iugiter glorificare debemus, vt quoniam singulis horis, ac momentis eius beneficio viuimus, & sumus; ita etiam, quantum præsentis vitæ necessitas permiserit, ab illius nunquam laude cessemus. Hoc pro modulo nostro præstamus, dum in nocturna synaxi duodecim psalmos cantantes, diurno etiam tempore quolibet horarum ternario tres psalmos modulantes singulis horis per huiusmodi psalmorum repetitionem Deo præsentem viginti quatuor diei horas diuino famularui consecramus. Sic enim fit, quod in re simili Sanctus Leo Magnus obseruat, vt anima, quæ terrenis adhuc desideriis implicatur, & curis secularibus impeditur, ex interuallò saltem ad diuinam respiret. Consonat huic doctrinæ Honorius Augustodunensis in Gemma animæ, soli totum mundum viginti quatuor horis perlustrat, & stellas quidem sibi in die præsentem lumine suo obscurat, absentes verò in nocte illuminat. Sol autem Christum iustitiæ solem præfigurat, qui hunc superiorem mundum quasi in die illustrabat, dum illum præsentia sua doctrinis, & miraculis illuminabat. Inferiorem verò quasi in nocte irradiauit, dum morte sua sedentes in tenebris, & vmbra mortis visitauit. Stellas verò præsentem velat in die, dum sanctos in gloriæ suæ præsentia à mundi tenebris cælat. Stellas in nocte absens illuminat, quia iustos in nocte huius vitæ illustrat. In nocte ergo duodecim psalmos, & in die totidem psallimus, quot horis stellas à sole vndiqueuersum illuminari diximus, quatenus nos Christiani in baptisinate stellæ facti ab æterno soli in omni hora illuminemur, si Dominum in omni tempore benedicentes veneremur. Optimè S. Eligius; Cui dicendum est, oportet semper orare, & non deficere, nisi ei, qui canonicis horis quotidie, iuxta ritum Ecclesiasticæ traditionis, psalmodiis precibusque consuetis Dominum laudare, & rogare non desistit: & hoc est quod Psalmista dicebat,

Leo ser. 4. de ieiun. septimi mensis.

Gemma animæ
lib. 2. cap. 49. &
50.

Elig. hom. 11.

Benedicam Dominum in omni tempore, semper laus eius in ore meo. Septenario enim numero, inquit Primasius, vniuersitas figuratur, propterea canitur; *Septies in die laudem dixi tibi*: quod alibi dicit, *Benedicam Dominum in omni tempore, semper laus eius in ore meo.*

Psalm. 33.
Primasii lib. 1. in
Apoc. cap. 1.

§. III.

Tertia ratio ex Hugone Victorino. Quarta ex communi Scriptorum sententia ob Dominicam Passionis memoriam.

1. **T**ertiam rationem tractat Hugo de S. Victore. Octo horas sancti Patres præ cæteris ad laudandum Deum elegerunt, mediam scilicet noctem, diluculum, Primam, Tertiam, Sextam, Nonam, Vesperas, & Completorium. Quia dignum est, vt homo, qui corpus gerit ex quatuor elementis, quater respectu noctis, & quater respectu diei per diem naturalem Deum sibi placare satagat. Et cum omni tempore laudandus sit Deus, potissimum in prædictis horis laudatur ab Ecclesia, in quibus opera præ cæteris insignia dignatus est facere. Nocte enim media natus est de Virgine, diluculo surrexit, hora prima mulieribus ab Angelis nunciata est Resurrectio, hora tertia Spiritus sanctus inflammavit Apostolos, hora sexta crucifixus est Dominus, hora nona emisit spiritum pro salute mundi. In Vesperis commemoramus aduentum Domini in mundi Vespere. In Completorio completum erit gaudium Sanctorum in die generalis retributionis. Hæc Hugonis sententia cuiusdam subobscura videbitur, dum orationem à nobis fieri commemorat quater in die, & quater in nocte. Sciendum proinde est, ex his, quæ infra dicentur, Primam dumtaxat, Tertiam, Sextam, & Nonam horis diurnis: laudes verò, Vesperas, & Completorium, cum Nocturnis nocturno tempore ab illo assignari. Nam & laudes ante solis ortum, Vesperæ autem, & Completorium, vel post vel circa eiusdem occubitus olim celebrabantur, vt suis locis ostendimus.

Hugo cap. 3. Speculi de Ecclesiæ mysteriis.

2. Quarta ratio omnium Scriptorum calculo approbatur, quam eleganter explicant Rupertus Abbas, & Gemma animæ. Ad conseruandam enim copiosæ Redemptionis memoriam septies in die laudem dicimus Domino, iuxta vulgatissimas glossæ versiculos.

Rup. lib. 1. de di. officiis.
Gem. lib. 2. c. 55.

Hæc sunt septenis propter quæ psallimus horis.

Matutina ligat Christum, qui crimina purgat.

Prima replet spiritibus. Causam dat Tertia mortis.

Sexta cruci necit. Latus eius Nonæ bipertit.

Vespera deponit. Tumulo Completa reponit.

Gloss. in cap. 1. de celebr. Missarum.

Plurimi Auctores à Canonistarum populo alios recitant versus, sed historicæ veritati non omnino conformes: nam Resurrectio ante primam horam facta est, & quod de hora duodecima dicunt, in Euangelio non legitur.

*In matutino damnatur tempore Christus.
 Quando resurrexit Primam canit ordo fidelis.
 Tertia cum canitur tunc est cruciamina passus.
 Sexta sunt tenebrae per mundi climata facta.
 Emissus Noua est diuinus Spiritus hora.
 Vespere claudantur Christi sacra membra sepulchro.
 Christo bisseña custodia ponitur hora.*

Leo serm. 11. de
 Pass. Domini.

Hæc potissima ratio est, ob quam his horis diuina celebrantur officia: hæc præcipua mysteria sunt, quibus, dum psalmus, insistere debemus: Nihil enim, iuxta Magni Leonis sententiam, inter omnia opera Dei, in quibus humana admirationis fatigatur intentio, ita contemplationem mentis nostræ & oblectat, & superat, sicut Passio Saluatoris. Atque vtinam possem omnibus horis, ac momentis vitæ meæ tam beatæ Passionis, tam viuificæ mortis recordari, à qua vitæ, & resurrectio mea, & omne bonum meum procedit. Plus enim mihi contulit Dominus redimendo, quam creando; creando quippe me mihi dedit, redimendo verò & seipsum dedit, & me reddidit mihi. De nihilo creatus sum, sed non de nihilo redemptus. Flagella, spinas, clauos, & crucem sustinuit amarissimam, totumque sanguinem effudit, ut me vitæ sempiternæ participem efficeret. Vade igitur anima mea ad montem myrrhæ, collige tibi fasciculum ex omnibus amaritudinibus Domini tui, & dic cum anima dilecta, *Fasciculus myrrhæ dilectus meus mihi, inter vbera mea commorabitur.* Hunc fasciculum, si semel collegero, nemo tollet à me, inter vbera mea commorabitur. In hoc iustitiæ consummatio, in hoc scientiæ plenitudo, in hoc diuitiæ salutis, & copia meritorum. Hæc mea sublimior Philosophia scire Iesum, & hunc crucifixum. Nullibi melius discitur quid sit sanctitas, quid sit perfectio, quam in vulneribus Saluatoris. Nulla efficacior medicina ad purgandas animæ sordes, ad cutanda conscientiæ vulnera, quam Christi vulnere meditatio. Horum non obliuiscar in æternum, quia in ipsis viuificatus sum.

Cantic. 1. 12.

METRVM IV.

C*rrite sanguineis lacrymarum flumina riuis,
 Et corde ab imo tristis exundet dolor.
 Erumpant moriente Deo suspiria, & intus
 Occulta amoris astuent incendia.
 Ite manus nocuæ, sceleratum tundite pectus,
 Vindexque apertis sanguis è venis fluat.
 O fluat, & totus detur pro sanguine sanguis,
 Measque culpas diluat fusus cruor.
 Dicite vos cæli, vos conscia funeris astra,
 Si maius unquam polluit terram nefas.*

*En iacet exanimis soboles æqueua Tonantis
 Damnata ligno, crimina vt mundi luat.
 Spinea ferta caput præcingunt, membra cruentis
 Discerpta virgû sanguinis riuos pluunt.
 Omnis abest species, notam dignoscere formam,
 Notosque vultus ipsa vix posset parens.
 Horrui aspectu, densisque in nubibus æther
 Phœbique, siderumque condidit faces.
 Æternas populi mundo timuere tenebras,
 Strauitque mæstus anxius gentes pauor.
 Grandia terrificis sunt saxa excussa ruinis;
 Et ipsa trepido terra subsiluit solo.
 Scilicet (ô superi cur non emittitis ignem?
 Cur non ferocem armatis in me dexteram?)
 Scilicet (ab scelerum nimis improba causa meorum;
 Quæ lucis, & vitæ reum Numen facis.)
 Scilicet interitum summi gemuere parentis
 Quæcunque cæli continentur ambitu.
 Et vos mortales tantorum causa malorum
 Siletis? & non irrigat fletus genas?
 Ab fluite ô lacryma totoque è corpore sanguis,
 Vt sole nix soluta, riuus effluat.
 Ecce sitit moribundus Amor, date pocula Amantes;
 Amoris haustum Rex amantium sitit.
 Nempe sitit lacrymas, lacryma ne crescite: vestro
 Sedare fletu feruidam cupit sitim.*

§. IV.

*Quinta, & sexta ratio in gratiarum actionem ob diuina beneficia.
 Septima per analogiam ad ætatem humanam. Addita
 quadam de breuitate vitæ.*

1. **Q**uinto septem distinctis horis seruitutis nostræ pensum reddimus Deo, vt pro creationis beneficio septem diebus peracto creatori gratias agamus. His accedit octaua nocturnæ vigiliæ hora pro spe resurrectionis, quam media nocte futuram plerique doctiores sentiunt, tum quia Dominus se venturum ad iudicium tanquam furem in nocte prædixit: tum quia media nocte de aduentu sponsi excitatum clamorem in parabola fatuarum, & sapientum Virginum legimus. Facem mihi prætulit ad hanc rationem astruendam Rupertus Abbas his verbis. Septem canonicas horas diei non licet a quoquam, qui in conspectu Dei vacuus, & ingratus apparere nolit, negligenter præteriri. Hæ si quidem creatori nostro deferunt laudes, & pro certis, ac magnis eius beneficiis quasi vectigales sunt gratiarum actiones. Vt enim cecinit Prudentius:

Ambros. Hieron.
 Chrysost. August.
 & alii apud Suarez
 in 3 p. To. 1. disp.
 30. sec. 10.

Rup. lib. 1. de diu.
 off. cap. 1.

Pruden. Cathim.
 hym. 3.

*Quod generosa potest anima
Lucis, & ætheris indigena
Soluere dignius obsequium,
Quam data munera si recinas
Artificem modulata suum?*

Laur. Iustin. ligni
vitæ de orat. c. 7.

Max. hom. 1. de
non timendis ho-
stibus carnalibus.

Rich. in Psal. 90.

Iob. 5. 19.

Prou. 24. 16.

brard. cap. 4.

Petrus Damianus
opusc. 10. cap. 1.

Remig. Antissiod.
in cap. vlt. Ionæ.

Gratiarum actio, inquit Laurentius Iustinianus, est in intellectu, & cognitæ gratiæ Dei bonæ voluntatis indeficiens, & irreflexa intentio. Nullum enim officium referenda gratia magis necessarium, quia maiora meretur suscipere, qui collata bona de corde non probatur delere. Inuitatur ad magna, qui de paruis gratias agere assuescit, & spem de futuris recipit, qui transacta beneficia recognoscit. Ideò S. Maximus Taurinensis Episcopus hortatur nos, vt minutissimas aues imitemur, mane & vespere creatori gratias referendo. Et si es, inquit, deuotior, imitare lusciniam, cui quoniam ad dicendas laudes dies sola non sufficit, nocturna spatia peruigili cantilena decurrit. Et tu igitur laudibus tuis diem vincens operi tuo adde nocturna curricula, & insomnem suscepti laboris industriam psalterij serie consolare. Notat Richardus Victorinus septem esse tentationes, importunam, dubiam, subitam, ocularam, violentam, fraudulentam, perplexam, quibus impugnantur fideles, iuxta illud, *In sex tribulationibus liberabit te, & in septima non tange te malum*: ad quas illud etiam accommodatur, quod scriptum est, *septies cader iustus, & resurget*. Propterea idem iustus septies in die laudem dicit Domino, nam quoties post lapsum resurgit, & quoties tentanti malo resistit, debet sanè cooperatori suo gratias referre, à quo vtique factum est, vt tentatus resistere, & lapsus posset resurgere. Septies autem oramus in die, ait Ebrardus contra Valdenses scribens, quia septies in die cadit iustus, & resurgit per orationem. Addit Petrus Damianus septem Canonicarum horarum officia quasi septem baptismatum lauacra in sanctæ Ecclesiæ gremio constituta esse; vt septem offensionum maculas, quas ex quotidiana vitæ huius conuersatione contrahimus, totidem orationis quotidianæ fluentis expiare curemus, quatenus assiduam corruptibilis vitæ puluerem satisfactionis aura decutiat, & mundanæ conuersationis lutum superfusæ orationis frequens vnda detergat.

2. Sextò, sunt qui has temporum præscriptiones ideo censent ordinatas, vt per nocturnum officium tempus tenebrarum ante Christi aduentum significemus: Nox enim, vt ait Remigius Antissiodorensis, tempus significat ante Christi aduentum: Per diurnum verò tempus gratiæ, & miserationis, quo visitauit nos oriens ex alto. Septies igitur Deum laudamus, quia dono septiformis gratiæ lucem, & libertatem adepti sumus. Par esset equidem supernæ Hierusalem imitari custodes, quorum militia est semper esse in Dei laudibus, vt

Ambrosius

Ambrosius scribit, qui super muros æternæ civitatis constituti tota die, & tota nocte in perpetuum non tacebunt: sicut & Animalia in circuitu sedis procidentia requiem non habent, die, ac nocte clamantia, & dicentia, *Sanctus, Sanctus, Sanctus, Dominus Deus omnipotens, qui erat, & qui est, & qui venturus est.* Sed aggravante corpore præpediti à divinis laudibus multoties cessare cogimur, certis duntaxat intervallis vitulos labiorum nostrorum immolantes. Rectè Primasius; Ecclesia circumquaque diffusa in singulis membris, professionibusque diuersis, vrbibus, regionibus, provinciis, linguis, & gentibus variis Dominum die ac nocte laudare non cessat, manente intellectualis creaturæ perpetua in celestibus laude super Ierusalem, ad cuius se instat, informari peregrina lætatur Ecclesia. Hoc est tributum, quod à nobis exigit Deus. *Immola*, inquit, *sacrificium laudis.* Quæ verba explicans Augustinus, Ara tua, ait, conscientia tua. Securi sumus, non imus in Arabiam thus querere; non sarcinas auari negotiatoris excutimus. Sacrificium laudis querit à nobis Deus. Habebat hoc sacrificium laudis Zachæus in patrimonio suo, habebat vidua in sacculo suo, habebat nescio quis pauper hospes in dolio suo. Alius nec in patrimonio, nec in sacculo, nec in dolio aliquid habebat: totum habebat in animo suo. Immola Deo sacrificium laudis, & hæc immolatio, hoc sacrificium laudis est, gratias agere illi, à quo habes quicquid boni habes, & cuius misericordia tibi dimittitur quicquid tuum mali habes.

3. Septima ratio nos ipsos respicit, ætatisque nostræ progressum non inutilesignificatione repræsentat. Augustinus, Gregorius, Hieronymus, Fulgentius, Theophylactus, & Honorius per horas diei ætates hominum, quamvis non omnino simili explicatione interpretantur. Nam quis neget quemcunque hominem profunda nocte sepultum fuisse, cum adhuc in potentia causarum latitans proprio existentia actu careret? Nox igitur tempus illud indicat, quod natiuitatem antecessit. Matutinæ laudes in confinio diei, ac noctis recitandæ, primam ætatem denotant, quam infantiam aliqui, pueritiam alij vocant. Prima diei hora, cum iam se purior exerit solis radius, adolescentiæ index est. Iuuentus per Tertiam designatur, cum solis radij longè, lateque diffusi orbem terrarum nitidius illustrent. Per Sextam, virile robur intelligo sole in medio cæli, & maxima augis altitudine constituto. Hora Nona inclinato iam die tarda senectus indicatur. Vesperè vltima ætas decrepita innuitur terram respiciens, in quam mox terrenum corpus resolui debet: quam ætatem eleganter deplorans Cornelius Gallus, sic cecinit:

*Nec cælum spectare licet, sed prona senectus
Terram à qua genita est, & reditura videt.*

M

Ambros. Epist. 15.
lib. 6. 2.

Apoc. 4. 8.

Primas. in Apoc.
lib. 1. in fine.

Psalm. 49. & ibid.,
Augustinus.

Aug. serm. 59. de
verbis Domini.
Greg. hom. 19. in
Euang.
Hieron. in c. 20.
Matthæi.
Fulg. de remiss.
pec. lib. 1. c. 18.
Theophylac. in
c. 20. Matthæi.
Hon. Gem. anim.
lib. 3. c. 34.

Cornel. Gallus.

Pindar. in Pythiis
Ode 8. v. 135.
Isa. 38. 13.
Plin. lib. 11. c. 36.
Antigon. histor.
mirabilem c. 92.
Cic. 1. Tuscul.

Dioscorid. lib. 3.
cap. 137.
Plin. lib. 11. c. 32.
Iob. 14. 1.

Isid. Pelus. lib. 5.
Ep. 363.
Aurel. Olympius
Nemesian. Eclog.
3.
Columb. homil.
de fallacia vitæ
humanæ.

Completorium denique æui seriem completam, vitæque finem manifestat. Adeo brevis est vita nostra, vt vnica diei omnis eius decursus comparetur. Nam diei vnus sunt homines, ait Pindarus, vmbra somnium sunt homines. Et Rex Ezechias clamabat dicens, *De mane vsque ad vesperam finies me*. Narrant Plinius, & Antigonus Carystius autem esse ad Hypanim fluvium vitæ prorsus diariæ: manē nascitur, crescit vsque ad meridiem, ac soli tandem morienti commoritur, Hemerobios dicitur, de qua Cicero; Confer, inquit, nostram longissimam ætatem cum æternitate, repemur in eadem prope modum breuitate, qua illæ bestiolæ, quæ vnum diem viuunt. Flos etiam Hemerocalis vltra diem viuere nequit, eius meminere Dioscorides, & Plinius: legendus item Suidas verbo Ephemerij botri. Optimè Iob, *Homo natus de muliere, breui viuens tempore, repletur multis miseriis, qui quasi flos egreditur, & conteritur, & fugit velut vmbra*. Optimè item Isidorus Pelusiota, Mundi huius gloria Hemerocalis est. *Omnia tempus alit*, inquit Poëta, *tempus rapit, vsus in arcto est*. Liber itaque exclamare cum sanctissimo Abbate Columbano. O tu vita quātos decepisti! quātos seduxisti! quātos excæcasti! quæ dum fugis, nihil es; dum videris, vmbra es; dum exaltaris, fumus es: quæ quotidie fugis, & quotidie venis, veniendo fugis, quæ fugiendo venis: dissimilis euentu, similis ortu; dissimilis luxu, similis fluxu; dulcis stultis, amara sapientibus. Qui te amant, non te sciunt; qui te contemnunt, ipsi te intelligunt. Te ostendis tantam veram, te reducis quasi fallacem. Ergo nihil es, ô mortalis vita, nisi vitæ imago, fugitiua vt avis, vt nubes incerta, fragilis vt vmbra.

M E T R V M V.

S*ic nempe velox orbita temporum
Propellit annos: surgit, & occidit
Quicquid polorum continetur
Præcipiti nimium sub axe.
Cæco rotantur sæcula turbine,
Vesper sequenti vespere traditur.
Mortale nil longum, nec atas
Præteritam reparat ruinam.
Vite quid auras, quid senium miser;
Diesue longos, stultaque somnia
Mentiris? ben! puncto futurus
Præda necis, gelidum dederat.
Quicumque lucis munere vescimur,
Omnes eodem tramite currimus.
Mors æquat omnes, parque sæpe est
Nefloreæ vna dies senectæ.*

*Centena quamuis secula vixeris,
Eternitatis si numeras diem,
Nil eius aetatem antecelles,
Vnica quem rapit hora vite.
Frustra senecta tempora computes
Ales que ad vndas nascitur Hypanis;
Quam si videt nascentem Eous,
Decrepitam aspicit occidens Sol.
Hæc de fugaci fabula luditur
Vita. Quod ortum est vergit ad Hesperum,
Dieque veloces, & anni
Pegaseo fugiunt volatu.*

S. V.

*Octaua ratio ex Parabola Evangelica laborantium in vinea. Nona
ex mystica septenarij numeri significatione. Etiam Infideles
statis horis orare. Errores Cabalistarum obiter indicantur.*

1. **O**ctaua ratio ex capite vigesimo Matthæi clarè deduci-
tur. Enimuerò cœlestis Paterfamilias operarios mittens in
vineam primo manè tertia, sexta, nona, & vndecima hora, & cum
sero esset factum, reddens illis mercedem has præcipuè horas diuino
seruitio deputauit, vt docet Cassianus. Nam vndecima vespertinam
synaxim indicat, serotina autem Completorium significat. Cæterum
hora prima illud xui denotat spatium, quod fuit ab Adamo vsque
ad Noë. Tertia à Noë vsque ad Abraham producta est. Sexta ab
Abraham vsque ad Moysen. Nona à Moysen vsque ad Christum. Vnde-
cima à Christo incipiens in extrema iudicij die finem habebit. Ita
Origenes, Gregorius Magnus, Theophilus, Hieronymus, Chryso-
stomus, Theophylactus, Beda, Hilarius, & Fulgentius interpretan-
tur. Sed duo postremi tum inter se, tum à cæteris nonnihil discre-
pant: Hilarius enim horam nonam à Moysen ad Dauid, vndecimam à
Dauid ad Christum produciens finem mundi ad illud, *cum serò fa-
ctum esset*: mystica intelligentia reuocare videtur. Fulgentius autem
sextam vsque ad Dauid, nonam vsque ad transmigrationem Baby-
lonis protrahit, & vndecimam complet in Christi aduentum. De hac
verò Parabola diffusè, & doctè disserit Paschasius Ratbertus Abbas
Corbeiensis. Inter cætera autem in rem nostram hæc scribit; Quare
quidam operarii manè conducti sunt, & post hoc non circa horam se-
cundam, sed circa horam tertiam exiit, & conducti sunt alij, post quo-
rum conductionem quare non circa horam quartam, vel quintam, sed
circa sextam exiit, & vndecimam complet in Christi aduentum? ita neq; circa septimam, vel
octauam, sed circa nonam? & nouissimè non circa decimam, sed ad
vndecimam exiit, quando inuenit stantes tota die otiosos, eo quod

Cass. lib. 3. de in-
stit. cænob. c. 3.

Otig. hom. 10. in
Matth.
Greg. hom. 19. in
Euang.
Theophil. lib. 1.
comm. in Euang.
Hieron. Chryso-
st. Theophyl. Beda.
& Hilar. ad c. 20.
Matth.
Fulg. de remiss.
pecc. lib. 1. c. 18.
Pasch. lib. 9. in
Matthæum.

iam in nouissima hora essent. Nequaquam igitur absque ratione id factum credo. In his enim quinque ordinibus nescio quid muticum videtur sonare, ut duæ extremitates simpliuni habeant numerum, atque vnum; duæ verò medietates duplum, ut singulæ medietates duplæ suo respondeant simpli, & faciant quod diapason rectè vocatur. Hæc subtiliter Paschasius, nam inter Primam, & Tertiam vna tantum hora, nempe secunda, intercipitur: itemque inter Nonam, & vndecimam media est sola decima. Inter Tertiam autem & Sextam duæ intermediæ sunt quarta, & quinta: duæ quoque inter Sextam, & Nonam, septima scilicet, & octaua. Ad musicam itaque proportionem refert Domini vocationem Rabbertus, quæ horæ deinde diuinis laudibus decantandis consecratae fuerunt. Richardus autem Victorinus per hanc horarum diuersitatem varios gradus intelligit, quibus homo perducitur ad integram perfectionis mensuram. Ait enim. Secundum processum dici, & successionem horarum Dominus vineæ egreditur, quia secundum perfectionis profectum, virtutumque promotionem diuina cognitio augmentatur. Mane primo lux incipit apparere, ad tertiam dies solet incallescere, ad sextam vehementius æstuarè, ad nonam constat solem ad inferiora inclinare, caloremque temperare, ad vndecimam verò contingit calorem cum luce paulatim deficere. Quid itaque est ortus lucis, nisi illuminatio veritatis, & quid est inchoatio caloris, nisi acceptatio bonitatis? æstuatio autem feruor est dilectionis. Temperamentum verò caloris est abominatio vanitatis. Sed & subtractio caloris, & lucis quid aliud est quam refrænatio cupiditatis, seu etiam hebetatio prudentiæ carnalis? Mane itaque facit discretio boni, & mali, tertiam appetitus veri boni, meridiem desiderium summi boni, nonam fastidium falsi boni, vndecimam verò efficit odium, seu etiam obliuio veri mali. Mane illuminatur intellectus, ad Tertiam corrigitur consensus, ad Sextam inflammatur affectus, ad Nonam restringitur corporis sensus, ad vndecimam carnalis appetitus refrigeratur. In fine verò denarium percipimus, quia post consummatum laborem ad perfectionis integritatem sublimamur.

2. Nona tandem, atque vltima ratio ex ipsius septenarij numeri mystica significatione deducitur. Primasius Vticensis Episcopus laudans hunc numerum ait; Propterea etiam canitur, *Septies in die laudem dixi tibi*. Non patitur hæc brevis rerum perstrictio ea omnia commemorare, quæ ex sacris, & profanis Scriptoribus in septenarij laudem colligi possent, cum præsertim hæc numerorum Philosophia levis quibusdam, & inanis videatur. Iarchas Indosophorum præses interrogatus ab Apollonio, cur sapientes duodeuiginti tantum essent, cum hic numerus neque quadratus sit, nec ex iis qui magno honore habentur: Nos, inquit, teste Philostrato, nec

Richard. tract. 1.
de statu hom. in-
terioris cap. 35.

Primas. lib. 1. in
Apoc. cap. 1.

Philostr. vitæ

numeris seruimus, necnobis numeri. At ceteri Philosophi, nec non & sancti Patres latitantia sub numeris mysteria magni semper æstimarunt. Nam, vt scribit Diophantus antiquus Arithmeticus, ex peritiis numerandi Dei imaginem habemus, qua bestiarum destituuntur. Ipsos psalmos non secundum rerum gestarum historiam dispositos esse, sed iuxta spirituales numerorum intelligentiam diffusè probat Hilarius Pictauiensis. Ecquis sanctorum Doctorum non euidenter ostendit numerorum rationem passim haberi in sacris Scripturis? Componitur septenarius ex impari, & pari, ex ternario videlicet, & quaternario: cumque omnes numeri vel pares, vel impares sint, sancti Patres huic numerum ex pari, & impari compositum numerum vniuersitatis appellant. Res clara est in sacris litteris, vt cum dicunt, septuplum dandam ultionem de Cain; septies in die cadere iustum; septem dæmonia à muliere eiecta, & multa eiusdem modi. Omnes præterea numeri, qui sunt intra denarium, aut generantur alios, aut generantur, solo septenario excepto, qui propterea virginitati, & sapientiæ adscribitur, tantaque religione à Pythagoricis colitur, vt eum inter præcipua suorum dogmatum arcana collocarint. Sed & Bassus quidam apud S. Philastrium numero septenario diuinitatè tribuebat. Omitto portentosa nomina, quibus hunc numerum insigniuit Nicomachus Gerasenus libro secundo Arithmeticorum Theologicorum apud Photium in sua Bibliotheca. Dicitur enim ab eo esse Fortuna, & occasio, Minerua, Mars, Acreotis, Agelia, Trytone, Tritogeneia, γλαυκῆτις, Alalcomencia, (de qua voce videndi Pausanias, & Gyraldus) Panteuchia, Ergana (multis à Pausania in Atticis, & in prioribus Eliacis celebrata) integritas naturæ, Amaltheiz stirps, Ægis, Osiris, somnus, vox, sonus, & de mularum numero Clio, Iudicium item, & Adrasteia, ac huiusmodi ineptiarum multarum. Vtinam haberemus M. Varronis hebdomadarum libros, in illis enim solidas septenarij laudes reperiremus. Quæ verò spectant ad huius numeri perfectionem curioso lectori suppeditabunt sancti Patres Cyprianus, Augustinus, Ambrosius, Hieronymus, Basilus, Gregorius Nazianzenus, Clemens Alexandrinus, Gregorius Magnus, Casarius, Bruno, Chrysologus, Rupertus Abbas, Innocentius Papa, Hugo Victorinus, Bonauentura: itemque Philo Iudæus libro de mundi opificio, & de decalogo, Nicolaus Cusanus, Girardus Rufus, Petrus Bongus, Franciscus Georgius Venetus, Macrobius, Gellius, Chalcidius, Cenforinus, Martianus Capella, Nicetas, Elias Cretensis, Symphorianus Camperius, Sebastianus Foxius, Annibal Rosselius, Leo Hebraeus, & alij multi. Porro septenarium in mundi opificio à conditore obseruatum sacra Moysis docet historia. Septem quoque vagantes sphaeras firmamento subiecit eiusdem opificis prouidentia. Luna ab illis septima septenario mouetur numero vigintiocto diebus totius Zodiaci ambi-

Apollonij lib. 3. cap. 9.

Diophant. initio primæ definit.

Hilar. proleg. in Psal.

Philastr. de hæresibus.

Photius Cod. 187.

Pausan. in Boëtiacis Gyrald. de diis syntag. 12.

M. Varro.

Cyp. de exh. Mart. cap. 11.

Aug. li. 12. de ciu. Dei c. 31.

Am. enar. 2. ad Honorat. in c. 1. Gen.

Hieron. ep. 125. ad Damasum q. 1.

Basil. exa. hom. 12.

Greg. Naz. or. 44. Cl. Alex. l. 5. & 6. 1. trom.

Greg. mag. mor. l. 1. c. 7. & l. 15. c. 7.

Casari Dial. 4. de fide inter. 192.

Bruno serm. 2. de Pentec.

Chrysol. ser. 139.

Rup. li. 1. in Apoc.

Innoc. proem. in

7. psalms.

Hugo de quinque

septenariis lib. 2.

alle. in Mart. c. 15.

Bonau. in ps. 150.

Philo de mundi

opif.

Nic. Cusanus de

docta ignorantia.

Gir. Rufus in A-

rithmetica Boët.

P. Bongus de my-

steriis numerorū.

F. Ven. Harm. mū-

di cant. 1. ton. 5. c.

9. & tono 8. c. 7.

Macro. lib. 1 in

som. Scipion. c. 6.

Gell. lib. 3. c. 10.

Chalc. in Timæū.

Censor. de die na-

tali cap. 11. & 12.

Mart. Capella de

nuptiis Merc. l. 7.

Nicet. in or. 41.

Naz. n. 32.

El. Creten. in or.

3. Naz. nu. 23.

Symph. camp. pla-

ton. Symphonix,

lib. 4. tr. 1. cap. 8.

Foxius in Timæū.

Rosell. in Piman-

dum lib. 2. com-

ment. 5. q. 1. cap. 1.

Leo Hebr. dial. 3.

de amore.

Ficinus in Timæū.

Ioachinus Abbas

in c. 1. Apoc.

Aug. lib. 3 de doc.

Christ. cap. 35.

Beda in c. 18. Lu-

cz.

Juven. Sat. 6.

tum conficiens. Sol ipse lucis, & vitæ dispensator septimo quoque signo cursum varians ab hyemali ad æstium Solstitium, itemque à verno ad autumnale æquinoctium septimi signi peragratione peruenit. Oceanus in augmenti, & decrementi sui vicibus, Lunæ Hebdomadæ seruire dignoscitur. Homo temporis, & æternitatis orizon septenarij vim, & efficaciam in seipso multiplici comprobatur experimento, de qua re extat Solonis elegia apud Clementem Alexandrinum lib. 6. Strom. Septima post partum hora an sit victurus ostendit. Post septimum diem nomen infanti imponebant Antiqui: post decimum quartum ad lumen visus mouetur: post septem menses dentes incipiunt emergere: post bis septem sedet sine cadendi timore: post ter septem sonus eius in verba prorumpit: post quater septem incedit; & lac nutricis exhorrescere incipit. Prima annorum hebdomada primis dentibus alij succedunt ad cibum solidum aptiores. Secunda hebdomada pubescit, tertia finem facit crescendi in longum, ornatque lanugo genas, quarta in latum etiam crescere desinit, quinta virile robur completur, sexta stabili firmitate seruantur vires, septima perficitur ætas, & completur prudentia, octaua diminuuntur vires, nona viget senectus, decima tandem vitæ spatium terminatur, attestante Propheta, Dies annorum nostrorum in ipsis septuaginta anni. Faciunt etiam ad septenarij laudem dies critici, & decretorij, annique climaterici tot dissidentium Philosophorum contentionibus agitati. Quid memorem è sacris Bibliis septem Angelos, septem stellas, septem Ecclesias, septem lucernas, septem Sacramenta, septem tubas, septem vitia, septem virtutes, septem sigilla, septimum libertatis annum, septimum quietis diem, & alia sexcenta eiusdem generis? Puer quem suscitauit Propheta septies oscitauit, septem annis pro dilecta seruiuit Iacob, septem sunt spiritus qui astant ante Dominum, septiformis denique Spiritus sancti gratia post quadratum septenarium, quinquagesimo scilicet die à glorio-
sa Christi Resurrectione, in Apostolos, & discipulos diffusa est. Tot virtutibus igitur insignitum septenarium merito sancti Patres diuinis etiam laudibus decantandis consecrarunt. Adde quod septenarius plenitudinem, & vniuersitatem significat, quare, vt dicit Augustinus, *Septies in die laudem dixi tibi*, nihil est aliud quam *semper laus eius in ore meo*. Beda etiam dicit eum semper orare qui canonicis horis quotidie iuxta ritum Ecclesiasticæ traditionis psalmodiis, precibusque consuetis Dominum rogare, & laudare non desistit. Septem quoque horas pro maiori saltem diei parte vsurpasse videtur Satyrus his versibus;

— quis deditus autem
*Vsq̄ue adeò est, vt non illam, quam laudibus effert,
 Horreat, inque dies septenis oderit horis?*

3. Hæ sunt præcipuæ rationes, ob quas horarias preces fuisse institutas asserunt Scriptores sacri. Stultum enim fuisset temerè, & sine ratione istas potius horas, quam alias sacris precationibus assignasse. Nam, vt scitissimè scribit S. Asterius Episcopus; Nulla res est humana, cuius non aliqua ratio reddi possit, & si quid forrè eiusmodi est, quod rationem, aut scopum non habet, meræ nugæ sunt. Porro certas orationis horas etiam Infideles determinarunt. Apollonius Thianæus docuit Athenienses, qua diei, noctisque hora sacrificari oporteret, vt scribit Philostratus Lemnius in eius vita. Iulianum Apostatam vsum statis horis orandi sacerdotibus idolorum indixisse refert Sozomenus. Ipsimet Turcæ distinctionem horarum obseruant in orationibus. Orant enim in ortu solis, quam orationem vocant Tamzith, item meridie, hora nona, in occasu solis, & hora prima noctis. Laudat Dauidicos Psalmos Mehemet eorum Pseudopropheta in Alcorano, iubetque suos surgere ad lectionem circa mediam noctem. Hoc autem loco quorundam errorem dissimulare non possum, qui Cabalistarum mendacii adhærentes secretiores Theologi vocari volunt. Aiunt isti singulis tribus horis mutari Angelorum custodiam in cælis, statuuntque decem numerationes, veluti decem categorias, quas vocant Sephiroth, quæ virtute nominum diuinorum per ordines Hierarchiarum in sphaeras cœlestes, & elementa inferiora suas virtutes statis horis influant, quas si quis rectè intelligat, earumque nomina benè applicet, mirabilia præstare possit. Idèoque Ecclesiam primam horam, & tertiam, & sextam, & nonam, atque duodecimam præ cæteris ad orandum elegisse, quod illis horis talis dispositio in cælis sit, tales Angeli præsideant, talis Sephiroth, siue numeratio dominetur, qualis necessaria est vt deprecatio nostra exaudiat. Legendus hac de re Archangelus Burgonouensis Minorita Auctor Catholicus, sed Cabalistic plus iusto adductus, libro de dogmatibus Cabalistarum in explicatione huius Assertionis: pro secretum orationis antelucanæ nihil aliud debemus intelligere, quàm proprietatem pietatis. Mihi nec libet, nec vacat hanc doctrinam copiosius examinare. Hoc tantum moueo artem Cabalisticam, quam Hebræi summis laudibus celebrant, nonnisi meram superstitionem esse, ac theurgicam quamdam Magiam sub fictis Angelorum nominibus Cacodæmones inuocantem. Quod si adeò necessaria esset ad Dei cultum, & scripturarum intelligentiam, quemadmodum isti fectant, Spiritus sanctus, qui repudiata Synagoga docuit nos omnem veritatem, hanc etiam sapientiam Ecclesiæ suæ reuelasset. Scio quidem varia esse Cabalistarum genera, de quibus vir doctissimus

Asterius hom. in
 festum calendarum.

Philostr. l. 4. c. 6.
 Sozom. lib. 5. c. 15.

Alcoran. libro 1.
 azora 15. iuxta
 diuisionem orientium.
 Item lib. 3. azora
 55.

Archang. Minor.
 pag. mihi 167.

Del Rio disquis.
magic. lib. 1. c. 4.
¶ 4. j.

Luc. 18. 1.
1. Theff. 5. 16.
Ephes. 6. 18.

Antioch. hom. 91.

R. Eliezer apud
Hieron. à 5. fide
lib. 1. de perfidia
Iudæorum c. 12.
Thien. 3. 8.

Martinus del Rio in magicis disquisitionibus disserit; Sed sci etiam horum omnium doctrinam nihil habere soliditatis, nam cum versentur circa principia vniuersalia, & causas maximè remotas, nunquam ad veram scientiam pertingunt. Eas verò nugas, quas de horis orandi ingerere simplicioribus conantur, explodit Scriptura, quæ dicit, *Quoniam oportet semper orare, & orantes in omni tempore, & sine intermissione orate.* Ergo illius oratio omni hora acceptabilis erit, qui necessaria sibi ad salutem perseveranti animo postulabit. Vt enim scribit Antiochus. In omni re captanda semper est opportunitas temporis, præterquam in oratione. Nunquam enim intempestiva potest esse oratio, sicut scriptum est: *Benedicam Dominum in omni tempore, semper laus eius in ore meo.* Ipsi verò Cabalistic clausæ sunt ianux orationis, ut vnus ex illis R. Eliezer in libro Berachoth, id est benedictionum, fatetur: nam à die, inquit, quo templum fuit destructum, orationis portæ clausæ sunt, ut dicit in Lamentationibus Hieremias, *Cum clamaui, & rogauero, exclusit orationem meam.*

C A P V T III.

DE VARIA DIEI, AC NOCTIS DIVISIONE.

§. I.

Quid dies, quid nox sit. Prima diei diuisio in naturalem, & artificialem. Diei ciuilis initia varia apud varias gentes. Hora nomen æquiuocum.



QVONIAM diuinis persoluendis officiis certæ sunt horæ à Sanctis Patribus assignatæ, vix intelligi poterunt, quæ de illis dicturi sumus, ni prius explicentur varij antiquiorum ritus circa diei, ac noctis diuisionem. Initio autem mundi facta est diei, noctisque alternatio per præsentiam, & absentiam lucis. Sol oriens diem facit, occidens noctem inducit. Hinc Pindarus in olympiis diem vocat filium Solis, & Hesiodus in Theogonia ex Erebo, & Nocte natum diem asserit, quod post noctem dies sequatur. Non est autem omittendum hoc loco, quod obseruat Athanasius. A creatione mundi vsque ad Christum præcessit dies, sequuta est nox; dicit enim Scriptura, *Fiat lux, & facta est lux, vocauitque Deus lucem diem, & tenebras noctem.* A Christi verò aduentu nox diem præcedit: nam à vespere incipientes solemniter celebramus dies sequentes. Ratio discriminis est, quia primò fuit posita lux, at nos à luce defecimus ad tenebras, à Dei scilicet cultu

Pind. olymp. od.
1. v. 59.
Hesiod. Theog. v.
114.
Athan. in qq. sac.
Script. qu. 54.
Gen. 1. 3.

cultu ad errores, & idola. Ex eo verò tempore, quo Sol iustitiæ Christus Deus noster ex tenebris errorum ad lucem diuinæ cognitionis nos reduxit, à tenebris inchoamus, & in luce terminum constitutumus. Dies, ait Isidorus, in principio operum Dei lumen habebat exordium ad significandum hominis lapsum. Nunc autem à tenebris ad lucem progredimur, vt non dies obscureretur in noctem, sed nox luceat in diem, quia à delictorum tenebris liberatus homo ad lucem fidei, scientiamque peruenit. Speusippus in Platoniciis diffinitionibus; Dies, inquit, est solis iter ab ortu ad occasum. Aurora diei principium, primum à sole lumen. Meridies tempus, in quo vmbra corporum quam breuissimæ sunt. Nox vmbra diei contraria, solis priuatio.

Isidor. lib. de nat. rerum cap. 1.

Speusippus.

2. Sed tam diei, quam noctis multiplex distinctio est. Vulgus Scriptorum diem diuidit in naturalem, & artificialem. Naturalis dicitur esse horarum 24. quibus semel circumuoluitur cælum. Hac diei appellatione etiam noctes intelliguntur, vt cum dicimus ægrotasse aliquem per dies viginti, vel cum hoste pactas inducias dierum decem. Nomen diei accepit à parte meliore. Ideo Heraclitus apud Senecam dixit. Vnus dies par omni est. Nam si dies tempus est 24. horarum, necesse est omnes inter se dies pares esse, quia nox habet quod dies perdidit. Mensura viginti quatuor horarum, inquit Ambrosius, vnius diei tempus est. Artificialis est, qui cursu solis ab ortu ad occasum definitur, cui contraria est nox ab occasu solis ad ortum. Hæc dierum diuisio, & observatio communis est apud omnes nationes, sed vocabula diuersa sunt. Nam Censorinus, & alij veteres, quos quidam recentiores sequuntur, diem 24. horarum civilem; & artificialem vocant: diem verò ab ortu ad occasum naturalem. Ego verba ætatis meæ scribo: quod dictum volui, ne antiquitatem spernere, quæ modesta, & venerabilis est, aut recentiorum voces omitendo quasi cum matre Euandri loqui videar, vt Phauroinus apud Gellium, & Auienus apud Macrobiū facere dixerunt. Repeto. Prima diuisio diei est in naturalem 24. horarum, & artificialem ab oriente sole ad eundem occidentem. De hac dierum partitione Geminus Rhodius antiquus Auctor, qui vivebat Romæ ætate Ciceronis, in elementis Astronomicis *ἡμερᾶς, καὶ νυκτὸς* sic scribit. Dies dicitur dupliciter, vno modo tempus illud, quod est ab ortu solis vsque ad occasum; altero modo dies dicitur tempus, quod est ab ortu solis vsque ad proximum ortum solis. Est autem dies iuxta secundum modum conuersio mundi, & ortus eius arcus, quem Sol peragrat, dum in conuersione mundi mouetur contra mundum. Secundum alterum modum mensem dicimus esse dierum 30. annum verò dierum 365. & vnius quartæ. Non sunt autem per omnes regiones, & vrbes eadem magnitudines dierum; sed ijs, qui versus

Seneca ep. 12.

Ambros. lib. 2. exam. cap. vlt.

Censor. de die natali cap. 10.
Tiraquel. de vtroque retractu §. 1. gl. 11.

David Origanus in Ephemeridum introd. par. 1. c. 5.
Gell. lib. 1. c. 10.
Macr. lib. 1. Satur. cap. 5.
Geminus cap. 5.

septemtrionem habitant, maiores sunt dies, minores verò his qui versus meridiem.

3. Romani veteres diem legitimum, & naturalem inchoabant à media nocte, & sequentis noctis media parte terminabant. Id etiam nunc seruat Ecclesia, quoad ieiunia, & ciborum abstinentiam. Ab eodem puncto mediæ noctis diem auspicantur Theologi, qui circa montem Athon versantur, vt scribit Theodorus Gaza, quod credant ea hora Christum resurrexisse. De hoc ciuili Romanorum die plura Gellius vir elegantissimi eloquij, vt eum vocat Augustinus, & multæ, ac facundæ scientiæ, & Gellij exscriptor Macrobius. Eius plurimas rationes adducit Plutarchus. Cur, inquit, diei principium sumunt à media nocte? an quia Reip. institutio principio fuit militaris? In re autem bellica multa noctu capiuntur consilia? An quemadmodum meridies finis est publicas, & serias res agendi, sic noctem in tempestam actionum omnium initium statuerunt? An quia ortu, & occasu solis principium, & finis diei diffiniri non possunt, multa adhuc luce manente post occasum, & multa item incipiente ante ortum? Tamen enim Mathematici diei, ac noctis discrimen in appulsu centri solis ad Horizontem constituunt, plerique tamen sensus arbitrio diem protrahunt à primis ad vltima crepuscula. Restat igitur, vt pro principio diei illum temporis articulum sumamus, quo sol vel in medio cæli est, vel in opposito eius puncto. Hoc autem posterius melius congruit. Sol enim à meridie versus occasum à nobis fertur: à mediæ noctis puncto versus ortum ad nos. Hæc ille. Athenienses, quos nunc Itali sequuntur, itemque, vt Origanus asserit, Silesij, Bohemi, Austriaci, & Marcomanni, ab occasu solis ad solem iterum occidentem, omne id medium tempus, vnum diem esse dixerunt. Babylonij, & Persæ olim, nunc & Noribergenses, inter duos solis exortus diem esse existimarunt. Vmbri, Egyptij, Arabes: nunc Galli, Hispani, & magna pars Germaniæ à meridie in meridiem vnus diei spatium constituunt. Hoc initium diei Astronomi sibi sumpsere, quod à meridiano circulo profisciscatur, qui cum fixus, & immutabilis sit, certum diei principium designat. Sed variant in accipiendo puncto meridiæ. Alphonsi Regis tabulæ à meridiæ diei antecedentis exordiantur, vt primam diem Ianuarij à meridiæ postremæ diei Decembris. A sequente inchoat diem Tycho Brahe, vt primum Ianuarij diem à meridiæ, quæ ipsas Calendas incurrit. Copernicus Romanorum consuetudine à media nocte ad mediam noctem diei cursum in suis astrologicis obseruationibus vsurpat. Ecclesia eundem diem esse dicit, quoad indulgentiis, & festiuitatibus, à primis Vesperis vsque ad occasum solis diei sequentis: quoad iudicia, à mane vsque ad tenebras. Aliter fictione iuris determinatur dies quoad ordinum collationem. Iudæos à Vespere in Vesperam florente

Theod. Gaza lib. de mensibus.

Gell. lib. 3. c. 2.

August. lib. 9. de ciu. Dei cap. 4.

Macro. lib. 1. sat. cap. 3.

Plutarch. in qq. Romanis.

Origan. in eph. introd. p. 1. cap. 5.

Alphonsus Rex.

Tycho Brahe.
Nic. Copernicus.

c. 2. de feriis cap. consultuit, de off. & pot. iud. deleg.

c. literas, de temp. viciu.

eorum Rep. diem computasse ostendit Baronius : quos tamen Chrysostomus reprehendit tamquam Scripturæ prævaricatores , quæ diem diffinit ab ortu solis ad ortum , ut ipse colligit ex capite primo Geneseos. Discrepabant ab alijs gentibus in dierum computatione Galli veteres , & Germani. Nam de istis hæc scribit Tacitus : Nec dierum numerum , ut nos , sed noctium computant : sic constituunt , sic concludunt , nox ducere diem videtur. De illis Cæsar. Galli omnes ab Dite patre se prognatos prædicant , ob eam causam spatia omnis temporis non numero dierum , sed noctium finiunt : & dies natales , & mensium , & annorum initia sic observant , ut noctem dies subsequatur. Naturalis autem diei constitutio non nisi quadruplici initio supputari potest. Nam diei principium ab aliquo puncto secundum naturam maximè noto desumi debet : sunt autem huiusmodi puncta quatuor totidem anni punctis correspondentia. Ortus solis ad æquinoctium vernale refertur , occasus ad autumnale : Meridies solstitium æstivum respicit , media nox hyemale.

4. Has quatuor anni partes horas vocant multi Scriptores. Isidorus Pelusiota , Circularis , ait , est figura temporis , quippe cum dies circumtollatur in hebdomadam , hebdomada autem in mensem , mensis verò in annum , rursusque in eadem signa , quæ peragravit , restituitur. Hanc ob causam alibi quidem coronam anni , alibi verò rotam generationis Scriptura appellavit , circuli namque , & coronæ , & rotæ eadem est figura , quod quatuor horæ , videlicet vernum tempus , & æstivum , & autumnale , & hybernium inuicem quodammodo manus connectant , & annum circumvolvunt , atque in optimam quamdam choream ducant. Sanctus Eustathius Archiepiscopus Antiochenus , & Martyr , explicans illud Geneseos , ut sint in signa , & tempora , Tempora , inquit , horarum , siue temporis ipsius mutationes , ac vices , hyemis scilicet , veris , æstatis , autumnus intelligendas esse censemus. Flavius item Philostratus in Iconibus horas accipit pro anni tempestatibus. Ita passim Poetæ Græci. Pindarus in olympijs horas floribus abundantes dixit pro vere. Roseam veris horam lego in Anthologia. Oppianus veris horam in Halieuticis , siticulosam Syrijs horam ibidem hyemis horam in Cynegeticis posuit. Æstivam horam dixerunt Nonnus in Dionysiis , Hesiodus in operibus pro æstate. Iniquam hyemis horam scripsit Calaber in Paralipomenis , itemque Musæus in Erotopagnio , & Nonnus in paraphrasi Evangelij secundum Ioannem. Est igitur horæ nomen æquivocum. Apud Suidam significat venustatem , occasionem , curam , sollicitudinem , quatuor anni tempestatibus , tempus opportunum , & duodecimam diei partem. Apud veteres accipitur hora pro cuiuslibet temporis parte. Virgilius.

Baron. an. 34. c. 33.
Chrys. hom. 5. in Genes.
Corn. Tacitus de morib. Germanorum.
Cæsar de bello Gallico lib. 6.

Isid. Pelus. lib. 4. epist. 1.

Eustath. comment. in Hexam.
Flav. Philostr. in Icon. initio lib. 1. & in fin. 2.
Pind. olymp. od. 13. v. 12.
Anthol. lib. 1. cap. 91.
Opp. Halieut. l. 1. v. 459.
Ibid. lib. 3. v. 47.
Cyneg. l. 3. v. 308.
Nonn. Dionysiac. lib. 12.
Hesiod. v. 282.
Q. Calab. Paralip. lib. 8. v. 51.
Musæus v. 293.
Nonn. in Io. 10. v. 81.
Suidas V. Hora.
Virg. 1. Georgic.

*Nunquam te craftina fallat
Hora, neque insidijs noctis capiere serena.*

Propert. lib. 3.
eleg. 10.
Horat. l. 3. od. 13.

Propertius. *Cum fuerit multis exacta trientibus hora.*
Horatius. *Te flagrantis atrox hora canicula
Nescit tangere.*

Val. Flaccus l. 7.
Argonautic.
Hieron. in vita
Malchi monachi.
M. Anton. lib. 4.
de seipso.

Valerius Flaccus in Argonauticis introducit Iasonem sic Medæ iurantem, *Per has nostri iuro discriminis horas.* Sic etiam apud D. Hieronymum, captivum se interficere cogitantem adiuravit mulier, Ego te per Iesum Christum, per huius horæ necessitatem rogo, ne effundas sanguinem tuum in sanguinem meum. Marcus Antoninus Philosophus, & Imperator, O natura rerum, inquit, quicquid tibi convenit, id omne mihi convenit; omne id fructum meum puto, quod tuæ ferunt horæ. Horam quoque pro die ponit Virgilius in hoc versu:

Virg. ccl. 5.

Hic alienum oves custos bis mulget in hora.

Iul. Pollux lib. 7.
Tholosan. lib. 4.
cap. 1.
Plutarch. lib. 5.
qu. 4.
Macrob. lib. 1.
cap. 21.

Legendus item hac de re Iulius Pollux in Onomastico, Agrætius libello de sermone Latino, & ex recentioribus Petrus Gregorius Tholosanus in Præludijs optimi I. C. Ipsos annos prisca Græcorum lingua horas dictos asserit Plutarchus in symposiacis. Alij ad Ægyptios hanc referunt nominationem, eo quod Solem Horum vocent. Est & Dea Hora apud Romanos, quam dicunt fuisse Hersiliam Romuli uxorem, quæ post mariti apotheosim in cælum translata Hora vocata sit, ut Ovidius fabulatur, de qua Ennius,

Ovid. metamor.
lib. 14. in fine.

Teque Quirine pater veneror, Horamque Quirini.

§. II.

Hora unde dicta. Fignenta Poëtarum de Horis. De usu Horologiorum apud veteres. Horæ olim nunciatæ à servis.

Vernus dies Christus est.

Ovid. lib. 2. met.
Hom. Iliad. 8. v.
395.
Id. Il. 5. v. 750.
Senec. de benef.
lib. 1 cap. 3.
Coint. Smyrn. l. 1.
Paralip. v. 48.
Non. Dionys. l. 1.
v. 224. & initio
lib. 9.
Apul. lib. 6. vbi
quædam Ph. Ippus
Beroaldus.
Hom. hymn. in
Apoll. v. 194. &
hy. 2. in Yencicm.

1. Sunt qui horas à Sole dictas putent, Ægyptij enim, ut dixi, Solem Horum vocabant. Alij à luce, quæ Hebraicè *אור* Hor vocatur, horas quasi lucis partes denominant. Quidam malunt *ἡμέρας ὅρας*, quod terminum significat, deduci: siue ab *ὁρίζω*, quod est terminare, dividere, diffinire. Porro de Horis multa suo more fabulantur Poëtæ. Fingit Ovidius Horas puellas esse, quæ Soli ministrent, easque Homerus cæli ianitrices facit, quia tempora moderantur è cæli, solisque motu pendencia. Chrysippus apud Senecam ait Horas Gratiarum sorores esse, sed natu maiores. Nascenti Auroræ inseruire Horas canit Smyrnæus in Paralipomenis. Easdem futurorum nuncias esse, Bacchum coronasse, & cæli phalanges aduersus Typhæum armasse tradit Nonnus in Dionysiacis. Item Horas dedisse vbera Serenæ uxori Stikiconis fabulatur Claudianus in eius Panegyrico. Apud Apuleium in nuptijs Psyche Horæ ministrabant. Rursum Homerus in hymnis Horas vocat sapientes,

Soli assentes, & quæ natam è mari Venerem susceperint, & ornarint. Orpheus elegantissimi de Horis hymnum conscripsit, castas easdem appellans, floribus abundantes, omnis coloris, multi odoris, semper virentes, circulares, suaves, faces habentes, vestibus roseidis indutas, cælis, terrisque gratificantes, & inculpatas. Panyasis Poëta apud Athenæum primam in mensa potionem Gratijs, Horis, & Baccho tribuebat: atque ibidem commemorat Athenæus in Horarum sacello aram Dionysio erectam, quod horæ fructus vitis nutrant, & ad maturitatem perducant. Hesiodus in Theogonia dicit Horas Themidis filias esse, & maturitatis auctrices. Ut enim notat Suidas, illud temporis punctum significat hora, quo res matura, & perfecta est. Ita passim in Evangelio, *Non dum venit hora mea: & sciens Iesus, quia venit hora eius.* Theocritus horas tardissimas nuncupat, caras tamen, & exoptatas, semper aliquid novi ferentes hominibus. Philostratus in Iconibus horarum imaginem graphicè pingit hoc modo. Horæ corporea specie in terram profectæ manus contingentes annum volutant, & tellus sapiens existens bellè cum ipsis fert annua omnia: sublatum autem brachium, comæque demissæ libertas, feruensque præ cursu gena, & vna salientes oculi fabulari fortasse aliquid super pictore permittunt. Horas autem intelligit quatuor anni tempora, de quibus in Cosmurgia sic Georgius Pisides concinit:

- *Hæc vicibus alternis, cursu annuo,
Instat puellarum choros agitantium,
Digitosque conferentium inter se suos,
Vita decora ut choream agant pulcherrimam.*

Apud Pausaniam in Atticis Horæ in Iouis capite insident, nam efusus nutu temporum vices decurrunt. Olen Poëta apud eundem in Corinthiacis ab Horis educatam Iunonem scriptum reliquit. Horas quatuor, & Vesperis imaginem in pompa Ptolomæi Philadelphi describit Athenæus libro quinto *δεντροσφικῶν*. Iphis Horis diuinos honores habitos ab Atheniensibus narrat iterum Pausanias, vnamque vocat Carpon, alteram Thalloten: tertiæ nomen non dixit. Phormutus libro de natura Deorum, Ab Horis, inquit, omnia bona, quæ nobis adsunt, custodiantur, & seruantur. Vna Eunomie dicitur ob æquam rerum distributionem: altera Dice, id est iustitia, quod iure contententium lites dirimat: Tertia Irene, id est Pax, quali ratione, & non armis lites consopiat. Alia Horarum nomina Hyginus, & ex eo Lilius Gyraldus recensent. Nunc communiter accipitur hora pro his spatijs, in quæ dies diuiditur, Ante Palamedem nec horas, nec horologia fuisse Philostratus in Heroïcis commemorat; Cæterum Claudius Salmasius in Plinianis exercitationibus prolixa, & odiosa disputatione conatur ostendere nullum apud

Athenæus initio
lib. 2. dipnosoph.
Hesiod. Theog. v.
900.

Ioan. 1. 4.
Ibid. 13. 1.
Theocrit. Idyll.
15. v. 104.
Philost. in Icon.
in finel. 2.

Georg. Pisid. Cos-
murg. v. 286.

Est de horis regula
quinta Tychonij
Astr.

Pausan. in Bæotici-
cis.
Phorn. de natura
decor. cap. 19.

Hygin. fabul. 183.
Gyr. de dijs gēf.
synr. 13.
Claud. Salmasius
in Plin. exercit.
pag. 632. vsque ad
638.

vereres Horologij vsum, nec diem in horas tributum ante Magni Alexandri tempora fuisse. Confutat eius coniecturas doctissimus vir Dionysius Petavius in Auctario operis omni laude dignissimi de doctrina temporum, monstratque florente Græcia diuisionem diei in horas communiter adhibitam. Hanc ad Græcos ab Ægyptijs manasse scribit Herodotus in Euterpe.

2. Illa tamen fractio dierum in 12. partes non statim horarum nomine processit; sed aut partium, aut signorum, vt Iulius Pollux refert ex Menandro. Congessit Plinianus exercitator quæcunque de horis, & Horologijs apud priscos Scriptores reperiuntur. Ipsum legat, qui hæc fusius scire, eiusque loquacitate patientiam exercere desiderat. Scioterici Horologij primus inuentor in Græcia celebratur à Plinio Anaximenes Milefius: sed Laërtius, & Suidas Anaximandro eius præceptori hanc inuentionem tribuunt. His tamen antiquior ducentis ferè annis fuit Achaz Rex Iudæorum, cuius solare Horologium commemorat Scriptura. Romæ indisereta lux diu fuit, donec Scipio Nasica Horologia introduxit anno Urbis 595. si vera Plinius refert. Ctesibium Alexandrinum Horologia hydraulica miratione reperiisse narrat Cicero, & Vitruuius, itemque Athenæus ex Aristocle libro de choris. Vsum verò Clepsydrarum in Vrbe Achanta trans Nilum incæpisse docet Pierius in Hieroglyphicis. Meminit Clepsydræ Plato in Theæteto his verbis. Illi verò in occupatione semper dicunt, vrget enim illos aqua fluens. Cum Apollonius Thyaneus coram Domitiano causam dicturus esset, Quanta aqua, inquit Scriba, orationem tuam metieris? hoc enim ante causam dicendam scire me oportet. Cui Apollonius, si quodcunque causa exigit, dicere me sinas, non ipse Tyberis ad metiendum sufficiat. Plinius iunior cum causam cuiusdam Proconsulis egisset in Senatu; Dixi, inquit, horis penè quinque, nam decem clepsydris, quas spatiosissimas acceperam, sunt additæ quatuor. Qualis autem fuerit antiquæ clepsydræ forma, eleganter Petavius docet in notis ad Dionem Synesij. Eandem sic describit Apuleius. Præconis amplo boatu citatus accusator quidam senior exurgit, & ad dicendi spatium vasculo quodam in vicem coli graciliter fistulato, ac per hoc guttatim deflua infusa aqua, populum sic adorat. Sinenfes ingentibus clepsydris ex aqua, vel cinere odorifero horis metiendis vfos refert Matthæus Riccius in historia Sinarum. Extrat non inelegans Symposij ænigma de clepsydra minus rectè à quibusdam de ratione explicatum.

Lex bona dicendi, lex sum quoque dura tacendi,

Ius anide lingue, finis sine fine loquendi,

Ipsa fluens dum verba fluunt, vt lingua quiescat

Narrat Saccus in Historia Ticinenfi Scuerinum Boëthium primum

Petau. lib. 7. variar. dissertationi cap. 7. 8. 9.

Iul. Polux. lib. 1. Onomast. c. 8.

Plin. lib. 2. c. 76.

4. Reg. 20. & Isai. 39.

Plin. lib. 7. cap. 60. Cic. 2. de natura deor.

Vitruuius l. 9. c. 9. Athen. lib. 4. c. 14. Pier. hierog. lib. 6. cap. 4.

Philostr. de vita Apollonii lib. 8. cap. 1.

Plin. lib. 8. ep. 11.

Petau. pag. mihi 20.

Apul. initio lib. 3.

Riccus hist. Sinarum. lib. 1.

Sympos. num. 69.

Bernardin. Saccus

fuisse, qui Horologia libratis ponderibus Romæ componi curarit. Cassiodorus libro primo variorum duo Horologia mirabilis structuræ describit; vnum, ait, in quo humana solertia videtur colligi, quod totius cœli noscitur spatia peruagari. Alterum ubi solis meatus sine sole cognoscitur, & aquis guttantibus horarum spatia terminantur. Alexis Poëta apud Athenæum in quodam conuiuio patinam superbam aduectam dicit, quæ horas redoleret, & tempora; quæ scilicet cœli cursum, & signa ostenderet; quale apud Petronium Arbitrum Trimalcionis repositorium describitur, quod habebat 12. signa Zodiaci in orbem disposita, & super illa conuenientem materix cibum. Simile fuit tentorium, quod à Sultano Babylonix Fride-rico secundo Imperatori dono datum refert Spondanus, in quo Sol, & Luna cursum suum debitis spatijs obseruabant: & horæ diei, & noctis citra errorem indicabantur. Chromatius quoque Præfectus in ætæ S. Sebastiani; Habeo, inquit, cubiculum ex toto vitreum, in quo omnis disciplina stellarum, ac mathesis mechanica est arte constructa; in quo mensium, & annorum cursus certo numero per horarum spatia distinguuntur; & lunaris globi plenitudo, vel diminutio digitorum motu, rationis ministerio, & calculi supputatione prævidentur. Iam multa fabricantur Horologia non solum horas, solisque motus, & siderum indicantia, sed quæ diuersis librata ponderibus varij generis musica instrumenta sonantia, & multiplices exhibeant statuarum saltationes. Bernardinus Carouagius boue capitolior, oculis emissitij, ore exorcæto, & lingua blæsus si Sacco Tici-nensium Historico credimus, vnum composuit in gratiam Andrea Alciati, eo artificio, vt qua quisque statuisset hora noctu ære so-nante expergisci posset, eademque opera lucernæ lumen accendere-tur. Ignis enim scintilla ab inserto filice in subiectum sulphur ex-cussa in flammam ibat, quæ repente ardentis sulphuris ministerio, & lychnorum continuatione lucernæ fila accendebat. Etiam in an-nuli gemma narrat Cardanus Horologium fabricatum fuisse, quod mola circumagebatur, & horas indicabat non solum sagitta, sed ictu. Olim Hebræi tubarum sonitu ad horas indicandas utebantur, vt scribit Iosephus. Idem nunc faciunt Turcæ clamore è tutri subla-to. Antiquiores monachi, teste Cassiano, ex aspectu siderum no-cturnæ synaxis horam explorabant. Quod etiam Cluniacenses obser-uasse ex relatione de miraculis S. Hugonis colligitur, quæ habetur in Bibliotheca Cluniacensi. Diurnarum verò precum horam vt dig-noscerent, sole sereno aut proptij corporis, aut Gnostionis in Sciotherico Horologio umbrarum proiectiones inspiciebant: cælo autem nubo Clepsydris veterum more utebantur, sicut tradit in diuinis lectionibus Cassiodorus. Porro modum difficillimum noscendi horas ex quantitate Psalmodiæ ostendit Petrus Damianus;

hist. Ticin. lib. 7.
Cassiod. lib. 1. var-
epist. 45. & 46.

Athenæus lib. 1.
cap. 18.
Petronius Arbitr
in Satyrico.

Spondan. an 1112.
Apud Bollandum
10. Ian. c. 10.

Saccus hist. Ticin.
lib. 1.

Cardan. de subtili-
tate.

Ioseph. de bello
Iud. lib. 5. cap. 9.
Cassian. lib. 2. c. 17.

Biblioth. Cluniac.
pag 448.

Cassiod. dia. Icc.
cap. 30.

Petr. Damianus
opuscul. 13 cap. 17.

Vincen. spec. hist.
lib. 24 cap. 98.
Arnold. Vvion.
ligni vitæ lib. 5.
cap. 2.
Aimoin. l. 4 c. 95.

Martial. lib. 8.

Iuven. sat. 10.

Senec. de breuit.
vitæ cap. 10.
Varro lib. 5. de
ling. Latina.
Suet. in Domitia-
no.
Artemidor. de
interpret. som-
niorum l. 3. c. 67.
Zeno serm. 1. de
Pascha.

Vt quandocunque, inquit, solis claritas, siue stellarum varietas nubium densitate non cernitur, in quantitate Psalmodiæ, quam tenuerit Monachus, quoddam sibi velut horologium metiatur. Horologij verò mechanici primum inuentorem Siluestrum Secundum fuisse ex Monacho Floriacensi Pontificem summum tradunt nonnulli, sed mala historiæ fide; nam Persiæ Regem dono misisse huiusmodi Horologium Carolo Magno Imperatori ducentis circiter annis ante Siluestrum refert Aimoinus de gestis Francorum. Verius videtur quod Polidorus Virgilius scribit, primum auctorem mechanici Horologij ignotum esse.

3. Apud Romanos serui erant, quorum munus esset horas dominis nunciare. Martialis de hac re hi versus sunt:

*Horas quinque puer nondum tibi nuntiat, & tu
Iam conuiua mihi, Cæciliane, venis.*

Satyricus quoque de hoc ritu sic canit;

Quem dicat venisse puer, quot nunciet horas.

Eandem consuetudinem commemorant Seneca, Marcus Varro, Suetonius, & alij. Artemidorus Daldianus actiones, impetus, & motus ab Horologio significari asserit. Homines enim omnia faciunt ad horas respiciendo. Semper autem melius existimat horas ante sextam, hoc est antemeridionales, numerare, quam eas, quæ post sextam sequuntur; quod etiam Hesiodus in fine dierum asseuerat. Verus autem, & clarus dies Christus est, verè dies æternus, & sine nocte, vt ait S. Zeno, cui duodecim horæ in Apostolis, duodecim menses seruiunt in Prophetis, quem Euangeliorum salutaria quatuor tempora prædicant. Hic est dies, quem nullæ temerant nubes, nulla interpolat nox, dies fulgentissimus, qui nescit occasum. O splendor lucis æternæ, cuius claritas illuminat mundum, veni, & illumina animam meam splendoribus Sanctorum, vt in lumine tuo verum lumen videre possim, quod illuminat omnem hominem sedentem in tenebris, & umbra mortis. O quando veniam, & apparebo, Domine, ante faciem tuam! O quando videbo diem illum, diem iucunditatis, & lætitiæ; diem quem tu fecisti, vt exultemus, & lætemur in eo! O præclarum diem illum, diem verum, diem æternum, diem votis omnibus expetendum! Caret horis, & tenebris dies ille, iugis in eo meridies est, quia claritas Dei irradiat illum. Atque vinam ad diem illum post tenebras huius mundi perducere citius merear, tunc enim gaudens, & exultans non per temporum, & horarum momenta; sed sine intermissione cantabo tibi, qui me vocasti in admirabile lumen tuum.

METRUM VI.

TEmpora præcipiti glomerantur concita cursu,
 Et refluent gyris noxque, diesque suis.
 Atque ut bisseñis finitur mensibus annus,
 Sic totidem spatium diuidit hora diem.
 Diuidit hora diem, iustis & partibus aquat;
 Dum subeunt proprias cuncta creatæ vices.
 Vda primis siccos signauit clepsydra soles,
 Et secuit calidos frigida meta dies.
 Scilicet impulsis agitur solibus orbis,
 Et refluus annus præcipitatur aquis.
 Tum capis tenues percurrere tempus arenas,
 Omnia nam rabido frangere dente soles.
 Mox, quia sunt umbræ humana senillima, gnomon
 Innuit umbroso tramite lucis iter.
 At nunc ad ferrum postquam migrastis ab auro
 Secula, ferratis aufugit hora rotis.
 Aufugit, & sese per ferrea puncta trucidans
 Admonet ad duram nos properare necem.
 O quicumque dies docuisti hac arte secari,
 Scito: non omnes hac monumenta iuuant.
 Nam cur tam lentum tempus remoratur amantes,
 Aut cur dissimili mobilitate viget?
 Flet quidam longo sua duci stamina filo,
 Dum cupit æterni Regni amore frui.
 Alter ait, faciem si quando cernit Amantis,
 Cur mihi contractis præterit hora rotis?
 Nempe licet motum mensuret temporis hora,
 Non tamen affectus queis agitur amor.
 Credite: dilato cruciantur tempore Amantes,
 Estque illis anno longior vna dies.
 O igitur quando fugitiui temporis experts,
 Lux mea, Christe Deus, te sine fine fruatur!
 Illa dies tenebris, horisque, ac sine carebit,
 Vnica si quando fulserit illa dies.

§. III.

Secunda diuisio diei naturalis antiquo Romanorum more, Tertia diuisio diei, & noctis artificialis. Cur diuisa dies in 12. horas. De horis aequalibus, & inæqualibus. In vicissitudine diei, & noctis relucet mirabiliter Dei prouidentia.

1. **S**ecunda diuisio diei plura noctis, & diei tempora subnotat, propriisque discernit nominibus, quæ apud Poetas, aliosque Scriptores passim obseruata inueniuntur. Ea omnia suo ordine Macro-

Macrobi. lib. 1.
 Sat. cap. 7.

Censorin. de die
natali cap. 10.

bius, & Censorinus exponunt. Incipiunt autem à media nocte; quod tempus principium, & postremum est diei Romani. Tempus, quod huic proximum est, vocatur de media nocte, siue mediæ noctis inclinatio. Sequitur Gallicinium, primus galli cantus post mediam noctem. Deinde Conticinium, cum & galli silent, & homines quiescunt. Tum primum diluculum, siue crepusculum matutinum, diei clarescentis exordium. Secundum diluculum vocatur mane, cum sol videtur, & dies iam clarus est. Sol post hoc ad meridiem vergit, facitque meridiem, quod est medij diei nomen. Inde tempus occiduum, siue pomeridianum, vel de meridie. Hinc suprema tempestas, nouissimum diei tempus. Post supremam dicitur Vesper, ante ortum scilicet eius stellæ, quam Plautus Vesperuginem, Ennius Vesperum, Virgilius Hesperon appellat. Inde porrò crepusculum vespertinum. Post sequitur tempus, quod Antiqui primæ facis dicebant, vel prima face; siue quia tunc primum accendebantur facies, & luminaria: siue quia, vt obseruat vir reconditæ eruditionis Ioannes Brodæus, tunc Venus fax cælestis incipit lucete. Deinde concubium dicitur, cum itum est cubitum. Postea nox intempesta, quam Varro noctis meridiem vocat, tempus minimè idoneum rebus gerendis. Tum ad mediam noctem, & sic media nox. Hæc est diei ciuilis à Romanis obseruata diuisio. Noctis partes eleganter describit Philosophus Medaurensis, Ecce, ait, crepusculum, & nox prouecta, & nox altior, & deinde concubia altior, & iam nox intempesta. Tum noctis inducias cantus perstrepebat cristatæ gallorum cohortis. His vocibus *τὴ νύκτις* uesper, vt aiunt Græci, hoc est spatium lucis, atque noctis, à priscis Auctoribus passim describitur.

2. Tertia diuisio diem, ac noctem artificialem in suas quoque partes distribuit. Diem artificialem intelligo præsentiam solis super terram, à reali ipsius ortu vsque ad occasum. Possunt equidem tam matutina, quam vespertina crepuscula, cum sint media inter diem, & noctem, ad vtrumque referri, de qua re disputant Theologi. Iurisque ciuilibus, & Canonici Interpretes. Sed vt omisissis controuersis clarè, & distinctè in hoc tractatu procedam, ego diem artificialem cum Mathematicis definitio ab illo puncto, quo sol realiter secundum corpus, & substantiam suam super Horizontem emergens nobis exoritur, ad illud punctum, quo Horizonti nostro absconditus hemisphærium istud suo corpore deserit, etiam radiis suis, & virtute adhuc illuminet. Noctem similiter esse dico ab occidente sole ad orientem, omne id medium tempus ipsa vespertina, & matutina crepuscula comprehendens. Et dies quidem secundum quosdam in mane, & vespere diuiditur; in tempus scilicet antemeridianum, & pomeridianum: quo sensu horam pomeridianam pro vespertina, & serotina; & Ianum Consulem pomeridianum nuncupatum reperies

Io Brodæus l. 4.
miscell. c. 13.
Varro in Marci-
pore.

Apuleius libro 2.
metamorph.

Theologi in 4.
sent. distin. 13. D.
Thom 3. p. q. 51.
art. 4. ad 2. & qu.
83. art. 2.
Legistæ ad l. mo-
re Romano ff. de
feriis, & l. 2. §. 1.
ff. de verborum
signific.
Canonistæ cap. si
periodiens, de
homicidiis, & c.
consuluit, de off.
& potest. iud. de-
legati Polid. Ripa

apud Adrianum Turnebum in Aduersariis. Vel secundum alios *b* in mane, meridiem, & supremum. Mane vsque ad horam ante tertiam produciunt; meridies vsque ad horam ante nonam; supremum vsque ad solis occubitum. Omnes verò Antiqui tam diem, quam noctem in duodecim horas diuidere consueverunt. Huius partitionis rationem affert Galenus, quem laudat, & explicat Hieronymus Magius multæ antiquitatis homo in variis lectionibus. Porro, inquit, numerum hunc duodenarium tamquam omnium vtilissimum delegerunt. Dimidium enim continet, & duplum, & quartum, & sextum, & duodecimum, quæ nullus alius post ipsum numerus vsque ad vigesimumquartum continere videtur. Hunc etenim tamquam longiorem repudiarent, & duodenarium numerum veluti commodatum iudicantes, in tot particulas totius diei tempus diniserunt. Hanc autem partitionem ex vsu esse alij multi, & Romani ipsi experientia comprobantes, atque videntes ostendunt. Si quidem hæreditatem omnem, cum testamentum condunt, in 12. portiones distribuunt: & pondera, ac mensuras, quibus in vita opus est, in 12. partes diuidunt. Hæc Galenus. Quod autem de 12. partibus hæreditatis dixit, habetur in Institutionibus Iustiniani Imperatoris libro secundo. Alij sectionem diei in horas 12. constitutam referunt à Mercurio illo Trismegisto, quem fuisse Ietro Madianitarum Sacerdotem, & Regem, atque Philosophum, focerum Moysis contendunt Hebræi apud Franciscum Georgium Venetum. Hic cum obseruasset quoddam animal, de quo Horus Apollo, & Pierius in Hieroglyphicis, & Damascius in vita Isidori apud Photium, duodecies in die, (sit pax naribus) lotium emittere, ex illo duodenario mixtu in totidem partes diem distinxit. Mihi fabulam redolere videtur hæc scetida horarum institutio, quam tamen tacitus præterire nolui, quod eam primi nominis Auctores referant, & probent. Aiunt autem Cynocephalum in æquinoctiis tantum, ælurum singulis diebus duodecies mingere, & horas hac ratione indicare. Nec minus ridenda, & inter fabulosa signenta numeranda videtur hac parte subtilior quorundam obseruatio, qui ex cæli dimensione in 12. partes, secundum musicas proportionales horas item 12. adinuentas existimant.

1. Solidior ratio petenda à Mathematicis. Hi ex circuli æquinoctialis conuersione, itemque ex ortu, & occasu signorum horarum constitutionem desumunt. Sunt autem signa 12. Zodiacum circum, quem ideo signiferum vocant, in 12. partes æqualiter diuidentia. Horum nomina poetis fictionibus celeberrima hæc sunt. Aries, Taurus, Gemini, Cancer, Leo, Virgo, Libra, Scorpius, Sagittarius, Capricornus, Aquarius, & Pisces. Quoduis signum in 30. gradus diuiditur, quare cum signa sint duodecim, in toto Zodiaco 360. gradus continentur. Hic circulus obliquitate sua dierum,

O ij

de noct temp. c. 3.
M. Ant. Natta
consilio 469
Suidas v. Hæc
Censoria. de die
nat.
Ægid. in exam. p.
2. cap. 2.
Turneb. libro 18.
cap. 13.
Isidor. libro 5.
orig.
Beda lib. de tat.
temp. c. de die.
Magius l. 1. c. 15.
Galen. l. de cuius-
que animi peccato-
rum notitia.

Instit. de hæredi-
bus instituendis 9.
Hæreditas.

Fr. Vener. tom. 1.
problem. fac. Scrip-
turæ sec. 6. prop.
156.

Hor. Apollo lib.
1 hierog. l. 15.
Pierius lib. 6. c. 4.
Phot. Cod. 242.

ac noctium inæqualitatem, omniumque temporum vicissitudinem causat: dirimit totum cælum in duo hemisphæria, & est regula, & mensura motus planetarum, qui sit ab occasu in ortum. Alium item circulum describunt Astronomi in sphæra, quem vocant æquatorem, siue æquinoctialem ab utroque mundi polo æqualiter distantem, & in gradus etiam 50. diuisum. Huius officium est diem artificialem nocti adæquare, cum sol per illum transit, quod bis in anno contingit, initio scilicet Arietis, & Libræ: Tempus quoque, primumque motum ab ortu in occasum spatio 24. horarum dirigere, & mensurare. Ex his duobus circulis duo genera horarum constituuntur, quorum vnum ad æquatorem, alterum ad Zodiacum refertur, Primi generis horæ dicuntur æquales, & æquinoctiales, & vnaquæque earum est vigesima quarta pars diei naturalis, continens illud temporis spatium, quo 15. gradus circuli æquinoctialis oriuntur, qui circulus, vt diximus, est graduum 360. & semel in die totus ascendit, & circumagitur super Horizontem. Æquales vocantur, quia semper eiusdem sunt quantitatis: æquinoctiales, quia ex motu vniiformi dicti circuli desumuntur. Secundi generis horæ inæquales, planetariæ, naturales, & temporariæ nuncupantur. Harum intelligentia difficilior est, dupliciter enim accipi possunt. Primo pro eo spatio temporis, quo medietas vnius signi super Horizontem emergit. Semper enim sex signa oriuntur in die, & totidem in nocte, siue dies breuissima, siue longissima sit. Ea signa, quæ rectè oriuntur, tardiores habent motum: ea quæ obliquè, velociorem. Quæ verò signa rectè, quæ obliquè oriuntur, ex his versibus cognosci potest.

Recta meant, obliqua cadunt à sidere Cancri

Donec finitur Chiron: sed cætera signa

Nascuntur prono, descendunt tramite recto.

Georg. Buchanā.
lib. 4. sphæar.

Quam doctrinam Scotos Poëta eterodoxus nobiliori hoc carmine conclusit.

Ergo via surgunt flexa caper, hydria, pisces,

Dux ouium, taurusque minax, geminique puelli.

Ast cancer, Nemeesque pavor, virgoque maligna

Desertrix terra, speciesque bilancia, & acer

Scorpio, Centaurusque truci spectabilis arcu

Conscendant recto cælum sublime meatu.

Sex itaque signa à Cancro ad Capricornum, quæ in sphæra obliqua rectè oriuntur, & obliquè occidunt, dies longos faciunt, & noctes breues: reliqua sex signa, quæ obliquè oriuntur, & rectè occidunt, dies breues faciunt, & noctes prolixas. Non igitur oriuntur quolibet die plura, vel pauciora signa quam sex, quantumuis longa, vel brevis sit dies. Excipitur ab hac regula ea sphæaræ obliquitas, in qua poli eleuatio excedit gradus 66. cum dimidio; nam ibi quædam signa nullo modo oriuntur. Non loquor hic etiam de sphæra recta,

quia in ea semper æquales sunt ascensiones. Hora autem inæqualis accepta pto eo temporis interuallo, quo medietas cuiusque signi oritur, inæqualis omnino est, seu cum eiusdem, seu cum alterius diei horis comparetur, quia non omnes medietates æqualiter ascendunt. Ideo Hipparchus Bithynus libro secundo enarrationum ad Arati, & Eudoxi Phænomena, Arati, & Attali sententiam refellit existimantium ex ortu signorum horam noctis dignosci posse, quia videlicet inæquali temporis spatio ipsa signa oriuntur. Atque id etiam Manilius in Astronomicis eleganti carmine explicauit.

Hipparch.lib. 2.
cap. 1. & 2.

Manilius lib. 3.
Astronomic.

*Nec me vulgata rationis præterit ordo,
Quæ binas tribuit signis surgentibus horas,
Et paribus spatijs æqualia digerit astra.
Vt parte ex illa, quæ Phæbi caperis orbis,
Discedat numerus, summamque accomodet astris,
Donec perueniat nascentis tempus ad ipsum;
Atque ubi substerit, signum dicatur oriri.
Sed iacet obliquo signorum circulus orbe,
Atque alia inflexis oriuntur sidera membris:
Ast illis magis est rectus surgentibus ordo,
Vt propius nobis aliquod, vel longius astrum est.
In tam dissimili spatio: varijsque dierum,
Vmbraarumque modis, quis possit credere in horas
Omnia signa pari mundi sub lege manere?
Adde quod incerta est horæ mensura, neque ullam
Aliæ pars sequitur, sed sicut summa dierum
Vertitur, & partes surgunt, rursusque recedunt:
Cum tamen in quocunque dies deducitur astro,
Sex habeat supra terras, sed signa sub illis:
Quo fit ut in binas non possint omnia nasci,
Cum spatium non sit tantum pugnantibus horis,
Si modo bissextæ seruantur luce sub omni,
Quem numerum debet ratio, sed non capit usus.*

& quæ sequuntur satis diffusè. Secundo modo, qui communior est, & à nobis deinceps vsurpandus, accipitur hora inæqualis pro duodecima parte cuiuslibet diei, vel noctis artificialis: & tunc istæ horæ sunt æquales inter se, quia sunt omnes duodecima pars diei; sed dicuntur inæquales, quia horæ vnius diei non æquantur cum horis alterius, neque cum horis nocturnis, nisi tantum bis in anno, initio Arietis, & Libræ. Exemplo res erit manifesta. Sit dies longior æstiu temporis, cum sol oritur hora nona horologij Italici, hunc diem in 12. horas inæquales distinguamus, quælibet hora continebit minuta 75. horam scilicet integram æquinoctialem, & insuper quadrantem eiusdem horæ. Rursum sit dies breuior hyemalis, cum sol oritur hora

25. hic dies in horas 12. inæquales diuisus dabit singulis horis minuta dumtaxat 45. tres nimirum quartas partes horæ æquinoctialis. Hora enim 60. minutis constat. Ecce quomodo isti dies ad inuicem sunt inæquales, æstiuæ namque horas multò longiores habent, quam hyemales. Idem de noctibus dicendum est, quarum horæ 12. similes æstate breues, hyeme longiores sunt. Hinc Vitruuius Architectus horas solstitiales in Cancri signo amplissimas vocat, brumales verò horarum breuitates. Et Augustinus libro de vera Religione; Hora brumalis, inquit, æstiuæ comparata minor est. Sic passim apud Poëtâs hora æstiuâ pro longiori, hyberna pro breuiori posita reperitur. Martialis æstiuam horam pro longissima posuit in hoc Epigrammate.

*Otia Trifce breui poteris donare libello,
Hora nec æstiuâ est, nec tibi tota perit.*

Plaut. in Pseudo- Apud Plautum cum Simo senex dixisset Pseudolo ebrio.
lo, act. 5. sc. 2.

*Credo equidem potesse te, Jcelus, Massici montis vberum
quatuor
Fructus ebibere in hora vna. Hyberna addito.*

Seneca in Agamemnone sic canit,
men. v. 33.

*Sed cur repente noctis æstiuâ vices
Hyberna longa spatia producant mora?*

Boëthius libro 1. Seuerinus quoque Boëth. æstiuæ noctis agiles horas vocat, diceus,
met. 5.

*Tu, cum feruida venerit æstas,
Agiles noctis diuidis horas.*

Ex his perspicuum est, cur istæ horæ dicantur inæquales. Planetariæ autem vocantur, quia per tales horas distinguuntur dominia Planetarum, vt ex Chaldæorum obseruatione tradit Ioannes Stofferinus. Naturales item, & temporariæ appellantur, quia ductu naturæ didicerunt homines iuxta temporum variationes ipsas quoque variari.

4. Hæ sunt horæ, quibus olim omnes ferè gentes utebantur. De Hebræis constat ex Euangelio cum Christus dixit, *Nonne duodecim sunt horæ diei?* De Græcis testatur Galenus loco citato. Extat & lulentum Achillis Tatij Alexandrini de hac re testimonium, qui post

Stoffer. de vsu
Astrolabii par. 2.
propof. 27.

erotica Scripta de Clitophonte, & Leucippe factus est Christianus, & Episcopus, teste Suida. Hic in Mâgoge ad Arati Phænomena de horis disserens ait; Roget aliquis, cur dixerimus solem in æstino solstitio constitutum horarum 15. facere diem, in hyberno 9. cum tamen in mechanicis horologiis, & hydrologiis dies perpetuò horis 12. constare videatur. Huic ita respondemus. Quemadmodum quilibet homo tam puer, quam vir quinos in manu digitos habet,

non tamen æquales : sic eandem habent horæ in diebus, ac noctibus magnitudinis, & celeritatis rationem ; adeò vt magnarum magnæ sint, paruarum parux. Igitur æstiu dies hybernis maiores intervallo constant horarum 15. æquinoctialium, quæ in 12. proportionem diuiduntur. Idem de maioribus, & minoribus tam diebus, quam noctibus iudicium est. Eundem morem viguisse semper in Græcia ostendunt Constantinus Cæsar cognomento Pogognatus, qui libro primo de re rustica diem, & noctem in horas 12. perpetuo diuidit ; & Secundus Atheniensis Sophista, qui in sententiis diem diffinit duodecim horarum decursum. De Romanis præter alia liquet ex eo Martialis Epigrammate, quo diurnarum horarum distributionem commemorat.

Constantin. Cæsar
l. 1. Agricult. c. 7.

Martial. libro 4:
Epigr. 8.

*Prima salutantes, atque altera continet hora,
Exercet raucos tertia caufidicos.
In quintam varios extendit Roma labores,
Sexta quies lassis, septima finis erit.
Sufficit in nonam nitidis octaua palastris,
Imperat extructos frangere nona toros.
Hora libellorum decima est, Eupheme, meorum,
Temperat ambrosias cum tua cura dapes.*

Hanc denique horarum distinctionem sequitur Ecclesia in horis Canonicis. Sic horam primam dicimus, cum post solis ortum duodecima diei pars exacta est : tertiam, cum quarta pars : sextam, cum media. Idem proportionaliter de aliis horis dicendum est. Marcellus Francolinus vir accuratissimè doctus in fine celeberrimi operis de tempore horarum Canonicarum tabulas vniuersales composuit totius Europæ vsui accommodatas ad cognoscendam veram, & exactam horam cuiusque officij quotidie celebrandi reductis horis inæqualibus ad communes, & æquinoctiales.

§. Sed quoniam de horis sermo est, præteriri nullatenus debent præclaræ quædam sanctorum Patrum sententiæ de diei, & noctis necessaria vicissitudine, deque admirabili prouidentia Dei, quæ in ea relucet. Theophilus Patriarcha Alexandrinus, Dies, inquit, & nox certis horarum sibi succedunt spatiis, paulatimque decrescentes, quod amittunt, recipiunt, & quod recipiunt tribuunt ad eandem mensuram bis in anno conuenientes : nec manent in eodem statu, sed breuitate, & longitudine horarum momenta discriminant, vt vtilem mundo faciant temporum diuersitatem. Namque dies ordine, & circulo suo de noctis temporibus mutuatur, & rursus nox recipit, quod largita est : dumque vicissim & tribuunt, & accipiunt, & orbe quodam quod paulatim amiserant decrescentes, sensim crescentes accipiunt, creatoris interpretantur sapientiam. Titus Bostrorum Episcopus hanc diei, & noctis alternationem ideò necessariam fuisse

Theophil. Ale-
xandrinus Epist.
3. Paschali.

Titus Bostr. lib. 2.
adu. Maaschæos.

scribit, quia nox communis est requies omnium animantium. Deinde si semper esset dies, non possemus metiri tempus non diuisum in partes: non posset in multis ratio vitæ iniri, & constare: quodque maius est, non esset voluptas luminis fruendi, si non essent tenebræ; lumen enim continuum, neque quod lumen esset, cognosceretur. Extra culpam igitur, & querelam est nox, nec quod multa noctu scelera committantur, criminis rea illa est; animus enim accusari debet, non tempus: nam si maleficus nocti pareret, dormiret sanè, hoc enim iubet nox. Dracontius Christianus Poëta fidem probans resurrectionis ex hac diei, & noctis successione desumit argumentum, Sic autem canit:

*Mortua nox sub luce cadit, perit aurea luna,
Atque per ascensus, & cornua colligit ignes,
Et dum caeca latet, reparato lumine fulget,
Mentiturque diem lux frigida, solis imago,
Lucifero redeunte polo moriuntur & astra,
Nuncius auroræ subductus morte diurna
Lucifer extinctus rescit per sidera flammæ,
Ex hinc nocturnum iubar emicat igne corusco,
Rosida puniceum spargens aurora ruborem
Ducit ubique diem periturum noctis ab umbris:
Et tamen hæc de sole perit, quo missa rubebat.
Sol oculus cæli, famulus super astra Tonantis,
Cuius ab immensis languescunt sidera flammæ,
Ne gelidis animetur aquis per cæcula Ponti.
Occidit ipse dies super æquora sole cadente,
Et quo demersus, nouus æquore manè resurgit:
Vespere nocturno hunc radiata luce rubentem
Purpureis abscondit aquis, redditque diurnæ
Depositum natura suum sub nocte sepulchrum
Manè resurgentem de fluctibus orbe recepto.*

Dracontius in
Exsmet. c. 6. pro-
pe suum.

Tertull. de Resur.
carnis cap. 11.

Theodoret. ser. 1,
de providentia.

Sed de hac re nil verbis Tertulliani doctius, nil elegantius. Dies, ait, moritur in noctem, & tenebris vsquequaque sepelitur. Funestatur mundi honor, omnis substantia denigratur. Sordent, silent, stupent cuncta: ubique institium est, quies rerum. Ita lux amissa lugetur. Et tamen rursus cum suo cultu, cum dote, cum sole, eadem & integra, & tota vniuerso orbi reuiuiscit, interficiens mortem suam noctem, rescindens sepulturam suam tenebras, hæres sibi met existens, donec & nox reuiuiscat cum suo & illa suggestu. Agnouit & Dei mirabilem in die, ac nocte providentiam Theodoretus: Et sanè, inquit, diem, & noctem veluti sorores quasdam videre est, quæ temporis spatia ad hominum vsus inuicem mutuantur, simul & beneuolè reddunt. Deficiente enim iam hyeme, & nouo illucescente vere,

vere, quando multi admodum hominibus circa sua opera labores exoriantur, ut potè professiones, & peregrinationes, naviumque è portu deductiones, quando & mare stratum, & hyberni frigoris rigore liberum est, tetraque segetibus superbiens agricolam ad culturam vocat, & plantæ hortulanum ad putationem, purgationem, rigationem, & sarritionem inuitant: tunc, inquam, dies operationis tempus hominibus augens à nocte horas mutuò sumit; & paulatim quidem eas recipit, ne nimio augmento iis noceat, qui eius opera ad res suas conficiendas utuntur. Vbi verò ad medium ætatis peruentum est, desinit quidem mutuò sumere, mox verò debiti solutionem aggreditur, adeò ut hanc nec vel in vnici diei moram procrastinando rejiciat. Paulatim autem, & sensim, quemadmodum ante acceperat, ita quod acceptum est, reddit. Deinde vbi autumnus tempore nocti æqualis factus est, se hac minore fieri non pudet longam quietis opportunitatem conficiens. Cum enim frigoris, pluuiarum item, luti, & cæni molestia domi desidere cogimur, nox ipso die multò nobis iucundior est. Et sic quidem omnis vitæ nostræ cursus his spatiis absolvitur, nec minorem quam dies, nox hominibus utilitatem confert. Nam si lux quædam perpetua nullo alio intercedente medio permanisset, ceterè nec annorum orbem, nec mensium numerum discere, vel edocere potuissimus; sed vnica illa dies continua totius præsentis sæculi mensura fuisset, qualem nimirum futuri illius sæculi conditionem fore credimus. Illum quippè diem si ne vesperto fore, & omni alia successione cariturum esse, edocui sumus. Hæc, & alia plura elegantissimus Theodoretus.

§. IV.

Dies in quatuor præcipuas partes diuisa ab Antiquis. Item nox. Quid stationes, quid vigilia sint. Quota hora quodlibet Officium celebrandum. Quot sint partes Officij.

1. **R**ursus Antiqui diem, & noctem in quatuor partes æquales inter se diuidere solebant, quarum singulæ ab vltima hora inclusa nomen acciperent. Prima enim pars horam primam, secundam, & tertiam continens, Tertia dicebatur: Secunda horarum etiam trium quartæ, quintæ, & sextæ, Sexta: Tertia septimæ, octauæ, & nonæ, Nona: Quarta à decima vsque ad duodecimam vltima, & duodecima appellabatur. Cornelius Ianfenius, Victor Geselinus, & alij aliter explicant hanc diei partitionem in quatuor sectiones, sed errant toto cælo, ut ostendit eruditissimus Francolinus, quem consulat curiosus lector: nolo enim actum agere. Porro istæ horæ insigniores præ cæteris erant in rebus humanis, nam teste Tertulliano, diem distribuere, negotia distinguere, & publicè resonare solebant; Semper, & vbique, ait ille, & omni tempore orandum, tamen tres istas horas Tertiam, Sextam, & Nonam, ut insigniores in rebus

Cornel. Ianfenius in Conc. Euang. cap. 143.
Victor Geselin. in notis ad Hym. 1.
Prudentij Cath. Francolin. de tēp. hor. Canon. c. 32.
Tertull. de ieiun. cap. 10.

humanis quæ diem distribuunt, quæ negotia distinguunt, quæ publicè resonant, solemniores fecerunt in orationibus diuinis. Quare & frequentior earum mentio in sacris, & profanis Auctoribus habetur: & his duntaxat utebantur Antiqui in designando tempore non solum orationis, celebrationis Missæ, soluendi ieiunij, sed & aliarum rerum. Illud autem hoc loco notandum est, quod iam dicta trium horarum interualla communiter olim pro vna hora accipiebantur. Sic quæ de hora tertia à priscis Scriptoribus notantur, non præcisè de hac hora, sed de prima etiam, & secundain- telligi debent, ita vt sub tertiæ nomine totum tempus ab ortu solis ad ipsam tertiam comprehendatur. Censorinus de die natali, Veteres, inquit, diem quadripartito, sed & noctem similiter diuidebant. A Græcis quoque vsurpatam hanc distinctionem constat ex Pausania in Messenicis, Suida verbo *ἑσπέρης* & Onosandro in strategico. Etiam Leuitas apud Hebræos seruasse noctis vigiliis, quas Græci *φύλαξας* vocauit, & ternarum horarum obseruationem habuisse, Diuus Augustinus asseuerat. Legendus Baronius, qui tomo primo Annalium hanc doctrinam luculenter confirmat. Fauent & plurimæ sacrorum Canonum sanctiones. Marcus Varro, quem refert, & probat Carolus Sigonius, Cosconius, inquit, scribit in actionibus Prætorem Accenso iubere solitum, horam esse tertiam, Accensum inclamare horam esse Tertiam, Meridiem, & Nonam. Erant autem Accensi administri magistratuum ab acciend- o, id est vocando, dicti. Duodecim tabulis, ait Plinius, ortus tantum, & occasus nominantur: post aliquot annos adiectus est & meridies, Accenso Consulum id pronunciante. Id verò quo ritu fieret Barnabas Brissonius in doctissimo opere de formulis ostendit. Docet Chrysostomus quod Monachi in quatuor partes diem disper- titi, dum singulæ partes implentur, Psalmodiis, & Hymnis Deum venerantur. S. Benedictus in Regula iis, qui leuioris culpæ rei sunt, pœnam excommunicationis imponens, non illius, quæ censura Ec- clesiastica est; sed alterius Monasticæ, & Regularis, qua Mona- chus solius mensæ participatione priuatur: Refectionem, inquit, so- lus accipiat mensura, vel hora, qua præuiderit Abbas ei compe- tere: vt si, verbi gratia, fratres reficiunt sexta hora, ille nona; si fratres nona, ille vespertina. En quomodo refectionem fratris, qui peccauit à sexta ad nonam reiecit, nulla facta mentione septi- mæ, vel octauæ horæ intermediæ. Talis enim erat apud veteres consuetudo, vt iis solummodo solemnioribus horis vt plurimum vterentur. Horam quoque tertiam, & sextam nulla intermedia inuenies apud Senecam. Consentit huic diuisioni Prudentius his versibus:

Censorin. cap. 10.

Onosand. strateg. cap. 10. §. 3.

Aug. lib. 4. quæst. q. 4. sup. Num.

Baron. an. 34. nu. 162. & seqq.

c. nocte, c. solent, c. de hoc, de con-

fect. dist. 1. item c. fin. dist. 44. & c. 1.

dist. 75.

Varro l. 5. de Lin- gua Latina.

Sigon. l. 1. de iudi- cio cap. 9.

Plin. lib. 7. c. vlt.

Brisson. de form. lib. 5.

Chrysost. hom. 59. ad pop. An- tioch.

Bened. Reg. c. 24.

Senec. Epist. 122.

Prudent. Kathum. Hym. post ieiun.

*Nona submissum rotat hora Solem
Partibus vix dum tribus evolutis,
Quarta de vexo superest in axe
Portio lucis.*

Princeps Apostolorum post acceptum Spiritum sanctum suspicionem ebrietatis diluit, quod esset hora diei tertia, cum minimè probabile videretur viros Religiosos tribus primis horis diei ebrios fuisse. Ex hac horarum observatione sunt item qui concilient Evangelistas circa horam crucifixionis Christi, cum Marcus hora tertia, crucifixum dicat, Ioannes sexta: de qua controuersia legere oportet subtiliter disputantem Marcellum Francolinum post Doctores scholasticos, & Interpretes Evangeliorum.

2. Porro hæc diuisio diei, & noctis in quatuor partes, quæ singulæ ternas continent horas, apud milites, teste Vegetio, diu quidem stationum, noctu autem vigiliarum nomine censebatur. Quod etiam Græci obseruabant, ut ex *Ænæa* vetustissimo Scriptore in Commentario tactico de toleranda obsidione colligitur, in his capitibus, quorum titulus est, *ἡμεροσκόπιον* de diurnis speculatoribus, & *φυλακῶν καὶ τάξεως* de constitutione vigiliarum. Docet Lipsius diligentissimus antiquitatis rimator Romanum morem fuisse totas cohortes, & turmas ponere in stationibus; non vnum, aut alterum militem, ut quos hodiè à sentiendo sentinellas vocamus. At Modestus de singulis centuriis quaternos equites, & quaternos pedites excubitus fecisse scribit. Plura de hac re Antonius Valtrinus libro quarto de re militari, & Vvolfangus Lazius libro item quarto commentariorum Reip. Romanæ. Nocturnos autem vigiles dictos Tesserarios aduerto, quod tesseram, vel signum à Tribunis, siue Præfectis legionum acciperent, & per militum contubernia nunciarent, ut Polybius docet. Ipsæ excubitz, dante buccina signum, singulis tribus horis mutabantur. Augustinus, Vigiliæ spatium, ait, non habet amplius quam tres horas. Eradius Presbyter apud eundem Augustinum; Vigilia vna tres horas habet, ac per hoc nox quatuor vigilias habet, ternis horis per singulas vigilias distributis. Lucanus.

Tertia iam vigiles commouerat hora secundos.

Hunc autem versum Ludouicus de la Cerda ad librum nonum *Æneidos* Virgilianæ sic interpretatur, ut existimet ex eo colligi primos vigiles durasse primam, & secundam vigiliam: secundos tertiam, & quartam. Audis enim, ait, in Lucano secundos vigiles surrexisse ad tertiam vigiliam. Miror viri docti oscitantiam in re clarissima: Tertia etenim hora, non tertia vigilia surrexisse vigiles secundos scribit Lucanus, ut patet. Sed pergo. Silius Italicus:

Act. 2. 16.

Francolin. c. 21.
23.
Theologi in 3. p.
q. 46. art. 9.
Veget. de re militari 1. 3. c. 8.
Æneas de re milit. cap. 6. & 12.

Lipsius lib. 5. de militia Romana dialog. 8.
Modestus lib. de vocabulis rei milit.
Valtrin. lib. 4. c. 6.
Lazius lib. 4. c. 3.

Polybius lib. 6.

Aug. in Psalm. 89.
Eradius creditus
Aug. ferm. 14. de verbis Domini.
Lucan. lib. 5.

Cerda in Virg. lib. 9. *Æn.* v. 164.

Silius lib. 7.

----- *Mediam sonitu cum buccina noctem
Divideret, iamque excubias fortitus iniquas
Tertius abrupta vigil iret ad arma quiete.*

Propert. l. 4. eleg.
cuius est Tabula
Tarpejæ.
Senec. Thieft. v.
799.

Propertius.

*Et iam quarta canit venturam buccina lucem,
Ipsaque in Oceanum sidera lapsa cadunt.*

Seneca in Thieft.

*Nondum in noctem vergente die
Tertia misit buccina signum.*

Frontin. lib. 1. c. 5.
1. Reg. 10. 13. & 14.
Eidr. 11.
1. a. 22. Exod. 14
Iudic. 7. 1. Reg. 11
Matth. 14. Luc. 2.
At nob. in Pf. 129.

Frontinus, Sulla, inquit, bello sociali nocte profectus relicto buccinatore, qui vigilias ad fidem remanentium diuideret, & quarta vigilia commissa cum sequeretur, incolumes suos perduxit. Stationum quoque, & vigiliarum vocabula inuenio in sacris libris. Arnobius iunior, Custodia vna, ait, quarta pars noctis est: ergo prima custodia à vespere incipit, secunda ad medium noctis ascendit, tertia pullo- rum cantus transit, quarta vigilia matutina in ortu lucis adimpletur. Eadem ratione Euthymius Zigabenus Auctor Græcus, & Paschasius Ratbertus noctis vigilias distinguunt. Moschus item Poëta Venerem somnum immisisse Europæ fingit, cum tertia pars noctis stat, & aurora propè est. Sic inter se partiri solebant milites diu, noctuque vigilandi laborem, vt singulis trihorij mutarentur excubiæ. Prima dici statio hora tertia terminabatur, secunda, hora sexta; tertia, hora nona; quarta hora duodecima. Hac incipiebat prima vigilia noctis, & hora tertia finem habebat. Lucianus Presbyter in historia Inuentionis S. Stephani, Hora, inquit, tertia, quæ est prima custodia vigiliarum, Secunda durabat vsque ad mediam noctem, de qua Liuius; Signo secundæ vigiliæ conuenistis, quod tempus mortales somno altissimo premit. Tertia vsque ad horam nonam protrahetur, de cuius initio sic canit Seneca:

*Partes ferè nox alma transferat duas,
Clarumque septem verterant stelle iugum.*

Liuius l. 7. dec. 1.
Sen. Troad. v. 437.

Quarta, quæ dicebatur matutina, vsque ad ortum solis durabat, & de hac sic cecinit Statius:

*Quarta soporifera superabant tempora noctis,
Cum vacua nubes, & honor non omnibus astris.
Affatusque fugit curru maiore Bootes.*

Euripid. in Rhese.
v. 543 & 563.
Magist. cap. 75.
Hist. Euang.

Solus Euripides præter aliorum morem noctem in quinque vigilias partiri videtur: nam in Rhese quintæ vigiliæ meminit circa auro- ram Viderint doctiores, Magister Historiæ scholasticæ, nescio quo fundamento, scribit primam vigiliam conticinium dici, in qua omnes simul vigilant: Secundam intempestum, in qua adolescentes: Tertiam gallicinium, in qua viri: Quartam antelucanum, in qua senes. Has Dominus noster aliis nominibus insigniuit, dum nos exhor-

tans ad vigilandum dixit, *Vigilate, nescitis enim quando Dominus* Matc. 13. 35.
veniat, serò, an media nocte, an galli cantu, an mane.

2. Olim Christiani diebus ieiuniorum tota nocte in Ecclesia vigilabant. & die sequenti vsque ad Nonam. & in Quadragesima vsque ad Vesperas in eadem Ecclesia sine cibo, & potu perleuebant orantes, & psallentes. Hinc vigiliarum, & stationum nomen apud Ecclesiasticos emanauit, vt docent Isidorus, Rabanus Maurus, & antiquissimus Tertullianus, apud quem soluere stationem idem est ac ieiunium soluere, qua loquendi formula vitur etiam Cassianus. Sanctus autem Gregorius certas Urbis Ecclesias stationibus assignauit, & diebus quoque solemnioribus stationes fieri vsque ad Sextam iussit; atque ad has Ecclesias istis etiam temporibus statis diebus fidelium concurtus fieri solet; quamuis nocturnæ vigilantium, excubiæ, & diurnæ stationes refrigerante charitate sublatae nunc sint, sola ieiunij abstinentia permanente. Gabriel Albaspinxus Episcopus Aurelianensis in suis obseruationibus de veteribus Ecclesiæ ritibus, aduersus Pameliam conatur ostendere stationes à ieiuniis differre: cum tamen vix aliud probet, quam multa olim à Christianis in stationibus facta esse præter ieiunia; cuiusmodi sunt ad Ecclesiam conuenire, & in ea commorari vsque ad horam statutam, precibus incumbere, contemplationi vacare, operibus pœnitentiæ corpus affligere, ac denique sumere Eucharistiam. Clarius de hac re Dionysius Petavius in notis ad Epiphanium, vbi de veteribus Ecclesiæ ritibus, ad expositionem fidei pag. 356. Nam quedam stationes cum ieiuniis coniunctæ erant, quando videlicet fas erat fidelibus soluta statione, quæ durabat vsque ad Nonam, cibum sumere: quando verò ieiunium prorogabatur vsque ad Vesperam, sicut in Quadragesima, tunc aliud erat ieiunium, aliud statio; quia videlicet statio hora nona, ieiunium ad Vesperam solvebatur. Et priora quidem Tertullianus semiieiunia vocat, lib. de ieiuniis cap. 13. ac si plenum ieiunium vsque ad solis occasum producendum foret. De vigiliis verò, quod attinet ad historicam veritatem, legendus Baronius in Annalibus Ecclesiasticis, & in notis ad Romanum Martyrologium. Hæc è veterum monumentis deprompta necessariò prenotanda fuerunt, vt sciret lector quid dies, quid nox sit; quæ horæ æquales, & inæquales; quid Prima hora Canonica, quid Tertia, quid Sexta, quid Nona; quale Matutinum tempus, quale Vespertinum; quid Vigiliæ nocturnæ, quid diurnæ stationes. Vt igitur paucis verbis colligamus quænam sit hora legitima cuiusque officij celebrandi, dicimus regulariter Primam prima diei hora, Tertiam tertia, Sextam sexta, Nonam nona, Vesperas vndecima, Completorium duodecima persolui debere: Verum tamen adhuc amplius dilatarî posse hæc tempora existimamus, ita vt Primæ prima diuitaxat diei hora, Ter-

Isid. lib. 6. origia.
Raban. lib. 2. de
instit. Cleric. 18.
Tertull. lib. de iei-
uniis cap. 10. de
orat. c. ult. ad vx-
rem, & alibi.
Cassian. coll. 11.
cap. 19.

Albaspin. lib. 1.
obseruat. 16.

Baron te. 1. Ann.
an. 51. num. 68 &
seqq. to. 3. an. 190.
num. 36. 37. & in
Rom. Martyrol.
die 5. Ianuarij.

Bened. reg. c. 48.

tiz secunda, & tertia; Sextæ quarta, quinta, & sexta; Nonæ septima, octaua, & nona; Vesperis decima, & vndecima; Completorio sola duodecima assignentur. Huius extensionis exemplum patet in Regula S. Benedicti; Nam S. Pater æstiuo tempore Nonam agi temperius præcipit mediante octaua hora; hyberno autem dici Tertiam iubet hora secunda. Laudum verò celebraudarum legitima hora est initium crepusculi matutini: & nocturnæ synaxis, vel media nox, vel hora secunda post mediam noctem, siue hora vna ante lucem, vt clarius ex dicendis infra constabit.


4. Cæterum in fine huius capituli id obiter examinandum occurrit, quot sint partes diuini Officij. Potest autem multiplex responsio dari pro varia quæsti acceptione. Et primò quidem diuiditur Officium in duas partes, maiores, & minores. Maiores sunt Nocturnum, Laudes, Prima, Tertia, Sexta, Nona, Vesperæ, & Completorium; Minores Psalmi, Hymni, Cantica, Versus, Antiphonæ, Lectiones, Responsorialia, Collectæ, & aliæ res eiusdem generis, ex quibus vnumquodque officium coalescit. Secundò diuiditur totum Officium in Nocturnum, & Diurnum. Nocturnum secundum quosdam quatuor partes comprehendit, Vesperas, Completorium, Nocturnos, & Laudes. Hæc enim quatuor Officia vel absente sole, vel circa eius occasum antiquitus persolui solebant. At nunc cum Prima, Tertia, Sexta, & Nona, etiam Vesperæ, & Completorium ad diurnæ seruitutis pensum; Nocturni autem, & Laudes ad Nocturnam synaxim pertinent, siue vnum duntaxat Officium, siue duplex efficiant, quam controuersiam initio capituli quinti soluemus. Dico tertio diurnas preces in Matutinas, & Vespertinas distribui. Et quidem abusus, & vulgi acceptio Primam, Tertiam, Sextam, & Nonam Matutino; Vesperas, & Completorium vespertino tempori assignant. At peritiorum sensus, sacrorumque Canonum sanctiones ad pomeridianum, & vespertinum tempus etiam Nonam adiungunt. Aliæ Officiorum diuisiones à varietate temporis desumuntur: quo pacto dicimus aliud esse Officium feriale, aliud festiuum; aliud Quadragesimale, aliud Paschale, quorum omnium rationem, & causam Durandus in Rationali, & antiqui Patres Isidorus, Alcuinus, Rupertus, Amalarius, Rabanus, & alij in suis Tractatibus de diuinis Officiis doctè, & eruditè explicarunt.

CAPVT IV.
DE NOCTURNIS VIGILIIS.

§. I.

Cur nocte orandum sit. Etiam Ethnicos nocturnas vigilias celebrasse in honorem Deorum. Exhortatio ad vigilandum.

Oratio vt mystice fugentur tenebræ.

1.  Enè se res habet, vt verba vsurpem Saluiani viri sanctissimi, iacta sunt fundamenta operis pia molitione cæpti, & diuini Officij amore suscepti. Iam ipsius Officij maiores partes explicare aggredior à nocturnis vigiliis incipiens. Tametsi enim à primis Vesperis Ecclesiastica dies, quoad solemnem horarum Canonicarum recitationem, initium ducat; à nocturna tamen synaxi iuxta diei naturalis ordinem ordiri libuit. Antiqua est autem vigiliarum deuotio, familiare bonum omnibus sanctis, teste Isidoro, hoc enim tempore vastator Angelus transiens Ægyptiorum primogenita percussit. Quare nocturnis vigiliis orandus est Dominus, inquit Drogo Abbas, vt gladio verbi sui inuisibiliter penetrantis opera vitæ nostræ prioris tenebræ in nobis percutiat, & annihilat, quæ per Ægyptiorum primogenita significari nouimus: in quibus etiam Pharaoni, id est regi tenebrarum captiuati seruiuimus. Qui enim facit peccatum, seruus est peccati. Dum enim propriis obediremus voluptatibus (sicut ait Apostolus, *fuisisti aliquando tenebræ*) malignis spiritibus excæcati obediuimus: nunc autem conuersi, & facti lux in Domino ante ipsum intuitu vigili pernoctantes id etiam postulemus, vt ipsum fide cernamus, qui per Israël primogenita signabatur, quia prima est, & fundamentum omnium virtutum. Ab Angelo autem vastatore tuti esse poterimus; si Passionis Dominicæ in sanguine Agni designatæ imitationem vbique teneamus, cuius signa si diabolus in nobis prospexerit, exterrius disparebit. Hoc etiam tempore dum medium silentium teneret omnia, & nox in suo cursu medium iter haberet, omnipotens Dei Sermo à regalibus sedibus veniens pro salute nostra de Virgine nasci dignatus est: atq; ipso eodem tempore, qui iudicandus venit in primo aduentu, in secundo cum gloria iudicaturus adueniet, sicut fur in nocte: quocirca ad vigilandum ipse pro nobis sollicitus nos exhortatur, beatos fore promittens quos inuenerit sic facientes. Nocte itaque, ait Cælius Lactantius, vigilias celebramus propter aduentum Regis, ac Dei nostri, cuius noctis duplex est ratio, quod in ea & vitam tunc recepit, cum passus est; & postea orbis terræ regnum recepturus est. Vnum quoddam est de magnis Christi præceptis, ait Gregorius Nyssenus, debere nos somno minimè addictos esse, quicumque ad vitam supernam respicimus. Nocturno enim tempore acrius proserpunt in-

Saluian. initio l. 3.
de gul. Dei.

Isidor. lib. 1. de
Ecc. offic. c. 22.
Drogo tract. de
horis Canonicis.

Exod. 12.

Ephes. 5. 8.

Sap. 18. 14.

Luc. 12. 37.

Lactant. diu. in-
stit. lib. 7. cap. 19.

Greg. Nyss. or. 11.
in Cant.

Leo fer. 1. Quadr.

Ambros. in Ps. 118.
v. 62.

Hieron. Ep. 36. de
obstru. vigilia-
rum tomo 4.

Chrys. hom. 26. in
Act. Apost.

Nat. Comes My-
thol. l. 3. cap. 12.

uisibilium hostium insidiarum, feruent carnis illecebrarum, viget tenebrarum potestas, subrepunt animo impurarum cupiditates. Vita hæc nostra, clamat S. Leo, in medio insidiatorum, in medio præliorum est: si volumus non decipi, vigilandum est; si volumus superare, pugnandum est. Media nocte surgebam, ait Propheta, ad confitendum tibi. Multa enim in illo tempore, inquit Ambrosius, tentamenta proserpunt. Tunc feruet catius illecebra, tunc tentator illudir, coquitur cibus, potusque digeritur. Stomachus æger, mens somnolenta, animus occupatus est. Itaque aut quiescenti calor soporis augetur, aut vigilanti nondum plenior refusus est vigor, qui errorum cauere possit incurfus. Tunc igitur tentator assistit, runc retia iacit, quibus turbare possit mentem improvidam. Tunc spiritales nequitiarum tenebras offundunt, tunc omne nefas suadere contendunt, quando nullus arbiter culpæ, nullus criminis conscius, nullus potest esse erroris testis. Tunc varias disceptationes pectori dormitantis infundunt, ut primò de statu mentis deiciant reluctantem, & impellant ad erroris assensum. Ideò nocturno tempore sancta mater Ecclesia, ut castrorum acies ordinata, Deo dicatis viris excubias agendas instituit temporalis militiæ studium æmulata. Rectè Hieronymus. Bona est diurna meditatio, sed efficacior nocturna, quia per diem necessitates variæ obstreperunt, occupationes distrahunt mentem, sensum duplex cura dispergit. Nox quieta, nox secreta opportunam se præbet orantibus, aptissimam vigilantibus, dum carnalibus occupationibus expeditum, collectum sensum, intentum hominem diuini conspectibus sistit. Rectè item Chrysostomus. Non ideò facta est nox, ut per totam dormiamus, & otiosi simus. Testantur hoc opifices, nautæ, negotiatores. Ecclesia Dei mediis surgit noctibus; Surge & tu, & vide astrorum choream, profundum silentium, magnam quietem. Obstupesce Dei tui miram dispensationem. Purior tunc est anima, leuior, subtiliorque tunc est, sublimia videt, & expedita est. Tenebræ ipsæ, silentiumque multum in compunctionem inducere sufficiunt. Si autem & cælum videris quasi innumeris interpunctum oculis, omni voluptate frueris statim concepra opificis sapientia. Inuestitur Deus nocturnis precibus, si quando tu quietis tempus facias lamentorum tempus. Hæc Chrysostomus.

2. Ipsæ Ethnicæ nocturni temporis religionem agnouisse videntur. Nocti enim diuinos tribuebant honores, eique gallum immolabant, ut ex antiquis Scriptoribus ostendit Natalis Comes in Mythologis. Orpheus quoque Theologus, & Poëta celeberrimus, Noctis apothefism hymno elegantissimo celebravit, quem hic transcribere non grauabor à Græco Latinum factum nulla habita metri ratione, quod Græci carminis elegantiam Latino assequi despondeam.

deam. Sicutem inscribitur ΝΥΚΤΟΣ *Νυκτὸς* Noctis suffimentum lampades.

Orpheus in hymnis.

Noctem Deorum, atque virorum generatricem cantibus celebrabo.

Nox omnium generatio, quam Cyprum vocabimus.

Audi beata Dea, nigrum splendorem habens astris lucens,

Quiete gaudens, & quiete multi somnij:

Lata, delectabilis, pernoctationes amans, mater somniorum;

Oblivioni tradens curas, laborum quietem habens;

Hymnorum datrix, amica omnium, equis recta, noctu splendens,

Semiperfecta, terrestrius, & celestis rursus ipsa,

Circularis, ludens, & cursibus per aëra iens:

Quae lucem emittis ad inferna, & rursus fugis

In infernum: grauis enim necessitas omnia vincit.

Nunc verò beata nox, valde diues, omnibus desideranda,

Et obuia, audiens sermonum supplicatoriam vocem

Venias beneuola, timoresque dimitte splendore victos.

His versibus noctem celebrat in nocte superstitionis sepultus Orpheus. Nocturnas autem peruigilaciones in colendis Dijs laudar Cicero: sacras item pernoctationes canit Critias Poëta Græcus apud Athenæum. Festum nocturnum Egyptiorum Herodotus commemorat: & Dijs nocturnis libationes fieri solitas recenset in Æthiopicis Heliodorus. In honorem Veneris peruigilium trium noctium olim fiebat, de qua re antiqua quædam carmina refert Lipsius in Electis. Eiusdem peruigilij meminit Plautus in Curculione hoc versu: Quid tu Veneri peruigilare te vouisti Phædrome? & in Aulularia de vigilijs quoque Ceteris mentionem facit: de quibus scribens Nazianzenus, Pudet me, inquit, nocturnum sacrum in lucem proferre, ac turpitudinem mysterium facere. Idem honor vulgatur in cæteros Deos. Fortunæ peruigilium lego apud Suetonium in Galba. Alijs Dijs apud Liuium, & iterum apud Suetonium in Caligula, & in Vitellio. Apollinis quoque sacrum media nocte factum idem in Augusto commemorat. Sabazia sacra in honorem Bacchi noctu celebrata Oppianus canit in Cynegeticis. Quædam alia nocturna sacra ab Ethnicis frequentata describit, & irridet Iulius Maternus Firmicus libro de erroribus profanarum religionum ad Constantium, & Constantem Augustos. Media nocte surrexisse Indos, vt laudarent Solem, scribit Philostratus in vita Apollonij. Nocturnum cultum Mitibus Dijs, quos Milichios vocabant, à Myonensibus olim exhibitum docet Pausanias in Phocicis propè finem. Vigilijs item nocturnis cultam ab Ægyptijs Mineruam Themistius recenset. Seneca Vestales virgines commendat, quæ ad sacra facienda noctibus excitabantur. Et hæc quidem Dæmonum latræ tribuerunt Infideles: Christianos autem

Cic. 2. de legibus
Athen. Dipnosoph
lib. 13. cap. 8.
Herodot. lib. 2.
Heliodor. lib. 3.
Lipsius lib. 2. elect.
cap. 5.

Nazian. orat. 39.

T. Liuius lib. 23.

Oppian. de Venat.
lib. 1. v. 25.

I. Firmicus c. 23.

Philostr. l. 3. c. 10.

Themist. orat. 15.
Senec. de prouid.
cap. 5.

cap. 1. §. 3. & 4.

summi Dei veros cultores in hoc vigilandi studio haud segnes fuisse demonstratum est supra.

3. Propter nocturnos cœtus quor olim calumnijs Christiani primo, & secundo post Christi natiuitatem seculo ab Ethnicis exagitati fuerint, notissimum est ex Tertulliani, Athenagoræ, Arnobij, Iustini, & Minutij Felicis Apologeticis. Natio enim lucifugax, & latebrosa vocabatur, tum promiscui incestus, infanticidij, idololatriæ, & impiatæ religionis accusabantur. Ignorabant videlicet quid in his antelucanis congregationibus fieret, summo studio occultantibus Christianis nostræ fidei sacramenta. Ab ipsis itaque Apostolis sacrarum vigiliarum origo fuit. Nec desunt in veteri testamento huius pietatis exempla. Abraham de nocte confurgens filium immolaturus ascendit in montem. Iacob noctu scalam mysticam videre meruit, & luctatus cum Angelo vsque mane cœlesti benedictione repletus est. Noctueduxit Dominus filios Israël de Ægypto. Samuel Propheta oraturus pro Rege clamauit ad Dominum tota nocte. Iudith exhibat nocte, & orabat. Regius Propheta lauabat lachrymis lectulum suum per singulas noctes; media nocte surgebat ad confitendum Domino; quæsiuit Deum nocte, & non est deceptus: nocte visitatus est à Domino, & probatus: Et quia in nocte lucis opera peragebat, sancti Spiritus ignem misit Dominus in cor eius, ut luceret ei per noctem, cuius fulgore nox illustrata illuminatio facta est illi in delicijs: quare fugatis peccatorum tenebris, & principe tenebrarum debellato, alios etiam ad tanti luminis participationem inuitauit ait, *In noctibus extollite manus vestras in sancta, & benedicite Dominum.* O si scirent homines quam sanctæ, quam gratæ Deo, quam salutares sint sacræ Vigiliæ; non soli Monachi, & alij Ecclesiastici, sed & fideles singuli, simul in vnum diues, & pauper noctem verterent in diem nocturnis precibus summo studio insistentes. Ut viuas igitur, vigila: hoc age, inquit Horatius. Et

Genes. 12. 18. &
32. Exod. 12.

1. Reg. 15. Iudith.
12.
Psal. 6. 118. 21. 76.
104. 138. 133.

Horat. lib. 2. sat. 3.
Cassio. lib. 7. var.
ep. 8.
Homerc. Iliad. 16.

Cassiodorus, Quotidie triumphas, si benè vigilas. Nestor item apud Homerum sic suos hortatur ad vigilandum.

-----*Vigilate viri, atque insistite curæ,
Vt facitis, somnumque oculis arcete nocentem,
Rebus in afflictis seuo ne forsitan hosti
Ludibrium, risumque incuria nostra pararit.*

Suid. v. Νύξ
ἐϋπρέν.
Clem. Alex. lib. 4.
strom.

Cyrril. catech. 9.

Prouerbium Græcorum est ἐν νύκτι βέλῃ In nocte consilium: ad quod Suidas, & Clemens Alexandrinus respicientes noctem vocarunt Εὐπρέν, quod benè provideat, quoniam anima tunc cessans à sensibus conuertitur ad seipsam, & est magis prudentiæ particeps. Præclare Cyrrillus Hierosolymitanus; Quid nocte ad sapientiam vtilius? Nam in ea sæpè de Deo cogitamus: in ea diuinorum ora-

culorum lectionem, & contemplationem meditatur. Quandonam maiori mens nostra contentione psalmos canit, & preces fundit? nonne noctu? Quandonam sæpius ad nostrorum peccatorum recordationem venimus? nonne noctu? Helladius Bezzantinus apud Photium noctem, quæ græcè Νύξ dicitur, à νύξω, id est stimulo, dictam per apocopen arbitrat, stimulamur enim in tenebris offendentes; & vt Antiochus Monachus in Pandeëtis asseuerat. Si in obseruandis excubijs attentè, ac prudenter vigilauerimus, vulnere atrocissimo confauciabimus aduersarium. Docet Climacus nequissimos hostes mille nocendi artibus instructos vigilare in exitium nostrum, vt somnolentia nos opprimant, & oppugnent: At Vigilia, inquit Antiochus, scutum miræ magnitudinis est, & eleganti decore conspectum nobis indultum à Deo aduersus diabolum, eiusque milites, nimirum contra spiritus totius artifices malignitatis. Ipsimet Angeli, vt obseruat Hieronymus, vigiles nuncupantur, quod semper vigilent, & ad Dei imperium sint parati. Vnde & nos, ait ille, crebris pernoctationibus Angelorum imitamur officia. Quod si institores aurifices, vt docet S. Cæsarius, maturius vigilant, quatenus possint corporis necessaria prouidere: nos non debemus ante lucem ad Ecclesiam surgere, vt peccatorum indulgentiam mereamur accipere? Verum in hanc sententiam super aurum, & topazion pretiosa verba Rauennatis Archiepiscopi audiamus. Semper, & ad omnia vigilias esse salutare nullus ignorat, quia reuera plus vigilare, plus viuere est. Quæ ars, quod opus, quod tempus, quæ potestas, quod officium non vitæ lucra lucubratione perquirat? Rex in procinctu perunigil callidi hostis præcauet, & euitat insidias. Miles in castris superuenientes nocturnos impetus cauta pernoctatione propellit. Nauta vigilando diffusi itineris incertas vias intrat, & calles transit inuios, & vestigio furtiuo ad lucrosi portus votiuam peruenit mansionem. Pastor adiungit noctes diebus, & totum sibi tempus denegat dormiendi, ne qua lupis, suffragante somno, grassandi in gregem præbeatur occasio. Viator solers per auras noctis æstus solis præuenit, actumque diem prouidentius deputat mansioni. Hoc Propheta sciens non die solo, sed & nocte tota clamabat ad Dominum: *Domine Deus salutis meæ in die clamaui, & nocte coram te.* Quid plura? Ipse Dominus pernoctat in oratione Dei, vt ante nos oratione liberet, quam redimat passione. Et si pro seruis Dominus vigilat, merito pro seipsum seruos vigilare iubet. Hæc Chrysologus.

4. O superna claritas, lumen verum, æterna lux, vix cæcitati meæ, vix tenebris meis, ni tu descendens illumines noctem meam. Vix torpori meo, vix somnolentiæ meæ, quæ caligare facit oculum mentis meæ vt non videat lucem tuam, & veritatem tuam. Dormitauit

Photius Cod. 179.

Antioch. ho. 104.

Climac. gr. 18.
& 19.

Antioch. loco cit.

Hieron. in cap. 4.
Daniel.

Cæsar. hom. 33.

Chrysolog. serm.
24. de seruo vigili

Isaïa 16. 9.

Tren. 2. 19.

Iob. 35. 10.

anima mea præ tadio, & inuoluor in tenebris filius tenebrarum ambulans ad tenebras in loco tenebroso, nisi tu desuper intonans in virtute tua dicas in auribus meis, Fiat lux, & discedat nubes magna, & caligo tenebrosa, quæ operuit superficiem cordis mei. *Anima mea desiderauit te in nocte, sed tu spiritu meo in præcordijs meis de mane vigilabo ad te*: audiui enim vocem tuam per Prophetam præcipientem mihi; *Consurge, lauda in nocte, in principio vigiliarum: effunde sicut aquam cor tuum ante conspectum Domini, leua ad eum manus tuas*. Et dixi, *Vbi est Deus, qui fecit me, qui dedit carmina in nocte*? Verè enim Domine tu dedisti carmina in nocte, ponens in ore meo cantica lætitiæ, & exultationis, qui me de tenebris, & vmbra mortis eduxisti, & vocasti me in admirabile lumen tuum. Væ præteritæ nocti meæ, væ somnolentiæ meæ, quando dormiebam, & non vigilabam ad te. Et nunc gratias ago tibi, quoniam illuminasti me, & iam incipio videre in nocte fulgentissimum radium lucis tuæ, quæ nescit occasum. Tu radians in me potenti virtute reuerberasti infirmitatem aspectus mei, & vidi me longe esse à te in regione dissimilitudinis, in tetrica, & horribili nocte. Illuminasti tenebras meas, & ecce video lumen cæli, & facta est mihi nox in delicijs. Utinam vigilando inueniam, quod amiseram dormiendo, inueniam scilicet amando, amem inueniendo.

§. II.

Laudes vigiliarum. Exempla vigilantium. Nocturnum tempus maxime opportunum ad orandum.

Plato 7. de legib.

Aristot. in œconomicis.

Seneca epist. 112.

Pythag. in Symbolis.

1. **D**Iuo Bernardo familiare dictum erat dormientem Monachum Deo mortuum esse, nec sibi, nec alijs vtilem. Idem de reliquis hominibus cuiusque ordinis, & conditionis asseuerat Plato. Turpe est, inquit, totam noctem somno indulgere. Quapropter noctu omnes excitari conuenit, & ciuiliū, ac domesticarum rerum plerasque partes obire: magistratus quidem per ciuitatem, cæteros in proprijs ædibus. Somnus enim multus neque corporibus, neque animis nostris, neque actionibus competit. Nemo enim dum dormit vilius pretij est, nihilo magis quam qui non viuit. Quare quisquis vitæ, & sapientiæ curam gerit, plurimo tempore vigilat, quod ad valetudinem suam commodum est solum obseruans. Est autem hoc non multum, si rectè in consuetudinem assumptum fuerit. Hanc magistri doctrinā sequitur Aristoteles: Antelucem surgere ad valetudinem, & ad curam rei familiaris, & ad studium Philosophiæ prodest quā plurimum. His accedit Romanus sapiens: Extendamus vitam, circumscribatur nox, & aliquid ex illa in diem transferatur. Docet Pythagoras, ne vestigium quidem corporis in lecto relinquendum: nullus

enim est usus viti dormientis, ut neque mortui. Silius Italicus de eadem re sic cecinit:

Silius lib. 11;

*Vigil ille, nec ullam
Ad requiem facilis, credensque abscedere vitæ,
Quod sopor eripiat tempus.*

Homerus, & Hesiodus frequentissimi sunt in vigiliatum laudibus celebrandis. Cleanthis, & Aristophanis lucernæ toto orbe decantantur. Aristoteles, teste Laërtio, cum se ad quiescendum componeret, grues imitatus æneam sphaeram brachio extra cubile protenso tenebat, ut cum nervorum tignorem sopor laxasset, pila delapsa in suppositam pelum strepitu suo dormientem excitaret. Simile quid de Alexandro Macedone eius discipulo narrat Ammianus Marcellinus. Artaxerxem, Epaminondam, & alios eximios Duces semper vigilantes describunt Historici. Virgilius Æneam suum alijs dormientibus vigilantem facit.

Diog. Laërtius in
Aristotele.

Amm. Marcellin:
lib. 10. & 16.

At piam Æneas per noctem plurima voluens.

Etiā filios Imperatorum Constantinopoli vigilias servasse refert Georgius Codinus Curopolata libro de officijs magnæ Ecclesiæ, & aulæ Constantinopolitanæ. De Principe oratorum Demosthenes celebratissimum circumfertur elogium, quod plus olei, quam vini consumeret: non solum quia abstemius erat, & ὑπόπνους, sed quia fabros omnes antelucanis vigilijs superabat: quare Pytheas, ut Plutarchus asserit, ipsius Enthyememata lucernam olere dicebat. Et Cicero in Tusculanis: Cui non sunt auditæ, ait, Demosthenis vigiliæ? qui dolere se aiebat, si quando opificum antelucana victus esset industria. Dio Cassius, & Ioannes Xiphilinus monachus narrant in vita Commo. li quemdam Marcellum Strategum & assiduo scribendi exercitio, & victus tenuitate tantam sibi vigilantiam comparasse, ut omnibus esset admirationi. Plinius, & Seneca scribunt tribus annis integris insomnem permanisse Mæcenatem. Ioannes Schenckius in medicis observationibus compertos esse scribit, qui novem dies conniuis oculis egerint. Nizolius ille Ciceronianus decennio somnum non vidit. Nobilis matrona per annos 35. insomnis fuit sana, & citra noxam. Mulier Patauina 15. diebus insomnis nullare ad somnum perducere poterat. Hæc Schenckius. Addi potest S. Liduvina, quæ per annos 38. nunquam dormiuit. Sed hæc prodigij, monstrique loco habenda sunt. Ut enim scribit Theophylactus Simocatta, perpetuò vigilare immortalitatis est proprium, dormire verò mediocriter nostrum est, & humanum; at vltæ dormire quam satis est, mortis potius, quam viuentibus convenit. Notabile est quod S. Epiphanius refert de studio vigilandi, quo Pharisei utebantur. Nam quidam eorum, ait, asseres sibi ipsis parabant dodrantis

Codinus cap. 16.

Plutarch. In vita
Demosthenis.
Cic. Tuscul. 4.

Schæc. tom. 1. l. 1.
observ. 115.

Simocatta ep. 35.
nomine Parmenidis ad Chryso-
sthemem.

Epiphani. l. 1. Pa-
nat. cap. 16.

Iſaiz 16. 9.

Tren. 2. 19.

Iob. 35. 10.

anima mea præ tædio, & inuoluor in tenebris filius tenebrarum ambulans ad tenebras in loco tenebroſo, niſi tu deſuper intonans in virtute tua dicas in auribus meis, Fiat lux, & diſcedat nubes magna, & caligo tenebroſa, quæ operuit ſuperficiem cordis mei. *Anima mea deſiderauit te in nocte, ſed tu ſpiritu meo in præcordijs meis de mane vigilabo ad te*: audiui enim vocem tuam per Prophetam præcipientem mihi; *Conſurge, lauda in nocte, in principio vigiliarum: effunde ſicut aquam cor tuum ante conſpectum Domini, leua ad eum manus tuas*. Et dixi, *Vbi eſt Deus, qui fecit me, qui dedit carmina in nocte*? Verè enim Domine tu dedisti carmina in nocte, ponens in ore meo cantica lætitiæ, & exultationis, qui me de tenebris, & vmbra mortis eduxiſti, & vocaſti me in admirabile lumen tuum. Væ præteritæ nocti meæ, væ ſomnolentiæ meæ, quando dormiebam, & non vigilabam ad te. Et nunc gratias ago tibi, quoniam illuminaviſti me, & iam incipio videre in nocte fulgentiſſimum radium lucis tuæ, quæ neſcit occaſum. Turadians in me potenti virtute reuerberaſti infirmitatem aſpectus mei, & vidi me longe eſſe à te in regione diſſimilitudinis, in tetrica, & horribili nocte. Illuminaſti tenebras meas, & ecce video lumen cæli, & facta eſt mihi nox in delicijs. Utinam vigilando inueniam, quod amiſeram dormiendo, inueniam ſcilicet amando, amem inueniendo.

§. II.

Laudes vigiliarum. Exempla vigilantium. Nocturnum tempus maximè opportunum ad orandum.

Plato 7. de legib.

Ariſtot. in æconomis.

Seneca epiſt. 112.

Pythag. in Symbolis.

1. **D**Iuo Bernardo familiare dictum erat dormientem Monachum Deo mortuum eſſe, nec ſibi, nec alijs vtilem. Idem de reliquis hominibus cuiuſque ordinis, & conditionis aſſeuerat Plato. Turpe eſt, inquit, totam noctem ſomno indulgere. Quapropter noctu omnes excitari conuenit, & ciuiliū, ac domeſticarum rerum pleraſque partes obire: magiſtratus quidem per ciuitatem, cæteros in proprijs ædibus. Somnus enim multus neque corporibus, neque animis noſtris, neque actionibus competit. Nemo enim dum dormit vilius pretieſt, nihilo magis quam qui non viuunt. Quare quiſquis vitæ, & ſapientiæ curam gerit, plurimo tempore vigilat, quod ad valetudinem ſuam commodum eſt ſolum obſeruans. Eſt autem hoc non multum, ſi rectè in conſuetudinem aſſumptum fuerit. Hanc magiſtri doctrinæ ſequitur Ariſtoteles: Ante lucem ſurgere ad valetudinem, & ad curam rei familiaris, & ad ſtudium Philoſophiæ prodeſt quæ plurimum. His accedit Romanus ſapiens: Extendamus vitam, circumſcribatur nox, & aliquid ex illa in diem transferatur. Docet Pythagoras, ne veſtigium quidem corporis in lecto relinquendum: nullus

enim est vsus viri dormientis, vt neque mortui. Silius Italicus de eadem re sic cecinit:

Silius lib. 11;

*Vigil ille, nec vllam
Ad requiem facilis, credensque abscedere vite,
Quod sopor eripiat tempus.*

Homerus, & Hesiodus frequentissimi sunt in vigiliarum laudibus celebrandis. Cleanthis, & Aristophanis lucernæ toto orbe decantantur. Aristoteles, teste Laërtio, cum se ad quiescendum componeret, grues imitatus æneam sphæram brachio extra cubile protenso tenebat, vt cum neruorum rigore sopor laxasset, pila delapsa in suppositam peluim strepitu suo dormientem excitaret. Simile quid de Alexandro Macedone eius discipulo narrat Ammianus Marcellinus. Artaxerxem, Epaminondam, & alios eximios Duces semper vigilantes describunt Historici. Virgilius Æneam suum alijs dormientibus vigilantem facit.

Diog. Laërtius in
Aristotele.

Amm. Marcellin.
lib. 10. & 16.

At pias Æneas per noctem plurima voluens.

Etiā filios Imperatorum Constantinopoli vigilias seruasse refert Georgius Codinus Curopolata libro de officijs magnæ Ecclesiæ, & aulæ Constantinopolitanæ. De Principe oratorum Demosthene celeberrimum circumfertur elogium, quod plus olei, quam vini consumeret: non solum quia abstemius erat, & ὑπόπνους, sed quia fabros omnes antelucanis vigilijs superabat: quare Pytheas, vt Plutarchus asserit, ipsius Enthymemata lucernam olere dicebat. Et Cicero in Tusculanis; Cui non sunt auditæ, ait, Demosthenis vigiliæ: qui dolere se aiebat, si quando opificum antelucana victus esset industria. Dio Cassius, & Ioannes Xiphilinus monachus narrant in vita Commodi quemdam Marcellum Strategum & assiduo scribendi exercitio, & victus tenuitate tantam sibi vigilantiam comparasse, vt omnibus esset admirationi. Plinius, & Seneca scribunt tribus annis integris insomnem permanisse Meccenatem. Ioannes Schenckius in medicis obseruationibus compertos esse scribit, qui nouem dies conuiuiis oculis egerint. Nizolius ille Ciceronianus decennio somnum non vidit. Nobilis matrona per annos 35. insomnis fuit sana, & citra noxam. Mulier Patauina 15. diebus insomnis nulla re ad somnum perducī poterat. Hæc Schenckius. Addi potest S. Liduina, quæ per annos 38. nunquam dormiuit. Sed hæc prodigij, monstrique loco habenda sunt. Vt enim scribit Theophylactus Simocatta, perpetuò vigilare immortalitatis est proprium, dormire verò mediocriter nostrum est, & humanum; at vltra dormire quam satis est, mortuis potius, quam viuētibz conuenit. Notabile est quod S. Epiphanius refert de studio vigilandi, quo Pharisei utebantur. Nam quidam eorum, ait, asseres sibi ipsis parabant dodrantis

Codinus cap. 16.

Plutarch. in vita
Demosthenis.
Cic. Tuscul. 4.

Schæc. tom. 1. l. 1.
obseru. 115.

Simocatta ep. 55.
nomine Parmenidis ad Chryso-
sthemem.

Epiphani. l. 1. Pa-
nar. cap. 16.

tantum latitudine, in his se ad vesperam locabant, vt si quis dormisset, in pauimentum decideret, & rursus excitaretur ad orationem, per hoc quod vigilantem vitam haberent, quantum fieri posset. Alij lapillos ex aquis collectos sibi ipsis sternebant, vt dum his pungerentur, non in profundum somnum deferrenrur, sed vigilantiam sibi ipsis parare cogerentur. Alij spinas pro strato habebant ob eandem causam.

Homer. Iliad. 1.

2. In Prouerbijs abiere versus Homeri.

Perpetuam noctem dormire baud principe dignum est,

Cui populi, cuius commissa negotia cure.

S: hol. Oppian. l. 5.
Malicunicon. v. 616.

Quos Oppiani Commentator, siue Scholiastes ita eleganter mura-
uit:

Non debet somno totas impendere noctes,

Cui libri commissi, & cui sapientia cura est.

Philostatus in
Vitis Sophistarum.

Psalm. 41.

Scopeliano more vigilare adagium est, cui locum fecit Scopelianus Sophista somni parcissimus. Hic solitus est exclamare: ô nox, nam tu sanè maxima ex parte consors es sapientiæ Deorum. Habet enim hominis mens in alto illo silentio quidpiam Diuinitatis, si se intendat ad rerum sublimium speculationem. *Mandauit enim Dominus*, vt Vates diuinus cecinit, *in die misericordiam suam*, opera scilicet vitæ actiuæ: sed *in nocte canticum eius*, opus videlicet contemplationis. Hinc præclarissimos quosque homines quotquot doctrina, vel sanctitate floruerunt vigilantia maximè studuisse adeò manifestum est, vt eorum exemplis plura volumina impleri possint. Notissimæ sunt magni Antonij pernoctationes, dulcesque cum sole querimonix, quod eo exoriente amabilis cum Deo lucta cessaret, & internæ suauitatis manna liqueceret. Theophilactus Bulgariæ Archiepiscopus; Nocte, ait, secedebat Christus ad monrem, monstrans nobis quod oporteat nocte quidem per quietem colloqui cum Deo; die autem morem gerere, & prodesse hominibus: congregare nocte, die autem distribuere congregata. Nocte igitur accipiamus orationis fluxum è spiritualibus venis, die verò effundamus hausta his, qui opus habent. Phornutus libro de natura Deorum; Cpus est, inquit, lucubrationibus nocturnis, si quid in disciplinis proficere volumus: omnia enim præclara, vt testatur Epicharmus, melius noctu, quam diu cogitando reperiuntur. Vsq; adeò necessaria vigilantia est, vt sine illa nullum opus laude dignum confici possit. Sapienter Comicus.

Theophil. in cap.
21. Lucæ.

Phornut. de nat.
Deor. cap. 14.

Plautus in Ruden-
te act. 4. sc. 2.

Vigilare decet hominem,

Qui vult sua temporis conficere negotia,

*Nam qui dormiunt libenter sine lucro, & cum malo quies-
cunt.*

Pastor ille centoculus, quem deceptum à Mercurio fingunt Poëtæ, cum vigilare desijt, desijt vivere. Vellus autem insomnis Draco servabat, vt Apollonius Rhodius, & Valerius Flaccus in Argonauticis fabulantur. Aurea poma in Hortis Hesperidum peruigil quoque Draco custodiebat. His nimirum figmentis docuerunt Antiqui sine vigilantia nullum animi bonum seruari, nullam posse virtutem custodiri. Leo fortissimus bestiarum vt fortitudinis, sic & vigilantie symbolum ab Horo Apolline dicitur esse, quia minimo somno contentus etiam apertis oculis dormire videtur. Quid gallum memorem leonis hostem, quod magis solaris sit, teste Proclo? Hunc ait Plinius, excitandis in opera mortalibus, rumpendoque somno naturam genuisse. Eius autem exemplo hortatur nos ad vigilandum Petrus Chrysologus: Vt quod nobis gallus impendit hospitibus, nostro nos creatori exhibeamus.

3. Occurrit hic mihi, quod de Pantarba narrat Hiarchas apud Philostratum Lemnium. Lapis est pulchritudine insignis, & virtute admirabilis; ardet enim suavi quodam fulgore, & radijs perstringens oculos, diem, vel media nocte accendit. Verum natura, ne tam pretiosum munus vilesceret, non modò occultis terræ visceribus abdidit, sed quamdam quoque facultatem indidit, qua ex capientium manibus efflueret, ni provida ratione teneretur. Hæc omnia nocturnæ orationi mirificè conveniunt. Si lux quæritur, quid illustrius? & nox sicut dies illuminabitur. Si latebræ, quid occultius? hæc est enim multitudo dulcedinis, quam abscondit Deus timentibus se. Si vis, quid potentius? *Qui vigilaverit*, ait Sapiens, *securus erit, & inueniet sapientiam*. Habent terreni Principes certas horas audiendis subditis, eorumque supplicationibus expediendis destinatas: Deus autem, tametsi audiat omni hora clamantes ad se, nocte tamen promptior esse videtur ad audiendum, de qua forsitan scriptum est; *Orabit ad te omnis sanctus in tempore opportuno*. Media nocte venit Sponsus, & qui posuit tenebras latibulum suum, in tenebris quæri vult, & in tenebris se ostendere. Ad immolanda enim orationum sacrificia, vt scribit Faustus Regiensis, amica sunt fruentibus nocturna silentia. Nam si omne tempus æquè idoneum est ad quærendum in oratione Deum, quare dicit Propheta, *Querite Dominum dum inueniri potest*? vis autem scire quanta sit noctis opportunitas ad quærendum, & inueniendum? Audi Bernardum: Tempus feriatum commodius, aptiusque est, cum profundum nocturnus sopor indicit silentium. Tunc planè liberior exit, puriorque oratio. Quam secunda ascendit solo arbitro Deo, sanctoque Angelo, qui illam superno altari suscipit præsentandam! Quam grata, & lucida verecundo colorata rubore! Quam serena, & placida nullo inturbata clamore, vel strepitu! Quam denique munda, atque sincera, nullo

Horus lib. 1. hic. regl. 18.

Proclus lib. de Magia.
Plinius l. 10. c. 21.

Chrysolog. serm. 21.

Philostratus vitæ Appoll. lib. 3. cap. 14.

Sap. 6. 16. & Proverb. 8. 18.

Psalm. 31.

Faustus epist. ad Felicem.
Ista 55. 6.

Bernard. ser. vii. in Cant.

resperſa puluere tertenz ſolitudinis ; nulla aſpicientis laude , ſeu
adulatione tentata ! O inſignem nocturni temporis prerogatiuam ! &
ſacras noctes omni luce ſplendidioreſ.

METRVM VII.

O Nox purpureo ſplendidior die ,
O Nox delitijs omnibus affluens ,
O Nox , que radios prodiga cælicos
Spargis diuite copia.
Huc te fer tacito , cæcula nox , pede ,
Nox duris requies grata laboribus :
O curas animi , diraque comprime
Triftis murmura peſtoris.
Iam non Theſſaliciſ diceris artibus
Præſes , vel ſcelerum mater , & horridæ
Inferni ſoboles , Eumenidum parens ,
Altrix fæda cupidinum.
Hæc de te veterum fabula finxerit :
At nunc Angelici conſcia luminis ,
Nunc ſolis ruſila luce ſerenior
Nigris in tenebris nites.
Tu nunc paciferum mentibus otium
Infundens ſuperum munera diuidis :
Te nunc ſollicito querit anbelitu
Sanctus & ſtuſ amoribus.
O Nox connubij pronuba myſtici ,
Conſors æthereæ nox ſapientiæ.
Cuius per tenebras ſol nouus emicat
Sponſi vultus amabilis.
Salve , & dum patria perdita gaudia
Mærens hic recolo , præcipitem polo
Cuſſum ne accelereſ. Da veniam , tua
Si nunc turbo ſilentia.
Vrit ſideræ me patriæ decor ,
Cum fulget tenero Cynthia lumine ,
Vrit me nitidis peruigil ignibus
Stollati tholus ætheris.
O cæſſi placidas excubias poli ,
O noctis choreas , & tremulas faces ,
O veras ſupera lucis imagines
Æterni thyſos chori.
Cur me iam nimio tempore corporis
Vinctum compedibus cernitiſ exulem ?

Hæuſ

*Isçu ! terrena nimis desipiunt mihi,
Si summum incueor polum.*

§. III.

A Sēctariis damnari vigilias. Quota hora nocturna synaxis persolui debeat. Somnus post vigilias Monachis interdictus, & cur ? Oratio ad Deum vt excitet nos.

1. **H**As noctis delicias, hunc splendidissimum fulgorem carnis, & obscura Sēctariorum caritas sustinere non potest, eorum præsertim, qui à quibusdam somnulosi, ab Isidoro Nyctages nuncupantur. Irrident enim, & damnant impudenti temeritate nocturna sacra, sicut & alios Ecclesiæ ritus, supersticiosum esse dicentes iura temerare diuina, quæ noctem ad quietem tribuerunt. Horum antesignanus fuisse videtur sui nominis euersor Vigilantius, quem D. Hieronymus confutat, & per iocum Dormitantium appellat. Huius hæresim ab inferis reuocauit Ioannes Vvicleff, contra quem stetit murus æneus, & columna ferrea pro domo Dei Thomas Valdensis fidei Catholicæ eximius propugnator. Recentiores omitto, qui ventrem pro Deo colentes, non solum nocturnas vigilias, sed ipsam Dei legem grauem, & intolerabilem existimant. Quamuis autem, teste Phæbadio Agennensi Episcopo, destruenda sint aliena, vt nostris credatur, hi tamen à viris doctissimis toties deuicti, ac debellari fuerunt, vt nequaquam expediat, aut necessarium sit nouum cum illis certamen inire: cum præsertim verissimum sit, id quod olim Sanctus Irenæus scripsit, vniuersæ terræ elleborum non sufficere hæreticis, vt euomant stultitiam suam. Atque vtinam istorum peruicaciam, & mollitiem, etiam inter Catholicos, & Orthodoxos non imitentur quidam, qui Curios simulant, & Bacchanalia viuunt. Polidorus Virgilius Scriptor in plerisque futilis, ac temerarius nocturna sacra semper fuisse damnata tradidit ob periculum impudicitiae. Sed error tam supinus exhibilari potius debet, quàm confutari. Quod enim frequentius exercitium, quæ magis vulgata pietas in primis Christi cultoribus, quam sacra pernoctationes, & peruigilia, ad quæ passim vtriusque sexus fideles in Ecclesia conuenisse sancti Patres, & Historiographi commemorant? Lego quidem in Concilio Eliberino sub Marcello primo, tertio post Christum seculo, vel, vt alij malunt, sub Syluestro, vetitum, ne scæminæ in cæmeteteris peruigilarent, eo quod sæpè sub obtentu orationis scelera latenter committerent. At sublatas ab Ecclesia vigilias apud antiquos Scriptores nusquam lego. Nunc autem in hac senescentis seculi sæce, refrigerente charitate, sublatae sunt quoad laicos vigiliae: cuius tamen Pontificis decreto hoc factum sit, non inuenio. Tomo tertio Conciliorum editionis Coloniensis extat de hac re canon Concilij Palentini, quod in Hispania celebratum est anno 1312. sed quia Oecumenicum non fuit, vniuer-

Isidor. lib. 8. orig. cap. 5.

Hieronym. ep. 55.

Thomas Valdens. tom. 3. de Sacramental. tit. 3. c. 25. & seqq. Phæbad. initio lib. adu. Arrianos.

Irenæus lib. 2. cap. 54.

Polid. Virgil. de inu. rerum lib. 6. cap. 4.

Concil. Elib. c. 55.

Tom. 3. Conc. p. 21.

Ad fratres in eremo
sermo 25.

salem Ecclesiam obligare non potuit. Fictus Auctor sermonum ad fratres in eremo sanctum Ambrosium hortatu S. Monicæ vigiliis abstulisse ait, quod plurimi Christianorum illud noctis tempus ludendo, ac choreas agendo traducerent. At hi sermones nulla fide digni sunt, & perperam adscribuntur Augustino, multum licet reclamantibus quibusdam, & ex ipso Augustino libro 9. Confessionum liquet eo tempore propensiori studio ipsidem vigilijs Orthodoxos incubuisse, occasione Arianicæ persecutionis: imò in Africa etiam cytharæ introductæ fuerant, & additæ sacris hymnis, quas tamen se agente pulsas scribit Augustinus.

Aug. conc. 1. in
Psalm. 32.

2. Olim Christiani tribus primis vigilijs tres nocturnos diuissim, quarta verò vigilia laudes recitabant. Tantus erat ardor charitatis, ut quater in nocte surgerent ad orationem, prima vigilia ad primum nocturnum, secunda ad secundum, tertia ad tertium, quarta ad laudes persolueudas, vel omnes simul, vel diuisi in cohortes: de qua re legendus D. Thomas in Epistolam primam ad Corinthios, Baronius tomo primo Annalium, Suarez tomo secundo de religione, & doctissimus Francolinus. Nunc tres Nocturni simul cum Laudibus recitantur, & quidem à multis Religiosis media nocte, ab alijs prima vigilia, ab alijs tertia circa galli cantum: à Clericis autem secularibus circa finem quartæ vigiliæ matutinz. Monachi verò sub Regula Sancti Benedicti militantes alijs ritibus vtuntur. Sanctus enim Pater annum diuidit in duas partes, æstiuam scilicet à Paschate vsque ad Calendas Nouembris, & hyemalem ab ipsis Calendis vsque ad Pascha. Tempore æstiuo ita præcipit horam vigiliarum temperari, ut Nocturnis decantatis incipiant matutina crepuscula: ita quod paruissimo intervallo post Nocturnos custodito mox matutini, qui incipiente luce agendi sunt, subsequantur. At hyemis tempore iuxta considerationem rationis, Octaua, inquit, hora surgendum est, octaua nimirum planetaria, & inæquali. Quæ sanè octaua expleta esse debet, ut explicat Smaragdus Abbas Scriptor fide dignissimus, quod Monastici spiritus purissimos latices in ipso fonte potarit. Eius verba sunt ista: Hora septima noctis tota, & octaua dimidia pulsato signo omnes pariter surgant, & sic illa quæ restat dimidia hora de octaua inter signorum explicetur intervallo, ut ab hac hora nona noctis inchoetur Psalmi laus ipsa nocturna. Talis mihi videtur esse sensus positus, ut post sex horas noctis pausetur adhuc septima tota, & octaua hora dimidia: & intervallo signorum facto quasi hora dimidia incipientes à nona hora noctis, alacres animo, & corpore non pigro diuinæ laudis officium reddant Domino Iesu Christo. Hactenus ille. Ex quo redarguere possumus neotericum Benedictinæ Regulæ explicatorem Antonium Perez excurientem hoc loco in huius octauæ horæ explicatione. Porro hæc hora noctis octaua ferè coincidit cum secunda post mediam no-

D. Thom. in ep. 1.
ad Cor. cap. 14.
lect. 6.

Baron. an. gr. nu.
69. & seqq. Suarez
tom. 2. de relig.
lib. 4. c. 4.

Francolin. c. 1. 2.
& 5. & alij apud
ipsum, contra A-
zorium p. 1. lib. 10.
cap. 1.

Beued. reg. cap. 8.

Smaragd. com-
ment. ad c. 8. re-
gulæ.

Ant. Perez in c. 8.
regulæ.

Item horologij astronomici, quo Galli, Hispani, & plerique Germanorum vtuntur. Et hanc esse horam competentem nocturni officij decantandi, circa finem videlicet tertiæ vigiliæ, probat Francolinus ex communi Doctorum sensu, & ex antiqua consuetudine Ecclesiæ Romanæ. Basilii Monachus Lauræ Maleini præfectus, Audita, inquit, hora octaua surgendum est: hunc terminum transilire Monachos non decet. Nec obstat huic assertioni illud Psalmographi, Media nocte surgebam ad confitendum tibi. Media enim nox non mathematicè, sed moraliter; non per æqualem terminorum distantiam, sed per solam intra dictos terminos inclusionem accipi debet. Sanè Chrysostomus vitam Monachorum describens eos ad galli cantum surrexisse asseuerat his verbis: Postquam gallus cantauit statim veniens Prælarus, & pede solum simpliciter cædens omnes excitauit, mox statim surgentes stant, hymnos canentes Propheticos multa cum vocis consonantia, cum aptè compositis concentibus. Nec aliter intelligendus mihi videtur Simeon Monachus, quem Græci iuniorem Theologum vocant ad differentiam Nazianzeni, dum ait: Oportere Monachum nocte media ante diluculum surgere, ad doxologiam cōgregari, ad principium Hymnodicæ attentum esse, ad Hexapsalmm, ad versiculos, ad lectionem. Nam & hic media nox in latiori significatione accipienda est. Hæc autem assignatio temporis ad publicam pertinet recitationem: nam priuatæ aliam esse rationem nullus est qui ignoret. Veteres antelucanam lucubrationem non nisi sub finem Autumni incipiebant, vt ostendit Muretus rei antiquariæ scientissimus. Ita Satyricus:

*Post finem Autumni media de nocte supinum
Clamosus iuuenem pater excitat: accipe ceras,
Scribe puer.*

Ad hunc morem respexisse videtur S. Pater Benedictus. A sancto enim Paschate, quod circa veris æquinoctium esse solet, vsque ad Calendas Nouembris, circa finem scilicet Autumni, sic horam surgendi temperauit, vt per soluta nocturna synaxi iam dies illucescat. A prædictis verò Calendis vsque ad Pascha tali hora surgendum esse præcepit, vt corporibus necessaria quiete iam refectis, quod post vigiliæ restat tempus, non iteratæ dormitioni, sed rerum diuinarum meditationi, sacrisque studijs impendatur.

3. Hoc institutum, ne dormiant Monachi post vigiliæ, semper antiquis Monachis inuiolabile fuit, illudque commendat Cassianus duplici ex causa: prima ne purificationem nostram nocturnis orationibus acquisitam inuidus hostis somni illusionem contaminet. Secunda, ne somnus ille inertiam Monacho parturiat, ac per totum diem vigorem eius obtundet, cordis pinguedinem exhauriat, & debilem reddat eum aduersus insidias inimici. Obijciunt pigri

R ij

Basil. Monachus
in asceticis.

Chrys. hom. 59. ad
pop. Antioch.

Simeon orat. 23:
de fide, & mori-
bus.

Muret. l. 18. var.
lection. cap. 13.

Iuuenal. sat. 14.
v. 190.

Cass. lib. 1. cap. 13.

Endymiones se idè post vigilias somni quietem repetere, vt valetudini consulant, corpusque validum seruent diurnis exercitationibus. Verum hanc tìdìculam inertie excusationem eludunt Medici, qui & dormiendi spatium septem horis diffiniunt, & longiorem somnum non parum officere valetudini asseuerant. Somnus enim multus, vt monent Hippocrates, & Auicenna, laxat membra, calorem natium hebetat, grauat caput, stupidum facit, & obliuiosum, multorumque morborum fons, & origo censetur. Quidam quoque medicus animarum in vitis Patrum dicebat: Satieta somni mentem, sensumque hominis stupidum, & pigrum reddit: vigilie autem tam sensum, quam mentem subtiliorem, ac puriorem efficiunt. Marsilius item Ficinus inter primarios studioforum hostes somni recenset matutinum. Quamquam stultum sit medicorum doctrinam illis proponere, qui carni suam crucifigere, & animam perdere debent, vt seruent. Scriptum est enim, *quia prudentia carnis mors est*: itemque, *sapientia carnis inimica est Deo*, & sapientia Dei non inuenitur in terra suauiter viuentium. Et qui eam inuenit, *super salutem*, inquit, & *omnem pulchritudinem dilexi sapientiam*. Hanc querebat ille Monachus apud Petrum Damianum, qui post solemnes vigilias somnolentia oppressus hostem vincebat dicens: Accidietur cor, palpitent oculi, os per crebra balaustia gannite non cesset, caput etiam nutet, & ad ima deuerget; sed quia hæc omnia me perimere nequeunt, ad consentiendum huius temporis somno nullatenus superabunt. Sanctus autem Romualdus somnum post vigilias adeò exosum habebat, vt si quis ei confiteretur se illo tempore dormisse, nequaquam posset eo die cum eius licentia sacra Missarum solemniam celebrare. Grodegandus Metensis Episcopus in Regula Canonicorum, quam edidit tomo primo Spicilegij vir Cl. Ineas Dacherius cap. 15. vetat sub pœna excommunicationis, ne in intervallo post vigilias nocturnas quis dormiat, nisi quem infirmitas cogit, & hoc cum licentia. Christianus Prædagogus rectè nos instituens apud Clementem Alexandrinum, Tædia, inquit, dormitationes, pandiculationes, & oscitationes sunt instabilia animæ fastidia. Non est anima, quæ somno indiget, ipsa enim est semper mobilis, sed corpus, quod quieti traditur, resoluitur, dum anima non amplius corporaliter operatur. Et ideo Deum mente semper versans per continuam consuetudinem corpori vigiliam inferens exæquat hominem Angelicæ gratiæ, vitæ æternitatem ex meditatione vigiliæ suscipiens. Ea porrò intervalla, quæ post nocturnam psalmodiam vsque ad ortum diei protenduntur, beatissima vocat Sanctus Abbas Ælredus, quia tunc magna fit in cordibus nostris multitudo dulcedinis, suauitas deuotionis. Eadem spatia commendans Gilbertus Abbas, exclamat: Deus bone! hora illa noctis quam sine nocte est, quam nox illa illumi-

Hippoc. 2. aph. 3.
Auicenna. 1. & 3.
primi.
Vitæ PP. l. 3. c. 2.

Ficin. lib. 2. de
sanit. studioforum
cap. 7.

Ad Rom. 8. 6. 7.
Iob. 28. 13.
Sap. 7. 10.

Petr. Damian. lib.
6. ep. 17.

Idem in vita San-
cti Romualdi.

Cl. Alexandr. 1. 2.
Prædag. cap. 9.

Ælred. hom. de
duob. discip. con-
tibus in Emaüs.
Gilbert. serm. 13.
in Cantic.

natio in deliciis! Orationes illæ priuatim fiunt, sed priuata nō petunt. Submissior quidem vox, sed mens intensior, & preces tacitæ multum habent acuminis. Sed quo fortius erubescas, vade piger ad Epicuri sectatores, & vel ab ipsis discere vigilantiam.

Horat. lib. I. Ep. 1.

*Vt iugulent homines surgunt de nocte latrones,
Vt te ipsum serues non expergisceris? atqui
Si nolis sanum, curres hydropicus; & ni
Posces ante diem librum cum lumine, si non
Intendes animum studijs, & rebus honestis,
Inuidia, vel amore vigil torquere: nam cur
Quæ ledunt oculos festinas demere, si quod
Est animum differt curandi tempus in annum.*

Sic canit qui se vnum Epicuri de grege fatetur. Verum huius & aliorum sapienter cantantium, & incantantium carmina aspides surdæ, viles animæ, somni mancipia obturatis auribus aspernantur. Vt enim magnus Orator ait, Non possunt audire stulti vocem clamantis sapientiæ. Plura de vigilantia Cresolius tomo 2. Anthologiæ cap. 4. Obseruat autem Petrus Rouerius in illustrationibus Historiæ Monasterij Reomaensis num. 34. quod officij cursus ferè ibi peragebatur nocturnis horis ex Regula S. Macarij, nam dicto Matutino meditationi vacabant Monachi vsque ad horam secundam, deinde vsque ad nonam opus manuum exercebant, more scilicet Agyptiorum, de quo Cassianus lib. 3. instit. cap. 2.

Demosthene 2.
olythiaca.

4. Suscita nos Domine, vt vigilemus, & oremus, ne incidamus in tentationem, quoniam tribulatio proxima est, & non est qui adiuuet. Quam cito clauditur oculus, ne te videat, collabitur pes noster in hoc mare magnum, & spatiosum manibus, vbi sunt reptilia, quorum non est numerus, quæ somniorum suorum phantasiis intentam ludificant animam, & trahunt in cor maris, vnde non facilis ad superiora reditus est, nisi tu emittas manum tuam de alto, & liberes nos de aquis multis. Suscita nos Domine, vt tecum vel vna hora vigilemus, & oremus. Quis autem est qui tecum vel vna hora vigilet? Etiam in cælo non est factum silentium, nisi quasi media hora; quantò minus in terra vna hora vigilabimus tecum? Quoties redis ad nos, & inuenis dormientes, & tamen benignè suscitās nos, & iterum abis secundo, & tertio eundem sermonem dicens? Statim autem vt recesseris, iterum somnus occupat nos, nec vigilare possumus, nisi quandiu nobiscum es, & suscitās nos. Venis in secunda, & tertia vigilia; Sed beatus ille, quem tunc inueneris vigilantem.

Drogo Abbas lib.
de Sacram. Domi-
nicæ Passionis.

§. IV.

*Amor vigilare facit. Quomodo vigilandum sit. Quæ sint
vigiliæ mysticæ.*

1. **V**igilare non potest, qui non amat. Iacob ille, cui tam facilis erat somnus, ut etiam in arena procumbens, duroque filici innixus inter hostium appropinquantium insidias suavi posset sopore demergi, cum tamen amor deditus esset, omnino dormire non poterat, & somnus fugiebat ab oculis suis. Ita quicumque diligit, dormire non potest: quicumque amator sapientiæ est, manè vigilabit ad eam, quoniam qui vigilat, inueniet illam. Vigiliæ inducit amor, ait Gilbertus noster, amantis anxietas illum dormire non finit, somnolentiam excutit. Amor de quiete ipsa redditur inquietior. Tunc magis vires exercet dulce incendium, & flamma vorax de latibulis euadens vacuo liberius euagatur in animo, altius possidens, & audius depascens. Occasione accepta suum nescit amor non exercere negotium. Verus enim, & perfectus amor, ut Laurentius Iustinianus docet, semper studet præuenire dilectum, non parcat sibi, non corpori requiem, non somnum oculis, non præstat palpebris dormitationem. In sui latitudine corporis corporales quatitat latebras, fugit publicum, hominum consortia deuirat, notorum facies declinat, ut licentius suspiriis, gemitibus inenarrabilibus, singultibus, & quibusdam amoris nutibus suum quem diligit valeat aduocare dilectum.

Gilbert. scr. 8. in
Cantic.

Laur. Iustinianus
de casto connub.
Verbi, & animæ
cap. 13.

M E T R V M V I I I.

Surgit amor, iactatque faces, & spicula vibrat,
Mergit ut æquoreis lumina Phæbus aquis.
Cumque serenato luceſcunt sidera cælo,
Cæcæque nocturno frigore terra riget:
Tunc amor arcanis populatur viscera flammis,
Pectora tunc rapidis ignibus vstra calent.
Lumine nempe nouo nox ambitiosa resulget,
Gaudet & occulta luce referre diem.
Flammescunt gelidæ tremulis splendoribus vmbra;
Et polus æthereæ mittit ab arce faces.
Squamigerum stupet omne genus, ludisque per undas,
Dum natat in vitreo pendula flamma mari.
In tenebris ardens scintillat pectus amantis,
Nocte vigent flammæ, nocte triumphat amor,
Quod si fessa iuuat componere membra sopore,
Tunc magis ardenti fulminat ille manu.
Fulminat, & tantis languescunt pectora flammis,
Languet ut in calidis flosculus vstris agris.

*Nuper nosse meas vrebis flamma medullas,
 Aetna non posuit seuior esse rogos.
 Dumque ardens iacco, dum languco multa volutani;
 Dormio sub vili tegmine stratus bumi.
 Tunc mihi languenti misit bona somnia Numen;
 Somnia formoso candidiora die.
 Constitit ante oculos species veneranda puella;
 E superum facies prodidit esse choro.
 Induerat Tyrio distinctam murice vestem,
 Textili & intallas cinxerat igne niues.
 Stellantes oculi, miseri duo fulmina cordis;
 Iactabant rapidos frontis ab arce rogos.
 Dextera fulgebat viridi stellata smaragdo,
 Ornabat niueum plurima bacca sinum.
 Prætereo gemina radiantes aure pyropos,
 Albaque purpureis lilia picta genis.
 Mitto quod Eois certarent labra corallis;
 Et rutilas premerent aurea ferta comas.
 Hærebam tantæ pellectus imagine formæ,
 Fundebamque humiles, ore tacente, preces;
 Nec mora: tam lacrymas, iam mollia verba parabam;
 Quis mihi tantus erat conciliandus amor.
 Illa sed insolitas spargens furibunda fauillas;
 Hos mihi terrificos edidit ore sonos.
 Gloria summa poli, soboles primaeva Tonantis;
 Non soleo ignauos sacra docere viros.
 Delicia, fateor, mihi sunt humana propago,
 Nî inficerent animum, deprimerentque solo.
 Dixi etiam quondam, Nox est mea sola voluptas;
 Nec nisi qui vigilant me reperire queunt.
 Nocte micat mea lux, mihi sidera lumine cedunt;
 Atræque fit radijs Cynthia vîsta meis.
 Ipse meo fulgens Titan aspirat honori,
 Et recreo flamma splendidiore polum.
 Cum mea lux fulget, cum spargo per aëra flammæ;
 Vertitur in clarum nox tenebrosa diem.
 Cumque meo humanum perfundo lumine pectus,
 Dignus homo est superum conditione frui.
 Vix ea, cum subito tenues dilapsa per auras
 Aufugit, heu! lacrymis non reuocanda meis.
 Tunc votis frustrata suis mens excidit, omnis
 Me virtus liquit, destituitque sopor.*

tias dedit: & quem per Dei gratiam iam nos habere confidimus, abundantius habeamus. Modus verò querendi, & inveniendi hunc spiritum, ipsæ vigiliæ sunt. Et quoniam cœpimus inter Bernardi flores spatari, ad aliam areolam te duco, mi carissime lector. Au-
de doctorem inclytum interrogare, vt olim Christum adolescens: Quid faciendo Spiritum sanctum possidebo? Audi nunc responden-
tem. Custodiendæ sunt vigiliæ noctis super gregem cogitationum, & actionum nostrarum, vt si in prima vigilia, vel secunda, vel tertia Dominus venerit, paratos nos inueniat. Benè profectò. Nam spiritus vbi vult spirat, & nescis vnde veniat, aut quò vadat. Sed quænam sunt istæ vigiliæ, quas custodire debemus?

Idem serm. 3. in
vigil. Nativit. Do-
mini.

3. Prima vigilia, ait ille, est rectitudo operis, vt ad hanc quam iurasti Regulam omnem vitam exæquare coneris, nec transgredia-
ris terminos, quos posuerunt patres tui in omnibus viæ, & vitæ hu-
ius exercitiis, non declinans ad dexteram, neque ad sinistram. Se-
cunda vigilia, puritas intentionis, vt simplex oculus totum corpus
lucidum faciat, vt quidquid feceris, propter Deum facias, & ad lo-
cum vnde exeant gratiæ reuertantur, vt iterum fluant. Tertia est
custodia vuitatis, vt in congregatione positis voluntates aliorum tuis
voluntatibus anteponas, vt non solum sine querela, sed & cum gra-
tia inter fratres maneas portans omnes, orans pro omnibus. His tri-
bus vigiliis ita peractis veniet manè, & videbis gloriam Domini: Ve-
niet dies, quæ melior est in attriis Domini super millia. De quatuor
item vigiliis mysticè Claudius Seisellus diffusè agit in libro de tri-
plici statu viatoris p. 2. trac. 2. vbi de singulis earum horis egregiè.
Hic sisto: & ad matutinas Laudes edisserendas propero, si prius hoc
caput aurea sententia Sancti Isaaci Presbyteri consignauero, quam
vtinà omnium Religiosorum cordibus inscribere, imò exculpere pos-
sem. Is in libro de contemptu mundi, Noli, inquit, putare ô homo,
quod inter omnes operationes Monachorum sit alia, quamlibet san-
cta, conuersatio maior vigiliis nocturnis. Monachum perseverantem
in vigiliis cum mentis discretionem, ne respicias illum sicut carne fer-
uentem. Hoc utique Angelici ordinis opus est, non humanum. Im-
possibile est autem quod illos, qui semper in huiusmodi continentia
versantur, dimittat Deus sine magnis bonis propter eorum vigilan-
tiam. Anima, quæ in vigiliis laborat, & perseverat, quasi Cherubim
oculos habet, quibus semper intueatur cœlestem contemplationem.
Qui somno obstat, & naturæ violentiam infert, singulisque noctibus
preces offert, ille solus nouit virtutem. Hæc, & alia plura Sanctus
Isaacius, quem de Syriæ partibus ad Spoletanam urbem venisse, ibi-
que mirabiliter vixisse Magnus Gregorius asseuerat.


Isaac de contem-
ptu mundi c. 31.

Greg. I. 3. dialog.

CAPVT V. DE LAVDIBVS.

§. I.

*An Laudes sint officium distinctum à Nocturnis. Matutini nomen
aquiuocum. Laudes incipiente crepusculo persoluenda
sunt. Quid sit crepusculum, quæ eius duratio.*

-  E matutinis Laudibus verba facturis illud in primis examinandum se offert. An officium nocturnum ab ipsis Laudibus distinguatur : quod sub aliis terminis questum ab aliis est, An horæ Canonicae sint septem tantum, vel octo. Si enim Nocturnos à Matutinis seiuungimus, ita vt integram horam per se constituent, clarum est octonario numero preces horarias diffiniri : sin autem ex utroque officio vnum facimus, septem duntaxat esse concludimus. In vtramque partem multas congerunt auctoritates, & argumenta Franciscus Suarez, & Ioannes Azorius, quos, cum passim obuij sint, consulat lector. Cæterum vtræque sententia sine lite, & strepitu sic potest conciliari, asserendo videlicet apud Monachos, quibus Diui Benedicti Regula sacrosancta est, octo omnino horas supputari, cum id clarissime constet ex dictæ Regulæ capite decimosexto. Integrum caput, quoniam breue est, & controuersiam manifestè dirimit, transcribo. Vt ait Propheta, *septies in die laudem dixi tibi.* Qui septenarius sacratus numerus à nobis sic implebitur, si Matutinæ, Primæ, Tertiæ, Sextæ, Nonæ, Vesperæ, Completoriique tempore nostræ seruitutis officia persoluamus : quia de his horis dicit Propheta, *Septies in die laudem dixi tibi.* Nam de nocturnis vigiliis idem ipse Propheta ait : *Media nocte surgebam ad confitendum tibi.* Ergo his temporibus referamus laudes creatori nostro super iudicia iustitiæ suæ, id est Matutinis, Primæ, Tertia, Sexta, Nona, Vespera, Completorio : & nocte surgamus ad confitendum ei. Hactenus Regula, quæ diem iuxta vulgi acceptionem determinat à primis ad vltima crepuscula, septemque Officia diei, vnum nocti assignat. Hinc apud omnes Monachos nocturnæ vigiliæ propria oratione concluduntur, atque etiam apud plerosque Laudes à Nocturnis, & tempore separantur, & distincto æris campani sonitu significantur. At verò secundum consuetudinem Romanæ Ecclesiæ septem sunt horæ Canonicae, quoniam nocturnæ preces simul cum Laudibus coniunctim, & per modum vnius decantantur, vnica conclusione clauduntur, & in vnum rediguntur. Quicquid

Suarez tom. 1. de
Relig. lib. 4. cap.
6 Azor. s. p. lib. 10.
cap. 1. qu. 1.

lit de antiquoritu eiusdem Romanæ Ecclesiæ, quo hæc olim Officia distinguebantur, de quo legi possunt Hugo à S. Victore, & Marcus Francolinus. Imò antiquitas plures fuisse quam octo diuinæ Psalmodiæ horas constat ex his, quæ diximus supra. Si enim tres Nocturni tribus vigiliis seorsim dicebantur, vt præter Auctores citatos S. Columbanus in Regula clarissimè ostendit, patet sanè non octo, sed decem distinctis horis ad Dei Laudes decantandas Clericos, & Monachos conuenisse. Verba autem S. Columbani hunc morem explicantia hæc sunt. Quidam Catholici reperiuntur, quibus idem est Canonici duodenarius Psalmorum numerus, siue per breues, siue per longas noctes, sed per quaternas in nocte vices hunc Canonem reddunt, ad initium noctis, ad mediumque eius, pullorum quoque cantus, ac matutinum: qui cursus sicut in hyeme paruus aliis videtur, ita in æstate satis onerosus, & grauis inuenitur, dum crebris in noctis breuitate expeditionibus non tam lassitudinem facit, quam fatigationem.

Hugo Viç. lib. 2. de Eccl. off. cap. 1. Francolin. cap. 6.

Columban. in Regula cap. 7.

2. Quia verò matutinæ Laudes à quibusdam coniunctim cum Nocturnis, ab aliis separatim recitantur: hinc factum est, vt matutini nomen æquiucum sit. Accipitur aliquando pro solis Nocturnis à Laudibus separatis, quæ acceptio erronea est & nullo modo admitenda. Quæ enim conuentio lucis ad tenebras, vt nocturnæ orationes Matutini nomine insigniantur? Accipitur secundo pro aggregato ex Nocturnis, & Laudibus, quatenus in vnum coaluerunt, quæ acceptio vulgatissima est, & communi Scriptorum calculo approbata; non falsa, non abusua, vt contendit Radulphus Tungrensis. Accipitur tertio pro solis Laudibus, quæ acceptione, cum sit maximè propria, perspicuitatis gratia nos deinceps vtetur. Huius rei monitum lectorem volui, ne vocis ambiguitate laboraret. Porro hoc officium incipiente diei crepusculo persolui debet. Est autem crepusculum tempus medium inter diem clarum, & noctem obscuram:

Radulph. lib. de Canonum obseru. Prop. 14.

Quod teneat lucis, teneat confinia noctis:

Ouid. 7. Metam.

Quasi crepera, id est dubia lux. A crepusculo enim, teste Varrone, res dubiæ dictæ sunt creperæ, accepto à Sabinis vocabulo, quod crepusculum diesne sit, an nox, multis est dubium. Cum sit igitur medium inter diem, & noctem, obaffinitatem, quam habet cum utroque, & diei, & nocti adscribi potest. Nos tamen cum Mathematicis crepuscula nocti attribuimus, diem à primo solis aspectu supra finitorem ad eiusdem occasum diffinientes. Memini me olim legisse, quod hic prætermittendum non sit, crepusculum, apud quosdam, illud dumtaxat tempus significare, cum noctescere incipit; manè verò diluculum dici. Adam de Persenna Ordinis Cisterciensis

Varro lib. 2. de Lingua Latina.

Abbas, sermone de partu Virginis, loquens de extrema iudicii die; Nescimus, ait, vtrum dies illa nobis futura sit lucis æternæ diluculum, an, quod Deus auertat, crepusculum æternæ noctis. Sed hæc distinctio à Scriptoribus communiter negligitur: confundunt enim crepusculum cum diluculo. Legendus Suidas verbo *δύση*, & *ἀνέστη*, itemque Julius Pollux in Onomastico. Luctatius, siue Lactantius Placidius ad hos versus Statij Papinij,

Sed nec puniceo rediturum crastina cælo

Promisere iubar, nec rarefcentibus vmbribus

Longa percusso nituere crepuscula Phæbo.

Crepusculum, inquit, dicitur, quod inter finem diei est, & exordium noctis: vnde & decrepiti senes dicuntur iam propè occasum salutis, & initium mortis: vtrumque enim tempus ostendit & diei initium, & extremum noctis. Ouidius:

Qualia sublucent fugiente crepuscula Phæbo,

Aut vbi nox abiit, nec tamen orta dies.

Ouid. Amor. lib.
1. Eleg. 4.

Calpurn. Eclog. 2.
in fine.
Rutil. lib. 1. Itinerarij. v. 277.

Calpurnius Siculus.

Sed fugit ecce dies, venocisque crepuscula vesper.

Rutilius Numantianus Gallus, ille hostis Monachorum.

Roscida puniceo fulsere crepuscula cælo,

Pandim obliquo lintea flexa sinu.

Io. de Sacrobosco
sphaer. cap. 3.

Nos commune scribentium vsu sequimur, dicimusque matutina, & vespertina crepuscula. Et matutina sanè, de quibus nunc sermo est, quando incipiant, explicant Astronomi libro de crepusculis, & ad sphaeram Ioannis de Sacrobosco, & in libris de fabrica, & vsu Astrolabij. Fingunt isti lineam crepusculorum distantem aliquot gradibus ab Horizonte, in qua existens sol primos lucis radios spargere incipiat. Quamuis autem scripserint aliqui prædictam lineam distare ab Horizonte gradibus 30. Communis tamen sententia non nisi per 18. gradus talem distantiam diffinit, qui gradus 18. sumi debent in portione alicuius arcus, qui diuidat finitorem ad angulos rectos sphaerales, & procedat ad punctum oppositum Zenith, vt vocant, sicut Meridianus, & alij circuli verticales, quos Astronomi Arabica nomenclatura Azimuth appellant. Huius rei demonstrationem omitto, ne commune vulgi proloquium extra chorum saltantem irridear. Legant curiosi Christophorum Clauium lib. 1. Gnomonices.

Clauius libro 1.
Gnomon. prop.
35.

3. Incipiunt hæc prima lucis rudimenta, cum sol incipit tangere eam lineam, quam diximus distare ab Horizonte gradibus 18. Durant quamdiu sol in dictis gradibus consciendis immoratur. Et quidem in sphaera recta, in qua vrque polus Horizontem contingit, & circulus æquinoctialis super verticem capitis directè imminet, eos gradus consciit spatio integræ horæ æquinoctialis, & quintæ insuper partis alterius horæ. At in sphaera obliqua, in qua vnus

polorum mundi supra Horizontem eleuatur, alter infra deprimitur, semper horam vnam, & quintam partem horæ excedit, prout sphaera magis, vel minus obliqua est: nam quo magis attollitur polus supra Horizontem, eo tardior est Sol in 18. gradibus percurrentis, ita quod non solum per multas horas, sed etiam per dies, perensem, & amplius durent crepuscula. Sphaeram rectam sortita est magna pars Africae, & Indiae Occidentalis, Insulae item Moluccae, Taprobana, & Diui Thomae. Sphaerae obliquae subiecta est Europa, maior pars Africae, & tota Asia. In his Italiae Prouinciis, in quibus polus eleuatur gradibus 45. existente sole in principio Cancris tam matutina, quam vespertina crepuscula, quae semper aequalia sunt, durant circiter spatium duarum horarum cum dimidia. Sic dies iuxta vulgi acceptionem computata à primo puncto, quo minima quaedam, & vix modica lux manet circa orientem apparere dignoscitur; vsque ad vltimum terminum, quo eiusdem dubiae, & incertae lucis fulgor vespere circa occidentem radios contrahere, & mori conspicitur: hæc dies, inquam, ad vulgi mentem erit in dictis regionibus initio æstiuæ solstitij horarum ferè 20. Varios autem modos initium, & finem crepusculorum Mathematicè computandi tradunt Clavius, Francolinus, Petrus Nonius Lusitanus, Ioannes Stoflerinus, & alij Auctores, qui de sphaera, de re gnomonica, & de vsu Astrolabij scribunt. In ijs autem regionibus, in quibus vel tota nocte clarescunt crepuscula, vel contingunt noctes continuæ per plures solis circumlationes, initia, & fines dierum pro celebrandis diuinis officiis assignari facillè poterunt ex linea meridiana, & consequenter ex quatuor punctis, lineae cardinibus, in quibus existens sol ortum, & occasum, meridiem, & mediam noctem facere dicatur singulis spatiis 24. horarum: dies enim naturales, solis scilicet reuolutiones, & paralleli tot sunt in illis regionibus, quot in nostris, tametsi dies, & noctes artificiales pauciores sint. At in sphaera maximè obliqua, vbi polus supra Horizontem eleuatur gradibus 90. in qua sex mensium spatium, dum sol signa borealia percurrit, continua dies est, & per alios sex menses continua nox, dum in signis australibus moratur: Vbi nulla prorsus linea meridiana, nulli arcus diurni, vel nocturni in 12. partes æqualiter distributi assignari possunt: in his, inquam, regionibus, quomodo dierum, horarumque intervalia distinguere poterunt ad sacras preces, & Missarum solemnias statis horis peragenda? Idque praesertim difficultatem habet duobus mensibus, & 20. diebus, à gradu videlicet 20. scorpii vsque ad 10. Aquarii, quo tempore, sole ultra lineam crepusculi elongato, obscurissima nocte, tenebrisque perpetuis damnantur. Sed dierum, ac noctium gratissimam vicissitudinem, quam nobis natura praescribit, hanc eis humana constitutio stabilire deberet, vel vsuali horologio, quod è celsa turri æte campano signum daret: vel erecta columna

Sij

Clavius libro 1.
Gnomon. prop.
35. & digress. de
crepusc. in poste-
riori sphaerae edi-
tione Francolin.
c. 95. & 99.
P. Nonius in in-
signi tract. de
Crepuscul.
Stoflerin. parte 2.
Astrolab. p. op. 13

tamquam gnomone, cuius ymbra in lineas horarias cadens 24. horas notaret, sumpto initio à quacumque linea, vel puncto: vel nocturno tempore ex certi cuiuspiam sideris inspectione, quo pacto possent per totum annum pro ciuilibus, & Ecclesiasticis negotiis horologia accommodari notatis signis ad placitum meridiei, & mediæ noctis, vt doctissimus Clavius obseruat. Hæc de crepusculis necessario notanda fuerunt, vt verum tempus matutinæ laudis persoluendæ dignosceretur.

Clavius lib. 4.
Gnomonic. prop.
10,

§. II.

Cur Matutini, & Laudum non nō huic officio tribuatur.

Matutina orationis prerogativa. Eiusdem rationes mystice. Lucis, & Auroræ encomia.

I. H Oc igitur Officium, de quo loquimur, inde nomen Matutini accepit, quod initio matutini crepusculi persolui debeat. Quamvis enim eadem hora nunc dici soleat, qua nocturnæ Vigiliæ celebrantur, quia cum illis vnum conficit officium; olim tamen illucescente aurora separatim à Nocturnis agebatur, vt supra dictum est. Et nos qui ritum Monasticum in Ordine Cisterciensi seruamus ætate, iuxta Regulam, horam surgendi sic temperamus, vt post vigiliis statim incipiente die Laudes celebrentur: hyeme verò exactis vigiliis, factaque mentali oratione, cellas nostras omnes repetimus sacris studiis, vel orationi incumbentes, donec primus lucis fulgor appareat; tunc enim facto signo ad psallendas laudes iterum congregamur. Gregorius Turonensis huius ritus antiquitatem astruit his verbis. S. Gallus Aluernorum Episcopus iam moriturus albescente cælo interrogat, quid in Ecclesia psallerent: dixerunt autem circumstantes benedictionem psalli. At ille psalmo quinquagesimo, & benedictione decantata, & alleluiatico cum capitulo expresso, consummauit officium totum temporis matutini. Porro Matutinum dicitur à Matura, quam Græci Leucotheam, id est albam Deam, nos Auroram vocamus, teste Cicerone, & cum omne officium in Dei laudibus decantandis occupetur, hoc tamen speciali laudum nomine censetur, non quia incipiat ab Hymno *Te Deum laudamus*, quem laudum initium quidam faciunt secuti Durandum in Rationali; hoc enim falsum est, cum dictus Hymnus ad Nocturnos pertineat sed quod potissimum laudes sonet diuinas, vt notat Hugo, præsertim ob psalmum 148. & duos sequentes, quos laudum nomine S. Benedictus insigniuit. Diuus Ambrosius sui temporis studium in matutinis precibus frequentandis declarans, ait: Omni Dominica studeant ad Matutinum venire viri, feminae, iuuenes, & senes, præter infirmos: vnus tantum, aut duo remaneant, qui domum custodiant.

2. Diluculo autem oratur, ait Isidorus, vt resurrectio Christi celebretur. Matutina enim luce radiante Dominus, & Saluator ab infe-

Greg. Turon. lib.
de vitis Patrum,
cap. 6.

Cicero 1. Tuscul.

Durand. Ration.
lib. 5. cap. 3. n. 30.
Hugo Vict. lib. 2.
de Eccl. off. c. 10.
Bened. regul. c. 21.
& 23.
Ambros. serm. 34.
de tempore.

Isidor. de Eccl. off.
lib. 1. cap. 23.

ris resurrexit, quando cœpit oriri fidelibus lux, quæ moriente Christo occiderat peccatoribus. O pulchra lux, exclamat Cæsarius Arelatenfis Episcopus, quæ de candido cœli fastigio promicasti, & interfluenta sulphurea sedentes in tenebris, & vmbra mortis subita claritate vestisti. Dies illa amplius ex sepulchro radiauit, quàm de sole refulsit. Verum enim lumen Christus est. Mystica quædam Paganorum oratio erat, *χαῖρε νύμφη. χαῖρε τὸν οὐρανόν* * quam irridens Iulius Maternus Firmicus ait: Quid sic miserum hominem per abrupta præcipitas, calamitosa persuasio? Nullum apud te lumen est, nec est aliquis sponsus, qui hoc mereatur audire. Vnum lumen est, vnus est sponsus Christus. Ipse est qui dixit, *Ego sum lux mundi*, & ipse tamquam sponsus procedens de thalamo suo. Exurge, inquit in spiritu sanctus Vates, quasi prouocans Dominum, *Exurge gloria mea: cui responderetur, exurgam diluculo*. O felix diluculum, quo Christus resurgens captiuitatem nostram sua duxit virtute captiuam. Felix diluculum, quo cunctis fidelibus spes futura Resurrectionis effulsit, cum omnes ab hac temporali morte, quasi à sopore somni, ad perennem gloriam, ad immortalitatis diem euigilabunt. Hac item hora filij Israël sicco vestigio mare rubrum transeuntes baptismatis Sacramentum, & vocationis nostræ gratiam præfigurarunt. *Iamque aduenerat vigilia matutina*, & ecce respiciens Dominus super castra Ægyptiorum interfecit exercitum eorum. Cumque extendisset Moyses manum contra mare, reuersum est primo diluculo ad priorem locum, fugientibusque Ægyptiis occurrerunt aquæ, & inuoluit eos Dominus in medijs fluctibus. Hac hora diei primitias, quasi holocaustum matutinum olim in lege præceptum, offerimus psallentes Domino, *Deus Deus meus*, ad te de luce vigilo. Hæc hora, vt canit Hesiodus, *πᾶν ἔργον ὁφέλλει* omne opus promouet: & ab ea totius diei decursum felici omine auspicamur. Ex ipso enim matutino tempore, dicebat quidam apud Climacum, scio totius diei decursum, qualis in me futurus sit. Ideo Essæi, vt Porphyrius apud Eusebium narrat, antequam sol oriretur, nihil dicebant, nihil audiebant profanum, vt ea hora se præpararent ad veræ lucis influxum recipiendum. Hac hora, inquit Chrysostomus, appropians lucis aduentus excitat nos, & facit vt reuigilantes, & subtiliores sensibus facti ad solis radios feruenti, & iuuenili quadam promptitudine consueta opera aggrediamur. Horæ huius encomia sic Pindarus Christianus exequitur,

Nox, & tenebræ, & nubila,
Confusa mundi, & turbida,
Lux intrat, albescit polus,
Christus venit, discedite.
Caligo terra scinditur
Percussa solis speculo,

Cæsar. hom. j.

* Salve sponse,
salve nouum lumen.
Iul. Firmicus lib.
de error. prof. re-
li. ionum, cap. 10.
Psal. 107.

Exod. 14. 24.

Psal. 62.

Hesiod. in Diebus

Climac. grad. 16.
Euseb lib. 9. præp.
Euang. cap. 1.

Chryf. hom. 11.
in Genes.
Iudent. hymn. 1.
Calhimer.

*Rebusque iam color redit,
 Vultu nitentis sideris.
 Hæc hora cunctis utilis,
 Qua quisque quod studet, gerat,
 Miles, togatus, nauita,
 Opifex, arator, institor.
 Illum forensis gloria,
 Hunc triste captat classicum;
 Mercator hinc, ac rusticus
 Auara suspirans lucra.
 At nos lucelli, ac fœnoris,
 Fandique prorsus nescij,
 Nec arte fortes bellica,
 Te Christe solum nouimus.
 Te mente pura, & simplici;
 Te voce, te cantu pio,
 Rogare curuato genu
 Flendo, & canendo discimus.*

Guerric. serm. 3.
 de resurrect.

3. Hac igitur hora Deum omnipotentem iure optimo collaudamus, qui nos de tenebris ignorantie eductos clarissima suæ gratiæ, & cognitionis luce illustrauit. Hac hora, inquam, creaturas omnes ad celebranda Dei præconia canticis, & benedictionibus solemniter inuitamus, qua surgente aurora fugantur tenebræ, illustratur aër, rident prata, nitescunt flores, cantillant aues, & ad omnia opera sua cuncti mortales excitantur. Sed iuuat hic Guerrici Abbatis auream præsentissimam transcribere, qua nos hortatur ad vigilandum diliculus, ad Dominum qui fecit nos. Vigilate, inquit, fratres in orationibus intenti, vigilate in actionibus circumspècti: præsertim quia iam manet illius diei indeclinabilis inclaruit, postquam videlicet lux æterna serenior nobis, & gratior ab inferis rediit solemque nouum susceptio matutina reparauit. Prorsus hora est iam nos de somno surgere, postquam nox præcessit, dies autem appropinquauit. Vigilate, inquam, ut oriatur vobis matutina lux, Christus scilicet, cuius quasi diluculum praparatatus est egressus, paratus utique vigilantibus ad se mysterium suæ matutinae Resurrectionis sæpius innouare. Tunc utique cantabis in iubilo cordis, *Deus Dominus illuxit nobis. Vtquequo piger dormis? utquequo dormitas? Paululum dormies, paululum dormitabis, paululum conferes manus ut dormias, & cum te dormiente, te nesciente Christus de sepulchro surrexerit, & gloria eius transeunte, nec posteriora eius videre merueris; tunc sera pœnitentia planges, & dices cum impiis: Ergo errauimus à via veritatis, & iustitie lumen non luxit nobis, & sol intelligentie non est ortus nobis. Vobis autem, inquit, timentibus nomen meum orietur sol iustitie: &*

qui

Psal. 117.
 Prou. 6. 9.

Sap. 5. 6.
 Malach. 4. 1.

qui ambulat in iustitijs, Regem in decore suo videbunt oculi eius. Elias Cretensis Nazianzeni Scholiastes, Diluculum, ait, vir pius, ac prima lucis tempora diuinæ laudis causa assumit, tum vt reliquis diei partibus aptiora, tum vt vitæ suæ primitias Deo dicans, atque consecrantes. Omnes iustos diluculum obseruasse sacræ litteræ passim asseuerant. Nam iustus cor suum tradet ad vigilandum diluculo: ipse Dominus visitat hominem diluculo: adiuuat Ecclesiam vultu suo manè diluculo: & Prophetas suos misisse dicitur manè confurgens. Iob iustitiæ speculum confurgens diluculo sacrificium pro se, & filijs offerebat: & nos exhortans ad suæ pietatis sectanda vestigia; *Tu, inquit, si diluculo confurrexeris ad Deum, & omnipotentem fueris deprecatus, statim euigilabit ad te, & pacatum reddet habitaculum iustitiæ tuæ.* Sanctus David meditatus est in matutinis arcana Dei, repletus est manè misericordia, manè eandem misericordiam annunciauit, manè oratio eius præuenit Deum; Manè, inquit, exaudies vocem meam, manè astabo tibi, & videbo. Denique omnes iusti in tribulatione sua manè confurgunt ad Deum, quia videlicet post quietem nocturnam, viribus corporis instauratis, anima vegetior fit, nulloque sibi, vel somni grauamine, aut desiderio præpedita & agere, & pati diuina facilius potest.

4. Aurora sic dicta à quibusdam censetur, quod ab igne solis aureo tunc aër aurefcat: & nos auro charitatis ea exoriente resurgere debemus, vt timeat nos diabolus, nec in decursu diei ad nos præsumat accedere. Nihil est enim quod tantum ille timeat, quantum charitatis vnitatem, vt docet Hugo Victorinus. Nam si distribuimus totum quod habemus propter Deum, hoc diabolus non timet, quia ipse nihil possidet; si ieiunamus, hoc ipse non metuit, quia cibum non sumit; si vigilemus, inde non terretur, quia somno non vitur; sed si charitate coniungimur, inde vehementer expauescit, quia hoc tenemus in terra, quod ipse in cælo contempsit seruare. Auroram roseam passim vocant Poëtæ, quo epitheto admonemur offerre Deo hac hora sacrificium laudis in odorem suauitatis. Dicebat Apollonius Thyaneus adueniente aurora cum Dijs versandum esse. Sacra matutina apud Ethnicos commemorat Apollonius Rhodius in Argonauticis. Veteres Hetrusci melle litabant Auroræ, nos dulcedini contemplationis hanc horam consecrare debemus. Auroram à Pegaso vehi solitam scripsit Lycophron Enthusiasticus Poëta, quia nimirum surgente aurora mentis volatu ad contemplationem eleuamur. Ponum est volare, actionis probæ hoc signum est, ait Astrampsyclus. Bonus volatus, cum de caducis fugimus ad æterna, de terrenis ad cælestia perniciosibus aliis sublimioris contemplationis cælum ipsum penetrantes. At verò ad hunc volatum nullum tempus matutino magis idoneum. *Dominus enim,*

Isai. 33. 15. 17.
Elias in orat. 1.
Naz. num. 163.

Ecc. 39. 6.
Iob. 7. 18.
Psalm. 45.
Ierem. 7. 26.
Iob. 1. 5.
Id. 8. 5.
Pl. 61. 89. 91. 87. 5.

Osai. 6. 1.

Hugo in regul.
Augustini cap. 1.

Philæstrat. vitæ
Apoll. lib. 1. c. 12.
Apoll. Rhod. Argonaut. l. 3. v. 913.

Lycophron, in
Alexandr.
Astrampsyclus, in
Omocriticis v. 3.

Isai. 50. 4.

Gellius lib. 19. c. 7.

Homer. Iliad. I. 16.

1. Ioan. 1. 6.

1. Timoth. 6. 16.

Dracont. in exa-
mer. cap. 1.

dicir Iſaiās, *erigit manē, manē erigit mihi aurem, vt audiam quaſi magiſtrum.* Nāuius Poëta apud Gellium ſcito, & eleganti vocabulo vocat rubentem Auroram pudoricolorem, qua ſurgente caſto pudore imbuenda nobis eſt anima, vt placeat ſponſo, qui maximē virginali verecundia delectatur. Eadem ab Homero diuina nuncupatur, quia lucem nobis affert, quæ eſt ſymbolum Diuinitatis. *Demum enim lux eſt, & tenebra in eo non ſunt vlla, & lucem habitat inacceſſibilem.* Nihil præterea eorum, quæ ſub ſenſus cadunt pulchrius eſt luce, nihil venuſtius, nihil purius, nihil iucundius, & amabilius. Optimē Dracontius haud ignobilis Poëta;

*Lux iubar æthereum, lux noſtu limes, & vmbra,
Lux facies rebus cunctis, & lux elementis,
Lux genitiſ, factiſque calor, lux gratia ſolū,
Lux decus aſtrorum, lux aurea cornua luna,
Lux fulgor cæli, lux & primordia mundi,
Lux ſplendor flamma, lux magni temporis index,
Lux bonor agricolū, requies lux omnibus agris,
Lux opū auctoris primum, candorque pudoris.*

Iob 38. 7.

Baruch. 3. 35.

Iſai. 21. 12.

Daniel 7. 10.

Iſai. 14. 23.

Ideo exoriente luce Deo lucis auctori laudes pangunt filij ſplendoris, diuinæ lucis conſortes, Angelos ſanctos æmulantes, qui *aſtra matutina* dicuntur, & dederunt lumen in cuſtodijs ſuis, obediētes Domino in tremore, & *luxerunt ei cum iucunditate, qui fecit illos.* Non ſic ille Lucifer, qui mane oriebatur omni lapide pretioſo exornatus, qui Angelicæ felicitatis ſplendidiffimum mane mox in horribiles tenebras commutauit, ſicut ſcriptum eſt, *Venit manē, venit nox.* Inter aſtra matutina creatus cæterorum ſorte non contentus coram illo ſedere appetijt, ante cuius conſpectum ſtant cum tremore millia millium miniſtrantium, & decies centena millia aſſiſtentium. *Aſcendam,* inquit, & *ſedebo.* Propterea deiectus eſt de gradu tuo, & detracta eſt ad inferos ſuperbia tua. Cum nec Dei laudibus inſiſteres, nec Creatori, ſed tibi ipſi inani præſumptione luceres, ante lucem ſurgere voluiſti, & illi aſſimilari, qui fabricatus eſt Auroram, & Solem. Quid feſtinas manē oriri ō Lucifer? Vanus eſt ſplendor abſque feruore: ſimulata lux, quæ non ab igne procedit. Quo moliris aſcendē? Super altitudinem nubium in latebris Aquilonis, quia videlicet cum frigidus ſis, frigidam cupis inhabitare regionem. Exemplum hic habemus, vt quemadmodum fecerunt Angeli boni, ita & nos faciamus: *quoniam oportet præuenire ſolem ad benediſſionem: & manē,* ait ille, *oratio mea præueniet te.* Vſurpemus igitur Angelorum officium, vt docet Abbas Claraualenſis, quorum ſortimur conſortium, vt in ore infantium, & lactentium perficiatur laus. Dicamus eis, *Pſallite Deo noſtro, pſallite:* atque audiamus eos viciffim reſpondentes, *Pſallite Regi noſtro, pſallite.* Laudem ergo cum cæli cantoribus in commune dicentes, vt potē ciues Sanctorum, & domeſtici Dei, pſallamus ſapienter.

Sap. 16. 18.

Iſalm. 87.

Bernard. ſerm. 7.
in Cantic.

M E T R V M IX.

*P*rocul hinc tenebra, & horror,
Procul sopor, procul nox.

Clara nitentia astri
Caligo luce fugis,
Astrisque iam tenebris
Tellus soluta ridet.
Nox victa cessit, ortum
Solis monent adeste
Titania volucres.

Dux Phosphorus nitorum
Lucis parens diurna.
Inter globos Olympi
Blandas inis choreas.
Procul ô procul faceffat
Tenebrosa turba Avernî.
Procul hinc tenebra, & horror;
Procul sopor, procul nox.

Iam læta surgit hora,
Qua dulciore cantu
Loquax avis canorum
Modulamen ore promit:
Omnisque per vireta
Proles amœna veris
Aspersa luce vernat.
Rosaque, liliūque,
Venuſtiorque caltha,
Crocusque purpurascens
Produnt amoris ignes.

Procul hinc tenebra, & horror;
Procul sopor, procul nox.
Cantemus, atque amemus,
Dum lux serena fulget,
Interque dulciorum
Fomenta gaudiorum
Sopore jam soluti
Vultu Dei fruamur.

O sola digna donis
Celestibus, bonorum
Amica lux, læuamen
Mœroris, & perennis
Parens beatitatis,
O lux decora salve.
Procul hinc tenebra, & horror.
Procul sopor, procul nox.

Matutinum tempus aptissimum contemplationi. Quæ sit mystica lux animæ. Tota nocte queritur sponsus nonnisi in aurora inueniendus. Oratio ad Deum, ut verum lumen oriatur in nobis.

Ambros. in psal.
118. v. 148.

AVDIAMUS Ambrosium, ambrosiam non ori, sed auribus instillat. Graue est si te otiosum in stratis radius solis inuereundo pudore inueniat, & lux clara feriat oculos somnolento adhuc corpore depressos. Arguit nos tanti temporis spatium sine vilius deuotionis munere, ac sacrificij spiritualis oblatione feriata nocte transmissum. An nescis o homo, quod primitias tui cordis, ac vocis quotidie Deo debeas? Occurre ergo ad solis ortus, vt te oriens inueniat iam paratum, ne lumina tua madido adhuc sopore mergentia primus diei fulgor exagitet. Et post pauca. Præueni certè hunc, quem vides, solem: si hunc præueneris, antequam iste surgat, aspicias Christum illuminantem. Ipse prius in tui cordis illucescit arcano. Ipse tibi dicenti, de nocte vigilat ad te spiritus meus, matutinum lumen temporibus faciet splendere nocturnis, si mediteris verba Dei. Dum enim meditaris, lux est; & videns lucem, non temporis, sed gratiæ, dices, quia lux præcepta tua. Cum autem te meditantem verba diuina dies inuenerit, & tam gratum opus orandi, & psallendi delectauerit tuam mentem, iterum dices ad Dominum Iesum, Exitus matutinos delectabis. Hæc Ambrosius, cui concordia Richardi verba placet adiungere. Qui sunt isti exitus matutini, nisi ad veri solis irradiationem humanæ mentis excessus? Quis autem dignè miretur, quam sit dulce, quamue delectabile feruente iam charitate, & quasi sub æstiuo tempore ad matutinam lucem radiantis diuinitatis se à somno excutere, & extra humanæ mentis angustias in auram libertatis erumpere, & in latum illum diuinorum spectaculorum campum mentis alienatione transire? Ex sententia itaque Richardi delectant exitus matutini, quia matutinum tempus aptissimum est ad contemplanda magnalia Dei. Hoc est nimirum tempus lætitiæ, de quo scriptum est, *Ad vespertum demorabitur fletus, & ad matutinum lætitia*. Hoc est tempus acceptabile, quo in auribus piæ animæ resonat vox illa cœlestis, *Fiat lux*: vox illa videlicet, quæ in rerum creatione prima sonuisse narratur: vox Dei magna, & potentissima, facta super aquas in virtute, & magnificentia, quæ fecit de tenebris lucem splendescere, ac inuisibilem terræ faciem infusi luminis splendore illustrauit. Sicut enim lux sensibilis, teste Chrysostomo, præcepto Domini producta, & tenebræ visibiles absconditæ sunt: sic & lux mentalis tenebras errorum effugat, & errabundos ad veritatem manuducit, Deus quidem semper

Richard. Victor.
de erudit. homi-
nis int. p. 1. l. 2. c.
45.

Psalm. 119.

Chrysost. hom. 3.
in Genes.

in lumine est, indutus lumine sicut vestimento, sed quia lucem inaccessibleem habitat, nequit humana mens ad tanti luminis claritatem assurgere, nisi eius gratia adiuuemur, qui illuminat omnem hominem venientem in hunc mundum. *Tunc erumpet quasi mane lumen tuum,* ait Isaias, & *gloria Domini colliget te, & implebit splendoribus animam tuam.* Tunc reuelata facie gloriam Domini contemplantes transformabimur à claritate in claritatem tanquam à Domini spiritu. Eleganter Venetus Patriarcha Iustinianus: Cum delectabile lumen Verbi in cor humanum illabitur, fugat tenebras, depellit tristitiam, duritiam liquefacit, renouat desideria, amorem accendit, clarificat conscientiam, infundit spem, virtutes solidat, exultationem commouet, & cunctam mentis habitudinem reformat in melius.

2. Marfilius Ficinus grauissimus Scriptor insignem librum de lumine ex insignioribus Platonice conscripsit, ex quo ea, quæ ad lucem visibilem, & inuisibilem pertinent, curiosus lector indagabit. Abbas quoque Berengosius de luce visibili, & inuisibili tractatum edidit, vbi inter cætera longa inductione ostendit quomodo lux inuisibilis Dei sanctos Patres veteris testamenti illustrar. Est & lumen gloriæ, de quo scriptum est, & *in lumine tuo videbimus lumen*: Sed hoc tametsi ad patris felicitatem spectet, Richardus tamen Victorinus etiam in hac vita posse nos in lumine videre lumen affirmat, si accedentes ad Deum ab eius claritate illuminemur. Quid enim mirum, si ex lumine lumen accenditur? Lumen autem videretur in lumine, quando ex cognitione, & operatione claritatis diuinæ plenius illuminatur animus ad cognitionem infirmitatis humanæ. Solet hæc gemina cognitio alterna sibi incrementa ministrare, & vtraque profectò ex alterutra crescere. Nam & ex cognitione Dei proficit animus ad cognitionem sui, & eodem vtiq; modo ex multa cognitione sui crescit ad cognitionem Dei. Quanta verò sit claritas diuini luminis, quanta illæ huius obscuritas nullus ignorat. Dum autem humana mens ad illud diuinitatis lumen oculos aperit, & vehementer intendit, infirmitatis suæ tenebras plenius agnoscit. Sic in clarissimo lumine obscurum conspiciamus, & in iubare Diuinitatis imperfectionis nostræ lucem caliginosam speculamur. Aurora, vel diluculum, ait Magnus Gregorius, noctem quidem præterisse nuntiant, nec tamen diei claritatem integram ostentant; sed dum illam pellunt, hanc suscipiunt, lucem tenebris permixtam tenent. Quid itaque in hac vita omnes, qui veritatem sequimur, nisi aurora, vel diluculum sumus? quia & quædam iam, quæ lucis sunt, agimus: & tamen quibusdam adhuc tenebrarum reliquijs non caremus, in multis enim offendimus omnes. Venit hic in mentem quod in magicis oraculis scribit Zoroaster: Properandum tibi est ad lumen, & splendorem patris, vnde missa est anima multam complexa mentem. Locus

Isai. 58. 81.

2. Corinth. 3. 18.

Laur. Iustinian, de
casto connubio
Verbi. & an. c. 157

Berengosius Abb.

Psalm. 35.

Richard. vbi sup.
cap. 47.

Greg. lib. 19. moral.
tal. cap. 2.

Zoroast. orac. 6:
additis scholijs
Hethonis, & Psel-

vi: & explic. Mar-
filij Ficini lib. 10.
Theolog. Platon.
cap. 8.

Pron. 8. 17.
Cantic. 3. 1.

1. Theſſal. 5. 7.

Bernard. ſer. 75. in
Cantic.

Thom. Ciſterciens.
lib. 5. comment. in
Cantic.
Philipp. Abb. 1. 3.
comment. in
Cantic. cap. 16.

animæ eſt ſplendor Patris , anima enim Dei capax ſola Dei præſentia ſatiari poteſt. Ad hoc igitur Deitatis lumen properandum tibi eſt quicumque cupis implere deſiderium tuum. Eſto aurora , donec creſcat in te dies. Surge velociter de tenebris ad lumen , & in ortus tui diluculo murice verecundiæ , & venuſto humilitatis pallore conſpicuus expecta , donec ardens ſolis radius illuſtret , & accendat te. Ipſa ſapientia , quæ candor eſt lucis æternæ , & ſol intelligibilis ; *Qui mane*, inquit , *vigilauerint ad me , inuenient me*. Sponſa per noctem quæſuit dilectum , & non inuenit ; quæſuit in lectulo , & elongatus ab illa eſt : quia ſi iuxta Apoſtolum , *qui dormiunt , nocte dormiunt*, & *qui ebrii ſunt , nocte ebrii ſunt* ; ita non abſurdè dici poteſt , vt opinatur Bernardus eiufdem Sponſæ Encomiaſtes , quod qui ignorant , nocte ignorant , ac per hoc qui quærunt , nocte quæruur. Quis enim quærat , quod palam habet ? Porro dies palam facit , quod nox abſcondit , vt reperiās in die , quod in nocte quæſieras. Nox eſt itaque donec quæritur Sponſus , quoniam ſi dies eſſet , de medio fieret , & minimè quæreretur. Quid eſt autem nox ? Nox , ait Thomas Ciſterciensis , eſt Iudaica perſidia , nox paganorum ignominia , nox prauitas hæretica , nox Catholicorum animalis conuerſatio. Nox , inquit Philippus Abbas Bonæ ſpei , eſt difficultas quærendi , nox dilatio inueniendi , nox eſt moleſtia differendi , nox miſeria ſufferendi ; nox eſt inexpectio deſiderij ſpiritualis , nox caro moritura , & ſi iam conuerſatio non carnalis : nox denique eſt oneroſa præſentia huius vitæ. Per has noctes Sponſa quærit dilectum , & non poteſt vel poſt diutinas inquisitiones eum reperire , quia nulla ſocietas lucis ad tenebras. Et quis per noctem diem poterit inuenire , ſi nox ſolis abſentia eſt ? Solem igitur præueniar aurora , iſta quærentes inſtruet quò tendant , qua parte debeat ſoloriri. Eſt autem aurora gratia illuminans , viæ huius illuſtratio , quam ſequetur in patria nitidiſſima dies æternitatis.

3. Tu autem lux nitidiſſima , ſplendor paternæ gloriæ , ſplendidiſſime ſol iuſtitie exorere , exorere tenebriſcæ animæ meæ : exorere , & illumina tenebras meas , vt reſoluta totius cæcitate caliginis , decor antiquæ originis in nouum lumen reformetur , & nox peccatorum meorum , nox lutida , ſquallida , & horribilis diuinæ tuæ lucis autora diſcutiatur. Quis mihi det ſedenti in tenebris , & vmbra mortis ab hoc ſole illuminari , vt placeam coram Deo in hoc lumine viuentium , vt videam voluntatem Domini omnibus diebus vitæ meæ ? Verè dulce lumen , & delectabile eſt oculis videre ſolem : Solem , inquam , illum , in quem deſiderant Angeli proſpiccre. O Ieſu benigniſſime , ô candor ſine macula , quod mihi gaudium eſſe poteſt , qui in tenebris ſedeo , & lumen cæli non video. O lux , quam amiſit Adam , qui ex ſententia cuiuſdam Patris , quandiu perſtitit in iuſtitia , & inno-

centia, facilem habuit radiantem: Cuius filius Seth ideo filius Dei nuncupatus fuit, quia cum pietate illustris esset, colluxit facies eius. O lux, quam videbat Isaac opertis senectute luminibus, cum filios non agnoscendo benediceret, sed benedicendo cognosceret. O lux, quam videbat Iacob, cum & ipse præ ætate captus oculis, quæ filijs, & nepotibus ventura essent intus agnovit, & præsignavit. Hac luce radiabat Tobias, cum clavis corporeis oculis viam vitæ docebat filium, & pede charitatis nunquam errans ei præibat. Hanc lucem peto, hanc desidero, quæ sola est vera lux illuminans omnem hominem venientem in hunc mundum. Verè fateor, Domine, quoniam conturbatum est cor meum, dereliquit me virtus mea, & lumen oculorum meorum & ipsum non est mecum. Ideò erravi in solitudine, viam civitatis habitaculi non inveni, quia nondum visitavit me oriens ex alto ad dirigendos pedes meos in viam pacis. Veni desiderate cunctis gentibus, quia dormitavit anima mea præ tædio moræ tuæ, & oculi mei languerunt præ inopia luminis tui. Orere Sol amabilis, ut exeat homo ad opus suum, & ad operationem suam usque ad vesperam, & operetur non cibum qui perit, sed qui permanet in æternum. Exere vultum tuum Sol immortalis, illustra faciem tuam super seruum tuum, irradia splendoribus Sanctorum animam meam, ut habeam lumen vitæ, in quo ambulem die, ac nocte, donec perueniam ad diem claritatis æternæ, ad lucem quam inhabitas, ad lumen indeficiens, & sempiternum.

S. IV.

Lucta Iacob usque ad auroram quid symbolicè, & moraliter indicet. Denique hortatio ad laudandum Deum.

1. **G**loriosissimus Patriarcha Iacob tota nocte luctatus cum Angelo inuictus pugnavit usque manè. At cum primum lucis fulgorem in ortu suo aurora transmitteret, videns Angelus quod eum superare non posset, à fortissimo athleta dimissionem petijt dicens, *Dimitte me*, victori enim cedendum est. Cur me brachiorum insuperabili nexu adstrictum tenes? Tecum in hac arena iam amplius decertare non possum. Ratio in promptu est, *iam enim ascendit aurora*. An ergo aurora cunctis gratissima Angelis inimica, cum ipsi in sacris literis *astra matutina* vocentur? An sicut qui malè agit odit lucem, sic Angelus princeps exercituum Dei cum homine infirmo decertans magno sibi dedecori adscribebat, quod eum superare non posset? An à socijs Iacob, qui solus remanserat, adueniente iam luce videri nolebat, & ex effigie assumpti corporis agnosci? An hic erat custos Esau, quem ab eo timidus frater amovere tentabat? Nam, ut autumant Cabalistsæ, nemo potest alium superare, nisi prius devicta, & amota eius intelligentia. An

Anastasiu Synal
ta cap. 16. d. 17.

Genes. 32.

Iob. 18. 7.

suum antagonista salubri consilio admonere voluit, sole iam ad ortum properante, tempus esse ab otio contemplationis ad actionis negotium transeundi? An ut doceret mysticas animæ visitationes, & diuina mysteria non esse palam reuelanda? An fortè, quod Hebræi Interpretes non sine nostrorum risu contendunt, illa erat hora, qua sacrum Trisagion Angeli psallunt, ideoque dimitti voluit, ut alijs cantantibus sociaretur, iuxta illud scriptum, *Cum me laudarent simul astra matutina, & iubilarent omnes filij Dei*? His quidem, & alijs explicationibus hoc Enigma conantur dissoluere, qui librum Geneseos interpretantur. At Diuus Cyrillus Alexandrinus mihi præ cæteris arridet. Cum his, inquit, in tenebris, ac nocte agunt, & ignorantie caliginem in mente, ac corde habent, luctatur, ac pugnat Christus, habet enim eos pro inimicis. Ut verò mentibus ipsorum spiritualis Lucifer oritur, & quasi dies quædam veræ cognitionis Dei lux splendet, tunc pugnam soluit: cum illis enim non pugnat, qui sunt in luce, qui spiritualement auroram in mente habent. Hæc Cyrillus, qui deinde pergit nos exhortari ad spiritualement auroræ huius amplexum. Auroram intelligo diuinæ gratiæ illustrationem, quam postulabat à Deo Propheta, cum diceret, *Emitte lucem tuam, & veritatem tuam, ipsa me deduxerunt, & adduxerunt in montem sanctum tuum: Domine Deus meus illumina tenebras meas*. Hæc est gloria Domini, quam manè videndam sacra literæ promittunt. Hæc est sapientia, quam manè vigilantes inueniunt. Tota igitur mentis intentione, toto cordis affectu matutino tempore orandum est, donec dies elucescat, & Lucifer oriatur in cordibus nostris. Sanctus Iacob surrexerat ante diem sacras celebrare vigilias, ideo, ut docet Rupertus Abbas, Angelica visione recreari, mysticam inire luctam meruit, in qua victor existens in ascensu auroræ cælesti benedictione confirmatus fuit, quia videlicet, illustrante animam diuinæ lucis fulgore, diuina protinus benedictione mens stabilita temporalia spernit, bona dumtaxat æterna diligit, ad quæ iugiter intendit, & suspirat.

2. Sic primas amoris facies experta anima quasi cum Deo luctatur, dum sacre meditationis studio solerter incumbens sensum verbi Dei fugientem tenere contendit. Fugit Dilectus se retinere cupientem, cum multas ob causas, tam idcirco ut auiditatem magis, ac magis exciter inquirentis. Itaque brachijs quasi ad luctandum protensis quæcunque talis anima dicit: Dilecte mi apprehendam te, & ducam te in domum matris meæ, ibi me docebis; è contra ille more reluctantis penè obuersus; *Auerte, inquit, oculos tuos à me, quia ipsi me auolat sperant. Dulcis colluctatio, & omni pace iucundior. Tandem victrix dicit conscientia, Inueni quem diligit anima mea, tenui illum, nec dimittam*. Dimitte me clamat sponsus, iam ascendit

Cyrril. Alexandr.
tomo 4. hom. 5.

Psaln. 41.
Psaln. 17.
Exod. 16. 7.
Prou. 8. 18.

Rupert. in Genes.
lib. 8. cap. 5. & 9.

Cantic. 6. 4.

Cantic. 3. 4.

ascendit aurota. Satis est quod quædam lucis primordia peccatorum tenebras è corde tuo fugant. Nondum plena dies illuxit tibi. Dimitte me, ait, non quod dimitti velit, sed ut assiduo luctamine sponsam exerceat, ut à negata eius præsentia crescat desiderium, ut majori cælestium bonorum copia eam locupletet. Illa autem iam amore magistro amantium artes sufficienter edocta persequens in oratione, Non dimittam te, inquit, nisi benedixeris mihi. Et benedixit ei in eodem loco. Felicem prorsus benedictionem, omni dignam acceptione: felicem animam, felicissimum orationis meritum: sanctissimum matutinum tempus tantis Dei fauoribus promerendis aptissimum, ac proinde à Religiosis omni veneratione colendum. Buona violentia, quæ benedictionem extorquet: optima lucta, qua Deus homini succumbit, & victorem sanctiotis noninis munere decorat. Luctare anima mea feliciter, luctare, ne succumbas, quia regnum cælorum vim patitur, & violenti rapiunt illud. Declinat discetus tuus aliquando, auertit faciem, sed non in ira. Sustinuit te ille in peccatis tuis, sustine tu illum in flagellis suis; & obtinebis benedictionem. Sed quando? Cum aurota fuerit, cum aspirauerit iam dies, cum posuerit Hierusalem laudem in terra. Dic cum Propheta; *Audiam fac mihi manè misericordiam tuam, quia in te speravi Domine*: Et lux perpetua lucebit super te nunquam morituro fulgore. De hac animæ lucta cum Deo præclara extat sententia sancti Abbatis Aelredi Cisterciensis. Itaque, ait, Si in oratione tua, vel meditatione exarserit cælestium desideriorum ignis, si amoris incientia flammescant, si æstuans, & anhelans cælestibus quibusdam mouearis affectibus, & modò quasi comprehensum quem diligis sentias esse præsentem, modò elapsum de manibus doleas, & suspites absentem; lucta spiritualis est, nomen tibi Israël imponens, ut non solum miseratione, sed etiam electione dignus habearis. *Miserebitur enim Dominus Iacob, & eliges adhuc de Israël*. Eia igitur fideles animæ, pietatis alumna, ministræ Christi, filiæ lucis, æmulæ stellarum, concives sanctorum, Angelorum consortes matutinæ orationi instate vigilantes in ea. Iam Chori cælestes rapidissimo cursu è cælo delapsi præuenerunt nos coniuncti psallentibus; nunc propior est nostra salus, nunc hora vacandi, & videndi quàm bonus sit Deus: nunc tempus querendi Dominum, ut ait Propheta, *Querite Dominum dum inueniri potest, inuocate eum dum propi est*: nunc tempus auxilij, & gratiæ, *In matutinis meditabor in te, quia fuisti adiutor meus*. Ergo laudem dicite Deo pusilli, & magni: *Terribilis est, & magnus vehementer, & mirabilis potentia ipsius. Benedicentes Dominum exalate illum, quantum potestis, maior est enim omni laude*.

Psal. 142.

A Elredus (scr. 13; in Isaiam.

Isaïæ 14. 1;

Isaïæ 55. 6.

Psal. 62.

Apoc. 19. 5.
Eccl. 43. 33.

METRUM X.

O *Qua sidercos voluitis axes*
Mentes corporea fece solute,
O cæli proceres, incolæ olympi
Mecum pangite laudes.
Orbes ætherei, feruide Titan,
Phæbe noctuago lumine fulgens;
Est vos flammigera lampades æthra
Dulces fundite versus.
Vnda, quæ superos cingitis orbes,
Nubes, & pluvia, grando, pruina;
Nix, ros, & glacies, frigus, & æstus
Lato plaudite cantu.
Venti syluifragi, mobilis aura,
Fulgur nubiuagum, missile fulmen,
Nimbi præcipites, flamma coruscans
Hymnos dicite cælo.
Vndosum pelagus, flumina, & amnes;
Fontes irrigui, turba natantum,
Quicumque in vitrea viuitis, vnda
Voces tollite ad astra.
Colles frugiferi, lignaque syluæ,
Montes, & viridis gramina vallis,
Fæcundæ segetes, dulcia poma
Summo psallite Regi.
Bruta quadrupedes reptile terra
Immensas Domino reddite grates:
Omnisque Alituum musica molles
Promat gutture cantus.
Infantes teneri, læta iuuentus,
Simplex virginitas, cana senectus
Huc denso properent agmine, & astra
Pulsent laudis bonore.
Rektor cælituum te canat Indus,
Te psallat nitidi potor Enipei,
Mauri te celebrent, & tua diues
Voluat nomina Ganges.
Alternis resonent, cantibus hymni,
Iungantur modulis organa mille,
Sambuca, citbara, tympana, pleictira,
Sistrum, fistula, cornu.

CAPVT VI.

DE PRIMA.

§. I.

Orandum esse post solis ortum. Laudatur Sol, eiusque ortus describitur. Fabula Memnonis. De cultu solis, & eius falsa apotheosi. Inter priscos adorantium ritus etiam oscula adhibita.

EFFICII nocturni cursum iam ut nostra imbecillitas tulit, laudisque matutinæ mysteria deuota mentis actione transigimus: nunc diurnæ seruitutis pensum nos vocat; nunc solis orientis radius oculos restituit mundo, confusas rerum species distinguit, clarioque luminis splendore faciem quamdam, ac venustatem cunctis rebus infundit. Sol incipit, ait Ambrosius, emunda oculos mentis ô homo, animique interiores obtutus, ne qua festuca peccati aciem tui præstringat ingenij, & puri cordis turbet aspectum. Procedit sol magno iubare diem, magno mundum complens lumine, vaporans calore. Caue ô homo solam eius perpendere magnitudinem, ne nimius fulgor eius visus tuæ mentis obcæcet. Caue ne radius eius exortiens tuum confundat aspectum: Qui è regione in solis lucem fixum intendit obtutum, repercusso lumine omnem subito amittit aspectum, æstimat se nihil videre, & intuenti munere esse fraudatum. Non igitur te tanto splendori temerè committas. Sed quando hunc vides, auctorem eius considera: quando hunc miraris, lauda eius creatorem. Hæc carptim ex Ambrosio, qui etiam alibi, exemplo auium, quæ nascente sole suauissimo cantu æthera mulcent, hortatur nos ad laudes hoc tempore æterno conditori canendas. Quis enim sensum hominis non erubescat sine psalorum celebritate diem ordiri, cum etiam minutissimæ aues solemnī deuotione, & dulci carmine ortus dierum prosequantur? Illa nemorum Siren Philomela, cantillantium auicularum præcentrix quanta spiritus contentione, quanta vocum varietate in occursum solis tota diffunditur? quam sonoro modulamine, quam mirabili ardore nascentem salutat? Nunc leni voce submurmurans muscos tonos retexit: nunc harmonicis quibusdam motibus dissonans omnium modorum personat suauitatem: nunc continuo spiritu trahitur in longum, nunc variatur inflexo, nunc distinguitur conciso. Sed & aliarum volucrum pennatus exercitus omnium dulcedinum numeros, omnium concentuum sonos percurrens solem excipit aduenientem. Rident amabili vultu vniuersa, dum no-

Ambr. Exam. li. 4.
cap. 1.

Idem ibid. lib. 5.
cap. 12.

ua luce radians sol diem reddit mundo, rebus colorem, floribus venustatem. Oritur sol oculus mundi, iucunditas diei, cæli pulchritudo, naturæ gratia, præstantia creaturæ. Oritur sol æris nitor, terræ decus, herbarum gloria, cor sphaerarum, luminum moderator, omnium viuientium genitor, magnum Dei simulachrum. Oritur, inquam, ortuque suo ad celebrandas Numini laudes nos excitans mentem nostram ad æterni solis contemplationem attollitur.

M E T R V M XI.

I Am Phæbus rutilum caput

Pellens cæruleis equis

Elotum pelago extulit.

Noctem Phosphorum horridam

Clara percutiens face

Stellas depulit æthere.

Lux fulgens radiantibus

Pingens cuncta coloribus

Umbras lumine temperat.

Tellus omniferos sinus

Pandens ætheris ignibus

Ardet murice flammeo.

Errantes pecudum greges

Herbis luce rubentibus

Carpunt gemmea pabula.

Largis flet lacrymis polus

Noctis tristia funera,

Quas blanda excipit obstetricis

Natura, & teneris cibum

Hortis mellissuum parat.

O quam floriferum solum

Vultu ridet amabili!

Flammas exacuunt rosæ,

Candent lilia pulchrius

Rident prata venustius,

Vernant cuncta decentius.

Arguta alituum cohors

Vocis necitare diffuens

Nascentem recinit diem.

Cantat stecilibus modis

Sylvosum recreans nemus

Ales garrula Daulias.

Musa ruris Achantides

Ludentes hilari sono

Mulcent æira cantibus.

*O solis nitidum iubar
Squallentem tenebris humum
Optata irradians face:
Dum tu per tibi cognitas
Alti signiferi vias
Terris lumina diuidis,
Nos certo quoque tempore
Iunmixti superum choris
Summo carmina Numini
Psallentes terimus diem.*

2. Quis enim tot naturæ prouocatus incitamentis, tot creaturarum inuitatus obsequiis, tot exemplis commotus tam iners inueniatur, vt solari iubare perfusus, non illicò eius præconia celebret, cuius benignitas solem suum oriri facit super bonos, & malos? Notissima est Memnonis statua in Ægyptiis olim Thebis erecta, quam Philostratus in vita Apollonij, & Callistratus in expositione statuarum describunt. Hæc sponte sua cum radiis solaribus tangeretur suauissimum vocis sonitum, vt illi fingunt, emittebat, primoque lucis fulgore in os incidente nascenti Phœbo assurgens lapidea labiorum claustra in eius laudes referabat. Hoc fabuloso scilicet integumento antiquiores Sophi nobile documentum occultarunt debere hominem rationis compotem ad solis ortum ipsius Conditoris maiestatem adorare. Quod simpliciores viri haudquaquam ad illorum mentem percipientes Creatoris cultum ad solem ipsum materiale transulerunt. Nam, vt ait Sapientia; *Non potuerunt intelligere eum qui est, neque operibus attendentes agnouerunt quis esset artifex; sed aut ignem, aut spiritum, aut citatum aërem, aut gyrum stellarum, aut nimiam aquam, aut Solem, aut Lunam reñores orbis terrarum Deos putauerunt. Quorum si specie delectati Deos putauerunt, sciant quanto his Dominator eorum speciosior est, speciei enim generator hæc omnia constituit. Aut si virtutem, & opera eorum mirati sunt, intelligant ab illis, quoniam qui hæc fecit fortior est illis: à magnitudine enim speciei, & creatura cognoscibiliter poterit creator horum videri.* Hæc Sapientia.

3. Quia verò speciosissimus creaturarum est Sol, plures quoque inuenit cultores, non solum inter rudiores, & barbaras nationes, sed etiam inter gentes, quæ politiori literatura, ac humanioribus placitis exentæ erant, vt Tertullianus, & Arnobius asseuerant. De his eleganter Aurelius Prudentius Clemens aduersus Symmachum sic cecinit:

*Est qui conspicuus superos quæsiuit in astris,
Ausus habere Deum solem, cui tramite certo
Couditio imposita est rigilem tolerare laborem,*

Philostat. lib. 6.
cap. 3.
Callistrat. lib. de
expof. statuar. c. 1.
& 9. & ex his Nat.
Comes l. 6. My-
tholog. c. 3.

Sap. 13. 1.

Tertullian. in A-
polog. Arnob. l. 1.
Prud. adu. Symm.
lib. 1. Epigr. 15.

*Visibus obiectum mortalibus, orbe rotundo
Præcipitem, teretique globo per inane volentem,
Et quod nemo negat, mundo, cæloque minorem.*

Concinne quoque de iisdem Cyrillus Hierosolymitanus, Quidam, ait, solem Deum ponebant, ut occidente sole noctis tempore sine Deo essent. Sophocles in Oedippo tyranno solem vocat primum omnium Deorum. Eius autem vetustissimi adoratores fuerunt Persæ, & Chaldæi. Ad Persas, inquit Tertullianus, si fortè deputabimur, licet solem non in linteo depictum adoremus, habentes in sum vbiq; in suo clypeo. Et Darij castra describens Q. Curtius; Super tabernaculum, ait, vnde ab omnibus conspici posset imago solis crystallo inclusa fulgebat. Iustinus item Historicus, Persæ, inquit, solem vnum Deum esse credunt, & equos eidem sacros ferunt. Persarum sacra sub Mithræ nomine soli dicata in specubus Tertullianus sæpe commemorat, itemque Lactatius Placidius, & Lilius Gyraldus; quem errorem sequutus Basilides Deum *μίδειν* appellabat. Quo vetò ritu Persæ sol sacrificarent tradit Eustathius Archiepiscopus Thessalonicensis in explicatione Iliadis Homeri. Quamquam Persas ignem potius, quam solem coluisse Maximus Tyrius his verbis affirmet. Persæ adorant ignem diarium, nimirum diuinitatis signum, insatiabilem, voracem. Huic cum sacrificant alimentum præbentes his verbis vtuntur, Ede ignis Domine. Chaldæos autem solem adorasse, Diodorus Siculus scribit, qui & fabulam elegantem narrat de eiusdem solis apotheosi. Ab his ad Ægyptios solis cultus propagatus est, quos omnium primos solem pro Deo habuisse asserunt Eusebius, & Theodoretus. Sed Chaldæis primum in hac re astruit Seuerianus, atque inde putat Lampridius Heliogabalo inditum nomen, à solis scilicet Sacerdotio, cum prius Varius vocaretur. Sub nomine verò Serapidis, & Osiridis Ægyptios solem intellexisse testantur Cicero, Macrobius, Diodorus, & Plutarchus; de cuius statuae pensilis mirabili artificio legi potest in suis Annalibus Michaël Glycas. Solem quoque ab Assyriis, & Phœnicibus sub nomine Adonidis maxima veneratione habitum tradit Macrobius. Et Eusebius Cæsariensis, Phœnices, inquit, solem adorant vocantes eum *Beelshamen*, id est cæli Dominum. Similiter Phryges sacrorum administrationibus immutatis eundem sub nomine *Attinis* colebat, & eodem Macrobio Auctore festiuitatem in eius honorem celebrabant 8. Calendas Aprilis, quem diem Hilaria appellabant, quo primum tempore sol diem longiorem nocte protendit. Maslægetas vnum solem venerari, & eidem equos immolare Strabo, & Herodotus affirmant. Etiam Æthiopes equos soli offerebant Deo omnium velocissimo, id quod velocissimum est sacrificantes, teste Heliodoro. Apollinem Belum vocatum, & adoratum ab Aquileiensibus accepimus ab Herodiano in Polymania. Pausanias in Corinth, in Laconia, & in Arcadicia. Clem. Alex. orat. ad Græcos.

Cyrril. cat. 4.
Sopho. in Oedip.
v. 675.
Tertull. in Apo-
log.
Curtius lib. 3.
Iustinus Historic.
lib. 1.
Tertull. libro de
Baptismo, de co-
rona militis, de
præscriptionib.
Placid. ad postre-
ma carmina l. 1.
Thebaïd.
Gyrald. de Diis
gen syntag. 7.
Eustathius in 1.
Iliad.
Max. Tyrius ser-
mon. 38.
Diodor. lib. 3. c. 8.
& lib. 4. c. 5.
Euseb. de præp.
Euang. lib. 1. c. 6.
Theodoret. de
cur. Græc. afflic-
lib. 3.
Seuerian. in eate-
na Græca ad c. 1.
Genel.
Lamprid. in He-
liogabalo.
Cic. 3. de natura
Deor. Maerob. 1.
Sat. c. 21. Diodor.
lib. 1. c. 2.
Plutarch. lib. de
Osiride Glycas p.
4. Annalium. Ma-
crob. loc. cit. Eu-
sebius de præp.
Euang. lib. 1. c. 7.
Strabol. 11. Hero-
dot. in Clío.
Heliodor. in Æ-
thiopie lib. 9.
Herodian. lib. 8.
Herodot. in Polymania. Pausan. in Corinth, in Laconia, & in Arcadicia. Clem. Alex. orat. ad Græcos.

rodiano. Sed Græcorum Deus ab Herodoto nuncupatur, eumque passim à Græcis pro Deo habitum Pausanias asseuerat. Indos adorasse solem tradunt Clemens Alexandrinus, & Philostratus Lemnius. Idem scribunt de Tyriis Q. Curtius, de incolis Insularum Oceani versus meridiem Diodorus, de Atheniensibus Ioseph Iudæus, de Siculis Phalaris Tyrannus, de Armenis Xenophon, de Babylonis Philostratus, de Præonibus Maximus Tyrius, de Germanis Cæsar, de Manichæis Augustinus, de aliis alij. Porro à Platoniciis adoratum solem patet ex Plotino. Sed & Pythagorici soli orienti Hymnos lyra caneant, ad quem Iamblicus elegantissimam orationem composuit. Et quis ignorat mensam solis apud Æthiopes Diui Hieronymi, & Pausanias scriptis celeberrimam? A Romanis item Imperatoribus dicata soli templa describunt Aurelius Victor, Flavius Vopiscus, Eutropius, & Ammianus Marcellinus. Denique omnes gentes in solis cultum variis ritibus conspirasse plerique auctores ostendunt. Sanctus Philastrius Brixienfis Episcopus inter hæreses veteris Testamenti eam recenset, quæ soli diuinos honores tribueret: Tum Herimiam, & Seleucium redarguit negantes Christum sedere in carne ad dexteram Patris, sed carnem in sole posuisse existimantes, illud Psalmographi perperam intelligentes, *in sole posuit tabernaculum suum.*

4. At quod attinet ad cultum solis sacrorum librorum testimonia prætermittere grande piaculum esset. Et sanè Israëlita à vicinis gentibus Idolorum cultum edocti ad ortum solis adorabant apud Ezechielem. Iosias verò iustissimus Rex eos deleuit, qui soli adolebant incensum: equos abstulit, quos Reges Iudæ dederant soli in introitu templi Domini: currus solis combussit igni. I ego etiam ciuitatem solis, fontem solis, domum solis, quæ omnia ad falsam solis apotheosim spectasse dubium non est. Ex curru autem Helix currum solis descripsisse Poëtas putat Chrysostomus Homilia de ascensione Helix, nam sol Græcè Helios dicitur. Iob item amicus Dei, cui similis non erat sub sole aduersus amicorum calumnias summum iudicem innocentix suæ testem inuocans, suasque virtutes modestè enarrans ait: *Si vidi solem cum fulgeret, & latatum est in abscondito cor meum, & osculatus sum manum meam ore meo, quæ est iniquitas maxima, & negatio contra Deum altissimum.* Quasi diceret vir patientissimus, Affligat me Deus, & non parcat, si cultum sibi debitum transtuli ad creaturam. Nunquam me iucundissimus orientis solis aspectus splendoris illecebris, & oculorum lenocinio ita pellexit, ut diuinum illi numen inesse crederem, ac propterea osculata manu, & in cælum porrecta diuinos eidem honores impenderem. Hæc enim adorationis speciem externam quoddam obsequium exhibent soli gentes, quæ verum Deum ignorant: imò sub specie obsequij nobilem creaturam multiplici afficiunt contumelia, de qua re eleganti

Philosrat. vit. A. 2
poll. lib. 2. cap. 11.
Curtius l. 4. Dio-
dor. lib. 3. cap. 13.
Ioseph. lib. 2. con-
tra Apionem pro-
pè finem. Phalaris
Epist. 103. ad
Catà. Xenoph. l. 4.
ἀναλόγως.
Philosrat. l. 1. c. 20.
Max. Tyr. ser. 38.
Cæsar. de bello
gall. lib. 6. Aug.
ep. 74 & lib. 14.
& 20. cont. Fau-
stum.
Plotin. lib. 4. enn. 2
4. cap. 30.
Hieron. Epist. ad
Paulinum initio
Bibliot. Pausan. in
Atticis, & poste-
riorib. Eliacis.
Aur. Victor in Va-
leriane. Fl. Vopisc.
in eod. Eutrop. l. 9.
Hist. Rom. Amm.
Marcellin. lib. 17.
Theodor. de cur.
Græc. aff. c. 1. lib. 3.
Euseb. præp. euæg.
lib. 1. c. 6. & 7.
Phornur. de nat.
deor. Apollodor. in
Biblioth. Fulgen-
tius, & Nar. Comes
in Mythologiis.
Artemidor. l. 2. c.
36. Iulian. Imp. or.
4. Seneca de benef.
l. 6. c. 21. & 23. l. 7.
c. 31 Sext. Empyr.
l. 8. adu. Mathem.
Mapheus Vegius
Laud. n. in dispu-
tatione inter solē,
terram, & anrum
Gyrald. de Diis.
Ezech. 8. 16. 4.
reg. 25. 5. 17. Ios. 15.
7. l. 19. 41. Isa. 19.
18 Hier. 43. 13.
Chrysost. to. 1.
Iob. 13. 26.

Inl. Firmic. lib. de
errorib. prof. Re-
lig. cap. 8.
Zacharias de mū-
di opificio.
Lipſius l. 2. eleſt.
cap. 6.

3. Reg. 19. 18.

Lucian. de ſacri-
ficiis.

Apul. Apolog. 1.
Athenag. in lega-
tione prop. ſine.
Petr. Piſb. aduer-
ſar. lib. 1. cap. 7.
Muret. var. lect. 1.
10 cap. 1.
Franc. Luſin. l. 2.
Patergōn cap. 19.

profopoeia idololatrias reprehendit ipſemet ſol apud Iulium Fir-
micum Maternum. Solem verò non eſſe Deum probat eleganter, &
diffuſe Zacharias Epicoſopus Miſylenes in diſputatione de mundi
opificio. Hinc putat Lipſius adorandi verbum deriuſſe, quia ma-
nus ad ora admovebant adorantes: non ab ador (frumenti id ge-
nus eſt) quod cenſet Grammaticorum acumen. Adhibita verò of-
cula in Solis, aliorumque Deorum cultu certiffimum eſt. Sed cum
plerique veterentur ore profano Deos ipſos tangere, eminus ſtan-
tes manum porrigebant, eamque ſtatim ad os ſuum referebant, &
ſuauiabantur. Hunc adorantium habitum ſacra Regum Hiſtoria of-
tendit, dicens: *Et omne os, quod non adoravit Baal, oſculans ma-
num.* Eundem morem plures ingerunt Scriptores. Minutius Felix in
Oſtaſio: Cæcilius ſimulacro Serapidis denotato, vt vulgus ſuper-
ſtitioſum ſolet, manum ori admoveus oſculum labiis preſſit. Lucia-
nus Samofatenus: Si quis eſt pauper, ita Deo litat, vt dexteram dum-
taxat ſuam oſculetur. Apuleius: Neſas habet adorandi gratia ma-
num labris admoveere. Athenagoras: Oſculum adoratio quædam eſt.
Plura repetit, qui voluerit apud Piſchæum in aduerſariis, & Mure-
turn in variis lectionibus. Ex hac autem adorandi ratione ille forſi-
tan ritus emanavit, quo principibus viris manus oſculari ſolemus, de
quo legendus in Parergis Franciſcus Luſinus Vtiſenſis criticus ex-
quiſitiſſimus. Sed iam ad Solem, à quo digreſſi ſumus, his obiter ad-
notatis, reuertamur.

§. II.

Omnes Ethnicorum Deos referri ad Solem.

Cur oremus verſus Orientem.

Macrobi. 1. Satur. à
cap. 17. ad 23.

1. **A**Vrelius Macrobius luculentus Auctor, & doctus omnes
Deos gentium referri ad ſolem longo, & erudito ſermone
demonſtrat ex Orpheo, Homero, Heſiodo, Platone, aliisque doctri-
na præſtantibus viris, qui numeroſam illam Deorum conſlugem ad
vnum Solem reuocarunt, cuius varios effectus facilis, & rudis anti-
quitas varia eſſe numina cenſuit, quæ variis quoque nominibus diſ-
ſtinxit. Explicat hanc doctrinam eximius Philoſophorum Plato in
Cratylō, & ſecundo de legibus. Nonius Panopolita in Dionyſiacis
Bacchum introducit, qui ſolem deprecans ſic canit: Belus eſt Euphra-
tæ, Lybicus vocatus Ammon, Apis eſt Niliacus, Arabs Saturnus, Aſ-
ſyrius Iupiter: & infra, ſive Serapis eſt Aegyptius, ſive Mithris Baby-
lonis, in Græcia Delphicus Apollo, ſive tu Pæon dolorem mitigans, ſive
eſt Aether varius, ſive Aſtrochiron. Eadem ferè habent Proclus Lycius
in Hymno ſolis, & ex Latinis Papinius in Thebaïde, & Iulianus Aure-
lius libro de cognominibus Deorum. Non eſt autem omittendus
Martianus Felix Capella, apud quem Philologia elegantiffimis hiſ-
ce carminibus ſolem veneratur.

Nonnus in Dio-
nyſiac. lib. 40. v.
396.

Proclus in Hym.
ſolis v. 24.
Statius 1. The-
baïd.
Iul. Aurel. de
cogn. Deor. l. 1. c.
4 & lib. 3. c. 6.
Mare Capella de
nuptis Merc. &
Philolog. l. 2.

Ignoti

*Ignoti vis celsa patris, vel prima propago,
Fomes sensifcus, mentis fons, lucis origo,
Regnum naturæ, decus, atque assertio Dinum,
Mundanisque oculis, fulgor splendentis Olympi,
Ultra mundanum fæ est cui cernere patrem.
Te Serapim Nilus, Memphis veneratur Osirim,
Diffusa sacra Mitram, Ditemque, ferumque Typhonem.
Atys pulcher item, curui & puer almus aratri,
Ammon & arentis Libyes, ac Biblius Adon.
Sic var'o cunctus te nomine conuocat orbis.*

Sic etiam Mercurius Trismegistus in Pimandro Deum Deorum solem appellat, cui omnes cedunt Dij cœlestes tamquam regi, & potenti. Sunt & alij plures, qui Solem maximum Deorum vocant, & omnia illa numina, quæ sibi fingebant Antiqui, ad ipsum referunt. Vix enim inter Ethnicos quispiam fuit sapientiæ laude conspicuus, qui non crediderit vnicum esse Deum, quem illi sub variis nominibus colebant. De qua re Medaurensis quidam Philosophus nomine Maximus, & ipse Ethnicus sic scribit ad Augustinum. Equidem vnum esse Deum summum sine initio, sine prole, naturæ ceu patrem magnum, atque magnificum, quis tam demens, tam mente captus neget esse certissimum? Huius nos virtutes per mundanum opus diffusas multis vocabulis inuocamus, quoniam nomen eius proprium cuncti videlicet ignoramus.

2. Hæc nos de cultu Solis officium Primæ, quod post eius exitum celebratur, vel inuitos dicere compulit. Sed priusquam hinc longius abeamus, operæ pretium fuerit solerter indagare, cur antiquissimi Christianæ fidei Principes, & Doctores versus Orientem orandum esse decreuerint. Nam, teste Tertulliano in Apologetico, quidam Gentiles à Christianis adorari Solem existimarunt, quod ad Orientis regionem precarentur. Percellit acriter animum meum hæc difficultas, nam priscos Ethnicorum Sacerdotes ad hanc cœli partem conuersos sacrificasse memini me legisse apud veteres Scriptores Græcos, & Latinos: atque hunc fuisse morem Magorum, & Pythagoreorum scribunt Herodotus, & Cælius Rhodiginus. Sanè Poëtarum Princeps sic canit:

*Illi ad surgentem conuersi lumina solem
Dant fruges manibus salsas, & tempora ferro
Summa notant pecorum, paterisque altaria libant.*

Vbi Seruius Grammaticus, Disciplinam, inquit, ceremoniarum sequutus est, ut Orientem spectare diceret eum, qui esset precaturus. Ouidius in Fastis:

*Hæc Dea placanda est, hæc tu conuersus ad ortus
Dic quater.*

aliter Flaccus in Argonauticis.

Trismeg. Pimand. cap. 5.

V. Clauertium l. 1. Germ. antiquæ cap. 26 & Vollum de Idololatria à c. 1. vsque ad 18. Maximus Medaurea. Ep. 4. inter Epist. D. August.

Herodot. lib. 1. Cœl. Rhodig. antiq. l. 12, cap. 9. Virgil. 12. Æneid.

Seruius ibid. Ouid. Fasti. lib. 4.

Val. Flacc. lib. 2. Argonaut.

*Imperat hinc altè Phœbi surgentis ad orbem
Ferre manns, totisque simul procumbere campis.*

Est. Pacatus in
Pan. ad Theod.

Ex hoc ritu Latinus Pacatus Drepanus statim post exordium sui Pa-
nyrici hæc habet: Vt diuinis rebus operantes in eam cœli plagam
ora conuertimus, à qua lucis exordium est; sic ego vota verborum,
quæ olim nuncupaueram, soluturus, id oratione tempus afficiam, quo
Romana lux corpit. Inter Græcorum Epigrammata vnum extat cui-
usdam Possidippi, in quo testatur Antiquorum templa ita constructa
fuisse, vt qui in eis orarent, Orientem respicerent. De eadem re Vi-
truius; Qui adierint, ait, ad aram immolantes, aut sacrificia facien-
tes, spectent ad partem cœli Orientis. Apuleius, Tunc Orientem
obuersus, & incrementa solis augusti tacitus imprecatus. Dionysius
Thrax, Antiquorum templa statim orientem solem solebant excipe-
re, & statim orto lumine fenestris, ac foribus patefactis repleti, vbi
sacrificia fiebant. Hyginus Gromaticus; Postea placuit omnem Re-
ligionem eò conuètere, ex qua parte cœli terra illuminatur. An igitur
Catholica Ecclesia damnatos gentium ritus hac in re studuit imi-
tari? Absit. Aliæ sunt causæ sanctissimi instituti, quas orthodoxi Pa-
tres obseruarunt.

Possidipp. apud
Nat. Comir. lib. 1.
Myth. c. 10.
Vitruuius lib. 4.
Architect. cap. 5.
Apuleius lib. 2.
Metam.
Dionys. Thrax
lib. 3. Dixerat. apud
Lud. de la Cerda
in 8. Æneid. Hygi-
nus de limitib.

3. Et primò quidem ad Orientem conuersi hac de causa oramus,
quia nos exules esse, & peregrinos profitemur, & ad patriam nostram,
vnde eiekti sumus, ad terrestrem scilicet paradisum, quem Deus
plantauit in Eden ad Orientem suspiramus. Rectè Basiliius magnus:
Omnes quidem inter orandum Orientem aspiciamus, pauci autem
scimus, quod antiquam patriam inquirimus, paradisum quem plan-
tauerat Deus. Hanc eandem rationem Moses Bar-ce; ha Episcopus
Syrus auctoritate multorum Patrum confirmat; atque ita ait constru-
cta olim templa, vt ad solem orientem in mense Nisan, in æquinoctio
scilicet vernali, obuersa sit fabrica, quia nimirum illo mense supra
paradisi locum sol oriatur. Et sic fermè antiquiores Basilicæ etiam
nunc constructæ apparent, vt ortum respiciant æquinoctialem. Qua-
re Sidonius Appollinaris describens Ecclesiam à S. Patiente Lugdu-
nensi Episcopo constructam hæc inter cætera scribit:

Basiliius l. de Spi-
ritu sancto. c. 27.

Moses de Paradi-
so p. 1. cap. 13.

Sidon. Appoll. l. 1.
Ep. 10. ad Hesper-
ium.

*Ædes celsa nitet, nec in sinistrum,
Aut dextrum trahitur; sed arce frontis
Ortum prospicit æquinoctialem.
Intus lux micat, atque bracteatum
Sol sic sollicitatur ad lacunar,
Fuluo vt concolor erret in metallo.*

Moses in fine p. 2
de Paradiso.

Greg. in disput.
cum Herban; Lu-
dzo.

Deinde dicit Bar-cepha ad orientalem portam paradisi solam, non
etiam ad reliquas collocatam esse custodiam, quia Orientis regio præ-
stituta erat, vt esset locus adorandi Deum. Huic doctrinæ consentire
videtur Gregentius Archiepiscopus dicens: Nos ad solis ortum orare
edocti sumus, quoniam illic Deum inuenimus, qui hominem formauit,

& paradifum condidit. Sed clarius de hac re loquitur Germanus Archiepifcopus Conftantinopolitanus : Orientem verfus precari traditum eft ab Apoftolis fœctis, propterea quod fpiritalis Sol iuftitiæ Chriftus Deus noster in terra apparuit in orientis folis fenfibilibus partibus : propterea etiam quod nos denuò paradifum illum in Eden expetimus, & fpeculamur ab Oriente, recuperatum iri expectantes : & etiam recipientes ortum illum lucis apparituræ in Domini fecundo aduentu, & regeneratione.

German. in Thria rerum Ecclesiast.

4. Secundam caufam assignat Iuftinus Martyr, fivè quifquis eft Auctor quæftionum ad Orthodoxos apud ipfum, oftendens hanc orandi confuetudinem ab Apoftolis acceptam, non quod divinum habitaculum in illo climate exiftiment conftitutum, fed quia Deo femper ea, quæ meliora funt destinamus; illa autem mundi pars hominum opinione præftantiffima cenfetur. Nam vt fcribit Dionyfius Halycarnæfæus, Pars Orientalis nobilior ex Hetrufcorum difciplina, & ex augurum Romanorum traditione felicioꝝ putabatur in captandis aufpiciis. Accedit Auguftini fententia dicentis : Cum ad orationes ftamus, ad Orientem conuertimur, vnde cælum furgit : non tanquam ibi fit Deus, & quafi cæteras mundi partes defcruerit, qui vbique præfens eft non locorum fpatiis, fed maiestate potentæ ; Sed vt admoneatur animus ad naturam excellentiorem fe conuètere, id eft ad Dominum, cum ipfum corpus eius, quod eft terrenum, ad corpus excellentius, id eft ad corpus cœleſte conuertitur. Diuinitas autem, ait Nicetas, per Orientem designatur, vt potè altum, & excelſum, quoniam cum ſol oritur, in ſublime fertur.

Iuftinus qu. 118.

Dionyf Halic. l. 2. antiquit. Roman.

Aug. l. 2. de ſerm. Dom. in monte cap. 9.

Nicet. in orat. 39. Naz. num. 15.

Chryſ. 10. 2. Hom. in cap. 6. Zach.

5. Tertia ratio eft, quia Chriftus, quem oramus, vera lux eft, verumque Oriens. Ideò benè dicit Chryſoſtomus : Hoc ſemper appetamus, vt conuerſi ab Occidente, intenti ad Orientem agnoſcamus Deum omnipotentem. Venit lux in mundum, radiauit mentibus noſtris obſcuris, declarata funt tetra, manifefata funt occulta, tenebroſa aperta, vt lux oriretur nobis. Ita Propheta pollicitus eft : *oriatur vobis timentibus nomen meum Sol iuſtitie*. Pſalmiſta item dicit : *lux orta eſt iuſtis, & reſtæ corde lætitia*. Igitur in oratione à Chriſto vero Sole illuſtratur, ſicut illuſtrantur à ſole corporeo, qui reſpiciunt ad Orientem. Sententia Platonis eft, quam laudat, & citat Nazianzenus, idem in ſenſibilibus eſſe ſolem, quod Deus in intellektibilibus : vt enim hic mentem, ita ille oculos illuſtrat; atque vt hic res eas omnes, quæ animo, & ratione intelliguntur, pulchritudine vincit; ita etiam ille eas, quæ oculorum ſenſu percipiuntur. Approbat hanc ſententiam diſertis verbis Athanaſius : Non ideò adoramus ad Orientem, quod in ea parte mundi Deus aliquo modo circumſcriptus habitet, ſed quia Deus lux eſt vera : eam ob cauſam ad creatum iſtud lumen conuerſi, non illud, ſed Creatorem adoramus, & ex

Malach 4. 2. Pſal. 96.

Nazianz. orat. 34. quæ eſt 1. de Theolog.

Athan. qu. 37. ad Antiochum, ſi tamen eius eſt hie liber.

- Clem. Alex. lib. 7. *strom.* elemento omnium splendidissimo omnium elementorum splendidissimum Creatorem veneramus. Consentit Clemens Alexandrinus: Quoniam autem diei natalis imago est oriens, illinc quoque lux augetur, quæ primum illuxit ex tenebris; sed etiam iis, qui voluntantur in ignoratione, exortus est dies cognitionis veritatis, ideo orantes docemur verti ad orientem. Sic honor qui ab Ethnicis soli creato deferrebat, datus est à fidelibus Christo vero soli: sicut de Circensibus ludis, qui fiebant in honorem Solis loquitur Corippus Africanus his verbis:

*Hunc veterum primi ritum non ritè colebant,
Esse Deum solem recta non mente putantis.
Sed factor solis postquam sub sole videri
Se voluit, formamque Deus de Virgine sumpsit
Humani generis, tunc deimpto solis honore
Est Christo delatus honor.*

- Pallad cap. 108. Memorabile est quod Palladius refert in Historia Lausiaca, Elpidium Abbatem totis viginti quinque annis nunquam versum fuisse ad Occidentem, sed semper ad Orientem respexisse, quamvis spelunca eius posita esset in cacumine montis: adeo huius ritu orandi ad Orientem tenax fuit. Huc etiam pertinet quod de quodam adolescente narrat in prato spiritali Ioannes Moschus; hic enim de homicidio falso accusatus militibus dixit; Per Dominum vos rogo, suspendite me ad Orientem, ut illum videam, quando suspensus ero. Sed postea ab imminente morte liberatus fuit.
- Io. Moschus c. 72.

6. Quartam rationem docet Damascenus, cui adstipulantur Cassiodorus, & Hugo Eterianus. Dominus enim cruci pro nobis affixus humeros ad Orientem, faciem vertebat ad Occidentem. Ideo nos oramus ad Orientem, ut in faciem Christi respiciamus. Adde quod, iuxta Propheticum carmen, psallimus Domino, *qui ascendit super cælos cælorum ad Orientem*, ut eum ascenderent in cælum corde, & votis prosequamur. Hinc etiam Magi venerunt ab Oriente adorare Dominum, ut fides, quæ sol animæ est, inde inciperet apparere, vnde sol oriri solet. An non item ex Oriente in finem dierum creditur esse venturus? Ad Orientem idcirco conuertimur, ait Hilarius Pictaviensis, quia ipse, secundum Prophetam, oriens ex alto sit, & ascendit ad Orientem, ut eò regressus vnde descenderat oriens nosceretur, ipseque sit omnibus in hunc cælestis Sedis ascensum rursus auctor oriundi. Nam id ipsum sequens sermo significat, cum dicitur, Ecce dabit voci suæ vocem virtutis. Numquid vlla vox potest maioris esse virtutis, quam dissolutorum corporum puluerem in formam cogere, soliditatemque membrorum, & vitam rursus in homines, animasque renovare, & corruptionem naturæ imbecillis naturæ cælestis incorruptione mutare? Hæc humanæ spei vera, & perfecta constantia est,
- Damasc lib. 4. de fide orth. cap. 13. Cassiod. ad Pl. 67. Hugo Eterian. lib. de regressu anim. cap. 14. Psalm. 67.

- Psalm. 67.

hæc diuinæ magnificentiæ bonitas absoluta. Aliam huius causæ confirmationem habemus ab Athanasio: Quare, inquit, oramus ad Orientem? Quia Spiritus sanctus per Dauidem Prophetam præcepit, *Adorabimus in loco ubi steterunt pedes eius*. Quod si Iudæus objiciat, vbinam steterunt pedes Domini? Zacharias Propheta respondet: *Stabant pedes eius in die illa super montem Oliuarum, qui est contra Hierusalem ad Orientem*.

Athanas. qu. 37.
citata.
Psalm. 131.

Zachar. 14. 4.

7. Quinta tandem ratio esse potest, vt inter nos, & Infideles discrimen sit. Consuevit Ecclesia Dei, ait Lucas Tudenſis Episcopus, orare ad Orientem, vt per hoc à sectis variis, & erroribus separetur, quæ Sole iustitiæ illustrata se Domino soli Christo Iesu desponsauit. Hæretici tenebris obcæcati à vero sole remanent alieni, & modo ad Orientem, modo ad Occidentem, modo ad Meridiem, modo ad Septentrionem orant, & circumferuntur vagi in omnibus actionibus suis. Orant Saraceni ad meridiem, & Iudæi diuerso modo. Catholici verò, quibus diuina Scriptura dicit, *Vobis timentibus nomen Domini orietur Sol iustitiæ*, orant ad Orientem diuino oraculo admoniri per Salomonem, qui dicit Deo: *Oportet solem præuenire ad benedictionem tuam, & ad orientem lucis ibi te adorare*. Et quia, vt ait David, *exortum est in tenebris lumen rectis*, debet populus Dei respicere, & adorare ad Orientem, vt ille de quo dicitur, *Oriens vocabitur nomen eius*, qui est oriens ex alto Deus Israël, fideles lumine claritatis suæ perfundat, *qui habitat lucem inaccessibilem*, & in lucem suæ Diuinitatis præcepit credere dicens: *Credite in lucem, vt filij lucis sitis*. Testatur etiam ipsa Veritas, quod *qui male agit, odit lucem, & qui facit veritatem, venit ad lucem*. Hactenus Lucas. Quod verò Turcæ, & Saraceni conuersi ad Austrum orant, testatur Euthymius in Panoplia. Manichæi, teste Augustino, orationes faciebant ad solem per diem quaquauerſum circum: ad lunam per noctem si appareret, si autem non appareret, vertebantur ad Aquilonem. Mercurius Trismegistus sole occidente ad Austrum respicere eum præcipit, qui oraturus est: at sole oriente in eum, qui dicitur subſolanus. Iudæi autem orabant ad Occidentem, quia ostium tabernaculi ad Orientem respiciebat. Et illi quidem occidenti literæ insunt habentes velamen in cordibus suis: nos spiritu viuificante illustrati vt filij lucis in luce ambulamus vero lumini adherentes, de quo scriptum est, *super te autem orietur Dominus, & gloria eius in te videbitur*. Cæterum de hoc ritu præter Auctores supracitados agunt Clemens Romanus, Tertullianus, Origenes, Nazianzenus, Epiphanius, Gregorius Nyſſenus, Anastasius Nicænus, D. Thomas, & alij recentiores.

Lucas Tuden. l. 2.
adu. Albigenses.
cap. 23.

Malach. 4. 2.

Sap. 16. 28.

Psalm. 111.
Zach. 6. 11.

Ioan. 12. 36.

Ioan. 3. 20.

Euthym. Panopl.
p. 2. tit. 24.
Aug. lib. 20. contra
Faustum.
Trismegist. in ſine
Aſclepij.

Iſaï. 60. 2.

Cl. Rom. l. 1. cōſt.
apoſt. Tertull. in
apolog. & l. adu.
Valentin. Origen.

hom. 6. in Num. Naz. enſt. ad Philagrium Epiphani. lib. 1. tom. 1. c. 19. Greg. Nyſſ. lib. de orat. Anastas. qu. 18. in ſcripte. Thomas 2. 2. quæſt. 84. art. 3.

§. III.

*Veterum opiniones de sole. Verus Sol adorandus, qui est Christus.
Quis sit ignis obscurans solem. Cur oremus hora prima.*

Achill. Tattius ad
Arati Phœn. cap.
19. & 20.

A Chilles Tattius in Iſagoge ad Arati Phœnomena veterum Phyſicorum ridiculas de ſole opiniones recenset. Docet enim Plato ſolem ex igne conſtare: quidam è terræ, ac nubium exhalationibus. Philolaus eundem quicquid habet igneum, ac tranſparens ex æthereo igne, qui ſupra ipſum eſt, exprimere putat, ac per quædam rimarum interſtitia ſplendorem ad nos tranſmittere. Epicurus pumicis ſpeciem habere cenſet, atque ex igne per quædam foramina ſplendorem eiaculari. Anaximander lucem ab eo, qui ſit rotæ ſimilis, emitti ſentit. Heraclitus ſcaphæ ſimilem putat, Stoici ſphæræ, alij diſco. Quidam pedalem, alij octuplo, alij vndeiciens terra maiorem faciunt. Omitto Porphyrij placitum relatu indigniſſimum, quod curioſus lector inueniet apud Georgium Piſidem in Coſmurgia. Plures quoque de ſole abſurdas opiniones referunt Theodoretus, & Plutarchus. Manichæi ſolem nauim eſſe aſſerebant de puriſſima Dei ſubſtantia fabricatam, vt reſert Auguſtinus. Narrat Cyriillus Alexandrinus Anaxagoram Philoſophum morte ab Athenienſibus damnatum fuiſſe, quod ſolis circulum nihil aliud eſſe diceret, quam lapidem quemdam ignitum. Hic, vt reſert Iamblicus, tametiſi de ſole tam exigua ſentiret, interrogatus aliquando cuius rei gratia natus fuiſſet, vt ſolem, inquit, contempler: Adeo externi luminis pulchritudine captus fuerat. Sed quam multipliciter peccarit, cum hoc dixit Anaxagoras, Cœlius Lactantius oſtendit in diuinis inſtitutionibus. E contra verò quidam ſanctorum Patrum, quod B. Theodoro Studita narrante didicimus, cum è cella prodiret, tegumentum capiti imponebat, ne aciem in ſolis iubar intenderet, cauſamque rogatus reſpondit: Ecquid eſt cur temporarium lumen videre velim? Et rectè quidem. Nam, vt ait Magnus Gregorius, ſancti viti poſtquam omnia præſentis vitæ oblectamenta deſpiciunt, præ illius lucis internæ dulcedine ab hac exteriori luce animum quali à tenebris auertunt: multumque ſecum intrinſecus contendunt, ne huius lucis, quæ fulget extrinſecus, declaratione rapiantur. Hi ſunt, qui dicunt cum Propheeta Domino, *Diem hominis non deſideraui, tu ſcis*. Hi ſunt, qui ſolam dilexerunt Sapientiam, & propoſuerunt pro luce habere illam, quoniam inextinguibile eſt lumen illius, candor eſt enim lucis æternæ, ſpecioſior ſole, & nihil inquinatum in eam incurrit. Hi ſunt, qui verum adorant Solem, quem ſi quis ſequitur, non ambulat in tenebris, ſed habebit lumen vitæ. Idcirco prima diei hora, ſtatim ac ſol materialis exortus eſt, Solem iuſtitie adorantes in ſpiritu, & veritate gratiſſimum adolent orationum incenſum, vt luce ſpiritali digni

Theodoret. lib. 1.
& 4. de cur. Græc.
affect.

Plutarch. de placitis
Philoph. lib. 2. cap. 20.

Aug. lib. 20. contra
Fauſtum.

Cyriill. Alex. li. 6.
adu. Iulianum.

Iamblic. de vita
Pythag. l. 2. c. 9.
Lactant. l. 3. c. 9.
Theodor. Studita
ſerm. 18.

Gregor. lib. 23.
moral. c. 2.

Hierem. 17. 16.

Sap. 7.

Ioann. 8. 12.

sunt illustrari. Solis enim instar Deus exoritur, ait Athanasius, illustrans uniuscuiusque animum. Non omnium autem hæc dies est, sed eorum qui peccatis mortui sunt, & vivunt Deo. Væ illis quibus obte-
nebratus est sol in ortu suo, super quos factæ sunt tenebræ palpabiles, & horribiles: *nescierunt, neque intellexerunt, in tenebris ambulant*. Et dicent in die iudicii, *Ergo erravimus à via veritatis, & Sol intelligentiæ non est ortus nobis*. Optimè Pasilius: Quemadmodum sensibile hoc lumen non omnibus similiter exoritur, sed habentibus oculos, & vigilantibus, his item qui nullo interstite impedimento prohibentur, quin frui possint claritate solis primum aduentantis: Sic & iustitiæ Sol verum lumen, quod illuminat omnem hominem venientem in hunc mundum, non omnibus suum splendorem præbet, sed his qui vivendi formulam nihil ipso indignam exigunt.

2. Satagendum est igitur, vt primitias diei pura mentis intentione offeramus Domino, vt qui ad principium diei nos pervenire fecit, sua virtute incolumes ad salutaria cuncta perducatur: ne fortè in nobis prophetica illa comminatio adimpleatur, *supercecidit ignis, & non videntur solem*. Ignis iste fumosus lucidissimum solis iubar obscurans ignis superbix est, vt explicat Augustinus, ignis concupiscentiæ, ignis iracundiæ. Quantus ignis est? Super quem ceciderit non videbit solem. Quem solem? Non istum, quem tecum vident, & pecora, & muscæ, & boni, & mali: est & aliud sol, de quo dicturi sunt illi, Sol non est ortus nobis, quia vicit illos concupiscentia carnis. Supercecidit ignis, & non videntur solem. Hunc ignem vocat Bernardus ignem alienum, quem si quis in divino sacrificio offerre præsumpserit, etiamsi patrem habeat Aaron, morietur in iniquitate sua. Porro ignis alienus, ait Absalon Abbas, est luxuria, quæ est in cubilibus, & impudicitia: ignis alienus est iracundia, quæ est in dissensionibus, & contumeliis; ignis alienus est invidia, quæ est in detractioe alienæ virtutis. Ignis alienus, inquit Ambrosius, est libido. Ignis alienus est omne incendium iniuste cupiditatis. Ignis alienus omnis ardor avaritiæ. Hoc igni nemo mundatur, sed exurit. Sacrificia verò sua alieno incendunt igni, qui Deo serviunt non ex amore, sed pro lucro externo, vt Ioannes Rusbrochius scribit rerum diuinarum contemplator eximius. De eadem re sic disserit Paulinus sanctissimus Nolæ Episcopus. Ignem mihi alienum videtur accendere, quisquis corporeæ, vel secularis alicuius cupiditatis ignem in sacratio sui cordis accendens audet appropinquare altaribus Domini, quæ non recipiunt nisi illius ignis accensionem, de quo ait; Ignem veni mittere in terram. Hic solus ignis igni resistet æterno. Sed dicis mihi. Quomodo possum hunc ignem alienum elongare à meipso, si in peccatis natus sum totus, & in peccatis concepit me mater mea? Precare Solem iustitiæ, vt oriatur in te, & præoccupet cor tuum in spiritu ardoris. Ipse venit

Athan. serm. de Sabb. & circumcissione.
Isaï. 13. 10.
Psal. 81.
Sap. 5. 6.

Basil. in Psal. 33.

Psal. 57.-

Aug. in Psal. 57.

Bernard. ser. 2. de Purific.

Absalon Abb. ser. 25. qui est 2. de Pent.
Ambr. annot. 2. in Leuit.

Rusbroch. de tabern. fæderis cap. 116.
Paulin. Ep. 29. ad Aprum.

Pfal. 28.
Isaï. 8. 10.

Rab. Maur. de in-
stit. cler. lib. 2. c. 3

Matth. 6. 33.
Exod. 13. 12.

Marc. 16. 2.
Psal. 100.

Hieron. lib. 2. in
Isaïam.
Sap. 16. 28.

A malar. lib. 4. de
diu. offic. cap. 2.

Ioan. 10. 12.
Matth. 27. 1.

Ioann. 21.

mittere ignem in terram, si hic ignis in altari cordis tui semper ardebit, alieno igni locus non erit; à facie enim Domini extinguitur. *Ps. Domini intercidentis flammam ignis. Quod si non dixeris, ait Isaïas, iuxta verbum hoc, non erit tibi matutina lux.*

3. Ideo fit Primæ horæ celebratio, vt verbis vtat Rabani Mauri, quia in exortu diei oportet vt Solem iustitiæ nobis oriri postulemus. Sic incipiente die Evangelici præcepti non surdi auditores primum quærimus regnum Dei, & iustitiam eius, vt & cætera adjiciantur nobis. Sic iuxta legem quod primò nascitur Domino consecramus. Sic cum sanctis mulieribus orto iam sole venimus ad monumentum, vt mysticis orationum vnguentis vngamus Iesum. Sic cum Rege Liricini interficimus in matutino omnes peccatores terræ: quia, vt ait Hieronymus, orto nobis Sole iustitiæ omnes statim cogitationes interficimus, quæ ad peccata nos prouocant, & de ciuitate mentis nostræ disperdimus peccatores. Sic Sapientis admonitionem libenter audimus, & efficaciter adimplemus ad ortum lucis adorantes Dominum, ne internæ dulcedinis manna exiguo solis radio calefactum tabescat. Sicut autem ouibus manè ad pascua exeuntibus necessarius est pastor, qui eas à lupis defendat: ita etiam nos, vt docet Amalarius, initio diei ad opera, & mandata Domini surgentes pastoris boni custodia indigemus, qui lupos abigat irruentes, de quibus legimus, & lupus rapit, & dispergit oves. Cæterum hora ista sancta est, qua Dominus noster illusus, consputus, & alapis cæsus Pilato propter nos ligatus astitit ad omnem contumeliam, & aduersitatem patienter sustinendam suo exemplo nos erudiens. Hac item hora post gloriosam resurrectionem in magna piscium captura, qui cum tanti essent non est scissum rete, Ecclesiæ Catholicæ propagationem præfigurauit, & veram carnis resurrectionem in piscis assis comestione euidenter ostendit. Sunt qui scripserint horam Primam celebrari in memoriam Dominicæ Resurrectionis: at omnium rectè sentientium fides est Christum ante solis exortum surrexisse.

§. IV.

De matutinis salutationibus. Prima quando fuerit instituta, & qua hora persolui debeat.

Leo ser. 7. de Nat.
Trithemius de
Script. Eccles.

1. **M**agnus Leo, quem Abbas Spanhemensis Ecclesiasticæ dictio- nis Tullium appellat, elegantissima oratione Christianos redarguit, qui manè ad nascentem solem deflexi curuatis cervicibus in honorem se splendoris orbis inclinabant: quod paganitatis quodam spiritu factum dolet sanctus Pontifex. Gentiles enim præterquam quod ipsum solem adorabant, vt iam ostensum est, credebant quoque matutinas salutationes Dijs esse gratissimas, quare primam diei horam certis ritibus ipsdem nunciabant. Didici hunc morem à Philosopho Medaurense, qui in fabula Milesia hæc habet. Inchoatæ lucis salutio-

Apuleius lib. 11.

salutationibus Religiosi primam nunciantes horam perstrepunt. Tacitus quoque ait. Orientem solem, ut in Syria mos est, Tertiani salutauere, ex nostris autem Arnobius rem indicauit his verbis. Quid sibi volunt excitationes illæ, quas canitis matutini collatis ad tibiam-vocibus? Obdormiscunt enim superi, reuereare ut ad vigiliis debeant. In hunc etiam ritum inuehitur Romanus sapiens. Vetemus salutationibus matutinis fungi, & foribus assidere templorum. Erat autem salutationis matutinæ propria illa vox *Aue*, iuxta illud Martialis,

Tacit. l. 3. hist.
Arnobius 7.
contra gentes.

Senec. ep. 95.

Martial. lib. 1. ep.
56.

Et matutinum portat ineptus Aue:

Et alibi. *Discurrissota vagus vrbe, nec vlla cathedra est,*

Cui non manè feras irrequietus Aue.

Id. lib. 4. ep. 79.

Non enim erga Deos dumtaxat, sed etiam erga homines huiusmodi salutationibus utebantur. Quo verò ritu Deos salutauerint Barnabas Briffonius in doctissimo libro Formularum luculenter ostendit. Hæc est gentium consuetudo, quam Leonis reprehensio sugillat, ne quis fortè parum lineæ mentis primæ horæ officium, aut orationis ad orientem mysteria tanti viri auctoritate sustollere conetur. Satis clarè se explicat S. Doctor, dum ait: Expergiscere ô homo, vtere creaturis quomodo vtendum est, & quicquid in eis pulchrum, atque mirabile est, refer ad laudem, & gloriam conditoris. Vtinam corda nostra veri luminis iubæ illustret. Lux pietatis veri splendor orientis est. Quantum distat à splendore solis soli huius caligo! Orandum igitur, ut mundi huius tenebras claritatis suæ radijs expellat Deus.

Briffon. de form.
lib. 1.

M E T R V M XII.

*M*agne Rex terra, nitidique cæli,
Christe, qui nutu moderaris orbem,
Mentis arcanum iubar, & paternæ
Lucis imago.

O sacrum cæli decus, & coruscis
Luminis candor sine nube fulgens,
Huc ades, puro tibi dum sacramm
Carmina voto.

Seruiunt cursu tibi concitato
Nox, dies, annus, properique menses,
Teque circumstant glomerata blandis
Astra choreis.

Huc nitens cæcis malè pulsa terris
Lux ades nulla temerata nocte,
Mythicum lumen, niteosque nobis
Annue mores.

Pax, fides tecum, pietas, & omnis

Audeat virtus remeare ab alto.

Pectus illustra, ressuatque summi

Flumen amoris.

Erudi terras meliore flamma,

Et per ignotas tibi fundat oras

Prodigus laudes populus sacratam

Pronus ad aram.

Annuos cultus, patriosque ritus

Latus antiqua renouare pompa

Indus, & Maurus, gelidique discat

Incola Ponti.

2. Porro quod spectat ad officium Primæ, nulla eius expressa mentio apud Patres Cassiano antiquiores reperitur, quicquid dicant Franciscus Turrianus vir alioquin eruditissimus in notis ad Clementem Romanum, & Marianus Victorius vir etiam emunctæ naris in scholijs ad Epistolas Diui Hieronymi. Isti enim, & alij Patres cum manè orandum esse dicunt, non de Prima, sed de Laudibus matutinis intelligi debent, quod disertè demonstrat exactissimus Scriptor Marcellus Francolinus. Tametsi autem Franciscus Suarez de huius assertionis veritate dubitare videatur, certum est tamen quod Cassianus asserit testis omni exceptione maior, Primam scilicet suo tempore in suo Bethleemitico Monasterio celebrari cœpisse, ne Monachi post Laudes vsque ad Terriam otiosi, & somnolenti iacerent in cellis, cum nulla conuenientia necessitas eos ad orationem exire compelleret. Vocat eam alteram matutinam, quam à matutinis laudibus ex eo distinguit, quod hanc tribus psalmis absolui dicit: ad laudes verò decantari ait psalmum *Laudate Dominum de cœlis* cum duobus sequentibus. Porro quinquagesimum, inquit, & sexagesimum secundum, & octogesimum nonum huic nouellæ solemnitati nouimus fuisse deputatos. Nec est quod scrupulum alicui moueat Augustinus, qui initio secundæ regulæ expressam Primæ mentionem facit: nam præter alias coniecturas satis euidentes, quas censores operum Augustini notarunt, vel ex hoc liquet falsò ei attributam hanc Regulam, quam ideò Iouanienfes Theologi inter Pseudepigrapha relegarunt. Similiter hymnus Primæ, qui criticorum animum vellicare poterit, vel non est Ambrosij, vel ab eo compositus, ut priuatim diceretur, postea publico Primæ officio aptatus fuit. Hæc de Latinis Patribus dicta sunt, nam si ad Græcorum calculos res ista reuocetur, sunt qui de Prima Chrysostomum, & Athanasium loquutos asserant. Hic enim libro de virginitate, Sol, inquit, exortens videat librum in manu tua. Ille autem in fine libri primi de orando Deum, Dic mihi, ait, qua fronte solem inuideris, nisi prius adoraueris, qui lumen illud dulcissimum oculis tuis mitrit? Sed hæc testimonia de priuata oratione intelligi possunt: Primæ autem

Turrian. ad c. 34.
lib. 8. constit. apostolicæ.

Mar. Vict. ad ep. 7.
Hier. ad Lxtam.

Francolin. cap. 14.
Suarez de relig. l. 4. cap. 5.
Cassian. lib. 3. de instit. cœnob. c. 3. 4. & 6.

officium, cui satis superque est mille & amplius annorum vetustas, statim post ortum solis perfolui debet. Patet id manifestè tum ex Cassiano, tum ex Amalario, & Hugone, tum etiam quia à prima hora diei, à prima scilicet hora post ortum solis denominatur. Cum enim diem artificialem pro celebrandis horis Canonicis in quatuor partes diuississent Antiqui, solebant in fine singularum partium singulas Canonicas preces singulis trihorijis perfoluere. Sed cum postea Primam, & Completorium pro initio, & fine diei adinuenissent, iam ex prima diei parte, quæ primam, secundam, & tertiam horam continebat, & officio Tertie assignabatur, primam horam pro officio Primæ separarunt: duodecimam pro Completorio, ut supra capite tertio explicatum est. Drogo Abbas in ipso solis exortu celebrandam esse Primam existimat: sic enim scribit. Horæ primæ laudatio à sanctis Patribus exoriente sole constituta est celebrari: quæ si aliquando tardius, vel celerius negotijs exigentibus celebretur, nobis horæ debitæ officium congruo tempore perfoluentibus, huius similiter & cæterarum statutus terminus penes eum, cui cuncta sunt præsentia, relinquitur.

Drogo Abb. tract.
de horis canonicis.

C A P V T VII.
DE TERTIA.

§. I.

Hora Tertie mysteria. Numerus Ternarius commendatur.

M E T R V M XIII.



*Vis me Numinis impetus
Sublimem vacuo librat in aëre?
Falsa ludor imagine?
An celsum volucris transilio polum?*

*Quò me nubila præpetem
Attollunt rapido turbine concitum?
Aut quis me potuit furor
Stellis inferere, & concilio Dei?
Absistant procul impij,
En præsens Deus est: Sentio spiritum.
Rupit reboat polus,
Atque æther rapidus depluit ignibus.
O vos pectora pandite,
Quos Numen populi catibus eripit.
Nil parum, aut humili modo,
Nil mortale loquar. Sed referens Deo*

X ij

*Gratus obsequij vices,
Deuentis jeriam sidera vocibus.*

1. Eleuatus est enim ab ortu sui primordio igneus solis splendor, altius processit, dilatauit radios, incaluit, & inualuit acrius ardens, efficacius illuminans, potentius influens. Nouis igitur illustrata fulgoribus fidelium Ecclesia tertia diei hora rursus laudes Deo canit, noua luce diuinæ cognitionis induitur, nouo veritatis splendore allucitur, sacrarumque precum delectabili suauitate pinguescit. Quomodo enim hac hora tacere poterit, quam tot veneranda mysteria, ipsaque Spiritus sancti gratia cœlestium charismatum sacramentis nobilitarunt? Nimirum hac hora Dominius noster ex sententia Ruperti Abbatis spinis coronatus Iudæorum vocibus crucifixus est, iuxta illud, *Filij hominum dentes eorum arma, & sagitta, & lingua eorum gladius acutus*: nam Pilato iudicante illum dimitti, firmauerunt sibi sermonem nequam pertinaciter clamando, crucifige, crucifige. Et ille quidem iniquus iudex sacrilegis Iudæorum clamoribus commotus auctorem vitæ morte turpissima condemnauit. Iesus autem cum iniquis reputatus Agnus sine macula sœuissimæ luporum rapacitati traditus est. Tum baiulans sibi crucem ad locum supplicij contumelijs, & blasphemijs laceffit peruenit: ipsoque patibulo in terra defixo immania tormentorum genera erga ipsum Dei Filium innouata sunt. Hæc verò omnia hora tertia contigisse Ignatius Martyr, & Athanasius obseruant.

2. Ipsum etiam Tertiæ nomen ex ternarij numeri significatione multa suggerit haud indigna solerti consideratione. Trias princeps imparium numerus, perfectusque censetur, nam prior initium, medium, & finem sortitur: & quia vnitatem media interueniente sectionem non recipit, vt in duo æqua diuidatur, ideò, teste Hugone, indissolubilia, & incorruptibilia designat. Monadem fabricatori Deo, diadem materiæ, triadem idæalibus formis aptarum Antiqui, ac propterea ipsa Trias mundana perfectio est. Celeberrimum est Pythagoræ dogma numerum ternarium masculinum esse, & aptissimum ad agendum. Atque hinc emanasse arbitror vulgata illa inter sapientes proloquia, Tria esse omnia, Tria in sacrificijs offerri debere, vt sic omnia in Deum conditorem referri videretur. Trina in corporibus dimensio est: Geometrici corporis prima planities tribus lineis constat, quibus trigonalis forma concluditur. Formæ, & actui ob perfectionem attribuitur Ternarius. Monas per Ternarium omnia perficit, ac definit: estque Trias vnitatis tam internæ, quam externæ secunda expressio. Pythagoras, qui primus in Italiam Philosophiam inuexit, tantum Ternario tribuit, vt omnem Deitatis rationem eo perfici affirmarit. Idem nullum numerum in se amplius duci voluit, quam trino progressionis ordine, adeò cubum in numeris velut comple-

Rupert. lib. 1. de
diu. off. cap. 3.

Trism. 56.

Ignat. ep. ad Tral-
lian.
Athanas. lib. de
Virginit.

Hugo Viât. lib. de
scriptur. cap. 15.
Maitian. Capella
lib. 7.

Aristoteles 1. de
cælo.

mentum obseruabat. Porro hunc numerum habemus à natura : est enim progressus multitudinis ab vno, & ad vnum regressus. Opifex seipso contentus summa vnitas est, in creaturas, quas produxit, diffunditur binarius, easdem ad se reuocando ternarium complet reductis omnibus in proprium finem. Vnitas perfectissima est, binarius diuidens infaustus, ternarius conuertens in Deum felicissimus. Tres sunt rerum omnium proportionem, quas Timæus vincula nominat, Musica, Arithmetica, Geometrica : his constat vniuersi pulchritudo. Quid plura ? Mundus Archetypus, adoranda scilicet, & augustissima Trinitas in simplicissima vnitate hunc numerum modo prorsus ineffabili consecrauit. Extant in sacris literis innumeri propè ternarii, quos sancti Patres ad huius mysterij notitiam applicarunt. Theologi quoque cum Magistro sententiarum imaginem, & vestigium Trinitatis in omnibus creaturis trina rerum diuersarum expressione agnoscunt, & admirantur. Adorabilis sancta Trinitas, ait Chrysostomus, in Ternario gloriam habet, & veneratur Deus Ternarii prædicationem in terra, & virtutum numerum, quod numero Sanctæ Trinitatis respondeat. Multi sunt Patriarchæ, & Deus seipsum vocat Deum Abraham, Isaac, & Iacob. Non quod non sit etiam Deus Moyſis, & aliorum, sed veneratur sicut in imagine in terrenis cœlestia. Quid dicam de mundo Angelico, cuius triplex Hierarchia, & cuiusque Hierarchiæ triplex chorus, triplex item actus purgandi, illuminandi, & perficiendi ? Quid de cœlesti, eiusque motu ? Quid de elementari ? Quid de Microcosmo, eiusque potentij, & facultatibus ? In his enim omnibus admirabilis Ternarii vis, & efficacia relucet.

3. Volunt Platonici apud Franciscum Georgium Venetum res omnes superiores Ternarii cubo, inferiores autem triplici enneade comprehendendi. Poetho Prumiensis Presbyter in libris de domo Dei inter multa, quæ de huius numeri excellentia disserit, illud præcipue subtilissima indagazione inuestigat, quomodo Ternarius ad animam pertineat. Poëtæ cum sacrificia, libamina, & lustrationes describunt, hunc numerum solent adhibere. Virgilius in Pharmaceutria.

*Terna tibi hæc primum triplici diuersa colore
Licia circumdo, terque hæc altaria circum
Effigiem duco.* & paulo post,
Necesse tribus nodis ternos Amarilli colores.

Idem in Georgicis.

*Ter liquido ardentem perfudis necesse Vestem,
Ter flamma ad summum tecti subiecta reluxit.*

Et in Æneide.

Idem ter socios pura circumluit unda

Magist. 1. Genr:

Chryſ. to. 4. hom.
in illud Apost. cum
autem si bi sta
fuerint illi omnia.

Fr. Venet. Harm:
mundi cantic. 1.
ton. 3. & 5.
Porho l. 2. & 4. de
domo Dei.

Virg. Georg. l. 4.

Æneid, lib. 6.

*Spargens rore leui, & ramo felicitis oliuæ,
Lustrauitque viros.*

Ouid. lib. 6. meta.
lib. 4. Fastorum.

Ouidius. *Terque senem flamma, ter aqua, ter sulphure lustrat,*
Idem. *Terque manu permulsit eum, tria carmina dixit,
Carmina mortali non referenda sono.*

Propter. lib. 4.
eleg. 9.

Propertius.

Terque meum tetigit sulphure, & igne caput.

Tzetzes Chiliad.
5. v. 550.
Theocrii. Idyll. 2.
Apollon. lib. 2.

Ioannes Tzetzes in historijs triplicem mortuorum conclamationem commendat ex Homero. Theocritus in Idyllijs, Apollonius in Argonauticis, & alij Poëtæ passim eodem numero vtuntur. Deficiet medies singula enarrantem, quæ ad Ternarij commendationem faciunt. Plura curioso lectori suppeditabunt Girardus Rufus in Mysticis commentationibus ad Seuerini Boethij Arithmeticam, Annibal Roscellius in Pymandrum Trismegisti, Nicolaus Cusanus de docta ignorantia, Marsilius Ficinus in Plotinum, Petrus Bongus de mysticis numerorum, Aufonius in grypho ternarij, Macrobius in somnium Scipionis, Martianus Capella libro de nuptijs Philologiæ, Nicomachus Gerasenus in Arithmetica Theologica apud Photium, Albinus Flaccus apud quem extant quidam versus Sancti Ambrosij de Ternarij mysterijs, & alij plures. Mihi non libet hæc diutius sectari, meritò enim imprudentiæ accusaret, si lucem à minutis facibus mutuarer, quando fulget splendidissimus sol.

§. II.

Hora Tertia oramus ob aduentum Spiritus sancti.

Gratia Spiritus sancti quid operetur in anima.

Isidor. de eccl. of-
fic. lib. 1. cap. 19.

1. **O**bseruat Isidorus Ecclesiasticorum rituum solerissimus indagator illud ad horæ Tertiæ illustrationem maximè facere, quod Spiritus sanctus ipsa hora tertia, hoc est suo loco, & numero, & tempore, cum sit tertia indiuiduæ Trinitatis persona, ad terras descendit impleturus gratiam, quam Christus promissit Ecclesiæ. Hæc est potissima ratio, ad quam respicientes maiores nostri horam tertiam diuinis laudibus dedicarunt. Basilii primi nominis auctor huius institutionis rationem his verbis exequitur. Tertia hora congregentur fratres ad orationem, vt admoniti doni spiritus, quod circiter hanc ipsam horam Apostolis datum fuit, vno eodemque animo cuncti illum venerentur, ab eoque petant, vt & ipsi digni sint, qui sanctificationem suscipiant, simulque vt salutaris sibi doctrinæ, & recti itineris Dux esse, & auctor velit, illum imitantes, qui dixit, *Cor mundum crea in me Domine, & spiritum rectum innoua in visceribus meis. Ne proicias me à facie tua, & Spiritum sanctum tuum ne auferas à me: Redde mihi letitiam salutaris tui, & spiritu principali confirma me.* Et alio in loco, *Spiritus tuus bonus deducet me in terram rectam;* atque ita denuò ad intermissa

Basil. in regul. fus.
disput. qu. 37.

Psalm. 50.

Psalm. 142.

opera redeatur. Ergo hæc hora onini deuotione digna tota cordis iucunditate celebrari debet, qua signis visibilibus inuisibilis spiritus manifestari dignatus est veniens super discipulos in linguis igneis, vt verba ignea loquerentur, & legem igneam, legem charitatis igneis linguis prædicarent. *Cæli distillauerunt à facie Dei Sinai, à facie Dei Israël:* & qui iam dederat filium in pretium redemptionis, dedit & Spiritum sanctum in priuilegium adoptionis. O Deum, exclamat Guericus mei ordinis Abbas sanctissimus, ô Deum, si fas est dici, prodigum sui præ desiderio hominis. An non prodigum, qui sicut proprio filio suo non pepercit, sed pro nobis omnibus tradidit illum; sic nec Spiritui sancto pepercit, vt ita loquar, sed noua, & mira largitate super omnem carnem effudit illum? Qualem vtique oportuit accepimus consolatorem vbique præsentem, protectorem omnipotentem, doctorem omnia scientem. Talem sanè exigebant miseræ nostræ, vitia nostra, errores nostri: Talem, inquam, qui vbique esset, omnia posset, omnia sciret. Talem scilicet, qui posset tot dispersos colligere, tot oppresses protegere, tot exules reuocare, tot incredulos docere, inter tot discrimina custodire.

Psalm. 67.

Gueric. serm. 1. in die Pentec.

2. Quis tanta polleat eloquentiæ laude, vt cuncta possit recensere pericula, quibus obsidetur quodammodo, & circumuallatur fidelis anima fugiens Ægyptum, vt in deserto religionis abominatio- nes Ægyptiorum offerat Deo? Persequitur eam Pharaon fugientem cum curribus, & equitibus suis: cogitant vniuersimode aduersus eam alienigenæ cum habitantibus Tyrum. Etenim Assur ille magnus exterminator Diabolus venit cum illis. Quid multa? Vtget vndique inimicus, suscitatur bellum, dimicat fortiter, insidias instruit, machinas admo- uet, ingens excidium minatur. Iam fluctuat miles hæsitabundus, iam improuiso hostium impetu conimouetur, & qui noctis excubias fideliter peregerat, qui matutinæ precis splendore perfusus, solisque nascentis caloré succensus in diei abscessu se gloriam Deo cantaturum per mundi abstinentiam promiserat, iam necessarijs externorum operum occupationibus distractus, temerarius in prosperis, timidus in aduersis, interno spiritus feruore paululum tepescente clamat cum Propheta, *Mei autem penè moti sunt pedes, penè effusi sunt gressus mei:* &, *Quis consurget mihi aduersus malignantes, aut quis stabit mecum aduersus operantes iniquitatem?* In tanto igitur discrimine constitutus præclara orationis arma assumens per viam cæli proficiscitur, portas Domini intrat in confessione, actia eius in hymnis, cumque iugenti fiducia ad thronum gloriæ accesserit, Nunc, inquit, in tanta necessitate tu sancte Spiritus periclitantium fortitudo, pereuntium salus, iustorum custodia, pugnantiam virtus, nunc promptus ingeri dignare nobis nostro refusus pectori. Adde ligna, nouam struem beneficiorum, vt

Psalm. 71.
Psalm. 93.

nouo igne succensa charitas non solum ardens in se, sed & alijs lucens bonorum operum splendore proximos accendat. Sic veniente Spiritu sancto vires resumit conscientia, fugit timor, augetur spes, & inimici nostri pacatam videntes animam. *Quæ est, inquirunt, tanta exultatio? Fugiamus Israël, venit Deus in castra, Demus pugnat pro eis contra nos.* Nimirum *refulsit sol in clypeos aureos, splenduit sancti Spiritus donum septiforme in potentij animæ, & resplenduerunt montes ab eâ per boni operis exempla, & fortitudo gentium dissipata est.* Et *Nisi quia Dominus adiunxit me, paulominus habitasset in inferno anima mea.*

3. Totum hoc negotium, eiusque seriem, & ordinem explicat elegantissimè mellifluus Scriptor, sanctique Spiritus dulcissimum organum Bernardus Veniens, inquit, Spiritus sanctus, & visitans miseram animam per septiformem gratiam suam primum infundit ei timorem, timori subinfert pietatem, vt miseriam timoris suauitas consoletur pietatis : pietati scientiam, ne à timore tristitia abundantior absorbeat, ne à pietate præsumptio vana præcipitet : scientiæ fortitudinem, scilicet contra tentationes : & vt proficiatur in bono; scientiæ, & fortitudini suffragatur consilium ; consilio intellectum addit, vt iam in interiori cordis sui legat per se non solum quæ consulant homines, sed etiam quæ sit voluntas Dei bona, & beneplacens, & perfecta : intellectui sapientiam, vt quod hætenus didicerat iam ei transeat in affectum, vt per semetipsam ex gratia Dei sapiat, & sapidum ei fiat, & dulce quicquid hætenus durum videbatur, & intolerabile. Hanc doctrinam de donis Spiritus sancti effudit in nos abundè sanctus Pater de plenitudine sua verbum bonum eructans. Illud autem obseruandum est non omnibus eundem spiritum infundi, diuisiones enim gratiarum sunt, & spiritus vbi vult spirat. Et quidem incipientibus seruire Deo dulcedo quædam interna concedi solet, quatenus possit eorum mens, vt Sanctus Diadochus Photicensis Episcopus admonet, sanctorum laborum præmium quantum futurum sit apertè cognoscere. Nam tenui spiritus aura afflati, & quodam quasi coruscamine transeuntis scintillulæ tacti exultant, & feruent amore ; sed nondum plena charitas eis inest, nondum iuxta fluent, & plenitudines residere dicuntur, ait Philo Carpathiorum Antistes, vt possint arcana scripturarum rimari, & ea Christiano populo ad salutem impartiri. Alij autem imperfectiores, & iam in Dei seruitio prouecti spiritu replentur, cuius vbertate potati bulliunt, exundant, erumpunt, fructificant, signa innouant, inmutant mirabilia, nec vllum vanitatis periculum illis subest, quos plenissima charitas omnimodis occupauit.

1. Reg. 4.

1. Machab. 6. 39.

Psal. 93.

Bern. ser. 1. de
pugna spirituali,
si tamen ipse au-
ditor illius est.

Diadoch. de per-
fect. cap. 90.

Philo comment.
in Cantic. cap. 5.
v. 12.

§. III.

Quid sit portare spiritum, & vivere in spiritu. Oratio ad Spiritum sanctum. Cur hac Hora aurea, & sacra nuncupetur.

CUM dixisset Apostolus corpora nostra templum esse Spiritus Sancti, ita capitulum luculenta veritate conclusit, *Glorificate, & portate Deum in corpore vestro.* Ergo, inquit Paschasius in fine librorum de Spiritu sancto, qui Spiritu sancto studiosè puritatis templum præparat in corde, per castitatem, & mortificationem carnis Deum portat in corpore, quia eum necesse est corporaliter portare, à quo spiritualiter possidemur. Hoc Sacramentum magnum est in horæ Tertie precibus sedulò recolendum, ut hac hora, qua Spiritus sancti gratia olim in Apostolos diffusa est, talem nos vitam instituire proponamus, qualem exigit ipse Spiritus fons puritatis, gratiarum thesaurus, discretor cognitionum, qui scrutatur profunda cordium, qui mentis intentionem discernit, qui nec minimam cuiuspiam imperfectionis paleam in cordis habitaculo residere permittit, quam non statim subtilissimæ circumspeditionis flamma comburat. Felix anima, quæcunque illa est, quæ abundans in spe, & virtute Spiritus sancti facta carnis spiritu mortificat, & sollicitè ambulans cum Deo suo mandata eius efficaciter complet. Felix anima; cui bonum est adherere Deo, ita ut dicere possit: ego in Deo, & Deus in me est, & unus spiritus sumus, quoniam *qui adheret Deo unus spiritus est.* Hoc est in carne spiritum esse, hoc est esse spiritum in spiritu, imò spiritum sine spiritu, sicut Richardus Victorinus ostendit his verbis. An fortè hoc est spiritum in spiritu esse, semetipsum intra semetipsum totum colligere, & ea quæ circa carnem, seu etiam in carne geruntur interim penitus ignorare? An etiam spiritum sine spiritu esse, est semetipsum extra semetipsum, & supra semetipsum totum effundere, & quæ sub ipso, vel in ipso fiunt omnino interim ignorare, & in illud diuinitatis arcanum totum intrare? Sanè *Qui adheret Deo unus spiritus est*, & psallere potest qui est huiusmodi, *Defecit in salutare tuum anima mea.* Sed hæc sublimioris literaturæ lineamenta alibi accuratius exprimere in animo est, si ipse spiritus adiuuet infirmitatem meam. Alioquin fœcordia depressus est ad Deum, qui iustus est, ipse non iustus, & mundi adhuc simulachra circumferens erigi non potero: & peccatorum sarcina grauatus ad terram allidat. *In hoc scimus*, ait Ioannes Apostolus, *quoniam in Christo manemus, quia de spiritu eius accepimus.*

2. Atque utinam mihi pars sit in sermone isto, ut in Christo manens de spiritu eius accipiam, quia nemo nisi in spiritu Deiloquens dignus potest illius laudator inueniri. Utinam tangat idem spiritus cor meum dulcedine præsentiae suæ, & spiritum rectum innouet in visceribus meis, quia scriptum est, *Reffos decet collaudatio.* O ardor

1. ad Cor. 6. 19.
Paschas. libro 2.
cap. 11.

Richard. lib. 5. de
contempl. c. 12.

1. Ioan. 5.

Psalm. 32.

salutaris, Deus amor, Spiritus paraclete, te nunc appello, te nunc obtestor, qui felicissimo incendio orbem terrarum hac hora succendisti. A quatuor ventis cæli veni Spiritus, veni è patria felicitatis, & beatum illum amoris ignem, quem olim terris inspirasti, vitali tuo illo lapsu euentila semper, vt crescat, & viuat. Emitte de thesauris tuis pretiosum imbrem septemplex gratiæ, cuius suauis dulcore infirmitatis meæ salugo mitigetur. Vni cor credentium tibi, vt vnum sint, vnum sapiant, te vnum laudent, & requirant, qui Patri, & Filio coequalis ab vtroque procedis viuens ambos, vt potè amatorum indiuidua connexio, vnificum gluten, complexus indissolubilis, & pax exuperans omuem sensum. Ex innumero illo ignearum linguarum numero, quas hac hora in discipulos effudisti, non ceutum linguas iuani Poëtarum voto, sed vnam dumtaxat exopto, quam si mereret accipere, dicerem vtrique & ego. *Dominus dedit mihi linguam mercedem meam, & in ipsa laudabo eum:* dicerem & illud, *Dominus dedit mihi linguam eruditam, vt sciam sustentare eum, qui lapsus est verbo. Et de excelso misit ignem in ossibus meis, & erudiuit me.* Quod si nemo potest dicere, Dominus IESVS, nisi in Spiritu sancto: stultum profecto esset sine eiusdem Spiritus assistentia eius laudibus incumbere, qui maior est omni laude.

M E T R V M XIV.

Accelerat cursum Titan, iam tertia magni
 Pars est exalta dici.
*Cum subito ingenti reboat nemus omne tumultu,
 Tellus concussa tremiscit.
 Nubila terrifico quatiantur pulsa fragore,
 Tonat alti regia cæli.
 Perque leuem rutilæ discurrent aëra flammæ,
 Tremulis micat aura fauillis.
 Quæ noua tempestas? miseris an fulmina terris
 Displodit Numinis ira?
 Quæ flamma hæc? varias efformat acumine linguas;
 Pectusque incendit amore.
 Scilicet hic Amor est, proprios effusus in ignes,
 Placido qui fulminat ictu.
 Pandite, mortales, penetralia pandite cordis,
 Deus ecce illabitur orbi.
 Iam noua lux menti patefacto aspirat olympo,
 Iam sacris ardeo flammis.
 Aduentum testata Dei iam feruida totum
 Spirant præcordia Numen.
 Iam mea sublimi miscentur gaudia cælo.
 Votis iam sidera tango.*

Eccl. 51. 30.

Isaï. 50. 4.

Thren. 1. 13.

1. ad Cor. 12. 3.

*O Deus, & Patris, Natiq; è Numine Numen.
Diuini spiritus oris.*

*Amborum communis amor, pax, vnio, nexu,
Bonitas, & flamma perennis.*

*O dator, & donum, diuumque aterna potestas,
Mundum qui flamine complēs.*

*Influe cœlestis septena charismata doni,
Lumenque infunde supernum.*

*Atque mea æternus præcordia concremet ignis,
Penetret tua flamma medullas.*

*Nam nisi ab igne Deo non debet cordis in ara
Comburi victima amoris.*

3. Durantus Tholosanus Præfēs horam Tertiam auream ab Italis appellari asseuerat. In iure etiam Canonico sacra nuncupatur, hac enim hora sacra Missarum splemnia festiuis diebus iuxta Ecclesiasticas sanctiones ex decreto Telephori Papæ solemniter celebrantur. Festiuis inquam diebus, non omni die, vt volunt Græci, quos Humbertus Sylux Candidæ Episcopus impugnat in responsione contra Nicetam. Narrat Ioannes Moschus in prato spiritali cuiusdam villæ incolas accusasse Presbyterum, quod nunc hora tertia, nunc hora nona Missam die Dominico celebraret non seruans legitimum ordinem sanctæ oblationis. Antiqua enim Ecclesiæ consuetudo horam Tertiam, quæ, vt ait Rupertus Abbas, cæteris illustrior est, Missis celebrandis ob honorem sancti Spiritus destinauit. Consigno hoc caput insigni Bernardi sententia, vt prompti semper, & alacres in diuinis laudibus inueniamur. Nihil ita propriè quemdam in terris repræsentat cœlestis habitationis statum, sicut alacritas laudantium Deum.

Durant. lib. 3. de ritib. Eccl. cap. 8. Distinct. 44. c. 6. n. De consec. d. 1. c. Noctæ sancta.

Pratum spirituale, cap. 27.


Rupert. lib. 10. de diu. off. cap. 18. Bern. serm. 11. in

C A P V T VIII.

D E S E X T A.

§. I.

*Diuina maiestas in sole præcipuè elucet. Solis, & Dei
comparatio ex sanctis Patribus.*

1.  *Ol in aspectu annuntians in exitu, vas admirabile, opus excelsi. In meridiano exurit terram, & in conspectu ardoris eius quis poterit sustinere? Fornacem custodiens in operibus ardoris: tripliciter sol exurens montes, radios igneos exuffans, & resurgens radiis suis obæcat oculos. Magnus Dominus qui fecit illum, & in sermonibus eius festinauit iter. Libet enim ab hoc solis encomio sextæ horæ tractationem ordiri, vt quæ meridiano æstu feruente celebratur, æterni solis maiestatem aptissimo nobis symbolo repræ-*

Eccl. 4. 2.

Dionys. cap. 4. de
diu. nominib.

Nazianz. orat. 21.

Thalass. sentent. 2.

Mar. Victorin. lib.
4. adu. Arium.

Aug. tom. 7. l. b. 1.
Soliloq. de cogn.
Dei, & animæ, c. 8.
Facundus lib. 1. c.
4. Aug. 10. ser. 10.
1. de verb. Apost.

Athanas. in quæst.
variis q. 4.

sentent. Solem vocat Dionysius clarissimam imaginem diuinæ bonitatis: Sicut enim ille visibilis creaturæ vnicus Princeps quasi quidam naturæ oculus vniuersum condecorat, temporum vicissitudines distinguit, luce & influxu vitam mortalibus administrat: ita Deus omnium causa, initium, & vita attingit à fine vsque ad finem fortiter, omnia penetrat, omnia temperat, omnia continet, omnia viuificat. Dempsit soli materiam Auerroës, subtrahamus eidem & quantitatem, adeò vt lumen solum supersit mirifica virtute refertum, nulla figura definitum, & in immensum spatium circumquaque diffusum, ita tunc excedens intelligentiam, sicut nunc aciem oculorum exuperat. Hac fermè ratione Deum pro viribus ex sole cognouisse videbimur, qui posuit in ipso tabernaculum suum. Appositè ad hæc Theologorum Phoenix Nazianzenus. Quod sensibilibus rebus est sol noster, hoc intelligibilibus est Deus. Ille mundum hunc aspectabilem collustrat, hic inuisibilem. Ille corporis oculos ita afficit, vt lumen ipsius intueri possint: hic mentes Deiformes reddit. Ille corporeis rebus oculorum acie præditis, & ijs quæ in aspectum cadunt hanc vim tribuit, vt & illa videre, & hæc visu percipi possint; ipse tamen omnia, quæ oculis subiecta sunt, pulchritudine antecellit: hic eodem modo cum tam ijs, quæ intelligentia vtuntur, quam quæ mente, & intellectu comprehenduntur hoc afferat, vt & illa intelligant, & hæc intelligentia percipiantur; ipse tamen intelligibilium omnium summus est, in quo desiderium omne consistit, ac defigitur, nec supra eum mens vlla feri potest, quantumvis Philosophica, altissimè tendens, ac summè curiosa. Hæc Gregorius. Cui concinens Thalassius Monachus ait, Quod est lux videntibus, & visis, hoc est Deus intelligentibus, & intellectis. Sicut autem sol omnia collustrat, ita Deus sedere dicitur quasi in centro τῆς κοίτης ὕψους, vt Marius Victorinus loquitur, vnde vniuersali oculo id est lumine substantiæ suæ omnia videt. Hanc verò Dei cum sole analogiam alij Patres quam plurimi, & Doctores grauissimi variis paradigmatis expresserunt. Non sit molestum sub hoc vmbraculo aliquantulum requiescere, meridies est. Et primò quidem audiamus Augustinum sapientissimum, atque clarissimum Ecclesiarum Christi magistrum, vt eum vocat Facundus Hermianensis. In hoc sole, inquit, tria quædam licet animaduertere, quod est, quod fulget, quod illuminat: ita in secretissimo Deo, quem vis intelligere, tria quædam sunt, quod est, quod intelligitur, quod cætera facit intelligi. Idem alibi. In sole tria sunt, & separari omnino non possunt, cursus, splendor, & calor. Videmus enim solem in cælo currentem, fulgentem, calentem. Quomodo autem Diuinitas à semetipsa discernitur, cum lucis splendor, aut solis calor nullatenus separentur? Diuide si potes solem, & tunc demum diuide Trinitatem. Disertissimè explicat hanc eandem sententiam Athanasius,

Sol est vnus, & sunt in eo tres substantiæ, orbis, radius, & lux. Orbis est receptaculum æstus, radius repercutitur ad terram, lumen etiam in vmbrosis locis sine radio lucet. Sic etiam cogita de Deo. Deus est vnus, personæ autem vnus Dei tres, Pater, & Filius, & Spiritus sanctus. Typus Patris est orbis solaris, typus Filij radius, typus Spiritus sancti est lumen solis. Sequitur diffusè vim comparisonis exprimere. Ipsum lege Theologe, nam aliis quædam sunt æquiori lance examinanda, vt cum dicit tres personas non segregari à se inuicem: quod intelligendum est in ratione essentiæ, & Deitatis, quæ vna est, & eadem in tribus: etenim personæ in ratione substantiæ relatiuæ à se inuicem realiter distinguuntur.

2. Eodem solis exemplo ad indiuiduæ Trinitatis mysterium explicandum vtuntur Cyrillus Alexandrinus, & Eustachius Bonauentura. Rursum Athanasius. Sicut sol non sordescit attactu terrenorum corporum, ita nec Verbum Dei, cum in corpore innoresceret, inde maculas in se corruabat. Vtque etiam demus, addit Anastasius Sinaita, solem nonnihil fœtoris colligere ex istis corporibus, non continuo sequetur Deum contrahere vel tantillum contagij. Hilarius Pictauensis Episcopus: Solem videmus in quadam cœli parte, prout ei cursus est, demorantem, & certè vbique protenditur, vbique adest; sed si in clausas domorum fenestras incidat, lumen quidem illius præsto est, sed ipsa sibi lucem eius, quæ obserata sunt, denegabunt: ita nos in omnibus vitæ nostræ operibus circumspecti, & ad Deum patentes esse debemus. Rationalis enim oculus, ait primus Venetorum Patriarcha, eandem similitudinem fusius pertractans, spiritua-
lis lucis nequaquam est capax, nisi per liberi consensum arbitrij se offerat, seque subiiciat. Irenæus Martyr antiquissimus Scriptor: Quem admodum sol iis, qui propter aliquam infirmitatem oculorum non possunt contemplari lumen eius, lucem non præstat: ita & Deus infidelium mentes excæcauit, vt eis non fulgeat illuminatio Euangelij gloriæ Christi.

3. Caterum sicut sol omnibus æqualiter nascitur, & super omnes pari, & æquali luce diffunditur; ita, teste Cypriano, Christus Sol, & dies verus in Ecclesia sua lumen vitæ æternæ pari æqualitate largitur. Sed, quod Fulgentius Ruspensis Episcopus aduertit, diuina gratia ipsum solem materialem imitatur. Hic idem permanens aliter à faucibus, aliter à sanis oculis videtur: gratia etiam aliter benè dispositis, aliter aliis infunditur. Quæ diuersitas in sola diuersitate sanitatis, vel infirmitatis bonæ, vel prauæ dispositionis consistit. Ad hæc Bernardus; Sicut sol, inquit, non omnes, quibus lucet, etiam calefacit: sic Deus, qui vera sapientia est, multos quos docet quid sit faciendum, non continuo etiam accendit ad faciendum. Aliud est multas diuitias scire, aliud & possidere: nec notitia diuitem facit,

Z iij

Cyrril. Alex. lib. 6. thesauri c. 1. & in dialog. de Trinit. lib. 2.

Bonau. in lumin. Eccl. ser. 10. & 21. Athan. de incar-nat.

Anastaf. de rectis fidei dogm. lib. 2. in fin. Hilari. in Ps. 118. v. 191.

Laur. Iustin. de humilit. cap. 4. Iren. lib. 4. cap. 48.

Cyprian. l. 4. Ep. 7. Fulgen. lib. 2. ad Monimum.

Bern. serm. 23. in Cant.

Olympiod. in Ec-
cles. cap. 11.

Ficin. Epist. lib. 6.
& in Dionys. c. 4.

Iustin. in expof.
fidei.

Theoph. ad Auto-
lyc. lib. 1.

Clem. Alex. orat.
ad Græc.

Io. Damasc. or. de
Transfigur.

Marc. Eremita l.
de Baptismo.

Beda tom 2 l. de
substantiis.

Thom. Cisterc. l.
9. in Cantico.

Simeon Theol. in
moralibus c. 115.

& 126.

Amos 8. 9.

sed possessio. De eadem re sic scribit Olympiodorus. Sicut qui so-
lem hunc sensibilem vident, per ipsius lumen visibilia intuentur, at-
que ita sensus ipsos variis officiis intendunt: qui verò solem non vi-
dent, in tenebris desident otiosi, eo quod non videant, quæ solis lu-
mine illustantur: ita pari ratione & qui intelligibilem contuentur
Solem, lumen in mente sua recipiunt, per quod planè vident, atque
cognoscunt quæ ad eiusdem Solis voluntatem sibi agenda sunt, quæ-
uè etiam dimittenda. Marsilius Ficinus nulli Platoniorum secundus
Orphicam solis cum Deo comparisonem in Epistolis eleganter exe-
quitur, itemque libro de Sole, & in Commentarijs ad Dionysium
de Diuinis Nominibus. Idem argumentum copiosissimè tractant Iu-
stinus Martyr, Theophilus Antiochenus, Clemens Alexandrinus,
Ioannes Damascenus, Marcus Eremita, Venetabilis Beda, Thomas
Cisterciensis, & alij. Verum enimverò in multis similis, in plerisque
dissimilis iustitiæ Soli sol creatus repetitur. Ideò solis, & Dei simili-
tudinem non omnino aptobate videtur Gregorius Nazianzenus
oratione quinta de Theologia. Non est exacta finiti, & infiniti simili-
tudo. Vrit sol, capiti nocet, & sponfam olim decolorauit, vmbis of-
fuscatur, Lunæ obiectione deficit, diei ac noctis alternatione varia-
tur. At Deus lumen est indeficiens, nulla apud eum transmutatio,
nulla vicissitudinis obumbratio. Concinnè Simeon Theologus. Sen-
sibilis sol videtur, non videt: intellectualis videtur ab his qui digni
sunt, & omnes videt, magis autem eos qui ipsum vident. Sensibi-
lis non loquitur, nec cuiquam loqui donat: intellectualis & loquitur
cum amicis suis, & dat omnibus vt loquantur. Ille oritur, & occidit:
hic in iustis nunquam occidit; nam de impiis scriptum est, *Occidet
eis Sol in meridie*, Vtinam Sol verus qui nescit occasum illuminet
luce perpetua corda nostra, & intelligentias nostras, vt in claritate
eius iugiter ambulemus sine offensione.

METRV M XV.

O Poli Princeps radiare Titan,
Naturæ eximium decus,
Cuncta qui vultus rapidis quadrigis
Cæli è vertice conspicias.
Te parens vatum fidibus canoris
Psallit Meonius senex.
Te genus Diuum Rhodopes sub antro
Orpheus Threicius canit.
Et tuas mendax veneratur aras
Cultu Græcia supplici.
Attamen cæcos pelagi recessus,
Et terræ intima viscera,

*Haud potes clara penetrare luce,
Vel tristes Erebi specus.
Sed celer cursu superagrans citato
Pronas Zodiaci vias,
Lucidis nascens radiis coruscas,
Et noctem reuebis cadens.
Fulgida verò dominator æthere,
Mundi maximus arbiter,
Intimas rerum penetrans latebras,
Et vastos animi sinus,
Vnico mentis speculatur ictu
Quicquid subiacet ætheri.
Nec potest terra prohibere moles,
Aut nox, atraque nubila:
Quin sciat quicquid spatiosus amplo
Orbis continet ambitu.
Verus hic ergo celebrandus est sol,
Qui solus videt omnia.*

§. II.

*Effectus solis in meridie quomodo impijs, & iustis conueniant.
Quid sit meridies. Affectus Sponsæ quærentis ubi pascat, ubi
cubet Sponsus. Cur meridie oremus. Mediocritas laudatur.*

1. SOL itaque aureo suo iubare rutilans Dei gloriam annuntiat, dum oritur: cuius formositatem declarans Beatus Dauid inquit, *Et ipse tanquam sponsus procedens de thalamo suo.* At in meridiano quasi succensa fornax exurens terram, igneosque radios exufflans nonne immensam, & inaccessibilem diuini luminis claritatem euidētissimè demonstrat? Sanè *Deus noster ignis consumens est*, fornacem custodiens in operibus ardoris, quia sceleratis supplicia præparat gehennæ: tripliciter exurens montes, quia superbos ob elatas cogitationes, ob tumentia verba, ob sacrilegas operationes æternis ignibus castigat. Radiis suis obæcat oculos, quia doctrina sua impiorum mentes obtenebrat, ut videntes non videant, & audientes non intelligant; & qui in sordibus sunt, sordescant adhuc. Cumque audire noluerint dicentem, *Ambulate dum lucem habetis*, dicent postea cum Propheta, *Impegimus meridie quasi in tenebris, multiplicatae sunt iniquitates nostræ.* De quibus dixit Iob, *Per diem incurrent tenebras, & quasi nocte sic palpabunt in meridie.* At in extrema discussionis die fiet quod sequitur, *In conspectu ardoris eius quis poterit sustinere? Quis poterit cogitare diem aduentus eius? Quis poterit habitare cum ardoribus sempiternis?* Hæc de impijs, nam iustorum alia est ratio. Hos tripliciter exurit, quia cor eorum igne pœnitentiæ per contritionem, confessionem, & satisfactionem

Psalm. 18.

Deuter. 4. 24.

Isai. 60. 10.
Luc 8. 10.
Apoc. 12. 11.
Ioan. 12. 35.
Isai. 59. 10. 12.
Iob. 5. 14.
Malach. 3. 2.
Isai. 33. 14.

emundat : sanctæ Trinitatis cognitione illustrat ; fide, spe, & charitate corroborat. Igneis doctrinæ radiis mentes illorum succendit, & inextinguibili amoris incendio omnino liquefacit, & renouat, efficitque diuinæ naturæ consortes. Hinc illæ mentis elevationes, suspensiones mysticæ, spirituales ebrietates : hinc vniones, raptus, extases : hinc illæ voces, *Anima mea liquefacta est, vt dilectus loquutus est : ego dilecto meo, & ad me conuersio eius : Falcite me floribus, stipate me malis, quia amore languo.* Sextam igitur horam colimus, & solenni precum recitatione obseruamus, vt dum sol in augere comburit terram, sol etiam mysticus incalescat super nos, & feruentissimo suæ dilectionis ardore corda nostra succendat, & in eis requiescat. Quia enim sponsus, ait Philippus Abbas, amari desiderat, amor autem ignis est, quos amore conspicit accendi, & ardere, in his tanquam in lectulo quietis gratia vult iacere. Et propter hoc nonnisi in meridie cubare perhibetur, cum sol cælo vicinior à terra longius remouetur : cum solito feruentior emittit radios puriores, cum maiori torret incendio campos ætheris largiores. Nam sicut hostis nequam, auctor mali, princeps perditæ Babylonis profundas noctis tenebras, & frigus diligit Aquilonis : Sic sponsus qui Deus est, lux indeficiens, ardens ignis, gratam sui præsentiam longè faciens à dissimilibus, & indignis, in his cubat, & repausat, quos diuini amoris face ignea sentit vri, qui ad perfectum diem, & feruentem meridiem sunt euecti, vnus cum Deo spiritus solo carnis adhuc contubernio non perfecti. Hæc Philippus, cuius sententiæ aliam similem adiungo S. Iusti Vrgelitani. Christus, ait, in Ecclesia Catholica tanquam in meridie cubans mundum vniuersum suo fulgore perfundit, & in spiritu feruentibus requiescit : atque ex ea charitate, qua orbem vniuersum irradiat, credentes in se populos quotidie pascit.

2. Ideò sponsa locum sibi postulat indicari, vbi pascat, vbi cubet sponsus in meridie. Iam nox præcessit, iam dies appropinquauit, iam resulsit aurora, nunc meridianum instat tempus, tempus lucis splendidioris, tempus in quo beneplacitum est Deo inueniri in eo. Porro merides tempus est gratiæ, ait Abbas Tuitentis. Meridies magnum feruorem, magnumque splendorem significat, ait Augustinus. Meridies splendor est diuinæ maiestatis, ait Origenes. Feruor meridiani solis, inquit Beda, consuevit in Scripturis ardorem dilectionis, & illustrationem Spiritus sancti significare. Propterea Manichæi meridianam partem malo tribuebant, vt refert Titus Bostrorum Episcopus, quia luce & charitate carebant. Meridies, inquit Ambrosius, præsentem sæculi Ecclesia est, vbi iustitia splendet, vbi fulget iudicium sicut meridies, vbi vmbra non cernitur. Meridies, inquit Aponius, mundi renunciatio est, & perfecta rerum tetrenarum abnegatio. Meridies, ait Thomas Cisterciensis, est claritas contemplatiuorum, qui

Cant. 5.6.

Ibid. 7. 10.

Ibid. 2. 8.

Philipp. Abb. in
Cant. l. 1. c. 25.Iustus Vrgelitan.
comm. in Cant.
c. 1.Rüper. Abb. com.
in Abdiam.
Aug. serm. 50. de
verb. Dom.
Origen. hom. 1. in
Cant.
Beda 10. 8 lib. de
templ. Sal. c. 20.
Titus Bostr. l. 1.
adu. Manichæos.
Amb. 4. exa. c. 5.
Apon. initio l. 2. in
Cant.
Thom. Cisterc. l.
2. com. in Cant.

qui adhuc laborant in hac peregrinatione. Tandem meridies est visio beatifica, vt testatur Bernardus, quæ est electorum perpetua merces. In hoc meridie, ait Laurentius Iustinianus, cognoscitur in Verbo Pater, in Genitote Filius, & ab utroque emanatio, processio, & amplexus, in tribus videlicet personis vna substantia, vna Deitas, par gloria, æqualis potestas, & indivisibilis vnitas; Pater, Verbum, & Spiritus sanctus, vnus Deus sine initio, æternus, immensus, beatus. O verè meridies, plenitudo fetuoris, & lucis, solis statio, umbrarum exterminatio! O perenne solstitium, quando iam non inclinabitur dies, & nox absorpta erit in victoria! Non quæro alia tempora, dulcissime sponse, vnica requies, & solatium animæ meæ, non quæto alia tempora, quando in vespere, quando diluculo, quando in solis pascis occubitu: illud tempus inquirō, quando plena luce in tuæ maiestatis splendore versaris. Illum opto meridiem, in quo nullæ sunt tenebræ; illum scilicet meridiem, quem optabat qui dicebat, *Domine dilexi decorem domus tuæ, & locum habitationis gloriæ tuæ.* Hunc locum, hunc meridiem indica mihi, suauissime sponse, quem diligit anima mea: vt quemadmodum Iacob adhuc in corpore manens vidit Dominum facie ad faciem, & salua facta est anima eius: vel certè sicut Moyses vidit eum non per figuras, & ænigmata, seu per somnia, vt Prophetæ alij; sed modo planè præcellenti, atque inexterperto cæteris, sibi noto, & Deo: vel sicut Isaias reuelatis oculis cordis vidit eum super solium excelsum, & eleuatum: vel etiam quomodo Paulus raptus in Paradisum audiuit verba ineffabilia, & Dominum suum IESVM CHRISTVM vidit oculis suis: ita ego quoque in lumine tuo, & in decore tuo per mentis excessum re merear contemplari pascentem vberius, quiescentem securius. Nam & hic pascis, sed non in saturitate. Nec cubare licet, sed stare, & vigilare oportet propter timores nocturnos. Heu nec clara lux, nec plena refectio, nec mansio tuta, & ideo *indica mihi: vbi pascis, vbi cubes in meridie.* Quando adimplebis me lætitia cum vultu tuo? Vultus tuus meridies est, vultum tuum Domine requiro. Quando exultabo in conspectu tuo, & delectabor in lætitia? Quando licebit mihi cum sponsa dicere, *Inveni quem diligit anima mea, & sub vmbra illius, quem desideraueram, sedi?* Sub vmbra scilicet illa, qua se protegi postulabat David, ne per diem à sole combureretur, vel à Luna per noctem. Sub illa, inquam, vmbra, quam spiritualis ministrat gratia tortida sæculi huius, & mundi æstiva fugientibus. Sub hac vmbra calor concupiscentiæ refrigerium, ventus elationis obstaculum habet, infirmitas remedium, mœror solatium, omne vitium temperamentum. Sub hac vmbra securus quiescam, donec aspiter dies, & inclinentur umbræ, donec indices mihi vbi pascas, vbi cubes in meridie.

Bernard. ser. 33. in Cant.

Laur. Iustin. de humilit. c. 24.

Psal. 15.

Genes. 32. 3.

Num. 22. 7.

Isai. 6. 1.

2. ad Cor. 12. 2.

Cant. 1. 6.

Cant. 3. 4.
Ibid. 2. 3

METRUM XVI.

TE semel ut possim, mea lux, mea vita, videre,
 Quot mihi sunt sylva, quot penetranda ingra
 Nec tamen vlla tui misera spes certa videndi,
 Vlla nec alloqui spes mihi certa datur.
 Ab! dixi, vacuo dum te perquiro cubili,
 Cur fugis è nostro, transfuga sponse, toro,
 Dumque iterum vicos, iterumque requiro plateas,
 Perditur, heu? dixi, sicine sponse lates?
 Sicine inaccessos te frustra quero per agros,
 Per ingra montania non adeunda feris?
 Quae te lustra tegunt? quae te, mea vita, latebra,
 Quae loca, quae sylva, quae tenet atra specus?
 Cur fugis, ut saevo procul hostis ab hoste recedit,
 Quae tua potuit causa fuisse fugae?
 Credideram fictamque fugam, fictumque recessum,
 Iram namque docet fingere cautus amor.
 At geritur, video, res seria: saepe reuertar
 Dixisti fugiens, attamen usque lates,
 Usque lates, nec te mea multa pericula tangunt,
 Nec saltem ostendis quo teneare loco.
 Aspice, iam medius flagrantibus aestuat boris
 Phœbus, et infesto feruet ab igne caput.
 Quis tibi, quis tantis nunc præbet in aestibus umbram?
 Ab! caue ne teneros vras arena pedes.
 Sponse caue aestiuo ne fortè calore liqueas,
 Ne te ardens medio Phœbus ab axe cremet.
 O ego si scirem iaceas quo cessite languens,
 Umbrosi nemoris fungerer ipsa vice.
 Exciperem obiecto feruentem corpore solem.
 Teque meis tegerem, sponse reperte, comis.
 Ergo ostende precor, mea spes, mea sola voluptas,
 Quae regio inuideat te mihi, quodue nemus,
 Nulli te quærens parcam, dilecte, labori,
 Exul in extremo sis licet orbe vagus.
 Iamque ego te agnoscens collo dabo brachia circum,
 Et pedibus ponam mollia vincla tuis.
 Sed quid ago? moriar currens, languensque per agros,
 Lassa etenim nequeo te fugitiue sequi.
 Ergo ostende precor, mea spes, mea vita, meum cor,
 Quae regio inuideat te mihi, quisue locus.
 Siste gradum, tantique semel miserere laboris
 Iam potes in pænis mitior esse meis.

*Aspice, iam medio sol altior astitit orbe,
Herbiferamque vrens aestus huiuscat humum.
Iam pastor valles, umbrasque animalia querunt,
Inque acri tellus viuit anhelat rogo.
In ramis volucres languent, Neptunus in undis,
Istaque caelesti cuncta calore cadunt,
Huc igitur, mea vita, veni: protectus ab aestu
Istic eris, ad solitos sponse recurre lares.
Est in dotali mihi commoda villula campo,
Vere ubi perpetuo florida ridet humus.
Hic antrum ingens est, conuexo tegmine densum,
Frigida ubi ardentes submouet umbra rogos.
Inscius aestatis locus est, cumque altior est sol,
Incipit hic modica luce rubere dies.
Nec desunt gelidi fontes, riuique loquaces,
Murmure quos somnum conciliare queant.
Abdita quis etiam tacito spelunca recessu
Calabit nostras, o mea vita, facies.
Nullus erit, placidos qui turbet acerbus amores,
Oscula, nullus erit, qui prohibere queat,
Huc mea lux, propera, procul urbibus, atque tumultu,
Optata ut possim sola quiete frui.
Aspice, stelligerum multo tibi flore paratur
Sponse iter, & tremulo te vocat aura sono.
Ergo age, iam propera, qui causa mei tormenti
Solus es, ab! tantas, spes mea, rumpe moras,
Rumpe moras, alioquin languens, istaque flammis
Sponse tuis, sine te deficiens moriar.*

3. Meridie autem oramus, quia Christus Saluator noster semper medio est oblectatus. Nam ut salutem operaretur in medio terræ, media nocte natus est in medio duorum animalium, & adhuc puer in medio Doctorum disputauit. Cum vitæ autem, atque virtutum iam perfecta suscepisset incrementa, sua volens impartiri charismata, dicebat, *Ego sum in medio vestri, sicut qui ministrat*. Affixus cruci in medio latronum, futuro præludens iudicio, bonum ad dexteram, malum habuit ad sinistram. Post triumphalem resurrectionem stans in medio discipulorum pacis suæ pignore ditauit illos. In regno autem suo visus est à Ioanne in medio throni, in medio quatuor animalium, in medio seniorum. Nos etiam inter medios Cleeros, medioque die, in medio Ecclesiæ laudem dicimus illi, ut doceat nos medium in omnibus tenere, dictumque illud sapientum in medio cordis nostri exculpere dignetur, ut ne quid nimis. Adagium celeberrimū est apud Ioannem Tzetzem, Dimidiū plus toto: nihil est enim

Luc. 11. 27.

Io. Tzetzes Chilad. 7. v. 235.

Aa ij

Seneca in Oepid.
aCl. 1.

Bern de consider.
lib. 2. c. 10.

Galen, de Sanit.
tuenda l. 1. c. 8.
circa finem.
Col mel. lib. 1.
cap. 3.
Pythag. in carmi-
nibus aureis. v. 38.

aurea mediocritate præstabilis, atque vt Tragicus canit,

*Quisquis medium defugit iter,
Stabili nunquam tramite curret.*

Hæc est autem mediocritas non ambulare in magnis, neque in mirabilibus super se: & vt docet Bernardus, Non infra deiici, non attolli supra, non euadere in longius, non extendi in latius. Locus medius tutus est. Medium sedes modis, & modus virtus. Medium qui deserit, malos exitus habet. Galenus medium commendat tanquam primarium valetudinis fulcimentum: & Moderatus Columella illud præceptum maximè extollit, quod sapiens vnus de septem posteritati pronunciauit, μέτρου ἄριστον medium semper, & modum rebus adhibendum. Denique carmen aureum Pythagoræ est; Optima res medium est super omnia.

METRVM XVII.

Non fasces igitur, non nimias opes,
Non plebis cupiam munera diuitis,
Latam fingere vitam
Si possum arbitrio meo.

Ridet terrifici fulminia impetum
Arbor, quæ gelidis vallibus incubat:
Nec cæli timet iram

Tecti pauperis incola.
Certat dum volucres vincere cælicas,
Nomen Dædalides eripuit freto:

Alter, dum errat in axe,
In flumen stolidus ruit.
Stet quicunque volet culmine lubrico,
Regalique potens sanguine: mox erit
Stulta fabula plebis,
Mundique instabilis iocus.

In magnis requies est minor: imminet
Mors illis grauior, qui nimis omnibus
Fama, & stemmate noti
Ignoti pereunt sibi.

§. III.

*Dæmonium meridianum quid sit. Sexta hora mysteria ex
sacris libris. Hæc hora crucifixus est Christus.*

1. **S**exta item hora oratio necessaria est Sanctorum exemplo, ait Basilius, vt liberemur ab incurso, & dæmonio meridiano: ab insidiis scilicet malignorum spirituum, qui cum merito tenebræ voluntatis in malo prorsus obfirmatæ nocte perpetua damnati sint, solent tamen ad decipiendos incautiores non solum diem, sed &

Basil. reg. ful. q.
37.

meridiem simulare. Hoc Sanctus Bruno Cartusianorum sanctissimus Institutor ad eos similiter refert, qui ex patre diabolo orti desideria eius, & opera conantur perficere. Hæretici, inquit, in meridio videntur esse, id est ad modum meridiei feruentes in bona operatione, cum quædam simulatoria bona opera faciant, & clari, & splendidi in humanis, & subtilibus sententiis suis falsissimis videantur. Hi meridiem promittunt, sed quoniam Christi lumen non habent, non sunt meridies, ait Hieronymus, sed dæmonium meridianum. Isti sunt qui dicunt, Ecce hic est Christus, ecce illic, confluunt autem ad illos multi, & credunt eis, quos faciunt filios gehennæ duplo quam se. Sed & malis Christianis tanquam membris suis utitur tentator, ut improvidis sub specie boni malum persuadeat. Sententia aurea oris auri est; Cum in tentationibus impugnatur à malis Christianis anima Christiana pro sua religione, & pro sua fide confusio nascitur, & ardor cum rubore, & fit quasi meridies, quando igneus est sol. Nam illi, qui alta radice non sunt fundati, tempore tentationis, exorto sole arceunt. Et hoc facit dæmon meridianus, ut recedat Christianus à fide: vel verecundia persusus confundatur Christianus esse. Cur hoc, nisi quia non est ibi meridies, & perspicua lux, qua veritas agnoscat? Sicut igitur in noctis tenebris, ait Origenes, ita & in meridie plures dæmonum tentationes, quam cæteris temporibus se demonstrent. Utinam diffundat radios suos super nos ille meridies, qui totus dies est, qui vespæram nescit, & ignorat occasum, cuius fulgore coruscante Angelum tenebricosum, qui se transfigurat in Angelum lucis, à vero sanctoque Angelo discernamus, ut non notemur à Propheta tanquam ponentes lucem tenebras, & tenebras lucem.

2. Orandum meridie, inquit Ambrosius, quia hoc tempore virtus divinæ lucis operatur. Abraham circa metidiem sobrias tendebat excubias, & boni aliquot expectabat euentus, leuans oculos suos, ac finitima perlustrans, quod eo tempore adueniente gratiam sibi quaereret. Illo igitur tempore cum duobus Angelis suis diuinis ei hospes aduenit: illo tempore Christum suscepit hospitio, illo tempore illa quæ legis, & intelligis, celebrata mysteria sunt. Quando enim magis debuit fidelem virum divina illuminare præsentia, quam cum lux diei plenior refulgeret? Meritoque etiam sanctus Ioseph receptis fratribus, & accersito iuniore germano, quem maximè diligebat, meridie instaurat conuiuium. Erat enim meridies in sancti Ioseph pectore, quando lætas epulas fratribus splendentis gratiæ ministrabat, suauissimique cibos alloquij diuidebat. Habeamus ergo in nobis meridiem. Meridies est ei, cuius iustitiæ Sol refulget, & cuius opere bono, vel cogitationibus innoxij, & pura mente, atque sincera pacitur Christus. Disce igitur quemadmodum tibi ipsi has meridies. *Revela*, inquit, *Domino viam tuam, & spera in eum, & ipse faciet*, Psalm. 141.

Bruo in ps. 90.

Hieron. in eumd.
psalm.
Marc. 13. 27.

Chrysostr. in ps. 90

Origen. vel alius
Auctor sub eius
nomine lib. 1. in
Iob.

Ambros. in ps. 118,
v. 61.
Gen. 18. 1.

Gen. 43. 16.

Psalm. 141.

et deducet sicut lumen iustitiam tuam, et iudicium tuum tanquam meridiem. Vbi enim vera est fides, ibi veri luminis gratia est. Vbi innocentiae prolixior custodia, virtutumque longa meditatione processus, ibi splendor bonae conscientiae diu permanens, ibi intelligibilis est meridies, ibi & tu Christo mentis tuae epulas exhibebis, & in diuitiis eius etiam ipse pascetur. Haec Ambrosius. Hora igitur sexta Abraham tres Angelos in typum Sanctissimae Trinitatis hospitio suscepit. Et quidem, ut obseruat Origenes, ad Abraham venerunt tres viri meridie, ad Loth duo vespere venerunt: non enim capiebat Loth meridianae lucis magnitudinem, cuius capax erat Abraham. Ioseph item hac hora instructo fratribus conuiuio admirandum Eucharistiae Sacramentum praefigurauit. Eadem hora mulier Samaritana ad Christum sedentem super puteum fiducialiter accedens edocta est ab illo, quemadmodum Deus sit adorandus, quid sit aqua viua, quid fons saliens in vitam aeternam. Notat autem Chrysostomus eam hora sexta iuisse ad hauriendam aquam, quia ipsa hora mandatum in paradiso Eua transgressa est. Perrus quoque hac hora ascendit in superiora, ut oraret, & in mentis excessu vidit linteam magnum submitti de caelo in terram, in quo erant omnia quadrupedia, & serpentina terrae, & volatilia caeli, ex qua visione futuram gentium conuersionem intellexit. Omitto ex Origene, Anselmo, Beda, Theophylacto, & alijs, quod sexta hora Protoparentes nostri mortiferum illud vitae arboris pomum comederunt humani generis ante peremptores, quam parentes. Omitto ex Augustino quod sexta hora sextam mundi aetatem denotat tanquam senectutem veteris hominis, quo iubemur exui, ut induamur nouo, qui secundum Deum creatus est. Omitto quod ipsa hora ob senarii numeri perfectionem mysterio non caret: Senarius enim inter perfectos numeros primum locum tenens diuinæ laudis indicat perfectionem. Omitto quod sicut hora prima incipientium statum, tertia proficientium designat, ita sexta perfectionis, sanctitatisque culmen manifestat.

3. Aliud spectaculum est sexta hora exhibitum, aliud mysterium hac hora impletum, quod animum meum magis percellit, commouet viscera, concutit mentem, calamum urget, Christus Dei Filius, heu quantum in hoc nomine & doloris, & sensus! Iesus inquam Saluator mundi hac ipsa hora pro salute nostra crudeliter crucifixus. Ita sane congruum fuit, ait Cyrillus Hierosolymitanus, ut quo tempore euersio fuit, eodem fieret reparatio. Congruum fuit, ut vnde mors oriebatur inde vita resurgeret: & eadem hora, qua morbus irrepererat, remedium applicaretur. Ecce Abel occisus à fratre, ecce Isaac ligatus à patre, ecce serpens aeneus in deserto exaltatus à Moyse, ecce Agnus immolatus in lege, ecce Deus occisus ab homine. Ecce, homo, vita tua quasi pendens ante te. Hostia scilicet pacifica,

Origen. hom. 4.
in Genesim.

Ioann. 4. 6.

Chrysost. orat. in
Samaritanā to. 5.
Act. 10. 9

Origen. tr. 35. in
Matth.
Anselm. seu Petrus
Babylon in Matth.
c. 27. v. 45.
Beda, & Theoph.
ibid.
Aug. lib. 83. qq.
94. 64.

Amalar. lib. 3. c. 5.

Cyrril. Hierosol.
cat. 14.

hostia pro peccatis extra templum, extra ciuitatem, extra castra immolatur, vt veterum victimarum figura cessante, hostia noua nouo altari imponeretur, & crux Christi gloriosa in conspectu totius orbis exaltaretur: ipso Domino magnæ promissionis fidem adimplente, qui dixerat; *Et ego si exaltatus fuero à terra, omnia traham ad meipsum.* Ne quæras vltra, ô Sponsa, vbi cubet Sponsus in meridie: crux lectulus eius est, crux locus quietis eius, in quo facibus amoris totus exardescens suauissimè meridiatur. Et quidem cum animam potestate sua positurus esset, & quo genere mortis id facere vellet, eius subesset arbitrio, suspendium elegit anima eius, vt suspensus à terra nos secum à terrenis ad superna eleuaret. Dicamus igitur & nos cum sancto Iob, *Suspendium elegit anima mea, et mortem ossa mea.* Mors ossium mortificatio carnis est, inquit Absalon Abbas, suspendium celsitudo contemplationis. Et certè dulce suspendium est cælum oratione pulsare, sancta meditatione penetrare, mirari Angelorum felicitatem, venerari iustorum beatitudinem, deuotione Deum quærere, dilectione apprehendere. O si spiritus assumeret me cum Propheta inter cælum, & terram, quam dulce suspendium foret animæ meæ! Vt quæ assurgere nequit ad celsitudinem contemplationis, saltem à terra paulisper eleuata ad portas mortis non appropinquet. Expergiscere anima mea, & quæ non potes ad alta Dei attolli, infirma eius virtute qua vales amplectere: dirige mentis aciem ad figuram clauorum, ad cicatrices vulnere, & quem regnantem super choros Angelorum intueri non vales, cruci affixum contemplare. Immerge te in sanguine Christi crucifixi, vt Seraphica virgo Catharina Senensis hortatur; laua te in sanguine, satia & iuebria te sanguine, induere sanguine, contristare & lætare in sanguine, cresce in sanguine, confortare in sanguine, curre, viue, & permane in sanguine. Quid enim tam pium fidelium affectibus, inquit Guericus Abbas, quid tam medicinale moribus, quid sic interficit peccata, crucifixit vitia, virtutes nutrit, & roborat, sicut crucifixi memoria? Loquatur ergo Paulus inter perfectos sapientiam in mysterio absconditam, mihi, cuius imperfectum videns etiam oculi hominum, loquatur Christum crucifixum, his quidem qui pereunt stultitiam, mihi autem, & his qui salui sunt planè Dei virtutem, Deique sapientiam: mihi prorsus altissimam, atque nobilissimam Philosophiam, per quam infatuatam irrideo tam mundi, quam carnis sapientiam. Quam perfectum me putarem, quam prouectum in sapientia, si crucifixi vel idoneus inuenirer auditor, qui factus est nobis à Deo non solum sapientia, sed & iustitia, & sanctificatio, & redemptio. Omnino si Christo confixus es cruci, sapiens es, iustus es, sanctus es, liber es. An nō sapiens, qui cum Christo exaltatus à terra sapit, & quærit quæ sursum

Ioann. 12. 32.

Iob. 7. 15.

Absalon Abb. ser.
5. in Aduentu.

Ezech. 8. 3.

Cathar. Senen. ep.
14. ad Raymundum.

Gueric. Abb. ser.
2. in Dominicam
Palmarum.

1. Cor. 1. 30.

sunt? An non iustus, in quo destructum est corpus peccati, vt vitra non seruiat peccato? An non iustus, in quo destructum est corpus peccati: vt vitra non seruiat peccato? An non sanctus, qui semetipsum exhibuit hostiam viuam, sanctam, placentem Deo? An non liber, quem filius liberauit? *Dicant igitur, qui redempti sunt à Domino, quos redemit de manu inimici, dicant voce magna, Mibi autem absit gloriari, nisi in cruce Domini nostri Iesu Christi.* Hoc est præcipuum horæ sextæ sacramentum, cui sanctus Prosper Aquitanicus addit Christum eadem hora in cælum ascendisse. Sicur enim hora sexta crucifixus est, sic & ascendit in cælum, vt doceret nos exemplo suo, quia *per multas tribulationes oportet nos intrare in regnum Cælorum.* Præcessit ille baiulans sibi crucem, vt & tu tuam portes crucem, & mori affectes in cruce. Non est salus animæ, nec spes æternæ vitæ nisi in cruce, vt sanctè scribit nunquam satis laudatus Auctor pijsimi libelli de imitatione Christi. Ad crucem igitur aspira anima mea, crucem dilige, crucem amplectere, sponsum tuum cruci confixum contemplare. Hic enim feruet amoris merities, hic sol in auge est, hic ardor meridianus inualefcit, & in plenitudine lucis dilatat radios dilectionis. Felix merities, si nunquam vergeret ad occasum, si calor eius nunquam tepesceret, si liceret animæ in feruida eius luce diu cum sponso permanere. Sed non est huius vitæ tanta felicitas: nam post Sextam sequitur Nona, qua hora fuscatur splendor, feruor tepescit, & die ad Vesperam inclinante instabilitas, & imperfectio humanæ mentis indicatur.

Psal. 106.
Galat. 6. 14.

Prosper sent. 203.
ex scriptis Aug.

lib. 1. cap. 12.

CAPVT IX.

DE NONA.

§. I.

*Humanarum rerum inconstantia. Ea per Nonam designatur.
Vtilitas tentationum.*



Rgone semper in lubrico versamur miseri homines, & nunquam in eodem statu permanemus? Siccine certa lege statutum est, vt nihil stabile reperiatur sub sole, contrariis motibus, perpetuaque vertigine circumuoluantur vniuersa? Hæc nimirum naturæ nostræ conditio est. Circulus quidam humanarum reuoluitur rerum, vt Agapetus Diaconus sapienter scribit, qui modò sic, modo aliter agitat ipsas, & circumfert, atque in his inæqualitas est, eo quod nihil ex præsentibus in eodè statu permaneat. Et quis est qui possit in hac versatili rerum mutatione seipsam semper immutabilem exhibere? Nesciunt stare successus, ait quidam declamator, & quoties prodire felicitas non potest, redit.

Reâtè

Agapet. de off. Regis ad Iustinianū.
Imp. cap. 11.

Rectè Basilii Imperator ad Leonem filium : Existima, fili, vitam istam nihil fixum, nihilque stabile, aut perpetuum habere; nam subinde res aliter, atque aliter variantur, & rotæ in morem, quæ circumvoluitur, ea quæ sursum sunt deorsum feruntur, & quæ deorsum iacent, sursum euehuntur. Glorietur David in abundantia sua, & dicat, *Non movebor in æternum* : Deus verò faciem ab illo parumper auertat, iam effunduntur gressus eius, iam labitur, iam conturbatur. Vidrices manus attollat Moyses in cælum; mox enim fatigatas, segnesque demittet, & vincet Amalechites. Iacet se Petrus mortem vltro appetens pro Christo, mox ad vilissimam ancillulæ vocem ipsum Dei Filium turpi sacrilegio denegabit. Grandia nos etiam spiremus facinora, dum sol in auge, dum meridies in mente, dum lux plenior fulget in anima: iam enim ad vesperam vergente sole, iam senescente die, iam nocte appropinquante nos etiam tepescimus, & declinamus, ac præcipientes labimur in deteriora. Inconstans est vita nostra, ærumnosa peregrinatio, vita caduca, vita laboriosa, in qua momentis singulis per varios mutabilitatis defectus diuersis motibus agitur. Bibimus de calice nixto ex hoc in hoc, veniunt super nos tempora multa, tempus amplexandi, tempus cessandi ab amplexibus, tempus ridendi, tempus flendi. Sed heu IES V bone! si appendantur in statera horæ gaudij, & horæ luctus; horæ lucis, & tenebrarum, quasi arena maris hæc grauioribus apparebunt. Quam citò declinat dies, tepescit calor, meridies occumbit, & ingruente vespere finitur: Sed ita gradiendum est, donec videatur Deus Deorum in Sion, donec æstuet ille meridies, quem nulla potest umbra offuscare. Dies, & nox; feruor, & tepor alternis vicibus regnant in anima. Nunc præsentem dilecto triumphat, & exultat: nunc illo fugiente luget, & sit velut mare contritio eius. Verumtamen iuste hæc patitur, si fortè respexit in vanitates, & insanias falsas: tunc enim Sponsus ab illa recedit, & iracundiam simulans nec suspirijs, nec lacrymis reuocatur. Quod si etiam meridiano calore succensa ardeat charitate vt Seraphim, dum tamen peregrinatur à Domino, mutationi subiaceat necesse est. Fidem præstet huic doctrinæ admirabili sua eloquentia Augustinus. Festa, inquit, cum hic homines celebrant suæ luxuriæ; consuetudinem habent constituere organa ante domos suas, aut ponere symphoniam, vel quæcunque musica ad luxuriam seruientia, & illicientia, & ubi audita fuerint hæc, quid dicimus qui transimus? Quid hic agitur? Et respondetur nobis aliqua esse festa. Natalitia celebrant, nuptiæ hic sunt: vt non videantur inepta illa cantica, sed excusetur festiuitate lætitia. In domo Dei festiuitas sempiterna est. Non enim aliquid ibi celebratur, & transiit. Festum sempiternum, chorus Angelorum, vultus præsens Dei, lætitia sine defectu. Et dies illic festus ita est, vt nec aperiatur initio, nec fine claudatur. De illa

Cal. Flaccus decl.
8.
Basil in exhortat.
ad filium cap. 38.

Psal. 29.

Exod. 17. 11.

Matth. 16. 35. 70.

August. in ps. 41.

æterna, & perpetua festiuitate sonat nescio quid canorum, & dulce auribus cordis, sed si non perstrepat mundus. Ambulant in hoc tabernaculo admirabili Dei, & miracula Dei in redemptione fidelium consideranti mulcet aurem sonus festiuitatis illius, & rapit ceruum ad fontes aquarum. Sed quia, fratres, quamdiu sumus in corpore hoc, peregrinamur à Domino, & corpus quod corrumpitur aggrauat animam, & deprimit terrena inhabitatio sensum multa cogitantem: & si utcumque nebulis diffugatis ambulando per desiderium ad hunc sonum perucinerimus interdum, ut aliquid de illa domo Dei nitendo capiamus; onere tamen quodam infirmitatis nostræ ad consueta recidimus, & ad solita ista dilabimur. Er quomodo ibi inueneramus vnde gauderemus, sic hic non deerit quod gemamus. Huc vsque Augustinus.

2. Hanc miserrimam rerum nostrarum vicissitudinem hora diei nona manifestè demonstrat, si viro doctissimo credimus, sacrorumque rituum diligentissimo explanatori Amalario Fortunato, qui dum horæ huius mysteria edisserit, sic loquitur: Status temporis quando Nona celebratur designat feruorem studiorum, quem exercebat mens in altitudine virtutum, aliquantulum refeactum esse propter tentationes accidentes. Sicut tunc sol descendit à centro ad inferiores partes, ita mens, quando tentatur, descendit ab altitudine intimi gaudij ad considerandam naturam suam, atque fragilitatem, & videt quam facilis sit ad occasum. Stat inimicus in insidijs malignis tenens suggestionibus, occultis impugnans inciramentis: nec veretur atroci pugna nobiscum certare, etiamsi diuinæ gratiæ meridiem videat in cordibus nostris coruscantem. Hostis namque callidus, ait magnus Gregorius, quos iustitiæ luce enitescere conspicit, eorum mentes illicitis desiderijs inflammare conrendit, ut plerumque plus se vgeri tentationibus sentiant, quam rune cū lucis internæ radios non videbantur. Quid autem operetur in anima hæc diabolica impugnatio, explicat idem sanctus Pontifex his verbis: Sæpè iustorum animus aliquatenus ex tentatione frigescit, sed nequaquam gratia deserit, quæ, quo nos durius ex dispensatione percutit, eo amplius ex pietate custodit. Nam cum tenebrescere per tentationem cæperit, sese iterum lux interna succendit. Sic gratia diuina confurgit ad vespem quasi fulgor meridianus ei qui timebat, ne iuxta Prophetam occideret sibi sol in meridie, & palparet in meridie, sicut palpare solet cæcus in tenebris. Fulgor quippe meridianus in vespere est virtutum renouatio in tentatione. Sententia est viri doctissimi Paschalis Abbatis Corbeien-sis, semper tentationem coniunctam habere consolationem Spiritus sancti, qui releuat de infidelitate ad fidem, de desperatione ad spem, de mœrore ad gaudium, de lapsu peccati ad veniam. Quantumcun-
- Amal. lib. 3. c. 6.
- Gregor. l. 19. mor. cap. 11.
- Id. ibid. lib. 10. c. 11.
- Iob. 11. 17.
Amos 8. 9.
Deuter. 28. 29.
- Paschaf. lib. 3. in lament. Ieremiæ.

que igitur acerba sæuiat tentatio, resiste quisquis es, vitiliter age, & memineris scriptum, *Tribulatio patientiam operatur, patientia probationem, probatio spem, spes autem non confundit.* Item, *Beatus vir, qui suffert tentationem, quoniam cum probatus fuerit, accipiet coronam vitæ, & qui non est tentatus quid scit?* Tentationibus mens eruditur, accenditur amor, custoditur fides, augetur præmium, perficitur animus, probatur virtus, accrescit scientia, magnanimitas exercetur, homo interior robotatur, purgantur vitia, merita cumulantur.

3. Illustrabo hanc doctrinam sanctorum Patrum documentis, ne loqui videar ex proprio sensu. Gregorius iterum audiendus est. Sæpè electus ipsa virtutum magnitudine sentit se extolli, vnde & tentari se præsentis vitæ aduersitatibus post virtutes desiderat, ne peius ex virtutum confidentia cadat. Tentabatur sanè Paulus, cum dicebat datum sibi stimulum carnis, ne magnitudine reuelationum extolleretur; cumque rogasset Dominum, diuinum responsum accepit, *sufficit tibi gratia mea*, nam *virtus in infirmitate perficitur*. Tentabatur etiam Sponsa, cum dicebat, *Vocaui eum non respondit mihi*. Sed, vt explicat Philo Carpathiorum Episcopus, sæpè ad probationem fidei, maioremque profectum charitatis tentatur Sponsa, vt pugnare discat, ac vincere. Vocat dilectum suum, & non respondit. Vellet enim assiduè alimonia cœlesti pasci, interna illa suauitate frui, ijs delicijs internis frui, quibus solis se beari posse intelligit; sed corruptibili mole corporis impedita sæpè decedit, donec adueniat tempus, quo à corpore euocetur. Sanctus Presbyter Isaacius libro de contemptu mundi, diffusa, & eleganti oratione demonstrat, quod quanto magis proficit homo, tanto maiores habet tentationes. Abbas Dorotheus, Tentatio, inquit, omne bonum necessariò aut præcedit, aut sequitur, neque opus bonum dici potest, aut secundum Deum, nisi tentatione approbetur. Richardus Victorinus, Quanto, ait, acrioribus tentationibus vrgemur, quanto crebrioribus periculis exercemur, tanto perfectius ad discretionem erudimur, & sæpè aliarum virtutum damna discretionis sunt lucta. Quia verò viris perfectioribus grauissimum imminet periculum ex incauta securitate admonet eos Bernardus, vt capere fatagant vulpes paruulas, quæ vineam Domini Sabaoth demoliuntur. Porro vulpes tentationes sunt. Exclamat autem experientia rerum magistra instructus sanctus Pater. Quantos ingressos vias vitæ, progressos ad meliora, super semitas iustitiæ benè, securèque proficiscentes fraude vulpium harum turpiter supplantatos expertus sum, & serò in se virtutum suffocatos plangere factus? Cum igitur non desint luctuosa vitiorum certamina, præsertim post meridiei feruorem, post gratiæ

Ad Roman. 5. 3.

Iacob. 1. 12.

Eccli. 34. 9.

1. Cor. 12. 7.

Cant. 5. 7.
Philo Episc. in c. 5.
Canticorum.

Isaac. de contemptu
mundi c. 40.

Dorotheus, doctr. 19.

Richard. de præp.
animi ad contempl.
cap. 68.

Bern. serm. 64. in
Cantic.

claritatem, magno iudicii moderamine custodiri, & in quodam medio librari aninia debet, quatenus nec de virtute extollatur, nec de tentatione desperet. Idcirco nona dici hora in hymnis, & supplicationibus Deum glorificamus, ut non permittat ultra vires nos tentari, ut qui iam nos dignatus est in filiorum numero computare, non debeat aliquando de malis actibus nostris contristari.

§. II.

Numerus Nouenarius infaustus. Hora Nonæ mysteria.

Cur oremus hac hora.

Raban. lib. 17. in Hieremiam c. 52.

Ambros. libro de mansionib. filior. Iſrael.

Amob. in f. lib. 3.
Varro lib. 4. de ling. Lat.

T. Linus libro 1. dec. 1. & libro 7 dec. 3.
Iul. Obseq. lib. de prodigijs.
Homer. Iliad. 24. v. 660.
Horat. in Epod.
Apul. l. 5. metam.

Petrus Sat. 4.

Ascon. in orat. Ciceronis contra Verrem.
Plotin. l. 3. enn. 1.
Rampertus apud Surium die 18. Iulij.

I. Ipse numerus Nouenarius à denarij perfectione deficiens operum imperfectionem designat, ut Rabanus Archiepiscopus Moguntinus observat. In cuius rei typum nouem patres, id est imperfectionem, nobis; decimas autem Deo adscribimus. Vix in sacris literis hunc numerum laudabiliter positum inuenies. Nam, ut ait Ambrosius, Nouenarius bella, dissidia, & lites diuinis indicat oraculis: vnitas verò Nouenario superueniens denarium perficit, & pacem, amicitiamque designat. A Nouenario numero dicti Nouensiles Dij, de quibus agit Arnobius in libris aduersus gentes, quod hic numerus, ut ait Varro, in mouendis rebus potentissimus habeatur. In Antiquorum sacrificijs ad funera, & expiationes spectabat hic numerus. Tullo regnante cum Romæ nunciarum esset in monte Albano lapidibus pluuisse, Nouendiale sacrum publicè susceptum est. Eadem sacra ob aliud simile prodigium instaurata sunt C. Claudio Nerone, & M. Licinio Coss. Mansitque solenne, quod Titus Liuius, & Iulius Obsequens testantur, ut quodcumque prodigium nunciaretur, feriae per nouem dies agerentur. Fletus, & exequias pro mortuis per nouem dies commemorant Homerus, Horatius, & Apuleius. Hunc eundem numerum mæstitiæ symbolum fecerunt vereres, Græcè enim notatur litera Θ Thita, quam mortem denotare docet Isidorus, rum quia cordis humani transfixi speciem refert, rum quia initialis est Græci nominis Θάνατος, quod mortem significat. Hinc ait Satyriscus:

Et potius est vitium mortis præfigere Thita.

Et alius Poëta,

O multum ante alias infelix litera Thita.

Narrat Asconius Pædianus, quod quando sortes mittebantur in vnam, Θ Thita erat signum damnationis, T Tau absolutionis. De Nouenario in diuinis legendus Plotinus libro de triplici reditu animæ ad Deum, ac ibidem Marsilius Ficinus. Beatus Rampertus Episcopus Brixienſis in tractatu de Translatione S. Philastrij sic disserit de Nouenario. Hic numerus vi, & natura secundus tetragonus est, qui per ternarium conficitur, & in ipso resoluitur. Nonnè ter tres nouem fa-

c'unt? Et Nouenarius diuidi a què non potest, nisi in tribus ter. Vnde docemur Trinitatem credere in vna diuinitate, & ab ipsa nos esse formatos, & per ipsam iuste resolui.

2. Sunt qui dicant hac hora eiectos primos parentes è paradiso, nam post meridiem ambulabat Dominus ad auram, vt perniciosam illorum transgressionem argueret, cumque debitam peccato pœnam imposuisset, emisit eos de paradiso voluptatis, vt qui terram prætulerant cœlo, terrenis operibus occuparentur. Quam insipientes fecit eos peccatum! Audita voce Dei absconderunt se non ferentes confusio- nem, gratia exspoliati, qua prius vestiti erant. Mox enim vt intrauit peccatum, simul eos inuasit erubescencia, clamante conscientia, & reos accusante, durisque flagellis puniente. Deus autem misericors, & miserator, cuius bonitatis infinitus est thesaurus, ante durissimi exilij, mortisque corporalis sententiam Redemptorem miseris promi- sit, qui vt effectus promissioni & merito conueniret & tempore, circa finem diei Protoparentibus promissus, circa finem sæculi missus in mundum, hora item noua crudelissima morte exiuit è mundo. Hæc potissima ratio est, ob quam ad horæ nonæ celebranda mysteria non sine lacrynis, atque singultibus conuenire debemus. Hac enim hora Dominus Iesus exclamans voce magna emisit spiritum. Tunc extensis in cruce manibus damnatam in primo homine posteritatem ad esum ligni vitæ secundus homo reuocauit. Tunc Passio Domini passiones nostras euicit, & singularis misericordia reatum primæ præ- uaricationis absoluit. *Proprio scilicet Fidio suo non pepercit Deus, sed pro nobis omnibus tradidit illum*, vt si eum amare superba mens nostra detrectabat, saltem amorì tam singulari dilectionem repen- dere non neget. Ecce Domino moriente, vt quidam sanctorum Pa- trum elegantissimè scribit, minatur propria mundus excidia, & re- rum natura inusitato pauore terretur. Dies medius tenebrarum tyran- nide discluditur, & perdidit cursum fugitiua luce fraudatum. Sol abscondit radios suos, & orbem globus lucis obscurauit. Importuna tenebræ aliena tempora peruaserunt. Moriente verò die, nouum dies sensit occasum. Volebat seculum ire protinus in ruinam, ne auctoris sui tacens præteriret iniuriam. Nos autem tantæ necis auctores Re- demptorem nostrum pro nobis morientem fideis oculis spectabimus? Absit. Sed vt admonet S. Cæsarius Arelatenfis Episcopus, agnoscentes erga nos diuinorum beneficiorum alta mysteria, respondeamus in quo possumus misericordiæ Redemptoris. Demus illi compunctionem pro spinis suis. Offeramus illi cor suo confixum pro clauis suis. Reddamus illi palmam perseuerantiæ pro alapis suis. Quid enim debet studere, & scire Christianus, vt Theologus non ignobilis ratiocina- tur, nisi illud in quo est totum bonum suum, totus thesaurus suus, & omnes diuitiæ suæ? Quod est autem thesaurus hominis, nisi ipsum

Moses Barc. p. 1.
de Paradiso c. 28.

Chrysost. tom 4.
ser. 1. de mysterijs
carnæ Dominicæ.

Cæsar. in fin.
hom. 6.

Raimund. de Sa-
bunde Theologiæ
naturalis c. 269.

meritum? Ergo postquam in morte Christi est omne meritum hominis, sequitur quod totus thesaurus hominis est in morte Christi. Qui vult ergo in se habere omnem virtutem, & omne meritum, & omne bonum, recipiat in se Christi mortem, & Passionem, & portet eam in se, & incorporet eam sibi. Hæc sapienter ille Doctor. Tu autem anima mea ingredi in petram, absconde te in fossa humo, pone tibi latibulum in crucifixo. Ibi tutò latebis, donec transeat iniquitas, ibi delicijs afflues, ibi gaudijs superflues, ibi secunda viues ab æstu carnis, à turbine seculi, ab impetu diaboli. Super omnem gloriam mundi protectio ista, in vnbraculum dici ab æstu, in securitatem, & absconsonem à turbine, & à pluuia. Ab amplexu amoris tui crucifixi nulla te auellat creatura, nulla separet potentia, non mundi fallaciæ, non carnis illecebræ, non castra inferorum. Ibi vnicum solatium tuum, ibi requies, & omne bonum.

M E T R V M XVIII.

*N*on me reuelles à sua, Iesu, cruce
Quicquid minarum tristium :
Aut quicquid armorum feroces Tartari
In me Tyranni proferant.
Non ensium horror, non fames, vel nuditas ;
Non bella, vel pericula.
Si mille circumfrent truces exercitus,
Si mille iactent spicula.
Non hinc recedam. In me polus siccoruat,
Si terra nutet arida,
Et si intumescat turgidis undis fretum,
Aërque flammas depluat :
Immotus hic iacebo, & acceptabilis
Hic immolabor víctima.
Tuosque clauos, & pedes amantibus
Circumligabo brachijs.
Non me probrosa dedecus terret crucis,
Non horridum mortis genus.
Lubens peribo. Me necis tuæ Deme
Mactabit hic creum dolor.

3. Illud etiam ad horæ Nonæ venerationem facit, quod in Actibus Apostolorum legimus. Cornelius enim Centurio vir religiosus ac timens Deum hac ipsa hora in oratione positus Angelum Domini videre meruit, à quo monitus est accedere Petrum, & audire ab illo verba vitæ. Eadem hora Petrus, & Ioannes ascendentes in templum claudum à matris utero per fidem, & inuocationem nominis Christi am-

Aq. 10.

Aq. 1.

bulare fecerunt. Placet hac de re Venerabilis Drogonis Exabbatis, & Episcopi Hostiensis verba dedisse. Egenus, & pauper ego sum Domine, & claudus ex vtero matris meæ, & ecce sedeo ad portam templi tui, quæ dicitur Speciosa, non valens, nec volens introire, quin potius egestate bonorum tuorum mendicans foris alimoniam carnis meæ, æreas, & falsas imagines hominum, vbi coaceruem mihi talentum iniquitatis, fasciculos deprimentes. Er ecce hora orationis Nona est: ascendunt Petrus, & Ioannes Apostoli tui, vt oreut ad remplum sanctum tuum: ego autem hæreo terræ, & luto, terrena, & vana sapiens, & alijs introeuntibus ego foris remaneo non quærens cum eis, ea quæ Patris tui sunt, sed quæ Patris mei. Ecce iam hora orationis Nona est, inclinata est dies, propè est nox, cum surrexero manè diluculo de his, quæ nunc mendico, nihil in manibus meis reperiam. Hora, inquam, orationis Nona est: Oraſti hac hora pendens in cruce, oraſti inclinato capite clamans voce magna, & expiraſti, & eundem, quem de nobis nunc habebas compaſſionis animum, tecum aſportaſti, & credo Domine, quia tecum adhuc referuas, quia charitas tua refrigerare nescit. Eratautem hora orationis Nona. Et quare Nona orationis hora erat? quia circa horam Nonam tenebræ factæ sunt. Repellendus erat horror tenebrarum, qui vniuersam operuerat terram; repellenda caligo populorum, quæ ex tunc cœperat abundare, ex quo tu cœpisti ad auram post meridiem deambulare, ex quo nunc non cessasti clamans, *Adam vbi es?* Hactenus Drogo.

Drogo lib. 1. de Sacram. Dominice Paſſionis.

§. III.

An hora nona cibum ſumerent Antiqui. Quinam ſemel, qui pluries in die olim reficerentur. Chriſtianorum qui mores de eadem re, & qua hora ieiunium ſoluerent.

1. CÆterum cum de Nona tractamus, diſſimulare nequeo quod nuper aliud agent ingeſſit ſe mihi ex libro de ieiunijs contra Pſychicos Septimij Florentis Tertulliani, quem librum licet aduerſus Catholicos ſcripſerit, libenter tamen cum de re antiquaria agitur, illius fontibus ſcripta mea irrigare ſoleo. Scribit iſte hora Nona vltimam ſtationi clauſulam à Catholicis (quos Pſychicos ideſt animales vocat, quod Montani dogma de tribus Quadrageſimis non admitterent) impoſitam olim fuiſſe, quam ſui Monachiſtæ vſque ad Veſperam protraherant. Expungere autem, vel dirimere ſtationem idem eſt ac ieiunium ſoluere, & prandere, vt ſupra notatum eſt. Lege ſi placeat Ludouicum de la Cerdà in ſuis Aduerſarijs. Verum an præciſè hora Nona finis ſit, & expunctio ſtationis controuerſum eſt. Attingam hic vellicatim quod varia lectione compertum eſt mihi, licet hæc diutius conſectari non ſit omnino noſtri inſtituti. Et quidem maiores noſtri cum magis

Tertull. de ieiun. cap. 10. & 14.

Ludou. Cerdà Ad. uerſ. c. 138 & 140.

temperantiæ, & sobrietati studeant, vel semel tantum in die circa solis occasum comedebant, vel certè usque ad sextam prandium differre consueverunt. Hæc consuetudo non Christianis tantum, sed & ipsis Ethnicis sollemnis fuit. Quod vnica refectio, quam cœnam vocabant, quidam antiquiores Græci, & Romani contenti essent, testantur Scriptores fide dignissimi. Isidorus, apud veteres, ait, in usu non erant prandia. Cicero in Tusculanis, & Clemens Alexandrinus referunt dictum Platonis, quem pudebat bis in die satium fieri. Horatius inuitans Torquatum ad cœnam ait,

Supremo te sole domi Torquate manebo.

Et ad Mæcenatem.

*Si cœnas hodie mecum,
Post nonam venies.*

Isidor. l. 10. orig.
cap. 2.
Cicer. 9. Tuscul.
Clem. Alex lib. 2.
Pæd. cap. 1.
Horat. lib. 1. ep. 5.
& 7.

Raph. Volaterr.
lib. 31. comment.
Viban. cap. 32.

Raphaël Volaterranus multum laborat in intelligendo hoc versu Martialis,

Imperat extructos frangere Nona toros.

Nam si prandium, ait, nimis tarde. Si cœna nimis citò. Dicendum tamen fuisse cœnam, quæ post nonam incipiens usque ad tenebras protraheretur, quo tempore luminaria accendebantur, ut constat ex his versibus Virgilij.

Virgil. Æn. lib. 1.

*Postquam prima quies epulis, mensæque remota,
Crateras magnos statuunt, & vina coronant.
Fit strepitus testis, vocemque per ampla volutant
Atria, dependent lychni laquearibus aureis
Inceusi, & noctem flammis funalia vincunt.*

Sic autem inceptæ epulæ aliquando in sequentem diem extendebantur. Propertius,

*Sic noctem patera, sic ducam carmine, donec
Iniciat radios in mea vina dies.*

Propert. lib. 4
Sl. 6.
Silius Ital. lib. 11.
1. Thessal. 5. 7.
Horat. l. 3. od. 8.

Silius item Italicus, cum perditos Romanorum mores sua tempestate notaret, Regales epulas, atque ortu conuiuia solis deprehensa commemorauit. Alludit ad hunc morem Apostolus dnm ait, & qui ebrij sunt, nocte ebrij sunt. Huc etiam respexit princeps Lyricorum dum cecinit

*Sume Mæcenas cyathos amici
Sospitis centum, & vigiles lucernas
Profer in lucem.*

Persius sat. 5 v. 41. Appositè ad eandem rem dixit Satyricus:

*Tecum etenim longos memini consumere soles,
Et tecum primas epulis decerpere noctes.*

Cæsius hom. 19. Sanctus quoque Cæsius, Fugiamus, inquit, prandia luxuriosa, quæ nos occupant usque ad vespem: contemnamus cœnas, quæ nos aliquoties etiam inuitos usque ad noctem mediam trahunt.

Vsum

Vsum verò lucernarum in conuiujs, & pendentia è laquearibus lumina multi Auctores commemorant. Propertius :

Propert. l. 3. El. 8.

Dulcis ad hesternam fuerat mihi rixa lucernas.

Lucretius,

Lucret. lib. 2.

Lumina nocturnis epulis vt suppeditantur.

Statius,

Statius libro 2.
Theb.

Ast alij tenebras, & opacam vincere noctem

Aggressi tendunt auratis vincula lychnis.

Saluianus Massiliensis, & Aurelius Cassiodorus non nisi ad vesperam licuisse olim cibum sumere asseuerant. Athenæus, cum varia conuiuia in cœnis sapientum enumeret, semper cœnæ nomine vtitur. Aulus Gellius se Athenis à Philosopho Tauro conuiuio exceptum refert, ad id diei vbi iam aduersperauerat: id enim, ait, est tempus isthic cœnandi frequens. Tertullianus in Apologetico, Post aquam, inquit, manulem, & lumina, vt quisque de Scripturis sanctis, vel de proprio ingenio potest, prouocatur in medium Deo canere. Christianorum autem primi xui cœnas describit. Vitruuius hyberna triclinia cœnæ destinata ad Occidentem hybernum extruenda esse præcepit, quod vespertino lumine vti opus esset. Apud Xenophontem milites Cyri nonnisi die exacto reficiebantur. Plautus Vesperum meronymicè pro cœna vsurpat in Milite glorioso, & in Rudentibus: quoniam Romani hac hora cœnare solebant. Hanc veterum continentiam Seuerinus Boëthius sic celebrat:

Saluian. lib. 2. de prouid.
Cassiod. in Ps. 14.
Athen. l. 4. Diph-
nosoph.
A. Gell. noctium
Attic. lib. 17. c. 8.

Vitruu. lib. 6. Ar-
chitect. cap. 7.
Xenoph. libro 3.
Cyrizd.

Boeth. de consol.
Phil. l. 2. met. 5.

Felix nimium prior etas

Contenta fidelibus aruis,

Nec inertis perditæ luxu,

Facili quæ sera solebas

Ieiunia soluere glande.

Antiqui Monachi apud Chrysostomum prandium ignorabant. Quintus Smyrnæus in Paralipomenis post exactum diem cibi refectiõnem sumptam ait à Penthesilea, quæ Troianis auxilio venerat cum Amazonum exercitu. Apud Aristophanem in Nubibus facetus quidam Socratis discipulus, Heri, inquit, nihil nobis cœnæ fuit sub vespæram. Plinius iunior cœnæ meminit, quæ hyeme post nonam, æstate post octauam sumeretur.

Chryf. Hom. 36.
in Math.
Q. Smyr. lib. 1.
v. 125.
Aristophan. in
Nubibus act. 1.
sc 2. v. 50.
Plinius l. 3. Ep. 1.

2. Quod autem spectat ad prandium, siue ad duplicem refectiõnem adiunt & alia testimonia, quibus constat Antiquos & prandio, & cœna vfos quandoque. Norum est illud Ducis Spartani apud probatos Scriptores. Prandete milites, hodie apud inferos cœnaturi. Dictum autem prandium ex eo quod milites ad prælium pater, asserit Trebellius Pollio: & apud Varronem extat inter fragmenta Sætyrarum vna cum hac inscriptione, *Præfusus paratus*. Atque inde scribit Polybius ab imperansis militibus non suscipiendum prælium,

Val. Max l. 3. c. 2.
Seneca Epist. 83.
Cic. 1. Tuscul. &
Origen. l. 2. adu.
Celsum.
Trebell. in Salon.
Gallieno.

Polybius lib. 3.

Cc

temperantiæ, & sobrietati stnderent, vel semel tantum in die circa solis occasum comedebant, vel certè vsque ad sextam prandium differre consueverunt. Hæc consuetudo non Christianis tantum, sed & ipsis Ethnicis solemnitas fuit Quod vnica refectio, quam cœnam vocabant, quidam antiquiores Græci, & Romani contenti essent, restantur Scriptores fide dignissimi. Isidorus, apud veteres, ait, in vsu non erant prandia. Cicero in Tusculanis, & Clemens Alexandrinus referunt dictum Platonis, quem pudebat bis in die satium fieri. Horatius inuitans Torquatum ad cœnam ait,

Supremo te sole domi Torquate manebo.

Et ad Mœcenarem.

*Si cœnas hodie mecum,
Post nonam venies.*

Isidor. l. 10. orig.
cap. 2.
Cicer. 5. Tuscul.
Clem. Alex. lib. 2.
Pæd. cap. 1.
Horat. lib. 1. ep. 5.
& 7.

Raph. Volaterr.
lib. 32. comment.
Viban. cap. 32.

Raphaël Volaterranus multum laborat in intelligendo hoc versu Martialis,

Imperat extructos frangere Nona toros.

Nam si prandium, ait, nimis tarde. Si cœna nimis citò. Dicendum tamen fuisse cœnam, quæ post nonam incipiens vsque ad tenebras protraheretur, quo tempore luminaria accendebantur, vt constat ex his versibus Virgilij.

Virgil. Æn. lib. 1.

*Postquam prima quies epulis, mensæque remota,
Crateras magnos statuunt, & vina coronant.
Fit strepitus testis, vocemque per ampla volutant
Atria, dependent lychni laquearibus aureis
Incensi, & noctem flammis suauia vincunt.*

Sic autem incœptæ epulæ aliquando in sequentem diem extendebantur. Propertius,

*Sic noctem patera, sic ducam carmine, donec
Inijciat radios in mea vincta dies.*

Propert. lib. 4
St. 6.
Cilius Ital. lib. 11.
1. Thessal. 5. 7.
Horat. l. 3. od. 8.

Silius item Italicus, cum perditos Romanorum mores sua tempestate notaret, Regales epulas, atque ortu conuiuia solis deprehenſa commemorauit. Alludit ad hunc morem Apostolus dum ait, & qui ebrij sunt, nocte ebrij sunt. Huc etiam respexit princeps Lyricorum dum cecinit

*Sume Mœcenas cyathos amici
Sospitis centum, & vigiles lucernas
Profer in lucem.*

Persius sat. 5. v. 41.

Appositè ad eandem rem dixit Satyricus:

*Tecum etenim longos memini consumere soles,
Et tecum primas epulis decerpere noctes.*

Cæcilius hom. 19.

Sanctus quoque Cæcilius, Fugiamus, inquit, prandia luxuriosa, quæ nos occupant vsque ad vespèram: contemniamus cœnas, quæ nos aliquoties etiam inuitos vsque ad noctem mediam trahunt.

Vsum

Vsum verò lucernarum in conuiuio, & pendentia è laquearibus lumina multi Auctores commemorant. Propertius :

Propert. l. 3. El. 8.

Dulcis ad hesternam fuerat mihi rixa lucernas.

Lucretius,

Lucret. lib. 2.

Lumina nocturnis epulis vt suppeditentur.

Statius,

Statius libro 1.
Theb.

Ast alij tenebras, & opacam vincere noctem

Aggressi tendunt auratis vincula lychnis.

Saluianus Massiliensis, & Aurelius Cassiodorus non nisi ad vesp-
ram licuisse olim cibum sumere asseuerant. Athenæus, cum varia
conuiuia in cœnis sapientum enumeret, semper cœnæ nomine vi-
tur. Aulus Gellius se Athenis à Philosopho Tauro conuiuio exceptum
refert, ad id diei vbi iam aduersperauerat: id enim, ait, est tempus
isthic cœnandi frequens. Tertullianus in Apologetico, Post aquam,
inquit, manulem, & lumina, vt quisque de Scripturis sanctis, vel de
proprio ingenio potest, prouocatur in medium Deo canere. Christia-
norum autem primi æui cœnas describit. Vitruuius hyberna tricli-
nia cœnæ destinata ad Occidentem hybernium extruenda esse præ-
cepit, quod vespertino lumine vt opus esset. Apud Xenophontem
milites Cyri non nisi die exacto resiciebantur. Plautus Vesperum
metonymicè pro cœna vsurpat in Milite glorioso, & in Rudenti-
bus: quoniam Romani hac hora cœnare solebant. Hanc veterum
continentiam Seuerinus Boëtius sic celebrat:

Saluian. lib. 1. de
prouid.
Cassiod. in Ps. 14.
Athen. l. 4. Dip-
nosoph.
A. Gell. noctium
Attic. lib. 17. c. 8.

Vitruu. lib. 6. Ar-
chitect. cap. 7.
Xenoph. libro 3.
Cyræd.

Boeth. de consol.
Phil. l. 2. met. 5.

Felix nimium prior ætas

Contenta fidelibus armis,

Nec inerti perditæ luxu,

Facili quæ sera solebat

Ieiunia soluere glande.

Antiqui Monachi apud Chrysostomum prandium ignorabant. Quintus Smyrnæus in Paralipomenis post exactum diem cibi refe-
ctionem sumptam ait à Penthesilea, quæ Troianis auxilio venerat
cum Amazonum exercitu. Apud Aristophanem in Nubibus facetus
quidam Socratis discipulus, Heri, inquit, nihil nobis cœnæ fuit sub
vesperam. Plinius iunior cœnæ meminit, quæ hyme post nonam,
ætate post octauam fumeretur.

Chrys. Hom. 56.
in Math.

Q. Smyrn. lib. 1.
v. 125.

Aristophan. in
Nubibus act. 1.
sc 2. v. 50.
Plinius l. 3 Ep. 1.

2. Quod autem spectat ad prandium, siue ad duplicem refectionem adlunt & alia testimonia, quibus constat Antiquos & prandio, &
cœnâ vsos quandoque. Notum est illud Ducis Spartani apud proba-
tos Scriptores. Prandete milites, hodie apud inferos cœnaturi. Di-
ctum autem prandium ex eo quod milites ad prælium patet, asse-
rit Trebellius Pollio: & apud Varronem extat inter fragmenta Sa-
tyrarum vna cum hac inscriptione, *Præsus paratus*. Atque inde
scribit Polybius ab impransis militibus non suscipiendum prælium,

Val. Max l. 3. c. 2.
Seneca Epist. 83.
Cic. 1. Tuscul. &
Origen. l. 2. adu.
Celsum.
Trebell. in Salon.
Gallicano.

Polybius lib. 3.

Onofan. cap. 12.
Cornel. Celsus de
re medica lib. 1.
cap. 1. & 3.
Ioseph. de bello
Iudaico l. 2. c. 7.

Mercurial. lib. 4.
var. lect. c. 17. &
lib. 1. de re gyna-
nastica c. 9. & 11.

Athe. l. 1. c. 4.

Homer. Iliad.
ω. Odyss. π.
vt utroque loco
admonuit Eusta-
thius.

Homer. Odyss. 1.

Lib. 1. Antholog.
c. 91.

traditque præcepta de curando prandio Onofander in Strategico: Cornelius Celsus Latinorum Medicorum Princeps commodius esse docet bis in die, quam semel cibum capere. Flavius Iosephus hora quinta Essenos prandisse notat, & vespere cœnasse. Extat apud Plutarchum Magni Alexandri apophtegma; Ad prandij condimenta nocturnas profectiones optimas esse, ad cœnæ autem prandij parcitatem. Obseruat Hieronymus Mercurialis vir reconditæ eruditionis apud Græcos. Hippocratis præsertim temporibus, nullam de hac re certam legem fuisse, nam quidam ter, alij bis, plerique semel tantum in die reficiebantur. Eustathius Theſſalonicensis ad librum secundum Odysſæ Homeri veteres tribus cibis vſos fuisse affueuerat, matutino, meridiano, & vespertino. Apud Homerum militibus, & Heroibus multiplex cibatus fuit, teste Athenæo. Et primus quidem ientaculum dicebatur, Græcè ἀράπημα, siue ἀράπηδος, quod panis frustra mero intincta sumerentur. Sunt qui ἀραπὴν dictum ientaculum arbitrentur, qua voce bis tantum vitur Homerus. Sed alij hac prandium significant. Legendus Suidas verbo Δείπνον. Fulgentio Planciade auctore ientaculum dicitur gustatio, & quasi prægustatiua comestio. Plautus, & Martialis ientaculi mentionem faciunt: quod auroræ exortu olim sumptum asserit Philemon apud Athenæum. Sequiebantur prandium, merenda, & cœna. Merendæ certam horam assignatam non inuenio. Hanc Græci vocant Εσπερίσμα, eamque commemorat Homerus. Merendæ quoque mentinit Plautus in Mostellaria, actu 4. Scena secunda. Cœna vespri sumebatur, prandium circa meridiem. Procopius Gazensis in Genesim, Adam, inquit, hora sexta vetitum cibum in ilia demisit: est enim ea hora quasi certa regula homini constituta, vt cibum capiat. Alius Lampridus in Alexandro Seuero; Et cum dormiret post conuiuium hora diei ferè septima. Græcus Auctor Anonymus interprete Lilio Giraldo:

*Sufficit in sextam labor horam, deinde sequentur
Vt viuas numeri: littera ζῆδι monet.*

Septima enim, octaua, nona, & decima hora in Græcis horologiis vt Maximus Planudes commentatur, notantur his literis Ζ, Η, Θ, Ι, quæ simul innctæ verbum ζῆδι, exprimunt, quod Latine sonat *viue*. Iuuenalis in fine Satyræ vndecimæ sextam prandio designatam affirmat, Aufonius in Ephemeride quintam assignat dicens:

*Sofia prandendum est, quartam iam totus in horam
Sol caler, ad quintam flectitur umbra notam.*

Muret. lib. 4. var.
lect cap. 12.
Cl. Alex. l. 2. P. x.

Porrò veteres quater in die cibum modicè sumpsisse ostendit Muretus. Prandium sine potu, & tenue fuisse scribit Clemens Alexandrinus:

quale etiam describit Seneca dum ait, panis siccus, & sine mensa prandium, post quod non sunt lauandæ manus. Certam verò comedendi horam non existimo omnes gentes habuisse. Caspiis venter Solarium est, inquit Ammianus Marcellinus: quod multo iustissimum prædicat Plautinus ille Parasitus apud Gellium. Sed belluarum ritus est ex ventris esurie horas sentire, ait Cassiodorus. Facerè Diogenes ininterroganti quam hora quis deberet cibum sumere, respondit: Si diues, quando vult; si pauper, quando potest. Prandij verò, & cœnæ mentionem faciunt Auctores celeberrimi Macrobius in Saturnalibus, Plutarchus in illo Opusculo, cuius titulus est, Non posse suauiter viui secundum Epicurum, Xenophon in Cyripædia, in Oeconomicis, & passim in libris *Ἀγασίας*, Suetonius in Domitiano, Hippocrates libro de ratione victus in morbis acutis, Athenæus in cœnis sapientum, Mamertinus in Panegyrico Iuliani Imperatoris, Clemens Alexandrinus in Pædagogia, Sidonius Appollinaris in Epistolis, Ioannes Tzetzes in Chiliadibus: & ex recentioribus Thomas Dempsterus ad antiquitates Romanas Ioannis Rosini, Ioannes Sauaro ad Sidonium Appollinarem, Iulius Cæsar Bulengerus libro de conuiuiis, vbi de hora prandij accuratissimè disputat, & alij plures.

3. Sat dictum de infidelibus, nam quæ hætenus diximus illis dumtaxat conuenisse videntur. Iam nostrorum mores disquiramus. S. Benedictus facem mihi præfert capite quadagesimo primo suæ Regulæ. A sancto Pascha vsque ad Pentecosten ad sextam reficiant fratres, & ad seram cœnent: quæ prandij sexta continuanda erit tota ætate, exceptis feriis quarta & sexta, quibus ieiunandum sit nec nê. Abbatis prouidentia remittitur. Ab Idibus autem Seprembris vsque ad caput Quadagesimæ ad nonam semper reficiant. In Quadagesima verò vsque ad Pascha ad vespertam reficiant. Ecce tria tempora prandio Monachorum sanctissimus Legislator assignat, horam sextam diebus quibus non ieiunatur; ieiuniis Quadagesimalibus horam vespertinam, aliis ieiuniis horam nonam. Hanc autem distributionem apud omnes olim Christianos in vsu fuisse manifestum est. De sextæ prandio iis diebus, qui à ieiunij lege eximij sunt, possem innumeros testes afferre Græcos, & Latinos, Cassianum scilicet in Collationibus, & libro de spiritu Acedia. Sanctum Nilum de eodem spiritu, Basilium sermone ascetico, cui titulus est, De homine quod sit imago Dei, sanctum Pachomium initio Regulæ, quam ab Angelo accepit, Theophylactum, Auctorem modi benè viuendi inrer opera Bernardi, Gregorium Magnum in Dialogis, Hugonem Victorinum in expositione Regulæ sancti Augustini, Diuum Thomam & alios. Sed nolo rot testimoniis onerare lectorem. Id verò notandum est hoc loco errasse quosdam Canonum Interpretes

dag. cap. 2.
Seneca Epist. 83.

Ammian. Marcel.
lib. 23.
Gellius l. 3. c. 3.
Cassiod. l. 1. var.
Epist. 46.
Lærtius lib. 6.

Macrobi. l. 3. c. 17.

Hippocrat. sec. 4.
Athen. l. 4. c. 13.
Cl. Alex. l. 2. c. 2.
Sidon. l. 2. Epist. 9.
Tzetzes Chil. 8.
v. 25.
Sauaro ad Ep. 12.
lib. 6.
Dempst. ad c. 17.
lib. 5.
Buleng. l. 1. cap. 13.

Cassian. Colla 11.
c. 23. & l. 10. cap. 11.

Theoph. in c. 27.
Matth.
De modo bene viuendi ser. 52.
Gr. Dial. l. 3. cap. 15.
Hugo c. 3. D. Th.
1. 2. qu. 147. art. 7.

Archidiaconus & Tur-
recrem. ad c. Quid
dixit dist. 41.
Nico. Papa. c. 60.

Gen. 4. 15.

Daniel. 13. 7. 13.

Ioan. 4. 6. 8.

Act. 2. 2. 15.

Hieron. Epist. 22.
August. Ep. 118. in
fine, Pallad. c. 139.
Climac. gr. 13.
Aristeas.
Pudent. Hym. 8.
Cathim.

horam prandij tertiam esse dicentes, nisi fortè suorum temporum consuetudinem respexerint. Certè Nicolaus Papa in Responsionibus ad consulta Bulgarorum hortatur eos, vt ante horam diei tertiam nullum corporalem cibum etiam in ipsius insignioribus solemnitatibus omnino sumant, cum scriptum legamus, *Va ijs qui mane comedunt*. Quam constitutionem ita decet interpretari, vt hora tertia Missarum solemnia celebrantes postea circa quintam, vel sextam reficerentur. Nec mirum si summus Pontifex antiquum Ecclesiæ rigorem aliquantulum eis relaxauerit, feroces enim populos recens conuersos ad fidem paulatim ad austeriora ducere oportuit. Ostendunt & sacra Biblia hanc eandem cibi capiendi horam. Fratres Ioseph parabant munera, donec ipse ingrederetur meridie, audierant enim quod ibi comesturi essent panem. Cum populus reuertisset per meridiem, duo Seniores, qui castam Susannam deperibant, dixerunt alter ad alterum, *Eamus domum, quia hora prandij est*. Cum Iesus fatigatus ex itinere sedebat sic super fontem, hora erat quasi sexta, Discipuli verò abierant in ciuitatem, vt cibos emerent. Accedit quod Princeps Apostolorum discipulos non esse ebrios tanquam insolubili argumento euicit, quod hora diei tertia esset à solita comestione hora plurimum distans, qua nullatenus fieri posset, vt homines modesti iam se mero ingurgitassent. Sed iam ad ieiunia vocamur. Sanctus Benedictus tempus prandij à tempore ieiunij distinguit, quia subtractio prandij ad ieiunij integritatem spectat, quare esurialibus diebus (vt Plautino vocabulo vtat) quæ sit comestio, cæna non prandium esse debet, quæ quò amplius differtur; eò melius abstinentiæ districtio obseruatur. Et quidem extra Quadragesimam præcipit Ecclesia, ne ante horam nonam manducemus. Athanasius rem acu tetigit libro de Virginitate: Ieiuna totum annum, etiam si nulla cogat necessitas: hora verò nona, cum iam in Hymnis & precibus perseueraueris, sume panes tuos cum oleribus conuersis oleo. Adstipulantur alij, Hieronymus, Augustinus, Palladius, & Climacus. Eandem horam antiquis Hebræis in vsu fuisse scribit Aristæas in Historia LXXII. Interpretum, quos ait scripsisse vsque ad horam nonam, deinde curasse corpora. Aurelius Prudentius Poëta clarissimus Hymno post ieiunium sic canit:

*Nona submissum rotas hora solem
Partibus viæ dum tribus euolutis,
Quarta deuexo superest in axe
Portio lucis.*

*Nos breui voti dape vindicata
Soluimus festum, fruimurque mensis
Assatim plenus, quibus imbuetur
Præna voluptas.*

Idem in Hymno de S. Fructuoso Episcopo, & aliis Martyribus Tarraconensibus eandem rem clarius explicat his versibus:

Hymn. 6.
Εὐχ. Στεφ.

*Quosdam de populo videt Sacerdos
Libandum sibi poculum afferentes:
Ieiunamus, ait, recusato potum,
Nondum nona diem resignat hora.*

In maiori autem ieiunio quadraginta dierum, qui anniuersariam Christi morientis memoriam præcurrunt, vsque ad vespertinam inediam prorogare antiquissima religio est. E veteri Testamento desumpta videtur consuetudo, passim enim Israelitæ ieiunasse vsque ad vespertinam memorantur. Fauent sancti Patres. Basilus, Expectas vespertinam, vt cibum capias. Paulinus, Quotidiana ieiunia non refugit, & pauperem mensam vespertinam conuiuia non horruit. Chrysostomus, Non existimemus inediam vsque ad vespertinam ad salutem nobis sufficere. Theodulphus Episcopus Aurelianensis Epistola ad Clerum suum; Solent plures, qui se ieiunare putant (loquitur autem de Quadagesima) mox vt signum audiunt ad nonam manducare, qui nullatenus ieiunare credendi sunt, si ante manducauerint, antequam Vespertinum celebretur Officium: concutendum est enim ad Missas, & auditis Missarum solemnibus, siue vespertinis Officiis, largitis elemosynis ad cibum accedendum est. Si verò aliquis necessitate restrictus fuerit, vt ad Missam conuenire non valeat, astimata vespertina hora, completa oratione sua, ieiunium absolueret debet. Bernardus sermone de Quadagesima, Hactenus vsque ad nonam ieiunauimus soli, nunc vsque ad vespertinam ieiunabunt nobiscum vniuersi, Reges, & Principes; clerus, & populus; nobiles, & ignobiles: simul in vnum diues, & pauper. Extant & sacri Canones de hac re apud Gratianum, Burchardum, & Yuonem. Hic liceat tandem subsistere, & deplorare. Heu quantum à prisco ieiuniorum ritu recessimus! Tunc vera ieiunia erant, dura, & austeriora; nunc leuia sunt, & vix ieiunij nomine digna, ludus, & umbra ieiunij. Etiam in ipsis solemnioribus peruigiliis vix meridie expectamus, statutas Nonas, & Vespertinarum horas in solemnium dumtaxat sacrarum precum recitatione seruantes. Vtinam quod deest abstinentiæ, aliarum virtutum exercitatione sarciamus.

Iudic. 20. 26.
1 Reg. 14. 24.
2. Reg. 1. 12.
Basil. orat. 1. de ieiun.
Paulin. Epist. 6. ad Amand. quæ est in ordine 24.
Chryl. Hom. 4. in Gen.
Theodul. Ep. ad clerum n. 39.

Bernard. ser. 3. de Quadag.

De cons. d. 2. c. solent.
Burchard. l. 13. c. 9.
Yuo p. 4. c. 42.

M E T R V M XIX.

O Nimum atas aurea felix,
Cum sponte sua, vindice nullo
Colerent homines iura, fidemque.
Candor morum, castusque pudor
Querulas lites, diraque vinclis
Bella premebant. Saucia nullo

Vomere tellus teneras fruges
 Vbere cornu lata ferebat.
 Dulces epulas herba salubris,
 Dabat ☿ potum frigidus amnis.
 Nondum certo limite campus
 Diuisus erat: nondum cinctæ
 Mœnibus vrbes, nondum foribus
 Munita domus, peruia cunctis
 Diuitiarum gaza patebat.
 Aberant fraudes, aberant cædes:
 Non Theſſalicis mixta venenis
 Pocula mortis, non aconita
 Nouerat orbis. Pietas sancta,
 Amor, ☿ summi Numinis horror
 Placida gentes pace regebant.
 At nunc miseros postquam infecit
 Deterioris vena metalli.
 Iam vitiorum scelerata cohors
 Agmine facto mundo incubuit,
 Ambitio exlex, præcepsque furor,
 Intima liuor viscera rodens,
 Rabies, cædes, furta, rapina,
 Dolus, ☿ fraudum perfida larua,
 Venale nefas, dira venena,
 Luxus, ☿ auri cæca cupido,
 Prodigæ rerum gula, lautaque
 Gloria mensæ, quam morborum
 Immensa lues, celerique gradu
 Aspera sequitur, duraque cgestas.
 Tum ias, ☿ amor, cultusque Dei,
 Veraque pietas, fasque, fidesque,
 Atque omnis toto exulat orbe
 Candida virtus, formaque morum.
 Ergo querelas fundite acerbæ
 Mœsta iuuentus: plangite sæuæ
 Sidere nati, genus infelix,
 In quos ætas vltima venit.
 Sentiat æther gemitus vestros,
 Sentiat ær, tellusque patens,
 Et vaga pelagi mobilis vnda.
 Soboles tantis obsessæ malis
 Non est luctu plangenda leui.
 Nos infaustum genus, ô pueri,

*FleBILE vulgus, malè nata seges
Sæui per iter triste doloris
Celeres imus: nec sic tellus
Infima supero distat ab axe;
Quantum à senibus noua distamus
Turba nepotum. Nos senio piger
Terra opprobrium protulit orbis,
Qui grauiori pondere pressi
Haud degeneres dabimus natos.
Sed inutilibus parcite lacrymis,
Parcite iuuenes, parcite tantos
Promere questus: dabitur vobis
Alium vita nosse tenorem,
Si nunc veteres renouet mores
Præsens ætas. Aurea secla
Aurea morum norma reducet.*

CAPVT X.
DE VESPERIS.

§. I.

*Myſticus ſolis occaſus. Quid ſit ſolem oriri, & occidere. Diſſa
quædam breuiter de cognitione ſui. Humanarum
rerum magnam eſſe vicifſitudinem.*



AM diurni finis officij, iam iucundiſſimæ lucis inſtat oc-
caſus. *Qui producit Luciferum in tempore ſuo, iam veſ-*
perum ſuper alios terræ conſurgere facit. Nimirum, vt
Sapiens obſeruat, *Oritur ſol, & occidit, & ad locum*
ſuum reuertitur, ibique renaſcens gyrat per meridiem, & ſeſtitur
ad Aquilonem. Luſtrans vniuerſa in circuitu pergit ſpiritus, & in
circulos ſuos reuertitur. Ortus autem ſui, & occaſus alterna varia-
te magni nos admonet Sacramenti in Chriſto, & in Eccleſia, in Re-
demptore, & in redemptis. Et ipſe quidem verus iuſtitiz Sol è puriſſimo
Virginis vtero feliciter ortus occubuit in Paſſione, ac in admirabilis
Aſcenſionis die reuerſus eſt in locum ſuum. *Exiui, inquit, à Patre, &*
veni in mundũ, iterum relinquo mundum, & vado ad Patrem. Hic eſt ſol
de quo pſallimus cū Propheta, *ſol cognouit occaſum ſuũ*, Chriſtus ſci-
licet cognouit paſſionem ſuã. Sed numquid ita occidit ſol, vt nõ oriatur?
Numquid qui dormit nõ adiciet vt reſurgat? Ipſe dixit, *Dormiui con-*
turbatus: Sed de ipſo etiam dictum eſt, & vultare ſuper cælos Deus: &
inde venturus eſt iudicare viuos, & mortuos. Ergo ſicut ſol iſte viſibilis

Iob. 38. 31.

Eccleſ. 1. 5.

Ioan. 16. 28.

Pſalm. 103.

Pſalm. 56.

Apoc. 1. ac ibidem
Victorin. in Apoc.
cap. 1.

Psal. 29.

Salonius in cap. 1.
Ecclef.

Mare. Eremit. de
Temperantia. c.
15.

Ierem. 15. 9.

Luc. 14. 11.
Psal. 118.

Iuuenal. Sat. 11.
v. 27.
Hugo libro 2. de
Anima cap. vii.

decedente die per incognitas semitas ad locum regressus vnde exierat, rursus expleto noctis curriculo de thalamo suo festinus erumpit: ita mysticus Sol, qui de sinu Patris in vterum matris descendit, ut lumine suo illustraret vniuersa, & cœlis iterato nasceretur exortu, quando iterum apparebit expectantibus se in salutem. Ideo facies eius lucere dicitur, sicut sol lucet in virtute sua, quia, ut S. Victorinus Episcopus scribit, licet solis gloria minor sit quam gloria Domini, propter ortum tamen, & occasum, & rursus ortum scriptura dicit faciem eius similem gloriæ solis. Sed & nobis singulis oritur sol, & occidit, & ad locum suum reuertitur. Oritur cum suam nobis infundendo gratiam dixerit de tenebris lucem splendescere: occidit, cum illud contingit, quod in Psalmo scriptum est, *Auertisti faciem tuam à me, & factus sum conturbatus*. Oritur timentibus Deum, & satagentibus per bona opera certam facere vocationem suam: occidit negligentibus, & fallaci præsumptione securis. Oritur, inquit Salonius, timentibus se: occidit etiam meridie hæreticis, & malis Catholicis, quia propter peccata sua lumen gratiæ ipsius amittunt. Oritur quibusdam, alijs occidit, ait Marcus Eremita, pro varia eorum dispositione, qui circa diuinam cognitionem versantur: ille verò beatus est, qui possidet ipsum in seipso iustitiæ Solem, qui non est circumscriptus vespera, & ignoratione. Item alio modo. Oritur nobis Sol, quando veritatis intelligentia cordi nostro inspiratur: Occidit cum intelligentiæ radius obscuratur. *Occidit ei sol*, ait Propheta, *cum adhuc dies esset*. Sed post occasum ad locum suum reuertitur, ut iterum renascatur, quia per subtractionem gratiæ ad sui considerationem mentis oculus reuerberatur. Solis enim huius locus proprius ipse est animus. Per hoc verò quod diuina gratia se ad tempus subtrahit, cogitur homo agnoscere quam nihil sit, & quam per se nihil possit, per quam propriæ infirmitatis cognitionem amissa intelligentia reparatur, & quasi sol renascens ad altissimam rerum cœlestium contemplationem paulatim ascendit.

2. Ecce quantum valet humilis cognitio sui, scriptum est enim, *Omnis qui se humiliat, exaltabitur*: &, *Bonum mihi quia humiliasti me, ut discam mandata tua*. Post occasum sequitur ortus, & humiliatio signum est gratiæ appropinquantis, quia sicut ante ruinam exaltator cor, ita ante exaltationem humiliatur. Rectè Satyrus:

— *E cælo descendit γῶδι στυγὼν*
Figendum, & memori tractandum pectore.

Scientiam cœlestium, & terrestrium rerum, ait Hugo Victorinus, laudare, atque amare solent homines; sed multo meliores sunt qui huic scientiæ præponunt cognoscere semetipsos. Laudabilior siquidem est animus, cui nota est miseria sua, quam qui ea non respecta
vias

vias fiderum, & naturas rerum scrutatur. Demonax interrogatus quando cœpisset philosophari, tunc, dixit, cum agnoscere meipsum incœpi. Pythico templo inscriptam olim hanc sententiam, *Nosce te ipsum*, tum multi alij, tum ipse Plato testatur, qui ait hanc inscriptionem esse tanquam Dei salutationem ad homines præcipientis, vt temperatè viuant: nosce enim teipsum, & esto temperans idem sunt. Est ergo, vt docet Christianus Pædagogus, disciplinarum omnium pulcherrima, ac maxima seipsum nosse: quia si quis seipsum norit, Deum cognoscit; quod si Deum cognoscet, ei assimilabitur. Idem asserit Magnus Antonius Abbas, qui ad suos Arsenoiitas scribit eum, qui seipsum cognoscit, tum vniuersos, tum Deum ipsum cognoscere. Porro naturæ nostræ ignoratione, ait Hierocles, nullum non malorum genus in nos irrumpit. Cognitio verò sui, inquit Isaac, scientiæ omnium est plenitudo. Heu quam turpe, & probrosum est, exclamat quidam pietate insignis Scriptor, multa alia scire hominem, & nescire seipsum! Nam si quis seipsum ignorat, audiet Dominum obiurgantem, & dicentem: *Si ignoras te, egredere, & abi post vestigia gregum tuorum*. Videtis quæ nos maneant pœna nostræ ignorationis, obieruat Princeps Mirandulanus, illa Phœnix ingeniorum: Abeundum est à patre, quam abitionem sequitur exhereditatio, quæ quid infelicius? Egrediendum est vtique ex nobis, neque enim apud se est animus, qui seipsum non videt: qui autem à se exit, à se diuellitur, quo quid acerbius? Eundum post vestigia gregum nostrorum, id est post brutorum vestigia, quæ sunt in nobis, quo quid miserius, quid despiciatius, & contemptibilius? fieri scilicet pedissequos bestiarum, quarum nos duces natura statuerat. Humanæ quippè naturæ hæc conditio est, teste Boëthio, vt tunc tantum cæteris rebus, cum se cognoscit excellat: Eadem tamen infra bestias redigatur, si se nosse desierit. Quod si nosipfos cognouerimus, quæsi meridianus fulgor consurget nobis ad vesperam intelligentiæ sol: & iuxta Prophetam Zachariam, *In tempore vesperi erit lux*. Omnium enim bonorum in nobis custodiendorum tutissima ratio est seipsum non ignorare.

1. Habet dies breuissima vitæ nostræ lucem, & tenebras bonum, & malum: habet ortum solis, habet & eiusdem occasum. Si fortè tuæ noctis tenebras exoriens solis iubar fugarit, cautus esto: noli ad hanc lucem incauta securitate exultare: nam quicumque sit hic fulgor, celeri disparebit occasu. Nondum venit illa dies, quæ nescit occasum; illa dies, quæ manè habet, sed nullo terminatur vespere: illa dies, de qua scriptum est, *Non occidet vltra sol tuum, quia erit tibi Dominus in lucem sempiternam*. Sed etsi occulta diuinæ sapientiæ dispositione tuæ lucis nitorem subitaneus solis occasus offuscarit, ne graui præoccupatus tristitia animum despondeas, nec quasi desperans illud Prophetæ genebundus ysurpes, *Va mihi, quia declinauit* Jerem. 6. 4.

Dd

Stobæus ser. 19.

Plato in Charmide.

Clem. Alex. inic. lib. 3. Pædagog.

Anton. ep. 2. & 6.

Hierocles, cap. 14: carmin. Pythag. Isaac de contemptu mundi. c. 35. Io. Taulerus ser. de S. Laurentio. Cant. 1. 7.

Io. Picius Mirandulan. in Heptaplo proœm. l. 4.

Boëth. de cons. Phil. l. 1. prola 5.

Iob. 11. 17. Zach. 14. 7.

Isai. 60. 20.

Jerem. 6. 4.

dies, quia longiores factæ sunt umbrae vesperi : citò enim veniet salus tua, eruntque nouissima tua meliora prioribus. Ne magnitudo lucis, & consolationis extollar te, venit Sponsus, & recedit: sed caue tibi ô Anima, non longè ille abest, & si non vides eum, ipse tamen videt te plenus oculis ante, & retro. Hæ sunt videlicet rerum vicissitudines. Hic est iucundus, & vtilis diuinæ Sapientiæ ludus. *Venit manè, venit nox.* Nubilum vespereum serenum sequitur mane, clarum mane tenebrosus excipit vespere. *Mane dices, quis mihi det vespereum? & vespere, quid mihi det mane?* Denique *ad vespereum demorabitur fletus, & ad matutinum letitia.* Iuuat hic autem duos eloquentiâ præstantissimos viros Septimium Tertullianum, & Zenonem Episcopum hac de re loquentes audire. Hic sermone de Resurrectione; Sol, ait, quotidie nascitur, eademque die qua nascitur, moritur: nec tamen instantis finis sorte terretur, suos vt repigret cursus, vt horas, ac momenta producat, vt saltem paulò diutius dici sui demoretur in vita; sed fidelis semper, semper intrepidus ad sepulchrum noctis cognatæ contendit, sciens in ipso se habere quod viuit: denique adimitur ei ortus, si ei aufertur occasus. Ille libro de Pallio sic disserit: Dies, & nox inuicem vertunt, sol stitionibus annuis, Luna modulationibus menstruis variat, siderum distincta confusio interdum deiecit quid, interdum resuscitat, cœli ambitus nunc sub diuo splendidus, nunc nubilo sordidus, aut imbres ruunt, & si qua missilia cum imbris, vt quidam profanus admonet, neque nos ad subitas calamitates animo ita corruiere, vt omnem spem proiciamus: neque lætis in præsentia rebus vsque adeò efferrî, vt prouidentiam etiam perdamus; sed spem futuri in medio vtriusque fortunæ collocatam habere, & tutò in vtramque partem consilium capere. Lux, & tenebræ; frigus, & ætus; dulcia, & aspera mutuis vicibus veniunt, & redeunt; nascuntur, & occidunt: sic disponente Domino, vt continua bonorum, malorumque successione vitæ nostræ alterna spatia constarent.

METRVM XX.

Non semper spatiosos irrigat
 Turbidum imber agros.
 Non semper rigidis aquilonibus
 Pigra laborat humus.
 Non semper syluis decus, & comæ
 Horrida tollit hyems.
 Phœbeum quandoque serenius
 Surgit ab axe iubar.
 Quandoque alterna vice temporum
 Soluitur acris hyems.

Isai. 21. 11.

Deuter. 28. 67.

Psal. 19.

Zeno. serm. de
 Resur.Tertull. de Pall.
 cap. 1.

Dio Cassius l. 47.

*Flores quandoque aura fauonij
Imperiosa vocat.
Sic tempus certo ordine digerit
Quicquid in orbe riget.
Ille infans hodie qui nascitur
Cras tumultatur humo.
Qui nunc semina grata nepotibus
Spargit, & arua colit,
Consita cras euellit, & arida
Concremat igne sata.
Est tempus, quo belli fulmine
Victima quisque cadit.
Est tempus quo sospitat omnia
Pacis alumna quies.
Destruit iste superba palatia,
Diruta at ille struit.
Nunc manant lacrymarum flumina,
Nunc dolor omnis adest.
Omnia sic spatio pertranscunt
Conglomerata suis.
Perpetuum nihil est, stabilem gradum
Nemo sub axe tenet.
Numina firmant lege adamantina
Quas posuere Vices.*

§. II.

*De eo quod scriptum est, Ad vesperum demorabitur fletus:
Dicitur obiter de utilitate lacrymarum. Vesper con-
templationem significat.*

1. **S**apientissimus mortalium fuit, qui distinxit tempus flendi, & stempus ridendi. Quod si quæras quale tempus fletui, quale gaudio tribui debeat, iam audisti David respondentem, *ad vesperum demorabitur fletus, & ad matutinum latitia*. Sed cur iubet Propheta vespere flendum esse: cur non & manè, & meridie: aut quare cum lacrymis claudendus est dies, cum omni tempore bilarem datorem diligat Deus? Digna profectò solerti disquisitione res ista videtur, estque eius explicatio ab antiquis Patribus petenda, quibus datum est nosse mysteria regni Dei. Primus offert sese vltro Basilius: Vespera, inquit, præsens vita est, qua peccata plangi debent: scriptum est enim, *Beati qui lugent, quoniam ipsi consolabuntur*. Quicunque igitur dies seculi huius in consummatione iam existentis, & ad occasum tendentis in plorandis peccatis exegerint, hi demum verò illo matutino adueniente gaudebunt. Nam *qui seminant in lacrymis,*

Ecclef. 3. 4.

Psalm. 29.

Basil. in ps. 29.

Matth. 5. 5.

Dd ij

- Hieron. in ps. 19. *in gaudio metent.* Concinit Hieronymus: Vespera tota ista vita præfens intelligitur, qua per peccatum Adæ omnes vsque in finem seculi gemunt: ad matutinum autem erit lætitia in generali resurrectione.
- August. in eumd. psalm. Addo Augustinum quo huius rei explicatio insignior fiat. Quid est, inquit, vespere demorabitur fletus? Vespera fit, quando sol occidit. Occidit sol ab homine, id est, lux illa iustitiæ, præsentia Dei. Ideo quando expulsus est Adam, quid dictum est in Genesi? *Cum deambulare deus in Paradiso.* Ad vespertini deambulabat Deus. Iam ille peccator texerat se intra lignum, nolebat videre faciem Dei, ad quam gaudere consueverat. Occiderat illi Sol iustitiæ, non gaudebat ad præsentiam Dei. Diu eris in fletu o genus humanum, nasceris enim de Adam, & sic est factum. In matutino sperandum est, lætandum est; sed perferendum est modo, & gemendum. Antonius Parauinus Seraphicæ Religionis decus eximium triplicem vespertinam esse docet, & triplex matutinum, in quorum quolibet est fletus, & lætitia. Prima vesperta fuit Adæ culpa, in qua fuit fletus, cum de paradiso eiectus audire meruit, *In sudore vultus tui vespertini pane tuo*: Primum matutinum fuit Natiuitas Iesu Christi, *Euangelizo vobis gaudium magnum*. Secunda vesperta fuit mors Christi, in qua fuit fletus, *Filia Hierusalem nolite flere super me*: Secundum matutinum fuit ipsius resurrectio, in qua fuit lætitia, *Gaui sunt discipuli viso Domino*. Tertia vesperta est in morte cuiuslibet hominis, in qua est fletus, *Mortua est Sara, venitque Abraham, ut plangeret, & fletet eam*: Tertium matutinum erit Sanctis in generali resurrectione, in qua erit lætitia sempiterna super capita eorum, vt dicit Isaias. Isychius Hierosolymitanus, qui Leviticum eruditissimis commentariis illustrauit, per vespertinam pœnitentiam intelligit, ad quam fletus demoratur, quia nisi peccator lacrymarum flumine scelera abluat, semper immundus erit coram Domino: atque ideo præcipit lex, vt qui aliquid ex iis, quæ lege prohibita sunt, fecerit vel attrectarit, immundus sit vsque ad vespertinam, donec scilicet peccata sordes abluerit lacrymis, & pœnitentia.
2. Tanta est potentia lacrymarum, vt immunda quæque purgare valeant, infirma reficere, perdita restaurare. Lucius siquidem pius, ac religiosus, vt sanctus Abbas Igniacensis docet, in doctrina spiritus, & ordine primus, & vtilitate inuenitur præcipuus: quippe cum sit summa sapientia sanctorum, custodia iustorum, sobrietas modestorum, prima incipientium virtus, proficientium stimulus, perfectorum cumulus, pereuntium salus, periclitantium portus, promissionem denique habens consolationum, quæ nunc sunt, & gaudiorum, quæ futura sunt. Ioannes Climacus maiorem baptisate fontem lacrymarum audaci hyperbole dixit: & Absque metu, inquit, ruinæ est, qui ex mortis, scelerumque memoria genas suas viuientium aquarum perpetuis
- Anton. Parau. ser. Dominic. 17. post Pentec.
- Gen. 3. 19.
- Luc. 1. 19.
- Ibid. 23. 28.
- Ioann. 10. 20.
- Gen. 23. 2.
- Isai. 35. 10.
- Isychius in Levitic. cap. 11. & alibi passim.
- Guerric. Abb. ser. 1. Pentec.
- Climac. gr. 7.

imbribus rigat. Optimè Petrus Cellensis, Demergit lacryma populum criminum, rupiumque nostri pectoris soluit duritiam, iudicis emollit iram, iam intentatæ iræ humili ausu flecit minas, vibratas reuaginat acies, erecta iam resupinat supplicia, exundantes irrorat flammæ, profundit de silice aquas, remollit aspera, rigida recurvat, humectat arida, sterilia sæcundat, sordida lauat, decorat sæda, suscitât emortua, referat clausa, prohibita accelerat, intemperata temperat, portas refringit inferni, carbones extinguit ferreæ fornacis. Quid plura? Vincit inuincibilem, ligat omnipotentem, naufragium est vitiorum, portusque naufragatorum, Filium Dei ad nos inclinat, & ad veram Trinitatem interueniente spiritu nos eleuat. O humilis lacryma, exclamat sapiens Idiota, tuum est regnum, tua est potentia; ante aspectum iudicis intras, quicquid petis obtines, accusantibus inimicis silentium imponis. O virtutem, ô efficaciam lacrymarum! rigant cælum, terram diluunt, extinguunt gehennam. Ideo *cor sapientum*, ait Ecclesiastes, *ubi tristitia est, cor stultorum ubi letitia*. Exite igitur, exire lacrymæ iampridem exire cupientes, Aperiantur cataractæ miseris capitis, & erumpant fontes aquarum. Deficiat in dolore vita mea, & anni mei in gemitibus, si fortè sufficiant inundantes aquæ sordes diluere culparum, quibus iram merui. Peccaui super numerum arenæ maris, iniquitatem feci in omnem iustitiam Dei, à planta pedis vsque ad verticem capitis non est sanitas in me. Cum nondum aliquid egissem boni, vel mali, præoccupauerunt me laquei mortis, & torrentes iniquitatis conturbauerunt me. A sæculo confregi iugum, dirupi vincula, & dixi. Non seruiam. Commendauit autem charitatem suam in me Deus, quia cum totus in peccatis essem, Filium suum pro me tradidit morti, & ipse innocens in lacum missus est, vt solueret collum meum à iugo captiuitatis. O vbi estis fontes lacrymarum, vt plangam die, ac nocte calamitatem meam! Lugete me montes, & colles: lugete me flumina, & maria: lugete me bestię sylvarum, reptilia terræ, & volucres cæli: quoniam vos quidem seruitis Deo, legesque vobis ab illo impositas iugiter custoditis: Ego verò pactum meum præuaticatus sum, & amantissimo patri me filium prorsus degenerem exhibui. Vbi nunc vanitas mea, superbia mea! Quò perrexistis delectationes carnis meæ, quid profuistis mihi! Heu pro vobis innocentiam perdi, Deum amisi, & æterna gaudia æternis suppliciis commutau. Propterea contremisco à grauissima illa voce, *Tollatur impius, ne videat gloriam Dei*. Illam formidabilem sententiam metuo; *Ite maledicti in ignem æternum*. Contremuerunt omnia ossa mea ab ira iudicis omnipotentis, à fragore ruentis mundi, à conflagratione elementorum, à voce Archangeli, & à verbo aspero. Tabescere me fecit pavor meus à dentibus bestię infernalis, à rugientibus præparatis ad escam, ab

Petr. Cellen. l. de panibus c. 12.

Idiota de mensib. spirit. contempl. 2.

Ecc. 7. 5.

ardoribus sempiternis. Horreo conscientię vermem, fœtorem sulphuris, vaporem fumi, stridorem dentium, aspectus dæmonum, & spiritum procellarum. Horreo tenebras exteriores, horreo interminabilem tormentorum æternitatem. Heu me mater mea, vt quid me genuisti filium doloris, filium amaritudinis, & lacrymarum? cur exceptus genibus, cur lactatus vberibus, natus in combustionem, & cibus ignis? Quis dabit capiti meo aquam, & oculis meis fontem lacrymarum, vt præueniam fletibus fletum, & dolorem dolore? Contremuerunt columnę cœli, viri sanctissimi, si fortè legentes inciderunt in illud, *Nescit homo vtrum amore, an odio dignus sit, sed omnia in futurum seruantur incerta*: Et ego miser, ac deperditus homo in beatę vitę, æternumque deplorandę mortis colliminio constitutus, nullo sanctimonię munimine septus, nullo innocentię suffragio adiutus, nullo verę penitentię præsidio vallatus, quasi iam securus nugabor, & ludens cum æternitate inter tot lacrymarum incitamenta ridebo in æternum periturus?

M E T R V M XXI.

I Te igitur lacrymę, rapidis concrefcite riuus,
 Ite, rigate genas: ite, replete sinum.
 Exul enim patrijs tam longę distitus oris
 Num potero lætos reddere voce sonos?
 Non bene confusum mentitur gaudia pectus,
 Nec bene mœrenti fingitur ore iocus.
 Heu felix regio morsu deperdita pomi,
 Quæstibus heu! quoties es reuocanda meis.
 Atque vtinam tristes gemitus, vigilesque querelę;
 Flebilis aut posset te reuocare sonus.
 Mille genas, & mille oculos, & pectora mille
 Optarem, & querulas fundere semper aquas,
 O cœlum! & superę felicia gaudia vitę,
 Fulget vbi æterno lumine clara dies!
 O Dem! & superi! (cessa, dolor anxie, cessa,
 Ne impediās lacrymis, carminibusque viam.)
 Nam quid delitias patrię, quid perdita cœli
 Gaudia, quid superos commemorare iuuat?
 Heu magis afficiunt mœstum præsentia pectus,
 Ipseque sum lacrymis causa sat apta meis.
 Exulas orbe pudor, terras Astręa reliquit,
 Sub pedibus pietas, fasque, fidesque iacent.
 Vis colitur, iurisque locum sibi vendicat ensis,
 Per vetitumque ruit gens scelerata nefas.
 Contemptrix cœli, vilisque auarissima terrę,
 Improbæ turba soli sordida frustra colit.

Omne scelus regnat, gula, luxus, furta, rapina:
 Fanda nefanda malo mixta furore licent.
 Ipse ego post puras sancti baptismatis undas,
 Post ea quæ religant me tria vota Deo.
 Hæc quoties merui violati Numinis iram,
 Committens varijs crimina fæda modis?
 Ergo ferite genas, seuite in pectora palma,
 Ergo truces virgis scindite terga manus:
 Imminet ecce dies post tot peccata verendus,
 Stamina quo vitæ mors furibunda secet,
 Tendimus huc omnes, nulli mors dira pepercit,
 In se quisque sui funeris arma gerit.
 Nulla palingenesis potis est implere ruinam,
 Ipsa levi cursu, dum loquor, hora fugit.
 Quæ pridem cecinit, mox frigida lingua tacebit;
 Qui plaudebat ouans, nunc tumulatur humo.
 Impie frange toros, madeant tibi tempora nardo,
 Plaudite choris, induc fercula, sparge merum.
 Delitias luctus sequitur, malè sana voluptas
 Multa sub Hyblæo melle venena premit.
 Sustinet hanc scenam tellus, hæc fabula mundum
 Ludit, & in tragico, vita dolore gemit.
 Atque reinam cuncti cessarent morte dolores,
 Sed grauior post hanc luctus, & horror erit.
 Iudicium superest, & ineluctabile tempus,
 Arida quo tellus igne soluta ruat.
 Cynthia palleſcet, vaga sidera luce carebunt,
 Cælabitque nitens Phœbus in axe iubar.
 Atque iterum tellus effundet in æra viua
 Corpora, quæ vasto claudit auara sinu.
 Tum veniet Iudex procerum comitante caterua,
 Et dicet reprobis Ite, Venite prohi.
 Heu quantus feriet tunc noxia pectora terror!
 Impia quo poterit turba latere specu?
 Ab miser! ab quantis tormentis tunc cruciabor;
 Si mihi sit merito pœna luenda rogo!
 O mors! ô Iudex, & inexorabile Numen:
 O mors extremum non habitura diem.
 Parce anima mens cæca tuæ, sortique futura
 Prospice, ne incautum nox tenebrosa premat.
 Felices nimium lacryma, queis Numinis ira
 Cedit, inexhaustis currite semper aquis.
 Currite, & in duplices vertantur lumina fontes,
 Perque oculos unda, qua data porta, ruant.

mane, venit nox: nam matutinam gratiæ illustrationem statim sequitur horribilis nox, ululatus, & planctus magnus, timor, & tremor, ac incessabilis gemitus pro remissione peccatorum obtinenda; fluctuante nimirum conscientia inter spem, & timorem, donec verbo Domini tenebræ, quæ sunt super faciem abyssi, plenioris luminis illustratione dissipentur. De secundis, qui iam pulso timore singulariter in spe constituti dormiunt in pace, mysticè intelligo, quod in mundi creatione Moyses sæpius repetit, Factum est vespere, & mane. Illis post mane sequitur nox; istis post vespertinam sequitur mane, nec vlla fit mentio noctis. Vt enim subtiliter notat sacræ purpuræ insigne ornamentum Petrus Damiani, Vesper ipsa boni operis est perfectio, mane verò lux mentis. Nam cum bonum opus peruenit ad perfectionem, tunc in operantis mente lux gratiæ spiritalis exoritur, vt dum lucidum opus foris exequitur, intrinsecus ipse gratia Spiritus illustretur. Nulla autem nox ijs computatur, quoniam diuina perfusi claritate amicti sunt lumine sicut vestimento.

Petr. Damiani.
epist. 5. lib. 2.

§. III.

Magna esse vespertini temporis sacramenta. Notantur quedam de epistolis laureatis, Pacis encomium, & ad eam exhortatio.

1. **S**ed quorsum hæc tam multa, & tamque conquisitè? Nempè vt susceptam de vespertinis tractationem symbolicis explicationibus illustrem clarius exequamur. Quis enim hac hora non solito feruentior in Dei laudibus inueniatur, quæ tot mysterijs insignis habetur, tot sacramentis nobilitatur? Eleganter ad hoc hortatur omnes Ambrosius: Cum vesperta diem claudit, Deo debemus per Psalmium laudem dicere, & gloriam eius modulata suauitate concinere, quò operum nostrorum consummato certamine veluti victores requiem mereamur, & laboris quedam palma sit soporis obliuio. Omitto pleraque sacramenta, quibus hæc hora illustratur. Omitto, inquam, quod vespertinum officium diurni finis, diurnæ & alternæ lucis occasus est: atque ideo seculi huius interitum, vitæque nostræ finem demonstrat, vt Hieronymus Presbyter, Salonius Episcopus, Olympiodorus, & Cæsarius luculenter ostendunt. Omitto quod in vmbra veteris testamenti vespertinum sacrificium quotidie offerebatur. Omitto quod ipse Dominus gentem suam à iugo ferreo Ægypti icæ seruitutis solenni strage priuogenitorum liberaturus Agnum sine macula ab vniuersa multitudine filiorum Israël ad vespertinam immolari præcepit. Cuius vespertini sacrificij nos mysticam exprimentes intelligentiam cantamus quotidie cum Psalmographo, *Dirigatur Domine oratio mea sicut incensum in conspectu tuo, eleuatio manuum mearum sacrificium vespertinum.* Illud quoque commendat vespertinarum dignitatem, quod

Ambros. c. 2. in
sine com. in Ma-
lach.

Hieron. Salon. O-
limp. ad cap. 1.
Eccles.
Cæsar. in f. dial. 1.

Psalm. 140.

E e

Gen. 8. 11.

in sacra Genesis historia legimus. Noë vir iustus, atque perfectus scire cupiens post cataclysmum an tellus iam sicca, & detecta egressionem è tetro carcere permetteret, columbam emisit exploratricem. *Atrilla, ait facer textus, venit ad eum ad Vesperam portans ramum oliuæ virentibus folijs in ore suo.*

Claud. Mar. Victor
lib. 1. com. in Gen.

*Ergò emissâ semel vitali è sede columba
Nil referens certi, rursum dimissâ reportat
Pacifera frugis paruum libamen oliuæ.*

T. Liu lib. 5. dec. 1.
Iul. Capit. in Maxi-
mino. Lamprid. in
Alex. Seuer. Tac-
cit. in vita Agric.
Alex. ab Alex. dict.
genialium l. 1. c. 17.

Consules, & Imperatores Romani post debellatos Imperij hostes literas laureatas ad Senatum mittebant triumphalis victoriæ nuncias, vt solus epistolæ aspectus non nisi prospera, & felicia indicaret. Narrat id Romanæ historiæ princeps, eundemque morem recensent Iulius Capitolinus, Alius Lampridius, Cornelius Tacitus, & ex recentioribus Alexander ab Alexandro. Deus verò pro epistola columbam misit oleæ virentis ramulo insignitam, è cuius aspectu statim vir sapientissimus intelligeret magnam illam aquarum confluentem imminutam, pristinamque terris faciem redditam esse. Explicat elegantissimè totius mysterij seriem Ambrosius libro de Noë. Volat autem columba, dum dies est; ingruentibus renebris ad iustum reuertitur, quia iustitia, & pax in tenebrosis iniquorum pectoribus quiescere nequaquam possunt, nisi diluuiâ passionum omnimodis deferbuerint. Emiserat Noë coruum auem rapacem, & symbolum habentem cum diuina iustitia, & cum vespere seueritatis. Nam apud Hebræos vespere dicitur *Hareb*, coruus *Horeb*, iisdem literis puncto duntaxat immutato. Ibat ille, & non reuertebatur quasi gaudens in executione iustitiæ, donec cessarent aquæ, & datus est locus misericordiæ, & emissâ columba decerptum ex oliuâ suctulum indicem pacis ad vespeream deportauit.

Ambros. l. de Noë
c. 19.

Ad Ephes. 4. 16.

2. Monemur hic saluberrimo consilio Apostolicum in omnibus sequi mandatum omnino præcauentes, ne *sol occidas super iracundiam nostram*. Sic veræ columbæ erimus dorso aureo, pennisque deargentatis fulgentes: sic germen virentis oliuæ ore nostro portabimus ad vespeream, si sole ad occasum appropinquante pacem loquamur cum proximo nostro, pacem cum nobis ipsis, & pacem habeamus ad Deum: sic delectabimur in multitudine pacis, & pacis non erit finis. Quod splendor in igne, quod serenitas in aëre, quod tranquillitas in mari, quod amœnitas in terra, id pax in corde. Ipsa enim est, ait Magnus Leo, quæ parit filios Dei, nutrix dilectionis, & genitrix vnitatis, requies beatorum, & æternitatis habitaculum, cuius hoc opus proprium, & speciale beneficium est, vt iungat Deo, quos secernit de mundo. Age verò, scribit Dionysius Areopagita dictus Theoprophus, vt testatur Hilduinus: Age verò diuinam, conciliaudique principem pacem pace dignis laudibus ornemus.

Leo scr. 6. de Nat.

Dionys. Ateopag.
c. 11. de diu. non.
Hilduin. in Areo-
pagitis.

Ea enim est, quæ omnia coniungit, atque inter omnia concordiam, connexionemque & gignit, & absoluit. Itaque eam omnia expetunt, quod diuiduam ipsorum multitudinem ad totam coniunctionem tra-
ducat; intestinumque bellum huius vniuersitatis ad eiusdem generis domicilium coniungit. Hæc & alia plura diffusè, & abstrusè de pace Dionysius. Eandem multipliciter commendat vir eximius Potho Prumiensis libro primo de statu Domus Dei, atque inter cætera hæc habet. Pactum pacis est, quo Deus in Christo mundum sibi reconciliauit. Ingressus quippè mundum Saluator, pacem nobis per Angelos annunciauit. Egre-
diens de mundo, testamentum pacis fidelibus suis reliquit, dicens Apostolis, & in Apostolis nobis: *Pacem meam do vobis, pacem relinquo vobis*. Missis etiam in mundum prædicatoribus præcepit: *In quamcumque domum intraueritis, primum dicite; Pax huic domui: quod si tibi fuerit filius pacis, requiescet super eum pax vestra*. Qui ergo sunt filij pacis, hi per gratiam pacis habitant in vnum. O beata pax, ô iucunda tranquillitas! Tu perfectio sanctitatis es, tu iustitiæ regula, tu magistra doctrinæ, tu morum custodia, tu puræ mentis indicium, ac omnium desideriorum amplissima plenitudo. Custodienda igitur præ omnibus virtutibus pax est, ait Petrus Chrysologus, quoniam Deus semper in pace est.

Potho Prum. lib. i.
de demo Dei.

Lucæ 2. 14.
Ioan. 14. 27.

Luc. 10. 5.

Chrysol. serm. 53.

M E T R V M XXII.

O Sincera parens beatitatis;
Cæli delitium, Deique proles;
Pax terræ columen, decusque morum,
Pax cunctis postior ducum triumphis,
Quos mundi colis abditos recessus?
Hic te sollicito requirit æstu,
Urbanos fugiens procul tumultus.
Hic inter scopulos, vagosque fluctus;
Spumantis pelagi latere credit.
Hic deserta petit loca, & per antra
Te quarens varias peragrat oras,
Qua lucens oritur, caditque Titan.
Hic ut te celer assequatur, aurum
Congestum colit, atque dignitatum
Regalem sibi præparat decorem.
Hic demens iuga scandit, & remotos
Perscrutatur agros: tamen supernæ
Hi pacis nequeunt bonis potiri.
Cur sic ergo tuum benigna Numen
Calans implacidum relinquit orbem?

Ee ij

*Pacem sic ego sciscitabar : illa
Respondit. Proprio imperare cordi
Si nostri, tibi cognitumque Numen,
Possessumque meum est : sinu receptam
Sic me perpetuo coles amore.*

§. IV.

*Vesperarum ex nouo Testamento prerogatiua. Vesper mundi
finem significat. Oratio ad Dominum, ut nobiscum
manere dignetur.*

1. **S**ed iam ad nouum testamentum accedo, cuius veritas, & gratia *vergente mundi vespere* admiranda diuini Verbi incarnatione facta est. Vesper mundi erat, cum Christus venit, quia totus erat mundus in tenebris. Vesper erat, temporis scilicet plenitudo, & finis dierum, mundi senectus, & vltima aetas, vt Prophetæ futurorum præcij prænuiciauerunt. Vesper erat omnibus, quos immanium delictorum squallor, quos diræ mortis tenebrosus horror vrgebat. Porro per vesperam vltimam mundi pereuntis ætatem intelligi, qua *Verbum caro factum est*, testes sunt, vt alios prætermittam, Origenes, & Augustinus. Nos sumus in quos deuenerunt fines seculorum. Nos senescentis æui postrema proles veteris abolitionem legis, nouæ vidimus promulgationem. Vitiorum agmina ab incarnato Verbo expulsa, virtutes vidimus reuocatas. Nobis æternæ beatitudinis ostium reclusus æternus Dei filius augusto Virginis thalamo inclusus est. Factus est mortalis Deus, vt nos faceret immortales. Verbum enim in Christo passum fuisse dicitur non simpliciter, sed vt loquitur Rusticus Cardinalis, propter vnitionem propriificans ea quæ sunt passibilis naturæ per suificationem dispensatiua: quod nos dicimus per Idiomatum communicationem. Quis non tantæ dignationis excessum dignis excipiat laudibus, digno colat affectu, digna gratiarum actione profectatur? Vesper rursus erat, cum transiturus de hoc mundo ad Patrem instructa legali cœna agnum comedit cum lactucis agrestibus ipse Agnus occisus ab origine mundi acerbissimæ suæ passionis amaritudinem præfigurans. Post hæc surgens à cœna immundos discipulorum pedes lauit, & terxit: tum regressus ad mensam viuifica iustituit pretiosissimi sui corporis, & sanguinis sacramenta. O cœnam admirandam, ô gratiam superexcellentem! Idem Dominus conuiuia est, & conuiuium; cibans, & cibus; offerens, & oblatio; victima sacerdotij sui, & suæ victimæ sacerdos: Manducat homo panem Angelorum, qui iumentis insipientibus comparatus, fœnum vt bos comedere dignus erat. Cibus percipit vitæ, qui de cœlo descendit, cibus omnis suauitatis, sanctorum delicias, ferculum immortalitatis.

Orig. hom. 7. in
Exod. Augustinus
ser. 75. de temp.

Rusticus lib. contra
Acephalos.

Vinum bibit super cœleste, vinum germinans virgines, & aridas siti-
bundæ animæ fauces potu saliente in vitam æternam refocillat. In loco
pascuæ, in loco vberi collocatus flumina mellis, fontes lactis, liquo-
rem balsami fugit, torrente voluptatis potatur, & ab vberimis cœle-
stis ambrosiæ inundationibus inebriatur. O cœleste conuiuium, ô
suauissimam refectionem, ô amoris excessum! Hac ratione vnus spi-
ritus efficitur Sponsa cum Sponso, Ecclesia cum Christo, anima cum
Deo. Hac inquam ratione deuotus animus deliciatur, totus spiritua-
lis euadit, omnem concupiscentiæ nebulam euaporat, tantique amo-
ris incendio succensus hominem comburit in homine, & in abscondito
faciei Domini gloriatur. Tantam verò mysteriorum profunditatem
vespertino tempore in vespere suæ passionis operatus est Dominus, vt
nos etiam in vespertinæ synaxis celebratione memoriâ abundantie
suauitatis eius eructemus. Propterea, ait Origenes, in mundi vespere
passus est Dominus, vt tu semper manduces de carnibus Vei bi, quia
semper in vespere es, vsquequo veniat manè. Et si in hac vespere soli-
citus fueris, & in fletu, ac ieiunijs, atque omni labore iustitiæ vitam
duxeris, poteris & tu dicere: *Ad vespere demorabitur fletus, &
ad matutinum letitia.* Lætaberis enim mane, id est in seculo futuro,
si in hoc seculo fructum iustitiæ in fletu, & labore collegeris.

Origen. hom. 10.
in Gen.

2. Est hæc materia, quæ ducere diem possit, si cuncta horæ huius
mysteria recensere voluero. Vesper enim erat, cum è cruce depositus,
& afflictissimæ matris sinu exceptus dolorem ipsius innouauit, cum
Angeli pacis ad obsequium Reginæ circumstantes amare flebant.
Vesper erat, cum post triumphalem resurrectionem duobus discipulis
euntibus in castellum Emaüs in habitu peregrini facundum se comi-
tem adiunxit, vt corda propè desperantia muræ confabulatione ad
spei constantiam reuocaret. Sentiebant illi in scripturarum explica-
tione erumpentem ignem, qui per ossa diffusus rotas animæ medul-
las ardentibus scintillis depascebat. Rursum per Vesperam finis muni-
di intelligitur, sicut dicit Chrysologus, Vesper est cum finitur dies
seculi, mundus à luce temporum cum declinat. Hæc est vespere, qua
reddet Dominus vnicuique iuxta opera sua: in cuius rei typum duo
Angeli impias ciuitates naturæ iura violantes deuastante flamma con-
sumpturi venerunt ad eas vespere, vt ipsa hora visitationis (quod Ab-
bas Tuiensis notauit) tristissimæ peccatorum causæ conueniret. Hæc
est vespere, qua durissima Hebræorum corda conuertentur ad Domi-
num, & qui cœlestis doctrinæ pabulum tanquam cibum leuissimum
nauseabant, diuini verbi famem patientur vt canes. Tunc multi fide-
les adorabunt bestiam, & dulcissimum Christi nomen saxo duriores
abnegabunt, sicut scriptum est, *Lupus ad vespere rastauit eos:* &
qui manè florebant, vespere decident, indurabuntur, & arescent. Hæc
est vespere, de qua scriptum est, *Ad vespere demorabitur fletus,*

Chrysol. serm. 13.

Rup. Abb. lib. 6. in
Gen. cap. 6.

Ierem. 5. 6.

Psal. 29.

Ec iij

Sophon. 3. 7.
 Ezechus serm. de
 aduentu Domini.

hoc est de peccatoribus; nam de iustis Sophonia Propheta dicit, *Ad vesperam requiescent*. Est quoque vespera finis vitæ, vt sanctus Abbas Rieuallensis testatur, atque eius item symbolicè exprimit casum, qui post opera lucis opera inchoat tenebrarum, cuius sunt nouissima peiora prioribus. Has tenebras, hunc occasum auertat à nobis Dominus, qui si nobiscum fuerit, etiam vespere tenebris carebimus, & *nox sicut dies illuminabitur*.

3. Dicamus igitur cum discipulis illis, quorum cor ardens erat in via: *Mane nobiscum Domine*, mane nobiscum, *quoniam aduersperascit*. Iam vespera mater noctis tenebras parturit, iam nos tristitia confundit, desperatio submergit, intrauerunt aquæ vsque ad animam, & non est substantia; iam mentes nostras horrenda concutit tempestas, iam frigus iniquitatis nos opprimit, glacies immunditiæ supercrescit, iam sauciata conscientia terribilem iudicii sententiam pertimescit. Mane nobiscum, clementissime Domine, quoniam siue te nihil possumus, nihil sumus. Tu solatium nostrum, tu refugium, & virtus, tu es turris fortitudinis à facie inimici. Omnes occupat nox perfidiæ, deficit lux veritatis, prævalent scelera, refrigescit charitas; ad te aurem sunt oculi nostri, ne pereamus. Mane nobiscum, ne tenebræ nos comprehendant, & non extingatur in nocte lucerna lucens, & ardens, quæ lucet nobis in loco isto caliginoso. Instat finis vitæ, dici vespera, eripe nos de potestate tenebrarum, & ne declines in ira à seruis tuis, quia si nobiscum fueris, in medio vmbre mortis non timebimus mala, sed gratiæ tuæ fulgoribus coruscantes vitæ splendoribus illustrabimus in ipsa regione morientium. Bonum est tecum esse, Iesu dulcissime, mane nobiscum, & ne recedas à nobis: ostende nobis faciem tuam, & salui erimus. Ecce longiores factæ sunt vmbre vesperi, imminet nox obscurissima, in qua nemo potest operari, mane nobiscum, & claude ostium à foris, donec pertranscant tenebræ, & iterum lux oriatur, & nobis ostium aperias, ostium fidei, & amoris; ostium contra ostium, quod in montis ædificio Ezechielii Prophetæ monstratum est. Tu quidem habitas in excelsis, & ascendis super Cherubim, & volas super pennas ventorum, & non valent serui tui inuenire locum tuum, nisi tu descendens non graueris venire ad nos; vel certè pertrahas ad te quærentes te, sicut pollicitus es dicens, *Omnia traham ad meipsum*; & ecce nobiscum sum vsque ad consummationem seculi. Memento igitur verbi tui, in quo nobis spem dedisti, & mane nobiscum in vespera vitæ huius, vt adueniente horribili mortis nocte educa nos de carcere isto ad confitendum nomini tuo, tecumque perducas in admirabilem domum tuam, in qua nullæ sunt tenebræ, nulla mœstitia, sed lux perpetua, verum gaudium, & exultatio sempiterna. Ibi narrabimus quæ gesta sunt in via, quomodo cognouimus te in fractione panis. Ibi lætabimur in te,

& cantabimus laudes tuas sine intermissione. Ibi sedebimus tecum in pulchritudine pacis, in tabernaculis fiduciæ, in requie opulenta.

§. V.

Quid sit Vesper, & quæ eius etymologia. Qua hora vespertinum officium persolvi debeat. Notantur quedam de Lucernario, & hora lucernari, Mores nostros ab antiquis multum distare.

1. **I**psum nomen Vesperarum à Græcis duxit originem: nam ut testantur Macrobius, & Isidorus ab Hespero stella occidentali Vesper dicitur. Hæc vna errantium est, de qua Plinius, Infrà solem, ait, ambitingens sidus appellatum Veneris, alterno meatu vagum, ipsique cognominibus æmulum Solis, & Lunæ: præueniens quippè, & ante matutinum exoriens Luciferi nomen accipit, ut sol alter diem maturans: contra ab occasu refulgens nominatur vesper, ut prorogans lucem, vicemque lunæ reddens. Notat Suidas verbo Ἑσπερος ὅς ἐστι λυγρὸς. Primo Parmenidem deprehendisse eundem esse vesperum, & Luciferum, quod alij Pythagoræ tribuunt. De qua re sic canit Georgius Pisides in Cosmurgia.

*Quis vnum, & idem sidus acri lumine
Modo Phosphorum modo Vesperum si perspicit,
Hoc nesciat binorum opificem cursum
Lucis Prophetam, noctis esse nuntium?*

Laudant Vesperum Callimachus in hymnis, Quintus Calaber in Paralipomenis, & Moschus in Idyllijs. A Muxeo Βάβυλος ἀστὴρ stella umbrosa, ab Apollonio in Argonauticis αὐλὴν ἀστὴρ caularum stella nuncupatur. A Calfurnio Noctifer vocatur his versibus,

*Sed iam sera dies cadit, & iam sole fugato
Frigidus æstivus impellit Noctifer umbras.*

Itemque à Catullo in carmine nuptiali, ait enim,

Nimirum Eos ostendit Noctifer ignes.

Scholiasies Euripidis Vesperum dictum arbitratur, quod omnia ferat quæcunque disperfit Aurora. Consentit huic etymologiæ Sappho Poëtria apud Demetrium Phalereum his verbis; Ἑσπερὶ πάντα φέρει: φέρεις οἶνον, φέρει αἶνα, φέρει ματρία παῖδα. Vesper omnia fers, fers vinum, fers capram, fers matri filiam. Hoc idem sidus multi Venerem appellant apud Iulium Hyginum, quibus apud Plotinum adstipulantur Platonici; Plautus Vesperuginem vocat. Docet autem D. Hieronymus Iudeos, qui usque ad vesperam ieiunium protrahabant, tunc solummodo ad sumendum cibum accessisse, cum primum hæc stella appareret.

2. Quod verò spectat ad legitimum tempus huius officij solemniter celebrandi variant antiqui Patres. Sunt qui autem ipso noctis initio persolvendum, ideoque inter noctis officia vespervas computant,

Macrobius, 1. sat. c. 3.
Isidorus, 5. orig. c. 31.
Plinius, 2. cap. 8.

Pisid. v. 347.

Callimach. hymn.
in Deliam v. 302.
Calab. l. 5. v. 131.
Mosch. Idyll. 7.
Apollon. lib. 4.
Calfurn. in fine
Ecl. 5.

Catullus.

Sappho apud Demetrium lib. de elocutione.

Iul. Hygin. circa fin. lib. Astron.
Plotin. l. de amore ena. 3. l. 5. c. 8.
Haut. in Amphitr.
Hieron. l. 21. adu.
Iovinianum.

nihilominus totam quartam, & vltimam diei partem denominat, quæ post Nonam incipit, & in solis occubitu terminatur. Quia verò vltima diei hora Completorio assignatur, duæ tantum horæ Vesperis relicte sunt, decima scilicet, & vndecima, ac proinde in fine vndecimæ Vespertinæ synaxis legitimum tempus erit, vt Francolinus, Turrecremata, Ioannes Beleth, & alij sapienter obseruauerunt.

Francol. ibidem:
Turrecrem. tract.
73. in reg. S. Ben.
Beleth. cap. 16. sui
Rationalis.
C. Fraternitatis
dist. 34.

3. Nostri verò temporibus hæc horarum distinctio haudquaquam in vsu est. Nam Vesperæ in Quadragesima circa meridiem, aliis temporibus circa horam nonam persolui solent. Rectè Pelagius Papa. Defectus nostrorum temporum, quibus non solum merita, sed ipsa hominum corpora defecerunt, distinctionis illius non patitur manere censuram. Item Smaragdus Abbas, Modò apud nos iam aliter, atque aliter habetur. Quantò enim serotini à primitiuis, tantò longius vitæ merito ab antiquis distamus Patribus. Illi enim erant spiritu feruentes, Domino seruientes: nos autem tepidi, & nauseam facientes, sumus tamen in misericordia Domini sperantes. Potho quoque Prumiensis, In ordine, inquit, Monastico, qui honestis studiis, & laudabilibus institutis aliquando præminebat, nostris iam diebus color optimus Ecclesiasticæ grauitatis mutatus esse videtur, superinducto quodam fuce leuitatis. Ecce enim vita Monastica, quæ erat columna, & firmamentum Religionis, in qua videlicet vigeat disciplinæ censura, morum grauitas, maturitas consiliorum, auctoritatis pondus, antiquitatis insigne, in Ecclesiasticis Officiis repentinis visâ est nouitatibus acquiescere, & quadam iuuenili passâ est decolorari leuitate. Numquid Patribus doctiores, aut deuotiores sumus? Superba mente præsumimus quicquid ipsorum in talibus prudentia præteriuuit. Hæc Potho, qui vixit ante annos quingentos: Quod si Monasticæ institutionis feruorem iam suis diebus refrixisse viri summi, & antiqui conqueruntur; quid nobis infelicibus vix nudum Monachi nomen habentibus post tot annorum centurias dicendum erit? Heu quantum recessimus à semitis antiquis, quas posuerunt Patres nostri! Heu quam tetra vitiorum fuligine obscuratum est aurum, mutatus est color optimus?

Smaragd. in reg.
S. Bened. c. 20.

Potho in fin. l. 3.
de domo Dei.

Non ætas agitur, peioraque secula ferri

Temporibus, quorum sceleri non inuenit ipsa

Nomen, & a nullo posuit natura metallo.

Iuuenal. Sat. 13.

Hæc Satyrici obiurgatio quàm verè conuenit ætati nostræ! Sed nunquid desperandum? Absit. Ecce enim non est abbreviata manus Domini, vt saluare nequeat: neque aggrauata est auris eius, vt non exaudiat. Verumtamen iniquitates nostræ diuiserunt inter nos, & Deum nostrum: & peccata nostra auerterunt faciem eius à nobis, ne exaudiret. Propterea fufis lacrymnis indulgentiam Domini postulemus, ne caliginosa scelerum nox nos incautos apprehendat.

FF

Zeno in fin. ferm.
de Psalm. 128.


Hora vndecima est, ait S. Zeno, conclusa sunt diei tempora, curramus omnes, festinemus, ne nox adsit, ne hora prætereat, ne nox mortis insistant. Beatus quidem qui à manè vsque in noctem laborans paratum denarium tanquam debitum postulat. Sed quia bonus est Dominus, quia misericors est, speremus in eum, ut vndecimæ licet horæ operarij laboris diurni denarium consequamur.

CAPVT XI.

DE COMPLETORIO.

§. I.

Completorium cur sic dictum. Quare à lectione inchoetur. Ostensum contra quosdam Sanctum Benedictum primum Completoriij institutorem fuisse.

1.  Eptem diuinis Officiis pro viribus ingenij mei, quod sentio quam sit exiguum, Domino opitulante commemoratis, remanet octauum, quod Completorium dicitur, & propter sui nominis effectum in fine ceterorum celebratur. Completorium enim dictum existimant quotquot de sacris Ecclesiæ ritibus scribunt, vel quia diei cursus, nostræque seruitutis pensum hac hora completur, ut post Venerabilem Bedam notat Iodocus Chlicthoueus: vel quia in illo esus, potus, locutio, & alia ad corporis sustentationem necessaria complentur, & consumuntur, ut putant Amalarius Fortunatus, & Hugo Victorinus post D. Benedictum. Hic capite 42. suæ Regulæ grauissimè præcipit, ut dicta vespere diebus ieiuniorum, aliis autem diebus statim post carnem, sedent omnes in vnum, & legat vnus collationes, vel vitas Patrum, aut certè aliud, quod edificet audientes, & lectis quatuor, vel quinque foliis, vel quantum hora permittit, omnibus in vnum occurrentibus per hanc moram lectionis, si quis fortè in assignato sibi commissio fuerit occupatus, occurrat. Omnes ergo in vnum congregati compleant, id est Completorium recitent, quo diuinæ laudes complentur. Ideo autem sanctus Pater lectionem Completorio præmitti voluit, ut Monachi ex diurnis operibus, vel negotiis distracti, ipsa lectione reuocarentur ad Deum. Quare libros magnæ edificationis, & pietatis legi præcepit, cuiusmodi sunt collationes Patrum à Ioanne Cassiano conscriptæ, vitæ quoque Sanctorum, & diuerforum Patrum ascetici sermones. Pro qua lectione Smaragdus Abbas Diadema Monachorum composuit, ut ex eo singulis diebus capitulum vnum legeretur. Ex hac verò Monastica constitutione

Beda lib. de mediet.
Pass. Christi per 7.
horas.
Iodoc. Chlicth. l. 1.
Elucid. Eccl. cap.
de horis Canonic.
Amal. lib. 4. c. 8.
Hugo in speculo
cap. 3.

ratio colligitur, qua factum est, ut præter cæterarum horarum consuetudinem hoc Officium à lectione inchoetur. Brevis enim lectio, quæ hodie Completorium antecedit, illam procul dubio repræsentat, quam ex Collationibus, vel vitis Patrum olim Monachi faciebant, post quam ipsum Completorium immediatè sequebatur. Quo peracto omnem prorsus loquendi facultatem sanctissimus Legislator denegavit, graviore vindictæ reum statuens Monachum, qui hanc ratiocinationis regulam ausus fuerit prævaricari.

2. Quia verò S. Benedicti mentionem fecimus, illud hic opportunè monebo, quod à nemine, quod sciam, hæcenus est observatum, ipsum videlicet præclarissimum Patrem primum Completorium institutorem fuisse: quæ assertio, quia apud aliquos non vsquequaque eruditos admirationem habebit, æquiori lance libranda, & solidis rationum momentis stabilienda est. Facit in primis ad eius veritatem astruendam, quod licet in Scripturis, & Patribus frequens habeatur mentio orationis faciendæ in fine diei; ad Vesperas tamen, & non ad Completorium illæ sententiæ referri debent. Accedit deinde quod ipso nomine Completorii nullus Ecclesiasticus Scriptor Benedicto antiquior usus fuit: nec apud quempiam Græcum, vel Latinum Auctorem huius Officij nomen reperitur. Res autem ipsa sub aliis nominibus vix à Vesperis discerni potest. Nec est quod animus cuiuspiam moveat secunda Regula D. Augustini, quæ disertis verbis meminit Completorii, nam illa perpetam tanto Doctore tributa est & ab aliquo imperito conficta videtur: precibus enim matutinis Psalmos assignat octoginta octo, Lucernarium distinguere à Vesperis, & multas alias continet de diuinis Officiis absurditates. Nomen item Completorii in Regula Monacharum inter opera D. Hieronymi reperitur, sed illa spuria est, & Auctoris recentioris. Cassiodorus quoque explicans versiculum Psalmi, *Septies in die laudem dixi tibi*, septem, inquit, illas significat vices, quibus se Monachorum pia deuotio consolatur, Matutinas, Tertiam, Sextam, Nonam, Lucernariam, Completorios, Nocturnos. At iste scripsit Regula Benedictinam promulgata, ut diligentes Chronologi observant, & ex Annalibus doctissimi Baronij luce clarius constat. Errant igitur toto cælo, qui ab ipsis Apostolis originem Completorio fuisse asseruerant. Er quidem Latinos Patres ante Benedictum expressam eius mentionem nullatenus fecisse concedunt omnes diligentissimi rei huius indagatores Marcellus Francolinus, Franciscus Suarez, Robertus Bellarminus, & alij. Idem de Græcis sentiendum est, quicquid nonnulli homines alioquin non contemnendæ eruditionis in contrarium reclamant. Quid enim commemorant illi orationem initio noctis ante somni dormitionem faciendam. Esto sanè. An idcirco hæc institutio ad Completorium trahenda est? Non credo. Enimverò vel de

Reg. Monachar.

c. 19

Cassiod. in Ps. 118.

Francol. c. 14 & 21.

Suarez l. de hor. Canonic. cap. 5. Bellarm. lib. 1. de bono oper. in parat. cap. 11.

Bellarm ibidem.

Basil. reg. fol. 137.

Vesperarum solemnitate, vel de aliqua priuata oratione explicari debent: ideoque valdè incompletum erat hoc Completorium. Miror in hac parte doctissimi viri sapientiam dormitantem. Scribit hic expressam Completorii mentionem se primum inuenisse apud Basilium in Regulis fusiùs disputatis. Age, proferamus textum. Completo iam die, ait ille, postquam horæ nonæ mysteria ex Actibus Apostolorum explanauit, pro iis omnibus, quæ in eo data nobis fuerint, feliciter uè nobis euenerint, gratiarum actio succedat; eorumque quæ vel per consensum, aut secus contra animi sententiam prætermissa sint confessio: ac sicubi latens delictum aliquod admissum fuerit verbis, operibus uè, aut etiam corde, pro his omnibus oratione adhibita veniam nobis à Deo comprecabimur. Siquidem ad similia peccata iterum euitanda valdè vtilis est præteritorum consideratio. Idcirco Dauid dicit, *Quæ dicitis in cordibus vestris, in cubilibus vestris compungimini*. Tuam fidem obtestor amice Lector, agnosce scilicet hæcenus aliquod vestigium Completorii? An quia meministi confessionis, quam Ecclesia Romana Completorio præmittere solet, ideo quamdam eius effigiem hic adumbratam existimas? Sed præstat sequentia Basilij verba recitare. Tum autem, inquit, primis se iam noctis intendentibus tenebris sequetur petitio, vt quies quam sumus capturi inoffensa, & ab omni perturbatione, ac vitio libera sit, qua hora etiam necessariò nonagesimus recitari Psalmus debet. Hæc ille, qui dum ingruentes tenebras, & Psalmi nonagesimi recitationem commemorat, videtur sanè primo aspectu ipsum Completorium delineare. Sed neutra coniectura sufficiens est. Primò quia cum statim post Nonam vespertinas preces recenseat; quæ antiquissimæ sunt, & completo iam die ad lucernam cantari solebant, vt capite superiori ostensum est, quid mirum si de tenebris mentio fiat? Deinde tametsi nonagesimum Psalmum etiam nunc ad Completorium dicamus, huius tamen Psalmi designatio nihil facit pro Completorio: nam etiam hora sexta hunc eundem Psalmum dicendum esse præcepit, vt liberemur ab incurso, & dæmonio meridiano. Quid quod Baronius hæc eadem Basilij verba de tribus nocturnis vigilijs interpretatur, quæ olim ter in nocte surgendo recitabantur? Tandem idem Basilius sermone primo de institutione Monachorum, qui aliis est sermo quartus exercitamentorum pietatis, horarum Canonicarum tempus, & numerum describens adeò clarè rem istam diffinit, vt nulla amplius dubietas relinquitur. Is est, inquit, horarum modus tenendus, qui à veteribus olim sanctis viris ad orationem descriptus est. Etenim eximius ille Dauid ait: *Media nocte surgebam ad confitendum tibi super iudicia iustitiæ tuæ*. Addit deinde idem Propheta: *Vespere, manè, & meridie*. Quin & Spiritus sanctus circiter horam diei tertiam missus fuit, sicut ex Actis accepimus, quo tempore, cum

Baron. an. 51 n. 69.

propter illam variarum linguarum efficacem vim Pharisei discipulos irriterent, negavit Petrus eos ebrios esse, qui ea loquerentur, siquidem horam illam tertiam fuisse. Porro Nona Dominica Passionis memoriam refert, illius quæ vitæ nostræ causa suscepta est. Verum quoniam item hoc est apud eundem David : *Septies in die laudem dixi tibi super iudicia iustitiæ tuæ* : tempora autem illa quæ diximus, neutiquam septenarium orationis numerum conficiunt, bipartito diuidenda meridiana oratio est, ita videlicet, ut pars vna cibum precedat, altera subsequatur, quò perpetua hæc nobis formula sit Deum septies per singulas dierum conuersiones laudibus celebrandi. Ecce quas horas diuino cultui suo tempore assignatas enumerat Basiliius. Primò quidem ex Psalmis nocturnos, Laudes, Sextam, & Vesperas. Addit ex nouo Testamento Tertiam, & Nonam. Postea vt septenarius Prophetæ numerus adimpleatur sextam in duas partes diuidi iubet, quarum vna cibum antecedit, altera subsequatur. Quis hic non videt nullum Completorium apud Basilium fuisse? Nam qua ratione iam dictæ horæ sextæ partitionem ad septenarij numeri supplementum instituisset, si post Vesperas aliæ preces superfuissent superioribus adiungendæ? Nulla igitur, non dicam expressa mentio, sed ne rudis quidem adumbratio Completorij in præcitata Basilij sententia reperitur, quam ideò ad Vesperas referre omnino debemus.

3. Confirmatur amplius hæc assertio ex diligenti cæterorum Græcæ Scriptorum discussione, qui multis sæculis post Basilium vixere. Nulla enim Completorij mentio apud illos habetur, adeò prisca Græcis ignotum fuit hoc officium. Ioannes Climacus ad sextum pertinet sæculum. Is sermone de Pastoris officio; Quidam Pater, ait, post complementum vespertinarum orationum alicui duos, alij tres, alij centum psallere Psalmos ante somnum iniungebat. Ergò post Vesperas nulla sollemnis oratio remanebat, sed priuata cuique psalmodia imponebatur. Euthymius Zigabenus Monachus vixit sæculo dno decimo tempore Alexij Comneni Imperatoris. Hic ad illum Psalmi versiculum, *Septies in die laudem dixi tibi*, sic enumerat horas Canonicas, mediam noctem, diluculum, manè, horam tertiam, Sextam, & Nonam, & Vesperas. Nihil autem de Completorio. Eodem sæculo, vel paulò ante vixisse creditur Simeon Presbyter, & Prepositus Monasterij S. Mamantis, qui oratione vigesima quinta de fide, & moribus, vespertino officio completo præcipit Monachum benedictionem à Prælo percipere, tum in cellam recedere, & obserare ostium, ac post priuatas lectiones, & orationes super stoream cubare. Ante istos, sæculo scilicet nono, floruit Simeon Metaphrastes, qui passim in vitis Sanctorum Matutinum commemorat, itemque Tertiam, Sextam, Nonam, & Vesperas, nunquam tamen Completo-

rium. Denique qui voluerit omnes Scriptores Græcos euoluat, & inueniet de Completorio altum vbique silentium. Auctor libri *ad 308*, quem Iodocus Coccius in Thesauro Catholico scripsisse ait anno Domini 1480. primus est ex his quos vidi, qui Completorij meminerit. Sic enim scribit capite de horis Canonicis. Matutinus cantus obitur, quia primò omnis Christianus debet manè celebrare Christum: secundò mulieres manè venerunt portantes aromata ad vngendum Christum: tertio ipse Dominus manè surrexit è sepulchro. Inter matutinum, & vespertinum interueniunt aliæ Canonicæ horæ, quibus canitur prima hora, quia principium diei est, & monstrat nobis illam lucem, quam Deus nobis donauit educens nos è tenebris, & in lucem æternæ vitæ ponens. Tertia, quia tunc descendit in Apostolos Spiritus sanctus illuminans eos, & ipsi mutarunt linguas suas, vt proficerentur ad prædicandum Euangelium toti orbi terrarum. Sexta, quia tunc Christus in Crucem sublatus fuit, in qua pependit vsque ad nonam. Nona, quia tunc expirauit Dominus. Apodipna (quasi dicas Postcænia, quæ nostro Completorio correspondent) canuntur, quia cubitum ituri sumus. Ideò Deo gratias agimus petentes, vt nobis sanctum suum Spiritum mittat, qui nos à laqueis diaboli custodiat, ne nos ille ad libidinem suam supplantet. Mediæ noctis canticum, quia dixit Christus, *Vigilate, & orate, quia nescitis qua hora Dominus veniat*. Rursus dicitur, *Media nocte clamor factus est, ecce sponsus venit*. Hactenus prædictus Auctor. Quod si quempiam Græcum Scriptorem ex antiquioribus repereris, qui Latine reddidit Completorij nomine vtatur, id vitio Interpretum tribuendum est, qui nostrorum temporum consuetudinem attendentes, quoties in textu Græco hanc vocem τὸ λυχνικόν, vel aliam similem inueniunt, Completorium vertunt, cum potius horam lucernarem, seu vespertinam interpretari debuissent. Denique, vt è Græcia in Latinum regrediar, ex hymno S. Ambrosij, quem nos toto ferè anno in vespertina synaxi ritu Cisterciensi decantamus, licet euidenter colligere ipsas vespertas tunc solemnium precum complementum fuisse, quas idcirco ante somni quietem persoluebant. Precamur enim in hoc hymno;

*Artus solutos vt quies
Reddat laboris vsui:
Mentesque fessas allenet,
Luctusque soluat anxios.*

Itemque,

*Exuta sensu lubrico
Te cordis alta somnient:
Ne hostis inuidi dolo
Pauor quietos suscitet.*

Sanctus itaque Benedictus, qui horam vespersarum sic temperari præcepit, vt subsequens cibi refectio luce adhuc diei clarescente sumeretur, ne Monachi, qui omnes in vno loco singuli in singulis lectis dormiebant, sumpto cibo fabulis, otioque vacarent, aut nullo orationum muniti præsidio quieti nocturnæ se traderent, prudenti consilio præcepit, vt audita prius spiritali lectione, tribus Psalmis directaneis sine Antiphona Completorium persoluerent, acceptaque Prælati benedictione rectè cubitum irent, ne fortè priuata, & indifcreta oratione alter alterius necessariam quietem impediret; Sed communi locutione cessante, cæterisque diei exercitiis fideliter consummatis, omnia corporis membra, omnes sensus, & potentia soli Deo, qui non dormit, neque dormitat, committerentur, donec somno refectionis artubus obferata nocturno silentio oris claustra ianitor labiorum nostrorum ad annunciandas eius laudes in nocturnis officiis aperiret.

§. II.

Completorium qua hora celebrandum. Admonet nos finis nostri.

Myſtica eius ſignificationes. Quæ ſit bona, & viuificans mors, quam iuſti optant.

1. **P**Atet ex dictis Canonicum tempus Completorij quale sit, hora scilicet duodecima iam exacta post cœnam, & omnia opera somnum antecedentia, ante finem crepusculi vespertini, postremo scilicet termino abeuntis diei, vt docent Bellarminus, & Durantus, atque alij Scriptores apud ipsos. Non ideò tamen quorundam Canonistarum errorem sequi debemus existimantium Completorium vnam esse ex nocturnis vigiliis: quamuis enim post solis occubitum celebratur, diurnis nihilominus officiis tanquam ipsorum complementum deputatur. Finis autem officij finis etiam nostri nos admonet. Quotidie morimur, & quasi aquæ dilabimur super terram, quæ non reuertuntur: quotidie commutatur, quot puncta scribo, tot meorum tempotum sunt detrimenta. Omni momento pars aliqua vitæ demitur, & tunc quoque cum crescimus, vita decrescit. Quid in rebus humanis certius morte? quid hora mortis incertius inuenitur? vt exclamat Bernardus: Senibus quidem in ianuis, adolescentibus in insidiis est. Dicere quisque potest cum Poëta Venustino,

*Quis scit an adijciant bodierna crastina summa
Tempora dñj superi?*

Quare id agendum vt vna dies instar totius vitæ nobis sit: *Ne gloria in crastinum*, ait Sapiens, *ignorans quid superuentura pariat dies.* Romanus Philosophus luculentissimè: Pectus mortale nunquam magis diuinum est, quam vbi mortalitatem suam cogitat, & scit in

Bellarmin. l. 1. de bonis oper. in part. c. 11.
Durant. de ritib. Eccl. lib. 3. c. 12.
Hostien. 10. Andreas, & alij in c. 1. de celebrat. Missarum.

Bern. de conu. ad clericos cap. 14.

Horat. l. 4. od. 7.

Prov. 27. 1.

Seneca epist. 120.

hoc natum hominem, ut vita defungeretur. Quanti incolumes hodie viuunt, cras futuri puluis, & umbra? Ille itaque beatus cenferi debet, qui sic semper, & vbique viuuit, ut vltimam quamque lucem tanquam non redituram consumat.

M E T R V M XXIII.

Phosphorus ecce diem solito properantior affert,
En roseo fugat astra flagello.
Purpureis cuncta rotis Tithonia coniux
Iam reduci parat aethera Phæbo.
'Ecce more impatiens tremulis emergit ab undis
Claro fulgens Cynthia ore.
Nascenti arridet perfusum lumine cælum,
Plaudit tellus, concinit ær,
Vix tamen æthereo rutilans effulsit in axe
Terris undique luce relictis:
Cum subito excelsum cæli conscendere cliuum
Cursu nititur ocior Euris
Attollitque diem, medioque è culmine victor
Totum flammis concremat orbem.
Mox iam defessus rutilantes contrahit ignes
Æquoreas decliuus in undas.
Deficit seu senio languens, victusque recedit
Obscuris obnubilus umbris.
Primum humili, hinc celsa fulgebat lampade, tandem
Furue cessis tempora nocti.
Flet largis cælum lacrymis, solique cadenti
Tellus aggemit, aggemit ær
Funereis facibus prælucent sidera, terram
Nigro nox inuoluit amictu.
Scilicet hæc hominum norma est, vitæque fugacis,
Quæ nascens iam desinit esse.
Quid senium, & multos fugis mansura per annos.
Vitæ gaudia cæca iuuentus?
Hora volat, finis properat, nox atra tenebris
Imminet, & caligine multa.
Vive igitur, medio dum Phæbus in æthere fulget,
Vive hodie, cras viuere serum est.

2. Porro mysticæ huius horæ significationes multæ sunt. Christus enim hac hora pridie mortis suæ ad hortum exiit post cœnam, ut salutem ab horto auspicaretur, à quo nobis interitus, & perditio. Oravit prolixius procidens in faciem suam, ut orantis habitum ab ipso disceremus. Et cœpit contristari, & mæstus esse, non solum timore imminētis mortis, sed multo magis ob iudæ infelicitatem,

ob

ob Iudæorum perditionem, ob ingratum Christianorum animum et-
ga ipsum, nam plerisque præuidebat nihil sui sanguinis effusionem
profuturam. Tristitiam verò suam statim retulit ad Deum cum ora-
tione dicens æterno Patri, *Non mea, sed tua voluntas fiat.* Hæc
vox capitis, salus est totius corporis, ait Magnus Leo Papa. Hæc vox
omnes fideles instruit, omnes Confessores accendit, omnes Mar-
tyres coronauit. Nam quis mundi odia, quis tentationum turbines,
quis posset persecutorum superare terrores: nisi Christus in omni-
bus, & pro omnibus patiens Patri diceret, *Fiat voluntas tua?* Dis-
cant igitur hanc Vocem omnes Ecclesiæ filij magno pretio redempti,
gratis iustificati, & cum aduersitas violentæ alicuius tentationis incu-
buerit, præsidio potentissimæ rationis vtantur: vt superato tremore
formidinis, accipiant tolerantiam Passionis. Et cum prolixius oraret
sanguineus sudor æstuantis animæ indicium per omnes artus erum-
pens terram perfudit, vt hoc viuifico rore declararet Dominus ter-
renos homines diuino sanguine redimendos. Olim canebat Sponsa,
*Dilectus meus descendit in hortum suum, vt pascatur in hortis, &
lilia colligat.* Sed mutata hic rerum facies, expiandis sceleribus, non
legendis floribus destinatur hic hortus. O felicem hortum Dei cruo-
re irrigatum, qui tui creatoris preces audiens, eiusque mæroris, &
agoniæ confcius primi illius paradisi felicitatem superasti. Vtinam
ariditas mea sanguineo hoc rore irrigetur. Anima mea Domine,
sicut terra sine aqua tibi, fecunda eam copioso hoc imbri, vt red-
dat tibi fructum temporibus suis. Hac etiam hora Dominicæ sepul-
turæ memoria celebratur. Corpus enim Christi è cruce depositum
in monumento positum est, non corruptioni obnoxium, sed ad im-
mortalitatem surrecturum. Quiescamus suauiter in hoc sepulchro
quicunque Christi passionibus communicamus. Maneamus in eo
securi, nam futurum illud gloriosum Propheta prædixit: Eamus
inquam & nos, & moriamur cum eo: ea scilicet morte, de qua psal-
limus, *Pretiosa in conspectu Domini mors Sanctorum eius:* vt con-
sepulti cum Christo ingrediamur in abundantia sepulchrum. Hæc
mors viuificans est, qua nobis ipsis, & mundi actionibus morimur.
Hæc mors perducit nos ad vitam, quæ non nisi mortua carne cognof-
citur, sicut scriptum est, *Non videbit me homo, & viuet.* Nos enim
sumus anima immortale animal, inquit Xenocrates, in habitacu-
lo mortali clausum, & vitæ huius amisso à malo in bonum est
transitus.

Leo serm. 7. de
Passione.

Cant. 6. 1.

Isai. 11. 10.
Psalm. 115.

Exod. 33. 20.

Xenocrat. lib. de
morte.

3. Hominem duplici ratione mori agnouerunt Platonici apud
Macrobiū, primum si anima corpus relinquat: deinde si anima in
corpore adhuc manens corporeas illecebras contemnat, & omnes
affectiones, ac voluptates exuat. Vtramque mortem, qui Dei ama-
tor est, libens amplectitur, teste Maximo Tyrio: quia nisi quis à

Macrobi. in Som.
Scip. lib. 1. c. 13.

Max. Tyr. serm. 1.

Num. 13. 10.

à semetipso deficiat, ad eum, qui super ipsum est, non appropinquat. Præcipue verò mysticam mortem, qua anima à sensibus, & corporeis illecebris auellitur, optat quotidie perfectionis cupidus, & dicit, *Moriatur anima mea morte iustorum*. Bona mors, quæ vitam non aufert, sed transfert in melius. Bona mors, qua corpus non cadit, sed anima subleuatur. Vtinam hac morte frequenter cadam, ne me laquei horrendæ mortis comprehendant: ut non sentiam lasciuientis vitæ mortifera blandimenta: ut non mouear ad sensum libidinis, ad æstum auaritiæ, ad iracundiæ stimulos, ad angores solitudinum, & molestias cutarum. *Moriatur anima mea morte iustorum*, ita ut illam nec fraus decipiat inimici, nec carnis blanditiæ inficiant, nec ignita mundi tela conficiant. Quis mihi det, non solum carnis oblectamenta, sed & vndique irruentia corporearum similitudinum phantasmata mentis puritate transuolare, ut moriar cum Christo, cum Christo sepeliar, cum ipso transeam ex hoc mundo ad Patrem, & ostenso, ac viso Patre dicam cum Philippo, *sufficit mihi?* Hæc est mors, quam optabat S. Iob, cum dicebat: *Elegit suspendium anima mea, & mortem ossa mea*. Hæc est mors non hominum, sed Angelorum, ut eam vocat Bernardus, de qua fidelibus ait Apostolus, *Mortui enim estis, & vita vestra abscondita est cum Christo in Deo*. De hac morte sic loquitur Clemens Alexandrinus: Vir qui eam accepit lucem, ad quam non patet aditus, ad Dominum peregrinatur, etiam si in terra cernatur eius tabernaculum: animam enim abducit à motibus, & affectionibus, & rursus viuunt morte affectis cupiditatibus. De eadem hæc habet in moralibus Gregorius Magnus: Quisquis sapientiam, quæ Deus est, videt, huic vitæ funditus moritur, ne iam eius amore teneatur. Nullus quippè eam vidit, qui adhuc carnaliter viuunt, quia nemo potest Deum simul amplecti, & seculum. Qui enim Deum videt eo ipso moritur, quo vel intentione cordis, vel effectu operis ab huius vitæ delectationibus tota mente separatur. In hac morte, ut explicat Richardus Victorinus, iacet corpus sine sensu, & motu, sitque illa valde grauis, & verè mirabilis non dissolutio animæ, & corporis; sed alia hac multo mirabilior, multoque gloriosior diuisio animæ, & spiritus. Hanc autem in nobis operari solet, sicut testatur Apostolus, *Vivum ille Dei sermo, & efficax, & penetrabilior omni gladio ancipiti, pertingens usque ad diuisionem animæ, & spiritus*. Quod verò Deum videre mors sit, hac ratione subtiliter explicat Marius Victorinus Afer: Si quis Deum viderit, moriatur necesse est, quia Dei vita, & intelligentia in semetipsa est, non in actu: omnis autem actus foris est; hoc verò est nostrum viuere, quod foris est viuere: ergo est mors Deum videre. Omittenda igitur vita foris, omittenda intelligentia, si Deum videre volumus, & hoc nobis mors est. Simili enim simile videtur. Sic differit obscurissimus

Iob. 7. 15.
Bern. serm. 51. in
Canr.
Coloss. 3. 3.
Clem. Alex. 6.
litrom.

Greg. 1. 18. mor.
cap. 27.

Richard. de ex-
trem. mali, &
prom. boni tract.
3. cap. ult.

Mar. Victorin.
initio l. 3. adu. A-
tium.

iste Scriptor. Nec defunt mortis huius exempla, præsertim in deuoto
fœmineo sexu. Seraphica Virgo Catharina Senensis, quæ sæpè sapius
hanc Angelicam mortem passâ est, scribit in ea separari animam ab
omnibus potentiis, quia omnes eleuatæ sunt, & absorptæ in Deum.
Tunc autem, ait, amittit corpus sensus suos, quia oculus videndo non
videt, auris audiendo non audit, & sic de cæteris sensibus, omniaque
membra ab amore ligata sunt, ideoque clamant qui sunt huiusmodi,
Infelix ego homo quis me liberabit de corpore mortis huius? Altera
Catharina Ianuensis verè mirabilis, ac Theodidacta mulier ita de hac
morte experientia magistra philosophatur. Postquam Deus expoliavit
animam mundo, carne, diuitiis, exercitiis, affectibus, & omni alia
re, præterquam ipso Deo; voluit insuper eam seipsâ denudare, & se-
parare animam à spiritu forma quadam terribili, modoque patiendi
subtilissimo, quem explicare, & intelligere difficillimum est, nisi ali-
quis diuino lumine perfusus id in se experiretur. Insuper Deus in cor
eius nouum amorem adeo subtilem, & vehementem, vt animam
cum omnibus suis potentiis à suo esse naturali abstractam traxerit ad
se, quæ hoc amore semper occupata in nulla re poterat delectari, nec
cælum, vel tetram respicere. Corpus autem absque suo esse natura-
li quasi confusum, & attonitum remanebat nesciens vbi esset, vel quid
deberet dicere, & operari. Denique Maria Vela Ordinis Cisterciens-
is Sanctimonialis, quæ Abulæ in Hispania eximia hoc seculo floruit
sanctitate, mortem, quam viuens subiit incendio amoris combusta
sic scribens ad suum Confessarium describit. In ardenti charitate pa-
titur anima felix, & delectabile tormentum, & terribile martyrium
per manum ipsius Dei, adeo sæpè crescente incendio, vt animam
comburat, & ad corpus etiam flamma pertingat. Cumque aliquando
natura hunc ignem recusaret timens ne ab eo consumeretur, audiuit
vocem Dei dicentis sibi, sine te comburi: itemque, in hoc igne puri-
ficaberis. Quid verò sentiat anima, dum cruciatur in hac flamma,
quis poterit explicare? Moritur enim morte suauissima, sui obliuif-
citur, & omnium creaturarum, omne spatium angustum illi videtur,
nec in se manere potest, nec toto cæli, terræque ambitu contineri.
Vellet coram Deo annihilari, & in laudem ipsius omnino resolui.
Porro corpus sine pulsu remanet intensissimis doloribus afflictum, ex-
pers cibi, & somni, ac penè mortuum, nisi quod anima impetu
amoris acta quandoque compellit ipsum voces tollere ad sidera
altissimis gemitibus, & clamoribus inarticulatis. Hæc & alia plu-
ra de mystica hominis morte sanctæ animæ scripserunt, quæ in-
expectis incredibilia videntur. Mors autem ista in contemplatio-
ne contingit, ad quam serotinum tempus iam ingruentibus tenebris
maximè idoneum esse omnes Theologiæ mysticæ Doctores asseue-
rant. Sed & quidam Ethnicus hanc veritatem non ignorauit, qui de

Cathar. Senensis.
Dialogi sui c. 79.

Cathar. Ianuensis
in dialogo cap. 1.

Ex vita Mariæ
V. l. x. par. 2. c. 43.

Plin. iunior. lib. 9.
Epist. 36.

seipso ad amicum scribens ait : Mirè silentio , & tenebris animus alicui , ab iis quæ auocant abductus , & liber , & mihi relictus non oculis animo , sed animum oculis sequor , qui eadem quæ mens vident , quoties non vident alia.

§. III.

Hora Completorii obtulit Abraham sacrificium. Contemplationis series ex eodem sacrificio explicatur. Deprecatio pro dono contemplationis.

Psalm. 84.

Gen. 15.

Richard. de differ.
sacrificij Abrahamæ,
& Matæ.

1. **I** Deò ante Completorium versiculus ille Psalmi decantatur, *Conuertere nos Deus salutaris noster*, quo peracto iam die è negotio ad otium, ab externis ad interna, à malitia diei ad noctis quietem, & ab actionum sollicitudine ad contemplationis suauitatem reuocemur. In cuius rei typum Patriarcha noster Abraham, cum accepta super numerum stellarum futuræ propaginis repromissione præscriptum à Domino sacrificium ipsa hora Completorii offerret, conuersionem nostram ab actiue vitæ exercitiis ad contemplatiue sublimitatem non sine ingenti mysterio præfigurauit. *Sume*, inquit, *mibi vaccam triennem, & capram trimam, & arietem annorum trium, turturem quoque, & columbam.* Vbi illud in primis obseruandum est, quod quadrupedibus bestiis volucres etiam in sacrificium adiunxit. Nam, vt ait Richardus Victorinus, in auiibus studia spiritalia, in animalibus corporalia exercitia intelliguntur. Qui verò ad apicem perfectionis anhelat aues bestiis, interna externis, contemplationem actioni coniungere debet. *Et bestias quidem diuisit Abraham in duas partes, volucres autem non diuisit.* In internis enim exercitiis, quæ ad aues pertinent, cum soli diuino conspectui pateant, illud dumtaxat oportet intendere, vt diuinæ placeant voluntati: At in externis, & corporalibus quibus tum propter Deum, tum propter proximum insistimus, intentionem nostram necessario diuidimus, & geminamus, & ad diuinum beneplacitum, & ad proximi vilitatem attendentes. His autem studiis dum incumbimus, adhuc viget diei malitia, adhuc vrit æstus concupiscentiæ, adhuc feruet carnalis prudentiæ calor. Ideò sacrificium nostrum custodire debemus, ne descendentes volucres, ineptæ scilicet, ac superbæ cogitationes, immisiones per Angelos malos, illud coinquent, & discerpant. Sed quid dicit Scriptura? *Cumque Sol occumberet, sopor irruit super Abram, & horror magnus, ac tenebrosus inuasisit eum.* Ecce quomodo occidentem Solem comitatur sopor, & post soporem sequitur horror. Hunc verò soporem non illum arbitror esse, quem infirmitatis nostræ defectus, vitæque huius necessitas immitit: soporem intelligo corporei sensus excessum, animi quietem, mentis alienationem. Dum igitur Sol occumbit, dum vanitatis desinit amot, dum carnis concupiscentia refrigerat, homo spiritualis

irruente desuper somno extra semetipsum rapitur, & ex divina re-
velatione, quasi per somnum, ea incipit cernere, & cognoscere, quæ
prius feruente sole vix, vel nullatenus poterat intueri. *Per somnium*
in visione nocturna, ait Iob, *quando irruit sopor super homines, &*
dormiunt in lectulo, tunc aperit aures virorum, & erudiens eos in-
struit disciplina. At hunc soporem horror magnus, & tenebrosus sub-
sequitur, eodem attestante qui dicit, *In horrore visionis nocturnæ,*
quando solet sopor occupare homines, paupor tenuit me, & tremor,
& omnia ossa mea perterrita sunt. Et, *si dixero, consolabitur me le-*
ctulus meus, & revelabor loquens mecum in strato meo; terrebis me
per somnia, & per visiones horrore concuties. Quis enim non hor-
reat, & contremiscat, dum mystico sopore supra semetipsum ele-
uatus videt Deo revelante quantis quotidie periculis subiaceat,
quam sit pronus ad casum, quam tardus ad surgendum, quam
facile perituræ carnis illecebris decipiat; & insidiantis diaboli
fraudibus ad ruinam impellatur?

Iob. 33. 15.

Iob. 4. 13.

Idem 7. 13.

1. Pergit Scriptura. *Cum ergo occubisset Sol, facta est caligo te-*
nebrosa, & apparuit clibanus fumans, & lampas ignis transiens in-
ter divisiones illas. En veram conversionem, quam initio Comple-
torij postulamus: En totius seriem contemplationis. Primò occum-
bit Sol, postea soporatur homo, horror deinde inuadit eum, tum ca-
liginem videt tenebrosam, quam clibanus fumans dissolvit, & lucen-
sa lampas transeuntis ignis inflammat. Postquam igitur prædi-
ctus horror studium spiritualis viri à caducis transtulit ad æterna,
omni vitiorum tyrannide subacta, de conscientie incipit tranquillita-
te gaudere, & inualescente bona consuetudine in simplicem mentis
nuditatem exaltatur. Tunc fit caligo tenebrosa humana ratione im-
perscrutabilis, quam Magnus Areopagita lucem esse ait, in qua Deus
inhabitat, quæ propterea tenebrosa vocatur, quod lux excedens, &
exuperans, id quod luce tegitur, nimio splendore inuoluat. *Nubes,*
inquit, & caligo in circuitu eius: & posuit tenebras latibulum suum.
Ad hunc fulgentissimum radium diuinarum tenebrarum, qui omni
essentia superior est, mysticæ Theologiæ magister Dei amatorem
eleuandum fore promittit, cum à se ipso, & ab omnibus liber fue-
rit, & solutus. Ad idem Psalmus nos hortatur qui dicit, *Accedite ad*
eum, & illuminamini. Ne fortè desperes, & dicas, Nulla est spes
videndi Deum, nam *Deum nemo vidit unquam, & lucem habitat*
inaccessibilem; præcipit Psalmus vt accedas. Ad quem? Ad Deum.
Sed scriptum est, *Scrutator maiestatis opprimetur à gloria.* Accede
ergò humiliter, accede confidenter, & illuminaberis, & facies tua
non confundetur. Ideo post caliginem sequitur clibanus fumans, &
lampas ignis. Prius ignis fumigans, postea ignis flammans. In cliba-
no fumante intelligitur incendium amoris, in lampade lux gratiæ re-

Dionys. Areopag.

Psalm. 96. & 17.

Dionys. Areopag.
cap. 1. myst. Theo-
logiæ.

Psalm. 35.

1. Ioan. 4. 12.

1. Timoth. 6. 16.

Prou. 25. 17.

Dionys, cap. I mysticæ Theologiæ.

ulantis. Nam quia lux Diuinitatis iis tantum, teste Dionysio, verè collucet, qui immunda omnia, & munda transeunt, omnemque omnium sanctorum fastigiorum ascensum superant, & diuina omnia lumina, rationesque cœlestes relinquunt, & in caliginem ingrediuntur, in qua reuera est, vt scripta diuina tradunt, is qui est super omnia, ad quam sublimitatem non nisi charitate currendo peruenitur; idcirco amoris incendium in clibano cordis succendi debet. Sed quia in hac vita quantumcunque proficiat homo, nunquam ad summum perfectionis fastigium peruenire potest, vt Deum diligit totis viribus, tota mente, tota virtute, non sine causa succensus clibanus molestus, & lacrymosus eructans fumum ostenditur. Lampas verò ignis intimæ lucis quandam denotat inchoationem, in cuius tenui, ac subobsuro fulgore æternorum bonorum supereminentia nobis interim manifestatur, donec crescamus vsque ad perfectam diem, & ad illam felicem patriam perueniamus, in qua lumen lampadis, & lucernæ iam necessarium non erit, quia claritas Dei illuminabit nos.

3. O ignem! ô lucem! quæ post solis occasum immittitur, quæ tenebras peccatorum expellit, fiduciam gignit, nutrit spem, tollit timorem. O fidelem Abrahæ æmulatorem, cui datum est hostiam gratam offerre Deo, & post horrorem, & somnum diuinum ignem, quantumque lumen accipere. *Conuerte nos Deus salutaris noster, & auerte iram tuam à nobis: festina ad adiuuandum nos hac sacratissima hora, qua à diei negotiis ad orium contemplationis toto mentis affectu conuerti desideramus. Ecce suplex, & lacrymans pedibus tuis aduoluo nouellus Ephraim, qui quasi auis auolauit, nidum quærens mihi, vbi reponam pullos meos, affectus meos. Cognoui nimirum tempus miserendi, quia venit tempus. Non me deinceps, te adiuuante, benignissime Saluator, non me ad egea conuertam huius mundi elementa, ne mihi thesaurizem iram in die iræ, ne rursus vagari incipiam post greges sodalium meorum, ne ligatis manibus & pedibus proijciar à facie tua in tenebras exteriores, ne tanquam tepidum euomas me ab ore tuo, ne cum ipse veneris scrutans renes, & corda, scrutans Ierusalem in lucernis inueniar minus habens. Et nunc Domine, Pater meus es tu, ego verò lutum: fictor meus es tu, & opus manuum ruarum ego sum. Ne memineris iniquitatum mearum, & anticipent me misericordiæ tuæ. Vnam petij à te, hanc iugiter requiram, vt inhabitem in domo tua omnibus diebus vitæ meæ. Effunde ergo, clementissime Deus, largam super me benedictionem de rore cœli, & de pinguedine terræ. Terræ inquam viuientium, qui potantur torrente voluptatis tuæ, & sariantur ab vbertate domus tuæ. Vtinam dirumperes cœlos, & ad me descenderes, vt durities mea liquefacta dissolveret, & amore tuo*

ignitus præsentia tua dignus inueniret. Sicut desiderat ceruus ad fontes aquarum, ita desiderat anima mea ad te Deus. Quando veniam, & apparebo ante faciem tuam? Quando veniam ad te supereminenti contemplatione eleuatus de terra deserta, inuia, & inaquosa, ut videam virtutem tuam, & gloriam tuam? Quamdiu miser iactabor in fluctibus mortalitatis meæ, clamans ad te Domine, & non exaudis? Audi clamantem de profundis tenebrarum, introduce me in caliginem tuam, in qua lucet radius maiestatis tuæ, ut videam te, & sciam te, nunc quidem per speculum, & in ænigmate; postea verò discussa caligine facie ad faciem, cum lux perpetua fulgebit super me in regno felicitatis.

M E T R V M X X I V .

Hoc est quod opto: cætera disfluunt
 Vernæ more niuis, quæ tenui halitu
 Spirantis Zephyri liquefcit.
 Quid mihi Regum culmina, quid opes;
 Quid mollioris gaudia vitæ,
 Aut vana ingeritis præmia gloriæ,
 Gentes sinistro tramite deuicæ,
 Iussisque indociles Dei?
 Omnia sordent: quicquid celsum
 Magno calum continet ambitu,
 Quicquid tellus fecunda parit.
 Tu Rex beate cælitum,
 Mundi sator, & restor,
 Humani generis spes, amor, & quies;
 Qui lucido astrorum in folio sedens
 Intimos cordium penetras recessus;
 Interna pelle nubila,
 Compone fluctus turbidos,
 Ut spiritus contagio
 Emancipatus corporis
 Tranquillus ad te conuolet.
 Da votis facilem te Pater optime;
 Tueque lucis fulgidum menti iubar
 Emitte cælitus,
 Ut rursus patrio reddita cælo
 Veri se repleat luminis haustu.
 Tu poli terræque præses tumidi quoque pelagi
 Moderatrix mens veni, cuncta regens vico stabili.
 O sacrum mundi decus, Patris & unica soboles,

Tuo semper parenti sapientia similis,
 Intelligibilium expressio, nec Patre iunior,
 Nec minor, lux sempiterna effigies nitida Dei.
 Te semper generas, & semper amat, tibi placidus
 Annuit semper Parens: constat perpetuus amor
 Geniti, & Genitoris, ambos nam fœdere sociat
 Eterno vnus amor, & spiritus: hunc sine numero
 Numerum facitis. Bonum simplex, unica Deitas,
 Simplex eternitas, parque potentia, par amor
 Tibi cum Patre est. Nihil te sine dicere possis est,
 Qui Verbo cuncta dicit. Sine te nihil opifex
 Aut facit, aut firmat. A te omnia condita numerum;
 Artemque habuere, normam quoque, pondera, speciem.
 Huc igitur ades boni fons sapientia, maculas
 Absterge mentis, cernere ut vultum queam,
 Vultum beatos qui facis Angelos,
 Tu quoque Amor Deus,
 Amor perpetuus Patris,
 Perpetuus Verbi Amor,
 Vtrique compar, & triusque vinculum.
 Quem vis volendi, vis redamantium
 De corde semper intimo
 Spirat perenni amore.
 Ades præpes & ex alto
 Septena mitte munera.
 Tu lux siderea domus,
 Sanctorum fomes ignium,
 Vigor igneus orbis,
 Hospes pudici pectoris,
 Sanctique amoris pronubus:
 Dux ad astra, cordis ardor,
 Et mentium voluptas.
 Huc opum diuiniorum
 Dives, pax animi veni:
 Arcem pectoris occupa,
 Nam tuo sine Numine
 Mens torpet, ut flumen gelu.
 At at recenti quo feror impetu
 Sublimis inter nubila?
 Subitus unde mihi
 Venit furor? quis me vigor,
 Aut que vis noua concitat?
 Cernitis? an rerum species deludit amantem?

Per

Per medias equitare nubes,
 Stelliferumque pede
 Iam videor calcare polum.
 Ad cœlitum consortium
 Super nitentis æthræ
 Altum feror cacumen.
 Ecce domus, turresque recedunt:
 Iam pendula in minimam coit pilam globosa tellus,
 Iam Solis, & Luna superuehor, Iouisque sedes.
 Modò quod erat culmen resurgens siderum pyropis
 Calco pavimentum pedibus, & sancta cerno
 Delubra Divum,
 Trabit me spiritus post se, menique sacro
 Amore pectus urit
 O raptus, atque excessus animæ,
 O mysticum silentium,
 O sancta solitudo,
 Pretiosa mors carnis, quies tranquilla, fux amoris,
 Intus furens incendium,
 Suspendio beata,
 Pax cordis & suavisima
 Mentis bona voluptas!
 O quas Aligerum lyras
 Dulcesque cantus audio!
 Carmina resonant non prius
 Accepta æthereis choris.
 Auditis ut decemplicem
 Amor intus agit molem!
 Amor hic est, nosco sonantium
 Errores digitorum.
 Ut blanda pubes cœlitum
 Arripit aure sonitum!
 Ut accinunt Amori
 Aligerum phalanges!
 Ut astra mulcent cantibus!
 Hic eloquenti verberare
 Chelym flagellat auream.
 Hic garrientes fistulas
 Blandis maritat vocibus.
 Hic leni auratum pectine tangit ebur,
 Doctus hic est molles ungue cedere fides,
 Hic patrios sacro personat ore modos,
 En ut decoris saltibus

Errantes quatiunt solum!
Nunc implicantur inuicem,
Et sese manibus trabunt.
Nunc delicatis gressibus
Cantui occinunt sonoro.
Nunc in obliquam celeres cateruam
Disgregant sese placido rotatu,
Latoque planctu.
O pura mentis gaudia,
O sancti Amoris Orgia!
Adeste Amantes, quotquot ad aethera
Promouet virtus leuiore penna
Adbuc caduca corporis
Mole grauatos.
Nunc est canendum, nunc superum choris
Fus est adesse, & psallere.
Ergo huc canora tympana, & lyras ferte,
Ferte vota, ferte laudes.
Ludite, plaudite, psallite Amori:
Dulcia carmina pangite Amori:
Pangite laudes, fundite versus,
Calica promite cantica Amori.
Pulsate nouo sidera cantu.
Plaudite cæli, plaudite terre,
Plaudite Amori.
Sed quis repente corripit. mentem dolor,
Et nostra turbat gaudia?
Scilicet iniecta curarum compede, & arcto
Carnis ligata vinculo
Ad ima rursus labitur
Mens è polorum culmine.
O Amor, ô tetrica tandem fastidia vite
Tolle: ut sidera tibi liber sistat in arce
Tunc mea securus iactabo gaudia, quando
Vnica vita duos iunget, & vna dies,

§. IV.

Completorio feruentius adesse debemus multis de causis.
Somnus imago mortis.

1. **H**Ac hora totius diei defectus supplere debemus, ut si cæteris
 forsân officiis minus alacriter, & deuotè interfuimus, maio-
 ri nunc feruoris, ac pietatis conatu peractæ per diem orationis negli-

gentiam compensemus. Illud autem summopere Monacho cauendum est, ne absque grauissima necessitate publicæ desit officij huius recitationi. Fratres Prædicatores huic pietati sedulo incumbant. Nam, ut ait Theodoricus in vita sancti Dominici, ceu rem valde optatam Completorium expectabant, atque ad illud tanquam ad solemne quoddam festum se præparantes mutuis se precibus commendabant. Multæ autem sunt causæ ad hanc obseruationem acrius stimulantes, quas magistri spirituales recensent. Primò enim hæc hora est qua de labore vitæ actiue ad tranquillam contemplationis pacem modo superius explicato transimus, Canticum iusti senis propterea psallentes: *Nunc dimittis seruum tuum Domine, secundum verbum tuum in pace.* De impiis scriptum est; *Contritio, & infelicitas in vjs eorum, & viam pacis non cognouerunt.* Iusti autem si dormiunt, non timebunt, quiescent, & suavis erit somnus eorum. *Creavi fructum laborum pacem, dicit Dominus, fructum scilicet sacrarum precum, quas hac hora complemus, pacem ei, qui longè est, & qui propè.* Quomodo enim perturbato animo ille poterit inueniri, de quo scriptum est: *Et factus est in pace locus eius.* An non illa, quæ dilectum quærebat elapsum & lectuli, & noctis secretum elegit? *In lectulo meo, ait, quæsiui per noctem quem diligit anima mea.* En loci, & temporis quam prudenter adhibet opportunitatem! Per lectum siquidem sanctæ quietis otium intelligitur, quo nihil accomodatius ad vsum amoris, ad sapientiæ inuestigationem, ad gratiarum incrementa. Per noctem finis exprimitur occupationum, perturbationum fuga, omnium laborum obliuio: *Exibit homo ad opus suum, & ad operationem suam vsque ad vesperam,* & non ultra. Nocte enim ingruente tempus tacendi est, tempus vacandi, & videndi quam dulcis est Dominus. Deinde hac hora præparandus est locus, in quo animus cum Deo quiescat sancti Regis exemplum imitando, qui per diem assiduus regni curis distractus die peracto quasi quoddam Completorii rudimentum describens dixit: *Si ascendero in lectum strati mei, si dederò somnum oculis meis, & palpebris meis dormitationem, donec inueniam locum Domino, tabernaculum Deo Jacob.* Sed vbi inquires locum Domino preparabo? Queris vbi? In teipso: *Deliciae meæ, dicit Dominus, esse cum filiis hominum.* Audi autem ipsum designantem sibi locum. Quis est iste locus quietis meæ? *Ad quem autem respiciam, nisi ad pauperulum, & contritum spiritum, & tremementem sermones meos?* Si tale fuerit cor tuum, locus gratissimus Domino factum est. Denique quis non studeat aduersus potestates tenebrarum, hac hora potentius armari, quarum noctu maior est vis? Sunt verò hæc arma special's ad id oratio, aquæ lustralis aspersio, Prælati benedictio, & sollemnis B. Mariæ inuocatio.

Vmbertus in Reg.
S. Augustin. c. 38.

Luc. 2. 29.

Psal. 13. 3.

Isai. 57. 19.

Psal. 75.

Cant. 3. 2.

Psalm. 103.

Psal. 131.

Prou. 8. 31.

Isai. 66. 2.

Plutar. de consol.
ad Apol.
Homer. Il. 14. v.
211. Moſehus, &
Theocr. Idyl. 3.
Virg. 6 Æn. Sen.
Herc. fur. act 4 &
alii.

Amalar. l. 4. c. 8.

Ad Hebr. 9. 27.
Ecclef. 11. 3.

Petr. Arbitr.

2. Vnum addiderim turpe admodum eſſe inutiliter hoc tempus tranſigere, quo totius diei acta ad cenſuram reuocare debemus, ſinemque noſtrum Domino cum lacrymis commendare. Morti enim initiamur cum dormire incipimus, ait Plutarchus: paſſimque Auctores primæ noctæ & ſomnum vocant mortis fratrem. Quia videlicet, vt in libro de reſurrectione ſcribit Athenagoras, ſimilia accidunt ſopitis, & defunctis. Apud Pausaniam in Eliacis in Cypſeli Tyranni monumento efformatum legimus ſimulachrum noctis cum duobus infantibus, nigro vno, candido altero cum mortis, ac ſomni epigraphe. Dormiunt mortui Deo, ſicut dormientes velut mortui ſunt vobis. Locus ſacer, in quo oſſa mortuorum requieſcunt Græco vocabulo cæmeterium, hoc eſt dormitorium dicitur à κοιμῆω, quod eſt dormio, & communiter in ſacris literis dormire dicuntur, qui felici ſecuritate in Domino moriuntur. Hinc teſte Amalario, aptatur quodammodo officium Completorii commendationi, qua ſe homo commendat Deo, quando tranſit de ſæculo: petimus enim dimitti in pace, & ſpiritum noſtrum in manus Domini commendamus. Sic optimo fine claudimus diem, ſi noſtri quoque ſinis recordamur. Hac autem recordatione nil efficacius ad traducendas hominum mentes à ſcelere ad virtutem, vt ſi benè animo concipiatur, omnem hominem quantumuis barbaram horrore percellere, & ad meliorem frugem conuertere poſſit. *Statutum eſt omnibus hominibus ſemel mori: & in quocumque loco ceciderit lignum, ſue ad Austrum, ſue ad Aquilonem, ibi erit.* Quis verò hæc audiens, & credens non perhorreſcat? Memento viuimus, momento rapimur, & quidem momento inuitabili, vnde pender æternitas. Rectè priſcus Satyricus:

Hæu, heu nos miſeros quam totus homuncio nil eſt!

Richar. lib. 2. in
Apoc. c. 1.

Ergò dum licet benè viuere ſtudeamus. Sat dictum de Completorio. Iam tacendum, & quieſcendum eſt. Hoc eſt autem ſummè, & perfectè quieſcere, ait Richardus Viſtorinus, à Creatoris pia laude nunquam ceſſare.

CAPVT XII.
DE OFFICIO PARVO B. VIRGINIS:

§. I.

Quam difficile sit de Mariæ laudibus scribere. Cur negotium omnium seculorum dicatur esse. Eius cultum semper viguisse. Ad ipsam Beatam Virginem deprecatio.

N celebrandis Beatissimæ Virginis Mariæ præconiis tot iam sudarunt ingenia, tot sunt attriti calami, tot manus, & mentes occupatæ, vt si eius honori conscripta volumina in vnum congregarentur, insignem se solis constituerent Bibliothecam. Pia quadam æmulatione omnis natio, quæ sub cælo est, iuuenes, & virgines, senes cum iunioribus in recensendis Mariæ laudibus qua ligata, qua soluta oratione decertasse videntur. Sed vt deuotus fuerit, gratusque Deo generosus eorum conatus, quicquid tamen de ineffabili meritorum eius prærogatiua manu scripserint, ore protulerint, mente conceperint, stilla stulæ est, momentum statetæ, gutta roris antelucani; vt non minus de illa, quam de Filio ipsius Domino nostro illud pleno ore decantare possimus, *Tibi silentium laus*: possitque facilius immensum pelagus exigua serobe concludi, quam omnium hominum, & Angelorum vocibus Mariæ laudes exhauriri. Quis Regina cælorum potentias loquetur, auditas faciet omnes laudes eius? Maior est enim omni laude, omnemque exuperat modum, quæ omnium decus creaturarum excellentissima dignitate transcendit. S. Germanus Patriarcha Constantinopolitanus sermonem de hac Virgine habiturus sic exorditur. Si palmo metiri terram possumus, ac funiculo mare circumscribere: si cubitis cælum continetur, & stellarum numerati copia potest: si guttæ pluuiæ, tellurisque glebæ, ventorumque impetus, atque arenæ comprehenduntur, certè poterit quod in manibus est argumentum comprehendere. Arnoldus Abbas Bonæuallis initio Tractatus de laudibus Deiparæ hæc habet. Si linguis hominum loquar, & Angelorum, nihil dignè, nihil propriè de sanctæ, ac perpetuæ Virginis Matris Christi Mariæ gloria elcui potero, quia verè in laudibus eius modulandis non inuenitur conueniens organum, & hebes est cuiuscumque subtilitatis ingenium. Res mira, & inaudita, Mater Virgo, Verbum caro, Deus homo! Quis in tam celebri miraculo sileat! Item quis hæc prædicare sufficiat? Scimus quidem supra nos esse hoc aggredi; sed illa in cuius sacramento vtero Verbum caro factum est, locuturis de Verbo conciliat verbum: nec fas est muta esse gaudia Ecclesiæ, vbi implente nos

Psal. 64. ex vers. Hebr.

H h iij

Amed. Hom. i.

Verbo hoc habemus in mente, quod mater in vtero. S. Amedeus ex Abbate Altaxumbæ Episcopus Lausanensis magnus Virginis Encomiaslas, Omnis sancta, inquit, & rationalis anima inuestigans cœli secreta mysteria, & distinguens ordines supernorum spirituum inuenit primam post Redemptorem illam in mulieribus benedictam, illam plenam gratia, quæ Deum genuit, & virginitatis gloriam non amisit. Hæc Virgo beata omni luce clarior, omni suauitate gratior, omnique potentatu sublimior totum mundum illuminat, & vnguenti optimi perfusione innouans omnia Cherubim, & Seraphim agmina potestate transcendit, & maiestate. Solus igitur Deus, cui soli secunda est, eam dignis poterit encomiis honorare, qui ad tantam dignitatem humilem, & paruulam sublimauit, qua maiorem ipsa Dei omnipotentia creare non potest. Hoc vnum est, in quo nec primam similem visa est, nec habere sequentem, vt vnum eundemque Filium cum Deo Patre meruerit habere communem. Hæc illa mulier est olim in Paradiso promissa, quæ caput serpentis antiqui Dei virtute calcauit. Hæc illustis illa mulier præ cunctis mulieribus benedicta in igne, & rubo; in virga, & flore; in rore, & vellere antiquis Patribus præmonstrata. Hæc arca mystica testamenti, aureum propitiatorium, scala Iacob, virga Iesse, thronus Salomonis, arcus fœderis, ianua Paradisi. Hæc fons irrigans vniuersam terram, hæc aurora veri Solis prænuntia. Hæc salus vniuersorum, totius mundi conciliatrix, inuentrix gratiæ, genitrix vitæ, mater salutis. Hæc reparatrix protoparentum, posterorum viuificatrix, vera mater viuentium, desperantium salus, miserorum solatium, afflictorum refugium, spes vnica peccatorum. In ipsa omnis gratia vitæ, & veritatis: in ipsa omnis spes vitæ, & virtutis:

Sola fuit mulier, paruit qua ianua letho,

Et qua vita redit, sola fuit mulier.

Sub eius vmbra qui pausauerit in æstu vitiorum refrigerium inueniet, in pressuris sæculi vmbra culum, in laboribus quietem.

Turcius Rufus in
collat. vet. & noui
Testam.

Bernar. ser. 2. de
Pentecost.

2. S. Bernardus in Mariæ laudes semper effusus eam *Negotium omnium seculorum* aptissimo prorsus, ac singulari titulo nuncupauit. Ipsa enim tanquam mediatrix fidelissima omnium negotia in celesti curia procurat. Ipsa vna omnium negotium est, quæ sola potuit omnia sæcula occupare, quæ magnum negotium sæculorum omnium ingeniiis facessiuit. Sed consultius est dulcissimi Doctores lacteam orationem audire: lac merum loquitur, quod ab vberibus Virginis insigni privilegio suxit. Ad Mariam sicut ad medium, sicut ad arcam Dei, sicut ad rerum causam, sicut ad negotium sæculorum respiciunt & qui in cœlo habitant, & qui in inferno, & qui nos præcesserunt, & nos qui sumus, & qui sequentur, & nati natorum, & qui nascentur ab illis. Illi qui sunt in cœlo, vt resarciantur; & qui in inferno, vt eripiantur;

qui præcesserunt vt Prophetæ fideles inueniantur ; qui sequuntur, vt glorificentur. Eò beatam te dicunt omnes generationes Genitrix vitæ, Domina mundi, Regina Cœli. Omnes inquam generationes, quæ omnibus generationibus vitam, & gloriam genuisti. In te enim Angeli lætitiâ, iusti gratiam, peccatores veniam inuenerunt in æternum. Merito in te respiciunt oculi totius creaturæ, quia in te, & per te, & de te benigna manus Omnipotentis quicquid creauerat recreauit. Apud Græcos omnibus sacris Hymnis, de quocunque argumento sint, Thetocion, in laudem Deiparæ adiungi solet, ac si minimè congruum esset ex aliis capitibus Deum laudare hoc prætermisso. Iodocus Coccius omnium sanctorum Patrum diligentissimus excerptor toto libro tertio tomi primi sui Thesauri Theologici quicquid à Græcis, & Latinis Patribus de beata Virgine præclare dictum, & excogitatum fuit in vnum collegit. Theophilus item Raynaudus vir infinitæ lectionis omnes titulos B. Virginis ex sanctis Patribus excerptis, & ex iis librum confecit, quem inscripsit Nomenclatorem Marianum. Possunt autem iidem tituli valdè locupletari ex Menæis alijsque libris Ecclesiasticis Græcorum, quod egregiè præstitit vir eruditus Simon Vvangnereckius in sua Pietate Mariana Græcorum edita Monachij. Multa quoque collegerunt ad B. Virginis laudem pertinentia præclari & noti Scriptores Petrus Antonius Spinellus in libro quem inscripsit Maria Deipara thronus Dei, Aloysius Nouarinus in Umbra Virginea, & Ioannes Baptista Nouatus in opere de Eminentia Deiparæ. Demum in colenda Virgine nemini cedit hoc sæculo vir religiosissimus Hyppolytus Marraccius Lucensis ; nam præter varia Latinorum, Græcorumque opuscula de ipsa Dei Genitrice quæ in lucem emisit, & notis illustrauit : præter Bibliothecam Marianam in qua recenset summa diligentia omnes qui de beata Virgine aliquid scripserunt : Edidit etiam Prophetas Marianos, seu de Prophetis Mariæ Præculturibus : Apostolos item, & Pontifices Maximos Marianos, Purpuram Marianam, Antistites, Fundatores, & Religiosos Marianos, Palmam Marianam, Lilia Mariana, Heroïdes Marianas, Cæsares, Reges, & Principes Marianos : habetque prælo paratam Polyantheam Marianam, & alia multa, quibus benè mereri, de cultoribus Virginis non cessat. Istos consulat Lector, qui eximias Mariæ laudes noscere cupit, non eum pigebit legisse,

Videndi etiam
Ioan. Bonifac. in
historia Virginali,
Petrus Canisius
libris quinque de
Deipara, & alij in-
numerabiles.

M E T R V M XXV.

Virgo Regina polorum,
Summo quæ proxima Regi
Mundi moderaris habenas,
Huc è celsa æthere aula.

Descende, & disijce mentis
Rutilo splendore tenebras
Meritas tibi promere laudes
Amor est, cupioque per omnes
Te dignos currere honores.
Apis, & studiosa, per arua
Quæ circum ludit Hymetti,
Non vno è cespite florum
Carpit fragrantia mella;
Sed læti plurima veris
Præguans munera, rorem
Depascitur auia cæli.
Laudes sic ipse, tuasque
Celebrabo carmine doles,
Si tu, dulcissima Virgo,
Lucem digneris, & æstum
Tenebroso infundere cordi.
Tu nostra es gloria stirpis
Tu lux, tu vita, decusque,
Hominum spes certa, tuumque
Obseruant omnia nutum.
Placido me respice vultu
Inopem, incertumque salutis.
Da veri cernere sedem
Cæca caligine pulsa.
Duce te mihi gratia semper
Diuina aspiret, & omni
Deterfa ærugine culpa
Puro tibi pectore possim
Cænere hymnos, pangere versus.

3. Semper Deiparæ cultum in Ecclesia vigiuisse, vt cætera desint
 argumenta, ex hoc potissimum conijcere licet, quod nullum eius
 principium ostendi potest. Nam nec Pontificis alicuius decreto, aut
 Concilij sanctione, nec consuetudine aliqua, cuius sciatur origo, in-
 troductus fuit, sed omni ætate, omni tempore semper fideles cæli
 Reginam summo honore prosequi, & venerari consueuerunt. Hæc
 enim ab æterno prædestinata, & prælecta à Deo fuit, vt arcanum
 Incarnationis mysterium in ea perficeretur. Hanc nascituram pro-
 misit Deus statim post lapsum primi parentis, cum serpentis mali-
 gnitati iratus dixit, *Ipsa conteret caput tuum*. Hanc venerabiles Pa-
 triarchæ & sanctæ mulieres veteris testamenti ante & post diluuium
 multiplici allegoria præfigurarunt. Hanc Prophetæ futurorum præ-
 cij vaticinante præconio prædixerunt: inter quos Hieremias, cun-

in

in Ægypto exularet, eius immaculatum puerperium sacerdotibus idolorum indicasse dicitur, ut Auctor synopsis de vita, & morte Prophetarum, siue fuerit Dorotheus Martyr, siue alius recentior, qui fuit Romæ Abbas, & Epiphanius Episcopus asseuerant. Etiam ab Ethnicis, & Turcis eam coli, & celebrari docet Ioannes Bonifacius in historia Virginali. A fidelibus autem Catholicæ, & orthodoxæ Ecclesiæ speciali cultu hyperdulæ adoratam fuisse ab ipso Ecclesiæ ortu vsque ad hæc tempora innumeri Scriptores testantur, quorum testimonia, & auctoritates si ex scriptis ipsorum excerpere, & hic inferre vellem, rem ineptissimam facerem, nam & immensi id operis foret; & materiam ab alijs dudum præoccupatam attingerem, quorum diligentia, & eruditioni quidpiam adijcere non præsumo. Optimos quosque profert Canisius singulorum dicta perpendens, & ex his sectarios conuincens. Incipit autem à D. Laurentio Iustiniano, tum seruata temporum serie ad anteriora secula ascendens fide dignissimis auctoritatibus euincit in religiosa Matris Dei veneratione retinenda, & promouenda magnum semper fuisse totius Ecclesiæ consensum in omni natione quæ sub cælo est. Frustra conuellere hunc cultum oblitrantes Hagiomachi, & Iconoclastæ conati sunt. Viguit, semperque vigebit in æternum & ultra B. Virginis veneratio, & portæ inferi non præualebunt aduersus eam. Quis enim post Deum ita generis humani curam gerit? quis nos ita tuetur in afflictionibus, liberat à periculis, præseruat à malis?

4. Ideo ad te, gloriosissima Virgo, omnium fidelium corda suspirant, omnium oculi respiciunt, omnium vota confugiunt. Te celebrant omnes linguæ, te laudant omnes populi, & beatam te dicunt omnes generationes. Gloriosa dicta sunt de te, sed adhuc locus est tuæ laudationi: adhuc in tuis laudibus balbutit omnis lingua. Non enim sunt loquelæ neque sermones, quibus amplitudo gloriæ tuæ ad plenum valeat explicari. O magna, ô pia, ô multum amabilis Maria, tu nec nominari quidem potes, quin accendas; nec cogitari quin recrees affectus diligentium te. Tu nunquam sine dulcedine diuinitus tibi insita piæ memoriæ portas ingrederis. Et nunc sequimur te, ô Domina, ex totis præcordijs vociferantes ad te, adiuua imbecillitatem nostram, aufer opprobrium nostrum. Tibi reuelamus æm fiducia causam nostram, quia cæli & terræ mediatrix es, peccatorum refugium, salus pereuntium. Per te sancta Trinitas in vniuerso orbe glorificatur; per te cælum exultat, lætantur Angeli, fugantur dæmones; per te prolapsum plasma rursum in cælum subuehitur; per te gentes adducuntur ad penitentiam; per te fundatæ sunt Ecclesiæ, destructa infidelitas; per te clausa sunt tartara, apertæ sunt fores Paradisi:

Epiph. in vita Hic.
romæ.
Bonifac. l. 1. c. 16.

Canisius l. 5. de
Deip. c. 27. & seq.

Ecbertus in laud.
de B. V. inter opera
D. Bernard. &
Cyril. Alex. hom.
adu. Nestorium.

Sedulius l. 2. oper.
paschal.

*Salve sancta parens, enixa puerpera Regem,
Qui cælum, terramque tenet per secula, cuius
Imperium sine fine manet, quæ ventre beato
Gaudia matris habens cum virginittatis honore,
Nec primam similem visa es, nec habere sequentem:
Sola sine exemplo placuisti fœmina Christo.*

Tuo interuentu, benignissima Mater, & nos Christo placeamus, vt te perducente post huius mortalitatis cursum ad eum perueniamus, qui ex te pro mundi redemptione carnem suscipere dignatus est, teque in supremo gloriæ solio tanquam nobilissimam inter omnes creaturas super choros Angelorum exaltauit.

§. II.

Officij parvæ B. Virginis memorabilis institutio. Eius origo antiquior, quam vulgus putet. Deipara encomia, & ad eam salutio.

1. **T**Amethi Ecclesia primi temporis tum publicis, tum priuatis opplorationibus Deiparæ auxilium quotidie flagitare, eamque erectis templis, festisque diebus eius nomini attributis venerari consueuerit; vsus tamen recitandi preces eius horarias non tantam videretur præ se ferre antiquitatem, sicut officium Defunctorum, de quo capite sequenti differemus. Enimuero si generales Ecclesiæ Synodos, quarum est cunctis fidelibus leges imponere, sedulo dispiciamus, huius officij celebratio indicta est post mille, & amplius annos à Christi natiuitate in Synodo Claromontana. Institutionis huius occasio ex Ecclesiasticis Annalibus hæc est. Anno Domini 1095. Vrbanus Secundus Romanus Pontifex ægrè ferens Christi incunabula, eiusque sepulchrum ab infidelibus Turcis omni genere contumeliarum affici, in generali Concilio apud Clarummontem in Gallijs celebrato bellum sacrum indixit, & diuino spiritu percitus clasticum potenter intonuit toro penè occidentali orbe pro fide Christi ad arma concurrente. Vt autem res difficillima, & hæcenus intentata operatum consequeretur effectum, optimum duxit sacrosanctæ Virginis precibus sibi Deum conciliare. In cuius rei gratiam rogata Patrum sententia sanciuuit, vt eiusdem sanctissimæ Virginis officium iam à quibusdam Monachis frequentatum ab illis deduceretur ad clericos, qui piè susceptum onus singulis diebus persoluentes Dei Matrem exorarent, quò eius aspirante gratia fidelis populus in tantis discriminibus subeundis diuino præsidio munitur. Quod officium ea occasione institutum tanto deinceps studio propagatum fuit, vt ipsi etiam laici cum magno gratiarum fœnore illud soleant frequentare. Ex dictis error quorundam conuincitur, qui Vrbanum Secundum primum harum precum faciunt auctorem, cum earum promotor, non institutor, quod natum & educatum in claustris Monachorum fuerat, in lucem gentium sapienter eduxerit. Tolerabilior

Baron. an. 1095.
num. 50.

aliorum error videtur sacra huius institutionis originem ad Petrum Damiani referentium, qui paucis annis ante Synodum Claromontanam diem clausit extremum. Nam & hic clarissimus vir monasticorum rituum propugnator acerrimus est, qui in Annalibus Ecclesiasticis virgineam synaxim instituisse narratur. Id autem in suo quodam Cœnobio diuinitus confirmatum idemmet eleganter describit epistola ad suos Eremitas Gamugneses. Statutum, inquit, erat, atque iam per triennium ferè seruatum, vt cum horis Canonis quotidie B. Mariæ semper Virginis officia dicerentur. Erat autem inter eos Gozo habitu monachus, reprobæ quidem vitæ, sed dicacis, & accuratæ facundiæ. Hic cœpit conqueri satis superque sufficere quod sanctus præcipit Benedictus, nec nouæ adinventionis pondus debere superponi, nec nos esse antiquis Patribus sanctiores, qui videlicet hæc superstitiosa, & superuacanea iudicantes psallendi nobis metam, omnemque viuendi regulam præfixerunt. Hac sanè debere nos esse contentos, ne ab illa incautius declinantes per anfractus, & inuia ducamur erronei. Quid plura? Contra Reginam mundi præliari visus est; & confecit. Ad hoc nimirum fratres versuta machinatione pellexit, vt solitas B. Mariæ laudes vltius non offerret. Sed ô diuinum iudicium à nostræ prauitatis intuitu non dormitans! Mox enim aduersus præfatum Monasterium tot aduersitatum grandines, tot vndique bellorum, atque conflictuum exortæ sunt tempestates, vt ipsis quotidie monachis minaces gladij necis exitum intentarent. Quia ergo Matrem veræ pacis de suo Monasterio proiecerunt, dignum est, vt inquietis calamitarum, tribulationumque procellis atque turbinibus agitentur. Quæ fratres illi vera probantes tandem ad cor redeunt, pauimento se humiliter sternunt, ac percepta pœnitentia nunquam se de cætero neglecturos solita Genitricis Dei præconia vniunimter pollicentur. Mox itaque tanta serenitas redijt, vt ex tunc vsque hodie iucundæ pacis otio perfruantur. Qui ergo facilè seniorum suorum statuta conuellunt, ista considerent, & ne diuini furoris super eos gladius veniat, non sine causa formident.

2. Ex hoc exemplo, quod vir disertissimus pluribus verbis exequitur, occasionem sumpserunt nonnulli asserendi officium Deiparæ in venerabilis viri Monasterijs incœpisse. Sed ne illi hac in re primatum deferam, faciunt Scriptores vitæ eius graues, & fide dignissimi Ioannes Monachus eius discipulus, Ioannes Antonius Flaminus Forocorneliensis, Augustinus Fortunius Camaldulensis, & Hieronymus Rubeus: Hi enim vniformiter asserunt officium D. Virginis à B. Petro non institutum, sed restitutum, vt cuius defuetudo paulatim irreplebat, ipso procurante ad pristinam obseruantiam reuocaretur. Et nelectorem diutius protraham, in vtraque Ecclesia Græca,

Idem ann. 1056.
num. 66.

Pet. Dam. ep. 120.
quæ est 32. lib. 6.

Io. Monach. c. 15.
Flamin. post med.
Fortunat. hist. Camaldul. lib. 5.
Rubeus hist. Rauenat. lib. 5.

Vincen. in Spec.
hist. l. 17. c. 103.

Pet. Diac. in Reg.
S. Benedicti. c. 64.

& Latina hotas S. Mariæ institutas inuenio trecentis, & amplius annis ante Damianum. Et è Græca quidem Episcopus Beluacensis testem profert Ioannem Presbyterum Damascenum, de quo sic scribit. Ioannes Damascenus in amore Dei, ac gloriolæ matris eius se exercens monachalem habitum assumpsit, virgoque permanens Reginæ Virginum horas quotidie studiosissimè decantabat, factusque Presbyter in eius honore Missas deuotissimè, ac frequentissimè celebrabat. Porro viuebat Damascenus anno Domini 718. cuius officia de B. Virgine ritu Græco per totum annum extant M. SS. in Monasterio Cryptæ ferratæ in agro Tusculano. E Latio autem testem habeo Petrū Diaconum Cassinensem. Hic in regulam sancti Benedicti in signe commentarium composuit, quod Romæ manuscriptum asseruatur apud D. Constantinum Caietanum: In hoc igitur libro verba faciens Petrus de Abbatis Cassinensis consecratione ait: Eo die Abbas nihil aliud nisi panem, & aquam comedat, & Canonica septem horarum officia in commemoratione B. P. Benedicti nunquam dimittat, saluo scilicet eo, quod in honorem sanctæ Dei Genitricis persolui consuetudo est, quod etiam generaliter sub districto præcepto Cassinensi Congregationi Zacharias Papa obseruare præcepit, constituens, vt totius anni tempore tam æstatis, quam hyemis ante nocturnale, vel diurnale officium mox vt fratres in choro conuenerint, incipiant officium de S. Benedicto: & eo expleto inchoent officium, quod Regula præcipit, adiuncto etiam sanctæ Dei Genitricis, & Virginis Mariæ officio. Hæc Petrus, qui & alibi eandem institutionem ad Gregorium Secundum refert. At verò Gregorius, teste Baronio, Pontificatum iniit anno salutis 715. cui post Gregorium Tertium successit Zacharias. Antiquior igitur, quam vulgus hominum putet, huius officij vsus, & ordinatio est.

M E T R V M XXVI.

Virgo parens, vnicunque polo me cernis ab alto,

Audi pulsantes sidera celsa preces.

Quod mea cunque sonat fidibus testudo canoris

Lenior è summis excipe, Diua, choris.

Tu sine labe nitens precibus fera crimina mundi

Diluïs, & certam pandis ad astra viam.

Te duce tuta ratis rapidis dat carbasæ ventis,

Iussa cadit nutu fracta procella tuo.

Te sine nec flores borti, nec gramina valles

Nec fruges campi, grataque poma ferunt.

Te celebrant tardique senes, iuuenesque decori,

Et quibus inuiso robore membra vigent.

Te teneri cantant pueri, innuptæque puella,

Gratum perspicua virginitate chorum.

*Et tibi lacteoli, dulcissima turba, puelli
Truncatis recinunt carmina blasa sonis.
Te cælum, te terra colit, te pontus adorat,
Omnia te mundi vota, precesque petunt.
Melicet horrenda circumsonet ira Malea,
Demersumque minax obruat vnda caput.
Dum pelagi rabies seuit metuenda, per ipsas
Eripiet nantem me tua dextra neces.
Sive pharos, pontique iubar, navisque vocari
Ambiguus nautis seu cynosura cupis.
Si me mortifero comburat Syrius aestu,
Affectu ardenti diris ab axe calor.
Tu mihi tegmen eris, seu celsio in colle cupressus,
Seu cedrus dici, seu terebinthus amat.
Bellica si armato circumstent agmina campo,
Si me mille enses, spicula mille petant.
Tu mihi, tu Virgo, diceris eburnea turris,
Quam nequit excussis rumpere flamma globis.
Si te sideribus noctu mea musa fugatis
Evocet, ut referas ore nitente diem,
Clarior aurora potis es tu sola tenebras
Discutere, & rosea fronte aperire diem.
O tandem titulo gaudes quocumque vocari,
Huc ades, huc felix ad tua sacra veni.
Mille tibi spirant teneri suspiria cordis,
Mille calens ara, pectora mille gemunt.
Quaque patet tellus liquido circumflua ponto.
Mille tibi laudes, carmina mille sonant.
Scilicet horribili scelerum sub nocte sepultis
Tu rutilam praefers per vada ceca facem.
Celsa quo cælorum reseras penetralia genti,
Que prope tartareis mersa peribat aquis.*

3. Si ergo fratres mei, inquit Radulphus Ardens, malignus spiritus nos infestat, si caro nos tentat, si mundus nos oppugnat, ad Mariam respiciamus, ad Mariam confugiamus, ad Mariam conclamemus. Ipsa est nostra singularis apud Deum aduocata, adiutrix Christi in humani generis redemptione, *a* apex gaudij nostri, *b* dulcedo credentium animarum, *c* spes, & anchora Christianorum. *d* Ipsa est arca sanctificationis, quæ manna cœlestē portauit; *e* capacitas illum capiens, quem nulla res capit; *f* cœlum eius, qui fecit cœlum; *g* receptaculum Divinitatis. *h* Ipsa est fons lucis omnem hominem illuminantis; ortus solis, qui nullum ferre potest occasum, puteus aquæ semper

g Andr. Creten. orat. 1. de dormit. Deip. *h* Sergius Hieropol. orat. in Nat. Deip.

H h iij

Radulph. ferm. in Annun c.
a Richard. à Sancto Laur. lib. 1.
b Io. Geom. hym. 3.
c Richard. lib. 4.
d Emman. Malaxus 1. 2. Turco-geoziciz.
e Georg. Nico-med. orat. de oblat. Deip.
f Amphiloeh. or. in Deip.

i Chrysipp. orat.
de Deip.
K Apollinar. in fin.
Tragœd. Christi
patientis.
i Theosterict. in
canone concilia-
torio.
m Sophron. hom.
de Assumpt.
n Idiota par. 14. c.
39.
o Goffrid. Vindoc.
lir. 8.
p Adam de Sancto
Vict. in profa de
Assumpt.
q Eutychian. de
pœnit. Theophili.
r Method. or. in
Hypap.
s Theophan. hym-
node Annunciat.
t Alanus in c. 1.
Cant.
u Dionys. Alex.
epist. contra P. Sa-
mosar.
x Epiphan. Const.
ep. ad Hormisdam.
y Spinell. in Appêd.
1. de Deip. tract. 2.
a Vvill. Maltsb. 1.
1. hist. Angl. & Jac.
Philipp. Bergomas
in suppl. Chrô. 1. 9.
Ambros. Ambert.
hom. de Purific.
Bernard. scrm. 2.
Aduent.
Hildefonsi. 1. de vir-
ginitate Mariz c. 12

viuentis; i Bonum, & læticia generis humani, k Fons incorruptio-
nis, fons misericordiæ, ianua pœnitentiæ; l fons signatus sigillo to-
tius Trinitatis, interemptrix vniuersæ hereticæ prauitatis. m Ipsa est
nauius inuitoris de longe portans panem suum; n mater clementiæ, &
pietatis; o flos de spinis spina carens; p solatium eorum, qui affli-
guntur, vltio eorum qui vexantur; amictus eorum qui sunt nudi, quæ
semper suis vlnis fouet Christianos. q Ipsa est fidelium fax, nutrix
omnia nutrientis, omnia continentis comprehensio; r Rubus ardens,
qui non exurit, reuocatio Adæ, Eue redemptio; s castitatis spe-
culum, sigillum virginitatis; t tabernaculum non manufactum,
idest non huius creationis; u per quam omnia ad vnitatem, & per-
fectam charitatem sunt redacta. x Ipsa est clypeus pugnantium con-
tra inuisibiles, & visibiles hostes; cuius ope Christianos Principes
de barbaris nationibus sæpè triumphasse refert Spinellus diffusè; ex
antiquis Historicis Niceta, Cedreno, Procopio, Nicephoro Gre-
gora, Ioanne Curopalata, Theophane, Zonara, Vincentio Belua-
censi, & alijs recentioribus. Narrant, & alij z venerandam ipsius
imaginem in clypeis olim pictam ad bellatorum præsidium: cuius
item aspectu sanari morbos, fugari dæmones, omnem auferri tribu-
lationem quotidiana constat experientia.

4. Esto igitur protectrix nostra, Beatissima Virgo, & audi preces
seruorum tuorum ad te clamantium die, ac nocte. Deprecare vni-
cum Filium tuum pro excessibus multorum filiorum, vt per te nos
suscipiat, qui per te datus est nobis. Excuset apud ipsum integritas
tua culpam nostræ corruptionis, & humilitas Deo grata nostræ ve-
niam impetret vanitati. Cbpiosa charitas tua nostrorum cooperiat
multitudinem peccatorum, & sæcunditas gloriosa sæcunditatem
nobis conferat meritorum. Domina nostra, mediatrix nostra, Aduo-
cata nostra tuo Filio nos reconcilia, tuo Filio nos commenda, tuo
Filio nos representa. Ecce procido coram te, ô benedicta, inuen-
trix gratiæ, mater salutis, procido, & humilior coram te, vt obti-
neas deleri facta peccati mei, vt iubeas mundari me ab iniquitate
operis mei, vt facias me diligere gloriam virtutis tuæ, vt reueles mihi
multitudinem dulcedinis Filij tui, vt des mihi loqui & defendere
fidei sinceritatem Filij tui: concedas etiam mihi adherere Deo, &
tibi; seruire Filio tuo, & tibi, famulari Domino, & tibi. Illi sicut
factori meo, tibi sicut Genitrici factoris mei. Illi sicut Domino vir-
tutum, tibi sicut ancillæ Domini omnium. Illi sicut Deo, tibi sicut
Matri Dei. Attende, & fac per gratiam quam inuenisti, per præ-
rogatiuam quam meruisti, & ne deseras sperantem in te. Ad te
confugio singulare solatium cordis mei, vt te intercedente Iesus Chri-
stus Redemptor meus participem me faciat gloriæ suæ, qui te me-
diante factus est particeps humanæ miseriæ, & infirmitatis.

§. III.

*Ritus officij explicatur. Ordo Cisterciensis specialiter Descriptus
dicatus est. Exhortatio ad implorandum in omnibus
Mariæ nomen, & auxilium.*

1. **I**N officij parui B. Virginis recitatione idem ferè ritus obseruatur, quo solet maius officium recitari. Nam & septem Canonici horis constat, & eodem Psalmorum, Antiphonarum, ac orationum numero expletur. Sola differt nocturna synaxis, quæ tres dumtaxat Psalmos habet, totidemque Lectiones. Psalmi nocturni ritu Romano nouem sunt, qui ter in hebdomada mutantur, vt notum est. Aliæ quædam Ecclesiæ eosdem semper recitant quos Romani die Dominico psallunt. Per horas diei Psalmi Graduales distribuuntur. Monachi verò quibus diebus psalmos graduales iuxta regulam S. Benedicti ad horas officij maioris dicunt, in officio paruo ea capitula psalmi 118. illis substituunt, quæ à Romanis ad Tertiam, Sextam, & Nonam semper cantantur. Huius ritus meminit Radulphus Tungrensis libro de Canonum obseruantia. Nescio qua ratione hanc psalmorum distributionem mutarint, qui Breuiarium Monasticum sub Paulo V. compilarunt, in vtroque officio eosdem psalmos graduales repetentes. Sanè Cistercienses, & Cartusiani antiquum morem retinuerunt. In his Ordinibus laus virginalis officia maiori semper præponitur, excepto Completorio, quod postponi solet. Id verò Cartusienfis diuinitus reuelatum fuisse narrat in Chronico vir probatæ fidei Petrus Dorlandus: A Romanis autem semper officio maiori postponitur, excepto Matutino & Vesperis. Hoc officium, inquit Radulphus, intermittitur aliquando propter temporis incongruentiam, vt in hebdomada Paschali, & triduo præcedenti: aliquando ne bis dici videatur, vt quando seruitium principale fit de Virgine gloriosa: itemque in quibusdam maioribus solemnitatibus. Sed Cistercienses nunquam illud omittunt, nullaque dies est quantumuis solemnis, quæ se eximant à laudibus B. Virginis tum publicè, tum priuatim persoluendis: quæ consuetudo longissimi temporis præscriptione firmata ad hoc pensum quotidianum sub gratiori culpa nostros obligare certissimum est, quicquid aliquis maioris ingenij, quam pietatis Auctor in contrarium scribere ausus sit.

Radul. prop. 20.

Dorland, lib. 4.
cap. 1.

2. Infinita sunt Ordini Cisterciensi à clementissima Regina collata beneficia, quæ nunquam poterunt eius alumni digna prosequi gratiarum actione, quantumuis studeant multiplicatis obsequijs congruum illi exhibere famulatû. Ipsa Robertum sanctissimum Abbatem Ordinis institutorẽ aureo sibi annulo desponsauit, hac amoris exhibitione declarans se Matrem futuram Monachorum. Ipsa Beatis viris Alberico, & Stephano Roberti successoribus albi coloris cuculâ tra-

Otho Molismen.
in vita Roberti.

An. 1103. c. 1. & 2.

Cæsar. lib. 7. c. 6. 7.
42.

Priuileg. 43.

Cæsar. l. 1. c. 1.

didit, habitusque formam præscripsit, vt docet in Annalibus Cisterciensibus Angelus Manriquez. Ipsa mellissimum Bernardum Ordinis propagatorem virginis lactauit vberibus. Ipsa Monachorum detractores graui censura compescuit, loca Ordinis molestantes acerbissimè castigauit, se Ordinis Aduocatam professæ est, vocauitque Monachos optimos amicos suos; illis psallentibus, laborantibus, iter agentibus, ægotantibus, periclitantibus, morientibus assistit, apparuit, ministravit. Magni voluminis opus foret singula recensere, quæ in Annalibus fusius descripta reperiuntur. Vbi suntigitur, si qui tamen sunt, filij Belial nescientes quæ sunt spiritus Dei, qui dicunt, Regina cæli non regnabit super nos? qui videlicet malo spiritu inflati nullo nos præcepto adstringi asserunt ad Virgineas laudes quotidie recitandas. Date viros, vt auditis tot Deiparæ erga nos beneficijs ad meliorem frugem conuertantur. Ordo noster, vt Gregorius X. Romanus Pontifex ait in quodam Priuilegio, inter cæteras religiones singularitate deuotionis gloriosæ Virgini ex primaria institutione adscriptus fuit. Omnes Ecclesiæ nostræ in honorem eiusdem Virginis consecratæ sunt, idque ab initio statutum fuisse tum ex Cæsario, tum ex antiquis definitionibus constat. In quibus Ecclesijs, ne ipsi Virgini debitus cultus deesset, Patres nostri doctrina, & sanctitate conspicui decreuerunt præter quotidianum officium, de quo sermo est, in singulis etiam horis maioris officij B. Mariæ commemorationem fieri; singulisque diebus sacrum in eius honorem à sacerdote ad id specialiter deputato celebrari. Non est autem omittendum hoc loco quod narrat Cæsarius in fine libri septimi dialogorum. Monachus quidam Ordinis nostri Dominam nostram plurimum diligens, ante paucos annos mente excedens ad contemplationem gloriæ cœlestis deductus est; vbi cum diuersos Ecclesiæ triumphantis Ordines videret, de suo Ordine sollicitus, cum staret & circumspiceret, nec aliquam de illo personam in illa gloria reperiret, ad beatam Dei Genitricem cum gemitu respiciens ait: Quid est, sanctissima Domina, quod de Ordine Cisterciensi neminem hic video? Quare famuli tui, tibi tam deuotè seruientes, à consortio tantæ beatitudinis excluduntur? Videns eum turbatum Regina cæli respondit: Ita mihi dilecti, ac familiares sunt hi, qui de Ordine Cisterciensi sunt, vt eos etiam sub vlnis meis foueam. Aperiensque pallium suum, quo amicta videbatur, quod mira erat latitudinis, innumerabilem multitudinem Monachorum, Conuersorum, & Sanctimonialium illi ostendit: qui nimis exultans & gratias referens ad corpus redijt, & quid viderit, quidue audierit Abbatu suo narrauit. Hæc Cæsarius. Scio quidem haud dissimilia de alijs quibusdam religiosis Ordinibus narrari; sed vt integrum cuique maneat suum decus, Ordo certè Cisterciensis de singulari Dominæ nostræ

nostræ protectione potest non insipienter gloriari.

3. Diutius morarer in hoc argumento, si possem cum Damasceno Augustissimæ Virgini, eiusque dignitati novos hymnos promittere: aut saltem auderem cum Ephræm orare, & dicere, Dignare me laudare te Virgo sacrata; sed videns paupertatem meam, & memor imbecillitatis meæ, eius præconia quibus impar omnino sum tacitus præteribo, non audens præ confusione, & conscientia sordium meorum os aperire. Nomen autem eius sanctum & venerabile cum tremore inuocabo, ut propitia mihi sit Mater misericordiæ, & reficiat languentem animam meam. Audito hoc nomine ad spem peccator erigitur, reficitur mens iusti; ridet terra, gaudet cælum, lætantur Angeli, Dæmones contremiscunt. Sunt qui quotidie hoc nomen venerentur recitatis quinque psalmis quorum literæ initiales Mariæ nomen efficiunt; præmissa singulis Angelica salutatione. Psalmi sunt isti; *Magnificat, Ad Dominum cum tribulaber, Retribue seruo tuo, In convertendo, Ad te leuavi oculos meos.* Insigne de hac re miraculum ex Beluacensi, & Cantipratano refert Spinellus in fine capituli quarti. Optimè Franco Abbas. Post singulare nomen Iesu Christi, quod est super omne nomen, nullum aliud nominatur, unde tantum gratiæ, tantum spei, tantum suauitatis, tantum consolationis piæ mentes concipiant. Quotiescunque enim dulcissimum nomen illud MARIA amatores illius audiunt, toties ex pio auditu, & suauitate auditi nominis nescio quid inenarrabilis iucunditatis intus trahunt. Nomen namque Mariæ mirum quid suaue, ac diuinum in se continet, ut cum sonuerit amicis cordibus amicæ suauitatis odorem spiret. Et mirum illud est de nomine Mariæ, & valde mirum, ut milles auditum semper audiatur quasi nouum. Concludo hac dulcissima Parænesi deuotissimi Patris Bernardi. Totis medullis cordium, totis præcordiorum affectibus, & votis omnibus Mariam veneremur, quia sic est voluntas eius, qui totum nos habere voluit per Mariam. Ad Patrem verebaris accedere, solo auditu territus ad folia fugiebas. Iesum dedit tibi mediatorem. Sed forsitan & in ipso maiestatem vereare diuinam, quod licet factus sit homo, mansit tamen Deus. Aduocatum habere vis & ad ipsum? Ad Mariam recurre. Exaudiet utique matrem filius, & exaudiet filium Pater. Hæc peccatorum scala, hæc mea maxima fiducia est, hæc tota ratio spei meæ. Quid ad Mariam accedere trepidet humana fragilitas? Nihil austerum in ea, nihil terribile, tota suavis est, plena pietatis, & gratiæ, plena mansuetudinis, & misericordiæ. Ideoque modicum istud, quod offerre desideras, gratissimis illis, & omni acceptione dignissimis Mariæ manibus offerendum tradere cura, si non vis sustinere repulsam. In periculis, in angustiis, in rebus dubiis Mariam cogita, Mariam inuoca. Non recedat ab ore, non recedat à corde: & ut impetres

Franco in fine
tom. 6. de gratia
Dci.

Bernard. serm. in
Natiuit. B. Mariæ
serm. super signu
magnum. serm. 2.
sup. Missus est, &
serm. 4. de Al-
fump.

eius orationis suffragium, non deseras conuersationis exemplum. Ipsam sequens non deuias, ipsam rogans non desperas, ipsam cogitans non erras. Ipsa tenente non corruis, ipsa protegente non metuis, ipsa duce non fatigaris. Sileat misericordiam tuam, Virgo beata, si quis est, qui te inuocatam in necessitatibus suis sibi meminerit defuisse. Nos quidem seruuli tui cæteris in virtutibus congaudemus tibi, sed in hac potius nobis ipsis. Laudamus virginitatem, humilitatem miramur, sed misericordia miseris sapit dulcius, misericordiam amplectimur charius, recordamur sæpius, crebrius inuocamus. Hæc est enim, quæ totius mundi reparationem obtinuit, salutem omnium impetrauit. Ad hunc fontem sitibunda properat anima nostra. Ad hunc misericordiæ cumulum tota sollicitudine miseria nostra recurrit. Sit pietatis tuæ ipsam, quam apud Deum gratiam inuenisti, notam facere mundo, reis veniam, periclitantibus adiutorium, & liberationem tuis sanctis precibus obtinendo. Plena es gratiarum, plena rore cælesti. Ciba hodie pauperes tuos, Domina, ipsi quoque catelli de micis edant, sed & camelis porum tribue de superfluenti hydria tua, vt omnibus, qui dulcissimum nomen tuum cum laude inuocant, per te, Regina clementiæ, gratiæ suæ munera Iesus Christus Filius tuus Dominus noster misericorditer largiatur.

CAPVT XIII.

DE OFFICIO DEFVNCTORVM.

§. I.

Cur oremus pro defunctis. Quædam de Purgatorio. Quæ peccata in eo puniantur. Voces purgantium animarum.

NON sine causa mater Ecclesia spiritum habens sponsi, & Dei sui post solemnem officij diuini recitationem specialem pro defunctis cursum instituit. Omnes enim filios pari complectens amore postquam Dei Optimi Maximi eiga viuentes beneficia debitis gratiarum actionibus diu, noctuque celebrauit, misericordes oculos ad eos conuertens, qui nos præcesserunt cum signo fidei, & dormiunt in somno pacis, eorum etiam spiritus æterno Regi, cui omnia viuunt, deuota precum solemnitate commendat. Non omnes Ecclesiæ filij, quibus data potestas est hæredes fieri vitæ æternæ, post vltimam vitæ huius clauisulam transire statim merentur ad patriam. Pauci omnino, quos Deus insigniter prædestinauit, in suauissimo ipsiusmet Dei osculo moriuntur, qui baptismalis innocentie candorem vsque ad finem vitæ illibatum conseruatiunt. Cæteri salui quidem erunt, sic tamen quasi per ignem.

Hanc Catholicam veritatem aptissimo ædificij paradigmate illustrat Apostolus. *Fundamentum aliud nemo potest ponere, præter id quod positum est, quod est Christus Iesus. Si quis autem superædificat super fundamentum hoc aurum, argentum, lapides pretiosos, ligna, fœnum, stipulam, uniuscuiusque opus manifestum erit: dies enim Domini declarabit, quia in igne reuelabitur, & uniuscuiusque opus quale sit, ignis probabit. Si cuius opus manserit, quod superædificavit, mercedem accipiet: si cuius opus arserit, detrimentum patietur, ipse autem saluus erit, sic tamen quasi per ignem.* Hanc metaphoram communi calculo approbatam de anima fidei, deque igne purgatorio explicant sancti Patres. Fundamentum Ecclesiæ, & cuiusque Ecclesiæ filij Christus est, fideique viua per charitatem, super quam alij aurum, argentum, & lapides pretiosos, alij verò lignum, fœnum, & stipulam superædificant. Aurum, ait D. Thomas, charitas est, argentum sapientia, & contemplatio, lapides pretiosi sunt alie virtutes: è contrario lignum, & fœnum, & stipula peccata leuia, & venialia sunt, quibus per vanitatis studium inficitur mens. Nec enim de mortalibus hic sermo est, quæ ipsum destruunt viarum fidei fundamentum. Coaceruant in anima sua res cremabiles, inquit Eckbertus Schonaugie Monachus, qui se non custodiunt à leuioribus culpis, velut est otiosus sermo, risus, & ioci, ira, vana lætitia, excessus in cibo, & potu, & huiusmodi quotidiana peccata, quæ capitalia non dicuntur. Hi ligna, fœnum, stipulam aggregant super fundamentum suum, & hæc excoquenda sunt per ignem. Clarius Augustinus, ligna, fœnum, & stipula non absurdè accipi possunt rerum secularium, quamuis licitè concessarum tales cupiditates, vt amitti sine animi dolore non possint. Cum autem iste dolor vr̃it, si Christus in corde fundamenti locum habet, id est, vt ei nihil anteponatur, & malit homo, qui tali dolore vr̃itur, rebus quas ita diligit magis carere quam Christo, per ignem sit saluus. Si autem res huiusmodi temporales, ac sæculares tempore tentationis maluerit tenere quam Christum, eum in fundamento non habuit, quia hæc priori loco habuit, cum in ædificio prius non sit aliquid fundamento. Purgatorium igitur ex doctrina Ecclesiæ locus est, in quo animæ temporaria pœna plectuntur, quæ in obitu, nec ob mortalem culpam à Dei gratia, & amore sunt exclusæ, nec adeò defæcatæ, vt confestim ad conspectum Domini possint admitti: *nihil enim coinquinatum intrabit in regnum celorum.* Eleganter Origenes: Non omnes purgantur eo igne, qui de altari assumitur, Aaron purgatur illo igne, & Isaias, & qui sunt similes illis. Alij verò, qui non sunt tales, alio igne purgantur. Timeo ne illo, de quo scriptum est: *Fluvius ignis currebat ante ipsum.* Iste ignis non est de altari. Qui de altari est ignis, ignis est Domini, qui autem extra altare est, non est Domini, sed proprius est uniuscuiusque

1. Cor. 3. 11.

D. Thomas ibid.

Exbert serm. 9. adu. Catharos.

August. Each. ad Laurent. cap. 68.

Apoc. 21. 27.

Orig Hom 9. in Leuitic.

1ſa. 50. 11.
Paulin. Ep. 9 ad Se-
uerum Sulpitium.

peccantium: de quo ſcriptum eſt, *Ambulate in igne veſtro, & in flam-
ma, quam accendiſtis vobis.* Ideo illum ignem ſapientem vocat Pau-
linus Nolanus Epiſcôpus, quia id tantum comburet in nobis, quod
combutione dignum reperiet.

2. Vacantis operæ fuerit plures congerere rationes, proferre te-
ſtes, coaceruare Scripturas ad hanc veritatem aſtruendam. Ne ta-
men hac etiam in parte eruditi leſtoris curioſitati deeſſe videar, ſan-
ctos Patres, & Doctores orthodoxos rem iſtam pertractantes in ſine
capitis indicabo. Sunt autem duo, quæ ſuppono, & Purgatorium eſſe,
& viuorum ſuffragia defunctis ad expianda peccata in eo detenti pro-
deſſe. Quæ duo fidei documenta cum certiffima ſint, tranſeundum
nobis eſt per affectum miſerationis ad eos, quibus iuncti fuimus per
humanitatem. Vadam, ait Bernardus, in regionem iſtam, & videbo
viſionem hanc grandem, quomodo pius pater glorificandos filios in
manu tentatoris relinquat; non ad occiſionem, ſed ad purgationem;
non ad iram, ſed ad miſericordiam; non ad deſtructionem, ſed ad
inſtructionem; vt iam non ſint vaſa iræ apta in interitum, ſed vaſa
miſericordiæ preparata ad regnum. Surgam ergo in adiutorium illis,
interpellabo gemitibus, implorabo ſuſpiriis, orationibus intercedam,
ſatisficiam ſacrificio ſingulari, ſi fortè videat Dominus, & iudicet, vt
laborem conuertat in requiem, miſeriam in gloriam, verbera in
coronam. His enim, & huiusmodi officiis poteſt eorum pœnitentia
reſecari, finiſci labor, deſtrui pœna. Hac tanti viri exhortatione ani-
mati percurramus & nos regionem iſtam, videamus quid fiat in ea:
qualiter benignus pater filios examinat, ſicut examinatur argentum:
ducit per ignem, & aquam, vt educat in refrigerium.

Bernard. ſerm. de
quinque negotia-
tionibus.

M E T R V M XXVII.

Vos auernales lacus, ſtygiſque ſqualentes ſpecus.
Tanari triſtes hiatus, ac inamœnum chaos,
Vos gementum dira regna, Ditis obſcura domus.
Semper orbis orbis, infames paludes tartari,
Ignei quæ fluſſibus manes rotatis noxios:
Vos ſorores diſſolutis concita ſerpentibus,
Quæ cruentis ſæda pœni vindictæ crimina:
Vos furoris adminiſtri, queis ſeuera Numinis
Conterit reos manus, ſeu iſque caſtigat modus:
Si quid in ſurdo igne voces præualent viuentium.
Huc adeſte, & immitis pandite citò portas ſtygiæ.
Pandite horrendos ſinus, liceatque mœſtifica obſitum
Noſte ditem cernere: liceat lacunas ſulphure,
Fœtidaque pice plenas intueri: vbi vindex
Pœna luſtæ noxiarum ſauis in præcordiis.

3, Cruciantur nimirum animæ Deo dilectæ, ita exigente iustitia, immanissimis tormentorum generibus, donec culpas eluant, quæ tametsi veniales, culpæ tamen sunt. Noctem illarum tenebrosus turbo possidet, non computatur in diebus anni, nec numeratur in mensibus: obscurant eam tenebræ, & umbra mortis, occupat eam caligo, & involuitur amaritudine. Et quod omnium malorum supremum est, proiectæ sunt interim à facie Dei, ab eius felicissima visione ad tempus exclusæ. *In momento indignationis, dicit Dominus per Isaiam, abscondi faciem meam parumper à te, paupercula, tempestate convulsa, absque ulla consolatione.* Quale enim gaudium illis erit, qui lumen cæli non vident, qui dulcissima increata lucis claritate non fruuntur? *obsecro ut videam faciem Regis,* dicebat ille sanctissimi patris degener filius. Ideò tor pœnis cruciatæ clamant ab imis tormentorum sedibus, si fortè sit aliquis cuius viscera acerbissimis fratrum querelis moveantur, qui considerans contritionem filiarum populi sui audiat ploratum, & ululatum multum, atque infixis in limo profundi manum porrigat adiutricem. Penetrabo igitur omnes inferiores partes terræ, & inspiciam omnes dormientes, & illuminabo omnes sperantes in Domino. Descendam vivens in infernum, & videbo vtrum clamor, qui venit ad me, verus sit, an non est ita, ut sciam. Videbo, inquam, vtrum cuncta prospera sint erga fratres meos, ut possim renunciare quid agatur. Benè est. Iam veni, & vidi. Mirum quantum exclament afflictæ animæ omnium pœnarum generibus lacertatæ. Miseremini mei, miseremini mei, saltem vos amici mei, quia manus Domini retigit me. Grauvit me iniquitas mea, & ab angustia mea auolare non possum. Sagittæ Domini intra me sunt, quarum indignatio ebibit spiritum meum. In me transierunt iræ eius, & terrores eius conturbaverunt me. Omnes fluctus suos induxit super me, afflictus sum, & humiliata nimis, quoniam comprehenderunt me mala, quorum non est numerus: comprehenderunt me iniquitates meæ, & non potui ut viderem. Dæmones me calumniantur, & frendent aduersum me: nunc impropèrant scelera, ad quæ falsis adulationibus pertraxerunt. Omnes amici mei dereliquerunt me, & non est auxilium mihi in me, nam & necessarij quoque mei recesserunt à me. Verumtamen non contradico sermonibus sancti, sed hæc mihi consolatio, ut affligens me dolore non pœcat: nec enim inde exibo, donec solvam vniuersum debitum vsque ad nouissimum quadrantem. Iram Domini portabo, quoniam peccaui ei, donec iudicet causam meam, & faciat iudicium meum, educet me in lucem, videbo iustitiam eius. Sed vos qui vivitis, qui superstitēs estis, sed hæc infirmitatem nostram, onera nostra portate; non enim opus est sanis medico, sed malè habentibus. Non exurimur in ea flamma, in qua diues cruciatur: ignis noster refrigerium admittit, & aquis vestris

extingui potest. Sic animæ in Purgatorio constitutæ, & suam deplorant miseriam, & nostram implorant misericordiam, quatenus suffragiis nostris adiutæ ad patriam supernæ beatitudinis quantocyus introducantur.

§. II.

Quot, & quibus operibus animabus defunctorum suffragari possimus. Officij pro defunctis quam antiqua sit institutio. Cur certi quidam dies sacris pro mortuis offerendis tribuantur.

1. **S**unt autem quatuor bonorum genera, quibus potest viuientium Scharitas animabus in Purgatorio detentis suffragari. Nimirum eleemosynæ, ieiunia, & alia quælibet opera pœnalia, orationes, & sacrosanctum Missæ sacrificium. De primis scriptum est, *Panem tuum, & vinum tuum super sepulcrum iusti constitue*. De secundis refert Beda testimonium Angeli asserentis ieiunia multos iuuare, ut ante diem iudicij è probatorio igne eruantur. De tertiis dicit Scriptura; *Sancta ergo, & salubris est cogitatio pro defunctis exorare, ut à peccatis soluantur*. De quarto tandem, quod præcipuum est, Ieremias sermone mystico testatur dicens, *Matribus suis dixerunt, ubi est triticum, & vinum? cum deficerent quasi vulnerati in placis ciuitatis, cum exhalarent animas suas in sinu matrum suarum*. Nec enim cibarium panem, aut vinum Massicum, vel Falernum eos desiderasse putandum est, qui corrupto sensu, omnisque saporis discretionem extincta conclamati iacebant in compitis sine vlla spe temporalis remedij. Alius panis, aliud vinum hic intelligitur, *Ecce dies veniunt*, dicit Dominus per *Amos*, *& mittam famem in terram, non famem panis, neque sitim aquæ*. Sed famem panis viui, qui de cælo descendit, sitim vini refrigerantis, quod fiat in viuentibus fons saliens in vitam æternam. *Quid enim est bonum eius, & quid pulchrum eius*, ait Zacharias, *nisi frumentum electorum, & vinum germinans virgines*? Hic est panis, qui descendens in castra Madian percussit tabernacula, atque subuerit. Hoc est vinum quod gratis offertur sitientibus, *Venite, emite absque argento, & absque vlla commutatione vinum*. An quispiam audire cupit paruulum aliquem morientem, & dicentem, *Ubi est triticum, & vinum*? En virum illustrissimum, paruulum in oculis suis, magnum in oculis Domini Petrum Damiani Cardinalem, qui à Desiderio Abbate Montis Casini alimenta post mortem his verbis exquirat. Quia infelix ego dum viuo præ desidiæ corpore non semino, post obitum meum, si superuixeris, de manibus tuis alimoniam spero, quatenus oblationis tuæ Sacramentum animæ meæ vertatur in epulum, & orationis tuæ sacrificium mihi vitale sit alimentum. Et quid mirum si sacræ oblationis hostia refectio creditur esse defunctis, cum in alimenta vertatur aliquando etiam viuenti-

Tob. 4. 18.
Beda lib. 5. Hist.
cap. 13.

2. Machab. 11. 46.

Thren. 2. 12.

Amos 8. 11.

Zach. 9. 17.
Iudic. 7. 13.

Isai. 55. 1.

Petr. Damian. l. 2.
Epist. 14.

bus in periculis constitutis? Hęc sanctus Pater, qui quod posterius dixit exemplo comprobatur cuiusdam fossoris saxorum, qui per annum ruderibus obrutus in angustis visceribus excavati montis viuis permansit, quod eius vxor quotidie fecerat hostiæ salutaris Sacramentum pro anima illius, quem mortuum putabat, offerri. Is reuera nescit lassari, ait Chrysostomus, mori non potest, cui panis, cui vita Deus est.

Chryl. serm. 166.
in 40. ieiunio.

2. Cum igitur viuientium precibus, & suffragiis fidelium defunctorum animæ à pœnis eruantur, alma mater Ecclesia primo quidem salubri consilio decreuit, vt in tremendis diuini libaminis oblationibus eorum semper memoria à Sacerdotibus recolatur, quod olim fieri solebat recitatis ex sacris Diptycis mortuorum nominibus, vt ex sacris Canonibus constat, præsertim ex Epistola Ioannis Constantinopolitani ad Hormisdam Papam, & ex Epistola eiusdem Hormisdæ, Sunt autem Diptychæ duplices tabulæ, quæ à Dionysio Areopagita ἱεραὶ τραπεζαῖ vocantur, quarum vna parte defunctorum, altera viuorum nomina inscribebantur. Deinde speciale officium pro defunctis instituit post reliquas Canonicas horas recitandum. Quamuis autem officij huius, vt nunc est, institutio ignoretur, constat tamen consuetudinem orandi pro mortuis ab ipsis Apostolis emanasse, vt infra demonstro. Scio quidem Gulielmum Durandum officij, de quo loquimur, ordinationem referre ad Origenem, cuius rei testes allegant nonnulli Sanctos Isidorum, & Augustinum: scio etiam Arnoldum Vvion eiusdem Auctorem facere Amalarium; sed quod mala fide testes proferant antiquiores, haud digni plenaria fide credendi sunt. Ipse Amalarius agit de Officio Defunctorum lib. 4. de Eccl. Officiis cap. 42. Quid verò in eo ordinando præstiterit docet in libro de ordine Antiphonarij cap. 65. 66. & 79. Eadem ex causa opinio exploditur Isidori de Isolanis, qui ad Ambrosium, & Iacobi de Valeria, qui ad Augustinum originem referunt huius officij. In hoc verò conueniunt omnes antiquissimum illud esse, & à primis Ecclesiæ Patribus institutum. Apud Maronitas, Melchitas, Cophros, & alias nationes Orientales varia esse pro defunctis officia ex Apostolica traditione docet Abrahamus Ecchellenensis in notis ad librum Hebediesu de Scriptoribus Chaldæis pag. 165. & sequentibus. Primas dumtaxat Vesperas habet, tres Nocturnos, & Laudes. Nocturnos quædam Ecclesiæ certis diebus tres simul recitant, vocantque Agendam pro mortuis. Ab aliis alternatim, & seorsim dicuntur. Horis minoribus, & secundis Vesperis caret, tum quia humanæ vitæ occupationes ror precibus vacare Ecclesiasticos non sinunt: tum quia par erat ab aliis officiis solemnioribus hoc discrimine has precatones discerni: tum denique quia Sanctorum memoria cum Deo regnantium, & purgantium electorum commemoratio non pari Psalmo-

Hormisd. Ep. 24.
Dionys. c. 3. Eccl.
hier.

rum numero recolenda videbatur.

3. Solemus autem mortuorum memorias generaliter celebrare die post obitum tertia, septima, trigesima, & anniuersaria: quæ institutio antiquissima est, vt ex Augustino, & aliis Patribus liquet. Ad has dies nonam, & quadagesimam adiunxit Simeon Metaphrastes in vita S. Theodosij Cœnobiarchæ, quas etiam commendant Eustrathius Presbyter tractatu de animis vita functorum apud Photium; & Ambrosius in concione de obitu Theodosij. Sed frequentius habita ratio septimi, trigesimi, & anniuersarij. Mysticas harum dierum rationes explicant eleganter Amalarus, & Alcuinus. Nam die tertia solemnius fieri solet defunctorum recordatio, vt pius Dominus quicquid peccarunt cogitatione, verbo, & opere erga Deum, proximum, & seipsos misericorditer indulgendo sanctæ Trinitatis similitudinem in eis restaurare dignetur. Sicut autem Christus tertia die resurgens ex mortuis vitam nostram in melius reparauit: ita nos tertia die pro spiritibus mortuorum sacrificia offerentes spem futuræ resurrectionis, & securitatem beatæ perennitatis gloriam profitemur. Septimo quoque die, quo numero vniuersitas designatur, vniuersa eorum peccata desilemus. *Luxus mortui septem dies*, ait Scriptura. Sic filij Iacob optimi patris celebrantes exequias impleuerunt septem dies. An quia septima dies Sabbatum est, Dominum Sabbati precamur, vt requiem æternam eis donet, & amodò iam dicat spiritus, vt requiescant à laboribus suis? An verò quia anima tribus potentiis, corpus quatuor elementis constat, idcirco septenarium numerum obseruamus, vt anima corpori reconcilietur, & maculæ ex carnis contagione contractæ deleantur? Ad celebrandam verò trigessimam diem veteris Testamenti suffulti sumus exemplo. Scriptum est enim quod omnis multitudo filiorum Israël videns occubuisse Aaron fleuit super eum triginta diebus. Itemque cum mortuus esset Moyses, fleuerunt eum triginta diebus in campesribus Moab. Ternarius per denarium ductus tricenarius facit, per quod fides Trinitatis cum obseruatione præceptorum Decalogi significatur. Ideò trigesima dies in obseruatione est, vt animæ quiescentium delictorum obtineant remissionem, quæ transgrediendo decem mandata contra Patrem ex fragilitate, contra Filium ex ignorantia, contra Spiritum sanctum ex malicia commiserunt. Denique anniuersariam diem repetimus, ne forte criminibus nondum expiatis adhuc lustralibus flammis crucientur, nostrisque suffragiis indigeant, quæ quidem melius est, vt illis supersint, quam vt per obliuionem, vel incuriam desint. Porro annua facta pro defunctis etiam ab Ethnicis fieri consueuerunt, vt Plato, & Thucydides restantur.

Photius Cod. 171.

Amalar. l. 3. c. 44.
& lib. 4. c. 42.
Alcuin. in hoc libro
de diuina offic.

Ecclesi. 12. 13.
Gen. 30. 10.

Num. 10. 30.
Deuter. 34. 8.

Plato. 4. de legib.
Thucid. lib. 3.

§. III.

Quo ritu officium Defunctorum celebretur. Dicta quadam de mortis recordatione, Qui mores Ethnicorum erga defunctos, deque variis sepeliendi modis. Qui mortui plangendi. Purgatorii acerbitas, & ad illud declinandum adhortatio.

1. Incipit Officium istud absolute sine solempni diuini adiutorij inuocatione, sine sanctissimæ Trinitatis glorificatione, sine benedictionibus, aliisque ritibus lætitiæ indicantibus, quia, vt notat Amalarius, ad imitationem agitur Officiorum, quæ aguntur in morte Domini. Accedit quod in lege veteri præceptum erat, ne in sacrificio pro peccatis oleum lætitiæ, & thus suauitatis admiscerentur; ideo etiam in his precum oblationibus pro peccatis mortuorum suauia lætitiæ Cantica reticemus, ne fiat quod scriptum est, *Musica in luctu importuna narratio.* A primis Vesperis inchoatur, quæ quinque Psalmorum modulatione complentur, vt Dominus noster Iesus Christus efficacissimo quinque vulnere lauacro quicquid illi peccarunt per quinque corporis sensus abstergat. Sequitur Canticum B. Virginis, vt omnia eorum inquinamenta ipsa Deipara intercedente deleantur. Psalmum tandem 145. in fine recitamus, in quo exitum spiritus, & extincti corporis reuersionem in terram suam commemoramus. Nocturnæ preces tribus Psalmis, totidemque lectionibus, & Responsorij constant, vt percepta venia peccatorum cordis, oris, & operis Angelorum consortio, quorum triplex est Hierarchia, & ter triplex chorus aggregari mereantur. In Laudibus quinque Psalmos eodem quo in Vesperis mysterio decantamus. Tum per Canticum Zachariæ gratias agimus Domino, quia per visceram misericordiæ suæ visitauit sedentes in tenebris, & umbra mortis, & fecit redemptionem plebi suæ. Clauduntur Laudes Psalmo 119. qui est vnus Gradualium, quem in persona cupientium ad Deum ascendere modulamur, vt Deprofundis, extremisque malis liberati refrigerij sedem obtineant, quietis beatitudinem, luminis claritatem.

2. Generaliter verò cum pro defunctis oramus, finis nostri recordamur. Mortui sunt illi, moriemur & nos: illi heri, nos hodie. Sed præstat de hac re virum doctissimum Hugonem Eterianum audire. Inspice, ait, sepulchra mortuorum, & videre non renuas triste, & nequaquam delectabile spectaculum. Vide puluerem dissolutionis, & nostri fastus calamitatem sustine. Replere odore nimio, intolerabili fœtore. Patere fortiter euaporantem de putredine halitum, & tabem expirantem. Suffert vermium acervos aspicere. Intuere diligentius, si libet; discerne, si tibi posse suppetit. Apta rursum os ossi, & si vis singulas eorum, quæ cernis soluta, partes partibus compone. Considera si vales, cuius hæc, cuius illa sit: quis

Annal. lib. 3. c. 43.

Ecclesi. 12. 6.

Hugo Eter. lib. de
Acimæ. regredi
cap. 19.

iste, quis sit ille: vtrum senex, an adolescens; felix, an pressus infortuniis vixerit; longævus, an citò vita functus; gloriosus, an ignobilis. Hæc expende, circumspice, quanto mœrore, quantaque maceraberis tristitia? Quò inquires figura horum, & decor abiit? Quam ingratus est iste aspectus! Quam displicens, quam sordidus, & quam tristifer! Heu hanc sortem! Carnes solutæ sunt, viscera dirupta, partes disgregatæ, plasmationis, & fabricæ decor exterminatus. Ad horû certè similitudinem quisque nostrum in loculis deponetur, computrescet, deinde eadem vermium ingluvie consumptus dissoluetur. Intelligis, ô homo, quid dicatur! Circumspice sepulchra, & vide ossa humanæ compaginis, reuersusque ad te collacryma, ingemisce, suspira de profundo, animaduerte humanam calamitatem, qualem finem sortita sit animaduertito. Hæc, & alia lectu dignissima Hugo. Ioannes autem Chrysostomus ad huius quoque, & æternæ mortis contemplationem Theodorum lapsum hortatur his verbis. Perge quæso ad sepulchrum, contemplare puluerem, cineres, vermes, loci deformitatem, & amarè suspira. Atque vtinam ad puluerem tantum huiusmodi damnum pertingeret. Verum interim à sepulchro, & his vermibus deduc oculos mentis ad vermem illum inmortalem, ad ignem illum inextinguibilem, ad fremitum dentium, & extremam afflictionem. Hæc est nimirum mors secunda, quam timere debemus, mors animæ, mors æterna: mors enim corporis transitus est ad vitam, & vt rectè philosophatur Marcus Antoninus Imperator, si quis eam per se intueatur, cogitationeque omnia ab ea separet, quæ ei inesse videntur, is iam nihil aliud existimabit esse mortem, quam opus naturæ. At verò puer est, qui naturæ aliquod opus formidat. Mortem itaque quotidie considerare, & contemplari, non autem timere debemus, vt ab eius meditatione vitam sapienter instituere discamus. Sententia est enim sapientissimi inter Philosophos veram, solidamque Philosophiam in mortis contemplatione sitam esse.

Chryf. ad Theod.
Lapsum paræ. 1.

M. Antonin. lib. 1.
de seipso.

M E T R V M XXVIII.

Nil me amplius cultos legere libros iuuat,
 Et noctu ad tremulas euigilare faces.
 Quicquid lycæum, porticus quicquid sonat
 Despicio, & quicquid Castalis vnda rigat.
 Iam nolo putri squallidas chartas sitæ
 Excutere, & vigilæ voluere scripta manu.
 Docere paruos plura me potest cinis,
 Dum pede nobilium contero membra ducum.
 Cessate mæstis questibus funne sequi,
 Si patris, aut nati flamina Parca secet.
 Sincera amarum comprimat luctum fides,
 Discite, quid matris vocibus vna sonet.

*Quod cernitis cadauer in me conditum
Nunc mage Ripheo diriguiffe gelu.
Non semper efca vermibus fœdis eris,
Nec rigidus semper conteget offa lapis.
Sed surget arêla vincla dissoluens necis,
Cum dabit extremum buccina in orbe sonum.
Non ergo mors est horrida, vt vulgus putat.
Nec miserum vt viuas est periffse semel.
Quid larua inanis incutit viris metum?
Mors nihil horrificum, quod timeatur, habet.
Hæc post tumentis naufragum murmur maris
Nauibus optata dat statione frui.
Hæc post laborem premium iustis refert,
Matris in gremio corpora fœssa locat.
Hæc vita mors est, sic graues tradunt sopbi.
Mors est in mundo viuere, vita mori.*

3. Solemne fuit apud omnes nationes pietate vti erga defunctos. Quia verò & ipsis Ethnicis id vnum erat iustitiæ genus, factum est vt parentalia, sacrificia, & funerandi celebritas iusta dicerentur. Curatio autem funeris, inquit Augustinus, conditio sepulturæ, pompa exequiarum magis viuorum solatia sunt, quam subsidia mortuorum. Nec idèò tamen contemnenda, & abiicienda sunt corpora defunctorum, maximeque iustorum, ac fidelium, quibus tanquam organis, & vasis ad omnia bona opera sanctus vsus est Spiritus. Vnde & antiquorum iustorum funera officiosa pietate curata sunt, & exequiæ celebratæ, & sepultura prouisa: ipsique cum viuerent de sepe-
liendis, vel etiam transfetendis suis corporibus filiis mandauerunt. Quare, vt scribit Iulianus in Prognostico, quicquid impenditur humano corpori non est præsidium salutis, sed humanitatis officium secundum affectum, quo nemo vnquam carnem suam odio habuit. Valeat Stoicorum rigida nimis, & inhumana secta, quibus nihil interest humi-ne an sublimè putrescant. Neminem de supremo officio rogo, ait Seneca, nulli reliquias meas commendo: ne quis insepultus esset, rerum natura prospexit. Nimis barbaræ fuerunt gentes, quæ sepelire cadauera non probarunt. Huiusmodi fuere Persæ, quorum pessimus fuit mors feris dilaniandos proiicere mortuos, si vera tradunt Agathias, & Theophylactus Simocatta. Legimus etiam Parthorum sepulturam aut auium, aut canum laniatus olim fuisse. Apud quosdam immanes populos narrat Solinus vsu receptum esse, vt à propinquis consumantur defuncti, adeò quidem vt obiurgentur ægri frequenter, quod carnem suam faciant deteriorem. Ponti Euxini incolæ, teste Tertulliano, parentum cadauera conuorant: qui non ita decesserint, vt escatiles fuerint, maledicta

Aug. lib. de cura
pro mortuis ge-
renda.

Inlian. lib. 1. Pro-
gnost. c. 18.

Seneca Ep 93.

Agath. hist. lib. 2.
Simocatta lib. 3.
Hist. cap. 7.
Iustinus Hist. l. 41.
Solinus cap. 55.

Tertullian. lib. i.
adu. Marcionem.

Tertullian. lib. 1.
adu. Marcionem.
L. quidam ff. de
conditionib. insti-
tut.

Horat. l. 1. Sat. 5.

Petr. Arb. propè
finem.

Silius lib. 15.

Cic. 1. Tuscul.
Sext. Emp. lib. 3.
Pyrr. hypot. c. 14.

Lucret. lib. 3.
Lucian. de luctu.

Stobæus ser. 41.

mors est: Modestinus l. C. proponit quemdam in suo testamento heredem scripsisse sub tali conditione, si reliquias in mare abiecisset. De astuta quadam ama sic canit Horatius,

*Medicam sene quid factum est: Anne improba Thebis
Ex testamento sic est elata cadauer
Vinctum oleo largo nudis humeris tulit heres,
Scilicet elabi si posset mortua: credo
Quod nimium insulterat viuenti.*

Nota est apud Sartyricum illius barbaries, qui morti proximus post conditum testamentum; Omnes, inquit, qui legata habent, hac conditione percipient, si corpus meum in patres conderint, & astante populo comederint. Silius Italicus tumuli, & cinerum discordes sententias apud diuersas gentes his verbis describit:

*Tellure, ut perhibent, is mos antiquus Ibera,
Examina obscænis consumit corpora vultur.
Regia cum lucem posuerunt membra, probatum est
Nircanis adbibere canes. Egyptia tellus
Claudit odorato post funus stantia saxo
Corpora, & à mensis exanguem baud separat vmbra.
Exhausto instituit Pontus vacuare cerebro
Ora virum, & longum myrrhata reponit in eum.
Quid qui reclusa nudos Garamantes arena
Infodiunt? quid qui sæno sepelire profundo
Exanimis inuadant Lybicus Nasamones in oris?
At Cæte vacui capitis circumdare gaudent
Ossa (nefas) auro, & mensis ea pocula seruant.
Cecropide ob patriam Mauortis sorte peremptos
Decreuerunt simul communibus vrere flammis.
At gente in Scythica suffixa cadauera trunco
Lenta dies sepelit putri liquentia tabo.*

Differunt de eadem re Cicero in Tusculanis, & Sextus Empyricus in Pyrrhoniis.

4. Irrident etiam mortuorum curam, qui nihil hominis putant superesse post mortem, cuiusmodi fuere Lucretius, & Lucianus. At hi rationem in vinculis habentes brutalem animum humano exuuiò celabant. Non sic Romani, & aliæ nationes politioribus disciplinis excultæ: magno enim apparatu suorum funera curabant, & corpora ingesta humo sepelientes terræ tanquam magnæ parenti commendabant. Sed ne plura hic de funeribus dicam, viri docti præoccuparunt, quorum nomina in fine capitis recitabo. Præstat autem hoc loco illud Christianis ingerere, quod Charôdas apud Stobæum monet, defunctorum vnumquëq; non lacrymis, aut miseratione; sed bona recordatione, & fructuum quotannis nascentium oblatione honorandos

esse. Aliqui enim postquam inutilibus lacrymis, sæmineoque vultu suorum transituri deplorarunt, nullam amplius de anima defuncti curam habent, ac si nullus pes esset futuræ resurrectionis. Chrysostomus luctum prohibens pro mortuis, Dic mihi, ait, quid sibi volunt claræ lampades? An non eos tanquam Athletas deducimus? Quid autem Hymni? An non Deum glorificamus, & gratias agimus quod eum qui excessit iam coronaverit? Quod à laboribus liberauerit? Quod eiecto metu eum apud se habeat? Non ideo sunt Hymni? Non ideo Psalmodie? Hæc omnia sunt lærantium. Idem alibi. Luge, inquit, infideles, luge eos, qui nihil ab infidelibus differunt, qui sine illuminatione, sine signaculo decesserunt. Hi lamentis digni sunt, hi lacrymis, hos lugeamus. Verè enim moritur apud Deum, ut scilicet sanctus Gaudentius, qui ab Apostolicæ fidei veritate discedit; cui Christus Deus, qui vita est, amputatur. Quod si manantes ab oculis lacrymas cohibere non pores, ostender tibi Ambrosius quem mortuum debeas flere. Habet unusquisque quos fleat mortuos suos, ait ille. Mortui sumus quando peccamus, quando implemur ossibus mortuorum. Cui consonans Absalon Abbas; Plange, inquit, mortuum tuum. Mortuus tuus spiritus tuus est multitudo scelerum tanquam plagis multis extinctus. Non est hic mortuus quadriduanus in sepulchro, qui à memoria tua iam exciderit: non est mortuus in porta, qui iam evanesca ab oculis tuis: sed est in domo tua, præ oculis tuis, ut semper eum videas, & horrore concutiaris, & indefinenter plangas mortuum, cui viventi placere noluisti. Non dico omnem luctum, omnem miserationis affectum excludendum esse in amissione suorum, cum sanctos Patres in morte amicorum, & consanguineorum passim fleuisse legamus: sed hoc moneo, iuvandos porius esse defunctos orationibus, aliisque suffragiis, quam planctu, & lamentis, quæ nihil eis prosunt. Lex charitatis ad hoc nos urget, & obstringit. Charitas enim fortis esse dicitur sicut mors, dura sicut infernus æmulatio, quia, ut Philo Carpathiorum Episcopus scribit, ita obfirmatur animus charitate Dei, ac proximi, ut vel ad inferos preces penetrare faciat divina gratia nixus ad subleuandas animas purgandorum.

5. Quæcunque vultis, ut faciant vobis homines, & vos facite illis: hæc est enim lex, & Prophetæ, dicit Dominus Saluator noster. Eadem quippe mensura, qua mensi fueritis, remetietur vobis. Quare si quis defunctis misericordiam præstiterit, & ipse misericordiam consequetur, cum ad eluendas culpas in ardentissima purgatorii fornace cruciabitur. Quis enim tam perfectus, tam sanctus est, ut cum exierit à vita, nihil illi debeat igni: qui gloriari possit, & dicere, mundum est cor meum, purus sum à peccato? Pauci quidem sunt electi, sed inter illos paucissimi sunt ita perfecti, ut omnem purgationem impleverint in hac vita. Consigno hoc caput aurea parænesi

Ll iij

Chrys. Hom. 4. in ep. ad Hebr.

Idem Hom. 3. ad Philip.

Gaud in Præf. ad Beneuolum.

Ambros. in Luc. cap. 6.

Absal. Abb. Serm. 31. qui est 3. in Annunc.

Cant. 8. 6. ac ibid. Philo in comm.

Matth. 7. 12.

Luc. 6. 38.

gern. ser. de obitu
Ymberti.

Cæsar. Hom. 8.

Petr. Blesen. Ser.
de Transfig.

Gaerr. Abb. Ser.
1. in Quadrag.

Luc. 7. 47.

Habac. 3. 16.

Iob. 6. 9.

dulcissimi Patris Bernardi. De reliquo, fratres, dico vobis, si hæc assidue cogitaretis, non tam facile in vanis cogitationibus, & otiosis sermonibus, in iocis, & scurrilitatibus laboremini, quia in his multum perditis, & de vita vestra, & de tempore vestro. Volat irrevocabile tempus, & dum creditis vos cauere pœnam istam minimam, incurritis ampliorem. Illud enim scitote, quia post hanc vitam in purgabilibus locis centupliciter, quæ fuerint hic neglecta, redduntur usque ad nouissimum quadrantem. Scio ego, quia durum est homini dissoluto apprehendere disciplinam, verboso silentium pati, vagari solito stabilem permanere, sed durius, & multo durius erit futuras illas molestias tolerare. Et ne fortè paruipendens Purgatorij acerbicatem non ad te pertinere dicas, quamdiu moreris in illo, inmodò tandem peruenias ad vitam æternam; sugillat te Sanctus Cæsarius Arelatenfis Episcopus his verbis. Nemo hoc dicat, fratres charissimi, quia ille ipse Purgatorius ignis durior erit, quam quicquid potest pœnarum in hoc seculo aut cogitari, aut videri, aut senti. Sugillat te quoque Petrus Archidiaconus Barthonienfis dicens. O insensati, & cæci, *Si lauerit Dominus sordes filiarum Sion in spiritu iudicii, & spiritu ardoris.* Nonnè consultius vobis erat breui contritione cordis, & confessione purgari, quam illud incendium expectare, quod licet non sit æternum, omnes dolores vitæ præsentis, omnes angustias nostræ sensualitatis excedit?

6. Heu quantò melius nunc arderemus delectabili amore, quam tunc illo pœnali ardore? Quanto suauius nunc igne amoris purgaremur, ut mundanum in nobis non relinqueretur quod mundi incendio obnoxium inueniretur: sed sicut tribus pueris ventus roris fieret nobis fornax Babylonis. Alioquin si tepidè, & negligenter viuentes ligna, scænum, stipulam nobis coaceruamus, & tantam ignium materiam hinc nobiscum portamus, cum examen illius Purgatorij tales intrauerimus, quis poterit de nobis habitare cum igne deuorante? aut quis habitabit ex nobis cum ardoribus sempiternis? quando omne etiam vestimentum mixtum sanguine erit in combustionem, & cibus ignis. Scio quidem, quia si satis arderem igne charitatis, de me quoque diceretur, *Dimittuntur ei peccata multa, quoniam dilexit multum.* Nunc autem si purgari non mereor igne dilectionis; utinam vel purgarer alicuius igne passionis, fieretque mihi, quod Propheta imprecatur sibi; *Ingrediatut putredo in ossibus meis, & subter me scateat, ut requiescam in die tribulationis.* Utinam qui cæpit ipse me conterat, soluat manum suam, & succidat me; & hæc mihi sit consolatio, ut affligens me dolore non parcat. Verumtamen nosti Domine infirmitatem figmenti mei. Quæ est enim fortitudo mea, ut sustineam, aut quis finis meus, ut patienter agam? *Nec fortitudo lapidum fortitudo mea, nec caro mea enca est.*

Hoc igitur peto Domine, ne in furore tuo arguas me, neque in ira tua corripas me. Respice infirmitatem meam, & secundum illam moderare manum tuam, ne vehementia verberis frangat patientiam cordis; sed magis tribulatio patientiam operetur, patientia probationem, probatio spem: Væ autem mihi, si quotidie vror, & non emundor, ut & de me dici contingat. *Multo labore sudatum est, & non exiit de anima rubigo eius neque per ignem.* Væ mihi, si mundari in illa dumtaxat die potero, quando sedebit ipse iudex quasi ignis conflans, & emundans argentum, & purgabit filios Levi. Audiam itaque Apostolum dicentem, *Ecce nunc tempus acceptabile, ecce nunc dies salutis: & dum tempus habemus, operemur bonum.* Audiam consilium Sapientis, qui ait: *Quodcumque facere potest manus tua, instanter operare: quia nec opus, nec ratio, nec sapientia, nec scientia erunt apud inferos, quò tu properas.*

Ezech. 14. 12.

2. Cor. 6. 2.

Galat. 6. 10.

Eccles. 9. 10.

§. IV.

Indicantur Auctores, qui fidem Purgatorij, ritumque orandi pro defunctis astruunt. Addita quedam ex profanis scriptoribus de funerandi ratione.

1. **N**ON sine nutu, & providentia Dei factum arbitror, ut receptos Ecclesiæ ritus ab ipsa Apostolorum ætate ad hæc nostra tempora viri doctissimi diuinitus excitati, & scriptis illustrauerint, & moribus approbauerint. Præviderat enim Spiritus sanctus in extrema hac delirantis mundi senectâ improbos Hæresiarchas futuros, qui suggerente inimico vniuersam Ecclesiasticam Hierarchiam conuellere, & perturbare conarentur. Quod cum in cæteris bonis operibus, tum maximè in iis quæ pro defunctis fieri solent abrogandis, irritò licet conatu, vehementius tentarunt. Ut fidem igitur liberem, quam nuper dedi, eademque opera huius sacri ritus antiquitatem ostendam; viros præstantes, veteresque scriptores (seruata quantum fieri poterit temporum serie) breuiter indicabo, qui fidem Purgatorij, ritumque orandi pro defunctis semper in Ecclesiâ viguisse disertis verbis testantur.

Primum locum tribuo liturgiis Sanctorum Iacobi maioris, & minoris, Mathæi, & Marci, in quibus speciales sunt orationes pro spiritibus quiescentium. Sequitur Dionysius Areopagita, qui in libro de Ecclesiastica Hierarchia, postquam disseruit de actibus Hierarchicis, qui sunt circa ingredientes Ecclesiam, & circa procedentes, ac proficientes in ea; de his actibus deinde tractat, qui circa ex ea egredientes, videlicet circa defunctos, exerceantur. Hunc comitantur plures eiusdem spiritus, nimirum Clemens Romanus epist. 1. & lib. 8. confit. Apostolic. cum Notis Francisci Turriani. Hermes in Pastore visione 3. Tertullianus lib. de testim. animæ cap. 4. de corona militis cap. 3. de exhort. Castitatis cap. 11. de Monogamia cap. 10. de Resurr. c. 43. cum Notis Iacobi Pamelij. Origenes Hom. 3. in Iob. Hom. 14. in Leuit. & 6. in Exod. Cyrianus lib. 1. ep. 9. Zeno Veronen. Serm. de Resurrect. Athanasius ep. ad solitariam vitam agentes, & qu. 34. ad Antiochum. Lactantius Firmianus lib. 7. cap. 22. Cyrillus Hierosolymit. catech. 5. mystagogica, Euseb. Cæsarien. lib. de vita Constantini c. 60. & 71. Ephrem Syrus paræm. 49. & in testamento cum scholiis Gerardij

Vossij. Nazianzenus orat. 10. in obitu Cæsarij fratris. Epiphanius lib. 3. hær. 75. & in fine eiusdem libri. Basilus Magnus in cap. 6. & 9. Isaïæ. Ambrosius orat. de obitu Saryri, itemque de obitu Valentiniani, & Theodosij, & lib. 2. ep. 8. de obitu sororis. Gregorius Nyssenus orat. de dormientibus. Hieron. ep. ad Pammachium de obitu Paulinæ. lib. 1. adu. Pelagianos in cap. 1. Ezechiel. & in fine Comment. in Isaïam. Chrysostomus Hom. 32. & 35. in Marth. Hom. 61. in Ioann. Hom. 41. in 1. ad Cor. Hom. 21. in Act. Apost. Serm. 3. in Ep. ad Philipp. Hom. 69. & 70. ad populum Antiochenum. Homil. v. 35. in Mathæum ostendit multis rationibus satis esse corpora mortuorum putrescere, & dissolui, quam integra conservari. Augustinus integro lib. de cura pro mortuis gerenda. lib. 9. tons. c. vii. ep. 64. ad Aurel. Ser. 31. & 33. de verbis Apost. Ser. 41. de sanctis. Auctor Ser. ad fratres in Eremito Ser. 44. Paulinus ep. ad Alitium, & ad Pammachium, itemque ep. 5. ad Delphinium, & paraphr. in Psalm. 1. Theodoretus lib. 5. hist. c. 26. Socrates lib. 7. c. 25. Eusebius Emisenus, seu verius Eucherius Lugdunensis Hom. 3. de Epiph. Victor Vicens. lib. 2. de persecut. Vandal. Cæsarius Arelatens. Hom. 8. Boëthius de consol. Philol. lib. 4. pr. 4. Io. Climacus gr. 4. Gregorius Magnus in 1. Reg. lib. 2. cap. 3. in 1. Ps. pœnit. v. 1. & psalm lib. 4. Dialog. Ioannes Moschus in prælo spirit. c. 24. & 44. Isidorus lib. 1. de Eccl. officiis c. 18. Eligius Nouiomen. Hom. 8. Bonifac. Archiep. Moguntin. & Marry. ep. 35. 6. 70. 84. 90. & alibi. Iulianus lib. 1. Prognosticon c. 18. vsque ad finem libri, & rursus lib. 1. scilicet per totum Anastasius Nicænus q. 20. in scripturam. Beda in ps. 37. & lib. 5. hist. c. 13. Ioannes Damascenus orat. de iis, qui in fide dormiunt. Germanus Constantinopol. in Theoria rerum Ecclesiasticarum. Amalarius supra citat. Haymo Halberstatis lib. 2. in Isaïam c. 18. & in cap. 3. 1. ad Cor. Metaphrastes in viis Pachomij. & Theodosij Abb. & Eusebij hospitiæ. Rabanis lib. 2. de inst. Cleric. c. 44. Regino Abbas lib. de disciplina Ecclesiast. c. 190. Luitprandus Ticinen. l. 4. hist. c. 7. Petrus Dam. Ser. 2. de S. Andree, & Ser. de S. Nic. Theophylactus in c. 12. Lucæ. Anselmus Cantuar. seu verius Petrus Babyon. in c. 3. 12. Marth. Idem Anselmus, vel sub eius nomine Heruzus in c. 3. 1. ad Cor. Occumensis item in c. 3. 1. ad Cor. Sigbertus in Chronicis an. 998. Hugo Victorin. lib. 2. de Sacram. p. 16. c. 4. & 6. Petrus Venerab. passim lib. 1. de miraculis. Rupertus Abbas in Genes. lib. 3. cap. 32. Bernardus Serm. 66. in Cant. Serm. de quinque Regionibus, & in obitu Vmberti. Petrus Cellensis lib. de Panibus cap. 7. Eckbertus Monachus Schonauig. Serm. 9. adu. Catharos. Arnoldus Abbas Bonxualis tract. de 7. verbis Domini in cruce c. 1. Nicephorus Gregoras lib. 3. & 9. histor. Thomas Valdensis rom. 3. tit. 11. c. 107. Bernardus contra Valdenses c. 9. 10. 11. Ermigardus contra eosdem c. 17. Item Petrus Pischdorsius cap. 21. & 22. Scholastici omnes cum Magistro 4. Sent. d. 44. & 45. & cum D. Thoma in sup. 3. p. qu. 70. & 71. Bonaventura in B. cuiloquio p. 7. c. 2. & rom. 3. Serm. de animabus. Gennadius Patriarcha Constantinopol. expof. pro Conc. Florent. c. 3. *Recentiores omisso.* Sunt autem inter hos præcipui Baronius an. Christi 34. nu. 310 & seqq. item an. 126. n. 12. Antonius Demogares diffusè ex Concilijs, ex Patribus, aliisque Doctoribus lib. 4. de Missa. c. 18. Bellarminus tom. 2. controu. libris deabus de Purgatorio. Suarez in 3. p. tom. 4. disp. 45. cum trib. sequenti- bus, Alphonsus à Castro v. Purgatorium. Eckius c. 25. Enchiridij. Antonius Augustinus in epit. Iuris. Ver. Pontificij lib. 17. Marius Perez 3. p. traditionum. Iodocus Coecius romo 2. sup. p. clarissimi thesauri lib. 7. art. 5. vbi citat plures Rabbinos, qui Purgatorium admiunt: & lib. 10. art. 6. Theodorus Pelanus in suis tract. de igne Purgatorii, de suffragijs defunctorum, de sepulchris, & annuarijs. Petrus Tyrax de multiplicibus suffragijs defunctor. Jac. Gretzerus de receptaculis subterranis animarum, & de funere Christiano. Iacobus Gualterus in Tab. Chronographica veris. 10. Ioseph. Vitecomes lib. quart. de antiquis ritibus Missæ. Henricus Spondanus in doctissimo, & creditissimo opere de sacris Cœmæteris. Cuius autem mortuorum, & fidem Purgatorii à primo parente Adamo vsque ad nostra tempora semper viguisse ostendit in Notis Chronicis Genebrardus.

2. Cæterum de funeribus, variisque ritibus sepeliendi cadavera multa quoque ex præfatis Scriptoribus colligi possunt, à quibus constat etiam ab infidelibus magnam curam adhibitam, vt iusta mortuis persoluerentur. Extant de hac re in iudicijs civilium legum insignes tituli de Religios. & sumptibus funerum, de mortuo inferendo,

de

de sepulcro violato, de cadaueribus punitorum, de debita impensa in exequijs, & ne defuncti, seu funera eorum iniuriuntur à creditoribus. Copiose etiam disserunt de ritibus antiquorum funtrum Scriptores qui lequuntur, & alii plures, quos isti citant, & commendant.

Ioannes Rosinus lib. 5. Rom. antiquit. c. vlt. additis Thomæ Dempsteri Paralipomenis. Læli. Bisciola Heear. sub l. 1. c. 1. Lilius Giraldu lib. de vario sepeliendi ritu. Ioannes Kuchmannus Lubecensis, qui Romanorum funerum solemnitates libris quatuor complexus est Iarobus Gutherius libris tribus de iure manum, Spondanus in laudato opere de sacris cæmeterijs. Philippus Cluuerius l. 1. Germaniæ antiquæ cap. 33. Alexander ab Alex. dierum Genialium l. 3. c. 1. & 7. Cælius Rhodiginus l. 17. antiq. lect. c. 19. 10 & 11. Iustus Lipsius l. 1. elect. c. 6. ad l. 4. Annal. Hieronymus Magius var. lect. l. 1. c. 13. & l. 2. c. 17. vsque ad 12. Ludouicus Cartiol. 1. cmend. c. 6. Vroisfangus Lælius comment. Reip. Rom. l. 3. c. vlt. Cicero 1. de legibus. Onofander in strategico c. 36. cum notis Ioannis Chokieri Leodiensis. Ianus Durantius Cæsius l. 1. var. c. 4 & l. 2. c. 3. Lucanus in dialogis mortuorum. Herodotus l. 4. hist. Diodorus Siculus l. 2. c. 2. & 5. & l. 4. c. 1. Cæsar l. 8. de bello Gallico. Ludi funebres quando, & cui primum instituti fuerint narrat Pausanias in Arcadicis. Idem in Messenicis edictum olim ait, vt veste pulla prosequerentur omnes funera optimatum Faces, & candelas adhibitas in funcribus constare ex Tacito 1. Ann. Persio Sat. 3. Seneca de Tranquillit. animi c. 11. Suetonio in Augusto, & ex D. Hieronymo adu. Vigilantium. Cæsar prosequi mortuos ad sepulcrum plurimarum gentium instituta sanxerunt, teste Macrobio in somn. Scip. l. 2. cap. 3. Græci defunctos osculabantur, quam consuetudinem commemorat Euripides in Alceide: sed inhibitu postea fuit huiusmodi osculem à Concilijs Aristodoresi, & Matilconensi Pompas funebres Italico idioma describit Franciscus Petucius. Quædam item de funcribus tractat Naialis Comes in Mythologiis l. 1. c. 13. Dabantur olim conuiuia in mortuorum memoriam, de quibus Synelius ep. 3. Chrysostomus hom. 18. in c. 1. primæ ad Corinth. quorum etiam abusus damnant Zeno Veronenis in Psalm. 49 & Gaudencius tract. 4. de Paschare. Petrus Gregorius Tholosanus l. 1. de immortal. animor. ex corporum mortuorum cura augmentum desumit ad probandam animæ immortalitatem. Ob hanc enim institus est vnicuique à natura amor, & cura proprii corporis etiam post mortem. Olympias alexandri Magni mater, cum Cassandri iussu interficeretur, capillis, & veste se honestè composuit, ne quid posset in cadauere inhonestum videri. Narrat id ex Trogo Pompeio Iustinus in fine l. 15. Similia refert de Polyxena Euripides in Hecuba v. 68. & Ouidius 13. metam. v. 477. De Lucretia idem Ouidius 2. Fast. v. 83. de Cornelia Vestali Plinius l. 4. ep. 11. De Glaucia Statius 2. Syluar. v. 154. De Cleopatra Florus l. 4. De Cæsare Suetonius. De Virginibus Milefis Aulus Gellius noctium attic. l. 15. c. 10.


Sat dictum de hac re. Illud autem in fine monendum, vt cum oramus pro mortuis, mortis quoque nostræ recordemur, sicut scriptum est:
Memorare nouissima tua, & in æternum non peccabis.

CAPVT. XIV.

De Psalmis Pænitentialibus, & Litaniiis.

§. 1.

Pænitentia utilis, & effectus. De Psalmis Pænitentialibus, eorumque vsu. Laudes pænitentia. Cur septem tantum sint Psalmi Pænitenciales.

1.  ADIT infelix homo in foueam peccati mortalis, & non addicet vt resurgat: infigitur in limo profundis, & non est substantia: infernalis tyranni seruituti se subiicit, & non est qui redimat: bibit sicut aquam iniquitatem amarissimum virus, & nemo est qui alexipharmacum mis-

M m

ceat: à planta pedis vsque ad verticem non est in eo sanitas; vulnus, & lior, & plaga tumens, & non est qui circumliget, aut curet medicamine, aut foueat oleo: nisi respiciens desuper Pater misericordiarum, & Deus totius consolationis manum porrigat adiutricem. Lapsus enim ex voluntate homo, inquit Bernardus, non æquè ex voluntate resurgere iam liberum habet, quia etsi datum fuit voluntati posse stare ne caderet, non tamen resurgere si caderet. Non enim tam faciliè quis valet exire de fouea, quam faciliè in eam labi. Cecidit sola voluntate homo in foueam peccati, sed non ex voluntate sufficit & posse resurgere. An igitur peccantis casus irreparabilis erit? An infirmitas hæc prorsus ad mortem, vt qui fecerit iniquitate non omnino moriatur in ipsa? Absit. Sed quid dicit Scriptura? *Perditio tua ex te Israel, tantummodo in me auxilium tuum.* Benignus itaque Deus excitante gratia præuenit peccatorem è stercore subleuat, erigit à ruina, liberat à seruitute, sanat à vulnere, è morte transfert ad vitam. Pulsat enim ad cor eius per fidem, expergestatum concutit per timorem, concussum suffulcit spei adminiculo ne labatur, suffultum eleuat ad altiora per actum dilectionis, eleuatum denique perfectissimè sanat per contritionem, & pœnitentiam. Appositè ad hanc rem Fulgentius Ruspensis Episcopus: Præuenit gratia Dei impium, vt fiat iustus: subsequitur iustum, ne fiat impius. Præuenit cæcum, vt lumen, quod non inuenit, donet: subsequitur videntem, vt lumen, quod contulit, seruet. Præuenit elisum, vt surgat: subsequitur eleuatum, ne cadat. Cecidit miserando lapsu Regius Propheta, vir secundum cor Dei, vixque protulerat salutiferum illud *Peccavi*, cum subito in sermone Domini dictum est illi, *Dominus transtulit peccatum tuum à te.* Quem pœnitet peccasse penè est innocens, ait Tragicus. Ceciderunt & alij, & computruerunt in sœcibus suis, carebant videlicet veræ pœnitentiæ præsidio, ac sinceræ contritionis adiutorio. Saul quoque repleuitus à Propheta; Peccavi dixit, sicut & Dauid: nec tamen in pati voce par subsequuta est peccati remissio. Cum ergo in confessione peccati, inquit Fulgentius, vtriusque vna vox fuerit, cur non vna est vtrique concessa remissio? nisi quia in similitudine confessionis videbat Deus dissimilitudinem voluntatis; nec sonum sermonis attendit, sed intentionem cordis in vtroque discreuit.

3. Sanctus ergo Spiritus arguens mundum de peccato sponsa suæ Ecclesiæ inspirauit, vt præter pensum Horarum Canonicarum, Psalmos etiam Pœnitentiales, quos Dauid pœnitentiæ Præsul (vt eum vocat sanctus Laurentius Nouariensis Episcopus) composuit, certis diebus pro venia delictorum recitaret. Vsum autem horum Psalmorum antiquissimum esse vel ex eo colligere licet, quod de sanctissimo Patre Augustino narrat Possidius. Nam cum Hippone à

Bern. de grat. &
lib. arbitrio.

Osæ 13.9.

Fulg. lib. 1. ad Mo-
risum.

Seneca in Aga-
memn. v. 143.

Fulg. lib. 1. de re-
miss. peccatorum.

Laurent. Nouar.
Hom. 1.

Possid. in vita
Aug.

Vandalis obfessa morti proximus decumberet, hos tanquam ab omni iam antiquitate susceptos in tabella describi, sibi que ob oculos in pariete affigi iussit, vt assidua eorum lectione se ad extremam cum diabolo luctam præpararet. Horum quoque crebra sit mentio in antiquo Pœnitentiali Romano. Extant autem præclara sanctorum Patrum commentaria, quibus hosce Psalmos exposuerunt, duorum præsertim summorum Pontificum Gregorij Primi, & Innocentij Tertij. Eosdem per modum orationis explanat Gerson tomo tertio. Eos quoque Christophorus Varæuicius eleganti Paraphrasi illustrauit. In eisdem scripsit Meditationes Ludouicus Viues, non pietati, sed ostendendo ingenio. Quo ritu olim dicerentur docer in libro de Canonum obseruantia Radulphus Tungrensis. Hodie ex institutione Pij Quinti sextis feriis Quadragesimæ recitantur. At Religiosi varias consuetudines habent, quas laudabiliter obseruant. In Ordine nostro Cisterciensi statutum fuit à primariis Abbatibus ad generalia comitia congregatis anno ab orbe redempto 1194. vt omni sexta feria per totum annum processionem post Primam dicerentur, cuius institutionis occasio tametsi fuerit terræ sanctæ, bellique sacri subsidium; non tamen debent ob pœnitentiæ meritum omitti: & sic reuera ab vniuerso Ordine obseruatur. Cum parent igitur ianua veniales, vt eleganter scribit Victor Cartennensis Episcopus, cum fluctuantibus, & criminum tenuitate iactatis pœnitentiæ portus offertur, cum mentibus promittitur cura languentibus, & sauciatis vitalem pollicetur vlroneus artifex medicinam, cum misericordia habetur in promptu, antequam iustitia capulo tenus extrahat pugionem, sumamus arma pœnitentiæ, & iudicis rigorem satisfactionis officio mulceamus.

Radulph. prop. 21.

Victor Carten. l. de pœnit. c. 11.

3. Notat autem Nemescius Episcopus, & Philosophus æquè conuenire homini pœnitentiam, ac risibilitatem. Solus homo, inquit, iure omnia, quæ ratione sunt prædita, habet hoc præcipuum, vt eius erratum pœnitentiæ condonetur. Nam Angeli cum nullam habeant causam necessariam, quæ ad peccandum impellat, sed natura omni affectione corporis, & inopia, & voluptate vacent, merito per pœnitentiam ad veniam aspirare non possunt. At homo non modo rationis particeps, sed etiam animal est, & necessarij vsus vitæ animalis, motusque turbidi persæpè rationem attentant, & labefaciunt. Quare cum ad sanitatem redit, & declinat turbulenti animi motionibus virtutem complectitur, iusta illi misericordia, id est venia tribuitur. Atque vt proprium eius naturæ ridere est; nam & soli adest, & omni, & semper: ita in rebus non naturæ lege, sed Dei erga nos beneficio constitutis, propriū est hominis, vt per pœnitentiā omni culpa liberetur. Nā soli homini, & omni, & semper quoad in terris viuit hoc datū est. Deus enim, vt docet Tertull. post tot, ac tāta delicta humanæ

Nemes. l. de nat. hominis c. 1.

Tertull. de pœnit. cap. 2.

M m ij

temeritatis à principe generis Adamauspicata, post condemnatum hominem cum seculi dore, post eiectum paradiso, mortique subiectum, cum rursus ad suam misericordiam maturauisset, iam inde in semetipso pœnitentiam dedicauit, rescissa sententia irarum pristinarum, ignoscere pactas homini, & imagini sue. Vt verò per pœnitentiam peccatorum remissionem obrineamus, talem eam oportet esse, qualem describit Abbas Cellensis: vt sit videlicet in ore veritas, in corde charitas, in conscientia puritas, humilitas in habitu, abstinentia in victu, modestia in incessu, castitas in aspectu, in omni oratio, in omni tempore meditatio, in toto corpore afflictio, in tota anima deuotio, desiderium ante Deum, lacrymarum die ac nocte ad Deum. Sic iustificatur anima à sordibus pristinis lota flumine lacrymarum, deteresa veritatis linteo, accensa charitate, purgata confessione, ornata humilitate, cincta abstinentia, circumamicta modestia, castitate glorificata, oratione eleuata, meditatione suffulta, deuotione inuncta, desiderio in cœlis recepta. O felix humilitas pœnitentium, exclamat Guettricus Igniacensis, ó beata spes consentientium! Quam potens es apud Omnipotentem, quam facile vincis inuincibilem, quam citò tremendum iudicem conuersis in piissimum Patrem! Euangelicæ prædicationis gratia à pœnitentia sumpsit exordium: *Pœnitentiam agite, appropinquauit enim regnum cœlorum.* Initium etenim reuertendi ad Deum est pœnitentia, Hæc porta veniæ, spes indulgentiæ, gratiarum custos, misericordiæ conciliatrix, terror dæmonum, lætitia Angelorum, gaudium vniuersæ terræ. Hæc Deum placat, serenat conscientiam, reſerat cœlum, de terris eleuat, & in excelsum attollit. Magna reuera hominibus fit pœnitentia, ait vir venerabilis Ephrem, quia tanquam videntes Deum per ipsam reconciliamur. Magna super terram est pœnitentia, quoniam scala animabus fit eò ascendendi, vnde per peccatum deturbatz sunt. Lætantur cœli, & qui illic Angeli de pœnitentia hominis, vt loquitur Tertullianus. Heus tu peccator bono animo sis: vides vbi de tuo reditu gaudeatur. Opera autem pœnitentiæ hæc sunt sacco, & cineri incubare, corpus sordibus obscurare, animum mœrotibus deicere, ieiuniis preces alere, ingemiscere, lacrymati, & mugite noctes diesque ad Dominum Deum, presbyteris aduolui, & charis Dei adgeniculari, omnibus fratribus legationes deprecationis suæ iniungere.

Pet. Cellen. l. de
panib. cap. 3.

Guettric. ser. 2. in
Quadrage.

Matth. 3. 2.

Ephrem. tract. de
pœnit.

Tertull. lib. de
pœnit.

M E T R V M XXIX.

Vtilis placet dolor,
Quem spes futura mitigat salutis.
Nec labor premit grauis,
Si mercor illo gloriæ coronam.

*Terra quid mihi, aut polus
 Offert colendum? vilibus probroſas
 Gentibus relinquo opes,
 Satis beatus pauperum lacerna.
 Quid iuuat domum auream,
 Ionemque claſſum poſſidere in arca?
 Lauti quid reſert gula,
 Et empta magnis ſumptibus voluptas?
 Quid metalla, quid Gaze
 Merces beata, Mexicique Gaze?
 Nam nec aurea domus,
 Quæ leuigatis emicent columnis,
 Nec clientium fauor,
 Aut ſceptrum eois fulgidum lapillis,
 Nec minax tubæ fragor,
 Mortis rapacis impetum coercent.
 Ite nobili luto
 Tagi, vel Hermi, ſplendiſſique cænis.
 Ite diuitum manus,
 Lethique duras ſubmouete leges.
 Quod ſi auara ciuium
 Potentiorum dona, vel corona
 Nil iuuant, & vltimis
 Reuulſæ ab Indis, ac Hydaſpe gemma:
 Si nihil valent opes,
 Nec ſceptra Auerni leniunt furorem:
 Sat mihi abſcindo in ſpecu
 Arſto cibari pane, & amnis vnda.*

4. Septem ſunt autem pœnitentium Pſalmi, vj. ſcilicet, xxxj. xxxvij. L. cj. cxxix. & cxlij. quos magni myſterij ſignificatione maiores noſtri inſtituerunt. Docet Caſſiodorus poſt Origenem ſeptenario numero concluſos eſſe, quia ſeptem modis peccata nobis dimitti poſſunt: per baptiſinum, per paſſionem martyrii, per eleemoſynam, per hoc quod remittimus peccata fratribus noſtris, cum conuerterit quis peccatorem ab errore viæ ſuæ, per abundantiam charitatis, & per pœnitentiam. Inueniuntur & alii fortaſſe modi remiſſionum: congruit enim vt numerum ſupplicationis noſtræ indulgentia diuina tranſcendat. Antiqui etiam canones ſeptennem pœnitentiam pro grauioribus peccatis impoſuerunt. Leproſus mundandus ſepties in veteri lege aſpergebatur. Naaman Syrus ſepties lauari in Iordane iuſſus eſt ab Elieo. Septimo anno fiebant remiſſiones, eratque magnus Iubileus poſt quadratum ſeptenarium. Septimo die emiſſa columba aquas vltices ceſſaſſe indicauit.

Caſſod in pſal 6.
 Orig hom. 2. in
 Leuit.

Leuit 14. 7.
 4. Reg 5. 10.
 Leuit. 25. 4. 8.
 Gen. 8. 10.
 4. Reg. 4. 35.
 Ezech. 40. 26.
 Numer. 12. 14.

Paul. Emisen. ho.
mil. de Incarn. 1.
in actis Concilij
Ephesini tom. 6.
Matth. 22.
Psal. 11. 7.
Apoc. 15. 6.
Marc. 16. 9.

Innocen. tertius
proem. in 7. psal.

Septies oscitauit puer à morte reuocandus ad vitam. Septem gradibus ascendebaratur ad portam templi apud Ezechielem. Septem diebus soror Moïsis separata est antequam mundaretur. Ipse vertex Theologo- rum Petrus, coryphæus, & os Apostolorum, vt eum vocat Paulus Episcopus Emisenus, sublimiori instructus sapientia septenarium proposuit numerum, cum ageret de remissione, à quo numero Christus respondens discedere noluit, vt ex Evangelica constat historia. *Domine, inquit, quoties peccabit in me frater meus, & dimittam ei? Vsq̃ue septies? Dicit illi Iesus; Non dico tibi vsque septies, sed vsque septuagies septies.* Non ergo sine causa horum Psalmorum numerus ad septenarium redactus est, vt septuplum expurgari, à septem plagis immunes, exclusis septem Dæmoniis, septiformi spiritus gratia illustremur. Notat autem Innocentius Papa initio expositionis horum Psalmorum quæ D. Bernardo Claræuallensi ab imperito quodam impressore Veneto olim perperam tributa fuit, notat inquam inter istos septem Psalmos quatuor esse consimiles, & tres dissimiles in principis. Semper verò, ait, inter duos consimiles vnus dissimilium constituitur: & inter duos dissimiles vnus consimilium collocatur. Consimiles sunt primus, tertius, quintus, & septimus: dissimiles secundus, quartus, & sextus. Nulla enim in via sunt ita perfecta, quibus non interueniat aliquod imperfectum: nec aliqua tam sunt mala quibus non intercidat aliquod bonum; quatenus nec perfectis præsumptio, nec malis desperatio tribuatur: quod maximè conuenit, & expedit pœnitenti vt nec de misericordia nimium præsumat sperando, nec de iustitia nimium desperet timendo; sed inter superiorem, & inferiorem molam spiritualiter conteratur. Porro de singulis Psalmis coperæ pretium erit quædam notasse.

§. II.

Notantur quædam de singulis Psalmis Pœnitentialibus. Denique adhortatio ad pœnitentiam.

1. **P**salms sextus, *Domine ne in furore tuo arguas me*, primum inter pœnitentiales occupat locum. Senarius autem numerus personæ pœnitentis aptatur, quia in naturali numerorum serie primus est, cui conueniat perfectio sui ipsius. Titulus eius est, *in finem in carminibus, siue in hymnis pro octaua.* In finem Εἰς τὸ τέλος, quod quidam viri docti assidue, vel in perpetuum vertunt: aliquot enim Psalmi certis Hebdomadæ diebus assignabantur, hic verò nulli alligatus diei assidue psallendus erat. Finis etiam consummatæ rei perfectionem significat, vt videlicet admoneantur initio pœnitentialis cursus pœnitentes iugiter in oratione versari, & ad summum perfectionis culmen, ad Christum qui est finis vniuersorum, aspirare. Quod nos in finem, Græci εἰς τὸ τέλος, Hebræi legunt *lamnasach*, quam vocem D. Hieronymus *victori* est interpretatus,

Symmachus ἐπὶ νίκῃ, versus Epinicius ob partam victoriam, Theodosio ἐπὶ τῷ νικῶσι, in victoriam. Nam quæ maior victoria, quam post lapsum resurgere, durum pœnitentiæ iter arripere, carnem propriam subiugare, mundi pompas contemnere, aduersarium ad petram, qui est Christus allidere, super aspidem, & basiliscum ambulare, & conculcare leonem, & draconem? Hæc est victoria, quæ vincit mundum, compunctio cordis, pœnitentiæ rigor, orationis instantia. Gladus est pœnitentia peccatum radicitus euellens, vt non immerito pœnitentiæ preces à victoria ducant initium: feruenter enim in via Domini incepisse, iam vicisse est. In carminibus ergo, siue in hymnis oremus, vt det nobis tota charitate compungi, qui supplicandi præstitit rationem. Oremus inquam in hymnis, & carminibus, nam qui tactus dolore cordis intrinsecus peccata sua humiliter confitetur, dulces personat hymnos coram Deo, & Angelis eius, sicut scriptum est: *Gaudium est Angelis Dei super vno peccatore pœnitentiam agente.* Dicitur cantari hic Psalmus pro octaua, qua literaliter asserunt Hebræigenus quoddam cytharæ fuisse octo chordarum. Amavit enim vir sanctus David musicam piam, vt scribit Augustinus, & in ea studia nos magis ipse, quam vllus alius auctor accendit. Alij aiunt hoc carmen Hypomixolydio concentu, quem nos octauum tonum nuncupamus, fuisse cantatum, ac propterea octauæ titulum præ se ferre. Sancti Patres communiter per octauam mysterium Resurrectionis intelligunt. Quæ est autem octaua, inquit Chrysostomus, nisi dies illa, illa Domini, inquam, dies magna, & terribilis, quæ est vt clibanus ardens quam tremunt etiam virtutes cœlestes? Futuræ enim resurrectionis, tremendique iudicij consideratio animam excitat ad pœnitentiam, & ad orationem: Vnde tremens, sed cum fiducia ad thronum gratiæ accedens dicit: *Domine ne in furore tuo arguas me, neque in ira tua corripas me.* Primò autem iudicis captat benevolentiam à potestate iudicij, & consuetudine parcendi. Deinde narrat ærumnas proprias, quibus animam extabuisse deplorat. Iniquos randem execratur, nec aliquam in posterum vult cum his habere portionem. Astat reus coram supremo iudice, peccatum lacrymis diluit, in noctibus lectum lauat, quem in noctibus inquinauerat, & accusans seipsum veritatem meretur, quia se non excusat à culpa, summum defensionis genus in hoc constituens, quod se ipsum condemnat. Nouum scilicet iudicij genus hoc est, ait sanctus Zeno, in quo reus, si excusauerit crimen, damnatur: absoluitur, si fateatur. Nam, vt magnus scribit Gregorius, cum defenditur culpa, geminatur. Habet hic locum cuiusdam profani sententia dicentis: Morborum alimentum silentium est. Peccatum enim, si taces, serpit, & crescit, fitque animæ tanquam pestilens carcinoma: si aperis, & manifestas, protinus

Lucæ 15. 10.

Aug. epist. 131.

Chrys. lib. 2. de compunctione cordis cap. 4.

Zeno Serm. 2. ad Neophytos.
Greg. l. 4. moral. cap. 19.
Heliodor. lib. 4. hist. Æthiop.

Alcui n. in 1. psal.
pœnit.

veneni vis euacuatur. Valida est misericordiæ precatio peccati confessio, ait Alcuius: & ille misericordiam Dei inueniet, qui se miserum confitetur.

2. Post sextum sequitur trigessimus primus: *Beati quorum remissæ sunt iniquitates*. Numerus tricenarius fidem Trinitatis designat cum obseruatione præceptorum decalogi. Vnitas superaddita charitatem significat, quæ est finis, & consummatio legis. Sicut autem custodia legis perducit ad præmium, sic ista compuncto corde fusa precatio malorum ob transgressionem. Decalogi commissorum indulgentiam obtinebit, quatenus deinceps fidem S. Trinitatis bonis operibus comprobantes ad charitatis vnitatem feliciter perueniamus. Titulus psalmi Hebraicè est *maschil*, Græcè *ὑμνὸς* Latine *intellectus*, quia spiritualis intelligentia ad mysteriorum illius profunditatem est adhibenda. Hic est intellectus, ut nemo hinc per gratiam accepta de peccati impunitate præsumat. Dictum est in alio psalmo: *Delicta quis intelligit?* In hoc autem dicit Deus: *Intellectum tibi dabo, & instruam te*. Promissus ergo intellectus præmittitur in titulo, ut sciamus ad pœnitentiæ studium nequaquam venire nos posse, nisi misericordia Domini suffragante peccata nostra intellexerimus. Quis enim pro diluendis oret criminibus, quæ prorsus ignorat? Initio psalmi cognoscens pœnitens proprios errores humiliato corde suspirat, eos prædicans verè beatos, quorum remissæ sunt iniquitates. Fatetur deinde se malè habuisse dum tacuit, curatum autem fuisse dum culpas humiliter confessus est: tum veniæ postulationem etiam sanctis esse communem asseuerat. Orat post hæc, & ad eius verba respondens Dominus sperantibus in se misericordiam pollicetur. Hac erectus promissione commonet homines in fine, ne brutis animantibus similes facti vagis subdantur erroribus; sed ut potius sperantes in Domino, recto corde latentur, ut piissimi iudicis, qui lacrymis nostris fleat, sententia absoluti in ipso gloriari mereantur. O diuinam clementiam, exclamat Basilius Seleuciæ Episcopus, ad quantam dignitatem euexit pœnitentia! Homines lacrymantur, & Deus immutatur: lugent mortales, & decretum soluit immortalis.

I psalm. 18.

Basil. Seleuc. or. 11.
quæ est 1. in Ionã.

M E T R V M X X X .

Quam felix est, cui scelorum
Christus vincla resoluit,
Quem nulla inficiunt sordes
Imo in corde latentes.
Conditur huic ferrum, & redeunt
Auri fulgida secla.
Nescire manant huic colles,
Sudant balsama campi.

Huic

*Huic regales fundit opes
 Pleno copia cornu.
 Et quocumque terit pedibus
 Terram, sub pede florent
 Lilia, purpureaeque rose.
 Et veris decus omne.
 Hunc fas, hunc sequitur pietas,
 Hunc sincera voluptas,
 Hunc terra, cælique bonis
 Virtus alma coronat.
 Sine citum rapit hora diem,
 Seu sol lumina reddit.
 Ille hilaris semper superos
 Curvo poplite adorat.
 Quidquid crastina lux referat
 Expectat placido ore.
 Innubique nitens vultu
 Fraudes nescit, & iram.
 Horrida terris bella fremant,
 Tristis seruiat Orcus.
 Immineat terribilis mors,
 Fractus corrumpat orbis.
 Hic letus, constansque animi
 Semper pace potitur.
 At qui mortifero insectum
 Gestus crimine pestus.
 Quanta miser patitur, quanta
 Intus praelia sentit!
 Quot cura cor dilacerant,
 Quot pænis cruciatur!
 Sic sic præcipites erebo
 Damnat fæda Dione.
 Sic Bacchi, sic perdit opum
 Effrenata cupido.
 Discite mortales sapere,
 Veram discite vitam.
 Ponite criminibus finem,
 Culpas mergite planctu.
 Iusta piis cedit lacrymis
 Iusti Numinis ira.
 Et dicet rediitna polum
 Scande ô mortua proles.*

3. Tertius cum primo conuenit in primo versu : *Domine ne*
 Nn

in furore tuo arguas me, & est in ordine Psalterij trigessimus septimus fidelem iudicans, & obseruantiam Decalogi per septiformem gratiam Spiritus sancti. Eius Hebraïca inscriptio est *le azebir*, Græca *Εἰς ἀνάμνησιν*, Latina in commemorationem, siue ad commemorandum: Additum die Sabbati, vel pro Sabbato ex vsu Synagogæ, quæ hunc Psalmum Sabbatis canebat. Sabbatum requiem significat.

Gregor. in expof.
huius Psalmi.

Fidelis ergo anima, aut magnus Gregorius, requiem in primo homine perditam ad memoriam reuocans, & futurum nihilominus vitæ æternæ Sabbathum Spiritus agilitate contemplanſ ab omni ſpiritus, & carnis optat corruptione eripi, & ad futuram indeficientis beatitudinis requiem consummato huius vitæ termino orat ſine cunctatione perducī. Fecit etiam Dauid hunc Psalmum ad commemorationem, tum vt illum ſemper in ore ferret ad animi ſui poſt peccatum curationem: tum vt ipſum peccatum ſemper in mente haberet, ſicut ſcriptum eſt: *Et peccatum meum contra me eſt ſemper*: vt

Psalmus 50.

nos quoque eius exemplo admiſſa flagitia quotidiano caſtigantes flagello à futuris culpis præteritarum memores abſtineamus. Iſta eſt vera pœnitentia, vt verbis loquar Auguſtini, quando ſic conuertitur quis, vt non reuertatur; quando ſic pœnitet, vt non repetat. Ambroſius item verum pœnitentem deſcribens; Pœnitentem, inquit, hominem dico, qui plangit quod peccauerat, & rogat Dominum, vt non iterum faciat quod admiſerat. Pœnitentem hominem dico, qui poſt concupiſcentiam ſuam non vadit, & voluptatibus ſuis ſe priuat. Pœnitentem hominem dico, qui repellit quod malè fecerat, & rogat Dominum, vt veniam conſequatur. Pœnitentem hominem dico, qui diligit quod ante neglexit, & quod fecerat mali, deſerit. Porro Psalmus internum, & externum morbum commemorat, corporis languorem, afflictionem animi, amicorum moleſtiam, faſtidium extraneorum. A cunctis autem dereliſtus tacet, quieſcit, diſſimulat, ſpem ſuam in Domino reponit, paratum ſe quoque ad flagella teſtatur, quibus commiſſa poſſit abolere peccata, ac tandem in Domino exultans continuam eius in tantis periculis aſſiſtentiam implorat.

Aug. Serm. 3. de
Natiu. Domini.
Ambroſ. Ser. 4.
poſt. 1. Dom. xl.

4. Quinquageſimo Psalmo: *Miſerere mei Deus*, quartum, & medium locum inter pœnitentiales ſacratiffima figuratiōe fecerunt antiqui. Expers ſit omnis hitoria, qui neſciat peccaſſe Dauidem cum Bethſabee, eiufque maritum regali iuſſione ab hoſtibus fuiſſe peremptum. Nam mulierem, quæ placuerat oculis ſuis, accerſiri fecit, virum autem eius innocentem bellatoribus obiiici iuſſit, vt vi opprimeretur hoſtili. Ex hac hitoria deſumptus eſt titulus Psalmi. *In finem Psalmus Dauid, cum venit ad eum Nathan Propheta, quando intravit ad Bethſabee*. Pertinet quinquagenarius numerus ad remiſſionem, quinquageſimo enim anno ſecundum legem remiſſio erat,

vt si quis distraxisset possessionem, eam reciperet, seruus libertate donaretur, exul rediret in patriam. Quinquagesimo etiam die data est Lex in monte Sina, & eodem dierum numero Spiritus sanctus adueniens Apostolorum corda sacris donorum charismatibus illustrauit. Sic iste quinquagesimus Psalmus puro reciratus affectu dissoluit crimina, vulnera sanat, debita tollit peccatorum. Atque ideo Ecclesiastico vsu receptum est, vt quoties admissorum scelerum remissio petitur, huius Psalmi recitatione postuletur. Optimè, vt solet, doctorum Princeps Augustinus: Iste Psalmus sicut cautos facit eos, qui non ceciderunt; sic desperatos esse non vult, qui ceciderunt. Quisquis peccasti, & dubitas agere pœnitentiam pro peccato tuo, desperando salutem tuam, audi David gementem. Ad te Nathan Propheta non est missus, ipse David ad te missus est. Audi eum clamantem, & simul clama: audi gementem, & congemisce: audi fleentem, & lacrymas iunge: audi correctum, & condelectare. Si tibi non potuit intercludi peccatum, spes veniæ non intercludatur. Missus est ad istum virum Nathan Propheta: attende Regis humilitatem, non respuit verba præcipientis, non dixit, audes mihi loqui Regi? Rex sublimis Prophetam audiuit, plebs eius humilis Christum audiat. Audi ergo hæc, & dic cum illo: Miserere mei Deus secundum magnam misericordiam tuam. Dulcissimus est huius Psalmi decursus de amaro compunctionis fonte scaturiens. Nam & satisfactio nem continet perfectissimæ humilitatis, & viuam misericordiæ Domini confidentiam. Peccauit David, quod solent Reges: sed pœnitentiam gessit, fleuit, ingemuit, quod non solent Reges. Confessus est culpam, memor peccati, oblitus imperij, & ipse suum cantauit opprobrium. Hunc Regem imitatur pœnitens in hoc Psalmo, crimenque fatetur, tum Dominum rogat, vt amissam restituat gratiam, quam si fuerit consequutus contriti cordis sacrificium, & mysticas vitulorum oblationes pollicetur.

Aug. in Psal. 30.

5. Quinto loco centesimus primus Psalmus inuenitur, *Domine exaudi orationem meam*. Centesimus numerus plenus in omnibus, & perfectus ostenditur, cui adiuncta vnitas apicem indicat perfectionis, ad quam post remissam culpam debet pœnitens properare. Tam in Hebraico, quam in Græco, & Latino textu hac prænotatur inscriptio: *Oratio pauperis cum anxius fuerit, & coram Domino effuderit precem suam*. Hoc omnium nialorum singulare remedium est non ad res perituras conuerti, sed ante Dominum effundere cor suum, & veram ab eo consolationem præstolari. Felix conscientia, quæ ob dolorem pœnitentiæ anxia risum in luctum, cantum in planctum, gaudium conuertit in mœtorem, faciens membra sua seruire sanctitati, quæ ante seruierant iniquitati. Felix conscientia, quæ paupertate Spiritus diuissima precem suam effundit coram Domino,

Nn ij

Matth. 5. 25.

Nicet. in orat. 16.
Nazianz. n. 17.
Victor. Catten. li-
bro de Pœn. c. 5.

felicité præcauens, ne cuiusque vel leuissimæ maculæ deformitate tremendæ illius maiestatis offendant aspectum. Conscientia nostra aduersarius noster est, de quo scriptum est, *Eslo consentiens aduersario suo*. Aduersarius dicitur, quia omni prauæ voluntati nostræ aduersatur: arguit nos, cum non agimus quod debemus: accusat nos, cum agimus quod non debemus. Conscientia est lex non scripta, ait Nicetas Heraclienfis, quæ viam veræ pœnitentiæ præscribit nobis. Quæ cum non habeat loquendi vsum, vt Victor Cattenensis eleganter scribit, nescit tamen tenere silentium. Potest tibi ad tempus testis prodesse, conscientia verò tecum semper est, & sine te non est: hæret pectori, nec vnquam te deserit, & velut quædam pedissequa nullo abs te temporis intervallo discedit: tenet te reum, & in sua semper ditione captiuum. Pauper igitur in hoc Psalmo conscientiæ stimulis agitatus orat gemens, & afflictus, suasque necessitates flebili narratione commemorat, vt Deus tandem placatus calamitosam anxietatem in perennem lætitiâ sedata conscientia mutet, & illuc semem sanctorum dirigat, vbi regnans habitat ipse, vbi est spes gloriosa fidelium, vbi lucet perpetua claritas, & pax æterna iustorum.

Ecclesi. 18. 16.

6. Sextus è Canticis graduum desumptus in ordine Psalterij est centesimus vigesimus nonus, *De profundis clamaui ad te Domine*. Numerus quidem centesimus vigesimus ex denario in duodenarij ductu resultat plenissimæ virtutis, & consummatæ dicitur perfectionis, partes enim eius aliquot ordinatissima distinctione procedunt vsque ad vnitatem: sed numerus nouenarius superadditus humanorum operum imperfectionem designat. Calculus ergo numericus huiusce Psalmi ex perfecto, & imperfecto compositus veram comprobât illam esse sententiam, qua dicitur, *Cum consummauerit homo, tunc incipiet*. Nemo quippè adeò perfectus in hac vita reperitur, qui non debeat semper vltiorem appetere perfectionem, donec feliciter consummatus expleat tempora multa, & quod in via concessum non est, magno gratiarum cumulo accipiat in patria. Hoc idem indicat non obscurè inscriptio Psalmi, *Canticum graduum*, siue ex Hebræo *scir ham ab alosb*, quod significat *Canticum ascensionum*: quo titulo admonetur pœnitens ascensiones disponere in corde suo, ire de virtute in virtutem, concupiscere, & deficere in ætria Domini, donec perueniat ad locum illum, vbi bonum sit esse, securum commorari, vnde cadere non possit, sicut scriptum est: *Gaudium meum nemo tollet à vobis*. Sed de Canticis graduum, de quæ mysticis ascensionibus sequenti capite agendum erit. Habet hic Psalmus vocem gementis, & clamantis ad Dominum, vt de profunda peccatorum abyssu liberetur in sanguine Iesu Christi constituta fiducia, qui peccatores mundat ab omni delicto. Non aræatur numero, inquit Arnoldus Abbas, non clauditur fine, nullas omnino

Arnold. lib. de 7.
verbis cap. 2.

habet metas diuina clementia : sit qui inuocet , erit qui exaudiet : sit qui pœniteat , non deerit qui indulgeat . Misericordia Domini plena est terra , & miserationes eius super omnia opera eius . Ideo post creatum hominem quieuisse dicitur Deus , quia nimirum creaturam habebat , erga quam poterat misericordiam exercere . Fecit Deus cœlum , & terram ; non lego , ait Ambrosius , quod requieuerit : fecit Solem , Lunam , & stellas ; nec ibi lego quod requieuerit : sed lego quod fecerit hominem , & tunc requieuit habens cui peccata dimitteret . Nec anteaqtz vitæ sordes à speranda venia quempiam terere debent , quia , vt rursus Arnoldus scribit ; Nisi ad antiqua reuortatur contagia , nulli prior præiudicat vita .

ambros. exam. lib. 6. cap. 10.

arnold. ibid. c. 3.

7. Psalmus centesimus quadragessimus secundus, *Domine exaudi orationem meam, auribus percipe obsecrationem meam*, felicem perficit cursum supplicantium pœnitentium . Componitur hic numerus ex denario , quaternario , & binario : atque huic computationi rectè fidelium vita post peractam pœnitentiam comparatur , quia vtrumque testamentum custodiens , & præcepta seruans , quæ in quatuor Euangelii , & in legis Decalogo continentur ad perfectionis culmen velocissimo conatur ascensu peruenire . Propria eius inscriptio est , *Psalmus David* , addidit Latinus Interpres , *Quando persequabatur eum Absalon filius eius* . Non vacat autem mysterio , quod in hac postrema deprecatione filij impietas commemoratur , qui insana percitus dominandi libidine ausus est contra propriū genitorem prælium concitare . Ne fortè putaret pœnitens dimissā culpa se iam securum posse quiescere , exemplo monetur opportuno , debellatis hostibus externis , acrius à propriis filiis instare certamen , certamen inquam intestinum , prælium anceps , & tumultuarium à prauis affectionibus , quæ militant aduersus animam . Vis audire fortissimum athletam huius militiæ discrimen fideliter enarrantem ? *Inuenio* , inquit , *aliam legem in membris meis repugnantem legi mentis meæ , & captiuantem me in lege peccati* . Hic est Absalon contra parentem insurgens : hic est filius , cum quo vix possumus pacem habere , cui merito vulgatum illud possumus occinere , *Nec tecum possum vivere , nec sine te* . Hunc igitur hostem multò vigilantius cauere debemus . Sæpè securitas incautos reducit ad transacta peccata , & cum dixerint pax , & securitas , tunc repentinus eis superueniet interitus . Orat Dominum pœnitens in hoc Psalmo ; vt sibi periclitanti opem couerfat salutarem : deinde precatur , ne cum seruo suo velit intrare in iudicium , sed potius vocem illam dulcissimam eum faciat audire , *Fili remittuntur tibi peccata tua* . Petit tandem notam sibi fieri viam vitæ , vt Dei voluntatem edoctus , & deductus in terram rectam , atque ab insidiis inimicorum liberatus felici tranquillitate potiarur .

1. o n 7. 13.

8. Defino in hac saluberrima admonitione , vt pœnitentiam aga-

N n iij

Bacharius Epist.
de recip. lapsis.

mus, dum dies salutis lucefcit, dum tempus acceptabile est. Irascere peccatis tuis, inquit Bacharius vir doctrina, & eloquentia insignis, vt ultra non pecces: præueni vlticis gehennæ læua tormenta, & ipse tibi tortor existe; vt cum veniet, nihil inueniat, quod in te possit punire inimicus. Sit tibi fames pro gladio, sitisque pro flamma, vt manu carnificis voluntatis per abstinentiæ pœnam costarum compago nudata vilceribus sit, & pro supplicio ignis internas ossium medullas duræ sitis depascant incendium. Sit tibi vigilia velut officiorum custodia publicorum, ac sicut catena rigentis ferri, sic duriori consuetudine & lege constrictus sub imagine martyrij veniam misericordix cœlestis expecta. Pœnitentiam differre res magni periculi est. Momento enim viuimus, nihilque incertius est hora nostræ migrationis. Quis scit an hac nocte à nobis repetat supremus Dominus animam nostrâ? Quis scit an prolongando iniquitatem, misericordix nobis ianuam occludamus? Ego sanè totus inhorroi, si forte legens incidi in illud, quod de Antiocho Rege scriptum est, *Orabas hic sceleratus Dominum, à quo non esset misericordiam consecuturus*: itemque in illud quod de Elau scribit Apostolus, *Non inuenit pœnitentiæ locum, quamquam cum lacrymis requisisset eam*. Scio quidem remissionis gratiam semper illis esse promissam, qui ex toto corde conuertuntur; sed vereor, ne qui dum potest non vult, iusto Dei iudicio cum voluerit, non possit. Dicit enim Scriptura, *Nè tardes conuerti ad Dominum, & ne differas de die in diem, subito enim veniet ira illius, & in tempore vindictæ disperdet te*. Formidabilis est magni Doctoris Augustini sententia de his, qui vsque ad mortem protrahunt pœnitentiam: Agens pœnitentiam ad vltimum, & reconciliatus, si securus hinc exit, ego non sum securus. Nunquid dico damnabitur? Non dico. Sed dico etiam liberabitur? Non. Et quid dicis mihi? Nescio, non præsumo, non promitto, nescio. Vis te dubio liberare, vis quod incertum est euadere? Age pœnitentiam dum sanus es. Si enim tunc vis agere pœnitentiam, quando iam peccare non potes, peccata te dimiserunt, non tu illa. Idem alibi. Quomodo pœnitentiam agere possit, qui nulla iam pro se opera satisfactionis operari potest; Et idè pœnitentia, quæ ab infirmo petitur, infirma est, pœnitentia, quæ à moriente tantum petitur, timeo ne ipsa moriatur. De eadem re sic scribit Saluianus Massiliensis, quem dicit Baronius fuisse nouum sui temporis Hieremiam. Peccare non desinit, quem in extremis situm recedere à criminibus sola tantum facit impossibilitas, non voluntas. Qui enim à malis actionibus tantum morte discedit, non relinquit scelera, sed relinquitur à sceleribus. Ac per hoc necessitate exclusus à vitiis, & tunc puto peccat, quando cessauerit, quia quantum ad animum necdum desit, qui adhuc velit peccare, si possit. Non bonis itaque spebus innititur, qui ad hoc tantum peccat in vita, vt peccatorum molem redimat in

1. Marc. 9. 13.

Hebr. 12. 17.

Eecli. 5. 8.

Aug. Hom. 41. in
ter 50.

Id. serm. 57. de
Temp.

Saluian. lib. 1. ad
uersus auaritiam.

morre. Item S. Asterius, Tunc, inquit, prodest pœnitentia, cum pœnitentis emendandi facultatem habet: sublata vero copia rectè facienda inutilis est dolor, & irrita pœnitentia. Quidam vlturarius in extremis constitutus, cum eum Sacerdotes ad pœnitentiam hortarentur, negavit se posse pœnitere, & exclamans dixit. O pœnitentia ubi es? Non possum amplius pœnitere, quia cum possem nolui. Et sic expiravit. Inimica videlicet persuasione mentitur, ait Faustus Rhegiensis Episcopus, qui maculas longa ætate contractas subitis etiam inutilibus abolendas gemitibus arbitratur: quo tempore confessio esse potest, satisfactio esse non potest. Nam quia Deus non irridetur, ipse se decipit, qui mortem multis temporibus vixit, & ad querendam vitam iam semivivus assurgit, vt tunc officiosus appareat, quando Dominicæ servituti omnia corporis, & animæ subtrahuntur officia. Hanc autem sententiam Alcimus Auitus Archiepiscopus Viennensis his verbis explicavit.

Asterius Hom. 1.

Ant. Dauroulcius
cat. histor. cap. 3.
tit. 113. exemplo 5.

Faustus Epist. ad
Bened. Paulinum.

*Pœnitet ambigū quem serò pœnitet: ergo
Præsentis spatium nobis dum creditur æui,
Dum patulam cunctis Christi clementia sese
Præbet, præteritæ plangamus crimina vitæ,
Pœniteatque olim negligenter temporis ævi,
Dum licet, & sano ingenioque, animoque valeamus.
Nam qui peccatum moriens dimittit, & ipsa
In seruum tempus differt admissa fateri,
Non tam dimittit, quam dimittatur ab illis.*

His accedit quod securitatem diu viuendi nemo habet. Quanti enim, inquit Eligius Nouiomensis Episcopus, qui se ad extremum vitæ suæ pœnitentiam accepturos esse credebant, aut subita ruina oppressi sunt, aut fortè naufragio demersi, aut apoplexia ita percussi, vt non solum pœnitentiam petere, sed etiam signare se, aut orationem Dominicam dicere omnino possent? Ergò pœnitentiam agamus confitendo peccata nostra, & dignè pro illis satisfaciendo, dum tempus habemus, nam omnis dilatio in hac re pessima est. Sed iam multa de pœnitentia dixi, quia, vt Florentis Tertulliani persona induar, peccator omnium notarum cum sim, nec vlli rei nisi pœnitentiæ natus, non faciliè possum super illa tacere. Ne verò abutar lectoris patientia, de Litanis, quæ Psalmis Pœnitentialibus subnecti solent, nunc loquar; si prius dixerò cum sancto Isaacio Presbytero illum ponere terminum delictis suis, qui cognoscit terminum huius vitæ.

Eligius Hom. 6.

Tertull. in fine lib.
de pœnis.

Isaac. de cony.
mundi c. 12.

§ IV.

Litania quid sit, & quotuplex. Litaniarum vis, & efficacia.

1. **G**RÆCA vox Litania, si genuinam nominis significationem spectemus, letitiam omnem, & ardentem precationem significat, à verbo *λατρεύω* quod ardētem orationem importat. Apud Homerum qui aliquem enixe precantur *λατρεύοντες* vocantur, & in quodam Epigrammate Græco infertus *ἀλατρευτος*, id est inexorabilis, non inueleganter nuncupatur, quod nullis precibus flecti possit. Vñ tamen receptum est, vt pro certa quadam Ecclesiastica supplicationis specie, qua Dei misericordiam, sanctorumque patrocinium inuocamus, Litaniz nomen vsurpetur. Accipitur etiam quandoque pro solo *Kyrie eleison*. tum in Græcis sanctorum Iacobi, basilij, & Chrysostomi Liturgiis; tum à D. benedicto in regula dum air, Supplicario Litaniz, id est *Kyrie eleison*, & sic finiantur vigiliz nocturnæ; itemque Litaniz, & completum est. Monachi enim post versum dicunt ter *Kyrie eleison*, deinde sequitur oratio Dominica, postea collecta, & sic finitur tam nocturna, quam diurna synaxis. Hanc autem supplicationem *Kyrie eleison* commendat Epictetus Stoicus apud Ariana: & Vitgilius preces Turni ad Faunum describens ait, *Faune precor miserere*. Quia verò multoties solent Litaniz processionaliter cantari, ipsa multitudo *τ λατρευόντων*, & procedentium ab ordine Romano, & ab aliis Litania vocatur. Abbas Ioannes in prato spiritali narrans cuiusdam Episcopi humilitatem; Petransente, inquit, Litania, id est processione. Nos hic de illis Litanis loquimur, quibus sanctorum inuocatio continetur, quatum vñ multo ante Gregorij Magni tempora viguisse libello primo de Litanis eruditissimè probat Nicolaus Serarius tot antiquorum Patrum sententis, tot vetetis Historiz exemplis, tot validis rationum momentis, vt nec eius diligentiz quicquam addi possit, nec sectarij nouatores tam insignia antiquitatis testimonia vlla valeant exceptione submouere. Nullus certus auctor proferri potest, qui Sanctorum Litanias primus inueniet; quamuis speciales quidam, nempe maiores, quas vocant, in die S. Marci à B. Gregorio Magno: triduanas verò rogationes ante Dominicam Ascensionem à S. Mamerto Episcopo Viennensi circa annum Domini 452. institutas fuisse non contemnendi auctores affirmant. De vtraque institutione legendus Serarius libro de Processionibus. Etsi ergo Litaniarum quarundam, qua processiones sunt, auctor aliquis ex antiquitate proferri possit, non tamen qua preces, nec qua in iis sancti exorantur; sed illæ ab Apostolicis viris inductæ, quous etiam vetustissimo auctore vetustiores reputantur. Quin docti plerique sentiunt, inter quos Iansenius, & Baronius, Christi Domini tempore iam vñtatas Hierosolymis supplicationes,

Bened. c. 9. & 12.

Arian, lib. 2. c. 7.
Virgil. lib. 12.
Æneid.

Prat. spirit. c. 210.

Serarius tom. 3.
opuscul. de litan.
lib. 1. c. 4.

Serarius lib. 2. de
process. c. 7. & 8.

Iansen. in con-
cord. c. 11.
Baron. an. 34. n. 5.

nones, in quibus frequentissimè suum illud *Osanna* repetebant. Extant Harthmanni, Ratperti, Notkeri, & alterius Anonymi Monachorum S. Galli apud Heluetios versus quidam, & rithmi, quibus Litaniæ continentur in Bibliotheca veterum Patrum editionis Coloniensis. Psalmis verò Pœnitentialibus sacras Litanias rectè adiungi quis neget? In his enim primò misericordiam Dei supplici confessione imploramus, Tum Regina cœlorum pedibus prouoluti miseriam nostram potentissimæ mediatrici commendamus. Non omitimus Angelorum Principes, & omnes sanctos beatorum spirituum prœdines suprema naturæ dignitate sublimes, non Patriarchas diuina familiaritate illustres, non Prophetas futurorum scientia conspicuos, non Apostolos Ecclesiæ Principatu gloriosos, non Martyres charitatis ardore succensos, non Confessores virtutum omnium splendore coruscos, non virgines illibati pudoris candore præfulgidas, non omnes denique cœlestis curiæ ciues, amicos Dei, & Principes vniuersæ terræ. Petimus autem in Litiis pro omni statu hominum vniuersi generis bona, humana, diuina, publica, priuata, quæ ad animam, & quæ ad corpus spectant.

Tom. 15.

MET R V M XXXI.

DEnsa triumphali video procul agmina pompa,
Atque bilares, placidosque choros.
Plurima pars niueis, variis pars altera fulget
Vestibus, auratisque stolis.
Iam sinuosa leues rapuerunt stemmata venti,
Iamque micant pia signa crucis.
Tartareas Christi propellit imago phalanges,
Et superi properant ciues.
Ordo Sacerdotum venerandaque turba canoris
Carminibus passim exultant.
Iam deuota sacris aperitur scena viretis,
Iam sanctæ resonant voces.
Alternis precibus pueri, innuptæque puellæ,
Atque senes, iuuenesque canunt.
Ter circum viridi tremuerunt vertice colles,
Ter longè tremuist tellus,
Torque re percussas resonabilis edidit Echo
Voces, ter sonuere specus.
Audio diuina dotes, titulosque parentis,
Audio virginæ laudes.
Sed prius Ingeniti, Genitique, & Pneumatis almi
Placuerunt precibus Numen.

*Tum putas, celereſque canunt ſine corpore mentes;
 Ter triplici agmine diſtinctas.
 Nec veteres reticent Patres, mundique parentes,
 Et ſacros recinunt vates.
 Quos & Apoſtoli ſequitur ſacra turba Senatus,
 Magnaque Diſcipulorum acies.
 Et pueri inſontes, rabies quos ſæua Tyranni
 Suſtulit è gremio matrum.
 Vos quoque commemorant, partam qui morte coronam
 Vertice ſacrato geritis.
 Et vos Pontifices, & quos ſine ſanguine Virtus
 Vicinos dedit eſſe Deo.
 Poſtea fœminæ celebratur candida ſexu
 Virginitas, caſtusque pudor.
 Sic omnes cœli proceres, patriæque beatos;
 Sollicitant precibus ciues.
 Denique per Chriſti myſteria ſancta precantur,
 Annuat ut votis Numen.
 Sit procul omne malum, det proſpera cuncta ſereno.
 Reſpiciat populum vultu.
 Etque Dei mitis, mundi qui crimina tollit,
 Agnus ſit miſeris clemens.
 Iſta ter effati reticent: ſed multa perorat
 Pronus humi ſacer Antiſtes,
 Et cum ſancta preces plebs finiit, æthera pulſans
 Plauſus, ac tremula voces.
 Piſtaque tolluntur Chriſti vexilla, recedit
 Hinc chorus, & repetit templum.
 Tum ſubito Aligerum manibus collecta feruntur
 Anſe Deum populi vota.
 Annuit his Numen, diuinaque munera terris
 Diuite largitur dextra.*

2. Difficillimum foret varios, & admirabiles Litaniarum effectus è probatiſſimis Eccleſiaſticæ Hiſtoriz monumentis collectos recensere. In tanta enim exemplorum vbertate quid potiſſimum ſeligere, quid omittere debeam ignoro. Dicam tamen aliqua, quæ ſatis fuerint, ut maximam ſupplicationum vtilitatem Eccleſiaſticis viris commendent: Litaniis magnum baſilium obſeratum Nicææ templum ſine clauibus aperuiſſe magno Catholicorum applauſu, magna Ariatorum confuſione Amphiloſchius, & Zonaras teſtantur. Litaniiſ Theodoſium Imperatorem vna cum clero, & plebe perpetuis imbribus impoſuiſſe finem, poſt quos rei frumentariæ ingens copia ſe-

Amphiloſch. in vi-
 ra S Baſilij. Zonaa-
 raſtom. 3. Anna-
 hum.

quata sit, Nicephorus Callistus affirmat. Litanii pestem, ac famem vehementissimam S. Heribertum Colonensem Archiepiscopum submouisse Abbas Tuitiensis asseuerat. Imperante Theodosio Proclus Constantinopolitanus urbem funestissimis terræ fragoribus concussam Litanii, & supplicationibus liberauit, vt Baronius, & alij narrant. Omni enim populo cum Patriarcha orante sublatus in aëra puer, & mox in terram reuersus sacrum Trisagion se ab Angelis didicisse testatus est, quem hymnum cum psallerent vniuersi, terræ quassatio cessauit. S. Mammertus à Viennensi sua ciuitate, vt Ado item Viennensis refert, grauissimos depulit terræmotus, ignes cœlitus delapsos, fetarum irruptiones, aliaque plurima pericula Litanii ad S. Iuliani Basilicam institutis. Gregorius Magnus serpentum virus, & inguinarum pestem, qua quotidianis cadaueribus complebatur, non semel Litaniarum precationibus auertit, vt in eius vita Ioannes Diaconus scribit. Aduersus bellicos incursum idemmet Gregorius Litanias indixit, vt ex Epistolis ipsius constat. Occasione magni terræmotus, de quo Agathias, aetas quotannis Litanias anno 17. Iustiniani Imp. docet baronius è veteri Historia. In creatione summi Pontificis cantatas Litanias apud eundem Baronium commemorat Anastasius Bibliothecarius. Exundantis Tyberis alluionem Litaniarum munimine repressam idem narrat ex eodem auctore. Easdem pro salute Urbis à Stephano Papa tertio frequentatas ipsomet Baronio narrante didicimus. Quibus verò prædictis Adrianus Papa ad petitionem Caroli Magni barbaram, & ferocissimam Saxonum gentem ad Christi fidem perduxit? nonne Litanii pro eorum conuersione in tota ditione Romanæ Ecclesiæ celebratis, vt scribit Regino Abbas? Quibus artibus impurissimæ Dæmones ab humanis corporibus multoties expulsi sunt? nonne efficacissimo Litaniarum exorcismo? Qua ratione pluuiarum illuiones submotæ, procellarum sedata tempestas, virulenta fulgurum vis repressa, deuastantium flammarum extinctum incendium, conclamata multorum salus postliminio restituta, fideles animæ è terribili Purgatorij ergastulo eductæ? nonne Litanii intimæ deuotionis sensu recitatis? Quidni igitur studeamus hoc saluberrimo penitentialium Psalmorum additamento diuinam nobis misericordiam conciliare? Misericors, & miserator Dominus ad beneficia humano generi præstanda sua sponte procliuius, accedentibus suffragiis omnium Sanctorum, ampliorem nobis tribuet donorum suorum largitatem.

Niceph. Call. l. i. c. 17.
cap. 13.
Rup. Abb. in vita
S. Heriberti.

Baron. ann. 446.
nu. 9.
Theodor. Balsamon ad Can. 81.
sextæ Synodi in
Trullo.
Ado Vic. x. c. 6.

Io. Diac. lib. 4.
Greg. Ep. 45. lib. 9.
indic. 4.
Agath. lib. 1.
Baron. ann. 553.
nu. 149.
Id. an. 555. n. 10.
Id. ann. 717. n. 4.
Id. ann. 753. n. 3.

Regino lib. 1.
Chron.
Mart del Rio diss.
quæst. magic. lib. 6.
cap. 2.
Sigebert. an. 679.
Abbas Vespereg.
an. 517.
Greg. Turon. de
gen. Franc. lib. 2.
cap. 14.
Albert. Cranius
l. 2. metrop. c. 23.
Greg. Cedrenus
in Iustiniano.

CAPVT XV.

De Psalmis Gradualibus.

§. I.

Quindecim Psalmis Gradualibus totidem gradus Christianæ perfectionis indicari. Vitæ spiritualis triplicem esse statum. De ascensione mentis in Deum. Quindecim animæ dignitates ex Abbatē Cellensi.

1.



Vindecim Psalmi Graduales à 119. vsque ad 133. quartis Quadragesimæ feriis præscripto in Breuiariis ritu recitari debent. Quia enim hisce diebus decet nos solito sanctiores esse, Psalmos istos ad consuetæ seruitutis pensum adiungimus, quibus etiam monemur ad vitæ spiritualis perfectio-

Radulph. prop. 17.

Sex. syn. can. 52.

nem quibusdam veluti gradibus ascensum parari. Meminit horum Psalmorum, eorumque ritus Radulphus Tungrensis. Ardo Monachus in vita sancti Benedicti Anianæ Abbatis refert ipsum instituisse, vt ante nocturnam synaxim quinque Psalmi à Monachis reciterentur pro omnibus fidelibus in toto orbe terrarum viuus: tum quinque pro omnibus defunctis, totidemque pro iis, qui nuper defuncti erant. Sed an isti fuerint Psalmi Graduales, non liquet. Ipsa aurora Cantica graduum terna oratione distincta noctu à Monachis recitata apud Bollandum in vita S. Ioannis Gorgiæ Abbatis cap. 9. die 17. Februarij commemorantur. Hic verò obiit anno 962. Aute Pium V. quotidie in Quadragesima recitabantur, vt notat Gauantus, & in antiquo vsu Cluniacensi singulis anni diebus; itemque in veteri Breuiario Vallisumbrosæ in omni die feriali. Græci Psalmos graduales concinunt omnibus diebus Quadragesimæ (præterquam Sabbatis, & Dominicis, & in die Annuntiationis) quibus vtuntur mysteriis ante sanctificationis, de qua re extat Canon sextæ Synodi in Trullo. Post quos psallant Idiomelon diei, & Martyricum, & tria similia Triodij, & tria Calendarij, siue Menzi, vt habetur in eorum Typicis, & Euchologiis. Hæc autem distinctio graduum, siue à gradibus templi Salomonis desumpta sit, siue ad vocem gradatim in cantu exaltatam pertineat, siue reditum de captiuitate Babylonica in Hierusalem, aut aliud quidpiam secundum historię fidem respiciat; quod spectat ad spiritualem intelligentiam, mysticis animæ ascensionibus à sanctis Patribus Hilario, Augustino, Chrysostomo, Gregorio Ma-

Hier. Ps. proæ.
in Ps. grad. Aug. in
eod. Ps. grad.
Chrys. in Ps. 119.
Greg. in Ps. 119.
Cassiod. & Remig.
in Ps. 119.

gno, itemque à Cassiodoro, Remigio Antissiodorensi, & aliis applicatur. Ad supremum charitatis fastigium non nisi per gradus peruenitur: motus enim, & conatus humanæ voluntatis, sicut ad alia omnia, ita etiam ad perfectionem non repente fit summus. Notandum est autem ex Brunone Astensi in Psalmum 119. Quod cum quindecim sunt Psalmi Graduales, non dicimus primum gradum, secundum gradum, tertium gradum; sed vnusquisque vocatur Canticum gradum, quasi vnusquisque tanti sit, vt per se ad id quo tenditur ascendentem perducere possit. Cantica graduum, inquit, nobis, Cantica Ascensionum sunt: veluti si alicui, qui in foueam cecidit ponatur scala, vt inde ascendendi capiat facultatem. Hæc est scala, quam Patriarcha Iacob vidit in somnis, per quam, vt scribit Theophilus Alexandrinus, diuersis virtutum gradibus ad superna conscenditur. Pulchrum spectaculum, ait Richardus Victorinus, videre huius scalæ scalaria modo congruo, proportionaliterque locata, & vsque in summum ordinatæ distinctionis continuatione producta, vt paulatim se animus ad superiora promoueat, prouectionisque gradibus semper ad altiora conscendat, donec Dominus innixus scalæ videatur.

2. Nascitur charitas diuina operante misericordia, cum nata fuerit, nutritur, nutrita crescit, & roboratur, & perficitur. Hinc Theologi communiter post Dionysium Areopagitam ex muneribus Angelorum, quorum actus Hierarchici sunt purgare, illuminare, & perficere, vitæ spiritualis statum triplicem faciunt, Incipientium, Proficientium, & Perfectorum, quarum primi purgantur, secundi illuminantur, postremi perficiuntur. Cebes Thebanus insignis philosophus Tabulam finxit in templo Saturni, in qua miro artificio tres ambitus posuit, per quos tres isti gradus non incommode intelligi possunt. Nam cum vitiosus seductus homo in primo ambitu describitur, in secundo post purgationem ad virtutes introducitur, ac deinde ad beatitudinem peruenit, à qua gloria, & honore coronatur. Ecclesia verò Psalmos graduales recitandos proponens in tres ordines diuidit, quæ partitione tres status vitæ internæ designantur. Et primus quidem quinquarius incipientibus conuenit, secundus proficientibus, tertius perfectis. Nicolaus Landonus tractatum edidit ad Pium V. de reuersione animi in cælum sumpto è Psalmis istis argumento. Robertus Bellarminus sacræ purpuræ decus eximium librum scripsit de Ascensione mentis in Deum, quem ad similitudinem quindecim Psalmorum gradualium in totidem gradus distinxit. Hic liber legendus ab illis est, qui inuisibilia Dei per ea quæ facta sunt intelligere cupiunt, & mysticos ascensionum gradus non tam cognoscere, quam ascendere peroptant. Deus enim, inquit Basilii Seleuciæ Episcopus, cum res creatas in modum scalæ adaptauerit, per eas sui amantibus ascensum ad se extruxit. Verus philosophus ille est, qui è rebus crea-

Iacob. Aluarez de vita spirit. lib. 2. parte 1. cap. 9. A' nob. in pl. 119. Theoph. ep. 1. pasc.

Rich. de ext. mali tr. 3. cap. 16.

S. Th. 2. 2. q. 189, art. ult. Dionys. c. 3. cæl. hier.

Basil. Sel. or. 12

tis ad increata nouit assurgere; & de his quæ videntur scalam sibi facit ad inuisibilia ascendendi. Quare sapienter Seuerinus Boëthius vestem Philosophiæ in modum scalarum intertextam desctibit initio doctissimi libelli de eiusdem Philosophiæ consolatione. Felices illi, quibus vegetur in scalam, quod alijs esse solet in ruinam: quibus aspectus creaturarum fit scala ascensionis, non lapsus deiectionis.

P. Cellen, lib. de
Panib. cap. 4.

3. Abbas Cellensis quindecim animæ dignitates, quasi quosdam gradus perfectionis eius, enumerat, è quibus ipsa corrui per peccatum, & ad quos per penitentiam reuocatur. Est enim anima, ait ille, puella, generosa, tenera & delicata, formosa, & candida, ignara doli, laboris insueta, virtutum capax, damnatrix vitiorum, artium inuentrix, constans in amore, verax in promissione, larga in donatione, socialis ad ciues, affabilis ad omnes. Ab his dignitatibus totidem gradibus excidit miserabilis anima. Nam, vt idem subiungit, rapitur puella: ô crimen! Generosa ancillatur: ô pudor! Delicata laceratur: ô pietatis naufragium! Formosa denigratur: ô damnum pulchritudinis! Obscuratur candida: ô gloriæ conuiuium! Ignara doli fraude seducitur: ô iustitiæ exitium! Insuetalaboris labore atteritur: ô miserationis exilium! Capax virtutum virtutibus euacuatur: ô exclusio bonorum! Vitiatur damnatrix vitiorum: ô commutatio Dæmonum! Inuentrix artium inuentorum obliuiscitur: ô ignauix pabulum! In amore constans instabilis inuenitur: ô naturæ lubricum! Verax in promissione quotidie mentitur: ô peregrinationis inuium! In donatione larga in auaram vertitur: ô exsiccatio venarum! Socialis sine fœdere: ô vitæ corruptionem! Affabilis infrunita redditur: ô coagulum dilectionis vastatum! O clementia creatoris eripe illam de ore Leonis, restitue illi statum libertatis, repone in delictis pristinis, reformata deformatam, renoua obscuratam, libera deceptam, amoue laborem, redde virtutes, cura viciatam, doce oblitam, confirma lapsam, pone in veritatis viam, destrue auaritiâ, fœdus societatis constitue, affabilem redde. Ecce anima quindecim gradibus, quibus peccando corrueras, pœnitendo azima sinceritatis recipies. Quot namque casibus à Deo recessimus, tot gradibus virtutum ad ipsam Dei virtutem pennis desideriorum reuolamus. Hactenus Petrus Cellensis. Sunt & alia quindenarij numeri mysteria haud indigna solerti disquisitione; sed suscepti operis ratio ad ea tantum edisserenda me cogit, quæ mysticas animæ ascensiones respiciunt. Scalam igitur erigo ad Deum, qualem finxisse Cosingam Iunonis apud Thraces Sacerdotem scribit Polyænus. Hic enim cum Thraces eius imperium detrectarent, ligneas scalas quamplurimas construui, atque alias aliis imponi curauit, quibus in cælum ad Iunonem ascenderet plebis contumaciam accusaturus. Quo facto stupidam gentem ita perculit, vt se in posterum obedientem fore iureiu-

Polyænus lib. 7.
Metatagemat.

rando firmaret. Hunc ascensum, quem ille ementiri potuit, non autem perficere, ego quindenis gradibus præparo, quibus ad verum Numen subuehente sapientia conscendamus. Optimè Ioannes Climacus, omni arte, omnique studio quisque uti debet, ut lutum hoc à terra eleuans in Dei folio collocet. Nullus verò difficultatem causetur ascensus; via enim, & ianua cunctis aperta est.

Climac. gr. 16.

METRVM XXXII.

T V magnè cæli rector, & mundi arbiter,
 Tremende, sempiternæ, inclutabilis,
 Idem seuerus victor, & clemens pater,
 Immensa rerum spatia qui nutu regis,
 Cui seruit Orbis, Trinæ, ac vnus Deus.
 Da celsa virtutum iuga, & superum choros
 Transcendere. Obsident iter repres mali,
 Et densa tribulorum seges: bellum ferox
 Intentat hostis, fingit & vanos metus,
 Sed, te iuuante, per rubos, & per truces
 Spinæ iter parabo: me nullus labor,
 Pericla terrent nulla, sunt dudam mihi
 Hæc tela præuisa. Adiua audentem Deus;
 Serena donec fulgeat mihi dies,
 Qua sistar innocens, & omnis inscius
 Labiæ tuo conspectui. Quid hic moror,
 Et hætenus mortalium sordes colo?
 Vos nubila super solis, & Luna vias
 Me citius erigite volatu præpeti,
 O me beatum! Iam mihi tellus peris,
 Et regna decrescunt, suum mundi globus
 Vanescit in punctum. O veneranda Numinis
 Præsentia! ô cæli coruscantes faces!
 Perenne vite gaudium, verum decus,
 Et clausula nullo margine voluptas! dies
 Quem nulla temerat nox, bonorum fons patens;
 Utinam semel vestris receptus sedibus
 Quiete vera perfruar. Tu ne cadam
 Adsis Pater. Graui ruina est proximæ
 Quicumque sine te ad sicta ascensum parat.

§. II.

Quinque gradus incipientium : omne mortale, omne veniale crimen deferere : diuitias, ac dignitates contemnere : prauos motus cohibere : proprium iudicium, & propriam voluntatem abnegare. Quæ sint purgati animi indicia.

1. **A**Dfīs hucigitur fidelis homo, quicumque es, qui in hac valde lacrymarum ascensiones disposuisti in corde tuo : Huc adfīs, & cælum suspice, ad quod erecta te ducit statura : Cælum contemplare, ad quod oculis, manibus, totoque corpore assurgis. Hoc consilio diuina manus, vt Theophilus Protospatarius eleganter notauit, hominem sic effinxit, vt erectus, aut sedens vitæ negotia obiret ; pronus autem, & supinus nihil prorsus faceret. Nimirum vt liqueat actiones nostras à terræ scæcibus remoueri oportere, debereque hominem vitæ, & moribus esse *συναίσωτος* instar piscis, qui hoc nomine insignitur, quod semper oculis cælum aspiciat. Rectè Manilius.

*An quoquam genitos nisi cælo credere fas est
Esse homines ? proiecta iacent animalia cuncta
In terra, vel mersa vadis, vel in aëre pendent :
Omnibus vna quies venter, sensusque per artus,
--- At homo stetit vnus in arcem
Erectus capitis, victorque ad sidera mittit
Sidereos oculos, propiusque ad spectat olympum,
Cognatumque sequens corpus, se quarit in astris.*

Laëtan. diu. inst.
l. 2. cap. 1. & 2.

Ipsi ergo sibi renunciant, ait Lactantius, seque hominum nomine abdicant, qui non sursum aspiciunt, sed deorsum. Spectare nos cælum Deus voluit, vtique non frustra, sed vt Deum, cuius sedes illud est, quoniam oculis non possumus, animo contemplemur. Iuuat autem velut in aliqua sublimi specula constitutum, vnde vniuersi exaudire possint, Persianum illud proclamare :

O curue in terras anime, & cælestium inanes.

Cælum potius intuemini, ad cuius spectaculum vos excitauit ille artifex verus Deus. Ille vobis sublimem vultum dedit, vos in terram curuamini, & altas mentes ad inferiora deprimitis, tanquam vos pœniteat non quadrupedes esse natos. Hoc verò sanctioris vitæ initium est, hic primus gradus, à terra sursum eleuari, & hac optima sententia stabilire cor, vt mori potius optes, quam grauioris peccati macula scædari. Hunc primum gradum nonne agnoscis in primo Psalmo ? Terrena vitia derelinquens propheta petit liberari à tribulationibus ingruentibus, à labiis iniquis, & à lingua dolosa. Qui enim incipit Deo seruire, licet cum his qui oderunt pacem se semper pacificum studeat exhibere ; ab illis tamen quasi hostis, & malè suadens venenatis detractionibus gratis impugnatur : quare cognoscēs

sc

se cum malis habitare mundi huius durissimum incolatum detestatur.

2. Emundatus in hoc primo gradu à grauioribus noxis gressum promoue ad secundum. Is est non tantum à culpis, quæ occidunt animam, sed etiam à leuioribus abstinere. Scio quidem natura omnibus insitum esse (sic loquitur maximus Historicorum) vt & priuatim, & publicè peccent : nullam esse legem, quæ homines ab hoc naturæ vitio prohibeat. Scio etiam sententiam esse eius discipuli, quem diligebat Iesus : *Si dixerimus quoniam peccatum non habemus, ipsi nos seducimus. Veritas in nobis non est.* Sed scio quoque non debere negligi venialia delicta, quod in hac mortali vita omnino vitari non possint. Quamuis enim à Catholica fide censeatur alienum cum Origene, & Euagrio impeccantiam asserere ; quamuis item homini iustificato absque detrimento iustitiæ peccata insint venialia : tibi tamen, qui in via Domini progredi cupis, necessarium est, vt quantum te Dei gratia promouerit, vel leuissimas criminum umbras deuities. Dum enim otiosa, ait Bernardus, tanquam minima spernimus, ad turpia, atque inhonesta dilabimur. Idem alibi. Neque hic possumus penitus esse sine peccato, & miseria : possumus tamen gratia iuuante nec peccato superari, nec miseria. Et visitata in scholis sententia : Possumus à singulis peccatis venialibus abstinere, non ab omnibus. Monet Chrysostomus magis esse timenda parua peccata, quam magna. Magna enim vt auersemur ; ipsa peccati natura efficit : parua autem hac ipsa re quia parua sunt desides reddunt : & dum contemnuntur, non potest ad eorum expulsionem animus generosè insurgere. Quia verò aduersus carnis molestias, & quotidiana peccata difficilior lucta est, & pugna anceps ; Ideò secundus Psalmus oculos leuat ad montes, salutare præsidium à sanctis postulans ; & infallibile auxilium ab eo expectans, qui fecit cælum, & terram. De malis scriptum est. *Oculos suos statuerunt declinare in terram.* Nobis autem clamat Apostolus, *Quæ sursum sunt querite, quæ sursum sunt sapite, non quæ super terram.* Quid moraris in conuallibus, si auxilium tuum à Domino est, qui habitat in excelsis : Ipse custodit te ab omni malo, semperque vigilat ad tui custodiam, vt à recto virtutis tramite nunquam possis deuiare.

3. Sic deposita peccatorum sarcina leuior eris ad ascendendum. Perituras autem diuitias respue, fallaces mundi honores, ac dignitates contemne, & tertium gradum conscendisti. Nam si adhuc opus habes, vt hæc discas, inquit Chrysostomus, nempe quod nihil magnum sint diuitiæ, quod umbra sint res præsentis, & somnium ; quod instat fumi euanescent, & euolent, sta interim extra adyta, mane in vestibulis : nondum enim fuisti dignus, qui ingredereris superna regna. Nam si nescis earum instabilem, & perpetuo fluentem discernere naturam, quomodo eas poteris despiciere ?

Thucydides l. 3.

1 Ioan. 1. 8.

Bern. Ser. de trip. cog. Id. de grat. & lib. arbit.

Chrys. Hom. 87. in Matth.

Psalm. 16.

Coloss. 3. 14

Chrys. Hom. 19. in ep. 1. ad Cor.

METRVM XXXIII.

Non tot monstra cubant Tartareo in specu,
 Non tot parit Lybia feras:
 Quot cura lacerant pectora diuitum,
 Quot opprimuntur fluctibus,
 Magnatum requies exulat atriis,
 Auro bibuntur toxica.
 Nec mentis solida praelia sopiunt
 Fasces, opes, & purpura.
 Ab! regnum miseri, veraque gloria,
 Qua sede lateat nesciunt.
 Rex est, & tumido ditior Attalo,
 Rex esse qui potest sui.
 Hares ipse sui possidet omnia,
 Qui se obsequentem possidet.

Aug. lib. 83. qq.
 qu. 36.
 Bern. Serm. 1. de
 omnibus Sanctis.

Sallust. in Catilin.

Iustinus lib. 3.
 Tyrius Serm. 30.

Greg. Hom. 20.
 in Ezech.

Rectè Augustinus, Venenum charitatis est spes adipiscendarum, aut retinendarum rerum temporalium. Rectè item Bernardus, quærat Paganus diuitias, qui sine Deo viuit: quærat Iudæus, qui terrenas promissiones accepit: sed qua fronte magis, aut qua mente Christianus diuitias quærit, postquam Christus beatos esse pauperes prædicauit? Auaritia, inquit Pater Romanæ historiæ, fidem, probitatem, cæterasque artes bonas subuertit; & pro his superbiam, crudelitatem, Deos negligere, omnia venalia habere docuit. Ideò Lycurgus auri, argentique vsum velut omnium scelerum materiam sustulit, teste Iustino in historiis. Eleganter Maximus Tyrius: Vir bonus es? mores tuos muta, improbitatem cole, & diuitias consequeris. Lenò esto, aut caupo, prædo, aut veterator, perfidus, aut sycophanta, pretio æquum, bonumque peruertere, honestati renuncia, disces. Per hanc viam ad opum fastigia, ad dignitatum culmen peruenitur. Virum, qui ascendit hunc gradum ita describit Gregorius. Alius contempta mundi superbia honores, atque dignitates huius seculi decreuit vitare, vltimum appetit inter homines locum tenere, ut tanto excelsior inueniatur in permanenti gloria, quanto humilior aspicitur in transeunte vita. Ideò exultans in spiritu in domum Domini se mox iturum testatur, in cuius atriis consistit. Quæ spe roboratus æternæ pacis præmia, bonorumque cælestium abundantiam commendat, & dulcissima exultationis verba depromit.

4. Quartus ascensionis gradus ab his, quæ foris sunt, ad teipsum reducit. Diuitiarum, ac dignitatum exuta solitudine corpus tuum castigare, sensus cohibere, perturbatos animi motus sedare, omniumque vitiorum carnalem debes reprinere concupiscentiam. Ut enim docet Eucherius Lugdunensis, si vnusquisque nostrum subdere sibi passiones studeat, & eminentia dominantis animi super eas

Eucher. Hom. 1.
 de Ascens.

stare consuescat, ex ipsis sibi gradum construit, quo ad superiora conscendat. Sublimabunt nos, si fuerint infra nos: de nostris etiam vitiis scālam nobis facimus, si vitia ipsa calcamus. Ideo docet Apostolus dicens: *Castigo corpus meum, & in seruitutem redigō.* Nam, vt scribit in moralibus B. Gregorius; tantō melius mens ad superna appetenda componitur, quantō corpus ab illicitis arctius edomatur. Quemadmodum passerulus pede alligatus, ait sanctus Maximus Monachus, & Martyr, volare incipiens in terram funiculo detrahitur: sic quoque mens nondum affectibus liberata, & ad rerum cœlestium cognitionem volare contendens ab affectibus ducitur, & in terram detrahitur. Sententia Domini est non posse discipulum eius esse, qui non odit animam suam: *Et qui perdiderit animam suam, saluam faciet illam.* Beati quos nulli meturs terrent, exclamat Romanus Orator, quos nullæ ægritudines exedunt, nullæ libidines incitant, nullæ fuitiles lætitiæ exultantes languidis liquefaciunt voluptatibus. Vt enim maris tranquillitas intelligitur, nulla, ne minima quidem aura fluctus commouente; sic animi quietus, & placatus status cernitur, cum perturbatio nulla est, qua moueri queat. Carnem igitur spiritui subiice, coërce vagam sensuum licentiam, prauos animi motus comprime, exhibe membra tua hostiam viuentem, sanctam, Deo placentem: hac enim ratione purificatus non iam ad montes, sed ad ipsum Deum oculos erigere, & diuinæ misericordiæ feliciter poteris appropinquare, sicut dicit Psalmus, *Ad te leuauimus oculos meos, qui habitas in cælis.* Opprobrium quidem abundantibus eris, & despectio superbis, qui præsentia diligentes, futura aut negligunt, aut non credunt: cunctas tamen molestias, & irrisiones hoc vno remedio superabis, si semper oculos habens ad Dominum eleuatos exclames, Miserere nostri Domine, miserere nostri.

5. Quintus gradus ascensum perficiens incipientium in omnimoda proprii iudicii, propriæque voluntatis abnegatione consistit. Tantum enim virtuti adiicit homo, quantum propriæ voluntati, proprioque iudicio subtrahit. Voluntatem verò propriam eam dicit esse Bernardus, quæ non est communis cum Deo, & hominibus, sed nostra tantum: quando quod volumus, non ad honorem Dei, non ad vilitatem fratrum, sed propter nosmetipsos facimus, non intendentes placere Deo, & prodesse fratribus, sed satisfacere propriis motibus animorum. Quid autem odit, aut punit Deus præter propriam voluntatem? Cesset propria voluntas, & infernus non erit. Et post pauca proprium etiam consilium, propriumque iudicium perstringens, illorum esse ait, qui zelum Dei habent, sed non secundum scientiam, sequentes errorem suum, & obstinati in eo, ita vt nullis velint consiliis acquiescere: Hi sunt vnitatis diuisores, inimici pacis, charitatis expertes, vanitate tumentes, placentes sibi, &

1. Cor. 9. 27.

Greg. mor. lib. 31. cap. 28.

Max. cent. 1. de Char. cap. 85.

Luc. 14. 26.

Luc. 9. 14.

Cic. 5. Tusc. 14.

Bernard. Ser. 3. de Resurrect.

Epictet. apud A-
rianum l. 4 cap. 5.

magni in oculis suis, ignorantes Dei iustitiam, & suam volentes constituere. Epictetus Stoicus, cuius doctrina Evangelicam redolet disciplinam, sic de propria voluntate scribit. Si talis sit nostra voluntas, qualem ipsam esse oportet, vnicum nimirum id bonum erit nostrum: si secus sit affecta, vnicum, solumque erit malum nostrum. Cæterum si ad hunc gradum felici progressionem peruenisti, nil boni tibi atroges, ne ruinosam deceptus præsumptionem præcipites. Dic autem cum Psalmographo: *Nisi quia Dominus erat in nobis, forsitan homines diglutissent nos.* Cœnosum, & rapidum pertransisti torrentem, terrenorum affectuum infectionibus sordidatum; aquam evasisti humanis viribus impertransibilem, ab illo scilicet adiutus, qui Petro Apostolo fluctuanti manum, ne mergeretur, extendit: contrito laqueo ereptus es, sicut passer ab insidiis inimici: ac propterea Psalmi deotionem assumere debes, & dicere: *Adiutorium nostrum in nomine Domini, qui fecit cælum, & terram.*

M E T R V M XXXIV.

O Curas hominum, fluitaque pectora!
O quam desipiunt, qui nimium suo
Credunt arbitrio, qui sapiunt nimis!
Quam desiderii difficile est modum
Et metam propriis ponere sensibus!
Nescitis cupidi quo lateant loco
Mundi prosperitas, veraque gaudia;
Felicem Tyria non faciunt opes,
Non gemmae, & Perues munera dinitis,
Non regni solium, rubraque purpura.
Sed letis fruitur conditionibus
Eternis inhians semper honoribus,
Qui prudens timidos edomuit metus,
Fædoque imposuit fræna Cupidini,
Nec vultum variè fingit ad improba
Plebis consilium, nec popularibus
Arctatur studiis, quem sapientia,
Et virtus solidi pectoris hospita,
Quem simplex probitas, nudaque veritas,
Quem firmat pietas, & vineus pudor.
Quem fluctus tumidi non quatiant freti,
Non missum supero fulmen ab æthere,
Non vultus procerum saeva minantium.
Qui tuto latitans eximius loco
Infra se placidus conspicit omnia.
Quem non ambigui dura necessitas
Fæti terrefacit, nec queritur mori.

*Hic felix uivium, solus & entheo
Per nubes medias percitus impetu,
Sublimem intrepidus transiliet: polum.*

6. Libet autem in fine horum graduum ad eos spectantium, qui purgantur à vitiis, Guericci Abbatis aurea verba usurpare. O quam felix est, de quo dici potest: *Impleti sunt dies purgationis eius*, ut iam nihil aliud ei supersit, nisi ut ferant eum in Hierusalem supernam, & sistant eum Domino. Et quidem dies, qui ad purgandum nobis dati sunt, velimus nolumus, implemus: sed vix nobis, si dies implentur, & purgatio minimè impletur: ut postea necesse sit illo nos igne repurgari, quo nihil pœnalius, nihil acrius, aut vehementius in hac vita excogitari potest. Heu quanta dierum incuria est, dierum scilicet, qui nobis ad purgationem concessi sunt! Quam pauci reperiuntur, qui temporis pretium ponant, qui cogitent apud se, quantum valeat dies vna ad purgandam animam, ad comparandam æternitatem? Ut autem quis cognoscat an sit perfectè purgatus, debet diligenter advertere, adeptus fuerit an non strenuitatem, severitatem, & benignitatem. Porro strenuitas est quidam vigor animi omnem exeutens negligentiam, & disponens animam ad bona opera diligenter, & accuratè facienda. Severitas omnem restringit concupiscentiam, & feruentem reddit animam ad amorem asperitatis, & paupertatis. Benignitas est quidam dulcor animæ excludens omnem iracundiam, invidiam, & nequitiam, habilitans animam ad benevolentiam, tolerantiam, & internam lætitiā. Et hic est terminus viæ purgatiuæ, nam omnis conscientia munda læta est, atque tranquilla, & secura mens quasi iuge conuiuium. Agnouit hanc animi purgationem vir Ethnicissimus, sed profundæ doctrinæ Plotinus, atque inter cætera purgationis indicia hæc habet; Timorem expellet omnino, nulla enim de re metuet: motum verò subitum expellet, nisi quatenus admonitionis loco sit. Cupiditatem turpium proculdubio non habebit: esculentorum quoque, & poculorum ad remissionem doloris ipse animus non habebit: sin autem habuerit naturalium dumtaxat ut arbitror, ita tamen ut neque inconsultum hæc habeant impetum. Quod si habeant, quatenus cum phantasia solum, hac quoque præfigurata. Omnino autem ipsa ab his omnibus erit pura, voletque etiam irrationale putum efficere, adeò ut ne commoueat, quidem, aut saltem quam minimè, commotionesque illius statim ipsa propinquitate sedari queant, perinde ac si quis sapienti propinquans ipsa propinquitate aliquid ab ipso percipiat, vel similis illi factus, vel reueritus, ut nihil audeat facere eorum, quæ bonus non aufit. Non ergo erit pugna. Hæc Plotinus. Utinam sordes abluit animæ meæ, qui solus potest facere mundum ex immundo conceptum semine, qui lauat omnia peccata nostra, & proiicit in profundum

Guerrii. ser. 6. de
Purific.

Plotin. l. 2. c. 8.
cap. 5.

maris omnes iniquitates nostras. Vtinam illius aquæ cœlestis, quæ super cœlos est, participio lotus, totus cœlestis efficiat, quæ sursum sunt quærens, non quæ super terram. Quid mihi cum aquis inferioribus, vt desiderem aquam cœnosam fluuiorum. Egypti, quæ nec ablueri potest, nec sitientem animam refocillare? Congregentur in locum vnum aquæ istæ, & appareat; ærida: appareat inquam facies terræ, facies cordis mei terreni à vitiiis emundata, & ab aquis fœtentibus expurgata, & germinet herbam virentem, & omne lignum pomiferum iuxta genus suum: nec enim arida remanere poterit, sed fœcundata imbre cœlesti florebit, & germinabit, & fructum afferet in patientia.

§. III.

Quinque gradus proficientium: virtutes omnes acquirere, virtutum exemplar aliis esse, iustitiæ vias docendo demonstrare, se humilem in omnibus exhibere, omnes irrisiones, & detractiones patienter ferre.

1. **M**acte animi virtute fidelis ascensor, nec te ea quæ dicta sunt perturbent, ait Climacus: nemo vnquam repenti vno simul passu scalarum gradus omnes conscendere potuit. Iam à malo declinasti, iam spinosum incipientium iter cucurristi: nunc à vitiiis purgata mens virtutibus ornari debet. Quid enim iuuat, vt sapienter Chrysostomus scribit, quod omnes spinæ sunt amputatæ, si non sint deiecta bona semina? Non sufficit recessus à malo, vt in bonorum simus possessione. Nam si spinis euulsis terra maneat otiosa, herbas rursus inutiles germinabit. Est hic igitur proficientium gradus primus, omnium virutum acquisitio. Solæ faciunt virtutes beatum, inquit Macrobius, nullaque alia quisquam via hoc nomen adipiscitur, Nempè ille beatus est:

*Quem non ambigui fastes, non mobile vulgus,
Non leges, non castra tenent: qui pectore magno
Spemque, metumque domat vitio sublimior omni,
Exemptus fati, indignantemque refellit
Fortunam, dubio quem non in turbine rerum
Deprendet suprema dies, sed abire paratum,
Ac plenum vita.*

Sola virtus, vt verbis utar Isidori Pelusiota, præclaram, & nunquam intermorituram gloriam obrinet, vt quæ nec vetustari cedat, nec oblivione conteratur, nec marcescat, verum recentem semper, ac vegetam, & florentem dignitatem habeat: ac proinde prudentibus viris omnibus viribus enitendum est, vt eam adipiscantur. Nam vt sapienter scripsit quidam, virtutis ignorantia mors animæ est. Nec te terreat difficultas ascensus, quandoquidem, vt ait Poëta:

Ardua virtutem profert via.

Climac. gr. 25.

Chrysost. Hom.
16. ad Ephes.

Macrobius in Som.
Scip. lib. 1. c. 8.
S. atius lib. 2.
Sylu. v. 357.

Isidor. Pel. lib. 1.
Epist. 186.

Æneas Gazæus in
Theophrasto.

Silius Ital. lib. 2.
punic. v. 574.

Quid enim dicit Psalmus? *Qui confidunt in Domino sicut mons Sion, non commouebitur in æternum qui habitat in Hierusalem. Qui* proficiendi desiderio infatigabiliter ad vltiora sese extendere conatur, tametsi in principio asperum iter, pugnam laboriosam experietur; quanto tamen amplius progreditur, tanto magis habilitatur ascensui: & quò magis decertat, eò firmior, & robustior euadit, donec virtutis illectus pulchritudine insuperabilis omnino sit, & coronæ propinquus. Ipsi montes, ad quos prius oculos leuaueras, ipsi, inquam, in circuitu tuo malos homines elongabunt à te, ne fortè prauis eorum motibus, & exemplis in ruinam traharis. In hac spe singulariter constitutus perge securus, qui sancti desiderij primitias iam habere meruisti: meminetis scriptum: *Regnum Cælorum vim patitur, & violenti rapiunt illud.* Porro Regnum Cælorum regnum virtutum est, quod cum adeptus fueris, requiescet super te in fine huius Psalmi promissa pax, quam nec mundus dare, nec mundanus recipere potest, pax exuperans omnem sensum, omnia vota transcendens.

2. In excelsò virtutis fastigio collocatus ad secundum peruenies gradum, vt proximo tuo teipsum exhibeas virtutum omnium perfectissimum exemplar. Nam, vt scribit elegantissimè Hildebertus Turonensis Archiepiscopus, citra profectum proficit, quisquis alteri cum potest non prodest. Magis autem profunt exempla, quam mores, & vt docet Saluianus, Procurator est quodammodo salutis humanæ, qui non tantum id agit, vt ipse bonus sit, sed efficere & hoc nititur, vt alij mali esse desistant. Auctor est bonorum sequentium, ait quidam, qui relinquit exemplum. Et alius sapiens nil sibi optatius esse asseuerat, quam quod sit ad recta tendentibus propositus quasi exemplar. Laurentius Iustinianus rem istam sic eloquenter pertractat. Quantum excitent ad virtutum studia virtutum exempla eos, qui Deo placere volunt, atque virtutibus ornari peroptant, quifque sapiens sufficienter intelligit. Erigitur namque humana fragilitas, & opportunè corroboratur in opere exemplis maiorum, atque quotidie animatur ad melius Patrum rememoratione virtutis. Stude igitur omni qua vales industria morum splendore nitescere, vt Dominicæ oues ex te quotidie ædificentur videntes in te lumen fidei, spei longanimitatem, ardorem charitatis, cordis innocentiam, iustitiæ zelum, amorem fraternitatis, pudicitie constantiam, tolerantiam laborum, dilectionem inimicorum, patientiæ robor, studium humilitatis, vitæque omnimodam integritatem. Tunc laudabiliter poteris Psalmum istum decantare, quo conuersa in libertatem captiuitas Diaboli commemoratur. Tunc replebitur os tuum gaudio, & lingua exultatione. *Tunc dicent inter gentes, Magnificauit Dominus facere nobiscum, facti sumus lætantes.*

Hildeber. Ep. i.

Saluian. lib. 7.

Symmach. lib. 9.
Epist. 25.
Plinius lib. 6.
Ep. 11.

Iustinian. lib. de
regim. prælat.
c. 13.

Plato in Hippia.

Diodor. lib. 1. an-
tiq. cap. 1.Basil. orat. de re-
nunc.Elias in orat. 19.
Naz. num. 17.Aristid. or. de pa-
raphthegmate
tom 3.Greg. in Psal. 3.
Pernit.Bern. lib. 2. de
Consid.Clem. Alex. lib. 2.
Strom.

Manel Pal. or. 7.

3. Post virtutum exhibitionem sequitur tertio loco sapientiæ illu-
minatio, vt sis potens verbo rudes edocere, & rectas iustitiæ vias
cunctis hominibus bonæ voluntatis efficaciter demonstrare. Multo
enim maius beneficium eis conferes, si inscitia liberaueris animum,
quam si corpus ægritudine, vt Socrates asserit apud Platonem. Hinc
Simandius, teste Diodoro, suam Bibliothecam hac Epigraphæ præno-
tauerat, *Animi medicamentum*. Debet autem doctor perfectus simi-
lis esse Athenodoro Philosopho, cuius doctrinam Sallustius apud Sui-
dam igni comparabat omnia adiacentia, & propinqua incendenti.
Debet virtutibus ornatus esse, vt magnus Basilius luculenter ostendit,
cuius vniuersæ totius vitæ actiones testimonio sint charitatem in eo
erga Deum inesse, qui diuinarum literarum scientiam habeat, vir in-
teger, nec vlli distractioni indulgens, ab avaritia abhorrens, mini-
mè libenter gerendis se negotiis admiscens, quietus, amans Deum,
cui denique nihil sit præstantius honore Dei. Debet doctrinam mo-
ribus confirmare: nihil enim, ait Elias Cretensis, sermone firmitus
est, qui rebus confirmetur. Quod si eloquium tuum ignitum plures
conuerterit ab errore viæ suæ, vide ne tibi surrepat inanis gloriæ per-
niciosa præsumptio, sed omne bonum diuinæ tribuens dispensationi
Psalmum sequentem recitare memineris, quia *Nisi Dominus ædifi-
cauerit domum, in vanum laborauerunt qui ædificant eam*. Inanis
gloria subtilissimum venenum est omne opus bonum inficiens. Inter
homines quidem terrenis affectionibus alligatos absque inani glo-
riatione nihil eximium, nihil dignum memoria geritur, vt Ælius Ari-
stides subtilissimus, & suauissimus orator multis exemplis ostendit.
At Christianæ perfectionis cupidus nihil credens humanam indu-
striam præualere, quicquid boni facit, Deo adscribit, & psallit cum
Propheta, quia *Nisi Dominus custodierit ciuitatem, frustra vigilat
qui custodit eam*. Non tua, sed Domini hæreditas sunt filij, quos for-
tasse per Euangelium genuisti: atque sicut sagitta de manu potentis
egressa magna celeritate currit, & percutit; ita filij excussorum diui-
na, non tua virtute ad destinatum sanctitatis scopum perducti sunt.

4. Hactenus quasi alter Helias non curru igneo, sed gradibus
subuectus virtutum cælum mysticum conscendisti. Cauendum nunc
est, ne carnis pondere depressus ad terræ labaris: quo altiores, eo
grauior ruina erit, si cadas. Esto igitur quartus gradus tui profectus
humilitas. Nam, vt Magnus docet Gregorius, qui sine humilitate
virtutes congregat, quasi in ventum puluerem portat. Bonus fundus
humilitas, ait bernardus, in quo omne ædificium spirituale constru-
ctum crescit in templum sanctum in Domino. In humilitate sum-
mum bonum statuit Aristhenes referente Clemente Alexandrino
Sed & Manuel Palæologus Imperator Constantinopolitanus summ.
Princeps ingenij in laudes humilitatis effusissimus; Humilitas, inquit,
accuratum

accuratum præsidium est bonorum omnium, virtutumque terminus, & requies, & portus salutaris, & locus tutus. Humilitas divinum quidam, multisque celebratum laudibus, nulla non parte venusta, & incomparabili cum pulchritudine circumiens, omnes ad se pertrahit, & in amorem sui pellicit. Propterea Psalmus huic gradui correspondens beatos prædicat omnes, *qui timent Dominum, qui ambulant in viis eius*. Quæ sunt viæ Domini, nisi viæ humilitatis? *Discite à me*, inquit, *quia mitis sum, & humilis corde*. Reputa ergo te omnium infimum, & abiectissimum, ut illius sequaris vestigia, qui dixit, *Ego sum vermis, & non homo, opprobrium hominum, & abiectio plebis*. Beatus eris, si hæc feceris, & videbis bona Hierusalem omnibus diebus vitæ tuæ. Porro humilitas in silentio conservatur, imò, ut dicit Philippus de Claravalle, humilitas silentium parit. Humilitas, ait ille, virtutum regina primogenitum filium suum silentium parit, in quo, & de quo cultus iustitiæ pendet.

Matth. 23. 12.

Psalm. 21.

Philip. Clar. præf. in lib. mirac. sancti Bern.

5. Tandem profectum tuum coronans quintus gradus est patientia, cuius vinci victoria est: si videlicet omnes detractiones, irrisiones, contemptus, contumelias, & persecutiones patienter, & mansuete sustineas. Patientia est, inquit Cyprianus, quæ nos Deo & commendat, & servat: ipsa est quæ iram temperat, quæ linguam frænat, quæ mentem gubernat, pacem custodit, disciplinam regit, libidinis imperum frangit, tumoris violentiam comprimit, incendium simulatim extinguit, coercet potentiam diuitum, inopiam pauperum refouet: tuetur in virginibus beatam integritatem, in viduis laboriosam castitatem, in coniunctis & maritatis individuum charitatem: facit humilem in prosperis, in aduersis fortes, contra iniurias, & contumelias mites: docet delinquentibus citò ignoscere, si ipse delinquas, diu & multum rogare: tentationes expugnat, persecutiones tolerat, passiones, & martyria consummat. Ipsa est, quæ incrementa spei subtiliter prouehit: ipsa actum dirigit, ut tenere possimus viam Christi, dum per tolerantiam gradimur: ipsa efficit ut perseueremus filij Dei, dum patientiam Patris imitatur. Hæc eloquentissimus Cyprianus. Nihil autem vtilius accidere potest homini, ut Abbas Lætiensis sapienter docet, quam tribulatio siue sit externa, siue interna: & nullum certius signum diuinæ electionis habetur, quam si quis afflictionem, vel quicquid aduersi à Deo immixtur, humiliter patienterque sustineat. Optimè Lucifer Calaritanus: Ad æternam vitam perfruendam nos peruenturos scientes omnia gratanter perpetuimus, damna corporis lucris animæ repensamus, coronam in vulneribus computamus, de tormentis, & doloribus illatis in Christo triumphamus. Inter ingruentes itaque aduersitates, inter crebras afflictiones, sæculique molestias constanti sequore perseuerans cantabis Domino, & dices: *Sapè expugnaverunt me à iuuentute mea, tamen non potue-*

Cyprian. de bono patientiæ.

Lud. Blofius In-
stit. spirit. cap. 8.

Lucifer. lib. 6. ad
Constantium.

¶ Iulianus Rhetor
in 1. Demosten.
Olynthiacam.

runs mihi. Cedent, cedent diabolicæ fraudis machinamenta; arescent, & confundentur impij, cum viderint perfidiam suam bonorum constantia superari. Forti animo esto, & agere, & pati fortia Christianum est. Præclarè quidam Ethnicus: sic parati esse debemus, ut quicquid acciderit, nihil animo sit nouum.

M E T R V M XXXV.

Sed tibi blando speciosa vultu
Fortuna sæpè rideat.
Sive te seuis agitet procellis,
Duriſque curis implicet.
Disce fatalem superare sortem,
Omnemque casum vincere.
Nulla te sursum rebat aura, nullus
Te mæror infra deprimat.
Mitius dira ferient sagitta,
Si te paratum torqueant.
Iustus, & mentis solida futurum
In pace bellum præparat.
Si ruat mundus, pelagusque terra
Vndas furentes misceat.
Si polus flammis rapidis cremetur,
Si monstra seuiant stygis.
Spernet hic stultos populi tumultus,
Spernet fragores fulminum.
Et per languores pereuntis orbis,
Fragmenta calcans ætheris.
Transiet constans, timidosque letus
Cernet cadentium metus.

Ad hunc gradum qui peruenerit, cognoscet in hoc terminum sui profectus, quia Patientia opus perfectum habet: illique deberur corona, qui legitime decertans deuotus Deo permanet inter flagella.

§. IV.

Quinque gradus perfectorum: Orationis studium, purissima intentio, in omne bonum magno impetu ferri, velle semper quod vult Deus, adherere Deo, & vnum fieri cum eo spiritum intimo charitatis affectu.

EO potissimum spectat Prophetalis iste ascensus, ut paulatim altiora petens indicia nobis tuæ perfectionis ostendas. A virtutibus illustratus ut sis; hæc tamen profectus non sufficit: quinque supersunt perfectorum gradus, quinque scilicet ornamenta, quibus animam amicitia par est, antequam diuino conspectui præsentetur, & vnus cum Deo spiritus efficiatur. Primitus

sefe offert sedulum orationis studium, externas nimirum deferere occupationes, pauca cum hominibus, plura cum Deo miscere colloquia, quoniam in ipso sunt omnia. Oratio, inquit Elias Monachus, clavis regni cœlorum est. Oratio nuda orantes tanquam panis confirmat: quæ cum aliqua contemplatione coniuncta est impinguat: quæ vacat specie, & simulacris vini odorati instar est, quo repleti insatiabiliter admirantur, & obstupescunt. Ibi remedium vulnerum, ait Bernardus, ibi subsidia necessitatum, ibi refarcitus defectuum: ibi profectum copiarum, ibi denique quicquid accipere, vel habere hominibus expedit, quicquid decet; quicquid oportet. In hoc gradu collocatus Propheta se pia in Psalmo humilitate prosternit, quia iustus in principio orationis accusator est sui. Conscius conditionis humanæ clamat de profundis ad Dominum, quia tantò se celerius credit exaudiri, quo profundius humilitatis penetralibus sese abdiderit. Quia verò cognoscit se nullatenus culpas posse deferere, quin otioso sermone delinquat, vel superfluis excedat cogitationibus, aut inanibus actibus occupetur; ideò misericordiam Domini, & copiosam eius redemptionem desiderat, quo purior valeat purissimi Regis conspectui præsentari.

Elias in Florilegio.

Bern. serm. vi. sup. Cantica.

1. Iam qui assidue cum Deo versari in suauissima orationis quiete didicisti, ad alterum gradum properare debes, ut quicquid boni cogitas, dicis, vel operaris, id totum sincera, ac purissima intentione ad solam Dei gloriam dirigas, non tuum commodum querens, non gloriam tuam appetens, non auram captans popularem, non propriam desiderans consolationem. Ita quod omnium actionum tuarum basis, amissis, & fundamentum sit Dei solius honor, & gloria. *Quid enim mihi est in Cælo*, ait Propheta, *aut à te quid volui super terram? Deus cordis mei, et pars mea Deus in æternum.* Clarè de hoc Bernardus: Puritas intentionis hæc est, ut simplex oculus totum corpus lucidum faciat, ut quicquid feceris propter Deum facias, & ad locum unde exeunt gratiæ reuertantur, ut iterum fluant. Optimè etiam exclamat Richardus. O quoties ipsam veritatem non pro veritate, sed pro vanitate querimus: & inuentam veritatem non in veritate, sed ad vanitatem diligimus, & quod miserrimum est, in verbis vitæ ad mortis lucra negotiamur! Non sic fidelis seruus, non sic, sed de bonis operibus nihil arrogans sibi, psallit Domino cum Propheta, *Domine non est exaltatum cor meum, neque elati sunt oculi mei; neque ambulavi in magnis, neque in mirabilibus super me.* Rectè enim intentionem comitatur humilitas, cuius præuaricator à diuinæ suauitatis gustu, sicut infans à maternis vberibus, excludetur.

Psalm. 72.

Bern. serm. 3. in vigil. Natiuit.

Richard. Vid. de crud. hom. int. lib. 1. c. 3.

3. Hoc posito bonorum operum solidissimo fundamento ad tertium gradum prouchi necesse est. Hic autem præparandus est animus, non tam ut agas, quam ut patiaris. Opera spiritus ingenti seruire

Rich. lib. 5. de cor.
templ. cap. 4.

Cant. 6. 9.

perficere, & in omne bonum magno impetu ferri tertius est gradus; quem non incongruè tertium cælum dixeris, ad quod raptus Apostolus audiuit Arcana verba, quæ non licet homini loqui. Intelligentia namque humana, ut subtiliter docet Richardus Victorinus, diuinitus inspirata, & illo cælesti lumine irradiata aliquando subleuatur supra propriam scientiam, aliquando etiam supra industriam, aliquando autem etiam supra naturam. Cælestis enim desiderij ardor cum vehementer exæstuat, animam diuino amore feruidam per violentiam ardoris subleuat ad superiora. De tali anima rectè illud intelligimus, quod in Canticis scriptum est: *Quæ est ista quæ progreditur quasi Aurora consurgens?* Quæ quidem aurora sequentium graduum incremento dilatabitur, donec in diem definat splendidissimam, in diem illam, quæ melior est in atriis Domini super millia. Vide autem num illi, qui eiusmodi est, possit consequens Psalmus conuenire, *Memento Domine David, & omnis mansuetudinis eius.* Votum enim vult se requiem non habiturum, donec inueniat locum Domino, dignumque Deo Iacob tabernaculum ædificet in seipso, in quo ipse Dominus, cum sanctificatio effloreat, requiescat. Prolixior cæteris est Psalmi huius modulatio, quæ mysticæ ascensionis concinit sacramenta, & fidelem ascensorem ad celsioris sanctitatis augmentum perducit.

Luc. 4. 10.

Cant. 4. 5.

4. Et quidem hucusque peruenisse magna delectatio mentis est, magnum gratiæ incrementum. Sed nunquid hic præmatura statione commorandum? Absit. Sed quid dicit Scriptura? *Amice ascende superius.* In hoc ascensu mirantur sancti animæ tuæ anagogicum prouectum, & dicunt: *Quæ est ista, quæ ascendis de deserto deliciis affluens, iunxisti super dilectum suum?* Inniti enim super dilectum, cum Dei voluntate in omnibus concordare, à diuino beneplacito in nulla penitus se dissentire, verbo ut dicam, velle semper quod vult Deus, sublimis Philosophia est, quam ad quartum gradum promoti totis debent viribus profiteri. Hanc sapientiam petimus, cum dicimus in oratione, *Fiat voluntas tua.* Hanc docuit Christus, cum orauit ad Patrem, *Non mea, sed voluntas tua fiat.* Hac omnes sancti Dei excelluerunt illud iugiter clamantes, *Domine, quid me vis facere?* In hac salus, & vita; pax, & gaudium sita sunt; fastigium, & colmen Christianæ perfectionis. De hac conformitate humanæ voluntatis cum diuina libellum edidit Hieremias Drexelius, quem nunquam satis laudare valeas. Ex hoc discies quicquid de hac re, vel veterum Patrum monumenta continent, vel sanctorum expriment exempla. Hanc sapientiam qui possederit, verè poterit Psalmi dulcedinem experiri, verè poterit sapienter psallere, *Eccæ quam bonum, & quam iucundum habitare fratres in vnum; quoniam illic mandauit Dominus benedictionem, & vitam usque in sæculum.*

METRVM XXXVI.

Hoc fixum est mihi Numinis verendae
 Leges, ac nutus, iussaque sancta sequi.
 Vultus nam gero pendulos ab illis,
 Meta voluntati figitur ista bonae.
 Deprensa ut pelago lenis carina,
 Horrida praecipiti bella mouente Notò,
 Sidus Parrhasia requirit vrsa,
 Tutior ut dubium naufraga radat iter,
 Arcos sic mihi erit Dei voluntas,
 Sequi mea hoc semper sidere vita reges.
 Seu languore velit, malaque febri,
 Fractaque continuo membra dolore premi.
 Seu me pauperie imperet grauatum
 Libera seruili subdere colla iugo.
 Seu duro iubeat labore fungi,
 Reddere et ingenua sordida pensa manu.
 Nil fadam, nihil aestimabo durum,
 Quamuis ille nouis sanias usque modis.
 Quod si me iubeat lacus nefundis.
 Quos merui noxis sponte subire stygis.
 Ab! mallet stygias Deo iubente
 Penas, quam celsi splendida regna Poli.
 Caelorum procures, caelique regna,
 Quid mihi vobiscum, si meus absit Amor?
 Ut solem Clytie aspicit fugacem,
 Panditur Eoo, clauditur occiduo.
 Sic sol est mihi Numinis voluntas,
 Hac sine cuncta mihi nox tenebrosa forent.

¶ Ite nunc humanæ vitæ calamitates, ite brutalium affectuum per-
 turbationes, nunc cedendum est triumphanti. Ad cæleste fastigium
 virtutum gradibus peruentum est, ad finem qui nullis limitibus ter-
 minatur, ad summum totius perfectionis cacumen. Stat Dominus
 innixus scalæ, ut animam amoris igne candentem sibi intimè vniet,
 & indissolubili charitatis nexu secum conglutinet. Teste enim Clima-
 co charitas est, quam in summitate scalæ vidit Iacob. In hac intima
 cum Deo vnione postremi gradus ascensio consistit, cuius dignitas
 tanta est, ut ne linguis hominum, nec Angelorum exprimi possit.
 Anima si quidem ad hunc statum euecta diuina claritate, quæ à Deo
 resultat, miro modo afficitur, & à Deo sibi intimè vnito successa se
 Dei genus esse demonstrat, sicut ferrum, dum candet, mirificè

Climac. gr. 30.

ignem repræsentat, & illius proprietatibus pollet. Eius verò potentia in quandam vastissimam, vt ita dicam, Diuinitatis solitudinem introducuntur, vbi voluntas Deum ineffabili sensu percipit, & intellectus amissa omni rerum distinctione, ac varietate, cunctasque imagines etiam nobilissimas transcendens Deum sapientissimè ignorans contemplatur: non enim illum clarè intuetur, vt in patria; sed excelsò ignorationis genere, illa videlicet irrationali, & amente sapientia à S. Dionysio Areopagita tantopere celebrata ipsum diuinitus agnoscit. Gustauerat celsitudinis huius suauitatem Richardus Victorinus, qui loquens de hoc statu dicit: O alta quies, ô sublimis requies, vbi omne quod humanus moueri solet motum omnem amittit: vbi omnis qui tunc est motus diuinitus fit, & in Deum transit. O illos verè beatos, de quibus scriptum est, Ego dixi dii estis, non natura, sed gratia; non essentia, sed participatione, qui videlicet vnum sunt cum Deo in infinita, & inexhausta charitatis eius abyssò. Hoc est illud vnum, quod solum esse necessarium edocuit Christus: hæc est meta, hic finis, ad quem tendere debemus: hæc iucunditas, hæc beatitudo animæ nostræ. Omitto plura huius vnionis, eaque abdita, ac inexpertis incredibilia mysteria, mysticos scilicet contemplationis excessus, lucidissimum diuinæ caliginis lumen, arcani secessus admirabile silentium, quietissimæ suspensionis securam tranquillitatem, ebrietatis spiritualis insolitos effectus, purissimi amoris oscula, castissimos amplexus, placidum somnum, exstáticos raptus, amantis animæ languores, vulnera, mortem, & quam Theologi mystici explicant, quandam sui ipsius annihilationem, & totalem in Deum transformationem. Hæc secretioris sapientiæ sacramenta ignaris relata fidem amittunt, iisque dumtaxat perspecta sunt, qui in huius quintidecimi gradus summitate tranquilla pace fruuntur. Vltimus autem Psalmus Gradualis ad hanc vltimam perfectionem inuitat dicens, *Ecce nunc benedicite Dominum omnes serui Domini: in noctibus extollite manus vestras in sancta*. Mundi enim huius durante caligine Dominum iugiter quærere, & laudare debemus nostrasque semper operationes illuc sedula attollere intentione, vnde superne benedictionis plenam accipere mercedem mereamur. Hanc sublimem Psalmorum Gradualium intelligentiam, dum eos ex Ecclesiæ præscripto recitamus, solerti oportet consideratione perspicere, vt omni carnis imbecillitate submota de gradu in gradum vsque ad vltimum culmen perueniamus, vires tribuente Deo, quem quærisimus, ad quem tendimus, quem optamus, cui est honor, & virtus in perpetuas æternitates.

Dionys. libro de
myst. Theologia.
Rich. de extrem.
mali trac. 3. c. vlt.

C A P V T XVI.

De singulis partibus Diuinæ Psalmodiæ.



ST hoc in more positum anatomicis dissectoribus, vt post exactam totius corporis, eiusque partium integrantium considerationem, alias etiam vel minimas particulas minutissimè diuidant, & inuestigent. Hoc moris vsurpandum mihi est in præsentiarum. Cum enim hætenus maiores Officij diuini partes, horasque diurnas, atque nocturnas rudi, ac retuso ingenij mei gladiolo minutatim dissectas tuæ, Lector, considerationi exposuerim; iam res ipsa nos admonet, vt de minoribus particulis, quibus vnumquodque officium componitur, accuratam quoque tractationem institutam. Sed in tanta rerum sylua, quæ velut agmine facto sese offert ad dicendum, vnde ordiar, aut vbi desinam? Vt enim omnia velle prosequi nimis prolixum erit: ira vereor, ne quædam relinquere incuriæ, & errori adscribatur. Dicam igitur compendio, quæ magis conuenientia videbuntur, & cum viam fecero lectoris industriæ, multa prætermittam. Ordinem seruo, quem ipse horarum vsus suggerit, paucis dumtaxat doctrinæ gratia immutatis. Sunt autem hæc capita, de quibus sigillatim disserendum est. De Oratione Dominica, Angelica salutatione, & Symbolo Apostolorum: De horarum initio, de signo Crucis, de Gloria Patri, Alleluia, Inuitatorio, Hymnis, Antiphonis, Psalmis, Canticis, Versibus, Lectionibus, Responsoriis, Capitulis, & Collectis: de Symbolo Athanasij, de Lectione Martyrologij, de Precibus, & Suffragiis, atque de fine Officij.

§. I.

DE ORATIONE DOMINICA.

Offenditur ex Patribus dignitas, utilitas, & efficacia huius orationis. Petitionum ordo, & congruentia ex D. Thoma. Quinam possunt hanc orationem ritè, ac iure recitare. Quoties, & quo ritu in diuinis Officiis recitetur.

1. **N** Vlla Oratio Dominica dignior, nulla utilior, nulla efficacior. Nam, vt ait eloquentissimus Cyprianus, Quæ potest magis spiritualis esse oratio, quam quæ à Christo nobis data est, à quo nobis & Spiritus S. missus est? Quæ vera magis apud Patrem precatio, quam quæ à Filio, qui est veritas, de eius ore prolata est? Vt aliter orare quam docuit non ignorantia sola fit, sed & culpa, quando

Cypr. Sermon. de Orat. Dominica.

ipse posuerit, & dixerit: *Relicitis mandatum Dei, ut traditionem vestram statuatis.* Oremus itaque sicut magister Deus docuit. Amica, & familiaris oratio est Deum de suo rogare, ad aures eius ascendere Christi orationem. Agnoscat Pater Filij sui verba, cum precem facimus. Qui habitat intus in pectore, ipse sit & in voce. Et cum ipsum habeamus apud Patrem aduocatum pro peccatis nostris, quando peccatores pro delictis nostris petimus, aduocati nostri verba ponamus. Nam cum dicat, quia quodcumque petieritis à Patre in nomine meo, dabit vobis: quanto efficacius impetramus quod petimus, si petamus ipsius oratione? Hactenus Cyprianus, & ante ipsum Tertullianus, Deus solus, ait, docere potuit, ut se vellet orari. Præstat igitur cæteris hæc oratio ob summam auctoris eminentiam, & dignitatem. O quam fidelis, inquit S. Chromatius, & beata nobis hæc oratio est, cuius ordinem nobis doctor vitæ, ac magister cælestis instituit! Quam beati etiam nos esse possumus, si hæc orationis Dominicæ verba non tantum officio oris, sed fidelissimo conuersationis actu seruemus! Præstat etiam gratissima breuitatis simplicitate, ratione cuius facilius discitur, melius retinetur, frequentius iteratur, minus fastidit orantem, ut Doctor irrefragabilis sapienter aduertit. Docuit autem nos Christus breuiter orare, teste Chrysologo, qui citò vult postulara præstare. Perfectione item antecellit, atque sæcunditate, quia, ut notat Augustinus, compendiosis verbis omnes species orationis comprehendit, quibus Deum interpellamus, aut pro appetendis bonis, aut pro vitandis malis, aut pro delendis commissis: Addit Tertullianus, quod quantum substringitur verbis, tantum diffunditur sensibus. Neque enim propria tantum orationis officia complexa est, venerationem Dei, aut hominis petitionem; sed omnem pene sermonem Domini, omnem commemorationem disciplinæ, ut reuera in hac oratione Breuiarium totius Euangelij comprehendatur. Præstat demum vtilitate, & efficacia. Spem habemus, inquit Augustinus, obtinendæ causæ nostræ, quando talis Iurisperitus nobis preces dictauit. Hac oratione leuia, & quotidiana peccata deleri docet post Augustinum Diuus Cæsius Arelatenfis, si compuncto corde, & animo contrito recitetur. Hanc memoriter sciri, & quotidie frequentari à fidelibus præcipiunt sacri Canones. Rursum sententia Augustini est, Quamlibet alia verba dicamus, nihil aliud dici, quam quod in ista Oratione positum est, si rectè, & congruenter oramus. Ideo Thomas Aquinas magna mens Theologorum hanc magni Doctoris sequutus sententiam septem petitionibus dictæ orationis omnia necessaria contineri hac ratione demonstrat.

2. Certum est orationem desiderij nostri apud Deum fidissimam interpretem esse. Omne autem desiderium primò in finem, tum in ea quæ sunt ad finem tendere solet. Finis noster Deus est, quem præcipuo

Tertull. l. de orat.

Chrom. conc. 1.
in Matth.

Alex. Alensis 4.
par. q. 10. trac. 2.
9. 4.
Chrys. Sermon. 67.
August. Ser. 182.
de temp.

Tertull. de orat.

August. Mon. 42.
inter 50.
Id. lib. 11. de ciuit.
Dei cap. 27.
Er Ench. ad Laur.
cap. 71.
Cæsar. Hom. 1.
Clem. Rom. Cōst.
Apost. lib. 7. c. 25.
Sexta synod. Con-
stantinop. cap. 7.
Aug. epist. 121. ad
Proban.
D. Thom. 2. 2. q.
33 art. 9.

cupio affectu diligimus in seipso, idcircoque petimus gloriam eius, cum dicimus, *Sanctificetur nomen tuum*, ut ab omnibus videlicet cognoscatur, timeatur, ametur, colatur, & laudetur. Deinde nos ipsos diligimus in Deo eius gloria perfrui cupientes, propterea subiungimus, *Adueniat regnum tuum*. Ad hunc ultimum finem dupliciter ordinamur, per se, & per accidens. Et per se quidem ad meritum beatitudinis principaliter facit obedientia legis, instrumentaliter vero panis spiritualis, & corporalis. Quoad primum oramus, ut fiat voluntas Dei *Sicut in cælo, & in terra*: ut eadem promptitudine, qua Angeli, & Sancti in cælo, ita nos in terris Domino seruiamus. Quoad secundum, *Panem nostrum quotidianum*, omnia scilicet subsidia ad vitam tam animæ quam corporis tuendam necessaria, *hodie*, id est toto tempore peregrinationis nostræ flagiramus. Media autem per accidens remotiones malorum sunt. Peccatum omnium malorum maximum est, à quo liberari ante omnia petimus dicentes, *Dimitte nobis debita nostra*. Sunt & tentationes varix, quæ nos impediunt, ne Dei præcepta seruiamus: rogamus igitur, ne Deus permittat ab illis nos superari: sed ita nobis semper assistat, ne vnquam succumbamus. Sunt tandem mala præsentia vitæ huius amaritudines amarissimæ, quæ nos vexant, & ad peccatum inducunt, impediuntque maius bonum, maiorem scilicet cum Deo vniõnem: atque hæc incommoda, & detrimenta in postrema petitione deprecamur.

M E T R V M XXXVII.

F Allor: an excelsa nemorosi è vertice montis
Me Deus ipse vocat?
 Orantes, inquit, penetrantia claudite cordis,
Sit procul omne nefas.
 Nam Pater è clara nitidi caligine cæli
Abdita cuncta videt.
 Sit modus hic precibus, longo sermone loquaces
Non amat ille viros.
 Summe parens hominum, solio qui celsus olympi
Conterit astra pede.
 Sit tibi laus, noménque tuum venerabile pronus
Orbis ubique colat.
 Magna triumphantium veniant citò regna cohortis,
Imperiumque poli.
 Angelicis sociata cboris gens iura sequatur,
Que sibi cumque placent.
 Da nobis hodie panem, da pabula, gentes
Ne premat atra fames.

R c

*Fratribus offensas ut nos dimittimus, & tu
Omne remitte scelus.*

*Hosiu tartarei victos succumbere iniquis
Ne patiare dolis.*

*Sed cunctis reuelet presentibus, atque futuris
Nos tua dextra malis.*

163. Pel. l. 4. ep.
24.

3. Hanc Orationem, ut Isidorus Pelusiota ad Eutonium Diaconum scribit, illi soli ritè, ac iure recitare poterunt Deum Patrem appellantes, qui filiorum germanam indolem ostendunt. Illi poterunt dicere, *Sanctificetur nomen tuum*, qui nihil scelerati committunt. Illi & hoc, *Adueniat regnum tuum*, qui ea fugiunt, quæ Tyranno voluptatem pariunt. Illi & hoc, *Fiat voluntas tua*, qui ipsis factis huic se operam dare declarant. Illi etiam, *Panem quotidianum da nobis hodie*, qui luxui, ac deliciis nuntium remiserunt. Illi & hoc, *Dimitte nobis debita nostra*, qui veniam iis tribuunt, qui in ipsos deliquerunt. Illi & hoc, *Ne nos inducas in tentationem*, qui neque semet ipsos, neque alios in eam coniiciunt. Illi & hoc, *Libera nos à malo*, qui cum Sathana perpetuum, & irreconciliabile gerunt bellum. Illi denique verè dicere poterunt, *Quia tuum est regnum, & potentia, & gloria*, qui ad ipsius verba contremiscunt, eaque re, & opere ostendunt. Non enim tantum efficere valet ipsa huius precationis notitia, quantum mores, & vita precantis. Hæc & alia multa scitu dignissima Isidorus. O verè cœlestis Oratio, exclamat Augustinus, quæ tota est Oratio. Nam si singula verba, prout sunt, latius tractare voluerimus, dies antequam sermo deficiet. De Orationis huius sacramento necessitate nos commentandi Cyprianus vir sanctæ memoriæ liberauit, ut scribit Hilarius Pictauiensis. Sed & alij Patres, ac scriptores grauissimi eandem explicarunt, nimirum Tertullianus libro de Oratione, Gregorius Nyssenus Orationibus quinque de eadem, Cyrillus Hierosolymitanus catechesi quinta, Chromatius Episcopus Aquileiensis concione secunda in Matthæum, Augustinus, lib. 2. de Sermone Domini in monte, libro item 2. de dono perseverantia, & in quibusdam sermonibus de tempore, Ambrosius lib. 5. & 6. de Sacramentis, Hieronymus lib. 3. Dialogorum aduersus Pelagianos, Chrysostomus tomo 5. Hom. de eadem, Cassianus collat. 9. quæ est prima Abbatis Isaac, Chrysológus serm. 67. & seq. Bernardus serm. 6. in Quadragesima, Stephanus Eduensis libro de Sacramento altaris, Bonaventura initio tomi 2. Henricus Harpius lib. 1. mystica Theologia cap. 43. Interpretes Euangeliorum ad caput 6. Matthæi, & 11. Luca. De eadem tractatum scripsit Ægidius Romanus. Sedulius libro secundo carminum Paschaliū, hanc ipsam versu heroico explicauit. Eiusdem Paraphrasis anagogica habetur in mystica Theologia Henrici de Palma inter opera D. Bonauenturæ diffusè, deuotè, &

Aug. Serm. 126. de
temp.

Hilar. can. 5. in
Matth.

eleganter. Tandem, vt alios innumeros prætermittam, eam sublimiter, ac mysticè *tomò primo operum* explicauit Baptista Vernacia (sacramentalis magnificatus, ac profundæ doctrinæ Ordinis Canoniorum Regularium).

4. His præmissis de præstantia, & necessitate sacre huius Orationis, iam videndum est cur toties in publicis Ecclesiæ precibus repetatur. Mos Apostolorum fuit, teste magno Gregorio, ad ipsam solam oblationis hostiam consecrare: de qua re elegantissimè disserit profereus noua & vetera Theoph. Raynaudus lib. de prima Missa sec. 2. c. 4. Idem asserit Hieronymus his verbis. Docuit Christus Apostolos suos, vt quotidie in corporis illius sacrificio audeant dicere: *Pater noster qui es in celis*. In Officio autem diuino tribus modis repeti solet, in principio, in medio, & in fine: idque vel submissa omnino, & secreta voce; vel alta prorsus, & clara; vel partim tacita, partim elata. Et aptè quidem ab hac Oratione initium sumitur Officiorum, vt ab actis eius virtute multis morientibus mens tranquillior facta ad pangendas Dei laudes præparetur, & deuotionis suauitatem non amittat. Aptè in medio vsurpatur, quia totius Psalmodiæ breuem continet anacephalæosim. Aptè item in fine, ne ille hostis antiquus semen bonum Verbi diuini, quod in Officij recitatione seminatum est, capiat de corde nostro, & conceptum à facie Domini spiritum ardoris fumosis concupiscentiæ flammis extinguat. Quandoque verò submissa dicitur voce, vt interna cordis humilitas erga eum significetur, qui solus scrutator est cordium; simulque intelligamus non in clamore vocis, sed in puritate cordis, & compunctione lacrymarum nos exaudiri. Quandoque tacita, & in fine clara voce pronunciat, idque propterea fit, vt palam ab omnibus communi consensu confirmetur, quod vnusquisque orauit sub silentio. Orant singuli pro omnibus, orant omnes pro singulis, vt fiat quod scriptum est: *Particeps ego sum omnium timentium te, & custodientium mandata tua*. In Laudibus autem, & Vesperis ritu monastico clara semper voce dicitur à Prælato, siue à Sacerdote, quem ritum sequitur Romana Ecclesia in Aduentu, & Quadragesima: tum quia omnibus modis laudanda Dei bonitas est; tum quia publica est, & communis omnium postulatio; tum quia vnitatis, & pacis hoc solemnè recitatione admonemur, quam cum omnibus habere debemus, si cupimus exaudiri. Sententia Domini est: *Cum stabitis ad orandum, dimittite, si quid habetis aduersus aliquem, vt & Pater vester, qui in celis est, dimittat vobis peccata vestra*. Hinc sapienter Monachorum magister; Planè, inquit, agenda matutina, vel vespertina non transeat aliquando, nisi in vltimo ordine Oratio Dominica omnibus audientibus dicatur à Priore propter scandalorum spinas, quæ oriri solent, vt conuenti per ipsius Orationis sponsonem, qua

Greg. l. 7. Indic. 2. epist. 64.

Hier. lib. 3. Dial. adu. Pelagian.

Macc. 11. 15.

Bened. reg. c. 19.

dicunt: *Dimitte nobis debita nostra, sicut & nos dimittimus debitoribus nostris*, purgent se ab huiusmodi vitio. Cæteris verò agendis vltima pars eius orationis dicatur, vt ab omnibus respondeatur, *Sed libera nos à malo*. Nouerat prudentissimus pater vix fieri posse, quin aliquando in agro dominico superfeminaret zizania inimicus homo, ideò reconciliari dissidentium fratrum animos voluit initio, & fine diei per solemnem iam dictæ orationis recitationem, satis existimans fieri fraternæ charitati, si iuxta præceptum Apostoli sol non occidat super itacundiam nostram. Rectè Athanasius; Non retinebis offensam alioquin in corde tuo, alioquin precatio tua non purè ascendit: *Homo homini reſeruat iram*, clamat mirabundus sapiens, & à Deo querit medelam. Cæterum de dicenda hac oratione in fine horarum extat canon ex Concilio Gerundensi. De eadem verò singulis horis præmittenda nihil memini me legiſſe apud Patres antiquiores. Sanè Benedictus nec principij, nec finis mentionem facit, inter precum dumtaxat solemnia modo suprascripto recitari decernens. Finio, si prius monuero, quod Mimatenſis Episcopus docet in Rationali, hanc orationem eſſe ſal, & condimentum in omni ſacrificio noſtro iuxta legis antiquæ ſanctionem aſpetgendum. Non tamen damnari debent aliz orationes ab Eccleſia approbatæ, & ab orthodoxis viris compoſitæ, de qua re plura non contemnuenda ſcribit Abulenſis. Cautè igitur legendus, & piè explicandus eſt ſanctus Edmundus ex Monacho Cisterdenſi Cantuarienſis Archiepiſcopus, qui in ſpeculo Eccleſiæ ad ſuos Pontiniacenſes orationes à ſanctis viris compoſitas reprehendere videtur: non enim eas ſimpliciter damnat, ſed formam orandi à Chriſto Domino propoſitam cæteris omniſibus præferendam oſtendit, quod nullus rectæ fidei inficiatur. Hoc ſenſu R. Moyſes Egyptius vir doctus valdè inter ſuos in libro, quem directorem dubitantium, ſeu perplexorum inſcripſit, ſtultos eos vocat, qui multiplicant, & prolongant Orationes, quas ipſi compoſuerunt, vt per eas appropinquent creatoti ſecundum ſuam æſtimationem, & conculcant, inquit, creatorem in linguis ſuis, quia nimirum inconuenientes otaudi formulas componunt. Omnes autem Orationes præter Dominicam vaniloquium eſſe hæreſis fuit cuiuſdam Baſilij, quem Alexius Commenus orthodoxus Imperator ignibus damnavit, vt teſtatur Euthymius. Sunt & Hæretici Maſſaliani, ſue Bogomili, qui cæteras Orationes reiiciunt, & barrologiam vocant, vt Conſtantine Harmenopulus ſcribit. Et quidem quoad ſenſum nihil aliud peti poteſt, quam quod in Oratione Dominica continetur; quod autem pertinet ad formam verborum multæ aliz ſunt Orationes vtilis, & efficaciæ, quas ſancti, & orthodoxi viri compoſuerunt.

Ephes. 4. 26.

Athan. 1. de virginit.

Eccli. 38. 3.

De conf. d. 5. c. 1d. ſemper.

Durand. l. 5. c. 5
Leuit. 2. 13.

Abel. in c. 6. Mat.
90. 99.
Edmun. ſpec. c. 17.

R. Moſſes lib. 1.
cap. 58.

Euthymius in Pa.
noſia.
Harmen. de ſcctis
num. 19.

§. II.

DE ANGELICA SALVTATIONE.

Eius dignitas, & excellentia demonstratur. Quando, & à quibus fuerit instituta. Cur in diuinis officiis recitetur.

1. **Q**uoties sese offert occasio de laudibus intemeratæ Virginis Deiparæ disserendi, vellem profectò, vt melle purior meus diffunderet sermo, cunctaque corporis mei membra vetererentur in linguas, quibus si non pro meritis ipsius (quis enim hoc possit illo excepto, cuius potestas non habet finem!) at saltem pro meo affectu clementissimæ Reginæ prærogatiuas æternum duraturis præconiis celebrarem. Sed quoniam peccatorum pondete pressus, rerumque labentium amore coinquinatus sublimioris sapientiæ illapsu indignissimus sum, iure cogor præfari veniam, & linguam fari gestientem iusti silentij repagulis cohibere. Dicent alij quibus serenior illuxit celestis gratiæ radius, dicent vberius illibatæ Virginis encomia, & Angelicæ salutationis excellentiam copiosius explicabunt. Ego autem tenuitatis meæ conscius quæ ad meum faciunt institutum paucis expediam. Constat hæc salutaio duabus partibus, laude, & petitione. Prima pars ex Scriptura sumpta est, duosque habet auctores Angelum, & Elizabeth. Ab Angelo tanquam à primario auctore Angelicam nomenclaturam sortita est. Verba eius hæc sunt: *Aue gratia plena, Dominus tecum, Benedicta tu in mulieribus.* Ad hanc salutationem conceptissimis verbis componendam totius Trinitatis dignatio interuenit. Patris nimirum mittentis auctoritas, diuini Verbi carnem humanam suscepturi sapientia, & sancti Spiritus Virginem obumbrantis operatio. Decuit sanè nouam gratiam noui partus noua salutatione annunciari: nullam quippè similem in toto veteri instrumento reperies. Decuit nouæ gratiæ inchoationem nouis præconiis Euangelizari. In virginem adhuc Euam, inquit Septimius Tertullianus, irrepserrat verbum ædificatorium mortis: in virginem æquè introducendum erat Dei verbum exstructorium vitæ, vt quod per huiusmodi sexum abierat in perditionem, per eundem sexum redigeretur in salutem. Crediderat Eua serpenti, credidit Matia Gabriel, quod illa credendo deliquit, hæc credendo deleuit. Similis est Irenæi sententia, quam refert Augustinus, Quemadmodum astrictum est morti genus humanum per virginem, soluatur per virginem æqua lance disposita virginali inobedientia per, virginalem obedientiam. Hæc autem verba: *Benedicta tu in mulieribus,* & ab Angelo, & ab Elizabeth dicta fuerunt, vt idem verborum consensus spiritum veritatis eorum auctorem indicaret. Addidit Elizabeth sola. *Et benedictus fructus ventris tui:* Nam ab arbore benedicta non nisi fructus benedictus procedere potuit. Imò, vt Bernar-

Lucæ 1.

Terrul. de carne Christi cap. 17.

August. l. 1. contra Iul. Pelag.

Bern. Hom. 3. sup. Misus est.

Re iij

dus ait, non quia tu benedicta, ideo benedictus fructus v̄tris tui, Sed
 quia ille te pr̄uenit in benedictionibus dulcedinis, ideo tu benedicta.
 Verè etenim benedictus fructus v̄tris tui, in quo benedictæ sunt om-
 nes gentes: de cuius plenitudine tu quoq; accepisti cū cæteris, erfi disse-
 rētus à cæteris. Ac propterea quidem benedicta tu, sed in mulieribus:
 ille vero benedictus non in hominibus, non inter Angelos, *sed qui
 est*, vt ait Apostolus, *super omnia benedictus Deus in sæcula*. Huic
 primæ parti duo verba addita sunt ab Ecclesia, pretiosissima scilicet
 nomina *IESV*, & *MARIÆ*. Angelus enim cum Mariæ præsenti
 loqueretur, nomen eius tacuit, quamuis postea trepidantem, & du-
 biam confirmaturus familiariter compellarit ex nomine dicens, Ne
 timeas Maria. Elizabeth etiam nomen *IESVS* proferre non potuit,
 quod licet ab Angelo prænunciatum, nondum tamen impositum
 erat. At Ecclesia vtrumque nomen & Matris, & filij meritò expressit;
 vt dulcissimo matris nomine prolato ad reuertentiam, & deuotionem
 excitemur, nomine verò filij eiusdem matris erga nos beneuolen-
 tiam conciliemus.

2. Posterior pars his verbis exprimitur: *Sancta Maria Mater
 Dei ora pro nobis peccatoribus, nunc & in hora mortis nostræ*. Hoc
 additamentum accepisse creditur magno totius Ecclesiæ gaudio An-
 gelica salutatio in magna Synodo Ephesina, quando beatissima Virgo
 verè Mater Dei, verè Θεοτόκος summo Patrum consensu procla-
 mata, & Nestorius portentosa blasphemiæ auctor exauctoratus, &
 damnatus fuit. Hanc salutationem à delirantium Nouatorum calum-
 niis vindicat multiplicis doctrinæ vir, & exquisitissimus Doctor Pe-
 trus Canisius. Eandem ad Horas Canonicas simul cum oratione Do-
 minica in principio adhiberi vsus est non admodum antiquus. Iure
 communi nunquam statutum fuisse eam dici Martinus Nauarrus di-
 ligentissimus Canonum indagator affirmat. Ante Breuiarium iussu
 Pij V. Pontificis Optimi Maximi reformatum in solo Breuiario
 Cardinalis S. Crucis legebatur. An quia olim dicebantur horæ Cano-
 nicæ de B. Virgine, quæ cum hodie, saltem extra chorum, omittan-
 tur, statutum fuit, vt hac breui oratione Virginis auxilium singulis
 horis imploremus. In hac enim labentis sæculi discriminosa peregrina-
 tione continua Deiparæ protectione indigemus. Quid autem gra-
 tius offerre ei possumus hac salutatione, à qua præcelsa eius digni-
 tas initium duxit: quæ & salutis nostræ, & totius Euangelij auspi-
 catissimum principium fuit? Nam tunc descendit pluuia in vellus,
 tunc rorarunt Cæli desuper, & montes stillarunt dulcedinem, tunc
 aperta est terra, vt germinaret Saluatorem.

Roni. 9 5.

Canis. lib. 3. & 5.
de Virg. Deipara.

Nauar. de orat.
cap. 10. n. 61.

§. III.

DE SYMBOLO APOSTOLORVM.

Quando, & à quibus fuerit institutum. Quædam de symboli nomine. Laudes symboli ex Patribus. Quoties, & quo ritu dicatur.

Cur hoc symbolum Romanum nuncupetur.

1. **P**OST gloriosam Christi Ascensionem, cum sacer dierum numerus compleretur, Spiritus sanctus largiori munere in Apostolos superuenit, eorumque corda tanto repleuit incendio, ut statim per vicos, & plateas Christi gloriam, & diuinitatem prædicantes crediti sint ab insana plebe vini feruore æstuare. Et reuera ebrijerant, non vino, quod apostatare facit sapientes, sed eo quod germinat virgines: eo vino quod lætificat cor, non statum mentis euertit: vino inquam nouo, quod vitis mystica fuderat de excelso: vino nouo quod vtres veteres nec mererentur accipere, nec continere valerent. Tunc cœli distillauerunt à facie Dei Sinai, à facie Dei Israël, & pluuia voluntaria segregata est hæreditati Christi. Tunc variz lingue ab vno ore ingenti prodigio auditz sunt, nam ut canit Rusticus Helpidius,

*Consona diuersas fundit narratio linguas,
Barbara queque suam cognoscit natio vocem,
Quam sacer humano profatur spiritus ore.*

Helpid. in hist.
ver. & noui Te-
stamenti.

Apostoli autem repleti Spiritu sancto Euangelij gratiam in omnem terram diffundere constituerunt, ut omnes gentes quæ sub cœlo sunt, à via perditionis in semitam æternæ vitæ reuocarentur. Ipso itaque omnium artifice agente spiritu: qui omnem habet virtutem, omnia prospicit, priusquam ab inuicem in varias orbis partes separarentur, communem quandam, & vniformem fidei regulam stabilire curarunt: qua tanquam tessera falsi Christi discipuli à veris discernentur. In vnum igitur conferentes, quod quisque dictante Deo sentiebat, symbolum composuerunt, quod ab auctoribus vocamus Apostolorum. Sancti enim Apostoli, ait Clemens Romanus, inter se symbolum fidei condiderunt. De hoc Tertullianus; Fidei, inquit, regula vna omnino est, sola, immobilis, & irreformabilis; & Hanc Ecclesia ab Apostolis, Apostoli à Christo, Christus à Deo suscepit. Et hæc quidem Apostolici symboli origo, & institutio est. Quæ autem sententiæ à singulis Apostolis compositz sint inueniet curiosus lector in Arnalibus Ecclesiasticis. Cur verò regulæ fidei symboli nomen impositum sit, id paucis exequendum est.

2. Συμβολοι à συμβάλλω deriuatur, cuius verbi multiplex est significatio. Significat enim *confero, contribuo, adiungo, comparo, vtendum do, partum in eo, stipulor*. A Cicerone nota, vel signum vocatur id,

Clem. Epist. 1. ad
S. Iacob.
Tertul. de vel.
Virg. c. 1. & de
præscript. c. 21.
& 37.
Baron. an. 44. n.
15. & sequent.

quod Græcis est *σύμβολον*: cumque vox nota, vel signum de variis rebus dicatur, ita & symbolum. Seligam in hanc rem à Grammaticorum dumeris aliquot flosculos. Significat aliquando symbolum, vel symbolum, vel etiam symbola collationem, id scilicet quod in cenam parandam plures conferunt. S. Dorotheus commemorans quanto ardore dum puer esset studiis literarum incumberet, nunquam se ab amicis adduci potuisse ait in symbolum lectionis tempore. Terentius symbolum dedit, cenauit. Et Plautus Symbolatum collatores querendos dicit apud forum piscarium. Idem, Symbolum dabo, & iubebo ad Sagarinum cenam coqui. Simile habetur in sacris literis: *Noli esse in conuiuiis potatorum, nec in comessionibus eorum, qui carnes ad vescendum conferunt, quia vacantes potibus, & dantes symbola consumuntur.* Hegesander apud Athenæum symbolum ab Argiuis nuncupatam ait eam pecuniam, quæ à potantibus conferretur in sumptum conuiuij. Eodem sensu Phrynicius Tragicus apud eundem; Suaue est, inquit, cibum parare absque symbola, id est sine sumptu. Et Chrysippus ibidem recusandam ait a symbolum computationem. Accipitur etiam symbolum pro signo bellico, siue pro tessera, qua socij ab hostibus, & exploratoribus dignoscuntur. Itemque pro insigniis, & vexillis militariibus, ac pro stemmatibus familiarum. De qua re legendi sunt Fl. Vegetius de re militari, Iustus Lipsius in Dialogis de militia Romana, Claudius Minois in syntagmate de symbolorum, & stemmatum ratione, Gabriel Palæotus in opere de sacris, & profanis imaginibus, & Ioannes Antonius Valtrinus de re militari Romanorum. Solet quoque accipi pro quolibet signo, de quo inter aliquos conuenit. Plautus:

*Ea causa miles hic reliquit symbolum,
Expressam in cera ex annulo suam imaginem,
Ut qui huc afferret eius similem symbolum,
Cum eo simul me mitteret.*

Ioannes Tzetzes in Chiliadibus.

*Quod autem consilio factum est, & magis in bellis,
Velut cum extollentibus galeam in hasta,
Cum hostibus commixto, & siquid tale,
Symbolum omne voca mihi; dictumque Iuda,
Quem osculabor apprehendite. ipse est ille.*

Symbola rursus dicuntur notæ arcani cuiuspiam mysterij significatiue, vt cum dicimus ciconiam esse symbolum pietatis, leonem fortitudinis. Quo sensu Nicephorus Patriarcha Constantinopolitanus libro de Chetubinis à Moyse factis dixit; Symbola ea sunt, quæ dissimiliter per ænigmata nos ad ea reuocant, quorum sunt symbola. Eodem sensu nos hunc tractatum symbolicum inscripsimus, quia per ea, quæ in diuinis Officiis exteriora sunt, ad interiora & spiritualia assurgimus.

Dorotheus doct. 10.

Terent. in Andr.
act. 1. sc. 1.
Plaut. Curcul. act.
4. sc. 1.
Idem in Stich.
act. 3. sc. 1.
Prou. 23. 10.
Athen. in lib. 8. in
fin. idem l. 6. c. 3.

Idem lib. 1. c. 7.

Veget. lib. 1. c. 5.
Lips. lib. 4. dial. 5.
& 12.

Palæotus lib. 2. c.
45. & seqq.
Valuin. lib. 3. c. 9.

Plaut. in Pseud.
act. 1. sc. 1.

Tzet. chil. 7. v.
910.

Nicephor. cap. 1.

assurgimus. Theologia item symbolica sub eadem significatione à magno Dionysio Arcopagita tum in libro de hoc argumento qui temporum iniuria interiit, tum in aliis passim quæ extant operibus doctissimè explicatur, quæ item tradiderunt alij viri sapientissimi, nimirum Ioannes sapiens Cyparissiorum in expositione elementaria eorum, quæ de Deo dicuntur: Clemens Alexandrinus libro quinto Stromatum, Eucherius Lugdunensis in libro formularum spiritualis intelligentiæ, Sanctes Pagninus in Isagoge ad mysticos scripturæ sensus, Nicolaus Caussin in Polyhistore symbolico, Ioannes Goropius Becanus, Antonius Ricciardus Brixianus, & alij quos refert Maximilianus Sandæus in sua symbolica Theologia. Sunt item symbola breves quædam sententiæ quidpiam reconditum significantes, quæ à Græcis allegoremata appellantur: cuius generis sunt symbola Pythagorica, de quibus Iamblicus in vita Pythagoræ, & Cyrillus Alexandrinus aduersus Iulianum. Pausanias in Arcadicis aquam è fontibus non utique magnis, sed numero pluribus ortam symbolam vocat, quod in vnum confluat locum. Est tandem symbolum apud Aristotelem etymologia vocabulorum apud Iulium Pollucem paruum numisma, siue tessera nummaria; apud Budeum literæ collybisticæ ad pecuniæ permutationem, apud Suidam augurium, omen, vaticinium, pactum, mensura, sigillum, indicium. Sunt & aliæ minutiores, ac improprie significationes, quibus prætermisissis notandum est Catholicæ fidei confessionem duplici sensu Apostolorum Symbolum nuncupari, tum quia singuli eorum aliquid in vnum contulerunt, ut explicat Augustinus: tum quia illa veluti tessera fideles ab infidelibus discernuntur. Ita Maximus Taurinensis initio Homiliæ in traditione symboli: Beati Apostoli mysterium symboli tradiderunt, ut quia sub vno Christi nomine credentium erat futura diuersitas, signaculum symboli inter fideles, perfidosque secerneret, & alienus à fide, atque hostis appareret Ecclesiæ. Lucas Tudenensis ad hanc rem, Symbolum, ait, indicium est, quia indicat cui credere debeamus.

3. Porro sancti Patres præclaris laudum encomiis ipsum Symbolum commendant. Augustinus omnibus hac parte anteponendus; Symbolum, inquit, est breuiter complexa regula fidei, ut mentem instruat, nec oneret memoriam: paucis verbis dicatur, vnde multum acquiratur. Doctrina symboli virtus est sacramenti, illuminatio animæ, plenitudo credentium: breue est verbis, sed magnum sacramentis totum continens compendio breuitatis. Ex ista fidei confessione, quæ breuiter symbolo continetur, & carnaliter cogitata lac est paruulorum, spiritualiter autem considerata cibus est fortium, nascitur spes bona fidelium, cui charitas sancta comitatur. Chrysologus quouis nequitate suauior: Hoc spei pactum, hoc salutis placitum, hoc vitæ symbolum, hanc fidei cautionem mens teneat, conferuet memo-

Sanctus 1. 6. com. 5.

Iamblic. in 1. 2. Cyril. lib. 9.

Aug. vel alius auctor serm. 115. de Temp.

Luc. Tuden. lib. 1. adu. Albigen.

Aug. serm. 109. & 191. de Temp. & Ench. ad Laur. cap. 114.

Chrysol. serm. 59. in fin.

ria: ne Diuinitatis pretiosum munus depretiet charta vilis, ne mysterium lucis atrum tenebret attramentum, ne secretum Dei habeat indignus, & profanus auditor. Cytilus Alexandrinus Attici leporis abfolutum exemplar: Sufficit nobis diuina Scriptura, & sanctorum Patrum sobrietas, & symbolum illud fidei, quod ad omnia rectè habenda ritè concinnatum est. Etherius Episcopus Vxamensis: Quicquid foras symbolum est, hæreticorum verba sunt. Optatus Mileuitanus: symbolum sigillum est Catholicæ fidei. Paschasius Cardinalis: Apostolica sollicitudo fidem Catholicam in simbolo mira breuitate collegit, ac velut ex innumeris aromatibus pretiosum confecit vnguentum, cuius odor omnes fines terræ potentia fragrantia spiritualis impleuit, vt in ipso vniuersitatis assensu virtus appareat veritatis. Leo magnus Romanæ Ecclesiæ Antistes: Catholici symboli breuis, & perfecta confessio, quæ duodecim Apostolorum totidem est signata sententiis, tam instructa est munitione cælesti, vt omnes hæreticorum opiniones solo ipsius possint gladio detruncari. Ioannes Cassianus vir doctrina, & pietate summus: Hoc symbolum est verbum breuiatum quod fecit Dominus, fidem scilicet duplici testamenti sui in pauca colligens, & sensum omnium scripturarum in brevia concludens, sua de suis condens, & vim totius legis compendiosissima breuitate perficiens. Consulens scilicet in hoc vt piissimus Pater vel negligentia quorundam filiorum suorum, vel imperitiæ: vt non laboraret vique quamvis simplex, & impetita mens capere, quod possit facillè etiam memoria contineri. Eusebius Emisenus, seu potius sub eius nomine Eucherius Lugdunensis: Quomodo si aliquis possessor diffusus, ac locuples migraturus ad aliam regionem quascunque opes habet in aurum, & gemmas redigat, & intra vnum sacculum congreget bona sua non cumulo æstimanda, sed pretio, vt facillè quocunque vadit suas secum possit ferre diuitias concludens in sinu suo thesaurum: ita & Ecclesiarum Magistri studiosissimi salutis nostræ negotiatores in Scripturis sanctis de magnis maxima separauerunt in pagina mentium inscribenda, vt cuilibet cordi quamlibet angusto, quamlibet rustico sine vllius difficultatis impedimento facillè insinuari possit veritatis agnitio, vt ad parandum, & tenendum cælestis sapientiæ vitale carmen, & salubritas inuitaret, & breuitas; vt quodammodo de hoc symboli breuissimo textu Propheta dixisse videatur, Verbum breuiatum faciet Dominus super terram. Nullus encomiorum finis erit, si omnia prosequi libeat. Quid est enim symbolum? breuiarium Christianæ fidei. Iam quid sublimius, quid laudabilius fide? O fides, exclamat Ambrosius, thesaurus omnibus opulentior, ô vulnere nostrorum, peccatorumque medicina præstantior. Hæc est nimirum, teste Bernardo, quæ velut quoddam æternitatis exemplar præterita simul & præsentia, & futura sinu quodam vastissimo comprehendit,

Cytil. Alex. Ep. 29.
ad Acacium Epif.

Ether. lib. 1. adu.
Elipandum.
Optat. lib. 2. adu.
Parmen.
Paschas. in præf. l.
de Spirit. sancto.

Leo Ep. 13. ad Pul-
cheriam Aug.

Cassian lib. 6. de
Incaruat. cap. 3.

Eucher. Hom. 1. de
symbolo.

Ambros. lib. 2. de
fide cap. 4.

Bern. serm. 6. in
vig. Nat. Domini

vt nihil ei pratereat, nihil pereat, præeat nihil. Denique *sine fide impossibile est placere Deo.*

METRUM XXXVIII,

N Vmen corusco sidere pulchrius
 Non visitatis per liquidum æthera
 Vidi triumphans curribus, & vagos
 Circumvolantes Aligerum choros.
 Quis credet? ingens iam nebule globus
 Clarique nimbus luminis aëra
 Perrumpit æthere non sine gaudio,
 En iam beatis septa cohortibus
 Regina celso venit ab æthere.
 Agnosco vultum: nam fidei sacra
 Dudum mihi sunt cognita stemmata,
 Sanctæque felix religio Crucis.
 Quæ forma, & oris quanta serenitas
 Qualis venustas! Audio iam propè
 Vocem loquentis, iam resonat polus,
 Fauete linguis: nil humili iuuat
 Cantare pleçtro, fas mihi grandia
 Non dicta pristis carmina vatibus,
 Fas & superni sit mihi Numinis
 Arcana cunctis gentibus eloqui.
 Fas sit canoris versibus ardui
 Tentare cæli difficiles vias.
 Nec me pauentem sancta fides vetes
 Incomparande vim sapientiæ,
 Verique fontem, lucis & igneas
 Lustrare sedes, & superum domos.
 O grata summis cælitibus fides,
 Per quam sereni semper iter poli
 Cunctis apertum terrigenis patet.
 Tu sola nobis dat penetralia
 Semper verendi noscere Numinis,
 Tu sola Trinum fallere nescia,
 Vnumque dicis, quem colimus Deum.
 Diuinitatis principium Pater,
 Auctor bonorum sufficiens sibi,
 Immensus, omni principio carens,
 Expers fugacis temporis, ac modi,
 Dum se beatus, cunctaque perspicit,
 Verbum paternæ mentis imaginem,
 Prolemque gignit per similem sui.
 Sed cum Parentem Filius inspicit,

*Amans amantem diligit, atque Amor
 Spiratur unus, tertia scilicet
 Persona summum perficiens chorum:
 Vtrique compar Numine simplici.
 Post hac ad extra ter triplici gradu
 Rerum creator per sobolem suam
 Distincta cæli condidit agmina.
 Sed dum supremi de numero chori
 Unus recepta dote superbiens
 In conditorem spirituum ferox
 Insanientum prælia concitat,
 Hæu! pulsus amplo carruit æthere,
 Præcepit rebelli cum comitum grego -
 Damnatu igni carcere in infimo.
 Tunc è rubenti pulvere compotem
 Mentis creavit proponiem, boni
 Summi capacem, ni stygijs dolis
 Seductus eheu! mox hominum parens
 Omnes eodem crimine posteras
 Fecisset hosti credulus improbo.
 Natis misertus sed miseris Deus
 Offensionis debita noxia,
 Et dira soluit vincula criminum.
 Lignum salutem terrigenis dedit,
 Si prima lignum perniciæ fuit.
 Nam missus alto de folio Patria
 Mortale corpus Filius induit
 E ventre pure Virginis eductus:
 Ferroque fixus supplicium grana
 Iniuriose sustinuit crucis,
 Ut que Draconis concideras dola,
 Gentem paterno redderet ætheri.
 O ter beatos calituum choros,
 Quos scripta cælo pagina censuit.
 Jam vincla mortis, iam stygia fera
 Timenda non sunt castra tyraonidis:
 Victor resurgit Christus ab inferis,
 Infertque fratrum primitius polo,
 Venturus inde est, cum sonitus ætheris
 Omnes tremendo iudicio offerret.
 Sed quo furenti concita spiritum
 Mens tendit audax? Desine, desine,
 Et magna parnis ne, quænes modis.*

¶ Ambrosius de quotidiana recitatione Symboli hæc habet: Symbolum quoque specialiter debemus tanquam nostri signaculum cordis antelucanis horis quotidie recensere: quò etiam, cum horum aliquid, assidue recurrendum est. Quando enim sine militiæ sacramento miles in tentorio, bellator in prælio? Radulphus Tungrensis de eadem re sic scribit: Multorum Episcoporum statutum erat ut clerus, & populus manè, & serò preces & orationes Deo funderent cum Pater noster, & Symbolo. Damasus Papa orthodoxæ fidei Symbolum ad omnes horas diuini Officij recitari statuerat, ut refert ex eius vita Polydorus Virgilius. Timotheus quoque Constantinopolitanus Symbolum fidei, ut narrat in Collectaneis Theodorus Lector, per singulas synaxes dici curauit, ad reprehensionem videlicet Macedonij Patriarchæ Catholici, ac si ille Symbolum hoc non recepisset. Timotheus enim cum esset hæreticus Patriarchalem regiæ vrbs sedem ab Anastasio Imperatore obtinuerat pulso in exilium Macedonio. Nunc ter in die dici solet, ante Nocturnos, & Primam, & in fine Completorij. Nocte dicitur, ut per professionem fidei gratias agamus Deo, qui nos eduxit de potestate tenebrarum in lucem Euangelij. *Eratis enim aliquando tenebræ*, ait Apostolus, *nunc autem lux in Domino: ut filij lucis ambulate, & nolite communicare operibus infructuosis tenebrarum.* Nocte etiam dicitur, quia fidei cognitio obscura est, & caliginosa: videmus enim per speculum, & in ænigmate, donec fidei succedat beata visio. Ante Primam orto iam sole, & in fine Completorij post eiusdem occasum eadem fidei protestatio repeti consuevit, ut à fide feliciter incipientes in eadem constanter perseueremus, Notandum verò quod in hisce Officiis ipsum Symbolum secretò dicitur, quia, ut docet Angelicus Doctor, Symbolum Apostolorum tempore persecutionis editum fuit fide nondum publicata, idcirco occultè dicitur quasi contra tenebras errorum præteritorum, & futurorum. Notandum præterea quod Ecclesia Romana ipsum Symbolum quandoque repetit in precibus Primæ, & Completorij: tunc autem partim secreta, partim clara voce recitatur, quia videlicet *Corde creditur ad iustitiam, ore autem confessio fit ad salutem*, Fides cordis, ait Bernardus, sine oris fide aut nulla est, aut parua. Crede ergo, & confitere: nihilominus confitere, & crede, quia fides ad iustitiam, confessio fit ad salutem.

§. Superfluum hic existimo explanationem Symboli adtexere, quæ per se potest à sanctis Patribus, aliisque Scriptoribus, Inter opera Cypriani habetur expositio Rufini dignissima quæ legatur. Symbolum quoque explicant Ambrosius *tractatu in Symbolum Apostolorum*, Leo Magnus *Sermone 11. de Passione Domini*, & *Sermone contra heresim Eutychetis*: Augustinus *de fide*, & *Symbolo*, *de Symbolo ad Cathecumenos*, in *Enchiridio ad Laurentium*, & in multis Ser-

S l iij

Ambros. lib. 3. de Virgin.

Radulph. prop. 14.

Polyd. Virg. l. 6. de inu. rerum c. 2.

Theodor. collect. lib. 2.

Ephes. 5. 8.

D. Thom. 2. 2. q. 1. art. 9. ad 4.

Bern. Serm. 3. de S. Andree.

Aug. Ser. 109. 123. 111. 192. 194. de temp.

monibus: Chrysostomus *tomus 1. Homilia de Symbolo, quam tamen ex-
xistimo esse auctoris Latini*: Venantius Fortunatus *exegesi in symbo-
lum*: Chrysologus *Sermone 56. & sequentibus*: Athanasius *Epistola
ad Iovinianum*: Maximus Taurinensis *Homilia de expositione sym-
boli*: D. Thomas *Opusculo 16*. Dionysius Carthusianus *Opusculo de
vita Curatorum*: & ad caprum communem Catechismus Romanus.
Scripsit etiam in Symbolum Apostolorum doctè & diffusè vir venera-
bilis Angelus del Paz duobus romis, quorum primus editus est Ro-
mæ, secundus extat M. S. apud Lucam Radingum. De Symbolo Nicæ-
næno, siue Constantinopolitano, quod in Missa cantatur non est hic
tractandi locus. De Symbolo Athanasij agendum infra hoc eodem
capite. His omnibus antiquius est Symbolum Apostolorum, quod
quia Romana Ecclesia nulla vnquam hæreseos labe infecta integrum
semper custodiuit, ideò à Vigilio Episcopo Tapensi Symbolum Ro-
manum nuncupatur. Sauè olim ob hanc causam Symbolum Nicæ-
num nequaquam Romæ cantabatur, cœpitque cantari hortatu Hen-
rici Imperatoris sub Benedicto octauo, idque Berno Augiensis testis
ocularus, qui cum Imperatore aderat, scribit. Ita Baronius, qui &
addit: Placent ista, sed nobis gratius, si venerandæ antiquitati anno-
rum mille magis delarum fuisset, quam nouitari. Finio, illudque fugi-
gero Lectori meo, vt meminisse velir fidem sine operibus mortuam
esse. Audiamus Bernardum, cœlestis doctrinæ pabulo nos abundè re-
ficiet. Credis in Christum? fac opera Christi, vt viuat fides tua. Fi-
dem tuam dilectio animet, prober actio. Non incuruet terrenum op-
pus, quem fides cœlestium erigit. Qui te dicis in Christo manere,
debes sicut ipse ambulauit, & tu ambulare. Quod si propriam glo-
riam quæris, florenti inuides, absenti detrahis, reponis lædenti te:
hoc Christus non fecit. Confiteris te nosse Deum, factis autem ne-
gas. Non rectè planè, sed impiè linguam Christo, animam dedisti
Diabolo. Vides quod non faciat hominem rectum fides etiam recta,
quæ non operatur ex dilectione. Sed nec opera quamuis recta rectum
cor efficere sufficiunt sine fide. Rectas ergo studeamus facere vias
nostras, & studia nostra: leuemus corda nostra cum manibus ad
Deum, vt toti recti inueniamur fidei nostræ rectitudinem rectis acti-
bus comprobantes. Vt enim, ait Sanctus Calixtus Papa, Non benè
viuit, qui non rectè credidit.

Dionysf. art. 21.

Vigil. initio l. 4.
adu. Eutychem.

Berno Aug. c. 2.
Baron. ad. 1014.

Bern. Serm. 24 in
Cant.

Calixt. epist. 1.

§. IV.

DE HORARVM INITIO.

Cur à versu Domine labia mea aperies incipiat nocturna synaxis. Quid sit mysticè aperiri labia. Completorio cur præmittatur hic versus, Conuertere nos Deus salutaris noster. Conuerso vera quæ sit. Ira Dei duplex. Vsus multiplex huius versiculi, Deus in adiutorium meum intende.

1. **O**Mnes horæ Canonice à primo versiculo Psalmi sexagesimi noni, *Deus in adiutorium meum intende*, vsu immemorabili incipere solent. Huic in Nocturna synaxi versum *Domine labia mea aperies* ex Psalmo 30. præmittit Ecclesia Romana, postponunt Monachi. In Completorio autem præponitur ferè ab omnibus Ecclesiis Psalmi 84. versiculus *Conuertere nos Deus salutaris noster, & auerte iram tuam à nobis*. Initio itaque nocturnæ precis labia clausa in Completorio petimus aperiri, Dominum exorantes, vt qui labia olim Prophetæ calculo mundauit ignito, nostra quoque dignetur purgare, & aperire. Nam cum dicat Scriptura, *Non est speciosa laus in ore peccatoris*, quis audeat diuinas laudes immundis labiis decantare, ni prius obstructa per peccatum oris claustra misericorditer aperiat ille, qui solus potest facere mundum de immundo conceptum semine? Nemo enim potest laudare Deum, nisi Deus aperiat labia, vt ostendit Augustinus contra duas epistolas Pelagianorum. Alioquin sugillabit nos durissima illa exprobratione, *Quare tu enarras iustitias meas, & assumis testamentum meum per os tuum? Tu verò odisti disciplinam, & proiecisti sermones meos retrorsum*. Ad rem Chrysostomus: Peccatum suapte natura linguam astringit, & os obturat. Quam sententiam complens Ambrosius ait; Cuius ergo labia aperit Deus, hunc peccati absoluit reatu. A vinculis itaque peccatorum absolui petimus, cum dicimus, Domine labia mea aperies. Et quia iustus prior accusator est sui, accusamus nos ipsos ante orationem confitentes peccata nostra, quatenus reconciliati per gratiam Dei facilius exaudiri mereamur. De impiis scriptum est, quia dixerunt, *Labia nostra à nobis sunt, quis noster Dominus est?* Et ideo oratio illorum erit execrabilis: At labia Sponsæ, labia fidelis animæ dulcia, & purpurea dicuntur esse sicut fauus distillans, sicut vitæ coccinea. Cum ipsi sponso, inquit Gilbertus Abbas, Sponsa loquitur, tunc loquitur in loquela dulcioris labij, & lingua altera. Tunc cordis labia verè melle delectationis distillant diuinæ: imò non tam distillant, quam fluunt, quoniam hora illa in melleas affectiones rota conuertitur. Beata vicissitudo, quando de corde Sponsæ quadam fluente mellis emanant in Dilectum, & ab ipso redundant in Spon-

Eccli. 15. 9.

Aug. lib. 2. cap. 8.
Psalm. 49.

Chryl. in ps. 30.
Ambros. ibid.

Psalm. 11.
Cant. 4. 3. 11.

Gilbert. in Canc.
Scrm. 34.

fam. Ad locum enim vnde exeunt hæc mellis flumina reuertuntur, vt iterum fluant. Boni faui in labiis Sponsi, & Sponsæ eructantes ex hoc in illud, & inuicem roantes auoris dulcedinem. Ille desuper irrorat gratiam, ista deorsum actionem gratiarum. Rursus labia Sponsæ purpurea dicuntur esse sicut vitæ coccinea. Per coccinum enim charitas intelligitur, quæ est vinculum perfectionis; sicut autem vitæ constringit crines, ne dissilant; sic anima Deo dilecta labia sua cohibet, ne verbum malum, & inutile proferens extra se diffundatur. *Aperitio oris illius inflammatio est.* & semper laus Dei in ore ipsius.

2. Cum autem Oratio cordis sit, non labiorum; miror cur Ecclesiastica orationem labia sibi, non cor postulet aperiri. Sed notandum quod vsus labiorum non tantum ad eloquium, sed etiam ad osculum est: consociant enim se mutuò osculantium labia, animis videlicet ad mutuum congressum accedentibus, vt ait Chrysostomus: cumque templum Dei simus, sicut limina templi, ita os osculamur, per quod ingreditur Christus, quando communicamus. Igitur Ecclesiastica dum dicit, *Domine labia mea aperies*, non tam petere videtur diuinum auxilium ad laudes eius dignè annunciandas, quam mysticam labiorum purificationem ad castissimum dilecti osculum recipiendum. Felix anima, quæ propriæ conscientie testimonio intus erudita cœlestis Sponsi osculo se idoneam cognoscit. Felicior, quæ vnctione magistra sentiens quanta sit gratia diffusa in labiis Sponsi, osculum eius iam amore æstuans fiducialiter petit. Felicissima planè, quæ ad ipsum osculum dignanter admissa diuinæ suauitatis inenarrabile gaudium in seruore spiritus experitur, & torrente vberissimo semperternæ voluptatis in plenitudine gratiarum inebriatur. O mihi liceret è fœtenti cœno iniquitatum mearum tantisper assurgere, & terrenarum sordium excusso puluere te Domine deprecari, vt labia mea aperias, & oris impuritatem emundes. Peccaui enim, iustissime Iudex, qui iudicas æquitatem, peccaui in cœlum, & coram te: iam non sum dignus leuare oculos meos à terra, quanto minus videre faciem tuam, ad oris tui osculum aspirare? Prouoluar itaque pauidus, & tremens ante vestigia pedum tuorum, & de intimis viscibus longa trahens suspiria lacrymis meis pedes tuos rigabo. Plorabo coram te, qui fecisti me, mala quæ feci; nec à planctu, & oratione cessabo, donec audiam auditionem bonam, verbum consolationis; *Remittuntur tibi peccata tua: donec dicas, Consurge, consurge, excutere de puluere, solue vincula colli tui captiua filia Sion: donec sonet in auribus meis vox illa gratissima, Ecce sanus factus es, iam noli peccare.* Tunc adiutus gratia tua, auctus virtute, fiducia confortatus non confundar præsumere potiora. Erectus de stercore sededo forsitan cum Principibus, & robur accipiens à potenti dextera tua faciem tuam Domine requiram, & quod non sine pauore, ac tremore dico,

ad

Ecclesi. 10. 15.

Chryf. Hom. 30.
io 2. ad Cor.Luc. 7. 47.
Isai. 52. 1.

Ioan. 5. 14.

ad os tuum caput attollam, sperans omnino ut adimpleas me lætitia cum vultu tuo.

M E T R V M X X X I X.

O Tremende Rex pauperum,
Vindex maxi me criminum.

Cui potestas, & maligni
Vis est arbitra peccatoris.

Te requiro, ad te reuertor,
O mentis vigor, & amor.

Qui labores, & dolores,
Et curas hominum vides.

Parce fonti, parce seruo
Mortis perpetua reo,

Quem catenis alligatum
Hostis tartareus tenet.

Tolle culpas, solve nexum,
Ut te perpetuo caviam.

Ut videntes me solum
Vinculis horribilis necis

Angelorum turba psallant
Quae spes sit lacrymantibus.

3. Solent corporales indigentiae, rerumque labentium curae, & variarum imaginum confusa phantasmata orantium mentes per diem saepius distrahere, & perturbare: quapropter initio Completorii, quod ultimum diei Officium est, versiculum illum decantamus, *Conuertere nos Deus salutaris noster, & auerte iram tuam a nobis.* Hac enim hora ab officiis actiuae vitae ad contemplationis studium conuertimur, & sedato carnalium affectionum tumultu gustare, & videre desideramus quam bonus sit Deus. Per peccatum auertitur homo à Deo, & conuertitur ad creaturam: *Auertunt se,* inquit, *Psalm. 77.* *& non seruauerunt pactum, & facti sunt abominabiles, sicut ea quae dilexerunt.* Dum verò per poenitentiam reuertitur quis ad Deum, Deus eum conuertit ad se per immisionem gratiae, & ab eodem iram suam auertit per remissionem poenae. Quid est autem quod cum oramus, *Conuertere nos Domine ad te, & conuertemur:* ipse è contrario respondet *Conuertimini ad me, & ego conuertar ad vos?* An hoc nimis mirum, quod fides Catholica protestatur, arbitrij nostri libertatem cum gratiae praeuenientis efficacitate inconcussam manere, adeoque nos liberè Deum trahentem sequi, sicut ille fortiter nos trahit, qui dixit, *Nemo potest venire ad me, nisi Pater meus traxerit illum?* Ioan. 6. 44. Sic ait Bernardus Theologus verè Theodidactus: Tolle liberum arbitrium, non erit quod saluetur. Tolle gratiam, non erit vnde saluetur. Nec dare potest salutem nisi Deus, nec capere valet nisi liberum

Psalm. 77.

Osee 9. 10.

Thren. 5. 12.

Zach. 1. 3.

Ioan. 6. 44.

Bern. de grat. & lib. arbitrio.

Sedul. in epist. ad
Rom. cap. 9.

arbitrium. Sedulius quoque in explicatione Epistolæ Pauli ad Romanos; Velle, inquit, & currere meum est, sed ipsum meum sine Dei auxilio non est meum: nam ipsa voluntas à Domino præparatur, & Deus est qui operatur in nobis & velle, & perficere. In nullo igitur gloriandum, ut Ecclesia Lugdunensis in libro de tribus Epistolis docet, quia nostrum nihil est, & sine me nihil potestis facere, dicit Dominus: tanta est tamen bonitas Dei, ut nostra velit esse merita, quæ sunt ipsius dona. Sed hæc acerrimis scholasticorum concertationibus diu in scholis agitata rutilius est simpliciter credere, quam mendaci hominum statera curiosius examinare. Nam, sicut eleganter scribit S. Prosper Rhegiensis Episcopus, quæ sit discretionis istius in secreto consilio Dei causa, vel ratio, & supra facultatem humanæ cognitionis inquiritur, & sine fidei diminutione nescitur: modo confiteamur neminem immeritò perdi, neminem meritò liberari. Nisi enim Deo vocante, docente, saluante, nemo venit, nemo eruditur, nemo saluatur.

Prosp. ep. ad Ru-
finum de grat. &
lib. arbitrio.

Bern. Ser. 2. in
cap. ieiunij.

4. Illud autem quod præcipit Dominus, ut conuertamur ad ipsum, existimat Bernardus doctor egregius esse mysterium regni Dei, & secretum consilium, quod solis credatur amicis. Nam quo me veritam, inquit, ut conuertar ad te Domine Deus meus? *Si ascendero in celum, tu illic es: si descendero in infernum, ades.* Quo conuertar ad te? Supra, an infra? ad dexteram, an ad sinistram? Audiamus scripturam, quam conuersionem nos edoceat. *Nisi conuersi fueritis, & efficiamini sicut paruulus iste, non intrabitis in regnum celorum.* Agnosce planè quo velit Dominus, ut conuertamur. Ad paruulum conuerti necesse est, ut discamus ab eo, quia mitis est, & humilis corde. Ad hoc si quidem paruulus datus est nobis. Quid inflaris? homo? Quid extolleris sine causa? Sublimis quidem Dominus, sed non ita proponitur tibi, ne fortè dicas, eleuata est magnificentia eius super cælos, & non potero ad eam. Protinus vos filij Adæ, ait Abbas Igniacensis, qui nimis grandes estis in oculis vestris, & in gigantæam enormitatem per superbiam excreuistis: *Nisi conuersi fueritis, & effecti sicut paruulus iste, non intrabitis in regnum celorum.* Ego sum ostium regni, ait paruulus iste: nisi incuruetur altitudo virorum, non eos admittet humilitatis ianua. Ideo nimirum conuassabit capita in terra multorum: & qui elati accedunt, repulsi capite illiso cadent retrorsum. Quid enim? Adhuc tu superbis terra, & cinis, postquam Deus factus est humilis? Adhuc magnus es in oculis tuis, postquam Deus paruulus factus est sub oculis tuis? Ille semetipsum exinanivit, ut penè videretur esse nihil, sine quo factum est nihil: & tu in immensum inflaris, extolleris existimans te aliquid esse, cum verè sis nihil. Ipse te seducis. Quod si verè humiliatus fueris, & in toto corde reuersus ad omnipotentem, tunc fiet sermo, qui

Guerric. Ser. 1. de
Nat. Domini.

scriptus est: *Conuertam eos, & miserebor eorum, & erunt sicut fuerunt, quando non proieceram eos.* Ideò post petitionem conuersionis oramus consequenter; Et auerte iram tuam à nobis: nam impietas impij non ei nocebit in quacunque die conuersus fuerit ab impietate sua. Loquimur autem de ira Dei, quæ ad interitum peccatores perducit, de qua scriptum est: *Nequando irascatur Dominus, & perentis de via iusta.* Alià enim ira, qua peccantibus irascitur ad salutem, desideranda nobis est, summisque precibus flagitanda, ne forte dicat Dominus, *Recessit zelus meus à te, vltra non irascar tibi.* Oro Domine, vt irascaris mihi in præsentī seculo, quatenus in futuro misericordias fideles consequi merear. Verumtamen cum iratus fueris, misericordias memor eris, sicut dicit Psalmus: *Iratus es, & misertus es nobis.* O ira misericors, exclamat Berengolius Abbas, quæ sic irascitur, vt subueniat: sic minatur, vt parcat: sic auferit, vt restituat: sic tradit, vt eripiat: sic destruit, vt muniat: sic abiicit, vt recipiat. O quam salubris indignatio, quæ sic auertit, vt respiciat: sic claudit, vt aperiat: sic exigit, vt dimittat: sic deiicit, vt erigat: sic perdit, vt requirat: sic amittit, vt custodiat. O ira misericors, & incomparabilis misericordia, quæ ab omnibus vitiis humana semper emundat præcordia: per quam peccator inuitatur ad veniam, iustus ad vitam, martyr ad palmam, confessor ad gloriam. Non enim misereatur, nisi irascatur, qui ob hoc prius irascitur, vt postea misereatur. Præuenit enim ira, vt sequatur misericordia: præuenit lacryma, vt sequatur venia: præuenit penitentia, vt sequatur indulgentia.

Zach. 10. 6.

Psalm. 6.

Psalm. 59.

Bereng. Ser. 1. de SS. Martyrib.

5. Cistercienses Monachi, qui Regulam S. Benedicti ad litteram exactissimè obseruant, memoratum versiculum ante Completorium cantare non solent, id enim in Regula non inuenitur expressum, cum dicat S. Pater; In primis semper diurnis horis dicatur versus, *Deus in adiutorium meum intende.* Porro hunc versum, *Deus in adiutorium meum intende,* semper in vsu fuisse apud antiquos Monachos Cassianus rei monasticæ solertissimus, & primarius auctor exequitur. Hic namque versiculus, ait ille, non immeritò de toto scripturarum excerptus est instrumento. Recipit enim omnes affectus quicunque inferri humanæ possunt naturæ, & ad omnem statum, atque vniuersos incurfus propriè satis & competenter aptatur. Habet siquidem aduersus vniuersa discrimina inuocationem Dei, habet humilitatem piæ confessionis, habet solitudinis ac timoris perpetui vigilantiam, habet considerationem fragilitatis suæ, exauditionis fiduciam, confidentiam præsentis, semperque astantis præsidij. Qui enim iugiter suum inuocat protectorem, certus est eum esse semper præsentem. Habet amoris, & charitatis ardorem, habet insidiarum contemplationem, inimicorumque formidinem, quibus

Benéd. reg. c. 18.

Cassian. coll. 1. cap. 10.

perspicuens semetipsum diu noctuque vallatum, confitetur se non posse sine sui defensoris auxilio liberari. Hic versiculus omnibus infestatione demonum laborantibus inextinguibilis murus est, & impenetrabilis lorica, ac munitissimus clypeus. Huius versiculi Oratio in aduersis ut eruanur, in prosperis ut seruemur ne extollamur, incessabili iugitate fundenda est. Huius inquam versiculi meditatio in tuo pectore ininterrupta voluatur. Hunc in opere quolibet, seu ministerio, vel in itinere constitutus decantare non desinas. Hunc & dormiens, & reficiens, & in ultimis naturæ necessitatibus meditare. Hæc & alia plura diffusissime Cassianus. Tanto autem sollicitius diuinum auxilium initio orationis inuocandum est, quanto acrius in tempore inuisibiles hostes contra nos certamen instituunt. Nam, ut S. Ioannes Climacus scribit, Cum insonuit signum spiritualis tubæ ad orationem vocans inuisibiliter conueniunt inimici: & alij quidem cum expectati fuerimus nos ut iterum decumbamus lectulo hortantur. Expecta, inquit, dum compleantur principales hymni, sicque demum in Ecclesiam proficisceris. Alij cum ad orationem assistere cœperimus nos in forum præcipitant. Alij suadent ut inuicem in Ecclesia colloquamur. Alij præter consuetudinem ventrem immodicè stimulant. Alij mentem nostram in turpes cogitationes pertrahunt. Alij super parietem reclinare nos ut debiles admonent. Nonnunquam verò oscitare etiam immodicè faciunt. Nonnulli risum nobis mouent, ut per hunc ad indignationem contra nos Deus prouocetur. Alij per suam inuidiam festinare nos in versuum pronuntiatione impellunt. Alij contra Psalmodiam protrahere voluptatis causa hortantur. Nonnunquam verò ori etiam assidentes nostro ita illud claudunt, ut vix aperiri posse videatur. An autem verus Ecclesia ante D. Benedictum horis Canonicis hunc versiculum præmiserit incertum est: nec extat huiusmodi ritus indicium aliquod apud antiquos Scriptores, & quod modò ex Cassiano recitamus de priuata oratione intelligi debet, ut Ioannes Lorinus vir multæ lectionis obseruat.

Climac. gr. 18.

Lorin. in ps. 69.

§. V.

DE SIGNO CRUCIS.

Hæc Canonice à signo Crucis incipiunt. Signi huius antiquitas, & virtus ex sanctis. Quæ ratione manu exprimitur. Alia quedam de Cruce obiter notantur.

1. **A** Saluberrimo signo Crucis omnes horas Canonicas aspiciari solemus. Nam dum Sacerdos sacrarum precum initio diuinum postulat adiutorium, eo nos contra diabolicas fraudes armamus, orantes fieri nobiscum signum in bonum, ut videant qui

oderunt nos, & confundantur, quoniam Dominus psallentes adiuvatur, & consolatur. Huius tremendi, ac sacratissimi signi quanta sit virtus, quanta antiquitas, quanta potentia, si collectis hinc inde à sanctis Patribus, aliisque Scriptoribus Ecclesiasticis sententiis, & testimoniis accuratè recensere voluero, integrum volumen scribendum erit, adeò multa mihi est in hanc rem parata suppellex. Ex vberissima igitur messe spicilegium faciam. S. Clemens Romanus signum Crucis appellat infractum signum, quia sicut signum rem custodit, cui appositum, & impressum est, ita Crux munitissima rerum omnium custodia est. Sanctus Ignatius Epistola ad Philippenses; Crux Christi perditio diaboli. Sanctus Martialis Epistola ad Burdigalenses, Crucem Domini, in quem credidistis, semper in mente, in ore, in signo tenete, Crux enim Domini armatura vestra. Dionysius Areopagita docet signum Crucis ad omnia sacramenta adhiberi. Iustinus Martyr, siue Auctor questionum apud ipsum, à diebus Apostolorum usum ostendit emanasse, quo Christiani dextera manu seipsos, & alia signo Crucis obsignant. Tertullianus notissimum illud scripsit. Ad omnem progressum, atque promotum, ad omnem aditum, atque exitum, ad vestitum, ad calcatum, ad mensas, ad lavacra, ad luminaria, ad cubilia, ad sedilia, quacunque nos conversatio exercet, frontem Crucis signaculo terimus. Origenes, Quid timeant, inquit, demones? quid tremunt? sine dubio Crucem Christi, in qua triumphati sunt, in qua exulti sunt Principatus eorum, & Potestates: Timor ergo, & tremor cadent super eos, cum signum Crucis in nobis viderint fideliter fixum. Hippolytus Martyr inter alias abominabiles Antichristi hanc enumerat, quod suis cultoribus characterem dabit in dextera, & fronte, ne Crucis signum pingant in frontibus suis. Sanctus Cornelius Papa Epistola ad Fabium Antiochiæ Episcopum, Crucem vocat sigillum Domini, quo qui munitus non est, non potest accipere Spiritum sanctum. Cyprianus ad plebem Thibari consistentem: Muniaturs frons, ut signum Dei incoluere servetur. Et initio libri de lapsis, Frons cum signo Dei puta diaboli coronam ferre non potuit, coronæ se Domini reservavit. Minutius Felix Ethnicus Crucis ofores irridet, illisque opponit quod signa eorum, atque vexilla nihil aliud sint, quam Cruces inauratæ. Signo Crucis omnia magica compefci asserit Athanasius. Cyrillus Hierosolymitanus: Fac signum Crucis & manducans, & bibens, & sedens, & cubans, & stans, & loquens, & ambulans, & in summa in omni tuo negotio. Basiliius differens de dogmatibus, quæ ex Apostolorum traditione sine scriptis receperimus, primò loco commemorat, id quod primum & vulgatissimum testatur, ut signo Crucis signentur qui spem in Christo collocarunt. Lucianus in Philopseudeo scribit Eucratem annulo quodam ex Cruce facto adversus demones redditum esse secutum,

Clem. l. 1. const.
Ap. cap. 16.

Dionys. in Eccl.
Hierarch.
Iust. q. 118.

Tertull. de cor:
milit. cap. 3.

Origen. Hom. 6:
in Exod.

Hippol. or. de
consum. sæculi.

Cyp. l. 4. Ep. 6.

Minut. in Octav.

Athanas. or. de in-
carnat. Verbi.
Cyrill. cat. 4.

Basilus de Spiritu
sancto c. 27.

Greg. Naz. or. 1. in
Iul.
Freculph. lib. 4.
Histor. c. 9.
Euagr. l. 9 c. 18.
Hier. Ep. 2 & 27.

Chrys. Hom. 83. in
Matth.

Arnob. in Ps. 143.

Coripp. lib. de
laud. Iustini Imp.

Iulianum desertorem & si Cruci percinaciter infensum nihilominus aduersus terrores, & spectra Cruce se signasse post Gregorium Nazianzenum narrat Freculphus Luxouienfis. Etiam Cosrohen Regem Persarum, tamen infidelis esset, virtutem sanctæ Crucis agnouisse testatur iucunda narratione Euagrius. Hieronymus Epistola ad Eustochium; Ad omnem actum, ad omnem incessum manus pingat Crucem, Et alibi refert eandem Eustochium Paulæ matris ægrotræ os, & stomachum signasse, vt Crucis impressione dolorem leniret.

2. Docet Chrysostomus Cruce signandum esse peccatos animi morus cohibendos. Augustinus occurrendum diabolo ait cum Crucis vexillo, vt talibus armis indurus facile vincat Christianus. Scribit Arnobius iunior docuisse Dominum digitos nostros ad bellum, quia aduersus visibiles, & inuisibiles hostes docuit armare frontem triumpho Crucis. Iustinus Imperator verba facturus ad populum se signo Crucis muniebat, teste Corippo Poëta Africano, qui dum eius laudes prosequitur, sic canit:

*Ipse coronatus solum conscendit anitum,
Atque Crucis faciens signum venerabile sedis,
Ereclaque manu cuncto presente Senatu
Ore pio hæc orans ait:*

Ludolph. par. 2.
cap. 66.
Damasc. de fide
Orithod. l. 4. c. 12.

Sophron. hom. de
Cruce.

Andr. Cret. or. 1.
de exalt. Crucis.

Ludolphus Saxo Carhusianus libro de vita Christi B. Virginem priam fuisse scribit, quæ Crucem adorauit. Ioannes Damascenus; Crux, inquit, signum nobis data est super frontem, vt Israël circumcisio: per ipsam discernimur ab infidelibus. Ipsa signaculum est, vt non tangat nos exterminator. Sophronius Patriarcha Hierosolymitanus: Crux tutelaris est, & fidissima Christianorum custodia, & vniuersorum ex aduerso occurrentium insultuum profligatrix. Andreas Cretensis: Crux scala in cælum deducens, via ad virtutem adducens, vitæ conciliatrix, mortis solutio, corruptionis abalienatio, ignis extinctio, in Deum fiducia, clauis regni cælorum: Crux ciuitates custodit, domos tuetur, amicitias conglutinat, ab inimicorum iniuria vindicat, hostibus resistit, gentes persequitur, barbarorum stimulus, pacis arbitra est. S. Orientis;

*Accipe sela quibus cordis pia mania serues,
Crux tibi sit clypeus, Crux tibi sit gladius,*

Iulian. lib. 3. c. 5.

Elizabeth. cap. 21.

Damasc. or. 3. de
Imag.

C. L. vnic. Nemini
licere.

Iulianus in prognostico. Crux ante Christum in die iudicii ab Angelis portabitur. Signo Crucis nihil efficacius ad turpes effugandas tentationes asserit ex diuina reuelatione S. Elizabeth de Schonauia libro viarum Domini. Seuerianus Gabalorum Episcopus apud Damascenum: Percussit Moyses silicem semel, & bis, non eodem modo, sed ita vt Crucis formam describeret, vt natura etiam inanimata Crucis notam veneretur. Theodosius, & Valentinianus Augusti grauissima pœna eos mulctari debere statuerunt, qui

signum Crucis humi pingere, siue insculpere præsumerent. Anselmus, siue quisquis est auctor Commentariorum in Epistolam ad Romanos sub eius nomine: Non sine causa signum suum Christus in fronte nobis figi voluit tanquam in sede pudoris, ne Christi opprobria Christianus erubescat. Audoenus in vita sancti Eligij: Profecto magna res est signum Christi, Crux Christi, sed illis solis prodest, qui faciunt mandata Christi. Thomas à Kempis. In tribus locis præcipuè statue signum Crucis; super cor, super os, & super brachium. De eodem signo sic canit Prudentius Christianorum Poëtarum ocellus.

Ansel. ad cap. 103
Rom.

Audoen. l. 1. c. 161

Thom. Kem. Hospital. pauper. c. 6.
Pruden. Hym. 6.

*Fac cum vocante somno
Castum petis cubile,
Frontem, locumque cordis
Crucis figura signet.
Crux pellit omne crimen,
Fugiunt Crucem tenebræ,
Tali dicata signo
Mens fluctuare nescit.
Procul; & procul vagantium
Portenta somniorum,
Procul esto pernicii
Præstigator astu.
O tortuose serpens,
Qui mille per meandros,
Fraudesque flexuosas
Agitas quæta corda;
Discede, Christus hic est,
Hic Christus est, liquece.
Signum, quod ipse nosti,
Damnat tuam cateruam.*

Sibylla quoque de Cruce sic cecinit in fine libri sexti oraculorum Sibyllinorum.

*O lignum felix, in quo Deus ipse pependit,
Non te terra capit, sed cæli terra videbit,
Cum renouata Dei facies ignita micabit.*

Tityrus Christianus apud Severum Rhetorem signo Crucis à pestilentia seruatas pecudes astruit his versibus.

Severus in Buo-
licis.

*Hoc signum mediis frontibus additum
Cunctarum pecudum certa salus fuit.*

3. Non desunt alij testes, & exempla multorum mirabilium, quæ Deo dilecti viri per signum sanctæ Crucis sunt operati. Nam quis

Chryf. Hom. 55.
in Matth.

liber, aut quæ pagina Ecclesiasticæ historiæ, aut quæ vita sanctorum hominum legi potest, in quibus non statim inuenias salutifero Crucis signaculo expulso demones, profligatos exercitus, sedatas tempestates, fugatam pestilentiam, soluta maleficia, euacuatum virus; incendia extincta, interfectos dracones, cæcos claudos, cæcos illuminatos, curatas infirmitates, mortuos ad vitam reuocatos? Hoc signum, inquit Chrysostomus, & priscis & nostris temporibus clausas ianuas reuertit, hoc venenorum vires extinxit, hoc cicutæ vim dissoluit, hoc feroces bestias repressit, hoc lethales serpentum morsus curauit. Etenim si portas inferni perfregit, si cælorum ostia reclusit, si paradisi renouauit ingressum, si diaboli nervos recidit, quid mirum est, si pestifera venena, atroces bestias, aliaque huiusmodi superant? Sed his prætermisissis illud magis querendum videtur, quæ ratione ipsum Crucis signum exprimi debeat, & manu formari. Sunt qui illud tribus digitis dexterae manus effingunt, sub sanctissimæ Trinitatis inuocatione: sunt qui duobus ad duas Christi naturas contra Monothelitas indicandas. Sunt qui signantes se à superiori in inferius descendunt, & à dextera transeunt ad sinistram, quia Christus de cælo descendit in terram, & à Iudæis transiit ad Gentes. Vfus tamen communis Occidentalis Ecclesiæ est, ut dextera manu Crucis expressio à fronte ad ventrem, & à sinistra ad dexteram producat. Dicimus autem; In nomine ad significandam trium personarum indistinctam Diuinitatem. Pater in fronte collocatur tanquam principium sine principio, prima persona Deitatis. Filij nomen pronuntiatur, cum vterum tangimus, quia ex vtero ante Luciferum genitus, & in plenitudine temporis in vtero Virginis incarnatus salutem operatus est in medio terræ. Spiritum sanctum exprimimus, cum manum à sinistra parte ad dexteram protendimus, quia videlicet à Patre & Filio vtriusque nexus, & amor procedit: & sicut Christus de morte transiit ad vitam, ita nos de miseria transire speramus ad gloriam secundum spem vitæ æternæ. De Crucis signo diffusissimè scribit Iouas Episcopus Aurelianensis, & Dungalus aduersus Claudium Iconoclastam Episcopum Taurinensem, itemque Chrysostomus Homilia quinquagesima quinta in Matthæum. Extant quoque de Cruce doctissimæ lucubrationes Iusti Lipsij, & Iacobi Gretseri. De eiusdem veneratione antiquos canones refert Antonius Augustinus, de qua re plura etiam habent Baronius in Annalibus, & Iacobus Bosius in Cruce triumphante. Arnoldus Abbas bonquallus hoc appositum signo muniti ait & quod patet, & quod latet, ut habeant caro, & spiritus secreta præsidia. Etiam in nummis Crux imprimi solet in testimonium, & iuramentum bonitatis monere in pondere, & materia, ut Nicolaus Oresmius Episcopus Lexouienis testatur, vel in testimonium Christianæ Religionis, ut scribit Anastasius Abbas

Ant. Aug. l. 16. iuris Pontif. tit. 14.
Bapton. ap. 60.
Artol. de verbis
Dom. cap. ult.

Nic Ores. de munit.
monet. cap. 13.

initio

initio libri contra Iudæos. Quod autem in præliis Crux aduersus Crucem congregiatur, portentum est, quod primò apparuit in expeditione Constantij aduersus Magnenium: nec enim aliis auspiciis tantum nefas debuit inchoare, quam cum hæreticus Imperator aduersus Tyrannum decertaret. Nicolaus Primus in responsione ad consulta Bulgarorum, eos hortatur exemplo Constantini, cui dictum est *in hoc signo vinctes*, vt Crucem ferant in signo militari, cum prius caudam equi portarent. Finio, si Crucem prius humiliter salutaue-
ro. Salue bona Crux, splendidior stellis, Luna micantior, rutilantior Sole, quæ tanquam vernantibus gemmis membris ornata Saluatoris, & pretioso Dei sanguine purpurata super astra Cæli felices ramos expandis. Salue lignum electum germinans vitam, fructificans iucunditatem, oleum stillans lætitiæ, balsamum sudans spiritualium deliciarum. Tu salus mundi perditæ, tu portus periclitantium, tu iustitiæ norma, tu morum disciplina, tu pugnantium virtus, tu vincen-
tium gloria, tu præmium, & corona. O Crux amabilis, & dilecta salua nos omnes tremendo tuo signaculo munitos, vt qui te fieri voluit nostræ redemptionis primarium iustrumentum, per te quoque sanctificatos ad suæ gloriæ consortium nos transferat: quatenus in hac nostra qualicunque pœnitentiæ Cruce felicitate consummati per ignominiam passionis eius ad resurrectionis gloriam perducamur.

Baron. an. 333.

Nicol. I. c. 33.

§. VI.

DE GLORIA PATRI.

Varij errores recensentur, & confutantur de huius Hymni origine, & institutione. Quid sit Deum glorificare. Vera gloria quæ sit. Inanis gloria fugillatur, laudatur humilitas.

1. **M**agnus Basilius incomparabilis Ecclesiæ Doctor, qui sub Valente Imperatore floruit, libro de Spiritu sancto, quem in sui defensionem ad Amphilo-
chium Iconij Episcopum scripsit, huius versiculi: *Gloria Patri, & Filio, & Spiritui sancto*, quem Patres antiqui hymnum glorificationis vocabant, duobus locis mentionem facit. Primò, capite septimo his verbis; Proinde quod à maioribus nostris dictum est, & nos dicimus, gloriam esse communem Patri cum Filio, quapropter & glorificationis Hymnos Patri simul cum Filio offerimus. Clarius deinde, & fusius capite vigesimo septimo, professionem fidei velut initium quoddam glorificationis fecimus. Sed quid faciendum est? Nunc enim doceant nos, ne baptizemus quemadmodum accepimus, aut ne glorificemus quemadmodum credimus; & paucis interiectis. Dictum est igitur nihil referre ad sensum, siue dicas; *Gloria Patri, & Filio cum Spiritu*

Baron. an. 373.
n. 71. & seqq.

sancto : siue dicās , *Gloria Patri , & Filio , & Spiritui sancto* . Magnus item Athanasius Archiepiscopus Alexandrinus , qui triginta & amplius annis ante Basilium florere cœpit , libro de Virginitate , siue de Meditatione , nonne disertis verbis hunc Hymnum commemorat ? Cum , inquit , surrexeris à mensa , rursum gratias agendo trinis vicibus dicās : Miserator , & misericors Dominus escam dedit timentibus se ; *Gloria Patri , & Filio , & Spiritui sancto* , rursumque post peractam glorificationem preces tuas absolues . Ab hisce iniquibus insignium virorum testimoniis ordiri libuit , quo plura errorum capita vno ictu rescinderem . Nam in primis lapsi sunt , qui ex Theodoro , ex Sozomeno , ex Tripartita , & clarius ex Nicephoro Flavianum Monachum Antiochenum Hymni huius faciunt Auctorem . Cum enim Catholici Imperante Constantio Patrem cum Filio pari gloria celebrarent , Ariani verò ambiguis locutionibus Filium Patre inferiorem ostendere conarentur , Flavianus (vt isti aiunt) coacta Monachorum caterua primus omnium clara voce cantauit ; *Gloria Patri , & Filio , & Spiritui sancto* . Sed hunc Hymnum Flauiano antiquiorem esse Athanasij , & Basilij citatæ auctoritates conuincunt . Errarunt & alij , qui post Vvalfridum Strabonem à magna Synodo Nicæna compositum fuisse affirmant : idque Hermias Sozomenus indicare videtur , cum agens de Leontio Episcopo Antiocheno ait illum , tametsi Arianus esset , eos tamen qui Hymnis fidei Concilij Nicæni consentientibus Deum laudarent , prohibere noluisse , ne populus seditionem conflaret . At vero glorificationis Hymnum non esse à Nicænis Patribus inuentum baronius Ecclesiasticæ antiquitatis instructissimum promptuarium concludit tum ex allato basilij testimonio ; tum quia fideles cum ab ipsis Apostolorum temporibus in nomine Patris , & Filij , & Spiritus sancti baptizarentur , tres easdem personas iam dicto Hymno congratulificare cœperunt .

2. Sanè Ariani sicut baptismi formam , ita glorificationem corrupe-
rant vt dicerent , *Gloria Patri per Filium in Spiritu sancto* : cum Catholici more vsitato , & antiquitus tradito vterentur psallentes , *Gloria Patri , & Filio , & Spiritui sancto* . Cumque iidem Ariani ore sacrilego blasphemantes assererent fuisse tempus , quando Filius non erat cum Patre , aduersus huiusmodi sceleratam loquelam decreuit Nicæna Synodus , vt illa appendix , *Sicut erat in principio , & nunc & semper , & in secula seculorum , Amen* , ad antiquam glorificationem adiungeretur . Testatur id Concilium primum Vasense , seu Vasa-
tense , verius Vasonense in Gallia paulò post Nicænum tempore Constantij Imperatoris sub Inlio Papa celebratum , licet eius Canones confusi existant cum Vasonensi Secundo sub Leone Magno , hac sanctione edita . Quia non solum in Sede Apostolica , sed etiam per totum Orientem , & totam Africam , vel Italiam propter hæreticorum

Theodoret. lib. 2.
Ecl. hist. c. 24.
Sozom. l. 3. c. 19.
Tripar. l. 4. c. 35.
Niceph. Call. l. 9.
cap. 24.

Vvalfrid. de reb.
eccl. cap. 25.
Sozomen. loco ci-
tato.

Baron. an. 325.

astutiam, qua Dei Filium non semper cum Patre fuisse, sed à tempore cœpisse blasphemant, in omnibus clausulis post *Gloria Patri, & Filio, & Spiritui sancto*; Sicut erat in principio, & nunc, & semper, & in secula seculorum, Amen, dicitur: etiam nos in vniuersis Ecclesiis nostris hoc ita dicendum esse decernimus. Sicut autem diximus solemnem doxologiam non fuisse à Nicæna Synodo adinuentam; ita etiam asseueramus non fuisse ab ea statutum, vt in fine cuiusque Psalmi concineretur. Nam cum fuerint postea hac de re diuersæ diuersarum Ecclesiarum consuetudines, consentaneum est credere nullam fuisse communem vniuersalis Ecclesiæ præceptionem, à qua proculdubio nullus fidelium deuiare præsumpsisset. Multi Scriptores alioquin fide dignissimi hanc legem canendæ doxologiæ in fine Psalmorum ad Damasum Papam referunt, à quo de hac re editam sanctionem aiunt Diuo Hieronymo suadente, & procurante. Decepti sunt isti ob Epistolam Hieronymi ad Damasum, quæ habetur primo tomo Conciliorum in rebus Damasi, in qua hæc leguntur; Precatur ergo cliens tuus, vt vox ista psallentium in sede tua Romana diu noctuque canatur, & in fine Psalmi cuiuslibet siue Matutinis, siue Vespertinis horis coniungi præcipiat Apostolatus tui ordo, *Gloria Patri, & Filio, & Spiritui sancto*, & quæ sequuntur. Decepti sunt, inquam, nam vt in calce prædictæ Epistolæ in Conciliis Coloniz editis ex Baronio notatum est, ab eruditis Hieronymi res accuratius expendentibus eatanquam adulterina, ac planè commentitia exploditur.

3. Imposturam detexit Ioannes Cassianus, qui de institutis Cenobiorum disserens ait; Illud etiam quod in hac Prouincia vidimus, vt vno cantante in clausula Psalmi omnes astantes concinant cum clamore *Gloria Patri, & Filio, & Spiritui sancto*, nusquam per Orientem audiuius; sed cum omnium silentio ab eo qui cantat finito Psalmi orationem succedere: hac verò glorificatione Trinitatis tantummodò solere Antiphonam terminari. Ex his verbis quis non videat nullam fidem Epistolæ prædictæ esse adhibendam? Si Cassianus sagacissimus sacrorum rituum obseruator nusquam audiuit gloriam post Psalmos in Oriente cantari, quomodo potuit Hieronymus, qui quinqueaginta ferè annis ante Cassianum floruit, vsum qui non erat in Occidentem transferre? Vigiliis Papa in fine omnium Psalmorum dici ab omnibus ex more *Gloria Patri* asseuerat: atque etiam quorundam reprehendit errorem, qui subducta vna syllaba coniunctiua perfectum conabantur minuere vocabulum Trinitatis dicentes, *Gloria Patri, & Filio, Spiritui sancto*. Apud Baronium extat Canon Narbonensis Concilij, quod celebratum fuit æra 627. anno scilicet Christi 589. centum sexaginta, & amplius annis post obitum Hieronymi: Vt in psallendis ordinibus per quemque Psalmum gloria dicatur Omnipotenti Deo, per maiores verò Psalmos,

Vu ij

Cassian. lib. 2. de inst. cenob. c. 8.

Vigil. Epist. 11

Baron. an. 598. n. 31.

Gerson, tom. 3. de
hymno Gloriz,

prout fuerint prolixiores, pausationes fiant, & per quamque pausationem gloria Trinitatis Domino decantetur. Ex quibus omnibus colligi potest vsum canendi gloriam in fine Psalmorum non tantam præ se ferre antiquitatem, quantam vulgus Scriptorum existimat. Scripsit de hoc Hymno tractatum anagogicum Ioannes Gerson mysticæ Theologiæ professoribus maximè vtilem. Illud autem certissimum est Hymnum glorificationis ab Apostolis compositum, à Patribus Nicænis auctum, ab vniuersa Ecclesia receptum omni reuerentia cantandum esse. Qui enim irreuerenter & nimis festinanter eum pronuntiant, non Deum glorificare, sed blasphemare dicuntur, de qua re notabilis visio S. Aranonis Colonienfis Archiepiscopi refertur in eius vita lib. 2. cap. 18. apud Surium die 4. Decembris. Gloria omnium Deus est, ait Hermes ille ter maximus in Pimandro, ac propterea ipsi soli debetur gloria, vt fiat quod scriptum est, *Afferte Domino gloriam, & honorem, afferte gloriam nomini eius*. Vt verò docet Fulgentius, Quemadmodum non est aliud iustificare, nisi iustos facere; sic non est aliud glorificare nisi gloriosos facere: Ideò quando Deus nos glorificat, facit nos gloriosiores, facit honoratiores; at verò cum nos ipsum glorificamus, nobis prodest, non illi. Nam quomodo eum glorificamus? Gloriosum dicendo, non faciendo. Proinde cum dixisset in Psalmo, *Sacrificium laudis honorificabit me*, ne putares te aliquid præstare Deo offerendo illi sacrificium laudis, protinus addidit, *Et illic iter quo ostendam illi salutare meum*. Neque enim consistit glorificatio in nouæ gloriæ adiectione ad eum qui glorificatur, sed in gloriæ iam habitæ manifestatione.

Psalm. 18.

Fulg. l. 1. ad Moni-
cium.

Psalm. 39.

Cicero 3. Tuscul

4. Rectè gloriam describit Romanæ eloquentiæ princeps: Gloria est solida quædam res, & expressa, & non adumbrata: ea est consentiens laus bonorum, incorrupta vox benè iudicantium de excellenti virtute: ea virtuti resonat tanquam imago. Quod si veritas, & stabilitas veræ gloriæ necessariò attribui debent, quænam vera gloria censenda erit, nisi illa dumtaxat, quæ perpetua est, & immutabilis? Quantum enim inter gloriam, & ignominiam, ait Chrysostomus, tantum inter cælestem illam gloriam, & hanc humanam est differentia. *Vani sunt filij hominum, mendaces filij hominum in fratribus, vt decipiant ipsi de vanitate in idipsum*. Et vnde tibi gloria putride vermis? Nonne scriptum est; *Sine me nihil potestis facere? Si ergo accepisti omnia, quid gloriaris quasi non acceperis?* Quare quod alienum est vsurpas tibi? *soli Deo honor*, & gloria, inquit Apostolus. Et ipse Dominus per Prophetam quid dicit? *Gloriam meam alteri non dabo*. Non ergo gloriatur sapiens in sapientia, nec fortis in fortitudine, nec diues in diuitiis. Omnis enim qui se exultat humiliabitur, & qui se humi-

Chrys. hom. 17. de
Rom.
Psalm. 61.

Ioann. 15. 5.
1. Tim. 1. 17.
1. 2. 48. 31.

liat exaltabitur: Vera, & secunda gloriatio est in Domino gloriari, sicut ille Dei præco nos hortatur dicens, *Qui gloriatur, in Domino gloriatur*. Quæ verba explicans speciali sermone Bernardus ait: Nouerat Apostolus gloriam propriam esse Creatoris, non creaturæ: sed considerauit rationalem creaturam adeò affectare gloriam, ut aut vix, aut nunquam ab hoc compesci desiderio possit, quippè quæ ad imaginem facta est Creatoris. Propterea secundum datam sibi à Deo sapientiam saluberrimum adinuenit consilium dicens: Quandoquidem persuaderi nobis non potest non gloriari, saltem qui gloriatur, in Domino gloriatur. Enimvero, ut ait Hieronymus, si ab hominibus quæro gloriam, vitium est: si à Deo, virtus est. Hæc meminisse nos decet, cum gloriam Domino cantamus, ut iuxta verbum Prophetæ *Benedicta sit gloria Domini de loco suo*, de corde scilicet humili, & pacifico, de corde mundo, & recto, quia, ut dicit Chrysostomus, Cum Deum glorificamus, sed non rectè viuimus, tunc maxime in ipsum contumeliosi sumus.

1. Cor. i. 31.

Hieron. in cap. 5.
ep. ad Galat.

Ezech. 3. 12.
Chryf. Hom. 7.
ad Philip.

§. VII.

DE ALLELUIA.

Huius vocis præconia ex Patribus. Cur ex Hebraico in Græcum, vel Latinum idioma non sit translata. Cur certis diebus intermittatur. Cur proluxiori modulatione cantetur. A quo primum cantari coeperit. Eius multiplex vsus. Quid Latine significet. Addita quedam ex Hebraico fonte de decem præcipuis nominibus Dei.

LAudem singularem apud eruditos inuenit in explicandis diuinis Officiis vir doctrina, & sanctitate conspicuus Rupertus Abbas Tuitiensis. Ab eius elegantissimis verbis libet hanc tractationem de cantico Domini *Alleluia* exordiri. *Alleluia*, inquit, Latinæ linguæ peregrinum nomen est, cuius mysterium velut quoddam gaudij stillicidium de diuitiis supernæ Hierusalem primum in mentem Patriarcharum, & Prophetarum, post in Apostolorum ora plenius per Spiritum sanctum delapsus est. Significat enim æternum Angelorum, & beatarum animarum conuiuium, quod est semper laudare Dominum, & præsentis, semperque videndi vultus Dei nouum sine fine cantare miraculum. Quapropter non interpretatum hoc Hebræicum nomen remansit, ut peregrinum ab hac vita gaudium peregrinum nihilominus signaret potius, quam exprimeret vocabulum. Quoniam igitur futuræ beatitudinis quasi proprium est vocabulum, iure eo tempore magis frequentatur, quo resurgens Dominus eiusdem beatitudinis spem nobis propinauit, & promissum. Hinc dum Psalmimus *Alleluia*, iubilamus magis, quam canimus, vnamque

Rupert. lib. 1. de
diuin. offic. c. 35.

breuem digni sermonis syllabam in plures neumas, vel neumarum distinctiones prorrahimus, vt iucundo audiri mens attonita repleatur, & rapiatur illuc, vbi sancti exultabunt in gloria, lætabuntur in cubilibus suis. Hæc Rupertus, qui & idem argumentum fusius alibi prosequitur. Beda quoque Venerabilis omni disciplinarum genere sua ætate doctissimus, eiusdem cantici referans arcana, Rectissimè, ait, & pulcherrimè generalis sanctæ Ecclesiæ mos inoleuit, vt hoc diuinæ laudationis carmen propter reuerentiam primæ auctoritatis à cunctis per orbem fidelibus Hebræa voce canretur. Quod ideo fit, vt per talis consonantiam deuotionis omnis admoneatur Ecclesia, quia & nunc in vna fidei confessione, ac dilectione Christi consistere debeat, & ad illam in futuro patriam festinare, in qua nulla diuersitas mentium, nulla est dissonantia linguarum. Idcirco autem plures magistri Ecclesiæ decantationem *Alleluia* tempore Quadragesimæ intermittendam esse sanxerunt, vt noua eius repetitio maiorem, gratioremque Paschalibus solemnibus honorificentiam reddat, & splendorem. Sed & hoc in mysterium maximè designare voluerunt, quod in huius exilij peregrinatione, sicut ex parte nouimus, & ex parte prophetamus, ita etiam ex parte Dominum laudamus dicentes cum Propheta, *Quomodo cantabimus canticum Domini in terra aliena?* Cum verò nostram patriam, terram scilicet viuientium, domumque regni cælestis nobis olim à Domino repromissam intrare meruerimus, tunc vt illum perfectè intueri, sic etiam perfectè valebimus collaudare. Ex his duorum præclarissimorum hominum sententiis manet explicatum cur *Alleluia* natiui idiomatis primigeniam retinuerit vocem, cur certis diebus intermittatur, cur prolixiori notarum decursu canetur. Alia quædam adferunt alij haud contemnenda.

August. epist. 178.

Amalar. l. 3. c. 13.

2. Augustinus: Nec Latino, nec barbaro licet *Alleluia* in suam linguam transferre: Amalarius. *Alleluia* quod cantatur in recordatione æternæ lætitiæ, tam lætitiæ electorum, quam laudem Domini ad memoriam reducit. Omittitur tempore Septuagesimæ, & loco eius dicitur *Laus tibi Domine Rex æterna gloria*, quia cum Latina lingua humilior sit Hebræa, admonemur nos debere informari ad humiliorem conuersationem in tempore Septuagesimæ, quam in alio tempore. Albinus Flaccus: Quia hac voce Angelos in cælo Deum laudare cognouimus, huiusmodi voce laudationis creditum est Deum delectari. Hoc quoque ideo animus, vt eundem Deum nos colere in terra ostendamus, qui etiam colitur ab Angelis in cælo. Beatus Ivo Carnotensis: *Alleluia* non huius temporis laudes, sed æternæ vitæ gloriam significat: vnde mos inoleuit, vt in diebus Septuagesimæ non caneretur, quia sunt dies luctus, & poenitentiae, Rursum Rupertus. Quia in Septuagesima antiquæ Eccle-

Albin lib. de diu. Offic. c. de celebr. Missæ.

Ivo Serm. de sacram. dedicat.

Rupert. lib. 4. c. 5.

fix nondum redemptæ statum commemoramus, nostrumque incolatum, quia prolongatus est, deplangimus, pulchro sacris ordine *Alleluia* ab ore nostro tollitur. Bernardus : In luctu pœnitentiæ Septuagesima præfens agitur, vnde & reticetur interim *Alleluia* solemne, & humanæ transgressionis historia miserabilis ab exordio recensetur. Leo Nonus in Decreto Gratiani, ideò per nouem Hebdomadas intermitteri putat *Alleluia*, quod postea in festo Resurrectionis reassumitur, quia nouem sunt ordines Angelorum, quorum decimus per superbiam corruit, & Angelicum imminuit numerum. Homo autem creatus vt impleret eorum ruinam Christo surgente resurrexit. Sed non consonat cum placitis Theologorum eius de decem Angelorum choris sententia, quam etiam tenet Salonius in caput septimum Ecclesiasticis. Etiam Calendis Ianuarij non dicebatur olim *Alleluia*, vt refert Baronius in Notis ad Martyrologium Romanum hac ipsa diè, idque vetitum propter errorem Gentilium ipsas Calendas multiplici superstitione polluentium Concilium quartum Tolitanum affirmat : Seraphicus Bonauentura ; Solemus longam notam post *Alleluia* super hanc literam A. prolixius decantare, quia gaudium Sanctorum in cœlis interminabile, & ineffabile est. Stephanus Eduensis : Alleluiatici cantus modulatio laudes fidelium Deo dicatas exprimit, & gratiarum actiones, quibus suspirant ad æterna gaudia. Verbum est breue, sed longo protrahitur pneumate. Nec mirum si vox humana deficit ad loquendum, vbi mens non sufficit ad cogitandum, quia quæ vox, quæ lingua poterit repetere, quæ præparauit Deus diligentibus se? Lucas Tudenfis aduersus Albigenfes : Iubilis est mentis gaudium, quod homo intra se cohibere non valens in vocem verbis non expressam erumpit. Hoc sacrificium Deo plerumque offert Ecclesia, quando in sacrificio laudum sine verbis pneumata canit. Tyrrheni, teste Nicomacho Geraseno Manualis Harmonici lib. 1. cum summum Numen summo honore afficere volebant, non articulatis vocibus & verbis aliquid significantibus utebantur, sed sibilis & vocibus inarticulatis ineffabilem illius maiestatem designantibus. Repræsentamus etiam hac vociferatione illa nobis bona futura post carnis dissolutionem, quæ verbis explicari non possunt. Richardus Victorinus : Iteratur *Alleluia* ad significandam laudis æternitatem. Cassiodorus vir clarissimus : Hoc verbi decus *Alleluia* à Ps. 104. fecit initium, nec ante à quoquam reperi positum: hoc Ecclesiis votiuum, hoc sanctis festiuitatibus decenter accommodum : hinc ornatur lingua cantorum, istud aula Domini læta responder, & tanquam insatiabile bonum tropis semper variantibus innouatur.

3. Non possum non subirasci hoc loco Tholosano Præsidi Duranto, qui admonet *Alleluia* esse Græcam vocem, idque Bedam credidisse ait, cum Beda dicat manifestè Hebræum esse vocabulum, & inter

Bern. in fin. Ser. 1.
de Septuag.

De conf. d. 1. c.
Hiduo:

Conc. Tol. c. 10.
Bonau. lib. de exp.
pos. missæ c. 1.
Steph. Eduen. lib.
de sacr. altar. cap.
12.

Luc. Tuden. lib. 1.
cap. 6.

Richard. in c. 39.
Apoc.
Cassiod. in ps. 104

Durant. lib. 2. de
tit. Eccl. c. 20.

Anselm. in cap. 19.
Apor. si tamen
ipse eius operis
auctor est,

Epiphan. lib. de
vita, & morte
Prophet.

Tob. 13. 22. *

Psal. 104. & in
titulis aliorum
psal qui sunt 20.
Apoc. 19.

Alvarez cap. 41.
Mauden in c. 13.
Tobiz.

Aug. in ps. 13.

Id. Ser. 7. de duab.
piscationibus.

Sez. lib. 7. c. 19.

Hieron. initio lib.
adu. Vigilantium.

Humbert. adu.
Michaeleni Con-
stantinopol.

Hebraica nomina ponat in libello de eorumdem interpretatione. Miror & Anselmum Cantuariensem Episcopum scripsisse *Alleluia* non esse vocem alicuius linguæ, sed Angelicam, quæ non habet propriam interpretationem in aliqua lingua. Miror inquam virum doctissimum non vidisse antiquorum Patrum commentaria asserentium genuinam huius nominis significationem. Sed omnis homo aliquid humanum patitur, & quandoque bonus dormitat Homerus. Quod autem spectat ad usum canendi hanc vocem scribit Epiphanius Aggæum Prophetam primum fuisse, qui *Alleluia cantavit* anno ante Christum 517. cum novam templi structuram vidit, ut adimpleretur quod Venerabilis ille Tobias prophético spiritu prædixerat, *ex lapide candido, & mundo omnes plateæ Hierusalem sternentur, & per vicus eius Alleluia cantabitur*. Nec alibi in tota serie veteris testamenti exceptis Psalmis, & libro Tobie isthæc vox reperitur expressa. At in noua lege admirabilis Ioannes audiuit in cælo supernarum virtutum agmina psallentia, & dicentia *Alleluia*, ut inde cognoscamus in novam Christi Ecclesiam è cælo descendisse nobilissimum hoc canticum *Alleluia*. Optimè Isidorus in suo Breviario Mozarabico, Dominica prima xl. *Alleluia*, in cælo & in terra: in cælo perpetuatur, & in terra cantatur: ibi sonat iugiter, hic fideliter: illic perenniter, hic suauiter: illic feliciter, hic concorditer: illic ineffabiliter, hic instanter: illic sine syllabis, hic modulis: illic ab Angelis, hic à populis. Extat in ditione Torretana insigne cœnobium, quod *Alleluia* nuncupatur. Hoc autem nomen, ut ex Æthiopica legatione Francis Aluarez refert David à Mauden, ab Asceta quodam religiosissimo accepit, qui sæpius audierat in cælis hanc vocem ab Angelis decantari. Est igitur *Alleluia* canticum beatorum, quod iugiter in patria Domino modulantur. Nam ut scitè scribit Augustinus, Quid habituri sumus in illa patria, quid acturi sumus? In secula seculorum laudabunt te. Hoc erit totum negotium nostrum sine defectu *Alleluia*. Idem alibi. Dicamus quantum possumus *Alleluia*, ut semper dicere mereamur. Ibi cibus noster *Alleluia*, potus *Alleluia*, actio quietis *Alleluia*, totum gaudium *Alleluia* erit, id est laus Dei. Quis enim laudat aliquid sine defectu, nisi qui frui- tur sine fastidio?

4. Quidam secuti Sozomenum existimarunt Ecclesiam Romanam in die dumtaxat Dominicæ Resurrectionis cecinisse *Alleluia*, cuius erroris antesignanus fuisse videtur Vigilantius, quem idcirco D. Hieronymus acriter reprehendit. De eadem re arguit Latinos Michael Patriarcha Constantinopolitanus in epistola ad Ioannem Episcopum Tranensem: cui respondet Humbertus Cardinalis Episcopus Sylvæ candidæ dicens, *Alleluia* toto anno psallimus, exceptis novem Hebdomadibus, quibus id intermittere à Patribus nostris accepimus

pimus; quibus scilicet negligentias aliorum temporum diluere attentius debemus. Sicut enim quondam populus in eremo peccatum Idololatriæ in seipso puniturus, & Niniuitæ penitentiam in prædicatione Iouæ acturi, omnem ornatum suum & delicias deposuerunt, & saccum & cinerem sibi imposuerunt, nec peregrinis verbis, ac exquisitis siue dulcisonis melodii; sed propriis sermonibus, & incompositis siue amaris eiulatibus ad Dominum clamauerunt: sic & venerabiles Patres nostri agere consueverunt. Vnde ornamenta, & delicias diuitis linguæ tempore Quadragesimæ deponentes, pauperimum habitum nostræ linguæ nobis imponimus, stulti facti propter Christum, nihil nos scire iudicamus nisi ipsum crucifixum. Sanctus Augustinus diuersas diuersarum Ecclesiarum hac de re consuetudines fuisse testatur. Vt autem, inquit, *Alleluia*, per solos dies quinquaginta, tempore videlicet Resurrectionis, in Ecclesia cantetur, non vsquequaque obseruatur. Nam & in aliis diebus variè cantatur alibi, atque alibi, ipsis tamen diebus vbique. In Africanis regionibus, teste Isidoro, non omni tempore, sed tantum Dominicis diebus, & quinquaginta post Domini Resurrectionem *Alleluia* cantatur pro significatione futuræ resurrectionis, & lætitiæ. Verum apud nos, ac ille, secundum antiquam Hispaniarum traditionem præter dies ieiuniorum, & quadragesimam omni tempore canitur *Alleluia*, scriptum est enim, *semper laus eius in ore meo*. Quod verò scribit Gregorius Magnus, Damasum Papam ex B. Hieronymi traditione accepisse, vt ad imitationem Hierosolymitanæ Ecclesiæ Romæ concineretur *Alleluia*, id cautè intelligendum est. Non enim cæpt eo tempore in Ecclesia Romana cantari *Alleluia*; sed cum tempore tantum Paschali cantaretur, tunc sancitum est, vt etiam extra illud frequentaretur. Porro viuente Damaso adeò communi vsu liquet eam vocem fuisse receptam, vt in funere quoque defunctorum audiretur. Dum enim agerentur exequiæ Fabiolæ, vt Hieronymus scribit, sonabant Psalmi, & aurata tecta templorum reboans in sublime quætiebat *Alleluia*. In sacris item defunctorum Liturgiis inuenio ab Hispanis dictum *Alleluia* in Missali Gotthico, siue Mozarabico secundum regulam S. Isidori. Missa si quidem pro defunctis sic incipit: *Tu es portio mea Domine alleluia, in terra viventium alleluia, alleluia*. In Ecclesia Gallicana eundem ritum viguisse acta S. Radegundis testantur apud Baronium. Græci quoque dicunt *Alleluia* in officio pro his qui dormierunt. Hebræi liberati diuino auxilio à morte, quam eis parauerat Ptolomæus Philopator Rex Ægypti, gratias agentes, & inclamanres *Alleluia* cum gaudio recesserunt, vt habetur lib. 3. Machabæorum, quo Latini carent. Olim pro celestinate cantatum à nautis *Alleluia* refert Sidonius Apollinaris.

Curuorum hinc chorus belcioriorum

Aug. ep. 119. c. 17.

Isidor. l. 2. de diu. off. cap. 13.

Greg. lib. 7. ep. 63.

Hier. ep. 30.

Baron. ann. 590. num. 39.

3. Machab. in textu Græco circa finem.

Sidon. l. 2. ep. 12.

Concinentibus Alleluia ripis

Ad Christum leuat amicum celeusma.

Aug. l. 2. de cantico nouo cap. 2. tom. 9.
Paulin. ep. 18.

Appositè ad hanc rem Augustinus. Celeusma nostrum dulce cantemus *Alleluia*, vt læti, ac secuti ingrediamur sempiternam, ac felicissimam patriam. Paulinus de eadem voce sic canit:

Hinc senior sociæ congaudet turba cæternæ,

Alleluia nouis balat ouile choris.

Hieron. ep. 7. 17.
47.
Victor lib. 1. de perfec. Vuandali-
ca.

Aug. in ps. 105.
Theod. Bals. ad
can. 106. Conc.
Carthagin.

Infantes ipsi in hanc vocem linguam primum soluere docebantur. Agricola rusticum opus agentes eo cantico laboris molestiam alleluia-
bant. Hac eadem symbolica voce ad collectam, siue ad synaxim monachi olim conuocabantur, quæ omnia tradit in ep. S. Hieronymus.

5. Narrat Victor Vitenfis, quod in Paschali solemnitate irruentibus Arianis in Ecclesiam, & sagittas in Catholicos spatgentibus, cum lector vnus pulpito insistens alleluaticum melos caneret, sagitta in gutture iaculatus cadente de manibus codice martyr occubuit. Psalmos alleluaticos legimus apud Augustinum. Apud Theodorum Balsamonem legunt nonnulli cantica alleluaria, nescio qua fide, nam in textu quem citant quosdam dumtaxat reprehendi reperio, qui in nobilium defunctorum memoriis laudatorias preces cum iambis, musica, & organica cantica cantillabant, & pro epitaphio epithalamium recitabant: nisi fortè quispiam Græcum illud *ἡμεῖς οἱ ἱεροὶ* *ἡμεῖς οἱ ἱεροὶ* transulet in cantica alleluaria. Hoc obiter libuit adnotare.

Fortun. Ep. Picta-
uic. in vita Sancti Ger-
m. cap. 5.
Constant. l. 1. c. 18.
Bandomina l. 2.

S. Germanus Parisiensis Episcopus concinens *Alleluia* magnum extinxit incendium, vt Fortunatus Pictauiensis scripsit in eius vita. Ab altero Germano Episcopo Antisiodorensi deuictos fuisse hostes, dum Sacerdotes inelamarent *Alleluia*, acta eius à Constantio Presbytero conscripta commemorauit. Bandomina sanctimonialis in vita sanctæ Radegundis Reginæ; Vsque adeò, inquit, ab eius corde & ore laus Dei non recedebat, vt cum vocare vellet prætereuntem sanctimoniam, pro nomine proprio diceret *Alleluia*. Auditam in templo Serapidis vocem concinentem *Alleluia*, & tanquam prodigium habitam, quod templum destruendum foret, & occupandum à Christianis refert Sozomenus. Et reuera sic factum est. Nam eius ruinam Dei hostis Eunapius Sardianus Diabolico spiritu afflatus defetibit, & pro Sacerdotibus Idolorum Monachos ibidem substitutos his verbis exaggerat: Cultus Numinis apud Alexandriam, & Serapidis delubrum disturbata, dissipataque fuisse, non religio tantum, sed vniuersa fabrica, & omnia eum habuerunt exitum, quem Poëtarum fabulæ tribuunt gigantum victoriæ. Et qui bellum nunquam auditione acceperant Serapidis ædem funditus demoliti sunt, templique donariis manus hostiliter iniecerunt. Et post pauca. Idem postea in sacra loca inuexerunt Monachos sic dictos, homines quidem specie, sed vitam turpem porcorum more exigen-

Sozom. l. 7. c. 20.
Eunapius lib. de
vitiis Philosoph.
in Aedæio.

tes, qui in propatulo infinita, atque infanda scelera committebant, quibus tamen pietaris pars videbatur sacri loci tenerentiam proculcare. Sic ille blasphemus, cui consonat carmine elegiaco Rutilius in Itinerario pari furore in Monachos Liriuensis Insulæ debacchatus. Quod licet paregon eo libentius adnotaui, vt clarius agnoscant lectores quo spiritu ducantur recentiores hæretici, qui prædicta Idololatræ verba maguo solent plausu aduersus Monachos effutire, & in suis commentariis aureis fermè exarare.

Rutilius v. 440.

6. Extat in Regula sancti Benedicti integrum caput, quo sanctus Pater determinat dicendum *Alleluia* à Pascha quidem vsque ad Pentecosten sine intermissione : à Pentecoste autem vsque ad caput Quadragesimæ omnibus noctibus cum sex posterioribus Psalmis nocturni Officij : omni verò Dominica extra Quadragesimam ad cantica nocturnorum, & ad omnes horas Vesperis dumtaxat exceptis. In cuius Monasticæ sanctionis explicatione mirè se torquer Rupertus Abbas racito nomine Cistercienses fugillans, quasi præferrent literalem Regulæ obseruantiam vniuersalis Ecclesiæ præcepto quo statuitur in Septuagesima dimitti *Alleluia*. De qua re eosdem Cistercienses olim reprehendit Petrus Abaelardus his verbis : *Alleluia* nec in Septuagesima communi Ecclesiæ more intermittitis, sed vsque ad Quadragesimam retinetis. Sed nunc omnes Monachi tam Cistercienses, quam aliarum Congregationum non discrepant in hac re ab Ecclesia Romana, quæ mater est cunctarum Ecclesiarum. Atque idiam suo tempore à quadam Synodo Gallicana statutum fuisse Sinaragdus Abbas commemorat. Quo verò tempore sanctissimus Legislator regulam scripsit, nondum sic erant officia ordinata, vt in Septuagesima *Alleluia* deponeretur, vt insinuat Augustinus, & clarè docet Concilium Toletanum.

Bened. Reg. c. 15.

Rupert. in Reg. S. Bened. lib. 2. c. 13.

Abaelard. epist. 5.

Smaragd. in c. 15. Reg. S. Bened.

Aug. in ps. 110. Concil. Tol. 4. can. 11.

7. Sed age videamus quid Latine significet hoc Hebraicum nomen *Alleluia*. Qua in re multas omitto ineptas quorundam interpretationes vero sensui haud consentaneas, quas curioso Lectori Ioannes Lorinus, & Ludouicus ab Alcazar abundè suppeditabunt. Dico igitur verum, & legitimum huius vocis sensum ex Hebraico idioma te sumendum esse, *Alleluia*, non est vna simplex dictio, sed è duobus vocabulis componitur הלל *Hallelu*, יי *Iab* : & sonat laudate Deum cum iubilo, lætitia, & cantu, הלל *Hallelu* idem est ac laudate, vocem extollite cum lætitia, à radice הלל *Hallal*. Est secunda persona numeri multitudinis modi imperatiui in Pihel. הלל *Hillel* significat laudare, lætari, insanire, illuminare, splendere : quarum omnium significationum exempla affert Sanctes Pagninus in Thesauro linguæ sanctæ ex R. Dauid Kimchi, verbo הלל יי *Iab* vnum est ex nominibus Dei : ideò *Alleluia* bilarem habet acclamationem, & iucundam exhortationem ad laudes Dei concinendas, quæ cum vno Latino

Lorin. in ps. 104. Alcaz. in Apoc. cap. 19.

Iustia. qu. 50.

vocabulo sufficienter exprimi nequeat, maiores nostri primiriuum Hebraici idiomatis nomenclaturam retinuerunt. Auctor questionum ad Orthodoxos inter opera Iustini Martyris sic *Alleluia* explicauit: *ὕμνησται μετὰ μέλους τὸ ὅν*, laudibus celebrare canentes id quod est, siue ipsum ens. Nomen enim *יְיָ Iab*, dictum volunt nonnulli ab *יְיָ Iabab*, quod est esse Dionysius Areopagita in fine capitis quarti de Ecclesiastica Hierarchia huius vocis mentionem facit, quæ in sacri Chrismatis confectione cantabatur. Porro, ait, sacrum diuinitus inspiratorum Prophetarum *μελόδισμα* aiunt qui Hebraicè morunt, laudem Dei significare. Clarius Abbas Vercellensis in sua Paraphrasi. *Alleluia* autem secundum Hebræos interpretatur laus Dei, vel laudate Deum: Quam explicationem approbat Carthusianus in libri huius elucidatione. Illud verò aduertendum multo maiorem vim apud Hebræos habere hanc vocem *Alleluia*, quam apud Latinos Laudate Deum; hoc est enim exhortantis, vel excitantis ad Deo laudes reddendas: at *Alleluia* vim potius habet interiectionis quam verbi, & vehementem sonat affectum acclamantis præ gaudio, & ex laude Dei exultantis, atque in iubilum, vocemque lætitiæ erumpentis.

Carthus. art. 37.

3. Quoniam autem de nominibus Dei semel iniecta est mentio, dar-da mihi venia est, & permittendum, ut diuertam paulisper, in hortulosne dicam, an in syluosas conualles Hebraicarum eruditionum? Imò nec diuertam quidem, cum quotidie Prophetico moneamur as-fatu Dei nomen sanctum laudare, extollere, magnificare. Teste igitur D. Hieronymo decem sunt apud Hebræos nomina principalia, quibus in sacris Bibliis Deus nominatur.

Hieron. ep. 136.
ad Marcelliam.

Primum est *יְיָ El*, pro quo Græci *ἰσχυρὸς*, Pagninus fortem vertit, ut Psalmo 49. *Deus Deorum Dominus locutus est*, *יְיָ אֱלֹהִים יְהוָה*, *El elohim Adonai diuer*, Pagninus interpretatur, Fortis Deus Dominus locutus est. Et Exodi 11. vbi nos legimus: *Quis similis tui in fortibus Domine?* textus Hebraicus sic habet *מִי כַסְכָּה בְּאֵלִים יְהוָה* *Michamochab baelim Adonai*. Quæ verba cum fortissimi Duces Machabæi solis capitalibus literis *Mem, Chaph, Beth, Iod* in vexillis pro militari tessera inscribi fecissent, inde Machabæi Hebraicè dicti sunt.

Secundum nomen est *אֱלֹהִים Elohim*, habetur statim initio Geneleos. *בְּרֵאשִׁית בְּרֵאשִׁית Elohim*, *In principio creauit Dñs*, est enim Elohim numerus multitudinis, quo nomine insinuat mysterium sanctissimæ Trinitatis in ipso limine scripturarum. Attribuitur Iudicibus, & Sacerdotibus, ut Exodi 12. *Applicabitur ad Deos*, id est ad Iudices. Ex *Diis non detrahes*, id est Sacerdotibus. Etiam pro Angelis vsurpatur, ut Psalmo 8. *Minuisti eum paulominus ab Angelis*, Hebraicè *מֵאֱלֹהִים Me elohim*, à Diis. In ipsa rerum creatione describēda triginta duabus vicibus repetitur, unde

Caballistæ triginta duas semitas sapientiæ stulto prorsus, ac inani studio collegerunt.

Tertium nomen est אֱלֹהֵי Elobe. Exodi 5. אֱלֹהֵי חֶעֱבֵרִים Elobe Habbiurim, Deus Hebræorum vocavit nos.

Quartum est צְבָאוֹת Sabaot virtutum, siue exercituum Deus, cuius singulare est צָבָא Sabab exercitus, Psalmo 23. Dominus virtutum יְהוֹצֵא צְבָאוֹת Adonai Sabaot. Et 1. Reg. 1. וְשֶׁיִּשְׁחַרְצֵהוּ לַדּוֹמִיִּם Ladonai Sabaot.

Quintum est עֲלִיּוֹן Ngbelion excelsus, summus, altissimus, Psal. 90. Qui habitat in adiutorio עֲלִיּוֹן altissimi.

Sextum אֲחִיָּה Ebieh, qui est. Exodi 3. Qui est אֲחִיָּה misit me ad vos. Et supra, ego sum qui sum, אֲחִיָּה אֲשֶׁר אֲחִיָּה Ebieh ascer Ebieh, quem textum legunt Septuaginta, Ego sum ipsum εἰ, ens. Solus enim Deus per suum esse essentialiter subsistit, à quo tanquam à fonte & plenitudine totius essentiae, & existentiae cuncta quæ sunt essentialiter dependent.

Septimum אֲדֹנָי Adonai, nos Dominum generaliter appellamus: quando significat creatorem scribitur cum puncto camets sub Nun, quando attribuitur creaturæ cum alio puncto. Psalmo 67. יְיָ אֲדֹנָי בָּרוּךְ Baruch Adonai iom iom, Benedictus Dominus die quotidie. Ponitur aliquando in numero multitudinis vel ornatus gratia, vel ob maiorem divinæ maiestatis reuerentiam. Psalmo 135. הָדָד אֲדֹנָי Hodu laadone baadonim, Confitemini Dominis Dominorum, vbi vulgata legit singulariter, Confitemini Domino Dominorum.

Octauum est ipsum nomen יָהּ Iah, cuius occasione huc digressi sumus. Quidam dictum autumnant ab הֵיָה baiab, quod est esse: dat enim Deus cunctis rebus ut sint, & permaneant. Alij à timendo à radice יָדָה iare timuit, quod Deus à cunctis timendus sit, quibus & Targhum adstipulatur pro יָהּ Iah sæpius vertens timorem. Isaia 26. בֵּית יְהוָה beiah Adonai, In Domino Deo. Et Psalmo 67. בֵּית יְהוָה beiah scemò. In Deo nomen eius, quod vulgata legit, Dominus nomen illi.

Nonum est illud celeberrimum, ineffabile, τρεῖς ἑκατάκις quadriliterum, innominabile, ἀνέκδοκον tremendum, & inexplicabile יהוה de quo non solum Hebræi, sed etiam Græci, & Latini Scriptores multa scitu dignissima scribunt. In sacris literis primò scriptum reperitur Genesis 1. In die quo fecit Dominus Deus cælum, & terram. בְּיֵהוָה אֱלֹהִים אֲרֶץ וַשָּׁמַיִם Beiom ngbascorb Adonai Elohim erets, vefamajm. Perfecta enim à Deo rerum vniuersarum creatione perfecta eius appellatio adhibetur. Hoc est illud nomen, de quo ipse Deus Exodi 6. dixit ad Moysen, יְהוָה Ego Dominus, qui apparui Abraham, Isaac, &

Jacob in Deo omnipotente, & nomen meum יְהוָה non indicavi eis: Pro nomine autem tetragrammato Septuaginta verterunt Græcè KY-PIOΣ, & Latinus Interpretes loco eius substituit Adonai, qua in re Hebræorum traditionem sequuti sunt. Non enim audent nomen sacrum quatuor literarum אֱלֹהִים & אֲדֹנָי eloqui, aut pronunciare, sed pro illo aliud subrogant nomen Adonai, siue Elohim. Porro hodie vera, & legitima huiusce nominis pronuntiatio ignoratur. Nam quod quidam perperam hebraizantes per hanc vocem *Iehoua* effrendum censent, quam etroncum, & inane sit, pluribus ostendunt duo viri rerum Hebræicarum peritissimi Bellarminus, & Genebrardus; hic Epistola ad Lectorem, quam Commentariis in Psalmos præfixit, ille in Grammatica exercitatione super Psalmum trigessimum tertium statim in principio primi versus. Huius doctrinæ cupidus ad hos remitto. Certè notarunt viri eruditi hoc vocabulum *Iehoua* ignotum prorsus fuisse p̄fiscis Scriptoribus, qui vel inter Christianos, vel inter Hebræos sacri idiomatis cognitione floruerunt, quicquid scribat in contrarium Petrus Faber, plurimæ licet lectionis homo, in suo libro singulari, quem Dodecamenon, siue de Dei nomine inscripsit. Quamuis autem vera nominis prolatio ignoretur, non ideo censendum est, quod voce exprimi nequeat, alioquin nec nomen quidem esset, nec literis, & syllabis constaret. Cardinalis Cusanus ideo ineffabile dici putat, quia est complexio omnis vocalitatis, sunt enim omnes eius literæ vocales, & quiescentes, quia in Deo omnia quiescunt. A iunt Ca. balistæ quandam esse huius diuini nominis expositionem, quam vocant *scem hamephoræ*, quæ per duo præsertim nomina fieri solet, quorum vnum duodecim, aliud est quadraginta duarum literarum, de quibus diffusè satis, & eleganter disserit Petrus Galatinus libro secundo de arcanis Catholicæ veritatis ex R. Haccados. Hoc nomen est fundamentum, & radix omnium nominum diuinorum, cæterisque omnibus præeminer. Alia enim nomina vel dicuntur de Deo propter actus notionales, vt esse Patrem, Filium, Verbum; vel per relationem ad creaturas, vt esse Creatorem, Dominum, Conseruatorem: vel propter attributales perfectiones, vt esse iustum, sapientem, omnipotentem: vel per remotionem imperfectionum, vt esse infinitum, immutabilem, immortalem. At verò nomen יְהוָה ipsum esse diuinum significat, vt est in seipso, per se subsistens, infinitum, independens, & prorsus incomprehensibile. Ioannes Goropius Becanus vir summæ literaturæ scripsit in sua Hermathena id nominis fuisse Deo impositum ab Adamo, sed confutatur à Petro Fabio, qui libro supracitato clarissimè probat ipsummet Deum sibi ipsi hoc nomen imposuisse, & Moyse reuelasse, atque ante Moysem omnibus Patribus inauditum fuisse. Licet enim in Genesi sæpius legatur, id per prolepsin factum est ab ipso Dei Chronologo Moyse. Plura de hoc nomine Raimundus Martini

Pet. Faber dodec. cap. 5.

Nic. Cusan. dialogo de Genesi.

Raimund. 3. p. dialog. 3. cap. 2. & 4.

antiquus auctor nunc primum editus Parisiis in Pugione fidei, Archangelus Burgonouensis libro de *selectioribus, & obscurioribus Cabalistarum dogmatibus*, Annibal Rosselius in Pimandrum Trismegisti, Pererius in Exodum, Reulinus libro de verbo mirifico, Ioachimus Abbas in Apocalypsim, R. Moyses Ægyptius libro de dubiis perplexis veteris testamenti, R. Isaac in explanatione nominis sancti, R. Simeon ben Ioachai libro Zoar, R. Akiba, R. Iacob Cohen, & ex nostris insignis nugator Guillelmus Postellus in librum magno Abraham falso adscriptum, cui titulus *Sepher ietsira*, id est liber Creationis, R. Ioseph Castilienfis in Porta lucis apud Paulum Riccium lib. 4. de *Celesti agricultura*, & alij Cabalistar in plerisque ridiculi, qui cautè legendi, & quantum permittit Ecclesiasticæ censuræ districtio.

Decimum nomen est, שדי *Saddai*, quod nos robustum, victorem, omnipotentem, & sufficientem sibi possumus interpretari. Genesis 17. אני אל שדי *Ani el Saddai*, Ego Deus omnipotens. Psalmo 67. Dum discernit שדי *Saddai celestis reges super eam*. Derivari potest à שדד *Sadad*, quod est vastare, spoliare, diripere, quia Deus omnia vastare, & in nihilum redigere potest. Vel à ש *Schin*, & ד *Dai*, quod est sufficere, quia per se sufficiens est ad omnia: & ut inquit Agazel, solus absolute dives est, & ab omni dependentia liber. Alij deducunt à שד *Sead*, quod vber, & mammam significat: vnde *Saddai* idem erit ac Deus vberum, Deus scilicet pietatis, & misericordiæ, Deus veniæ & consolationis.

Hæc sunt decem præcipua Dei nomina, quæ in sacris literis frequentius vsurpantur, quorum omnium virtus in nomine IESV includitur, dicente Apostolo, *Dedit illi nomen, quod est super omne nomen*: ut quod olim Prophetia signauerat, veritas adimpleret, & hoc est nomen, ait Hieremias, quod vocabunt eum יהוה צדקני *Adonai Tsidkenu*, Dominus iustus noster: loquitur autem de Christo, ut patet ex contextu. Idem Zacharias vaticinatus est dicens, *In die illa erit Dominus unus, & nomen eius unum*. Quod autem omnia nomina divina includantur in nomine IESV fusè pertrahat Franciscus Georgius Venetus in Harmonia mundi. Desino, & lectorem meum hortor ad laudandum nomen Dei cum solemnī cantico *Alleluia*. Ut autem mea sit efficacior exhortatio non meis, sed Augustini verbis petoro. Hortamur vos, ut laudetis Deum, & hoc est, quod nos omnes dicimus, quando dicimus *Alleluia*: Sed laudate de totis votis, id est ut non solum lingua vestra, & vox laudet Deum; sed & conscientia vestra, vita vestra, facta vestra. Etenim laudamus modo in Ecclesia, quando congregamur: cum quisque discedit ad propria, quasi cessat laudare Deum. Non cesset benè vivere, & semper laudat Deum: nam si à vita bona nunquam declines, lingua tua tacet, vita tua clamat, & aures Dei ad cor tuum. Ergo, fratres, non tantum ad sonum attendite, cum laudatis Deum, toti laudate: Cantet vox, cantet vita, cantet facta.

Rosell. l. 3. dial. 3.
Peter. in Exod. c. 6.
Ioachim in Apoc.
calyp. cap. 1.
R. Moys. lib. 1.
cap. 60.

Agazel lib. de nominibus Dei.

Philip. 2. 9.

Hier. 23. 6.

Zach. 14. 9.

Fr. Venet. cant. 2.
ton 9. c. 6. 7. 8.

Aug. hom. 16. in-
ter 50.

DE INVITATORIO.

Cur Psalmus nonagesimus quartus, & quo ritu nocturnis vigiliis præmittatur. Brevis eiusdem Psalmi explicatio.

1. Sicut buccinæ sonitu, tubarumque clangore dispersæ militum Sclases congregari solent ad ineundum cum hoste certamen; ita nobis, quorum cætus sicut castrorum acies ordinantur, ante prolixorem nocturnæ Psalmi decursum super omnem classici sonum Spiritus sanctus per os Prophetæ potenter intonat dicens, *Venite exultemus Domino* Hunc Psalmum semper nocturnis vigiliis præmittit Ecclesia, addita breui Antiphona, quam Invitatorium ex ipso Psalmi argumento nuncupamus. Quis enim adeo perfectus in hac fragili carnis mollietate reperitur, qui aduersus potestates tenebrarum harum in tenebris dimicaturus diuini verbi non egeat adiuuari præsidio, subleuari incitamento? Quia verò ad cœlestes delicias solis victoribus promissas æqualiter omnes inuitati, non omnes tamen inuitantis vocem æquali seruire subsequuntur: ideo ipsa Invitatorij prælusio, qua diuersimodè pro varietate Officiorum, vel ad adorandum Dominum Deum nostrum, vel ad plorandum coram eo qui fecit nos, vel ad eius gloriam in Sanctis suis prædicandam solemniter inuitamur, non post singulas Psalmi sectiones integro, perfectoque modulamine repetitur; sed integra quidem sexies, dimidiata vero tertio iteratur. Senarius enim numerus primus ex omnibus, qui infra decem sunt, perfectus est; quia ex partibus aliquotis, vt aiunt, simul combinatis, ex vno scilicet, duobus, & tribus perfectè resultat: præterquam quod ex proportionem dupla constare dignoscitur, quæ diapason facit omnium consonantiarum perfectissimam. Senaria igitur, eaque integra Invitatorij repetitio illis propriè competit, qui & perfectè cum cordis exultatione Dei laudibus insistere satagunt, & per charitatis studium alios adhuc imperfectos, pro quibus diminuta sit Invitatorij iteratio, ad communem Dominum seruenter collaudandum hortantur, vt sicut Spiritus, & Sponsa dicunt Veni, ita qui audit dicat Veni: & omnes pariter viuius moris, & oris psallant cum iucunditate *Venite exultemus Domino*. Marcus Gazæus Diaconus, qui viuebat anno Domini 430. processionem describit Christi fidelium Psalmum *Venite exultemus* concinentium, & in versiculorum Psalmi intercisione dicentium *Alleluia*, quæ modulatio quandam Invitatorij speciem repræsentat. Scribit quoque Amalaricus hunc Psalmum se audisse Constantinopoli in Ecclesia S. Sophiæ in principio Missæ celebrari. Solet Ecclesia Romana Invitatorium omittere in solo Officio Epiphaniæ, qui ritus antiquissimus est, teste Alcuino & Hugone,

Marc. Gaz. in vita
S. Porphyrij.

Amalar. de Ord.
Antiphonar. c. 21.

& Hugone, tum quia totum officium est de uocatione gentium, vt docer Bonauentura, & ea verba frequentius iterantur, venimus adorare cum : tum quia idem Psalmus in tertio nocturno cantatur, inconueniens autem esset bis in eodem officio eundem Psalmum recitari. Nos verò qui ex præscripto regulæ nostræ in tertio nocturno tria Cantica & veteri Testamento psallimus, ipsa etiam Apparitionis die Inuitatorium more solito decanramus. In Officio Mozarabo S. Isidori Inuitatorium appellatur sonus. In regula Monachorum Auctore Anonymo, quem Magistrum vocant, versus apertionis nuncupatur, siue Responsorium hortationis.

Bonau. in Ps. 94.

Magister regulæ cap. 44.

2. *Venite exultemus Domino.* Inuitat, ait Augustinus, ad magnas epulas exultandi non sæculo, sed Domino. Nisi enim esset in hoc sæculo exultatio mala, quæ distinguenda est ab exultatione bona, sufficeret dicere Venite exultemus, sed breuiter distinxit. Quid est bene exultare? Domino exultare. Ergo exultatio mala est exultare sæculo, exultatio bona est exultare Deo. Piè debes Domino exultare, si vis securus mundo insultare. Hæc Augustinus. Quibus autem, & à quo dicitur Venite? Certè non potest fideliter dicere Venite, nisi ille qui iam viam intrauit mandatorum Dei, qui iam exultans Domino alios, qui per somnolentiam, distractionem, vel vanitatem longè facti sunt feruenter inuitat, vt veniendo propinquent, propinquando accedant, accedendo exultent: ne fortè inter illos computentur, de quibus scriptum est, *Populus hic labiis me honorat, cor autem eorum longè est à me.* Clamant membra diaboli, *Venite, fruamur bonis quæ sunt, & vtamur creatura tanquam in iuuentute celeriter: Venite, opprimamus pauperem, circumueniamus iustum.* Clamant membra Christi, *Venite ascendamus ad montem Domini, & ad domum Dei Iacob.* Venite exultemus Domino, à quo facti sumus. Quò disceditis? Quæ sequimini? Diabolum decipientem, mundum deficientem, carnem insufficientem? Conuertimini, & venite. Quò? vel vnde? Ex vobis in vos ipsos: non enim locorum mutatio, sed conuersio sensuum lætitiæ diuinæ æternam præparat mansionem. Ergo venite exultemus Domino. Sed vbi est illud, ait Chrysologus, *Beati qui lugent, & Væ vobis qui ridetis?* Planè beati qui lugent mundo, & væ qui rident mundo: sed beati qui exultant Domino, qui nesciunt de rapinis, nesciunt de fraudibus, nesciunt lætari de lacrymis populoꝝ. Hæc sit autem exultatio nostra, inquit Valerianus Cemelienſis Episcopus, vt diu noctu- que lætemur in Domino. Hoc est autem exultare, mandatis Domini tota mente seruire *Iubilemus Deo salutaris vobis*, à quo redempti, & liberati sumus. Iubilemus vincentium vox est, quia igitur vicit piorum chorus impiorum superbiam, meritò ad triumphalem Hymnũ Deo psallendum victrix iustorum turma incitatur. Porrò quod sequitur, *Præoccupemus faciemus in confessione*, dupliciter intelligi po-

Aug. in Psalm. 94.

Matth. 15. 18.

Sap. 2. 6.

Hierem. 18.

Isai. 3.

Chrysol. ser. 46.

Valerian hom. 10.

test. Duplex enim est confessio. Est confessio laudantis ad honorem pertinens eius qui laudatur; est confessio gementis ad pœnitentiam spectans eius qui confitetur. Ad confessionem laudis vocantur perfectiores. Nos autem imperfecti ad pœnitentiam excitamur, quia non est speciosa laus in ore peccatoris. Præueniamus ergo faciem Dei in confessione, confiteamur Patri, ne iudicem sentiamus: dicamus indulgentiæ tempore delicta nostra, ne severitati cogamur exoluere, quæ tacemus. *Et in Psalmis iubilemus ei.* Exigit Psalmographus iubilationem tanquam conditionem præcipuam ad dignè psallendum: hilarem enim datorem diligit Deus, & beatus dicitur populus qui scit iubilationem. *Quoniam Deus magnus Dominus, & Rex magnus super omnes Deos.* Rationes affert cur laudandus sit Deus. Quia magnus est super omnes Angelos, & Principatus, Rex Regum, & Dominus dominantium. *Quoniam non repellet Dominus plebem suam.* Eum, inquit, qui venit ad me, non eijciam foras. Quia in manu eius sunt omnes fines terre, & altitudines montium ipsius sunt. Nihil est tam abditum in rerum natura, nihil tam eminens, & eleuatum, quod non sublis eius arbitrio, præsentis, & potestati. *Quoniam ipse est mare, & ipse fecit illud, & aridam fundauerunt manus eius.* Ne fortè timeas ab altitudine maris demergi, & multitudine tribulationum ultra vires aggrauari; Scito quoniam ipse est mare, & non permittet fluctus eius nimia perturbatione sæuire, sed faciet cum tentatione prouentum, ut possis sustinere. Quod si mentis ariditatem pertimescis, quia exaruit sicut testa virtus tua, accede ad Dominum, & dic illi, Anima mea sicut terra sine aqua tibi: & veniet super te gratia eius, sicut imber temporaneus, & serotinus, ut fructum afferas in patientia: nam & aridam fundauerunt manus eius. Propterea *Venite adoremus, & procidamus ante Deum, ploremus coram Domino, qui fecit nos.* Iam commemoraris Dei laudibus, & beneficiis concurramus omnes alacriter ad Dominum: illum solum adoremus, illi soli procidamus, illi per humilem subiectionem curuemus genua. Sola enim illa virtus, ait Leo Pontifex, illa sapientia, illa est colenda maiestas, quæ vniuersitatem mundi creauit ex nihilo, & in quas voluit, formas, atque mensuras terrenam, cœlestemque substantiam omnipotenti ratione produxit. Sol, Luna, & sidera sint comoda vrentibus, sint speciosa cernentibus; sed ita ut de illis gratiæ referantur Auctori, & adoretur Deus qui condidit, non creatura quæ seruit. Quod si solliciti sumus de peccatis, quæ nos elongarunt à Deo, faciamus quod ait Propheta, ploremus coram Domino qui fecit nos. Etenim lacrymæ, teste Maximo Taurinensi Episcopo, tacitæ quodammodo preces sunt: veniam non postulant, & merentur: causam non dicunt, & misericordiam consequuntur: nisi quod vtiliores lacrymarum preces sunt, quam sermonum, quia sermo in precando fortè fallit, lacryma omni-

Ioan. 6. 37.

Leo Magn. ser. 1.
de Nat. Domini.

Max hom. 3. de
Pœnit Petri.

no non fallit. Adoremus igitur, & ploremus: rursum ploremus, & adoremus: *Quoniam ipse quidem est Dominus Deus noster; nos autem populus eius, & oues pascuæ eius.* Ipse pastor, nos greges: ipse custos, nos oues. Ipse nos regit, ipse irrigat, ipse viuifica subministrat alimenta. Vtrum verò inter oues Domini numerari possimus, ex hoc quod sequitur cognoscemus. *Hodie si vocem eius audieritis, nolite obdurare corda vestra, sicut in irritatione, secundum diem temptationis in deserto, ubi tentauerunt me patres vestri, probauerunt & viderunt opera mea.* Oues meæ, ait Pastor, vocem meam audiunt, & ego cognosco eas, & sequuntur me, & ego vitam æternam do eis. Ad hoc dos autem dictum est, *Vocaui & renuistis.* Quare in hac diæ salutis, in hoc tempore acceptabili, si vocem Domini audieritis, vel vocantis per internam allocutionem, vel clamantis in virtute, & magnificentia, vel in sibilo auræ tenuis susurrantis: audite monentem, sequimini trahentem, nolite rebellare autem patrum vestrorum proteruiam imitari, de quibus scriptum est, *Cor suum posuerunt vt adamantem, ne audirent legem.* Et illi quidem terga verterunt Deo, cum ipse nunquam misericordiæ suæ beneficio ab eis subtraxerit. Nam *Quadragesima annis*, dicit Dominus, *offensus fui generationi huic*, iurgatus sum cum populo isto, proximus fui illi in signis, & mirabilibus: *Et dixi, semper hi errant corde, semper corde obdurato in peccatis contentiosè egerunt aduersum me. Ipsi vero non cognouerunt vias meas, opera mea, & præcepta, vias vitæ, & semitas salutis: quibus iuraui in ira mea, si introibunt in requiem meam.* Irreuocabili nimirum sententia decreui, ne in terram quietis, quam promiseram Patribus eorum, ingrederentur. Ingens pœna hæc est, horrendumque supplicium aduersus impios, qui vocem Domini contemnunt audire. Magnus terror, ait Augustinus, ab exultatione cœpimus, sed ad magnum timorem conclusit Psalmus iste. Iurantem hominem debes timere, ne propter iurationem faciat, quod contra voluntatem eius est: quanto magis Deum, qui nihil temerè iurare potest? Ecclesia itaque à spiritu veritatis edocta nocturnæ precis initio hunc Psalmum decantat, vt discamus exultare Domino cum tremore, quasi hilares, sed nondum securi. Quia verò benè cœpisse dimidium operis fecisse est, maximoperè studendum est, vt hoc solemne nocturnæ synaxis exordium pio mentis affectu, & sincera cordis intentione percurramus, omnes creaturas Dei ad eius laudes nobiscum decantandas alacriter inuitantes.

Ioan. 10. 17.

Prou. 1. 24.

Aug. in hunc Ps.

§. IX.

DE HYMNIS.

Hymnorum vsus antiquissimus. De Hymnis Orphei. Varia genera Hymnorum. Laudantur Hymni ex sacris, & profanis Auctoribus. Quid sit Hymnus. Quo ritu Hymni cantari soleant.

1. **N**ULLI dubium est Hymnorum vsus antiquissimum esse. Homerus enim, & illo maiores nam Linus, Musæus, & Callimachus ingentem illorum Deorum turbam pluribus, hisque doctissimis Hymnis celebrarunt, quorum venustatem etiam nunc vel ipsi sapientissimi viri admirantur. Auctor est Pausanias in Bæoticis Liciæ Oden primum omnium Hymnos composuisse. Alij hunc primatum Anthi Anthedonio tribuunt. Sed quicquid sit de primo Hymnorum Auctore, illud certissimum est, quod & Pausanias aduertit, Hymnos Orphei religione, sanctitate, & elegantia cæteris omnibus antecire. Claruit hic, teste Suida, sub Iudæorum iudicibus sublato Atheniensium regno: eumque primas Theologiæ partes post Hermetem Trismegistum obtinuisse Marcellus Ficinus asseuerat. Sed & Gregorius Nazianzenus Pythagoricam Philosophiam ex eo prodisse innuit; & Cyrillus Alexandrinus eiusdem Hymnos præ cæteris commendat lib. 1. contra Iulianum. Iacobus Boulduc hunc veræ, & Mosaicæ Theologiæ sectatorem fuisse non sine probabilibus coniecturis suspicatur. Tatianus quidem, Clemens Alexandrinus, aliique nonnulli negant Hymnos Orphei esse, qui eius nomine insigniti circumferuntur, sed Onomacriti Atheniensis, vel cuiusdam Cercopis: sed istos errasse, & reueta Orpheum extitisse, atque Hymnos composuisse sapientum auctoritas, omniumque doctorum consensus euincit, ut Guillelmus Cantetus in nouis lectionibus obseruat. Princeps Mirandulanus una, & triginta conclusionibus practicè ostendit à se primum reperta in Orphicis Hymnis magiæ naturalis occulta mysteria, secretam scilicet humanarum, diuinarumque rerum sapientiam. Mercurium verò Trismegistum Hymnos item scripsisse, quibus in sacris utebantur Aegyptij tradit Clemens Alexandrinus. Varia sunt autem Hymnorum genera, quibus vetusto sacrorum ritu utebantur Græci. præcipua fuere tria, quæ Cælius Rhodiginus enumerat, Prosfodion, Hyporchema, Stasimon: Prosfodion, Litania, siue supplicatio dicebatur, cum sacrificium ad altare proferrent: Hyporchemata cōcinebant saltantes in altaris ambitu, ubi facta iam igni admotæ forent: mox cum quiescentes canerent, Stasima vocabantur, Plura de Hymnis

Scaliger. lib. 1.
Poetic. c. 45.

Pausani. in Bæo-
tic.
Suid. v. Orpheus.
Ficin. proæm. in
Pimandr.
Nazianz. orat. 33.
num. 30.
Boulduc. lib. 3. de
oggiō Christiano.
Tatianus or. adu.
Græc. in fine.
Cl. Alex. 1. Strom.
Cicero 1. de Nat.
Deor.

Cantetus. nou. lect.
lib. 1. cap. 3.

Cl. Alex. 5. Strom.

Rhodig. lect. an-
tiq. lib. 7. c. 3. &
lib. 4. c. 5.

Photius ex Procli laudabilibus de re poetica. Hymnum, inquit, sic dictum aiunt, quasi *ἱερὸν*, id est commemoratio quædam sit, & quasi in memoriam reuocet res gestas eorum, qui hymnis celebrantur. Quare omnia melici carminis genera in gratiam sacrorum ministrorum conscripta hymni vocabantur. Huiusmodi sunt Profodion, Pæan, Dithyrambus, Nomos, Adonidia, Iobacchus, Hyporchemata, Parthenia, Daphnephorica, Ofchophorica, & precatoria. Profodion dicebatur, cum ad aras, aut templa accederent, & in accessu ad tibiam caneatur. Pæan olim Apollini, & Dianæ attributum, ut pestis morbiq; depellerentur. Dithyrambus in Bacchum conscriptus, Nomos in Apollinem. Est autem Dithyrambus concitatus, & multum furoris cum saltatione ostendens, & ad affectus vehementiores comparatus, quare Phrygiam, & Hypophrygiam adhibet harmoniam, & concitatus est numeris, & dictione vitur simpliciori: Nomos contra per affectus, & numeros leuiore remittitur, composito gradu ac magnifico incedit, & Lydio modo temperatur. Adonidia in Adonim referebantur. Iobacchus in festis, & sacrificiis Bacchi cum insolenti fremitu caneatur. Hyporchema vocabant carmen cum saltatione decantatum. Parthenia virginum choris adaptabantur. Daphnephorica cum lauros nono quoque anno Apollini inferebant. Ofchophorica ab Atheniensibus caneantur palmis vitis gestantibus plenis maturis uvis, quod ipsi Ofchin vocarunt, unde & carminibus nomen inditum est. Precatoria ab his componebantur, qui à Deo aliquid rogarent. Hæc Photius ex Procli *ῥητορικῆς*. Aliam hymnorum diuisionem tradit Scaliger in Poëticiis: seu verius Menander Rhetor initio libri de diuisione causarum in genere demonstratio, à quo Scaliger eam accepit. Sunt enim hymni Clytici, siue euocatorij, aut inuocatorij: sunt apopemptici, quibus ethnici Deos suos quasi abeuntes postremo festorum die prosequantur. Sunt etiam Phisici, quibus dies, & nox: mythici, quibus iustitia, & pax celebrantur. Sunt genealogici, proeustici, heroïci, pæanes, & mixti: Quæ verò ratione ad colenda Numina adhiberentur hymni, docet Natalis Comes in Mythologiis.

Photius cod. 239.

Scalig. l. 3 poëtice. cap. 111.

Nat. Comes lib. 1. cap. 16.

2. Obscurum est quod minutiores quidam Scriptores aiunt primum hymnorum usum in agresti, rudique vita apud pastores extitisse: nulum enim extat huiusce ritus vestigium. Romæ à Saliis Sacerdotibus Martis hymni saliares à Numa Pompilio compositi cantabantur ante omnem Poëtarum memoriam. Non est autem cur Græci semper mendaces primam hymnorum inuentionem sibi arroganter attribuant: Moyses enim cuius ingenium, & mirabilem dicendi vim Dionysius Longinus miratur, & alij vates Hebræi hymnos Deo cantarunt multis ante seculis quam in Græcia Poetæ florerent. Atque ut sileam de cæteris Moyses vixisse creditur octingentis circi-

Dion. Longin. libro de sublimi eloquen.

ter annis ante conditam Urbem, adhuc vigente prima Monarchia Assyriorum. Rex quoque David à Philone Hebræo hymnographus antonomasticè nuncupatur, & in morem Pindari, Flacci, & Alcæi lyra excellenter personuit. Age verò quam excellens, quam nobilis Hymnorum usus dicendus est, quos non solum Apostoli, & alij fideles in primitiua Ecclesia frequentarunt, sed ipse etiam Christus exemplo suo commendauit? *Et hymno dicto*, aiunt Euangelistæ, *exierunt in montem oliuarum*. Dubitauit olim Carolus Magnus Imperator, quisnam fuerit Hymnus iste, quem dixit Iesus post cenam, cumque hanc quæstionem Albino Flacco proposuisset, respondit ille longa, & eleganti epistola, confutatque primò eorum sententiam, qui dicunt fuisse aliquem psalmum: tum asserit, vel non omnia ab Euangelistis scripta esse, vel Hymnum fuisse partem illam sermonis, *Pater clarifica filium tuum*, & quæ sequuntur Ioannis XVII. Iste est Hymnus, ait Albinus, sacratissimus, & pulcherrimus, & cunctis perneccessarius credentibus, quem aduocatus noster Dominus Iesus Christus peracto nostræ salutis, & suæ pietatis conuiuio magna dulcedine, & mirabili suauitate præsentibus suis discipulis decantauit. Ipse est hymnus, quem in spe vitæ æternæ beatitudinis memoria tenere debemus. De Hymnis quos canebant Christiani initio nascentis Ecclesiæ multa Eusebius ex Philone. Dionysius libro de diuinis nominibus passim Hymnos admirabilis vir Hierothei magistri sui citat, & commendat, quem imitatus scripsit, & ipse plures Hymnos, qui tamen iniuria temporis perierunt. Idem Dionysius apud Eusebium Hymnos Nepotis collaudat, quos tunc fideles cantabant. S. Athenogenis antiqui Theologi Hymnum, quem ceciuit per ignem martyrium consummaturus tanquam vulgò notum citat Basilus libro de Spiritu sancto ad Amphilochem, ipsumque vocat exiterion, id est egressorium, vel vt alij legunt alexiterion, id est amuletum. Ecquis est adeò rudis, & imperitus Ecclesiasticæ antiquitatis, qui nesciat Paulum Samosatenum in Concilio Antiocheno damnatum, quod Hymnos, & cantus in honorem Christi compositos exploderet, vt patet ex epistola Catholicorum Episcoporum in historia Ecclesiastica Eusebij? S. Ephræm Harmonium hæreticum Bardesanis Syri filium, & Gregorius Nazianzenus Apollinarium sacris Hymnis silere fecerunt.

Plato 7. de legib.

3. Plato Philosophorum mens rectissimum fore ait, vt Hymni, & laudes Dei precibus mixtæ canantur. Idem asserit Proclus lib. 2. Platonice Theologiæ c. 11. Agesilaus nunquam Hymnos dicere desinebat, teste Xenophonte in eius vita. Militibus sacros Hymnos commendant Leo Imperator, & Ioannes Cantacuzenus. Ipse quoque Iulianus defector eorum usum laudat, & extollit in quadam oratione, siue epistola acephala, cuius solum fragmentum ad nos peruenit. Eof-

Math. 26. 30.

Marc. 14. 26.

Albin. epist. 106.

Euseb. l. 2. Eccl. hist. cap. 16.

Idem lib. 7. c. 19.

Id. ibid. cap. 24.

Plato 7. de legib.

Leo Imp. de re
rastica c. 12. n. 115.
Cantacuz. lib. 3.
cap. 68.

dem inter assiduas Imperij curas Carolus Magnus frequentasse gesta ipsius testantur. Robertus Rex Franciæ cum Auallonem obsideret, sacrosque Hymnos decantaret, magna pars muiorum sponte corruit, vt tradit Paulus Æmilius. Concinnè apud Arrianum Epictetus. Num aliquid oportebat nos, si quidem intelligentia in nobis est quædam, publicè & priuatim facere quam laudare & celebrare Numen, eique pro beneficiis in nos collatis gratias agere? Nonne & fodientes decet, & arantes, & comedentes canere Hymnum Deo? Magnus Deus, qui nobis instrumenta hæc, quibus terram coleremus, exhibuit: magnus, qui nobis manus dedit, item vt gula deglutire possemus, qui ventrem, qui incrementa corporis occulta, qui vt sopiti somno possemus spirare effecit. Vro his vniuersis laudare eum decebat, ac præstantissimum, diuinissimumque Hymnum accinere confessionem hanc expiementem, quod nimirum dederit nobis facultatem assequendi hæc omnia, ac certa via, rationeque iis vtentem. Quid igitur sit? Quandoquidem plures cæci estis, an non esse oportet aliquem isto munere fungentem, & pro omnibus debitam laudem Deo exhibentem? Si ego luscinia essem, facerem quod solent luscinia: si Cygnus, Cygni more canerem. Atqui compos sum rationis. Itaque Hymno mihi celebrandus est Deus: nam meum illud est officium, quod sanè præstabo, nec deferam ordinem hunc quoad eius possum: vosque vt idem faciatis, atque eadem incedatis via, hortor. Hætenus Epictetus. Et cantum quidem Hymnorum vtilem esse ad mouendum piè animum, & accendendum diuinæ lectionis affectum asserit Augustinus: De quibus Hymnis, inquit, in Ecclesia canendis, & ipsius Domini, & Apostolorum habemus documenta, & exempla, & præcepta. Augustino suffragantur alij Patres, quos in re clarissima superfluum est recensere. Est autem Hymnus, si propriè loquamur. *ὁ οὗτος ὁ δῶς*, Dei laus per carmen, siue cantus in Deum, sicut scholiastes Sophoclis definiuit. Athenæus in dipnosophistis, Hymnus cantus de Deo. Gregorius Naz. in carminibus, Modulata laus est Hymnus, vt quidem arbitror. Elias Cretenensis eiusdem Gregorij Scholiastes, Hymnus diuinæ gloriæ est decantatio, laudisque ipsius prædicatio. Chrysostomus proœmio 1. in Psal. Hymnus est bonorum verborum conceptio, quæ Deo offertur pro bonis, quæ nobis adfunt. Minus recta videtur Hymni finitio, quam assignat Ven. Beda præfatione in Psal. Hymnus est propriè laus Dei metricè scripta: si enim ad Hymnum ligatam orationem necessariam existimat, errat. Primarij sapientiæ antistites sunt, apud quos reperimus Hymnos soluta oratione compositos, videlicet apud Trismegistum in Pimandro, Platonem in Symposio, & in Phædro, idque præter alios adnotauit Rhodiginus. Marinus Neapolitanus in Proclo, siue de felicitate, Hymnos, inquit, efficiunt alij metro, alij oratione soluta. Egregiè Augustinus Hymni proprietatem describit. Hymnus sciis

Paul. Æmil. in vta Roberti.

Epictet. l. 1. c. 16:

Aug. ep. 119. c. 18.

Athen. lib. 4. c. 4
Nazianz. Iambo.
15. v. 144.
Elias in orat. 9.
Naz. n. 21.

Rhodig. l. 7. c. 5.

Aug. in ps. 148.

quid est? Cantus est cum laude Dei. Si laudas Deum, & non cantas, non dicis Hymnum. Si cantas, & non laudas Deum, non dicis Hymnum. Si laudas aliquid, quod non pertinet ad laudem Dei, etsi cantando laudes, non dicis Hymnum. Hymnus ergo tria ista habet, & canticum, & laudem, & Dei. Laus ergo Dei cum cantico Hymnus dicitur. Quidam recentiores Poetæ suis carminibus, quibus Sanctos inuocant, Hymni titulum præfigunt, sed propriè Hymni ad Deum pertinent, & soli Deo conscribi solent, quod præter alios obseruat Menander Rhetor.

Menander loco citato.

Bened. Reg. c. 17.

Strabo c. 15. de reb. Eccl.

Concil. Turon. cap. 24.

Radulph. pro. 13.

Isidor. lib. 1. de Ecc. off. cap. 6.

Rab. Maurus l. 2. c. 49.

Strabo cap. 15.

Berno Abb. cap. 2. de reb. ad Miss. spectant.

Basil. epist. 1. ad Greg. Theolog.

Coloss. 3. 16 & ibid. Chrysostom.

4. Sanctus Benedictus in Regula Hymnum vocat Ambrosianum, nam tempore Diui Ambrosij frequentius cantari cœperunt Hymni ab eodem compositi, ut ipsemet de se testatur in fine concionis de basilicis non tradendis hæreticis. Monasticæ verò Regulæ sanctionem sic explicat Vvulfrius Strabo, ut beatissimus Legislator per Ambrosianos, vel eos intelligat Hymnos, quos confecit Ambrosius vel alios ad imitationem Ambrosianorum compositos. De qua re extat hic canon secundi Concilij Turonensis: Licet Hymnos Ambrosianos habeamus in canone, tamen quoniam reliquorum sunt aliqui, qui digni sunt forma cantari, volumus libenter amplecti eos præter ea quorum Auctorum nomina non fuerint in limine prænotata: quoniam quæ fide constiterint, dicendi ratione non obstant. Hymnos authenticos, qui in antiquis Hymnariis reperiuntur, nominatim recenset Radulphus Tungrensis, eosdemque collegit, ac scholiis illustravit Iodochus Clichtouxus. Laudant Hymnorum auctores Isidorus, Rabanus Maurus, Vvulfrius Strabo, & Berno Augien-sis. Sunt autem præcipui, qui Hymnos scripserunt, Synesius, & Hilarius Episcopi, Cosinas Hierosolymitanus, Ioannes Damascenus, Theophanes, Theosterictus, Theoleptus, Metrophanes Smyrnezus, Prudentius, Beda, Sedulius, Paulinus, Venantius Fortunatus, Fulbertus Carnotensis, Paulus Diaconus, Thomas de Aquino, Ioannes Geometra, Maximus Margunius, & alij. In Officio nocturno solent hymni statim post Inuitatorium decantari. Vocati enim, & inuitati ad Deum illico gaudemus, & exultamus, & si quæ sunt adhuc torpencia corda ad inuitantis vocem nondum satis commota per Hymni alacritatem, & iubilationem ad Psalmos deuotè persoluendos excitantur. Si quidem, ut Magnus scribit Basilius, hilarem, alacremque animæ æquabilitatem hymnica conferunt cohortamenta. In Laudibus verò, itemque in Vesperis, & Completorio Hymni dicuntur post Psalmos, quia cum his horis feruentiores in diuinis laudibus inueniri debeamus, consentaneum est, ut ad opus psalmodiæ sine præiua Hymni cohortatione procedamus, ut fiat quod scriptum est, *In Psalmis, Hymnis, & Canticis*. Prius enim ponuntur Psalmi, postea Hymni, ut potè res quædam diuinior, teste Chrysostomo, demum cantica:

cantica: qui ordo in hisce tribus officiis omnino servatur, nam post Hymnos Evangelica cantica modulamur. At in cæteris diurnis horis Hymnus præcedit Psalmos, quia curis quotidianis occupatum cor ad dulcedinem divini amoris hymnico personante concentu retrahi debet, sicut dicit Scriptura, *Pinguetent speciosa deferri, & vallis abundabunt frumento, clamabunt, etenim Hymnum dicent.* Quomodo pinguetet desertum? Quomodo corda depressa, & distracta divinæ gratiæ suavitate abundabunt? clamabunt inquit. Quid clamabunt? Hymnum dicent, Hymnus igitur dicendus est, ut divinæ consolationis epulo saginemur. *Eruclabunt labia mea Hymnum*, inquit Psalmographus, *cum docueris me iustificationes tuas.* Eruclat qui plenus est. Si divina iucunditate repletus es, si donis cœlestibus inpinguatus, eruclabunt Hymnum labia tua. Quare Hymnus aliquando præcedit, ut laude Dei repleatur os nostrum: aliquando subsequitur, ut de perceptis muneribus summo largitori gratias referamus. Quod enim à superis descendit, ut sapienter scribit Ennodius Ticinensis, sola licet Hymnorum mercede taxari: Fabricator mundi ad potiora munera modulari inuitatur eloquiis. Hymnos autem idcirco stantes cantamus, ut in corporis erectione rectitudinem mentis ostendamus. Nam quid prodest, ait Augustinus, quod Hymnum cantat lingua tua, si sacrilegium exhalat vita tua? Male vivendo multas linguas misisti in blasphemiam. Lingua tua vacat Hymno, & cæteræ te inuentium vacant blasphemiiis. Si ergo vis benedicere Dominum, fac verbum eius, fac voluntatem eius, *Te decet Hymnus Deus*, ait Psalmus. Sed ubi? *In Sion.* In Babylone non decet. Spes nostra fundata est in illa Civitate Hierusalem. Qui cantat secundum hanc spem, licet carne sit adhuc in Babylone, corde tamen cantat in Sion, dicente Apostolo, *Conversatio nostra in Cælis est.* Qui verò terrenis adhuc inhiat cupiditatibus, hic ab Hymnis alienus est, hic Hymnos cantare nequit de canticis Sion.

Psalm. 64.

Psalm. 118.

Ennod. in Panegyrico ad Theodoricum.

Aug. in ps. 102.

§. X.

DE ANTIPHONIS.

Quid sit Antiphona. Quia primus fueris Antiphonarum institutor. Aterni cantus antiquitas. Antiphona charitatem designat. Suspiria amantis anime.

1. **F**erventissimus Christi Martyr Ignatius primus in Ecclesia Orientali Antiphonis initium dedit, ut Socrates Scholasticus testatur. Est autem ἀντίφωνον vox contra sonans, siue cantus oppositus, & recipiens à verbo Græco ἀντίφωνον, quod est contra clamare, seu vicissim, & ex aduerso respondere. Vnde Echo à Græcis Ποῦντις *Antiphonis*; id est vicissim resonans, aut reclamans nuncupatur.

Socrat. lib. 6. c. 8.

Zerlin. initio l. 3.
supplem. Musica-
lis.

Amalar. lib. 4. c. 7.

Theodoret. lib. 1.
hæretic. fabularū.

Id. hist. Eccl. l. 2.
cap. 24.
Suidas v.
ῥεσις.

Cassian. lib. 2. de
init. cœnob. c. 5.
& seqq.

Antiquiores musici, cum multiplex consonantiæ genus faciant, vñum eorum vocant *ἀντίφωνον*, vt doctissimus Zerlinus ostendit, estque huiusmodi diapason, diapason diapente, & didiapason. Vñu verò receptum est, vt sententia, quæ Psalmum, vel canticum antecedit, Antiphona dicatur, nam teste Amalario, totus Psalmus, totumue canticum iuxta eius tonum alternis versibus vicissim cantatur, ac deinde duo chori in ipsa Antiphona post finem Psalmi simul conueniunt Dico Antiphonam more Ecclesiastico, quamvis sic loquentes irritet l. 1. Dodecachordi c. 16. Henr. Glareanus, qui Antiphonum dici vult, vt linguæ Græcæ ratio postulat. Ignoscant Critici. Ipsi quoque Psalmi, cum à pluribus alternatim recitantur, Antiphonæ dici possunt, quia scilicet duo chori ad statutæ Antiphonæ symphoniam alterna modulatione sibi mutuò respondent. Hancigitur consuetudinem alternatim psallendi habet ab antiquissimis seculis orthodoxa Ecclesia, ab Ignatio nimirum, qui post Euodium Antiochenæ Ecclesiæ Antistites pontificatus gratiam, vt ait Theodoretus, per Magni Petri dexteram accepit. Hic in excessu mentis suæ vidit Angelos alternis Hymnis sanctissimam Trinitatem collaudantes, vnde psallendi formata in ea visione expressam Ecclesiæ tradidit Antiochenæ, quæ deinde in varias Ecclesias pium Episcoporum studio insinuata ab omnibus demum Catholicis recepta est. Scio quidem Theodoretum, Suidam, quos nonnulli recentiores secuti sunt, ad Flavianum, & Diodorum Antiochenos Monachos, qui tempore Constantij Imperatoris floruerunt, hanc institutionem referre. Verumtamen vel errasse istos dicendum est; vel non de quocunque alterno cantu, sed de solis Davidicis Psalmis intelligi debent. Hi enim primi, ait Theodoretus, psallentium choro in duas partes diuiso Hymnos Davidicos alternis canendos instituerunt. Theodorus autem Mopsuestenus citatus à Niceta Choniata lib. 5. Thesauri Orthodoxæ fidei c. 30. præfatos Monachos eam Psalmodiæ speciem ex Syrorum Lingua in Græcam transtulisse asseuerat. Scio etiam ritum Monachorum tempore Cassiani diuersum fuisse. Nam in cœnobis hunc morem vigiliæ refert, vt sedentibus cæteris, & omni cordis intentione ad vocem psallentis intentis vnus in medio integrum Psalmum solus cantaret: imò quantalibet multitudo conuenisset, nunquam amplius psallebant in synaxi, quam quattuor fratres. Nondum videlicet illa alternatio in monasteriis approbata fuerat, nec statim in omnes terræ partes propagata. Sanè in Latina, & Occidentali Ecclesia quotquot scribunt de sacris ritibus Beatum aiunt Ambrosium Mediolanensem Episcopum primum fuisse, qui Græcorum imitatus exemplum hunc canendi modum per Antiphonas tradidit, quem postea Damasus Papa Pontificali auctoritate confirmari. Atque hinc fortasse quorundam historicorum error defluxit alterni cantus auctorem B. Damasum asserentium, quem ta-

men ipse non introduxit, sed ab Ambrosio institutum Apostolico decreto stabilitum.

2. Hanc veritatem vnico testimonio confirmo, quod nulla possit exceptione perucax aduersarius eludere. Audiamus Augustinum: scimus enim quia verum est testimonium eius. Quantum fleui, ait, in Hymnis, & canticis tuis suauiter sonantis Ecclesiæ tuæ vocibus commotus acriter? & infra. Non longè cœperat Mediolanensis Ecclesiæ genus hoc consolationis, & exhortationis celebrare magno studio fratrum concinentium vocibus, & cordibus. Nimirum annus erat, aut non multo amplius, cum Iustina Valentiniani Regis pueri mater hominem tuum Ambrosium persequeretur hæresis suæ causa, quæ fuerat seducta ab Arianis. Excubabat pia plebs in Ecclesiâ mori parata cum Episcopo suo seruo tuo. Tunc Hymni, & Psalmi vt canerentur secundum morem Orientalium partium, ne populus mœroris tædio contabesceret, institutum est, & ex illo in hodiernum retentum multis iam, ac penè omnibus gregibus tuis, & per cæteras orbis imitantibus. Hæc Augustinus. Cæterum in veteri testamento cantus alternationem adumbratam videmus Isaïæ sexto in duobus Sersaphim, qui clamabant alter ad alterum *Sanctus, Sanctus, Sanctus*. Initio autem Euangelij, si non alterni cantus expressio manifesta, aliquod saltem eius vestigium apud Philonem, & Dionysium Areopagitam reperitur. Et ille quidem choros describit nunc iunctis vocibus resonantes, nunc sibi inuicem congruè respondentes. Hic verò canentes ad alterutrum laudat, quasi vna concordia, & consona sacrarum rerum chorea. Tertullianus quoque in fine libri secundi ad uxorem; Sonant, inquit, inter duos Psalmi, & Hymni, & mutuo prouocant quis melius Deo suo canet. Quod si ad sinceram Christi fidelium pietatem profanos etiam ritus adiungere libeat, viguisse apud Ethnicos cantus alternationem manifestum est. Poëtis enim solemne est carmen Amœbæum, in quo cantantes alternis sibi respondent. Sic ille Pastor apud Poëtam in Bucolicis,

*Vt ergo inter nos quid possit uterque vicissim
Experiamur?*

Et post pauca.

*Incipe Damoeta, tu deinde sequere Menalcas?
Alternis dicetis, amant alterna Camena.*

Calpurnius,

Tuque prior Corydon, tu proximus ibis Amynta.

Statius Papinius.

*Paulatim alternis in verba, minasque
Cunctantur.*

Homerus describit Musas alternatim cantantes, ἄλλοι ἀλλήλοισιν ᾄδον, ὅμοιόν τε φωνὴν ἔχον, canebant alternantes voce pulchra. Sed his omis-
Zz ij

Aug. lib. 9. confell. cap. 6. & 7.

Philo de vita contemplat.
Dionys. c. 3. Eccl. Hierarch.

Virgil. Ecl. 3.

Calpurn. Ecl. 4.

Statius t. Thebaid.

Homer. Iliad. 1. v. 604.

quæ sit mystica Antiphonarum intelligentia libet paucis inuestigare.

Amalar. l. 4. c. 7.

3. Amalarius doctè, & eleganter rem istam edisserit. Quanto melior, ait, anima corpore, tanto melior est cantus animæ quam corporis. Igitur intendendum est, quæ sit Antiphona animæ. Videtur nobis virtus dilectionis esse, quæ coniungit opera duorum fratrum simul. Psalmi ad opera referuntur, Antiphona ad illam dilectionem, qua unusquisque fratri suo porrigit suum opus. Duobus choris alternatur Antiphona, quoniam non potest minus esse charitas, quam inter duos. Hanc vicissitudinem charitatis significant Cantores, qui alternatim ex utraque parte Antiphonas leuant. Hos duos choros designauerunt pennæ animalium inuicem porrectæ, quas vidit Ezechiel in figura aduentus Christi, & noui testamenti. Coniunctio duarum pennarum Antiphona est, quæ vicem tenet charitatis. Penna enim animalium alterius ad alterum iungitur, ait Gregorius Magnus, quia sanctorum Prædicatorum virtus, atque sapientia vicissim sibi in charitatis atque concordie pace sociatur. Ut autem charitas perfecta sit, necesse est adesse alterum, cui eius affectus exhibeatur. Ideo Psalmos alterna modulatione cantamus, quia amor si non sit mutus, iucundus esse non potest; quandoquidem si desit qui amorem impendat, & qui rependat, amor non est. Ante Psalmum imponitur Antiphona, quia opus bonum, ut sit meritorium, ex charitate procedere debet. Iuxta tonum Antiphonæ cantatur Psalmus, quia iuxta charitatis mensuram solet manus operari. Frustra accedit ad Psalmum cantandum, qui amoris Antiphonam non intermiscet. Fides per dilectionem operatur, nec potest capere frigidum pectus eloquiû Dei ignitum vehementer. Sicut enim, ait Bernardus, Græcè loquentem non intelligit, qui Græcum non nouit; nec Latine loquentem, qui Latinius non est: sic lingua amoris ei qui non amat, barbara erit, erit sicut æs sonans aut cymbalum tinniens. In solemnioribus festis, quia perfectior charitas esse debet, duplicatur Antiphona: in aliis autem initio Psalmi imperfectè inchoatur, & in fine integra dicitur, quia, ut explicat Hugo Victorinus, inchoata in hac vita charitas in fine consummanda est. Cantor solus incipit Antiphonam, quæ ab omnibus deinde completur, tum quia charitas ab uno Christo ad membra diffunditur, tum quia summus Dei amor præuenit nostrum, & ipse prior dilexit nos. Ideo post Psalmos cantant omnes communiter Antiphonam, quia commune gaudium à communi oritur dilectione. Tempore Resurrectionis minor est numerus Antiphonarum, quia Clerici, & Sacerdotes Paschalibus gaudiis, & Sacramentis quasi succenso clibano intus æstantes non indigent externis adminiculis, ut ad amorem incitentur.

Greg. Hom. 3. in
Ezech.

Bern. Serm. 69. in
Cant.

Hugo c. 3. specul.

4. Utinam, Domine Iesu, possideat me semper amor tuus, & vera charitatis Antiphona semper resonet in corde meo. Recedat ab anima

mea omnis dissonantia, ut te solum diligam, tibi soli placere cupiam, cui soli debetur amor. Vulnera cor meum potenti iaculo charitatus tuæ, ut amore tuo saucius vivam semper in vulnere tuo. Absconde me in abscondito faciei tuæ à conturbatione hominum, prorege me in tabernaculo tuo à contradictione malorum, qui non diligunt te, nec agnoscunt te, & dicunt mihi, Veni, serviamus Diis alienis, & idolis offeramus libamina, cum tu solus sis Deus, quem solum quero die ac nocte, attrahens ventum amoris mei, & durissimum terræ huius incolatum detestans à malitia inhabitantium in ea. Fecisti me Domine ad te, & inquietum est cor meum, donec requiescat in te. Sed quando te videbo? Quando apparebo ante faciem tuam? Quando satiabor pulchritudine vultus tui, in quem desiderant Angeli prospicere? Renuit consolari anima mea, nec requiem invenire potest, nisi in te dulcedo mea, & vnicum solatiū cordis mei. Veniat igitur dies illa, dies inquam æternitatis, dies quæ nescit occasum, in qua te perfruar sine fine, in qua videbo te revelata facie, ad quem nunc de longè suspiro.

METRUM XL.

Hei mihi, dulcis Amor, mea qui suspiria solus,
 Et gemitus nosti, cordis & ima vides,
 Hei mihi, te quærem, quæ non loca tristis obiit,
 Nec, mea vita, tamen te reperire queo.
 Non mihi sunt sylva, non spinea lustra relicta,
 Invia fluctuagi, nec via præta maris.
 Sed mare dum peragro, dum terras lustrō, nec ulla
 Respondent lacrymis compita trita meis:
 Sentio me tantos frustra impendisse labores,
 Perque viam insuetos attenuasse pedes.
 Dicite vos socij, populus genialis amantum,
 Dicite, si nobis, quæ meus tuit Amor.
 Ille meus, vita quem diligo carius ipsa
 Hic erit indicij cognitus ille meus.
 Pulchrior est rutilo radiantis lamine solis,
 Cælis splendidior cum sine nube nitent.
 Cynthia flammiferis quantò superemines astris;
 Tantò est Angelicis pulchrior ille choris.
 Cernite odoratis gemmantem floribus hortum,
 Cernite puniceis lilia mixta rosis.
 Cernite florifero vernantes gramine campos.
 Cernite quam læto præta colore virent.
 Omne decus terra, nitor omnis fulget in illo,
 Et cæli supero quicquid in axe micat.

Iam super astra feror, pedibus sublimia calco
 Culmina cælorum: sordida terra vale.
 Terra vale, & mundi vos impia turba valete,
 Gens infixa solo, turbaque amoris inops.
 Fas mihi nunc tecum, mea spes, mea vita, morari:
 Fas mihi te solo nunc sine teste frui.
 In te suavis Amor, votorum meta meorum,
 Sit mihi certa salus, sit mihi tuta quies.
 Oscula iam liceat per amica silentia tecum,
 Oscula per longas iungere pressa moras.
 Te plenum, vacuumque sui ad te pectus anhelat,
 Et mea vita tuis ignibus vsta perit.
 Ignibus vsta perit mea vita: & parce sagittis,
 Parce Amor, ab! tantas comprime, sponse, faces.
 Pone modum flammis, ignem compesce furem:
 Quam iacis ab! misera figit arundo necem,
 En morior, iam victor ouans prædare iacentem,
 Oreque grandiloquo parva trophæa cane.
 O Amor! & furor! & quæ me dementia cepit!
 O mors! & miris perdita vita modû!
 O signa! & monstra! & sanæ ludibria mentis!
 O vigilans somnus! & sine nocte dies!
 O rutilans nox! & sapiens dementia! flamma
 Ardorem extinguens! os sine voce loquax!
 O casta ebrietas! clamosa silentia cordû!
 O ubi sum? quid ago? quò furibunda feror?
 Despicio, tu cogis Amor. Sed nunquid inermis
 Semper ero? & mortem semper inulta feram?
 Arma, arma huc ferte, huc fidi properate sodales,
 Ferte enses, gladios, spicula, tela, faces.
 Quid moror? & cesso iaculum torquere, vel hastam,
 Et non incerta figere tela manu?
 Sed iam victus Amor proprio comburitur igni,
 Et patitur telis vulnera facta suis.
 Dicite io pæan, io plaudite: victor Amoris
 Est Amor, en victas porrigit ille manus.
 Ponite vos socij tumulum, tum cædite saxo
 Hæc duo perspicuis carmina scripta notis.
 Hæc tenet vna duos alterna cæde peremptos:
 Victus uterque fuit, victor uterque fuit.

§. XI.

DE PSALMIS.

Psalmorum encomia ex Patribus. Psalterium compendium est omnium scientiarum. Diuisio Psalterij. Psalmus quid sit. Vsus Psalmorum laudabilis, & antiquissimus.

1. **I**ngens argumentum, & non vnus operis esset, quicquid de Psalmis ab orthodoxis viris præclare dictum, & sapienter excogitatum est in vnum colligere: superat enim argumenti sæcunditas, vel diligentissimi scriptoris sedulitatem, vt ex multis pauca secernere res ardua sit, cuncta verò in pauca congerere pompam potius ingenij præ se ferre, quam solidam legentium vtilitatem videatur. Satis igitur erit in tanta rerum copia præcipua quædam non meis, sed sanctorum Patrum verbis carptim adnotasse, quæ Psalmorum præstantiam, vim, & excellentiam sinceris mentibus ostendant. Nulla pars est sacrarum Scripturarum, in qua ornanda, & interpretanda plura sudarint tum veterum, tum recentiorum ingenia, vt ad eorum labores curiosi lectoris studium omnino remittere debeam circa varias difficultates, quæ de Psalmorum auctore, materia, nomine, diuisione, titulis, ordine, & argumento in ipso tractationis limine disputanda forent. His igitur consultò prætermisissis excitandus lectoris animus est ad amorem Psalmodiæ ignitis Sanctorum eloquiis, & exhortationibus. Extat in primis admirabilis viri Ephræm Syri præclarum encomium in Psalmos. Cum Deo, inquit, multis, cum hominibus paucis loquere. Psalmus in ore tuo sit assidue. Quoniam Deus cum nominatur demones fugat, & psaltem sanctificat. Psalmus tranquillitas est animæ, designator pacis. Psalmus amicitie conciliator, dissidentium vnio, inimicantium inter se fœdus, ac pacificatio. Psalmus Angelorum ad subueniendum inductio, præsidium timoris nocturni, requies à laboribus diurnis, infantium tutela, ornamentum senibus, maiorum natu consolatio, mulieribus aptissimum ornamentum. Hic solitudines inhabitat, conciones temperat, rudibus est instructio, proficientibus incrementum, perfectorum firmamentum, & vox Ecclesiæ. Hic festa collustrat, hic dolorem secundum Deum operatur. Etenim Psalmus ex lapideo etiam corde lacrymas excutit. Psalmus Angelorum opus est; cœleste munus, atque administratio, incensum spirituale. Psalmus mentium illuminatio, ac corporum sanctificatio. In hoc, fratres, nunquam exerceri desistamus, & domi, & extra, in viis, & dormientes, & excitati, loquentes nobismetipsi in Psalmis, & Hymnis, & Canticis spiritualibus. Psalmus piorum gaudium: hic otiosiloquium exterminat, risum reprimat, iudicium suggerit, animam in

Ephr. Syrus to. 1.
pag mihi 13.

nam in Dei laudem excitat, cum Angelis choros agit, Hæc Ephraem Syrus, cui Græcorum eloquentissimum adiungo Basilium. Psalmorum liber, ait iste, quidvis ex omnibus in se complectitur, quod vsui sit omnibus, futura certissimis præcinit oraculis, historicam continet narrationem, leges sancit vitæ sanctius instituendæ, cuique agenda præscribit, & submonet Utque semel omnia, libet hic bonæ omnis doctrinæ vberissimum quoddam est, & commune promptuarium. O inuentum sanè quam admirabile, ac sapiens Doctoris, qui exco-gitavit quo pacto vna, eademque opera ipsi melicos cantus emodularemur, & doctrinam animæ salutarem condisceremus. Quid potro non hinc possis edoceri? non fortitudinis magnificentiam? non exactam severitatem iustitiæ? non temperantiam vel ipsò aspectu venerabilem? non absolutam perfectionem prudentiæ? non pœnitentiæ formulam? non modum patientiæ? non denique quicquid dicere possis de genere bonorum? Hæc & alia plura verè magis Basilii, cui consonat Chrysostomus Homilia 7. de pœnitentia.

Basil. præf. in Ps.
sive hom. in Ps. 1.

2. Latinorum quoque doctissimus Augustinus cum in omnibus scriptis insigni niteat eloquentia, in Psalmis tamen laudandis, & explicandis tanta pollet dicendi facundia, ut seipso maior videatur. Quid Ambrosium commemorem? cuius oratio tanto diffusit verborum neccesse, ut de illo merito vsurpem Davidicum illud, *Quam dulcia faucibus meis eloquia tua, super melari meo.* Quid dulcius his verbis, quibus Psalmorum explicationi præludit? In libro Psalmorum profectus est omnium, & medicina quedam salutis humanæ. Quicumque legerit habet quo propriæ vulnera passionis speciali possit curare remedio, Psalmus benedictio populi est, Dei laus, plebis laudatio, plausus omnium, sermo vniuersorum, vox Ecclesiæ, fidei canora confessio, auctoritatis plena deuotio, libertatis lætitia, clamor iucunditatis, lætitiæ resultatio. Iracundiam mitigat, sollicitudinem abdicat, mœrorem alleuat. Nocturna arma, diurna magisteria. Scutum in timore, festum in sanctitate. Imago tranquillitatis, pignus pacis, atque concordie, citharæ modo ex diuersis & disparibus vocibus vnâ exprimens cantilenam. Diei ortus Psalmum resulat, Psalmum resonat occasus. Mulieres Apostolus in Ecclesia tacete iubet, Psalmum etiam benè clamant. Hic omni dulcis ætati, hic vtrique aptus est sexui. Hunc senes rigote senectutis deposito canunt, hunc veterani tristes in cordis sui iucunditate respondent. Hunc iuuenes sine inuidia cantant lasciuix, hunc adulescentes sine lubricæ ætatis periculo, & tentamento concinunt voluptatis. Iuenculæ ipsæ sine dispendio matronales psallunt pudoris: puellulæ sine prolapsione verecundiæ cum sobrietate grauitatis Hymnum Deo inflexæ vocis suauitate modulantur. Hunc tenere gessit pueritia, hunc meditari gaudet infantia, quæ alia declinat

Ambros. præf. in
Psalm.

edificare. Psalmum Reges sine potestatis supercilio resultant. Psalmus cantatur ab Imperatoribus, iubilatur à populis. Certant clamare singuli quod omnibus proficit. Psalmus virtutum organum est, quod sancti Spiritus plebæ pangens Propheta venerabilis cælestis sonitus fecit in terris dulcedinem resutare.

Dionys. c. 3. Eccl.
Hierar.

3. Grandiori cothurno attollitur Theologorum vetustissimus Dionysius Areopagita. Sancta, inquit Psalmorum modulatio omnibus Sacerdotalibus mysteriis iungitur, & substantiæ ratione coheret. Omnis quidem textus sacræ Scripturæ, rerum substantiam, ac distinctionem à Deo conditam prædicat: aut legale Sacerdotium, vivendique denunciat modum: aut sortes Dei populo distributas, ac possessiones narrat: aut iudicum sanctorum, aut sapientium Regum, aut piorum Sacerdotum sensum, ac prudentiam celebrat: aut veterum hominum inter varios, & multiplices tristium casus mirabilem constantiam, immobilemque Philosophiam eloquitur: siue agendæ vitæ sapientia monita, siue diuinorum amorum dulcia carmina, & diuinas effigies profert: siue plenam doctrinam salutari futurorum prædictiones enunciat: siue diuina Domini Iesu in humano corpore opera loquitur: siue discipulorum eius mores, atque instituta diuinitus tradita, & ad Dei similitudinem imitando ducentia, sanctissimasque doctrinas: siue arcanam illam, ac mysticam omnino visionem dilecti discipuli, diuinamque Domini Iesu, & altissimam Theologiam iis, qui Dei fieri merentur, exponit, eosque per mysteria sacra, & diuina sustollit, atque confirmat. At diuinorum carminum sacrosanctam Scripturam, cum id præcipue intendat, ut omnia Dei eloquia, & operationes concelebre, omnia diuina vniuersaliter canit, atque exponit, aptissimum habitum inferens eis, qui eam dignis affectibus promunt. Pergit sanctus Pater ostendere ea omnia, quæ in sacris Scripturis diffusè explicantur breui Psalmorum compendio contineri. Est igitur Psalterium consummatio totius Theologiæ, ut loquitur Radulphus Tungrensis. Est totius Scripturæ summarium, est omnium insuper artium, omniumque scientiarum collectio, & promptuarium. Quicquid literator Grammaticus de congrua diserit oratione, quicquid subtilis Dialecticus de operationibus mentis ratiocinatur, quicquid venustatis facundus promit Rhetoricus, quicquid perspicax Arithmeticus de mystica numerorum ratione philosophatur, quicquid solers Geometra accurata delineat mensuratione, quicquid dulcisonus Musicus canoro pangit modulamine, quicquid siderum indagator Astrologus in sublimi sphaerarum circulatione speculatur, quicquid gratus, doctusque Philosophus de rerum naturis, & proprietatibus curiosa disputat sedulitate; quicquid denique sacer docet Theologus diuinæ lucis fulgore illustratus, id totum tanquam in amplissimo quodam scientiarum omnium thesauro in Davidicis Psalmis recondi-

Radulph. prop. 8.

tum reperitur. Sic varietas ista Psalmorum, ait Cassiodorus, aut pretiosissimo lapidi topazio, aut pulcherrimo pauoni congruè forsitan comparatur, qui toties diuersos reddunt colores corporis sui, quoties in eis defixus fuerit oculus intendentis.

Cassiod. in Psal.
vlt.

METRV M XLI.

Nemo Iessiadis carmina Principis
*Equo reddere plestro,
 Vel dignis studeat tollere laudibus
 Vana concitus aura.*
*Nam præceps liquidum rectus in æra
 Falsis nititur alis,
 Audet qui temerè culmina scandere
 Non concessa polorum.*
*Vt campos tumidi fluminis impetus
 Rupto gurgite inundat,
 Sic mentem rapidis cursibus irrigant
 Magni carmina Vatis.*
*Nec tot flammivomis faucibus egerit
 Ardens Ætna fauillas,
 Quot flammis populat viscera, quot faces
 Psalmus vibrat amoris.*
*Seu Regem superum concinit, & Patrum
 Laudat facta priorum,
 Et castra Isacidum, iustaque prælia,
 Et stantes pelagi undas.*
*Seu seris referat fata nepotibus
 Cæli insculpta pyropis,
 Enoluitque Patris consilia, & sacros
 Scribit Verbi hymenæos,*
*Sine implorat opem Numinis, & preces
 Pronus fundit Olympo.*
*Diuinus fidicem semper amabili.
 Mulcet carmine cælum.*

4. Theodorus ille lapsus, ad quem Chrysostomus scripsit ut eum reuocaret ad Monasterium, & à quo Nestorius suam hausit impietatem, non amplius quam 18. annos natus, ut testatur Leontius Byzantinus, in scripturas debacchatus est, non enim nisi debacchationes scripturarum eius interpretationes vocari possunt, & inter cætera inscriptiones Hymnorum, & Psalmorum, & Canticorum penitus eiecit, & omnes Psalmos ad Zorobabelem, & Ezechiam retulit, tribus tantum ad Dominum reiectis, qui error intolerabilis est. Alij

Leont. lib. 5. adu.
Nest. & Eurych.

verò in hoc errarunt, quod non omnes Psalmos à S. Rege David fuisse conscriptos existimarunt, sed hi tamen ob hanc causam inter Hæreticos numerari non debent, ut censuit S. Philastrius Episcopus Brixienfis. Libet autem Ecclesiasticos homines hic admonere, ut Psalterium non solum verbo tenus memoriter scire, sed eius quoque mysticam intelligentiam percipere studeant. Notissimum est illud Augustini vix nomen Sacerdotis mereri qui Psalterium ignorauit: & Concilium Toletanum sacris Ordinibus eos prohibuit insigniri, qui totum Psalterium, & Cantica vsualia nescirent. Magnus item Gregorius cum qui Psalmos ignorabat noluit Episcopum ordinare. Possem paginas latè implere Auctorum nominibus, qui Psalterium præclaris lucubrationibus illustrarunt, sed nolo ego assumpta censoria virga federe arbitrii ingeniorum, & critica dicacitate aliorum opera subtilius examinare: puto tamen hominibus mediocri præditi literatura sufficere posse Commentaria Cardinalis Bellarmini, & Paraphrasim Cornelij Iansenij; doctoribus enim hac in re legem præscribere supercilij esset non tolerandi. R. Abraham aben Hezra Psalterium diuidit in decem Psalmorum genera. Primum est *Menatzeach*, quod nos dicere possumus carmen triumphale. Secundum *Neghinab*, cantus cum musico instrumento. Tertium *Mizmor*, Psalmus. Quartum *Scir*, Canticum. Quintum *Tebilab*, laus. Sextum *Tepbilim*, Orationes. Septimum *Berachor*, Benedictiones. Octauum *Hodoth*, Confessiones. Nonum *Afre*, Beatitudines. Decimum *Halleluioth*, quæ sunt laudes *Iah*, vnde Halleluia. Porro Psalmus Græca vox est, quæ Latinis idem est ac cantus à verbo *Ψάλλω*, quod est canto, siue id ore duntaxat fiat, siue addito musicali instrumento. Hebræi Psalmos vocant *Tebilim*, id est laudes, siue Hymnos, quod præcipua eorum pars in cantandis Dei laudibus versetur. Quam sit antiquus eorum vsus in Ecclesia superfluum est hic repetere, cum iam probatum sit supra capite primo. Cur verò Ecclesia præ cæteris scripturis frequentius vtarer Psalmis, tractant Radolphus de Rino, & Ioannes à Turrecremata Cardinalis, quia videlicet excellentiores sunt, ut modo ex Patribus ostensum est, perfectam orandi formam continent, suntque magis idonei ad cantum, & vocalenti iubilationem. De numero Psalmorum, deque mysticis eorum sensibus, & de vsu psallendi insignem tractatum scripsit Iosephus Abbas in tres libros distinctum. De privato vsu Psalmorum quomodo, & quare in diuersis occasionibus illis uti debeamus, differit Athanasius in aureo libello de interpretatione Psalmorum ad Marcellinum, qui tractatus & lectu dignissimus est, & Christianis omnibus maximè utilis. Docet Amalaricus non stare solere, quando Psalmos cantamus, ut ex situ corporis affectum mentis demonstremus, paratos videlicet nos esse ad exercitium operis; quod per Psalmos signifi-

Philast. de hæresibus. num. 79.

Concil. Toletan. 7. c. 10.
Greg. l. 4 Ep. 45.

Radolph. prop. 8. & 9.
Turrecrem. in regul. S. Bened. trac. 75.

Amalar l. 4. c. 3.

cat. Parum enim valeret Psalmorum modulatio, ni bonorum operum executio oris cantum sequeretur. Finio hac præclara meliphthongi Doctoris patruesi. Cibis in ore, Psalmus in corde sapit: tantum illum terere non negligat fidelis, & prudens anima quibusdam dentibus intelligentiæ suæ: ne si fortè integrum glutiat, & non mansum, frustretur palatum sapore desiderabili (super mel), & fauum. Mel in cera, devotio in litera est. Alioquin litera occidit, si absque spiritus condimento glutieris. Si autem cum Apostolo psallas spiritu, psallas, & mente, cognosces & tu de illius veritate sermonis: quem dixit Iesus: *Verba quæ locutus sum vobis, spiritus, & vita sunt.* Sic delectabitur in crassitudine anima tua, sic holocaustum tuum pingue fiet: sic placabis Regem, sic placebis Principibus, sic denique totam tibi curiam benevolam reddes.

Bera, serm 7 in Cant.

§. XII.

DE CANTICIS.

Quomodo inter se differant Psalmus, Canticum, Canticum Psalmi, & Psalmus Cantici. Canticum quid sit. De Canticorum usu, numero, materia, & antiquitate. 1.º Cantico Te Deum laudamus. Per alia Cantica properandum esse ad Cantica Canticorum.

1. **D**E divinis Canticis paucis agendum est, si de tanta re pauca proloqui fas erit. Orthodoxi Patres Cantica à Psalmis distinguunt iuxta diversas musicæ artis præscriptiones. Et Psalmus quidem sermo musicus est, qui secundum harmoniæ rationem ad organum pulsari, & simul cantari solet. Canticum verò est, cum cantantium chorus libertate sua utens, nec in consonum organi adstrictus obsequium solius vocis modulatione exultat. At cum organo præcinentæ Cantoris vox instrumenti æmulatrix subsequitur, Canticum Psalmi nuncupatur. Cum autem humana voce incipiente organi sonus pari suavitate voce modulos imitatur, Psalmus Cantici vocari consuevit. His ergo quatuor musicæ artis generibus competentes Canticorum inscriptiones prænotantur. Canticum sola voce, Psalmus voce simul, & organo: incipiente organo Canticum Psalmi: instrumentali symphonia vocem subsequente Psalmus Cantici decantatur. Porro Canticum, quod in sacris literis collaudare iubemur, significat apud Hilarium, & Augustinum scientiam spiritualem, & intelligentiam celestis arcani, quam quis per cognitionem sapientiæ consequitur. Siue, ut ait Basilus, Canticum est quodcumque contemplatione simplici, ac Theologica comprehenditur. Vel, ut docet Maximus Martyr, Cantica voluptatem significant divinatorum bonorum, quæ animas commouent ad sincerum Dei amorem. Non enim semper boni

Hilarius, Euthymius & Chrysost. in præf. Psalm. Basilus in Ps. 29.

Eccl. 39. 39.

Hilar. præf. in Ps. Aug. in Ps. 67.

Basil. in Ps. 29. Maxim. Martyr. de Eccl. mystagogia c. 21.

Psal. 45.

Chrys. in psal. 41.

operis exercitium habitam de Deo cognitionem statim subsequitur; sed cognoscens diuinæ maiestatis miranda secreta in nuda eorum contemplatione aliquando quiescit, sicut scriptum est, *Vacate, & videte quoniam ego sum Deus*. Hanc autem animæ voluptatem, hanc animi sublimem contemplationem denotat Canticum, quod, teste Chrysostomo, animam erigit, & alatam quodammodo efficit, & à terra liberat, & exoluit à vinculis corporis, & amore sapientiæ afficit, & ut res omnes ad hanc vitam pertinentes irrideat, perficit. Hac verò dispositione diuini Officij series ordinatur, ut nonnisi præmissis, aliquot Psalmis Canticorum modulatio subsequatur: nam Psalmus exteriores indicat actiones, quarum laboriosa efficientia, ad sublimem contemplationis statum in Canticis symbolicè adumbratum aptatur homo. Et quia solet nonnunquam rerum diuinarum adepta cognitio magnarum rerum operationem parturire, ideo post Cantica adhuc Psalmi aliquando cantantur, necessariam actionis, & contemplationis vicissitudinem indicantes. Sed post Cantica ex Euangelio desumpta nullus sequitur Psalmus, quia futuræ vitæ perennem contemplationem significant, quando non erit amplius neque labor, neque dolor. Cæterum Cantiqua antiquitate temporis Psalmos omnes antecellunt. Nam Moyses ante omnem Psalmorum vsum primus omnium cecinisse Canticum narratur, cum subsistentium, & decurrentium aquarum obsequio è durissima seruitute liber euasit. Ecclesia è veteri testamento septem accepit Cantica, quæ septem diebus Hebdomadæ pro matutinis laudibus assignauit. E nouo autem tria dumtaxat quotidie frequentantur, Canticum quidem Zachariæ in matutinis laudibus, Canticum B. Virginis in vespertina synaxi, Canticum denique Simeonis in postrema Completorii hora. Vides quod hæc tria Cantica singulis diebus, cætera nonnisi semel in Hebdomada concinuntur? An hæc sunt noua Cantica, ad quæ Psalmographus toties repetito carmine fideles populos hortatus est dicens, *Cantate Domino Canticum nouum, Cantate Domino omnis terra?*

Psal. 95.

Chrys. Hom. in psal. 95.

Aug. l. de Cantico nouo cap. 1.

2. Rectè Chrysostomus. Vetus Canticum vnius populi sibi circumscriptum erat, vnoque climate continebatur, neque fas erat populo extra illud clima vetus afferre Canticum; sed nouum per omnem terram incedit, quæ sub cælo est, & ab vniuerso decantatur orbe. Rectè item Augustinus. Prius fuit testamentum vetus, Canticum vetus, homo vetus: nunc autem testamentum nouum, Canticum nouum, homo nouus. Hoc est discrimen inter Canticum nouum, & vetus. Veteres interrogati ab alienigenis, ut inter salices Babylo- nis Canticum Domini psallerent, responderunt: *Quomodo cantabimus Canticum Domini in terra aliena?* At de nouis Canticis scriptum est: *Euntes in mundum vniuersum predicate Euangelium omni creature*. Ideo hæc frequentius, illa parcius decantamus. Quare au-

tem prædicta Cantica certis diebus, & non aliis assignari Ecclesia pluribus edidit Amalarius Fortunatus, cuius allegoricas rationes, cum sint prorsus voluntariæ, consultò prætermitto. Odi enim, ut verum fatear, has ingenij lasciuiæ saturas, nec placent allegoriæ, nisi sacrarum literarum auctoritate confirmentur. Vtrumque vitiosum est, & omnem spernere allegoriam, & nimium illis insistere, & facere ingenium suum Ecclesiæ sacramenta, ut loquitur Diuus Hieronymus scribens de Origene. Omnia Cantica ad gratias agendas Deo pro insignialiquo, & speciali beneficio fuisse composita Richardus Victorinus, Rupertus Abbas affirmant. Alij tamen obseruauerunt multiplicem esse Canticorum materiam. Est materia gratulatoria, ut in Cantico Moysis post transitum maris rubri; in Cantico Deborah post interfectum Sisaram; in Cantico Iudith post necem Holofernis; & in eo quod tres pueri ab incendio liberati cecinerunt. Est & materia prophetica, ut in Canticis Isaiæ, & Habacuc. Est item inuectiua, ut in Cantico, quod cecinit Moyses coram filiis Israel, quando inuocauit contra ipsos cælum, & terram. Præclare Ambrosius. Cantauit Moyses, quando in maris rubro ad transitum Iudæorum fluctus obriguit, vnda circumstetit, eademque equos Ægyptiorum, ascensoresque refusa demersit. Cantauit Isaias dilecto dilecti vineæ suæ Canticum, significans asperam flagitiis fore plebem, quæ sæcundis prius erat virtutibus fructuosa. Cantauerunt Hebræi, cum vestigia eorum tactu flammæ rorantis humescerent, & intus, extræque ardentibus omnibus solos ignis innoxius lamberet, nec adureret. Habacuc quoque Cantico publicam doctus mulcere mæstitiam prophetauit dulcedinem Domini fore fidelibus passionem. Cantauerunt ergo Prophetæ spiritualibus modulis publicæ salutis oracula resultantes. Quamuis autem multa sint Cantica, Ecclesia tamen Romana plura non recipit, quam duo Cantica Moysis, Canticum Annæ, Canticum Isaiæ, Ezechie Regis, Habacuc, & trium puerorum, & tria ex nouo testamento. At Monachi ex præscripto Regulæ S. Benedicti diebus festis in tertio Nocturno tria Cantica recitant ex Prophetis, & aliis scripturis, quorum rationem suo loco explicabo. Hisce Canticis diutinan huius exilij solitudinem consolamur, donec in cælesti patria Canticum verè nouum immortalitate donati sine vlla doloris admixtione modulemur. Etenim in præsentarium sicut nulla sine miseriis plena sunt gaudia, ita teste Paschasio Ratherto Abbate sine lamentis vix aut nulla inueniuntur Cantica: quoniam solummodo Cantica in cælesti Sion decent, lamentationes autem in hac nostra peregrinatione: mixtim verò quasi in meditullio iure lamenta carminibus, atque carmina fletibus permiscetur, vbi & mala planguntur, & in spe gaudia cum fide celebrantur. Plura de Canticis mysticè, & anagogicè Ioannes Gerson tertia parte suorum operum.

Amal. l. 4. à c. 10.
vsque ad 18.

Hier. prolog. l. 5.
comm. in Isai.

Richard. lib. 4 in
Apoc. cap. 6.
Rupert. in Prol.
Canticor.

Ambros. lib. 6. in
Lucam.

Infra cap. 18.

Paschas. initio li-
bri 5. in lament.
Ieremæ.

Rupert. Abb. l. 2.
in Reg. S. Bened.
cap. 7.

Dacius l. 1. Chron.
cap. 10.

Greg. 3. Dialog.
cap. 4.
Menard. pag. 400.

Gauant. in Rubr.
Brev. scilicet. 5. c. 19.

Bened. Reg. c. 11.

Lorin. in pf. 17.

Glaber. lib. 3. hist.
cap. 3.
Origen Hom. 1.
in Cant.

3. Est & aliud canticum, si tamen inter cantica, & non potius inter Hymnos numerandum, ut putat Rupertus Abbas, quod licet in sacris literis non inveniatur, diuinitus tamen compositum est, & diebus festis post ultimam Nocturnorum lectionem solemniter decantatur. Hoc est *Te Deum laudamus*; de quo sanctus Dacius Mediolanensis Episcopus sic scribit. A B. Ambrosio cunctis fidelibus vrbis adstantibus, & videntibus in nomine sanctæ, & indiuiduæ Trinitatis Augustinus baptizatus, & confirmatus est: in quibus fontibus prout Spiritus sanctus dabat eloqui illis, *Te Deum laudamus* cantantes cunctis qui aderant audientibus, & videntibus ediderunt, quod ab vniuersa Ecclesia Catholica vsque hodie tenetur, & religiose cantatur. Hec Dacius, ut vulgò citari solet, cuius meminit S. Gregorius in Dialogis. Verùm Hugo Menardus in Notis ad sacramentarium eiusdem S. Gregorij certum ait non esse S. Dacij illud Chronicon, ex quo præallegata auctoritas desumpta est, quod non redeat styllum illorum temporum, atque etiam quædam falsa continet. Sententiæ Menardi subscribit Bartholomæus Gauantus, totumque canticum vni Ambrosio deberi ait, cum careat dialogismo: additque in antiquissimo Breuiario M. S. Collegij Aniciani de Vibe isti cantico præferri hunc titulum, Hymnus S. Abundij. Sed quis fuerit iste Abundius incertum est. Ante sanctum Benedictum, & Teridium discipulum sancti Cæsarii Arelatensis Episcopi, qui de hoc in suis Regulis locuti sunt, nullus veterum mentionem illius fecit. In Psalterio M. S. Basilicæ S. Petri in Vaticano inscribitur, Hymnus S. Sisibuzi. In Psalterio Latino-Gallico, cuius meminit Iacobus Vsserius Armachanus in tractatu de Symbolo Romanæ Ecclesiæ, Epistola ad Voisium, S. Nicetio adscribitur. Sed an hic fuerit Treurenensis, aut Lugdunensis Episcopus, non liquet: nec etiam constat quis fuerit ille Sisibutus. Nam Sisibuto Hispaniarum Regi vix puto conuenire, cum ratio temporis obstat. Non esse autem recedendum ab antiqua traditione, quæ hoc Canticum sanctis Ambrosio, & Augustino tribuit, cum sit adeo communiter recepta, asserit Lorinus. Ecclesia Romana illud omittit in Aduentu, & Quadragesima; at Monachi omni die Dominica ipsum cantant, etiam in ipso tempore Aduentus, & Quadragesimæ, de qua re cum incidisset quaestio inter Episcopos, & Abbates in quodam Concilio congregatos, responderunt Abbates se id agere ex B. Benedicti nominatissimi, atque excellentissimi Patris præceptione, cuius Regulam Summus Pontifex Gregorius Magnus approbavit. Quo audito quieuerunt Episcopi, ut scribit Radulphus Glaber in Historia:

4. Notat Origenes nos omnia veteris testamenti Cantica peragrarè debere, antequam dignè possimus ad Canticum Canticorum peruenire. Hoc primum Canticum est, omniumque finis, & scopus, quo

quo Christi, & Ecclesiæ laudes, quo mystici connubij sacramenta, amorisque diuini operationes mirabiliter describuntur. Canere prius oportet alia Cantica: nam in exitu nostro de Ægypto, de domo seruitutis cantauimus Domino Canticum nouum, quia mirabilia fecit. Rutum cum nobis pœnitentibus peccata dimissa sunt, immissa gratia, & promissa gloria, spe gaudentes cantauimus in viis Domini, quoniam magna est gloria Domini. Cum prauas animæ affectiones Deo iuuante repressimus, cum vicimus mundum, & carnis laqueos declinauimus, necessarium fuit psallere Domino Canticum nouum, carmen Deo nostro. Cum profligatis vitiis virtutum ornamentis illustrari cœpit anima, tunc exaltatum est cornu nostrum in Deo nostro, & factus est in voce exultationis, & confessionis sonus epulantis. At Canticum Salomonis, Canticum pacifici quando cantabimus? Quando ad eam perueniemus ætatem, ætatem inquam non dierum, sed meritum, qua cœlestis sponsi nuptiis idonei Canticum illud excellentissimum psallamus, non labiorum strepitu, sed iubilo cordis; non vocum melodia, sed consonantia voluntatum & Philo Carpathiorum Episcopus, Quicumque, ait, omni occasione carnis præcisa, remotisque, atque depulsis illecebris voluptatum, mente tranquilla, corpore castus & animo, temperantiæque viribus vallatus eris, is Cantica Canticorum intrepidè adire potest. O verè Canticum Canticorum, Canticum singulare, Epithalamium amoris, quod omnibus præcellit Canticis, sicut omnibus sanctis maior est ille, qui Rex Regum vocatur, & Dominus dominantium, vt scribit Apocypus Verè Canticum Canticorum, quod nemo dicere potest, nisi emptus sit de terra, & transgressus sit vniuersam naturam sensibilem, ac intelligibilem, & ad Sancta Sanctorum peruenerit. Vtinam Dominetalia psallere possem, qualia serui tui fideles ineffabili exultatione modulantur. O quam libenter in tuas laudes effusus Canticum nouum, carmen lætitiæ, Canticum Canticorum infatigabiliter decantarem! Sed quoniam curis carnalibus præpeditus à præsentia vultus tui adhuc longè constitutus ad tantam dignitatem assurgere nequeo, psallam nihilominus quamdiu fuero, & in minoribus Canticis exercebor, donec te promouente tantis increuero virtutum augmentis, vt oris tui osculo dignus inueniar, atque adeò supremi Cantici valeam modulamine recreari. Doce me interim tu ipse quid & qualiter cantare debeam, quia vt quidam seruus tuus scripsit, Nemo tibi cantat digna, nisi qui à te acceperit quod canet.

Philo initio Con-
tinet. in Cant.

Apon. lib. i. Com.
in Cant.

August. præf. in
psalm. 34.

§. XIII.

DE VERSIBVS.

*Versus vnde dicatur. Quid significet. Aliquot versuum explicatio.
Cantica Evangelica cur stando psallantur.*

1. **V**ersum à vertendo dictum ipsa nominis deriuatio indicat. Quando enim versum audimus, faciem illicò vertimus ad altare, vt omnis cogitatio, quæ foras exiuit per euagationem, reuertatur ad Deum per deuotam introversionem. Nam & ipsa mentis intentio in aliam intentionem ducta voluntatem secum trahit de vno in alium affectum, de psalmodia scilicet ad lectionem, de lectione ad orationem. Significat versus boni operis fructum, debetque statum notare vel Officij, vel temporis. Officij status indicatur, cum exempli gratia de virginibus cantamus, *Diffusa est gratia in labiis tuis*: vel de Confessoribus, *Iustum deduxit Dominus per vias rectas*: aut de Martyribus, *Gloria, & honore coronasti eum*: siue de Apostolis, *In omnem terram exiuit sonus eorum*. Status autem Officij in his versibus apparet, quos horis diurnis frequentamus. Primo enim mane Deum precamur, vt virtute brachij sui adiuet nos ad operandum, & liberet de insidiis, quæ paratæ sunt contra nos dicentes, *Exurge Domine adiua nos, & libera nos propter nomen tuum*. Hora tertia dicimus versum, *Adiutor meus esto Deus, ne derelinquas me*: vt qui adiuit nos vsque ad hanc horam, auxilium suum proroget, donec ad meridiem, in quo ipse pascitur perueniamus. Hora sexta cum Sol in auge feruentissimum ardorem diffundit in terram, deuotorum hominum perfectio demonstratur, quorum feruor ita diuino igni coniunctus est, vt ab ipso pascantur, & illustrentur, nihilque eis desit, vt ait Apostolus, *Omnia possum in eo qui me confortat*: ideò canimus, *Dominus regit me, & nihil mihi deerit, in loco pascue ibi me collocauit*. Sed quia hora nona per solis declinationem feruoris diminutio, & tentationes ingruentes designantur, ab illis petimus liberari dicentes, *Ab occultis meis munda me Domine, & ab alienis parce seruo tuo*. Sic in Vesperis vespertinam orationem commemoramus, & in Completorio custodiam Domini propter timores nocturnos postulamus. Longi operis esset omnium versuum rationem describere, cum id præsertim eleganter præstiterit Amalarius Fortunatus.

2. Dicitur versus clara, & acuta voce, vt eo audito excitentur pigri, & reuertantur ad cor. Dicitur noctu ante lectiones, vt qui psallendo laborauit, sedeat iam, & requiescat; & ad lectionum doctrinam vigilanter audiendam eleuetur, ne fortè sedenti importuna ir-

repat dormitatio. Dicitur singulis horis diei ante collectam, siue orationem, quia scriptum est, *Ante orationem prepara animam tuam.* Paucos reperias, qui solliciti sint omni custodia seruare cor suum, & conscientiam semper immaculatam exhibere, ideo, necesse est maculas diluere subintrantes, quia dicit Psalmus, *Iniquitatem si asperxi in corde meo, non exaudiet Dominus.* Hoc nimirum admonet versus orationi præmissus, ut quicquid minus est seruatoris, humilitas suppleat puræ confessionis. Si confiteamur peccata nostra, si misérias exponamus, ignoscet nobis Deus, quia benignus, & misericors est. Idcirco post versum subdunt Monachi *Kyrie eleison, Christe eleison, Kyrie eleison*, nam quid oremus sicut oportet nos nescimus, nisi spiritus qui postulat pro nobis gemitibus inenarrabilibus, adiuet infirmitatem nostram: Electorum mentes, ait Laurentius Iustinianus, si quas in se præsentis vitæ cogitationes inueniunt, penitentiae ardore consumunt, nec cogitationes suas extra se dilatari permittunt; sed eo se districtius in seipsos colligunt, quo feruentius assistere ante Deum per orationis studium disponunt: quia reuera absque confusione Deo vacare non potest, qui extra se mente inaniter extiterit dilatatus. Etiam ante Cantica Euangelica versibus præparamur, quia & modum orationis habent, & altissimam continent doctrinam, quam nec corde percipere, nec moribus exprimere possumus, nisi doceat nos veritas, illa inquam veritas quæ dicit, Ego sum via, veritas, & vita. Vnde & ipsa Cantica stando cantamus; quia parati semper esse debemus ad currendam viam mandatorum Dei per semitas Euangelij, sicut scriptum est, *Paratus sum, & non sum turbatus, ut custodiam mandata tua.*

Eccli. 18. 13.

Psal. 65.

Laor. Iust. ligni
vitæ de orat. c. 3.

Psal. 118.

§. XIV.

DE LECTIONIBVS.

Antiquitas, utilitas, & excellentia sacrarum lectionum. Ritus lectionum explicatur. De benedictionibus. Cur Prælati Dominus, & non Dominus nuncupetur. Dicitur quædam obiter de hac voce. Sacra Scriptura cur difficilis.

1. **I**N sacris libris linguaque, & mente frequenter Versare, aut etenim donat Deus ista laborum Præmia, ut absconsa lucis mens sedula quiddam Conficiat: vel certe istinc ea commoda carpit, Ut per sancta Dei capiat præcepta dolorem: Aut quod postremum est animos hac lectio rebus Abstrahit à fluxis studiis ad meliora vocatos.

Greg. Naz. carm.
de lib. sac. Scrip.

Sic canit Gregorius Nazianzenus. Sacrarum enim lectionum usus ita interiorem hominem illustrat, ut merito Davidicum illud vsurpare possit, *Lucerna pedibus meis verbum tuum, & lumen semini mei*. Lumen animæ, inquit Cæsarius Arelatensis, & cibus æternus non est aliud nisi Verbum Dei, sine quo anima nec videre potest, nec vivere: quia quomodo caro nostra moritur, si non capiat cibum, ita & anima nostra extinguitur, si non accipiat Dei verbum. Quod Sol diei, quod Luna noctibus, quod Stellæ nauigantribus, hoc est animæ lectio. Diem statuit pulsa criminum nocte, diuini amoris radiis calefacit, errantes in tenebris huius mundi ad viam reuocat, oppressis denique tentationum fluctibus tuta littora, portumque gratissimum designat. In sacris literis legendis, teste Philone Carpathiorum Episcopo, peccatores de propriis erratis admonentur, & quomodo se castigant, corrigant, ac emendent apertissimè docentur, & quicquid homines alter alteri, vel dicere videntur, vel ignorant, hoc sacre literæ, & sanctissimè audent, & vberimè nouerunt. Scriptura enim sacra, ait Magnus Gregorius, mentis oculis quasi quoddam speculum opponitur, ut interna nostras facies in ipsa videatur. Ibi etenim sœda, ibi pulchra nostra cognoscimus. Ibi sentimus quantum proficimus, ibi à profectu quam longè distamus. Sed verba Chrysostomi hic omitienda non sunt initio Homiliæ de paradiso, & scripturis, quam habuit cum Eutropius deprehensus est extra Ecclesiam. Suaue quidem est pratum, & hortus, utroque tamen multò suauis spirat lectio diuinæ scripturæ. Illic siquidem flores inuenire est, sed qui tempore marcescunt: hic autem occurrunt sententiæ in nativo vigore peretunantes. Illic aspirat fauonius, hic afflat aura Spiritus sancti. Illic spinæ pro muro obsepiunt hortum, hic Dei prouidentia tutum reddit lectorem. Illic cicadæ stridore suo obstreperæ: hic prophætæ suauis iubilo personantes. Illic ex ipso aspectu quiddam oblectationis concipitur: hic autem ex ipsa mox lectione plurimum decerpitur utilitatis. Hortus vno quopiam circumscribitur loco: diuinæ autem Scripturæ omni loco terræ habitabilis circumferuntur. Hortus pro temporum qualitate seruit necessitatibus: scripturæ autem tam hiberno, quam æstiuo tempore fructuum pondere degrauantur. Nihil verò aptius ad comparationem eorum, qui per ampla scripturarum studia decurrentes assidua lectione animorum industriam exercent, nihil aptius inquam, quam secularum apum similitudo. Istæ enim, ut tumidis utar verbis sancti viri Aldhelmi Sciriburgensis Episcopi, roscido facessente crepusculo tripudiantium turnarum exercitus per patentes campos gregatim diffundentes, modò melligeris caltharum frondibus, seu purpureis maluarum floribus incubantes multa nectaris stillicidia guttatim rostro decerpunt: modo flauescences saliculas, & croceata genistarum cacumina circumuolantes fertilem prædam nu-

Psal. 118.

Cæsar. Hom. 10.

Philo in cap. 4.
Cant.Greg. lib. 1. mor.
cap. 1.

Chryl. tom. 1.

Aldhelm. de laud.
Virginit. cap. 2.

merosis cruribus, & coxarum oneribus aduehunt, quibus cerea castra consueunt: modò teretes hederarum corymbos, & leuissimos florentis tilix furculos constipantes multiformem fauorum machinam angulosis, & opertis cellulis construunt. Eadem verò ratione mens religiosa per florulenta scripturarum prata latè vagans bibula curiositate decurrit. Nunc diuina priscorum Prophetarum Oracula certis astipulationibus iamdudum Saluatoris aduentum vaticinantis enixius inuestigando: nunc antiquarum arcana legum ab illo mirabiliter digesta, quæ bis quinis Memphitica regna plagarum afflictionibus crudeliter percussisse, & rubicundimentes Oceani gurgires sacrosancti tactu viminis ex colubro nuper transfigurati in simulachro macerix altrinsecus sequestrasse, & post cœleste colloquium cornuris vultibus incredulum fugasse vulgus describunt, sollicita inrentrione scrutando: nunc quadrifariam angelicæ relationis dicta mysticis Catholicorum Patrum commentariis exposita, & quadriformis Ecclesiasticæ traditionis normulis secundum historiam, allegoriam, tropologiam, anagogen digesta, solerter indagando. Apis autem propter peculiaris castimonix priuilegium Ecclesiæ speciem potendere dicitur, quæ florescentes saltuum cespites ineffabili præda depopulans dulcia natorum pignora, nesciens coniugi illecebrosa consortia, festosa quadam suauissimi succi de balsamo concretionem producit. Ecclesia verò bis acuto Testamentorum mucrone hominum vitaliter corda transfuerberans hæreditariam legitimæ æternitatis sobolem casto Verbi semine fecundat. Hæc carptim ex Aldhelmo.

2. Filiorum ergò profectui sedulo incumbens sancta Mater Ecclesia nocturnæ Psalmorum modulationi sacrarum literarum, sanctorumque Patrum lectiones inserendas esse decreuit, quatenus defessi, & aberrantes eorum animi hoc pabulo reficerentur, hac luce illustrarentur. Parum est, ait vnus è primis Ecclesiæ Patribus, quod Dei plebem classico noctæ vocis erigimus, nisi credentium fidem, & dicatam Deo deuotamque virtutem diuina lectione firmemus. Sic sanctus ille Moyses volumen legis cunctis audientibus legere consuevit, vt rudis populus præceptis Domini disceret obedire. Sic legis Deuteronomium continua lectione commemorari præcipitur, vt discant omnes timere Dominum, & verba eius custodire. Sic Leuitæ, iubente Esdra in libro legis Dei, legebant distinctè, & apertè ad intelligendum rectè legendi modum edocentes. Sic seniores Iudææ gentis inter bellorum pressuras, ac innumeras calamitatum angustias se libros sanctos habere pro solatio gloriantur. Sic ipse Christus Redemptor noster intrauit secundum consuetudinem die Sabbati in Synagogam, & surrexit legere, & traditus est illi liber Isaie Prophete. Sic denique in ipso Ecclesiæ ortu lectiones ex Pro-

Cyprian. præf. libro de exhort. Martyr.

Exod. 24. 7.

Deuter. 31. 12.

2. Esdræ 8. 8.

1. Mac. 12. 9.

Luc. 4. 16.

Concil. Laodic.
cap. 59.
Dist. 15. C. sancta
Romana Ecclesia
Rupert l. 12. c. 24.
& 255

phetis, & Apostolicis in Conuentu Christianorum legi solebant, vt Paulus in fine Epistolæ ad Colossenses, & Iustinus Martyr Apologetico secundopro Christianis testes insuperabiles ostendunt. Hic vero vñs œcumenica sanctione in Concilio Laodiceno stabilitus fuit, ordinemque lectionum per anni circulum legendarum Gelasius Papa digessit, cuius Ordinis accuratam rationem Rupertus Abbas Tuitiensis in fine librorum de diuinis Officiis secundum datam sibi sapientiam explicauit. Nam Historia Regum, quæ statim post Pentecosten ponitur, primis duobus libris mysticè assimilatur primis Christianitatis temporibus, quando paulatim crescente fide vetus idololatria decidit, sicut post regnum Sathl successit Dauid vir secundum cor Dei. Duobus autem sequentibus libris in diuisione regni à domo Dauid, tempora significantur Hæreticorum, à quibus Ecclesia scissa est. Sequuntur libri Salomonis, quia post certamina Hæreticorum sapientia enituit Doctorum Ecclesiæ, quos illorum contentiones excitant. Legitur deinde Iob, quia in pace Ecclesiæ non desunt fidelibus tentationes ad probationem, & exercitium virtutis. Mense verò Septembri libri quatuor percurri solent, videlicet Tobias, Iudith, Esther, & Esdras, per quos quatuor virtutes Cardinales indicantur: Tobias enim prudentiæ typum gessit, Iudith fortitudinis, Esther temperantiæ, Esdras iustitiæ. Quia verò dum in hoc mundo peregrinamur à Domino inter virtutum exercitia visiorum ingruunt bella, quatuor iam dictos libros praelia Machabæorum aptè sequi consueuerunt. Reliquo tempore vsque ad Natiuitatem Domini Prophetarum personant scripta, vt inter tenebras, & conspectus sæculi vsque ad reditum Christi scripturæ nos illuminent, & consolentur. Hæc ferè Rupertus. A die verò Natiuitatis Christi vsque ad Septuagesimam nouum legitur Testamentum, magnusque Præco Euangelij Paulus auditur, vt discamus in nouitate vitæ ambulare. A Septuagesima autem vsque ad Pascha, diebus nimirum luctus, & pœnitentiæ, veteris miseriæ narrantur Historiæ, à qua Christi sanguine redempti sumus. Demum Paschali fulgente gaudio Apocalypsis B. Ioannis Apostoli nobis proponitur, post quam sequuntur Epistolæ Canonice, vt de fine mundi sanctis reuelationibus admoniti Apostolicis doctrinis, & documentis nos diligenter ad finem nostrum præparemus.

Baron. ann. 479.
num. 95.
In Epistol. summ.
Pont. rom. 1. par. 2.

3. Concilium Carthaginense, siue illud tertium fuerit, vt in collectionibus Conciliorum prænotatur, siue sextum, vt mauult Baronius, etiam passionem Martyrum legi in Ecclesia permisit, cum anniuersarij dies eorum celebrantur. Gelasius Papa in Decreto habito cum 70. Episcopis, post sacras Scripturas, sanctasque Synodos vniuersales, & opuscula omnium Patrum orthodoxorum, atque Epistolas decretales summorum Pontificum, recipi item iubet gesta sanctorum Martyrum. Sed ideo, inquit, secundum antiquam consuetudinem singulari

cautela in sancta Romana Ecclesia non leguntur, quia eorum qui conscribere nomina penitus ignorantur. De eadem re Adrianus Papa in Epistola, qua refellit obiectiones aduersus septimam Synodum, hæc habet: Vitæ Patrum sine probabilibus auctoribus minime in Ecclesia leguntur: nam ab orthodoxis titulatur & suscipiuntur, & leguntur. Magis enim passionibus sanctorum Martyrum sacri Canonibus consensunt ut liceat eas in Ecclesia legi, cum Anniversarii dies eorum celebrantur. Paratur sunt igitur lectiones, ut in sanctorum festiuitatibus eos qui diuinis laudibus vacant loqui faciat sermo qui tacet, ut eleganter ait Berengolius Abbas. Parata sunt scripta sanctorum Patrum, ut loquitur in Dialogis de fide Cæsarius, quæ nihil aliud quam flores sunt, qui aqua manante ex latere Christi irrigantur, eius sanguine tinguntur, totumque mundum suauis odoris fragrantia replent. Primus qui in Italia diuinum officium ordinauit distinguendo libros veteris, & noui testamenti, prout hodie leguntur, si vera tradit Hieronymus Rubeus, fuit sanctus Eleucadius Rauennæ Archiepiscopus, qui viuere desiit anno Domini 112. Magnus autem Carolus Imperator, ut tradit Sigibertus in Chronico, per manum Pauli Diaconi sui decerpens optima quæque de scriptis Catholicorum Patrum lectiones unicuique festiuitati conuenientes per circulum anni in Ecclesia legendas compilari fecit. Iacobus Pamelius lectionum antiquitatem demonstrat in Latinorum Liturgicijs, ubi in hanc rem testimonia Sanctorum Patrum plurima affert. Quæ verò lectiones ad præscriptum sacrorum Canonum legi debeant, docet Radulphus Tungrensis, ut nulla scilicet apocrypha Historia, nulla profana nouitas introducat: verum ut præcipit Monachorum Magister, Codices legantur in vigiliis tam veteris Testamenti, quam noui diuinæ auctoritatis, & expositiones eorum, quæ à nominatissimis Doctoribus Orthodoxis, & Catholicis Patribus factæ sunt. Inter errores Agobardi Lugdunensis Episcopi non minimus ille est, quem in opusculis de veteri ritu canendi Psalmos, & de correctione Antiphonarum propugnat, nihil scilicet in diuinis Officijs audiri debere, nisi sacram Scripturam, ne inquit ignem alienum offeramus Domino, quasi non sit à Deo omnis sermo verus. Magnus Gregorius cum audisset publicè ad vigilias legi in Ecclesia Rauennensi sua Commentaria in Iob, scripsit de hac re Ioanni eius Ecclesiæ Subdiacono in hæc verba. Illud quod ad me quorundam relatione perlatum est, quia Reuerendissimus frater, & Coepiscopus meus Marianus legi commenta B. Iob publicè ad vigilias faciat, non gratè suscepi: quia non est illud opus popolare, & rudibus auditoribus impedimentum magis, quam prouectum generat. Sed dic ei ut commenta Psalmorum legi ad vigilias faciat, quæ mentes sæcularium ad bonos mores præcipuè informant. Habendus

Adrian. Epist. 3.
pag. mibi 749.

Bereng. ser. 1. de
Martyr.
Cæsar. dial. 1. in-
ter. 1.

Rubeus hist. Ra-
uennat. lib. 2.

Sigibert. an. 807.

Pamel. Liturg.
to. 1.

Radulph. prop. 11.

Bened. reg. c. 9.

Greg. 1. 10. Ep. 22.

igitur in lectionibus delectus est, sapientibus enim, & insipientibus debitores sumus.

4. Non facile dixerim, quam conuenienter id ab antiquis institutum sit, ut orationi subdatur lectio, rursusque lectionem excipiat oratio: nam cum oramus, cum Deo loquimur; cum legimus, Deus loquitur nobiscum. Per orationem mundamur à peccatis, per lectionem discimus quid facere, quid cauere, quò tendere debeamus. Dilectissimè Bernardus libro de modo orandi, seu verius Gui-

Go Carthusiensis haecenus sub Bernardi nomine citatus: Beatæ vitæ dulcedinem lectio inquit, meditatio inuenit, oratio postulat, contemplatio degustat. Vnde ipse Dominus dicit, *Quærite, & inuenietis, pulsate & aperietur vobis*. Quærite legendo, & inuenietis meditando: pulsate orando, & aperietur vobis contemplando. Lectio quasi solidum cibum ori apponit, meditatio masticat, & frangit, oratio saporem acquirit, contemplatio est ipsa dulcedo, quæ iucundat, & reficit. Denique iugens bonum est lectio, ait Chrysostomus, quæ facit

Chrys. Hom. 35. in Genes.

animam optimis moribus præditam, & mentem in cælum transfert. Porro ritus, quo legi solent lectiones hic est; Post Psalmos dicitur Versus, ut à psalmodia ad lectiones vertatur intentio. In pluribus Ecclesiis sequitur post versum Absolutio, itemque Oratio Dominicalis: quia enim in maleuolam animam non introibit sapientia, mundari cor debet, atque per orationem præparari ad audiendum verbum Dei, quatenus precibus nostris propitiatus qui dat omnibus afflueret, adaperiat cor nostrum in lege sua, & in præceptis suis, aperiatque sensum ad intelligendas Scripturas. Lector verò accepto codice licentiam petit legendi à Prælato, vel Sacerdote dicens, *Iube Domne benedicere*; quia, ut dicit Rupertus, Nemo nisi missus, aut permissus officium prædicandi usurpare debet, quomodo enim prædicabunt nisi mittantur? Non tamen petit se à Sacerdote benedici, sed ut iubeat sibi à quocunque alio benedictionem impertiri, cuius rei mysterium edisserit his verbis Petrus Damianus, Lector magnæ humilitatis gratia non à Sacerdote, sed ab eo cui Sacerdos iusserit se postulat benedici dicens, *Iube Domne benedicere*. Sacerdos autem, ut tantæ humilitati vicem reddat, non subiecto cuiquam benedicendi delegat officium, non per semetipsum benedictionem dare præsumit, sed potius ut à Deo, qui est super omnia benedictus, prærogetur exposcit, Hic ritus benedicendi antiquissimus esse videtur: nam in manuscriptis Græcorum Patrum Homi-

Rupert. l. 1. c. 12.

P. Damian. lib. de Dom. vobiscum cap. 2.

liis plerumque præfixa reperiuntur hæc verba, *εὐλόγησεν πατήρ, Benedic Pater*, quod Iacobus Gretzerus ex antiquo more petendi benedictionem à Prælato, priusquam legere quis inciperet, deriuasse arbitratur. Quare & in multis sermonibus Sancti Ephræm hæc eadem verba prænotata videmus, quia eius scripta publicè in Ec-

Gretzer. to. 2. de Cruce in orat. Alexan. de Crucis Inuent.

clesia

clesia legi solebant, vt testatur D. Hieronymus, Hac autem voce benedicendi antiquos etiam Ethnicos vsos fuisse ex multis scriptoribus constat. Cicero pro Sextio: Cui benedixit vnquam bono? benedixit? imò quem fortem, & bonum ciuem non petulantissimè est infectatus? Ouidius.

Scis benè cui dicam positis pro nomine signis.

Plautus in Milite glorioso.

*Conserui, conseruaque omnes benè valete, & viuite,
Benè quæso dicatis inter vos, & mihi absenti tamen.*

Idem in Cassina.

Benedicite, Dñs sum fretus, Deos sperauimus.

Et in Aulularia.

----- Bono animo es, & benedice.

Et alibi.

Eia benedicite, ite intro, valete.

Extant autem de benedictionibus doctissimæ lucubrationes prædicti Gretzeri, quibus nihil addi potest. Illud etiam obseruandum non Dominum vocari Prælatum, sed Dominum ablata literula, quæ appellatio, cum ad Monachos maximè pertineat, aliquanto fustius explicanda est.

5. Ioannes Buseus, & Nicolaus Serarius huic voci initium dedisse. autumant humilem Christianorum modestiam, qui integrum Domini nomen ei soli referuarint, de quo psallimus, Tu solus Dominus, tu solus altissimus. Vnde vulgatus exitit versus.

Cælestem Dominum, terrestrem dicito Domnum.

Sanè Tertullianus eos Imperatores obiurgans, qui sublimem diuinitatis titulum superbè assumebant, Augusti moderationem commendat, qui ne Dominum quidem dici se volebat: hoc enim, ait, Dei est cognomen. Atque idipsum de Augusto testatur Suetonius his verbis, Domini appellationem vt maledictum, & opprobrium semper exhorruit, Dominumque se appellari ne à liberis quidem, aut nepotibus suis, vel seriò, vel ioco passus est. Eandem Domini appellationem Alexandrum Seuerum respuisse scribit in eius vita Ælius Lampridius. Idem de Tiberio asserit Tacitus, De Iustiniano Imperatore, & impia Theodora eius coniuge hæc notat Procopius Cæsariensis in Historia *ἀνέκδοτα*: Antiquitus etiam qui Cæsarem alloquerentur, Imperatorem compellarunt, coniugemque Imperatricem. At quisquis cum alterutro horum Augustorum sermones misceret, Imperatoremue, aut Imperatricem non Dominum, Dominamque nominasset, is verò rudior, ac procax habebatur, & quasi sceleratissimè lapsus abigebatur. Sed & teste Seneca, olim Dominum Patremfamilias appellauerunt, idque modestiæ, ac humanitatis causa. Solebant quidem Romani obuios quosque Dominos salutare, sed

Hieron. de vitis illustr.

Ouid. 4. Trist.

Plaut. mil. gl. ac. 4. sc. 8.

Cassian. 2. sc. 5.

Aulul. ac. 4. sc. ult.

Affian. ac. 3. scen. ult.

Buseus in not. ad Epist. 4. Petri Ble. sen.
Serar. lib. 1. de Liraniis cap. 23.

Tertull. Apolog. cap. 34.
Sueron. in Aug. cap. 53.

Lamprid. in Alex. cap. 4.
Tacit. 2. Annal. 1.
Procop. in fin. hist. arcanæ.

Senec. Ep. 57.

hoc dumtaxat, cum nomen proprium nescirent, vel statim memorie non occurreret. Constat ex Seneca initio Epistolæ tertiæ, & ex Martiali his versibus.

Cum te non nossem, Dominum regemque vocabam.

Cum bene te noui, iam mihi Priscus eris.

Item.

Cum voco te Dominum, noli tibi Cinna placere,

Sapè etiam seruum sic resaluto meum,

Obseruant Baronius, & Ludouicus de la Cerda clarissimis olim viris, & fœminis, præsertim Ecclesiasticis, atque ipsis quoque sanctis hoc Domni, & Domnæ prænomen attributum fuisse. Sanctus Odo Cluniacensis Abbas sanctum Martinum Dominum vocat. Apud Baronium in notis ad Romanum Martyrologium extat Epitaphium S. Anathalonis primi post S. Barnabam Mediolanensis Episcopi à S. Mirocle conscriptum ante annos mille, & multò amplius, cuius primus versus hic est.

Petri hospes, sancteque Anathalon, Domne probate.

Apud Brissonium legitur testamentum Hadoindi Episcopi Cenomanensis, in quo sancti Martyres, & Apostoli, sicut & viri illustres semper Domni appellantur. In fine Historiæ Apostolicæ Aratoris Subdiaconi hæc inscriptio reperitur ex antiquissimo Codice manuscripto. Beato Domno Petro adiuvante oblatum huiusmodi Codex ab Aratore excomite domesticorum, excomite priuatarum, viro religioso, Subdiacono S. R. E. sancto, atque Apostolico viro Papæ Vigilio, & susceptus ab eo ante Confessionem beati Domni Petri. In Litanis, quas Serarius vetustissimas se vidiisse testatur, summus Pontifex Domnus Apostolicus nuncupatur. Eadem vox passim occurrit apud Gregorium Magnum, Goffridum Vindocinensem, Petrum Blesensem, Ennodium, & alios. Nunc etiam in Hispania, & maxima Italiæ parte illustres, & summates viri Domni vocantur, quem titulum olim quoque Regibus attributum constat ex Cassiodoro. Sicut autem nos dimidiato vocabulo Italicè *Don* pro Domno dicimus, ita eandem syncopen amare Græcos inuenio, qui *κύριος* pro *χρίστος* ponunt, & breuius aliquando *κύριος* : vt obseruat Gretzerus in notis ad Orationem Germani Patriarchæ. Quidam vir doctus non à Domino per syncopen, sed à voce Hebraica *Adon*, quæ Dominum significat, sublata per aphæresim primæ literæ, & Latino more inflexo vocabulo Domni appellationem deriuasse existimat. Sed hæc opinio qua nitatur probabilitate viderint doctiores. Non est autem hic omitenda S. Benedicti regularis institutio. Is enim postquam præcepit nulli licere alium puro nomine appellare, iubet deinde à iunioribus seniores vocari Nonnos, Abbatē verò, quia Christi vices agit, Dominum appellari decernit. Quæ regulæ iussione sic ex usu suorum

Martial. lib. 1.

Epig. 113

Id. lib. 1. Ep. 68. &

lib. 5. Epig. 58.

Baron. an. 416.

num. 23.

Cerda aduersar.

cap. 77.

Odo ser. de comb.

lust. Basilicæ san-

cti Martini.

Baron ad diem 15.

Sept.

Brisson. lib. 7. de

forquid.

Cassiod. lib. 8. va-

riat. Epist. 5.

Gretzer. tom. 2. de

Cruce.

Bened. reg. c. 63.

temporū interpretatur, Smaragdus, vt non solū Abbas, sed etiā ceteri Monachi Dñi vocarentur. Sicut, inquit, tunc apud illos paterna exhibebatur reuerentia, vt priores vocarentur Nonni: ita nunc apud nos exigitur hodie, vt ipsa paterna reuerentia priores nostri à nobis vocentur Domni. Non est igitur recens inuentum, quod Monachi omnes indiscriminatim Domni vocentur, quod nostris hisce temporibus multò potiori ratione ab vniuersis Monasticis Congregationibus sancitum videtur, vt à Mendicantium Ordinibus ipsa nuncupatione fecernerentur. Abiit nunc in dissuetudinem Nonni, & Domni discrimen, quod tamen non rei, sed vocis fuisse ex veterum monumentis conicio. Vt enim Domnos viros præstantissimos honoris, ac reuerentiæ gratia vocitamus; ita per Nonnum intelligi paternam reuerentiam S. Benedictus asseuerat. Illi etiam qui sanctitatis titulo insignes erant Domni dicebantur, quos item Nonnos dici repetio apud Arnobium. Terrenæ mentes, ait, interficiuntur hoc ordine: si ille qui sanctus, & Nonnus vocatur, sic agit; ego quis, aut quotus sum, vt non agam? Eandem vocem adulationis notam fuisse testatur Hieronymus: Quæ in adulationem tui sanctum, Nonnumque coram te vocat. Vbi malè in quibusdam codicibus irrepsit, sanctum nonnunquam. Xiphilinus auctor Græcæ virgines Nonnas vocat: Quæ vox frequentius pro sanctimoniali vsurpatur. In Pœnitentia S. Fulberti, si quis Nonnam corruperit, septem annis pœniteat. Rursum Hieronymus: Quia maritorum expertæ dominatum viduitatis præferunt libertatem, castæ vocantur, & Nonnæ. Diçtæ sunt etiam Nonnanes, & Nonnanæ, vt ostendit Rosueidus, in Onomastico. Esse autem hanc vocem reuerentiæ, & quæ propriè maioribus natu, ac senioribus olim tributa fuerit docet Hugo Menardus ad cap. 70. Concordiæ Regularum. At de Domni, Nonnique appellatione hæc notasse sufficiat. Iam ad ritum lectionum regredior.

6. Cum legitur lectio sedere solemus exemplo Christi sedentis inter Doctores, vt eos audire, nam sessio propter quietem attentioni maximè seruit: &, vt docet Aristoteles, sedendo, & quiescendo animus fit sapiens. Nec vacat sessio, ait Bernardus, tranquillitatis insigne est. Altum verò silentium seruandum est, dum leguntur lectiones. Nam, vt loquitur Chrysostomus, si cùm regiæ leguntur literæ ubique est silentium, abestque strepitus, & tumultus, omnibus astantibus, & aures arrigentibus, vt sciant quæ regiis literis manifestentur: & quisquis vel parum tumultuatus fuerit, & quæ leguntur interruperit, in magno periculo est: multò magis cum leguntur diuinæ lectiones cum magno timore, & tremore astandum est, & altum habendum silentium, & pellendæ cogitationes turbulentæ, vt quæ dicuntur intelligere possitis. An non creditis quod hæc quæ leguntur sunt à Deo? Sunt Epistolæ ad nos è cælo missæ? cum

Smaragd, in c. 63, regulæ.

Arnob, in Ps. 105.

Hierom. Ep. 47.

Xiphilin, in Do-
miciano.

Hierom. Epist. 22.

Aristor. 7. Physic;
Bern. de consid.
lib. 5. cap. 4.

Chryf. hom. 14. in
Gea.

Id. hom. 3. in 1. ad
Theff.:

Senec. cap. 16. de
vita beata.
Briffon. lib. 1. de
formul.
Arian. Epict. lib. 4.
cap. 12.
Quintil. declam.
365.
Origen. Hom. 12.
in Ex od.

Chrysol. ser. 139.

Guigo Carthus. in
scala claustral.
cap. 11.

Antioch. ho. 70.

Marc. Erem. lib. de
lege spirituali c.
87.

Psal. 118.

Psal. 17.
Greg. hom. 6. in
Ezech
Aug. Epist. 3.

Euthym. praf. in
Psal.

timore igitur audiamus quæ dicuntur. Ethnicis quoque solemne erat in templis proclamare, *Fanete linguis*, nimirum vt sacra cum debita veneratione perficerentur, nulla voce non mala solum, vt inquit Seneca, sed ne bona quidem obstrepente. Quod & illud quoque indicabat ex Briffonio, *οἷα, πᾶς ἐστὶ λῆξ, Tace*, omnis esto mutus. Sanè in Gentilium templis nefas fuisse expuere, aut nasum emungere scribit Arianus. Quem morem commendans Quintilianus, ait: In templo verbis parcimus, animos componimus, tacitam mentem velut in solitudine, velut in secreto quodam custodimus. Sunt autem multi, qui cum leguntur lectiones, tametsi lingua raceat, mente tamen distrahuntur, de quibus audeo dicere cum Origene, quia cum legitur Moyses, iam non velamen super cor eorum, sed paries quidam, & murus positus est. Quoties ergo Dominica nobis panduntur eloquia, mens euigilet, vt ait Chrysologus, animus intendat, vt possit intellectus scientiæ cœlestis intrare secretum. Quid enim prodest lectione continua tempus occupare, sicut scribit quidam vir pius, sanctorum gesta & scripta legendo transcurrere, nisi ea etiam masticando, & ruminando succum eliciamus, & transglutiendo vsque ad cordis intima transmittamus, vt ex his diligenter consideremus statum nostrum, & studeamus eorum opera agere, quorum facta cupimus lectitare. Optimè de hac re S. Antiochus: Qui opus tractat spirituale, dum diuinas legit Scripturas, quæcunque occurrunt vniuersa in seipsum debet tacita cogitatione reflectere, & non in alterum. Item Marcus Eremita: Legens verba sanctæ Scripturæ, opere ipsa exequaris, & ne glories de nuda eius cognitione.

7. Cum verò audituri sumus sacrarum Scripturarum lectionem, orate cum Propheta debemus, & dicere, *Reuela oculos meos, & considerabo mirabilia de lege tua*. Tanta est enim earum profunditas, tanta obscuritas, vt illarum penetrare mysteria nemo valeat, nisi sensum aperiat, ad intelligendum ille qui aperit, & nemo claudit. *Tenebrosa est aqua in nubibus aëris*, inquit Gregorius Magnus, quia obscura est scientia in Prophetis. Et Augustinus ad Volusianum scribens, Tanta est, ait, Christianarum profunditas literarum, vt in eis quotidie proficerem, si eas solas ab ineunte pueritia vsque ad decrepitam senectutem maximo otio, summo studio, meliore ingenio conuenerat addiscere. Oritur hæc obscuritas, seu difficultas ex multiplici capite. Primò quidem ex Hebræico idiomate, quo ferè omnes conscriptæ sunt, vt obseruat Euthymius. Hæc autem lingua à cæteris omnibus aliena cum nullis Europæ communicat: vnde factum est, vt de Iudæis sileant Græci, & Latini Historici, nec nisi quædam mendacia scribant ore tenus accepta à finitimis gentibus, quæ semper Hebræi fuerunt insensæ, qualia sunt ea, quæ Trogus, & Tacitus mentiuntur: Deinde sacræ literæ tropis abundant, & sensibus mysticis,

pro quorum intelligentia sancti Patres plures Regulas, & canones tradiderunt, multumque laborarunt, nec tamen omnia sunt affecuti, & sæpe dissentiunt inter se in vnius sententiæ expositione, vt docet Fulgentius lib. 2. ad Monimum. His accedit mysteriorum altitudo, quibus plenæ sunt omnes paginæ vtriusque testamenti. Denique, teste Augustino, diuinitus prouisum est, vt multa in scripturis obscurè dicta contineantur, quæ densissimam caliginem obducunt, ad edomandam labore superbiam, & intellectum à fastidio reuocandum, cui faciliè inuestigata plerumque vilescunt. Cum ergo leguntur scripturæ magno studio eis attendamus, facientes quod ait Psalmographus, *In corde meo abscondi eloquia tua vt non peccem tibi.* Tunc enim bona sunt verba Domini, inquit Remigius Altiſiodorensis, si opere impleantur, si cor labiis consentiat. Post lectionem vertitur lector ad Dominum dicens, *Tu autem Domine miserere nobis:* quia ipsum legendum munus sine aliqua culpa peragi nequit. Si rectè legit, animum tentat elatio: si malè, vana sequitur confusio. Semper ideo misericordia Dei indiget qui legit, ne opus per se bonum vel superbiæ contamine vitium, vel damnabilis verecundiæ pudor inficiat. Olim lectiones admodum prolixæ legebantur ex Codicibus Sacræ scripturæ & sanctorum Patrum, nec finis à legente imponebatur, nisi Superior præciperet dicens *Tu autem*, cui parens Lector statim dicebat, *Domine miserere nobis.* Ad hunc ritum alludit Petrus Cellensis Epist. 20. lib. 6. vbi loquens de charitate ait, *Lectione ista sine Tu autem* continuetur. Succinit chorus *Deo gratias*, quod ad totani lectionem refertur: gratias namque agimus Domino, quod panem suæ doctrinæ nobis frangere dignatus sit, & animas esurientes sapientiæ pabulo recrearit. Hæc autem vox *Deo gratias* antiquissima est, eaque olim utebantur Monachi, cum sibi inuicem occurrerent. Testis est Augustinus Donatistas redarguens, qui nostrum *Deo gratias* irridebant: vt scias recentiores hæreticos omnem errorum luem iam à Patribus damnatam ab inferis reuocasse.

Fulg. l. 1. ad Mon. cap. 14.

Aug. lib. 2. de doctr. Chriſt. c. 6.

Psalm. 118.

Remig. in Mich. cap. 2.

Aug. in ps. 131.

§. XV.

DE RESPONSORIIS.

Responsoria quid significant. Cur prolixius cantentur. Quis eorum auctor. Quo ritu dicantur.

1. **Q**uiaurum, & argentum, in quo confidunt homines, ingenrisue pretij splendidiſſimas gemmas repererit, non publicè hominum avaritiæ diripiendas proſtituit, sed in intimis penetralium recessibus centum clauibus seruandas abscondit. Eadem prorsus ratione qui verbum Dei fidele, immaculatum, conuertens animas,

- desiderabile super aurum, & lapidem pretiosum auribus corporis, & cordis perceperit, seruare illud, & custodire debet non auditor obliuiosus factus, sed memor semper mandatorum Dei ad faciendum ea. Sicut qui thesauros effodiunt, inquit Chrysostomus, non solum in superficie fodiunt, sed in profundum descendunt, & penitiores terræ sinus scrutantur: ita nos pari diligentia spirituales thesauros in verbis reconditum inquirere debemus. Diripi autem spiritualis thesaurus nequit, & ubi in promptuaria mentis nostræ reconditus fuerit, ab omnibus insidiis est securus: modo per ignauiam locum non demus ei, qui illum nobis auferre cupit. *Fili mi*, ait Sapiens, *custodi sermones meos, & præcepta mea reconde tibi*. Beati sunt qui audiunt verbum Dei, sed si custodiunt illud: *si hæc scitis*, dicit Dominus, *beati eritis si feceritis ea*. Hoc significant ex antiqua sapientum traditione Responsoria, quæ lectiones subsequi, eisque consonare solent. Quid enim habet emolumenti virtutem cognoscere, si meliora videntes, & probantes sequamur deteriora? Diuinorum quippe sermonum meditatio, ac lectionis auscultatio, ait rursus Chrysostomus, in bona opera desinere debet. Et quidam profanus: Hic fructus legendi est, æmulari ea quæ in aliis probes, & quæ maximè inter aliorum dicta mireris in aliquem usum tuum opportuna deriuatione conuertere. Item Gregorius Magnus: In nobismetipsis debemus transformare quod legimus, ut cum per auditum se animus excitat, ad operandum quod audierat, vita concurret. Ideò, iuxta sententiam Epicteti, in nostris lectionibus non proficimus, quia dumtaxat ea intentione legimus, ut sciamus: nec studium nostrum ad actionem, & morum compositionem dirigimus. Amicitiam suam non audientibus legem, sed facientibus quod præcipit lex, legis & mandatorum auctor pollicetur. *Vos*, inquit, *amici mei eritis, si feceritis quæ ego præcipio vobis*. Sicut igitur vnamquamque lectionem congruum, & consonum excipit Responsum; ita diuinorum sermonum auscultatio in copiosam desinat bonorum operum fructificationem. Pulcherrimus ordo hic est, ut ex cœlestium mandatorum auditu sanctorum operationum usus inolescatur.
2. Ipse cantus, quo Responsum cantatur, laborem actiue vite subindicat: creberrimæ enim sub eadem syllaba plurium notarum excursioniones, vocum itidem difficiles saltus, sublimes elationes, infimæ depressiones, frequentes ac subitæ mutationes indicia sunt multiplicium laborum, quos in mandatorum cœlestium executione subire debemus. Docet Stephanus Eduensis Episcopus, cui consentit Hugo Victorinus, Responsum significare assensum, quem auditores lectioni, eiusque monitis præbuerunt: atque ideo dicitur Responsum, quia responsio secundum voluntatem interrogantium assensus est, vel concessio: siue, ut Rupertus docet, Responsorialia dicuntur,
- Chryf. hom. 8. in Genef.
- Id. ibid. hom. 5.
- Prou. 7. 1.
- Ioan. 13. 17.
- Chryf. in ps. 118. v. 48.
- Macro. lib. 5. Satur. cap. 1.
- Greg. lib. 1. mor. cap. 10.
- Epictet. apud Arrianum lib. 4. c. 4.
- Ioan. 15. 14.
- Steph. Eduen. lib. de sacr. altaris cap. 12.
- Hugo in spec. c. 7.
- Rupert. l. 1. c. 15.

quia respondent lectionibus, tristitia tristibus, læta lætis: vel quia choro respondente cantantur, Quomodo verò, & à quibus Romanis Pontificibus mutatus sit cantus in Responsoriiis ostendit Amalarius initio libri de ordine Antiphonarij. Asserit Isidorus Responforia ab Italis inuenta fuisse. At Sozomenus auctor est S. Ioannem Chrysostomum responforias cantiones instituisse ad æmulationem Arianorum, qui in cœtus distributi alternatim, & ad modum Responforiorum canebant, & Corollaria adiciebant in sectæ suæ gratiam composita. Responforij versus ab vno solo cantatur, per quod singularitas operationum designatur. Chorus autem repetit post versum partem Responforij, vt idipsum dicamus omnes, & non sint schismata in nobis: quia autem opera nostra imperfecta sunt, ideò ex parte tantum repetitur. Additur in quibusdam *Gloria Patri* in gratiarum actionem ei, qui dedit nobis velle, & perficere: & in confessionem fidei, sine qua impossibile est placere Deo. Hæc est autem discretio, inquit Concilium Toletanum, vrin læris sequatur *Gloria*, in tristibus Responforij principium repetatur. Post Capitula, quæ breues lectiones sunt, breuiora sequuntur Responforia, vt præcedenti doctrinæ subsequens operatio conueniat. Nocturno tempore longiores, diurno breuiores recitantur lectiones, quia nox ad contemplandum, dies ad agendum tributa videtur; contemplatio autem longior, actio breuior esse debet, quia qui minoratur actu percipiet sapientiam. Tempore Paschali in fine Responforij adiungitur *Alleluia*, quod lætitiæ additamentum & gloriam Dominicæ Resurrectionis respicit, & feruentius benè operandi studium sacris illis diebus ostendit.

Isidor. de Ecclef. off. lib. 1. cap. 8. Soz. lib. 8. c. 2.

Concil. Tolet. 4. cap. 15.

§. XVI.

DE CAPITVLIS.

Capitulum quid sit. Quare singulis horis, & quo ritu recitetur.

1. **B**REVIS quædam lectio è diuinis libris deprompta, quam in singulis Officiis recitamus, à nonnullis antiquioribus collectio, lectiuncula, & versiculus dicebatur, à D. autem Benedicto lectio, ab omnibus communiter Capitulum nuncupatur. Huius nominis ratio est, quia Capitula vtr plurimum breuia capita sunt Epistolarum, quæ in Missa leguntur. Est autem Capitulum, teste S. Anselmo, brevis multorum complexio, sic dicta quia breuiter capit totam summam. Nam per hoc quod diminutiuum est Capitulum designatur breuitas: & per hoc quod venit à capite, vel à capio, intelligitur quod magnum sensum capiat, & sit breue caput multorum, quæ latè disse-runtur. Notat Baronius ad diem 12. Nouembris antiquum esse nomen

Conc. Agathense cap. 30. Benedict. in Reg. cap. 13. & 17.

Anselm. seu quisquis est auctor in c. 8. ad Hebr.

Chrys. ad Ephes.
Hom. 1.

Xenoph. libro 6.
Cyrus.
Plato 1. de legib.
Beda lib. 3. expof.
in Efdr. c. 18.
2. Efdr. 9. 3.

Capitulum in Ecclesiasticis Officiis, alterius tamen significationis ab ea qua nunc accipi solent. Erant enim preces quædam prolixiores in honorem Sanctorum vel solemnitarum, ut constat ex Epistola Vigilij Papæ ad Eucharium. Capitula secundum alios breues quædam partitiones sunt, & in solo Euangelio Marci erant olim 25. A Ioanne Chrysostomo *αἱ κεφαλῶσις* siue Capitulum reductio in summam dicitur, cum quæ prolixè dicta sunt compendiosè dicuntur. Xenophon totius rei summarium *κεφάλαιον* id est Capitulum vocat. Plato eadem voce utitur pro eo quod in aliqua re summum, & præcipuum est. Notat Ven. Beda exemplo gentis Israël. quæ tempore Efdræ legebat in volumine legis quater in die, hunc morem in Ecclesia inoluiffe, ut per singulas diurnæ Psalmodiæ horas lectio vna de veteri, siue de nouo testamento cunctis audientibus ex corde dicatur: & sic Apostolicis, siue Propheticis verbis confirmati ad instantiam orationis genua flectant. Horis nocturnis plures lectiones, & longiores dicuntur, quia tunc à laboribus operum cessantes liberiores aures diuinis auscultationibus accommodamus. Stamus ad diurnas, quia breuiiores. Non præmittitur benedictio, quia à Prælato, vel Sacerdote dicuntur, cuius est aliis benè precari. In fine non dicitur, *Tu autem Domine*, quia in breui lectione facilius est culpam euitare, cum præsertim à viro perfectiori recitetur. Sine titulo leguntur, quia Sacerdotes docti esse debent in diuinis Scripturis. Sermonibus autem sanctorum Patrum titulus præfigi solet, quia multiplicem eorum doctrinam non omnes Ecclesiastici viri, vel scire possunt, vel eius meminisse si sciant. Post Capitulum respondemus *Deo gratias*, ut pro singulis gratiæ donis gratias agentes locum gratiæ faciamus in nobis, & cum gratiarum actione petitiones nostræ innotescant apud Deum.

§. XVII.

DE COLLECTIS.

Collecta nomen æquiuocum. Collectarum primi auctores. D. Benedictus benedictionis nomine Collectam indicat. De salutatione Dominus vobiscum, quæ collectis præmittitur. Notantur quedam de vltima collectarum clausula, & de hac voce Amen.

- I**nter minores Officij diuini partes locum potissimum tenent breuiusculæ orationes, quas Collectas nuncupamus, vel quia Collectæ sunt ex auctoritate diuinarum scripturarum: vel quia Sacerdos, ut notat Innocentius Papa, totius populi preces colligit, & refert ad Deum: vel quia huiusmodi preces populo in vnum collecto fieri solent, idque Pamelius obseruat ad ea verba Tertulliani, *Quomodo colligemus, quomodo Dominica solemnia celebrabimus?*
Atque

Innoc. 3. lib. 2. de
myster. Missæ
cap. 27.
Tert. l. de fuga in
persec. cap. vlt.

Atque hoc sensu phrasîs est antiquis Patribus, & historicis Ecclesiasticis valdè vîsitata Collectas agere, convenire ad Collectam, pro eo quod communiter dicimus Ecclesiam aliquam orationis gratia adire. Etiam in veteri testamento cœtus fidelium, diesque solennes Collecta dicebantur. Eadem voce pro conuentu, & congregatione fratrum ad orationem simul convenientium vitur passim S. Pachomius in Regula, quam Angelo dictante conscripsit. Paulus Apostolus Collectarum voce vitur pro eleemosynis, quæ ad alendos pauperes colligebantur: *De Collectis autem, quæ fiunt in sanctos, sicut ordinavi Ecclesiis Galatie, ita & vos facite: ut non cum venio tunc Collecta fiant.* Scribit Cassianus Sacerdotem post Psalmos collegisse omnium preces, unde vsus Collectarum. Vranus in vita S. Paulini narrans obitum S. Ioannis Episcopi Neapolitani, Ad Ecclesiam, inquit, processit, & populum ex more salutavit, resalutatusque à populo orationem dedit, & collecta oratione spiritum exhalavit. Breves autem fuerunt institutæ Collectæ, quia brevis & pura debet esse oratio. Vsum earum antiquissimum esse colligunt quidam ex Liturgiis Sanctorum Iacobi & Marci. Beruo Augiensis, & Sigibertus præcipuum earum auctorem faciunt S. Gelasium Papam. Sed Magnus Gregorius meliores, & emendatiores in ordinem redegit, & ex iis librum composuit, quem Sacramentorum inscripsit. Hic mihi primarius Collectarum Auctor fuisse videtur: nam ante ipsum rarior earum mentio apud Scriptores Ecclesiasticos repetitur. Refert Ionas Abbas in vita S. Eustachij Luxouienfis Abbatis quemdam Schismaticum Regulam S. Columbanj inter cætera accusasse, quod plures Collectas in divinis officiis multiplicari iuberet: quod tamen rationabiliter institutum S. Abbas ostendit in Synodo Matisconensi. De Collectis earumque in Ecclesia Latina origine, antiquitate, auctoribus, seu inventoribus, ratione, atque vsu extat insignis Commentarius Claudij Espencei Theologi Parisiensis.

1. Illud autem hoc loco obiter notandum, quod facit ad intelligentiam cuiusdam monasticæ Sanctionis. Sanctus enim Pater Benedictus nocturnarum vigiliarum ordinem disponens Dominicis diebus post duodecimum Responsorium dicto Hymno *Te Deum laudamus*, præcipit ut Abbas legat Euangelium: lecto autem Euangelio, & data, inquit, benedictione incipiant Matutinos. Dubitavi sapius, fateor, quidnam intelligeret beatus Pater per benedictionem, quam dari vult, antequam Laudes incipiantur. Nam omnes Monachi Collectam officij currentis legunt, post quam immediatè subsequuntur Laudes. Sed inveni tandem, qui nodum solueret Amalarium Fortunatum, Episcopus, inquit, vel Sacerdos dicit *Oremus*, ac deinde sequitur benedictio. Utroque nomine benedictionis, & orationis vocatur oratio Sacerdotis. De benedictione dicit Apostolus, *Si benedi-*

Leuitic. 23 36.

Deuter. 16 8.

2. Par. 7. 9.

Pachom. reg. n. 2.

3. & 10.

1. Cor. 16. 1.

Cass. l. 2. de Inst.

cœn. c. 7. & 10.

Berno de Missa

cap. 1.

Sigiberr. an. 487.

Ionas Abb. c. 3.

Bened. reg. c. 11.

Amalar. l. 1. c. 9.

1. Cor. 14. 16.

xeris spiritu, qui supplet locum idiotæ, quomodo dicit Amen super suam benedictionem, quia nescit quid dicas? Hanc benedictionem vocat Ambr. orationem dicens: Imperitus audiens, quod non intelligit, nescit finem orationis, & non respondet *Amen*, idest verum, vt confirmetur benedictio. Hactenus Amalatinus. Sed sententia, quam tribuit Ambrosio, Hilarij Diaconi est, cuius sunt Commentaria in Paulum Ambrosio adscripta. Huius Hilarij meminit Augustinus, eum Sanctum vocans ex vsu temporum, citatque locum ex his Commentariis in caput 5. epistolæ ad Romanos. D. quoque Hieronymus eiusdem mentionem facit in Dialogo aduersus Luciferianos; ipsumque appellat orbis Deucalionem ob inductum anabaptismum. Quod verò benedictio pro Collecta accipi soleat, probatur etiam ex Augustino his verbis. An quis Sacerdotem super fideles Dominum inuocantem, si quando dixit, Da illis Domine in te perseuerare vsque in finem, non solum voce ausus est, sed saltem cogitatione reprehendere, ac non potius super eius talem benedictionem, & corde credente, & ore confitente respondit *Amen*? Cæterum S. Benedictus nullam in reliquis horis Collectæ mentionem facit, vt vel inde discas præcipuam earum institutionem ad Magnum Gregorium pertinere. Notat autem sancta Hildegardis præclarissimi ingenij sæmina in explicatione regulæ nullam Collectam designari à sancto Patre, nisi tantum post Euangelium, quia Dominica oratione nullam pretiosiorum inuenit, per quam diuinum Officium terminaretur. Præclarè de Collectis, eorumque materia Gennadius Massiliensis. Cum sanctarum plebium præfules mandata sibi met legatione suuantur apud diuinam clementiam, humani generis agunt causam, & tota secum Ecclesia congemiscente postulant, & precantur, vt infidelibus donec fides, vt idololatræ ab impietatis suæ liberentur erroribus, vt Iudeis ablato cordis velamine lux veritatis appareat, & hæretici Catholicæ Fidei perceptione resipiscant, vt Schismatici spiritum rediuiuæ charitatis accipiant, vt lapsis penitentia remedia conferantur, vt denique Catechumenis ad regenerationis Sacramenta perductis cœlestis misericordiæ aula referetur.

1. At verò Sacerdos, priusquam orationem incipiat, diuinissimam salutationem, vt verbis vtar Dionysij Ateopagitæ, præmittit dicens, *Dominus vobiscum*. De qua salutatione extat Canon Concilij primi Bracatenensis eius antiquitatem ostendens his verbis. Placuit vt non aliter Episcopi, & aliter Presbyteri populum, sed vno modo salurent dicentes: *Dominus sit vobiscum*, sicut in libro Ruth legitur, & vt respondeatur à populo, *Et cum spiritu tuo*, sicut & ab ipsis Apostolis traditum omnis retinet Oriens, & non sicut Priscilliana prauitas permutauit. Eadem vtitur sanctus Martyr Ignatius in fine epistolæ ad Tharsenses. Maximus quoque Martyr de ea sic

Aug. adu. duas
epist. i. elag. lib.
4. cap. 4.

Aug. de dono per-
seuer. cap. 23.

Gennad lib. de
Eccl. dogm. c. 30.

Dionys. lib. de
Eccl. Hierarch.
Conc. Brac. c. 27.

Maxim. Martyr.
cap. 17.

scribit in Ecclesiastica mystagogia, Spiritualis salutatio, quæ Latinis est *Dominus vobiscum*, Græcis Εἰρήνη πάντοι *Pax omnibus*, bonorum omnium consensum, & concordiam, & rationalem quodammodo identitatem per fidem, & delectionem præfigurat. Respondet populus, *Et cum spiritu tuo*, quæ verba, teste Chrysostomo, nihil aliud significant, quam communem esse orationem plebis, & Sacerdotis; Vnum enim corpus lumen. Nihil autem melius inuenit Ecclesia, vt obseruat Florus Magister, quod optaret Sacerdoti, nisi quod Sacerdos optat Ecclesiæ, vt idem Dominus, qui dignatur esse cum Ecclesia, dignetur etiam esse cum spiritu Sacerdotis. Et bene Dominus cum spiritu hominis esse optatur, quia in spiritu, & mente rationali creatus est homo ad imaginem, & similitudinem Dei. Aliter explicat hanc responsonem Isidorus Pelusiota. Illud autem quod à plebe respondetur, *Et cum spiritu tuo*, hanc habet sententiam: Pacem quidem vobis præbuisi Domine, hoc est mutuam inter nos concordiam. Pacem autem nobis da, hoc est huiusmodi tecum coniunctionem, quæ nullo modo diuelli possit, vt cum spiritu tuo pacati, quem nobis in creationis initio indidisti, à tua charitate distrahi nequeamus. Scripsit verò de hac salutatione elegantissimum opusculum Petrus Damianus, quod omnino legendum est à studioso rerum Ecclesiasticarum Lectore. Ego pauca delibo, & in gustum de hoc nectare propino. Id quod dicitur *Dominus vobiscum*, Sacerdotis, inquit, ad populum est Salutatio. Otat enim, vt Dominus sit cum eis, sicut dignatur dicere per Prophetam. *Inhabitabo in illis*; & Saluator discipulis suis, cunctisque fidelibus, *Ecce*, inquit, *ego vobiscum sum*. Qui nimirum salutationis sermo non moderno humanæ adinventionis arbitrio constitutus, sed ex antiqua sacri eloquij auctoritate probatur assumptus. Vbi si diligenter inquiritur, sæpius singulariter, & pluraliter appositus inuenitur. Singulariter sicut ad B. Dei Genitricem Angelus dicit, *Aue gratia plena Dominus tecum*. Ad Gedeonem quoque ait, salutando. *Dominus tecum virorum fortissime*. Pluraliter autem vt in libro Ruth Booz salutando mellioribus suis ait, *Dominus vobiscum*. Et sicut Propheta à Deo missus inuenitur salutasse Asa Regem Iuda cum exercitu suo victorem de prælio reuertentem dicendo, *Dominus vobiscum, quia fuistis cum eo*. Ecclesia ergo salubri salutatione accepta Sacerdotis, & ipsa resalutando otat, & orando resalutat postulans, vt sicut ille Dominum esse cum ipsis optauit, ita & cum eo esse dignetur dicens, *Et cum spiritu tuo*, id est cum anima tua sit, vt eum dignè pro nostra salute possis orare. Et notandum quod non dicit tecum, sed cum spiritu tuo, vt totum quod in Officiis Ecclesiasticis geritur, spiritualiter fieri perpendatur. Eadem ferè verba in expositione Missæ Remigij Antissiodorensis repetiuntur, qui Petro Damiano antiquior est. Porro Sacerdos Collectam

Chrysost. homil.
18. in 2. ad Cor.

Florus in ex.
missæ.

Isidor. lib. 1. Ep.
112.

Aug. epist. 107.

Steph. Eduen. de
sacr. alt. cap. 12.

Nic. Cabas expof.
Luurg. cap. 12.

Falgenf. lib. 1. ad
Trafimund.

Falg. ep. ad Fer-
rand. de v. quæ-
ftionib.

Aug. lib. 6. de
Trinit.

dicturus tam se, quam alios ad orandum hortatur dicens, *Oremus*; idque ex antiqua Ecclesiæ consuetudine, ut patet in Liturgiis Sancto-
rum Iacobi, Marci, Basilij, & aliorum. Meminit huius ritus S. Au-
gustinus. Nam populus post indictam à Sacerdote orationem aliquan-
tulum orabat sub silentio, & deinde Sacerdos communes populi pre-
ces colligebat, & offerebat Deo. Stephanus Eduensis; Exclamat, in-
quit, Sacerdos *Oremus* monens se, & alios orare, quia Dominus
orauit, & discipulos ad orandum excitauit. Et inter Græcos non con-
temnendus auctor, sed Schismaticus, Nicolaus Cabasila; Hortatur,
ait, ad orationem Sacerdos, ut qui ad orandum sit ordinatus, & sit
populi præpositus, intercessor, & mediator.

4. Tandem Collecta hac celeberrima clausula concluditur, *Per
Dominum nostrum Iesum Christum Filium tuum, qui tecum uiuit, &
regnat in unitate Spiritus sancti Deus per omnia secula secu-
lorum.* Ad Patrem enim dirigitur oratio, ut Concilium Carthagi-
nense tertium decreuit, & per Filium terminatur, ut ipse olim præ-
ceperat, *Quodcumque petieritis Patrem in nomine meo dabit uobis.*
Ipse itaque est, qui interpellat pro nobis, ipse frater, & caro nostra,
ipse mediator Dei, & hominum Deus, & homo Christus Iesus. De
hoc mysterio B. Fulgentius Ruspensis Episcopus libellum scripsit ad
Trasimundum Regem Arianum eleganter ostendens, qualiter oportu-
erit mediatorem Dei, & hominum verum Deum, & verum ho-
minem esse, ut per ipsum omnia nobis necessaria ab æterno Patre con-
cederentur. Ad eundem Fulgentium epistolam scripsit Ferrandus
Diaconus Carthaginensis quinque questionum solutionem ab eo pos-
tulans. Harum quarta hæc est. Vnum, inquit, regnum Patris, & Fi-
lij, & Spiritus sancti credimus, & fatemur, simul eos dominari crea-
turis omnibus sentientes. Quare ergo in orationibus Sacerdotum *Per
Iesum Christum Filium tuum Dominum nostrum, qui tecum uiuit &
regnat in unitate Spiritus sancti* per uniuersas penè Africæ regiones
Catholica dicere consuevit Ecclesia, tanquam solus Filius cum Patre
possideat regnum, in unitate scilicet Spiritus sancti, ut regnantes ad-
unare, non simul regnare Spiritus sanctus intimeretur? Respondet ele-
gantissimè ad hanc dubitationem Fulgentius. Ipsum consular cui libet,
nam responsio longior est, quam ut hic debeat integra transcribi. Af-
ferit autem nos per Iesum concludere orationem, quod ille mediator
sit. Tum ex doctrina B. Augustini concludit ideo nos unitatem Spiritus
sancti cum Patre, & Filio prædicare, ut ex ipso unitatis nomine
vna essentia, & ex hoc vnum regnum, & in eodem vno regno vna
Trinitatis potestas, vnaque maiestas à fidelibus agnoscarur: ne pueretur
aut Filius, aut Spiritus sanctus secundum diuinam naturam ita cum Pa-
tre regnare, quemadmodum cum potiore regnat inferior, sed illa vni-
tas Spiritus sancti, quæ est communio Patris, & Filij, dum in illo

regno unitatem Diuinitatis monstrat, vnam esse regnandi æternitatem, vnam potestatem, vnam maiestatem, vnamque dominationem summæ Trinitatis edoccat. Nullum autem præiudicium Filio, vel sancto Spiritui comparatur, vt idem Fulgentius alibi scribit, dum ad Patris personam precatio ab offerente dirigitur, cuius consummatio, dum Filij, & Spiritus sancti complectitur nomen, ostendit nullum esse in Trinitate discrimen: quia dum ad solius Patris personam honoris sermo dirigitur, benè credentis fide tota Trinitas honoratur; & cum ad Patrem litantis destinatur intentio, sacrificij munus omni Trinitati vno eodemque offertur litantis officio. Collectæ autem ferè omnes diriguntur ad Patrem, pauca ad Filium, nulla ad Spiritum sanctum, quia cum procedat vt donum, proprium eius est dari potius, quam dare. Cum verò de extrema Collectæ clausula agimus, non parergon fortasse fuerit admonuisse, quod nos dicimus *Per omnia sæcula sæculorum*. Græcè dici *eis τὸς αἰῶνας τοῦ αἰῶνος*: idque notasse non piget, vt huius clausulæ antiquitas dignoscatur. Sanctus enim Irenæus Episcopus, & Martyr S. Polycarpi discipulus redarguens Valentini Hæresiarchæ portentosum commentum de triginta æonibus, variisque æonum generationibus, refert discipulos Valentini conatos fuisse illius erroris Catholicos participes facere, quod in Orationibus dicerent *æonas æonum*, id est sæcula sæculorum. Quid sit autem sæculorum sæculum his qui altiori doctrina digni sunt ostendit apex Theologorum Dionysius in libro de diuinis nominibus.

5. Post precationem, & collectam totus cætus accinit *Amen*, cuius responsionis antiquitas manifesta est, tum ex Apostolo, tum ex Patribus Iustino, Tertulliano, & aliis. *Amen* vox Hebræica est, qua vtuntur sacræ literæ ad aliquid confirmandum Latine idem sonat ac *verè, fideliter, sic est, ita fiat*. In alienum idioma ab Interpretibus translata non fuit propter sui excellentiam, & ne, Græcè vel Latine redita, vim amitteret. Oraculum Zoroastris Magorum Principis, est, nunquam mutanda esse in sacris nomina barbara. Verba item antiqua in diuinis sacrificiis efficaciora esse Platonici, & Cabalisticæ (quos in multis conuenire Leo Hebræus eleganter ostendit) ea ratione asserunt, quia antiquum æternitati, quæ Deus est, proximè accedit. Hanc verò doctrinam Psellus in Scholiis Zoroastris quamvis non omnino prober, asserit tamen singulas gentes habere quædam nomina diuinus data, quæ incredibilem vim habent in sacris, vt *Seraphim, Cherubim, Michaël, Gabriel*. Huiusmodi est vox *Amen*. Ecclesia eam adhibet tanquam sigillum confirmans, & consignans præcedentes precationes. Nam, vt ait B. Yno Carnotensis Episcopus libro de conuenientia veteris, & noui sacrificij, hac voce participem se facit populus omnium charismatum, quæ Sacerdos multiplici Sacramen-

Fulg. l. 1. ad Monimum cap. 5.

Iran. lib. 1. c. 1. & ex eo Epiphani. lib. 1. to 1. hæresi 31.

Dionys. de diuinis nom. cap. 5.

Iustin. Apolog. ad Anton. Tertull. de Spect. cap. 25. Athanas. Apolog. ad Constan.

Leo Hebr. dial. 3. de Amorc.

Aug. de cat. rud.
cap. 9.
Viban. in fine me-
taphraſi. in Pl. 50.

Ambroſ. in Pl. 40.

Bapt. Vernac. lib.
de vnione cum
Deo c. 115. & 116.

Canin. cap. 5.

Ioach. Abb. in c.
1. Apoc.

torum diuerſitate ſtudit impetrare. Ideo Auguſtinus libro de cate-
chizandis rudibus monet Antiſtites, vt diſtinctè orent, quatenus
populus ad id quod intelligit dicat *Amen*. Notat Vrbanus Quar-
tus Pontifex maximus tres ſignificationes habere hoc vocabulum,
nam quandoque accipitur nominaliter, & ſignificat nomen Dei,
Hæc dicit Amen teſtis fidelis. Aliquando ſumitur aduerbialiter, vt
paſſim in Euangeliiſ. *Amen, Amen dico vobis*, & ſignificat, *verè*,
infallibiliter, ita eſt ſicut dico vobis. Tandem accipi ſolet verba-
liter, & idem eſt ac fiat Hoc ſenſu in fine Orationum ponitur;
& i ſalmiſta in fine quorundam Pſalmorum ad prædictorum con-
firmationem hanc vocem ingeminat, quia vbi nos legimus *ſiat*,
ſiat, in Hebræico habetur *Amen, Amen*. Alias aſſert huius vocis
ſignificationes S. Ambroſius, vt aliquando ſit imperantis, interdum
precantis, interdū verò confirmantis. Idem aſſert B. Ogerius Abbas
Locedij Ordinis Cisterciensis ſerm. 7 de Cœna Domini inter opera
D. Bernardi, Baptiſta Vernacia magni ſpiritus, & cœleſtis doctrinæ
ſanctimonialis libro de vnione cum Deo triplex *Amen* diſtinguit
diuinum, Angelicum, & viatorum. Deus dicit *Amen*, quia eſt prima,
& ſumma veritas: Angeli dicunt *Amen*, vt in Apocalypſi, gau-
dentes Deum eſſe id quod eſt: Viatores dicunt *Amen*, deſideran-
tes ad eum peruenire, qui eſt veritas æterna. In Thalmudicis Maſ-
ſecheh Beracher apud Angelum Caninium in locis noui Testamen-
ti, dum audientium oſcitantia reprehenditur, triplex malum, & il-
legitimum *Amen* deſcribitur. Nam cum ille qui reſpondet *Amen*
non intellexit quod dictum eſt, *Amen pupillum* appellatur:
cum autem *Amen* pronunciat, antequam perfectæ ſit oratio, *ſur-
reptitium* dicitur, ex oratione nondum abſoluta aliquid ſutripens:
At verò cum aliud agens reſpondet *Amen, ſcſſile* nuncupatur, quaſi
diſſectum in duas partes. Plura de hac voce Archangelus Burgono-
uentis in dogmatibus Cabaliſticis conſuſione vltima, cuius hanc
vnicam obſervationem notatu digniſſimam præterire nequeo, quam
à Ioachimo Abbate accepit. Hoc verbo, inquit, vtitur Dominus
in Euangelio, ſed & nos cum aliquid affirmare volumus, reſpondere
ſolemus *Amen*. Hoc tamen diſtat, quia Deus in principio, nos au-
tem in fine orationis vti conſueuimus verbo iſto, vt iplum eſſe au-
ctorem veri, nos autem veritatis diſcipulos, dum ei, & in eum credi-
mus demonſtremus.

§. XVIII.

DE SYMBOLO ATHANASII.

Quando Symbolum scripserit Athanasius. Cur die Dominica recitetur. Notantur obiter huius diei prerogative.

1. **A**thanasius Archiepiscopus Alexandrinus magnum illud Christiani orbis prodigium, omniumque virtutum sacrarium sub Constantino Augusto florere cœpit, & sub Valente vivere inundo desuit, ut viveret Deo. Hic, teste Baronio, cum esset Romæ anno quarto Iulij Summi Pontificis, Symbolum scripsit suæ fidei memorabile documentum, quod Latino idiomate coram Pontifice recitavit. In hoc autem Symbolo siue componendo, siue à Græco in Latinum traducendo adiutorem fuisse Athanasio Eusebium Vercellensem Episcopum refert Guillelmus Baldesanus in Historia Pedemontana, quæ manuscripta Taurini asseruatur in Bibliotheca Ducis Sabaudia, ex tabulario Vercellensis Ecclesiæ. Imò solum Eusebium eius Auctorem agnoscunt aliqui, ut testatur Vossius in fine dissert. 1. de tribus Symbolis, qui etiam ait Latine primum scriptum fuisse, & ex Latino Græcè redditum: nam Latinus contextus vnus est, Græca autem exemplaria plurimum variant. Iam supra dictum est, quid per Symbolum intelligamus, & quam multæ sint huius vocis significationes, quas omnes eleganti carmine explicauit in Symbolicis questionibus Achilles Bocchius Bononiensis. Est autem hoc Symbolum tessera Orthodoxorum Apostolicæ fidei fusiorem continens explanationem. Olim quotidie ad Primam cantabatur, ut Honorius scribit: nunc diebus tantum Dominicis congregata in vnum maiori frequentia populi recitatur, ut sanctæ fidei confessio ea die apertius celebretur, qua Dominus noster præcipua eiusdem fidei mysteria operari dignatus est. Hac enim die, ut sancti Patres obseruant, nouæ lucis primordia mundi originem illustrauerunt. Hac die Patres nostri in mare rubrum sicco vestigio transierunt. Hac eadem die panem de cælo omne delectamentum in se habentem acceperunt. Initio eiusdem diei natus de Virgine Christus, dictaque die postmodum baptizatus aqua in vinum mutata recreauit conuiuas, & de quinque panibus multiplicatis quinque millia hominum satiauit. Hac die resurrexit à mortuis, & ianuis clausis ingressus ad discipulos dedit eis Spiritum sanctum, & potestatem remittendi peccata. Hac die Spiritus sancti gratia discipulorum corda diuinis charismatibus repleuit. Hac die Ioannes mirandam illam visionem vidit, cuius plura sunt Sacramenta, quam verba. Demum hac die futura creditur generalis resurrectio, & rotius mundi renovatio, quando qui bona fecerunt ibunt in vitam æternam, qui verò mala in ignem æternum.

Baron. ann. 340.
num 11.

Achil. Bocch. intro lib 1. qq. Symbolicorum.
Honorius in Gém. animæ lib. 2.
cap. 59.

Leo Magn. Ep. 87.
ad Dioscorum.
August. ser. 154. &
151. de temp. Oigen. hom. 7. in
Exod. Basil. hom. 1. exam. Beda lib.
de æquinoct. vern.
apud Baron ann.
198 num. 4.

Nazianz. orat. 11.
Se ar. 10. 2. opus.

Sophr. or. de Nat.
Theod. Stud. cat.
11.
Chrys. hom. 5. de
resurrect.

Meminit huius symboli Gregorius Nazianzenus, & de illo post sanctam Hildegardem, post Brunonem Heibipolensem, & Richardum Patropolitanum insignè scripsit opusculum Nicolaus Serarius Agit item de illo Genebrardus lib. 3. de Trinitate. Diem verò Dominicā, qua hoc symbolum recitamus, vocat Sophronius Hierosolymorum Archiepiscopus dierum dominam. Theodorus Studita diem pacis: Chrysostomus diem panis, & lucis, Quædam Ecclesiæ recitant post symbolum collectam de sanctissima Trinitate, ut qui dedit nobis veræ fidei Sacramenta cognoscere, gratiæ quoque præsidia conferat, quatenus fidem nostram animet actio, probet charitas. Illa enim dumtaxat fides in pretio habenda est, quæ per dilectionem operatur.

§. XIX.

DE LECTIONE MARTYROLOGII.

*Exemplorum quanta sit vis. De cruciatibus sanctorum Martyrum.
De usu, & ritu legendi Martyrologium.*

Senec. Ep. 6.

1. **R**ECÈ à quodam dictum est, longum iter per præcepta, breue per exempla esse. Ideò veterum sanctorum vitas literarum monumentis mandari voluit Spiritus sanctus, ut quam quisque viuendi rationem elegit, eam ex propriis exemplis exploret, & dirigat ad veritatem, ut sanctus Nilus scribit. Et ut docet Symmachus Papa, illa monita discipulorum conscientiam erudiunt, quæ probantur exemplo. Sine pudore inuitat ad innocentiam, qui illam fuerit ipse sectatus. Nescio quo pacto tenacius hæret doctrina operum, quam verborum, atque illi verè docent, qui cum dixerint quid faciendum sit, probant faciendo: quos magis admireris cum videris, quam cum audieris. Magnus Basilius pietatis studiosos ad sanctorum exempla consideranda eleganter hortatur, quia sicut pictores, inquit, cum imaginem ex imagine pingunt exemplar identidem respektantes lineamenta eius transferre conantur magno studio ad suum opificium: ita qui sese meditantur omnibus numeris virtutis absolutum reddere, velut simulachra quædam spirantia, & actiuosa sanctorum vitas respicere oportet, probaque opera illorum sua imitando facere. Non ignorauit Ecclesiā sancti Spiritus magisterio edocta hoc saluberrimum benè viuendi documentum, ideoque præcepit, ut quotidie in diuinis Officiis sanctorum memoria è Martyrologio recitaretur, ut audientes beatorum Martyrum, aliorumque piorum hominum inuicta certamina, ad patientiam, & fortitudinem excitaremur. Ecce enim pugiles Christi Tyrannorum rabiem experti secti sunt, tentati sunt, in occisione gladij mortui sunt. Alij fustibus cæsi, sagittis confixi, vngulis ac pectinibus excarnificati, torcularibus pressi, ignibus consum-

pti

Nilus in lib. ascetico.
Symmach. Ep. 1.

Seneca Ep. 55.

Basil. Epist. 1. ad
Gegor.

pti fuerunt. Alij stipitibus affixi, ferarum dentibus discepti, ponderibus grauati, altero brachio vel summis pollicibus appensi, trochleis eleuati, testaceis fragmentis dilaniati. Alij pugnis contusi, verubus transfixi, ardentibus lacrimis, facibusque combusti, ad metalla damnati, in mare demersi, capillis luteis, lapidibus obruti, in equuleo extensi, melleque peruncti sub ardentissimo solis æstu vesparum morsibus obiecti. Quid sanctas Virgines memorem, quibus euulsi dentes, excisa lingua, amputatae man. nulla? Quid vniuersam illam tyrannicæ crudelitatis suppellectilem enumerem, neruos, pedicas, numellas, manicas, fustes, catenas, vincula, loia, virgas, scorpionnes, sartagines, tauros æneos, craticulas, lebetes, galeas ignitas, tela, gladios, exilium, carcerem, & mortem denique ipsam, quæ sola mitis fuisse inter tot supplicia videtur? Omitto sanctorum Confessorum prolixum, & inextinguibilem martyrium, eorumque omnium, qui Deo placuerunt, angustias, afflictiones, vigilias, ieiunia, silentium, nuditatem, & innumeras tribulationes. Hæc utique cogitatio omnem nobis torporem ex animo excutiet, acerrimosque ad virtutem stimulos admouebit. Quid enim dicturi sumus, ait sanctissimus Ephraim, in die illa horrenda extremi iudicii cum beatissimi Christi Martyres iuxta solium gloriæ astantes ostendent vulnere suorum, atrociumque cruciatuum, ac verberum cicatrices in suis corporibus relucentes? Nos, inquam, charissimi fratres, quid obsecro tunc ibi ostensuri sumus? quas illic virtutes proferemus? Num charitatem erga Deum & proximum? num integram, inuiolabilemque fidem? num voluntariam paupertatem, ac terrenorum omnium nuditatem? num fortè quietem, & tranquillitatem? num elemosynas? num commiserationis affectum? numquid spiritum mansuetudinis? numquid orationes mundas? numquid compunctionem salutarem? num vigilias, lacrymas, & veram poenitentiam? Felix profectò, atque beatus erit, quem ista ibi comitabuntur. Tunc sociabitur sanctorum choris, qui eorum vestigia sequutus fuerit. Tunc participes passionum, erunt quoque præmij & coronæ consortes. Martyres enim, vt eleganter scribit Saluianus, ad cœlestis regis ianuas gradibus poenarum suarum ascendentes scalas sibi quodammodo de equuleis, catastisque fecerunt.

Ephr. ser. de laudib. sanct. Mart.

Saluian. lib. 3. de prouid.

METRVM XLII.

F Elices animæ, quas nec mors dira, nec Orci
Furor cruentus terruit,
Non mundi vis tanta fuit, stygijque Tyranni,
Vt corda eorum frangeret,
Sed panis nutritur amor, vitæque periclis,
Et sanguinis dispendio.

*Vt pelagi rupes, circum latrante procella,
 Crebris resistit fluctibus,
 Sic deuota cohors, soboles generosa Tonantis,
 Immota cunctis ictibus,
 Horrenda genus omne necis, viteque cadentis
 Annos fugaces despicit.
 Membra secet ferro, salientia viscera rostris
 Ferox satellites extrahat.
 Pectora dilaniet rigidis moribunda flagellis,
 Discerpat ungulæ genas,
 Congerat in ventrem liquefacti pondera plumbi,
 Tundatque terga fustibus,
 Torreat ignitis facibus, corrupta veneno
 Propinet ori pocula,
 Pectinibus carnem laceret, nexuque rotarum,
 Et bestiarum dentibus,
 Lumina diripiat, dentes euellat, & artus
 In frustra cunctos amputet:
 Attamen inuitum patienti in pectore robur,
 Viresque seruat integras,
 Statque animo constans Martyr, sauique lacescit
 Lictoris ad panas manus.
 Hæc quantum fremuit scelerata potentia Regum,
 Vt Christi amantes perderet!
 Quanta seges mortis, quam multa reperta supellex,
 Quæ rumperet lethi moras!
 Ille suis pascit flammæ incendia membris,
 Sed crescit in flammis amor.
 Hic trabe suspensus caput inter sidera condit,
 Terram perosus impiam.
 Detracta cute regales ostentat honoros
 Amittit ille murice.
 Quid memorem fumo extinctos, tetroque vapore,
 Taurisque clausos æneæ?
 Quid pice perfosus? media quid in vrbe proterua
 Ludibrio plebis datos?
 O nimium dilecta Deo, pars magna polorum
 Thalamus beata Martyrum:
 Non ego (si faciles superi mea vota secudent,
 Mibique dent pati, & mori).
 Non ego præ vestra fortunam optauero regum,
 Vestra coruæ pariceps.*

*Hoc nempe ad superos iter est. Iam claudite celi
Viam, poëta, lætæam.
Sanguineam docuit Christus, Christumque sequenti
Quotquot fuere Martyres.*

1. Hic finis, & scopus est, ob quem Ecclesia singulis diebus post Primam legi voluit Martyrologium, ut eorum facta imitemur, quorum exitus admiramur. Præclare Augustinus: Solemnitates Martyrum exhortationes Martyriorum sunt: ut imitari non pigeat quod celebrare delectat. Illorum autem nomina anticipata lectione recitantur, quorum memoria sequenti die recolitur, quatenus venturæ festivitatis celebrationem digniori apparatu præueniamus. Post lectionem sequitur versus, quo pretiosam in conspectu Domini sanctorum mortem commemoramus, qui pretio sanguinis emerunt immortalitatem. Tum ipsos exoramus, ut Dei clementiam nostris inclinent necessitatibus, quò vitæ huius momento æternitatem acquirere valeamus. Ter deinde diuinum imploramus adiutorium, ut in nomine sanctissimæ Trinitatis aduersus diabolum, mundum, & carnem armati peccata præterita desicemus, præsentia detestemur, futura caueamus. Additur versus *Respice Domine in seruos tuos*, quo omnes cogitationes, & operationes nostras ad finem dirigimus sempiternum. Post actum directionis solent Monachi longam audire lectionem ex regula S. Benedicti, quem usum commendat Amalar. Pro hac in Breuiariis brevis lectio posita est ad Capituli absolutionem. Tandem omnium fratrum, familiarium, & benefactorum in pace quiescentium memoriam agimus, recitatis more antiquo eorum nominibus, qui ea die obierunt. In quem usum in antiquis Cœnobiis Necrologia sunt, in quibus fratrum, & benefactorum obitus describuntur. Hac ratione inchoata dies non nisi optimum finem fortiri poterit, quam à sanctorum intercessionibus, & pia mortuorum recordatione auspiciati sumus. Primi qui scripserunt Martyrologium fuerunt Notarii Romanæ Ecclesiæ tempore S. Clementis Papæ; non autem Eusebius, ut quidam perperam existimarunt; de qua re, & de variis Martyrologij legendis Baronius in Præfatione, & Annotationibus Romani Martyrologij. S. Cyprianus præcipit notari diem mortis cuiusque Martyris, ut eorum inquit commemorationes celebrare possimus. Magnus item Gregorius scribit Eulogio Episcopo Alexandrino, qui petierat sibi transmitti Martyrum gesta ab Eusebio Cæsariensi collecta, dicens non extare Romæ huiusmodi librum: deinde addit. Nos autem penè omnium Martyrum distinctis per dies singulos passionibus collecta in vno codice nomina habemus, atque quotidianis diebus in eorū veneratione Missarū solēnia agimus. Non tamen in eodem volumine quis qualiter sit passus indicatur; sed tātummodò

Aug. ser. 47. de
Sanctis.

Amalar. lib. 4. c. 1.

Cyprian. Epist. 37.

Greg. lib. 7. Ep. 19.

nomen, locus, & dies passionis ponitur. Vnde fit vt multi ex diuersis terris, atque Prouincijs per dies, vt prædixi, singulos, cognoscantur martyrio coronati. Porro ritum legendi in Ecclesia Martyrologium antiquissimum esse constat ex regula Canonicoꝝ Grodegandi Metensis Episcopi cap. 18. ex vita quoque S. Bernenardi Episcopi Hildeshimensis apud Brouerum in Sideribus Germaniæ. Hugo autem Menardus in notis ad Sacrament. S. Gregorij putat non fuisse in vsu ante tempora Ludouici Pij.

§. XX.

DE PRECIBVS, ET SVFFRAGIIS,
ATQVE DE FINE OFFICII.

Cur ad Primam, & Completorium quedam preces certis diebus recitentur. Cur etiam in Laudibus, & Vesperis commemorationes sanctorum fiant, itemque sanctæ Crucis, & deprecatio pro pace. De versu Benedicamus Domino. De Oratione ad B. Virginem, quæ dicitur in fine cuiusque hore. Quis Antiphonam Salve Regina composuerit.

1. **I**Am spatium confecimus prolixi discursus, quo singulas diuinarum laudum particulas, Deo fauente, explicauimus. Restant adhuc leuiores quedam fragmenta, quæ omnino, ne pereant, colligenda sunt. Quidam enim vetus, ac breues aliquot Orationes certis diebus, & horis ex præscripto Ecclesiastici Canonis recitantur, vt, sicut dicit Apostolus, *Fiant obsecrationes, orationes, postulationes, gratiarum actiones pro omnibus hominibus, pro Regibus, & omnibus qui in sublimitate sunt, vt quietam & tranquillam vitam agamus in omni pietate, & castitate.* Hæ preces ad Primam, & Completorium frequentari solent, quibus horis generalis quoque confessio recitatur, vt quicquid in nocte vel die quocunque modo deliquimus, pœnitentiæ lauacro mundemus, sicut scriptum est: *Dixi confitebor aduersum me iniustitiam meam Domino, & tu remisisti impietatem peccati mei.* In Laudibus item ac Vesperis vnaquæque Ecclesia iuxta proprii ritus consuetudinem Beatæ Mariæ Virginis, sanctorumque suffragia eorundem solemniter commemoratione implorat, vt quos solemniter veneratione prosequimur, etiam simili conuersatione sequamur: quos beatissimos prædicamus, ad eorum beatitudinem tota auiditate curramus: quorum delectamur præconijs, eorum patrocinij subleuemur. Hi sunt qui assidue orant pro nobis, quorum intercessione humana iuuatur infirmitas, excitatur negligentia, ignorantia eruditur. Confirmate igitur amicitias cum sanctis An-

1. Tim. 2.

Malon. 31.

gelis, ait B. I. eo Papa, intrare in ciuitatem Dei, cuius nobis spondetur habitatio: & Patriarchis, Prophetis, Apostolis, Martyribusque sociamini. Vnde & illi gaudent, gaudent. Horum diuitias concupiscite, & per bonam emulationem ipsorum ambite suffragia. Cum quibus enim fuerit vobis consortium deuotionis, erit & communio dignitatis. Et Theofridus Abbas, Digni sunt, inquit, apud homines honore, qui quotidie interpellant pro hominum salute. Memor humane fragilitatis hoc gratiæ nobis clementia Saluatoris contulit, vt quod peccatores per nostra non possumus merita, per sanctorum impetremus patrocinia. tam securi de sua solliciti sunt pro nostra salute. Offeramus ergo illis laudis sacrificium, vt pro nobis fumus incensorum ascendat de oratione sanctorum, qui per manum Angeli diuino præsentatur conspectui: vestigia sequamur eorum, quibus ipsi sequuti sunt Dominum. Inspiciamus perfectam eorum vitam, & emendemus nostram, quæ minus composita est, vt nostri sint adiutores in precibus, quorum sumus imitatores in actibus. Relinquamus cum Apostolis omnia, vt libere sequamur Domini vestigia. Martyribus affociemur in passione, vt eisdem participemus in consolatione. Ne fur domum nostram perfodiat, Confessorum vigilias mens nostra euskodiat. Ornemus lampades cum Virginibus, vt intremus cum eis ad nuptias, quando venerit Sponsus. Memoriam item facimus sanctissimæ Crucis, vt ascendentes in palmam apprehendamus fructus eius, quoniam eius virtute fugantur dæmones, roboratur virtus, vitia propulsantur. Sequitur pro pace deprecatio, magnum etenim est pacis bonum, per quod solum ad vocabulum filij Dei feliciter peruenitur. *Beati pacifici*, dicit Dominus, *quoniam filij Dei vocabuntur*. Pax serenitas mentis est, vt loquitur Augustinus, tranquillitas animæ, simplicitas cordis, amoris vinculum, consortium charitatis. Hæc est quæ simultates tollit, bella compescit, comprimit iras, superbos calcit, humiles elenat, discordes sedat, inimicos concordat, cunctis est placita, non querit alienum, nihil deputat suum, docet amare quæ odisse non nouit, nescit extolli, nescit inflari.

2. Cæterum in fine horarum post vltimam Collectam Sacerdos repetita salutatione Domini præsentiam populis adesse precatur, vt quemadmodum est pollicitus, maneat nobiscum vsque ad consummationem seculi. Tum pia plebs ad benedicendum Dominum inuitatur, vt cuius beneficio viuunt, in eius semper laudibus perseueret. Respondet illa *Deo gratias*, vt in gratiarum actionem desinat diuinarum laudum celebratio. Quia vero B. Virgo prima post Deum humani generis hospitatrix semper mortales materno protegit affectu: ideo in fine cuiusque officij saluatio quædam, & deprecatio ad eandem Deiparam Virginem effundi solet, vt si quid in tremendo Dei cultu humana fragilitate erratum est, matris interuentu propitiatus

E E e iij

Leo serm. 5. de Epiphania.

Theofrid. Abbas serm. de venerat. sanctorum.

Aug. serm. 167. de Temp.

Dominus nobis non imputet ad culpam. Ipsa cunctos qui confidunt in ea depulsis vitæ procellis munifico fouet amplexu. Ipsa periclitantibus in hoc damnabili mundo salutarem porrigit dexteram. Hæc noxios hostium conatus coercet. Sine aliquo eius beneficio nullus dies, nulla hora, ac ne tenue quidem momentum transcurrit. Hanc colunt superi, observant inferi, mundus adorat: eius maiestatem supremi perhorrescunt. Eius nutu regitur orbis, splendent sidera, micat sol, spirant venti, vernant horti, crescunt sylvæ, redeunt tempora, seruiunt elementa. Decus morum, nitorem operum, meritum gloriæ de Mariæ gratia suscipimus, cum eam colimus, & veneramur. Nouit Ecclesia quanti sit periculi ab indulgentissimæ matris cura exules filios elongari, ac propterea saluberrimo consilio decreuit, vt ad eius protectionem frequenti obsequio confugerent, non solum speciali Officio de ea instituto; sed etiam in fine singularum horarum variis pro ratione temporum adhibitis orationibus. Harum præcipua ea nescitur esse, quæ incipit *Salve Regina*, quam Ecclesia Romana certis tantum diebus, quidam verò Regulares quotidie post Completorium solemnè modulatione recitare consueuerunt. Eius auctor fuisse dicitur Hermanus Contractus Monachus S. Benedicti anno 1039. qui cum omnis politioris literaturæ expertus omnino esset, B. Virginis intercessionem in virum alterum mutatus tanta deinceps doctrinæ laude resplenduit, vt nulli suo tempore secundus haberetur. Hoc Canticum iam solemne factum cum Spirenses Clerici decantarent, Bernardus Abbas Claraualis tunc ad Germanos Apostolicus legatus, vt refert in Chronico Spirensi Guillelmus Eifengrenius, postrema illa verba tergenua floctens adiunxit, *ô clemens, ô pia, ô dulcis Maria*. At ego libenter huic longo capiti in dulcissimæ Virginis Mariæ commemoratione finem impono. Impar equidem sum, & ingenio exilis eius laudibus referendis, nec mei sermonis penuria sufficit ad ea exprimenda, quæ de tanta maiestate concipio, cuius exigua partem nec ora mille, totidemque linguæ, aut indefessæ vocis æterna series vix attingere possent. Curabo tamen, vt sanctissimum eius numen, & nomen intra pectoris mei secteta perpetuo cultu custodiatur, quod vt omnes ipsæ Christiani efficiant summopere cupio, & exhortor.

Eifengren. lib. 12.
ann. 1147.

CAPVT XVII.

De Cantu Ecclesiastico.

§. I.

Laudatur vniuersum Musica, eiusque varij, & admirabiles effectus enumerantur.

I.



VONIAM diuinum Officium, eiusque partes non simplici vocis prolatione, sed musico etiam adhibito concentu publicè in Ecclesia persolui solent, hanc consequenter de Ecclesiastico Cantu tractationem institui, quam Religiosis diuinas quotidie laudes decantantibus nec inutilem fore, nec iniucundam confido. Vt enim Rabanus Maurus luculenter affirmat, tam nobilis est, tamque vtilis rectè canendi disciplina, vt qui ea caruerit Ecclesiasticum Officium congruè implere non possit. Nam quicquid in lectionibus decenter pronuntiatur, quicquid de psalmis suauiter modulamur, ita musica scientia temperatur, vt per eam omne Dei seruitium impleatur. Hinc musicæ rudimenta lac animæ vocat Philo doctissimus Hebræorum initio libri de Agricultura, dicitque Isidorus tam turpe olim fuisse musicam nescire, quam literas, tantique semper æstimatum fuisse cantum ab omnibus nationibus, vt cunctis solemnibus sacris, & profanis adhiberetur. Et nuptias quidem sine musicis concentibus nunquam celebratas fuisse ex antiquis Epithalamiis luce clarius constat, idque probat doctè, & diffusè Paulus Sherlogus vir infinitæ lectionis in Anteloquiis Cantorum. Sed & conuiujs adhibitos olim cantores, vt temperantiæ, & moderationis admonerentur conuiuæ, non ad luxuriam, atque inanem voluptatē Athenæus, & Plutarchus Græci scriptores commemorant. In funeribus quoque nobilium Græcorum, & Latinorum adfuisse tibicines, & æneatores Seneca in ludo Claudij, Plutarchus de consolatione ad uxorem, Tertullianus de corona militis, Valerius Maximus, & alij complures asseuerant: huncque morem secutos fuisse Iudæos tum ex Euangelistis, tum ex Flavio Iosepho cognosci potest. Inter bellicos tumultus locum item fuisse modulationi testis est ex Horatio, & Thucydide Franciscus Luisinus Vtinenſis in suis Parergis. Nam antiqui duos Præanes habebant, alterum Martis, quo initio pugnæ utebantur: alterum Apollinis, quem fufis, cæsisque hostibus decantabant. Et cui notus non est tibiærum, tympanorum, tubarumque vsus in præliis: in suis namque bellis,

Raban. de inst.
Clerc. l. 3. c. 24.

Isidor. l. 3. origin.

Sherlog. in Cant.
antel. 5. sect. 3.
subsec. 1. & 3.

Athen. l. 1. & 14.
Plutar. 7. sympos.

Val. Max lib. 2.
cap. 5. num. 4.
Matth. 9. 23.
Ioseph lib. 3. de
bello Iud. c. 15.
Luisin lib. 2. pæ-
tergon. cap. 22.

pietate notior quàm scriptis ipsos barbaros se vidissetatur rustica carmina verbis facta similibus clangorum, quos asperè clamantes aues edunt, studiosè amplecti, & musicis carminibus delectari. Macrobij observatio est plurimarum gentium, vel regionum instituta sanxisse mortuos ad sepulturam cum cantu prosequi oportere, persuasione hac, qua post corpus ad originem dulcedinis musicæ, hoc est ad cælum, animæ redire credantur. Lycurgus vir duræ, difficilisque vitæ, musicæ tamen studium in suis legibus commendavit. Hanc primum Philosophiæ adminiculum Xenocrates Ch. Icedonius vocabat apud Laërtium. Plato etiam, & Aristoteles summa capita Philosophorum hic in Politicis, ille in Coniugio, & septimo de legibus eò musicam effertunt, ut in ea potissimam rationem puerilis institutionis constituent. Sciebant videlicet viri præstantissimi ita nobis musicam naturaliter coniunctam esse, ut ea nullo modo carere possimus.

Macrobi. in som.
Scip. 1. c. 3.

Laërtius lib. 4.

3. Nullum est tam immitte, tam asperum pectus, quod non musicis sonis capiatur. In cuius rei typum fabulantur Poëtæ à Cadmo sistula canente deceptum Typhæum; nam ut explicat Nonnus in Dionysiacis, etiam stolidissimi, & furiosissimi musica afficiuntur. Nostra enim natura, ait Chrysostomus, usque adeò delectatur Canticis, & carminibus, & tantam cum eis habet necessitudinem, ut vel infantes ab vberibus pendentes, si flectant & affludentur, ea ratione sopiantur. Nutrices quidem, quæ eos gestant in vlnis, sæpè abeunt, & redeunt, & quedam puerilia eis carmina decantantes, supercilia eorum ita sopiunt. Quocirca sæpè quoque viatores meridie agentes iugalia animalia hoc faciunt canentes, itineris molestiam illis Canticis consolantes. Nec solum viatores, sed etiam agricolæ vnas in torculari calcantes, vindemiantes, & vites colentes, & quodcunque aliud opus facientes sæpè cantant: nautæ quoque remos impellentes hoc faciunt. Iam verò mulieres quoque texentes, & confusa stamina radio discernentes sæpè quidem & per se singulæ, sæpè autem etiam omnes concorditer vnam quamdam melodiam concinunt. Hoc autem faciunt & mulieres, & viatores, & agricolæ, & nautæ, laborem, qui ex opere faciendo suscipitur, cantu consolari volentes, utpote quod anima, si carmina & canticum audierit, molesta & difficilia sit facilius toleratura. Quoniam ergo hoc genus delectationis est animæ nostræ valdè cognatum, & familiare; ne dæmones lasciva meretricia cantica introducunt omnia euesterent, Psalmos Deus construxit, ut ex ea re simul caperetur voluptas, & utilitas. Hactenus Chrysostomus, cui consonans quidam è Poëtis ait:

Nonnus circa fin.
lib. 1.

Chryc. in ps. 41.

*Hoc est cur canter vincit quoque compede fossor,
Indocili numero cum graue molle opus.*

Ovidius 4. de
Tristib. eleg. 1.

*Cantus & inimicus limosæ pronus arena
Adverso cordam qui rebus amne ratem.*

FFf

*Quique refert pariter lentos ad pectora remos
In numerum pulſa brachia verſat aqua.
Feſſus ut incubuit baculo, ſaxoque reſedit
Taſtor, arundineo carmine mulcet oues.
Cantantis pariter, pariter data penſa trabentis
Fallitur ancille, decipiturque labor.*

Auguſt. de opere
monach. cap. 17.

Etiā monachi antiquiores manibus operantes, & diuina pſallentes Cantica ipſum laborem, ut ſcribit Auguſtinus, tanquam diuino ce-
leſtate conſolabantur.

Martian. lib. 9.
106. 39. 25.

Plutar. 7. Symp.
Cl. Alex. inſe.
orat. ad gentes.

Herodotus in
Chio.

Ouid. 4. de arte.

4. Ecquid mirum ſi inter homines tanta muficæ dominatio eſt, cum aues quoque, ut luſcinia, cygni, & aliæ id genus veluti quādam diſciplina artis cantum exerceant: nonnullæ verò terrenæ, & aquatiles beſtiæ mufica ſuauiſſime capiuntur? Fiſtulis aues allici, ſerpentes cantu diſrumpi comprobatum eſt, inquit Martiānus. Equos tubarum clangore ad prælium concitari teſtatur Iob. Ceuos cantu demulceri, & ſonitu tibiārum ſcribunt Plutarchus, & Clemens Alexandrinus. Idem aſſerit Strabo de elephantis. Quod ſpectat ad piſces nota eſt omnibus Arionis. Methymnæi fabuloſa narratio, adeo pro vera habita, ut etiā annalibus inſerta apud Hiſtoricos fidem inuenerit. De hoc Poëta:

*Quamuis mutus erat, voci fauiſſe putatur
Piſcis Arionis fabula nota lyre.*

Tzetzes Chil. 1.
v. 410.

Sed utcumque ſe habeat Arionis fabella, quam explicat allegoricè Tzetzes in Chiliadibus, illud certiffima experientia compertum eſt Delphinos, & alios quosdam piſces inſtrumentali mufica plurimum delectari, quod etiā Plutarchus aſſerit in Conuiuium ſeptem ſapientum. Orphei lyra etiā nunc inter ſidera nomen habet, cuius dulcedo non ſolum lenire tygres potuit, rapidosque leones, ſed ut Tragicus canit,

Seneca in Herc.
Oetreo act. 3.

*Cantu tartara flebili,
Et triſtes Erebi Deos
Mouit, nec timuit ſtygis
Inratos ſuperis lacus.*

Eumen. orat. pro
ſcholis inſtauran-
dis.

Macrobi. lib. 1.
Palæph. c. 34. &
42.

Nat. Comes lib. 7.
c. 14. & 18. c. 19.

Silias v. Amph.
Tzetzes Chil. 1.
v. 305.

Horatius de arte
Poët.

Amphioni autem quod tantum carmen, inquit Eumenius Rhetor, quæ tanta pleſtro, fidibusque dulcedo? quam ſequuta quondam ſaxa perhibentur, ut ducentibus ſubueſta modulis, & ad interualla carminum reſiſtentia ſpontè murum velut arte conſtruerent. Hæc ſigmenta præteritiſſem, ni ſub eorum cortice præclaræ muficæ dotes continerentur. Orpheus enim, & Amphion, ut docent Macrobius in Somnio Scipionis, Pauſanias in Bæoticis, Palæphatus in libro *Ἀνίστατο ἰσοτόν*, Fulgentius, & Natalis Comes in Mythologiis, & alij, cum duos & ſylueſtres homines è ferinis moribus ad ciuilem ſocietatem harmonico modulamine tranſtuliffent, locum fabulæ dede-

runt, ac propterea dicti sunt immanium ferarum extinxisse furorem, fluuiorum impetum stitisse, animasse montes, saxa & cautibus humanos sensus inseruisse.

5. O immensam musicæ suauitatis efficaciam! quam dulci tyrannide in omnes Microcosmi potentias dominaris? Transeunt in stuporem admirabiles eius effectus, ac omnem prorsus anitterent fidem, ni præter summorum virorum auctoritatem continua probarentur experientia. Timotheus musicus quam facile omnes affectus Alexandri Regis in quamcunque partem flecteret Basilius magnus, Dio Chrysostomus, & Himerius Sophista eleganter ostendunt. Huius potestremi verba dignissima profecto sunt, quæ transcribantur. Parumne, inquit, Rex aliquando sapuit? non permisit id Timotheus, sed cantu in cælum usque Regis animum abduxit. Immoderate ne æstuabat animus? præsens ille elatum animum pulsando citiorem domabat. Mæstulne erat? statim ridentem ostendebat. An voluptatibus tenebatur? post cantum statim castissimum videbas. Et ut omnia dicam, talem videre eum licebat, qualem tibi eum Timotheus reddidisset. Hinc Aristonico Citharædo æream statuam fieri iussit Alexander, teste Plutarcho, ante quam hasta proiecta iaceret. Et Pausanias in Corinthiacis effigiem Amoris commemorat Pausiæ pictoris opus, qui abiecto arcu & sagittis lyram tenet; quia nimirum musica in omnes affectus humanos dominatur. Sanctus Aibertus Monachus, cum adhuc secularis esset, audiens Minum quemdam vitam, & conversionem S. Theobaldi musicè decantantem tanta repente gratia diuinitus compunctus est, ut inde cœperit in magna vivere sanctitate. S. Ansbertus Monachus, & Episcopus Rothomagensis, cum adhuc laicus in aula Regis viveret, diuersa musicæ artis instrumenta audiens personantia dicebat sibi, O bone conditor quale erit te diligentibus Canticum indeficiens in cœlestibus audire Angelorum: quæque suaue, & delectabile sanctorum choris concinentibus interesse, si tantam mortalibus præbes industriam, ut peritia artis, ac suauitas cantilenæ prouocent animos audientium, ut te Deum creatorem omnium deuotè collaudent. S. Dunstanus Archiepiscopus Cantuariensis adhuc adolescens & se, & alios musicis modulis à turbulentis mundi negotiis auocabat, & in meditationem cœlestis harmoniæ erigebat. B. Maria Oegniacensis triduo ante obitum iugiter cecinit Cantica inaudita, & mirabilia, & se cantu ad mortem præparauit. Dicitur & Pythagoras in ebrios olim incidens iussisse tibicinem conuiuio præsidem mutare harmoniam, ac Dorion ipsis canere, atque hoc modo melodix illos ad sobrietatem reduxisse. Parrhasius pictor, teste Theophrasto apud Ælianum, cantu, & modulatione vocis laborem artis mitigabat, quod solatium omnibus artificibus commune est Achilles apud Homerum cum se sentiret iratum, musicæ sensu ad animi

Basil. hom. de legendis Gentilium libris.

Dio Chrys. or. 1. de Regno. Himerius apud Photium cod. 243.

Plut. or. 1. de Alexandro.

Surius 7. Aprilis.

Ansgardus Monachus in eius vita.

Osbert. Monachus Cantuar. in eius vita

Iacob de Vitriaco vitæ eius lib. 2. cap. 11.

Ælian de var. hist. lib. 9. c. 11.

Seneca lib. 3. de
Ira cap. 9.
Cliniac. gr. 8.

Theophr. lib. de
enthufiasmo.
Iambl. de Vita Py-
thag. lib. 1. c. 25.
Mart. Capella l. 9.
Boëth. de musica
lib. 1. cap. 1.
Broëxus lib. 4.
miscell. cap. 31.
Magius var. le-
ction. lib. 4. c. 13.
Gellius lib. 4. c. 13.

Bion Idyll. 5.

Tzetzes Chil. 1.
v. 385.

Jordan. de rebus
Getar. cap. 19.

Del Rio difq. ma-
gic. l. 1. c. 4. q. 2.

Rupert. lib. 7. de
operib. Spiritus
sancti cap. 16. &
in Gen. lib. 6. c. 5.
Zetia lib. 1. har-
monic. institutio-
num.
Gaffor. lib. 1. Mu-
sicæ the. 1. 1. 1. c.

Ficin. lib. 1. epist.

Deo Cassius l. 37.

fenfum redibat: quare Seneca inter alia quamplurima iræ remedia etiam musicam recenset. Et Climacus, Moderata, inquit, melodia furorem lenit, & mitigat. Multas autem infirmiores tam mentis quam corporis potenti musicæ pharmaco sanari Theophrastus, Iamblicus, Martianus Capella, Seuerinus Boëthius, Ioannes Broëxus, Hieronymus Magius, & alij non contemnendi auctores assueverunt: vocum enim concentus ex anima in corpus influere solet, & occulto quodam tramite sese insinuans eos præsertim morbos leuat, qui animum vehementer exagitant. Xenocrates organicis modulis lymphaticos liberabat. Tales Cretensis cirharæ suauitate pestilentiam fugauit. Empedocles, cum quidam eius hospitem gladio furibundus inuaderet, canendi modo iuuenis iracundiam repressit.

~~perniciem~~ quos phalangum virus morsu pestifero infecit, non nisi musica sanari posse res est manifestissima in Apulie provincia. Adeo verum est quod Bion Smyrnæus cecinit, nullum esse medicamentum præstantius cantu. Olim cum Lacedæmones bellis ciuilibus affligerentur oraculum illis redditum est, si Terpandrum Methymnæum cithara canentem audirent, protinus conciliandos esse: quod & factum est, nam eius cantu commoti lacrymantes se inuicem osculabantur. Getæ maiorem facta ad citharam canebant, vt Iordanus Episcopus eorum Chronologus scribit: & cum legationes obibant pacem, vel impetrare, vel stabilire cupientes citharas increpabant erudito consilio, quod crederent musicam optatæ pacis blandissimam fore conciliatricem. Has efficacissimas musicæ operationes considerantes nonnulli existimarunt inesse musicis concentibus vim quamdam magicam, & supernaturalem: sed hanc opinionem erroneam esse Martinus Del Rio vir doctissimus in suis magicis disquisitionibus luculenter ostendit.

6. Ad sacra Scripturæ intelligentiam musicam necessariam esse Rupertus Abbas affirmat, probatque Abrahamum in oratione pro ciuitatibus illis incendio cælitus deuastandis ob rationem musicam numeros illos proposuisse. Eandem vtilem ad omnes scientias docent peritissimi musici Ioseph Zerlinus, & Franchinus Gafforius. In ipso sermone inesse musicam Priscianus Cæsariensis Grammaticus lib. de accentibus, Diomedes lib. 1. Aelius Donatus cap. de Tonis, Cleodnius senator in Donati expositione, & alij Grammatici ostendunt, itemque Augustinus in libris de Musica. Ad Architecturam quantum valeat longo sermone Vitruuius exequitur. Quantum etiam medico profit scribit Ficinus Antonio Canisiano. Diebus attributa nomina ex Planetis secundum musicam habitudinem ex Dione Cassio didici, nam feria secunda dies Lunæ dicitur, feria autem tertia non à Mercurio iuxta naturalem sphaerarum ordinem, sed à Marte denominatur, quia Luna ad Martem proportionem habet

sesquialteram, ex qua oritur consonantia diapente. Post diem Martis Mercurij diem numeramus, Martis enim ad Mercurium interval- lum est sesquitergium, è quo prouenit diatessaron cum superiori dia- pente plenam diapason efficiens. Idem consonantiarum respectus in cæteris diebus obseruatus est. Pythagoram refert Iamblicus omnem rectè viuendi institutionem per musicam constituisse. Egyptij quo- que, teste Pierio, musicæ symbolo mores compositissimos intelligen- bant, Priscis enim sæculis modestum fuit cantorum genus, & Phi- losophica prorsus morum gravitate. Quamobrem Agamemnon peregrè profecturus uxorem Clytemnestram Cantori reliquit cu- stodiendam, vt ab improbis cogitationibus mentem eius auerteret illustrium scæminarum exempla pudicis modis decantando. Nec prius Agistis illi vitium potuit inferre, quam Cantorem interemisset, Ericus secundus cognomento Bonus Rex Daniæ in rabiem tra- ctus est à Citharædo, si verax est Saxo in Historia. Contra vetò Terpander coortam Lacedæmone seditionem musica sedasse dici- tur apud Plutarchum. Idem Lacedæmonij, vt scribit Tyrius doctri- na, & nomine Maximus, ex Tyrtæi carminibus animos sumpserunt. Argiui ex Telesillæ melodia, Lesbij ex odis Alcæi. Proclum in gra- uissimis cruciatibus doloris remissionem cantu consecutum fuisse tes- tatur Marinus in eius vita. Vis enim carminis, ait Gorgias, cum animi opinione coniuncta fascino eam demulcet, & quò vult trans- fert. Hesiodus in Theogonia beatos esse musicos prædicat, qui psal- lentes omnium dolorum obliuiscuntur. Idem de se canit Horatius.

*Musus amicus tristitiam, & metus
Tradam proteruis in mare Creticum
Portare ventis.*

7. Sextus Empiricus Pyrrhonius cum omnium scientiarum hostis, & euerfor fuerit, musicam tamen laudat, quod non per vim impe- rat, sed cum voluntaria quadam persuasione. Docet Plotinus Plato- nicæ Sapientiæ antistes per musicam reduci hominem ad Deum. Quam infidelis hominis sententiam Rupertus Abbas confirmare vi- detur. Mouet enim intus musica, ait ipse, vi quadam & potentia na- turali spiritum hominis, & cum decenter conuenit cum verbo, vel sensu diuinæ laudis concutit penetralia cordis, & illam quam acce- pit homo, resuscitat in eo gratiam Spiritus sancti. Hinc Propheta Eli- sæus requisitus à Regibus, vt futuri belli exitum prænuntiaret, iussit sibi psalterium adduci, quo psallente facta est super eum manus Domi- ni, statimque Spiritus Propheticus, qui propter præcedentem com- motionem recesserat, restitutus est ei. Quid igitur aliud de Prophetico viro sentire oportet, ait Richardus Victorinus, nisi quod exterior harmonia interiorem illam, & spiritualem ei harmoniam ad memo- riam reduxit, & audita melodia audientis animum ad afflicta gau-

Pier. lib. 23. hiero-
glyph. c. 1.

Eustathius in 3.
Odyss.

Saxo hist. Daniæ
lib. 12.
Plutarch. l. de
musica.
Tyrius ferm. 21.

Gorgias or. in
Helenam.

Horat. l. 1. od. 16.

Sext. Emp. lib. 6.
adu. Mathematicos.
Plot. in lib. 3. enu.
1.
Rupert. in lib.
Reg lib. 5. c. 23.

4. Reg. 3. 15.

Richard lib. 5 de
contempl. c. 17.

dia reuocant? Pergit Richardus, & ostendit magnam esse musicæ vilitatem ad gratiam contemplationis comparandam. Agit quippe cantus in spiritum, eumque potentissimè efficiens ad Cælestes influxus recipiendos idoneum efficere censetur: quia dum auribus, inquit Alcinoüs, vocum haurimus harmoniam ab iis quæ audiuntur, ad ea quæ intellectu percipiuntur gradatim ascendimus. Quod si cantus occulta proprietate mentem reuocat ad diuina, quid mirum si mali spiritus musicæ suauitatem sustinere non possunt? Nam citharam pulsante Dauid recedebat à Saul spiritus malus. Rebelles enim dæmones in malo obdurati, cum nullo modo reduci possint ad Deum, omnem concordiam, & harmoniam implacabili odio prosequuntur. Mira res, inquit egregius Scriptor B. Thomas de Villanova Archiepiscopus Valentinus, musica fugatur diabolus, & qui iuxta sententiam Iob sagittas reputat quasi paleas, & lapides fundæ velut stipulas spernit, deridet etiam vibrantem hastam, & durissimos malleos pro nihilo pendit, ad citharæ sonitum tremefactus recedit, & quem nulla vis superat, superat harmonia.

8. Iulianus Imperator laudabilis scriptor, si in fide Christi persistisset, nihil aliud fuisse arbitratur celeberrimum illud Homeri Nepenthes omnium malorum obliuionem inducens, quod Polydamna Ægyptia Thonis vxor temperauit. Helenæ verò Hospitalis cuiusdam muneris loco dedit, quàm consummatam musicæ consonantiam, omnibusque numeris absolutam symphoniam. Vinum, & musica, ait sapiens, lætificant cor. Quid enim illa præstantius, vt magnus scribit Cassiodorus, quæ naturæ conuenientiam vbique dispersam virtutis suæ gratia comprehendit? Hæc cum de secreto naturæ tanquam sensuum Regina tropis suis ornata processerit, reliquæ cogitationes exiliunt, vt ipsam solummodo delectet audiri. Hæc tristitiam noxiam iucundat, tumidos furores attenuat, cruentam sæuitiam efficit blandam, excitat ignauiam, soporantemque languorem, vigilantibus reddit saluberrimam quietem, vitiatam turpi amore ad honestum studium reuocat castitatem, sanat mentis tedium bonis cogitationibus semper aduersum, perniciofa odia conuertit ad auxiliatricem gratiam, & quod beatum genus curationis est, per dulcissimas voluptates expellit animi passiones. Incorpoream animam corporaliter mulcet, & solo auditu ad quod vult deducit, & per insensibilium obsequium præualeat sensuum exercere dominatum. Hæc Cassiodorus, cui consonans Maximus Tyrius, Humanam musicam, ait, quæ animos circuit, quidnam aliud esse dixerimus, quam pædagogicum quoddam officium, quod animæ affectiones moderatur? Id enim iniuriam elationem, impetumque animi quasi quibusdam incantationibus demulcet, remissionem atque infractionem subleuat, exacuitque, Musica aptissima artifex est in luctu leuando,

Alcinoüs de doctr. Platonis c. 8.

Thom. Valentini. serm. de Visitatione. B. V.

Iulian. in ir. or. 8.
Homer. Odys. 8.
& Diodor. Sicul. lib. 1.

Eccl. 40. 10.

Cassiod. l. 1. var.
Ep. 40.

Tyrius serm. 21.

in contundenda iracundia, in comprimenda audacia, in temperanda bonorum virorum cupiditate, in sanando dolore, in consolandis amoribus, in leuanda miseria. Optimam in sacrificiis comes, sodalis in conuiuio, imperatrix in bello, aptissima præterea ad celebritates inspergendas leporibus, Dionysiaque exhilaranda. Sed cur musicam oportet tam multo celebrare sermone, aut eius exaggerare dignitatem? quando eam satis constat optimam pacis, atque otii nobiscum ministram esse, optimam commilironem, egregiam nobiscum ciuem, aptissimam puerorum nutricem. Ocyssimè namque ex omnibus sensibus auditus quodcunque nouit transmittit ad animum, sibi que consentientissimum reddens in eosdem affectionum impetus trahit. Vnde animi musicæ expertes nunquam erit vt rectè cultores legis cuadant. Hactenus ille.

9. Possem & alia plura in musicæ commendationem ex variis Auctoribus tum vetustis tum recentioribus huc transferre; sed mihi animus est ea tantum seligere, quæ propius rem nostram attingunt. Curioso autem lectori plurima suppeditabunt Clemens Alexandrinus 6. *Stromatum*, Iustinus Martyr *quæst.* 107. Peda *lib. de musica*, Cicero 1. & 4. *Tusculan.* Quintilianus *lib. 1. cap. 10.* Lucianus *de salutatione*, Athenæus *lib. 14.* Sextus Empyricus *lib. 6. aduersus Mathematicos, qui est aduersus musicos*, Dio Chrysostomus *oratione 1. & 31.* Iamblicus *de vita Pythagoræ lib. 1. cap. 15.* Ioannes Sarisberienfis *lib. 1. Policratici*, Franciscus Georgius Venerus in *Harmonia mundi*, Bartholomæus Chassanæus in *Catalogo gloria mundi parte 1. confid.* 51. Iulius Cæsar Bulengerus *lib. 2. de Theatro*, Petrus Montius *lib. 4. de veritate vnus legis c. 25.* Fabius Paulinus *lib. 2. 3. & 4. de septenario*, Cælius Rhodiginus *lib. 1.* Roderic. Zamoren. *lib. 2. speculi c. 39.* Marsilius Ficinus *de vita calitus comparanda cap. 21.* Marinus Mercennius in *cap. 4. Genesis diffusissimè*, Petrus Faber *de re athletica*, Raphaël Volaterranus *lib. 35. Commentariorum Urbanorum*, Guilhelms Parisiensis *secunda partis de Vniuerso p. 3. cap. 20.* Hieronymus Oforius in *fine libri 4. de Regis institutione*, Angelus Minorita, *initio lib. 1. floribus Angelici*, Ottomarus Luscinius *lib. 1. Musurgia*, Athanasius Kircher Fuldenfis *lib. 3. artis magneticae par. 2. quæ est de magnetismo musica & in Arte magna consoni, & dissoni, sine Musurgia Vniuersali*, Tiraquellus *libro de nobilitate cap. 34.* Ludouicus Cresolius *lib. 3. mysiagog. cap. 27.* & alij innumeri, illi præsertim, qui musicas institutiones conscripserunt.

METRYM XLIII.

E Ia cantu personate
Quotquot estis musici,
Eia laudes, eia nomen
Personate Numinis.

*Huc adeste voce, plausu,
 Orbis omnes incola.
 Huc adeste monte pura
 Qui Deum veromini,
 Barbato dulci sonate,
 Mollibusque Canticis,
 Organorum, buccinarum,
 Et lyra concentibus.
 Nunciate quam potens
 Cuncta firmet dextera,
 Predicase quam benigna
 Nōi regat clementia.
 Ferte laudes, ferte cantus
 Eius ad sacrarium.
 Plaudat orbis: plaudat asber
 Nabylis, & tympanis.
 Angelorum candidati
 Personent exercitus.
 Celitumque gloriosa
 Turba laudes concinat.
 Astra ludans, & serenum
 Quicquid ornat aethera.
 Terra saltet & choreis
 Lata blandis perstrepat.
 Alta plaudant floridorum
 Montium cacumina.
 Pontus adsit, & capaci
 Quicquid alio continet;
 Amniumque pura rauco
 Psallat vnda murmure.
 O superne Rex polorum,
 Quo iubente viuimus,
 Te parentem prona adoret
 Trina rerum machina,
 Te potentem lata honoret
 Omnis orbis natio.
 Eia cantu personate
 Quotquot estis musici.
 Eia laudes, eia nomen
 Personate Numinis.*

§. II.

Disse quædam de harmonia mundi. Inesse musicam singulis rebus. Origo musice. De cantu Ecclesiastico. Eum antiquissimum esse. An instrumenta musicalia admittenda in Ecclesia. Primus Organorum usus.

1. **P**latonici cum vidissent omne quod uiuit cantibus permulceri, cœlestem animam, qua vniuersum animaretur, originem sumplisse autumant à musica. Nam & eloquium Dei è nihilo cuncta creantis musicum cantum fuisse scribunt, & omnia musicis proportionibus constare asseuerant. Ipsam animam rationalem ex harmonia componi falsò quidam ex ipsis arbitrantur, quem errorem egregiè confutant Nemesius, Isidorus Pelusiota, & ex recentioribus Marsilius Ficinus. De mystica Angelorum harmonia agit Dionysius Areopagita cap. 10. Cœlestis Hierarchiæ. De musica siue consonantia Christi ad nos, & quomodo simplum Saluatoris nostri duplo nostro concinat ad salutem, doctè, & diffusè disserit Augustinus initio libri quarti de Trinitate. Nolo hic autem cum Scipione somniantæ cœlos conscendere, & cum Aurelio Macrobio Pythagoricum cœlorum concenrum speculari. Nolo ex Epicuri intermundiis imaginariam musicam huc deducere. Nolo siderum, mundi que harmoniam inutili curiositate inuestigare. Quomodo uidelicet terra cum Luna conueniat: aqua cum Mercurio, & Saturno intersonet: reboet cum Ioue, & Venere aër: ferueat ignis cum Sole, & Marte: quo sonitum lapides, & metalla Marti respondeant: herbæ cum Ioue, animalia cum firmamento. Hæc lasciuientis ingenij lucubramenta otiosam quidem, sed parum solidam doctrinam continent. Scripsit de harmonia mundi Franciscus Georgius Venetus vir Platonici, & Cabalistic plus iusto addictus insigne volumen, iucunda magis, quam necessaria subtilitate iuxta Ecclesiasticam censuram expurgandum, quod in tria Cantica diuisit. Cantico primo tractat de Deo, quatenus est principium & finis vniuersorum; & de suauissima consonantia, qua adinuicem, & cum supremo Archetypo resonant creaturæ. Cantico secundo demonstrat quam multiplici consonantia omnia membra cum capite Christo conueniant Tertio agit de hominis cum suo opifice, de minoris cum maiori mundo concordantia, de concentu quem faciunt homines boni cum Deo: Tum de corporis & animæ harmonia in melius mutanda per resurrectionem, deque æterna pausa in cœlesti beatitudine. Scripsit etiam de humana, & mundana musica diffusissimè Robertus à Flud, siue de Fluctibus Oxoniensis in sua vtriusque Cosmi historia. Sed eius harmoniam Ioannes Keplerus Mathematicus libro de harmonia mundi in quinque tractatus diuiso, itemque in Mysterio Cosmographico fallacem, &

Ficin in Timæum Platonis.

Nemes. l. de nat. hominis.
Isidor. l. 4. Ep. 125.
Ficin. lib. 7. Platonice Theologice. c. 10. & 10. Sarisberien. lib. 1. Polihierici.
Macrobi. in somn. Scip. lib. 1.

dissonam multis rationibus esse contendit. At Robertus in Proscenio Veritatis, & in Monochordo Mundi acriter se tueretur, & rationes Kepleri euertere conatur. Ambo autem Andabatarum more in tenebris digladiantur, nam extra Ecclesiæ castra militantes, cum careant fide per dilectionem operante, vera etiam & consonanti musica caruisse dignoscuntur. Ipsos consular cui licet, & liber. Doctius de hac musica, & aduersus Fluddi mendacia differunt viri doctissimi Marinus Merfennius in insigni suo Commentario super Genesim, & Athanasius Kircher in sua Musurgia vniuersali. Aliam item mundi visibilis harmonicam dimensionem tradit vir peritissimus rei Mathematicæ Marius Bettinus Bononiensis. Hanc eandem vniuersi harmoniam antiquiores Sophi pertractant Trismegistus, Plotinus, Proclus, Iamblicus, Maximus Tyrius, Chalcidius, & alij Platonici passim, Heraclides Ponticus in Allegoriis Homeri, Clemens Alexandrinus initio orationis ad Græcos. Boëtius lib. 1. musicæ, Plutarchus in quæstionibus Platoniciis, & libro de animæ procreatione ex Timæo Platonis, Plinius lib. 1. Macrobius in somnium Scipionis, Censorinus, Martianus Capella, & omnes ferè recentiores, qui harmonicas institutiones conscripserunt. A primo enim tenebroso corpore, ait grauis scriptor Guilbertus Tornacensis, infra quod nihil est, vsque ad Deum, supra quem nihil est, quædam musica siue harmonia reperitur, per quam inuicem vniuersa cohererent. Et vt Ruricius Lemouicensis Episcopus ad Hesperium scribit, In harmonia mundi vniuersa animantia bruta pariter, & elingua, incedentia, volantia, atque reptilia suis quæque vocibus, etsi sono dissono, aut ore diuerso, pari tamen affectu, quasi vno concentu in laudem proprii auctoris erumpunt, & potentiam quam promere nequeunt sentire se produnt. De harmonica animæ compositione ex placitis Platoniorum doctè & diffusè, sed obscurè differit Christophorus Marcellus lib. 6. de Anima.

2. Cæterum cum de musica loquimur piaculum graue esset eius originem præterire. Eam plerique Græcorum ad Pythagoram, alij ad Mercurium, alij ad alios referunt, quorum mendacia recenset Bulengerus. Mendacia dixi, nam sacra Mosis historia docet Iubal de progenie Caïn fuisse patrem canentium cithara, & organo. Quomodo autem Pythagoras ex sonitu malleorum musicam inuenisse dicatur, tractat diffusè Iamblicus in eius vita. Plutarchus in sympotiacis explicans dictum illud antiquum, *Amor musicam docet*, Theophrastum laudat, qui libro de musica tria eius principia facit dolorem, voluptatem, & instiuctum diuinum; nam vnumquodque horum vocem à consueto modo auersam ad canendum inclinat. Sed si quis vnquam amauit, saue fatebitur Amorem primum musicæ inuentorem, primum eius principium esse. Amorem omnium

Bettinus Apiario
10 progym. 1.
propos. 3.

Guilbert. tract. de
facie c. 14.

Ruricius lib. 1.
Epist. 5.

Bulenger. lib. 2. de
Theatro, c. 3.
Gen 4. 21.
Iamblic. lib. 1.
c. 26.
Plutarch. sympot.
lib. 1. q. 5.

artium, scientiarumque Magistrum vocant Platonici, prima tamen A moris scientia musica est, teste ipso Platone in doctissimo illo convivio, quo eiusdem Amoris describuntur actiones. Hæc de Musicæ origine dum scribo, occurrit mihi fabula Græcæ non indigna relatu, quod à viro summæ sapientiæ Philone Iudæo tam didicerim. Cum Deus, inquit, rerum omnium conditor è nihilo cuncta creasset, iamque hominem operum suorum principem constituisset, videns cuncta quæ fecerat, eorumque pulchritudinem inspicens unum de Prophetis interrogavit, num aliquid ad universi perfectionem deesset. Deest unum, ait ille, quod tamen mihi prorsus necessarium videtur, deest inquam concinnus sermo, qui omnia quæ tu creasti, tuamque bonitatem, & providentiam iugiter laudet. Placuit Deo hæc tam comoda admonitio, statimque musicorum genus creavit, qui Deum mirabilem in operibus suis dulciter decantarent. Significat adfabulatio aut solum esse, aut præcipuum musicæ usum divinas laudes resonare. Nescio autem an huius fabulæ occasionem acceperit Philo ab Hermete illo ter maximo, qui scribit in Asclepio musicam suavitatem ad concinendas Dei, cælestiumque laudes hominibus indultam, ne terrenus mundus videretur incultior, si modulorum dulcedine caruisset. Verum has Nilotici calami argutias, ut Apuleius loquitur, prætermittentes, iam ipsam musicam in sacrosancta Christi Ecclesiâ resonantem audiamus.

Philo lib. de plantatione Noe.

Apul. lib. 1. metamorph.

3. Ab ipso Domino, & ab Apostolis, ait Augustinus, Psalmos & Hymnos canendi habemus documenta, & exempla, & præcepta. In veteri quoque testamento quam multiplex cantorum, ac musicalium instrumentorum mentio habetur, ut divina præconia ordinatissimis vicibus celebrarentur? Davidem in Canticis eruditissimum celebrat Augustinus. Salomonem eius filium musicæ item peritissimum Pineda commendat. Quid Moses? quid veteres Patriarchæ? an musicam ignorarunt, quos adeo frequentes in divinis modulationibus sacre literæ asseuerant? Superfluum igitur fuerit siue ad probandam Ecclesiastici cantus antiquitatem, siue ad multam eius utilitatem aduersus nouatores astruendam sanctorum Patrum, & Scripturarum testimonia coaceruare. Stultus ego sim, si rem clarissimam, & iam à multis auctoribus illustratam velim clarius illustrare. Legendi de hac re Bellarminus tom. 4. controuersiarum lib. 1. de bonis operibus in particulari cap. 16. Albertus Pighius lib. 1. Ecclesiastica Hierarchia. Thomas Valdensis tom. 3. Doctrinalis tit. 2. Alphonsus à Castro lib. 4. aduersus hæreses, Anton. Demochares lib. 4. de Missa cap. 12. & 13. Ioannes Filescus Theologus Parisiensis libro 2. Selectorum. Ludouicus Cresolius lib. 3. mystagogi. Pameliuss tom. 1. Liturgicorum Latinorum. Franciscus Suarez tomo secundo de Religione lib. 4. cap. 7. & 8. Baronius anno 60. num. 24. Durantus Tolosanuss

Aug. Ep. 119. c. 18.

Idem de ciuit. Dei lib. 17. c. 14. Pineda de re. Salom. lib. 3. cap. 13.

lib. 3. de ritibus Ecclesie cap. 11. Scholastici cum D. Thoma 1. 2. q. 98. & alij multi.

Iustin q. 107.

Chrysost. in Psal.
150.

Isidor. l. 1. Ep 176.

Acired. lib. 1. speculi
charitatis
cap. 13.

4. Vna autem difficultas hic enodanda videtur: An deceat Ecclesiam instrumentis musicalibus vti in diuinæ synaxis celebratione. Rem ambiguan reddunt diuersæ diuersorum sententiæ. Auctor quæstionum ad Orthodoxos inter opera Iustini Martyris cantum vocalem laudat, sed ad cantum adhiberi instrumenta non permittit. Sancti quoque Patres Ioannes Chrysostomus, & Isidorus Pelusiota solis Hebræis permessa olim instrumenta scribunt ob eorum imbecillitatem. Damnat eadem instrumenta elegantissima oratione S. Aëlredus Abbas Rieuallis Bernardi synchronus, & discipulus: Vnde, inquit, cessantibus iam typis, & figuris, vnde in Ecclesia tot organa, tot cymbala? Ad quid, rogo, terribilis ille folium status tonitruipotius fragorem, quam vocis exprimens suauitatem? Pergit sanctus Pater, & cantum quoque figuratum sagillans ait: Ad quid illa vocis contractio, & infractio? Hic succinit, ille discinit, alter supercinit, alter medias quasdam notas diuidit, & incidit. Nunc vox stringitur, nunc frangitur, nunc impingitur, nunc diffusiori sonitu dilatur. Aliquando, quod pudet dicere, in equinos hinnitus cogitur, aliquando virili vigore deposito in fœminæ vocis gracilitates acuitur, nonnumquam artificiosa quadam circumuolutione torquetur, & retorquetur. Videas aliquando hominem aperto ore quasi intercluso halitu expirare, non cantare: ac ridiculosa quadam vocis interceptione quasi imitari silentium, nunc agones morientium, vel extasim patientium imitari. Interim histrionicis quibusdam gestibus totum corpus agitur, torquentur labia, rotantur oculi, ludunt humeri, & ad singulas quasque notas digitorum flexus respondet. Et hæc ridiculosa dissolutio vocatur religio: & vbi hæc frequentius agitantur, ibi Deo honorabilius serui clamatur. Hactenus ille. Sed alij è diuerso instrumentorum vsum admittunt, & laudant. Et primò quid, fr Christianus Pædagogus apud Clementem Alexandrinum instrumentis vti permittit. Deinde Prudentius audiendus est, qui viuebat sub Theodosio seniore, & filiis eius. Sic autem canit:

*Quicquid in ære cano reboans tuba curua remugit,
Quicquid in arcano vomit ingens spiritus haustu,
Quicquid casta chelys, quicquid testudo resulat,
Organa disparibus calamis quod consona miscent,
Amula pastorum quod reddunt vocibus antra,
Christum concelebrat, Christum sonat, omnia Christum
Muta etiam fidebus sanctis animata loquuntur.*

E Scriptoribus denique recentioribus Ioannes Satisbertiensis Carpotensis Episcopus prodibit in medium, qui eodem quo Aëlredus sæculo vixit, tempore scilicet Alexandri III. Is libro primo Policra-

Cl. Alex. pædag.
lib. 1. cap. 4.
Prudent. adu. Iu-
dæos.

tici musicam instrumentalem commendat his verbis. Ad mores itaque instruendos, & animos exultatione virtutis trajiciendos in cultum Domini, non modo concentum hominum, sed etiam instrumentorum modos censuerunt sancti Patres Domino applicandos, cum templi reuerentiam dilatarent. Et si militantis Ecclesiæ tibi parua videtur auctoritas, vel triumphatrix illa præconia musicæ non tacebit, cuius seniores vidit, & tibi monstrauit tonitruus filius, & voces eorum sicut citharædorum citharizantium in citharis suis. Quod si illos nondum audisti, Regem audias exultantem, qui te regni, & exultationis suæ vult esse participem. Ait enim, *Sumite Psalmum, & date tympanum, Psalterium iucundum cum cithara*. Ad quid inquis? Ut laudetis Dominum in tympano, & choro, in chordis, & organo.

5. Constat igitur ex dictis nec statim ab initio, nec vbique recepta, fuisse musicalia instrumenta: nam etiam nunc Romæ in sacello summi Pontificis semper sine instrumentis officiorum solemnia celebrantur; & Ecclesia Lugdunensis, quæ nouitates nescit, semper organa repudiavit, neque in hunc diem asciiuit. Non tamen dampnari debet nouitates eorum vsus, cum à sanctissimis, & sapientissimis viris, ac nouissimè à sancto Tridentino Concilio approbatus, & permissus sit. Lætificat organorum concentus tristes hominum mentes, & supernæ ciuitatis insinuat iucunditatem: sollicitat pigros, recreat diligentes: prouocat iustos ad amorem, peccatores ad compunctionem. Qui Deum diligunt, ait Climacus, ad hilaritatem, & diuinam dilectionem, atque ad lachrymas, & ex mundanis, & ex spiritualibus Canticis ac melodiis excitari solent: qui verò voluptatibus addicti sunt, sibi colligunt materiam perditionis. Porro organa pneumatice ætate Iuliani Apostatæ adinuenta fuisse docet Bulengerus. Extat autem eiusdem Iuliani Epigramma in organum, à P. Martino Morentino relatum præfatione in eius Misopogonem, quod hic transcribere non grauabor.

Climac. gr. 15.

Buleng. lib. 5. de Theatr.

*Quam cerno aliterius natura est fistula: nempe
Altera produxit fortasse hanc enea tellus.
Horrendum stridet, nec nostris illa mouetur
Flatibus, at missus taurino è carcere ventus
Subtus agit leues calamos, perque ima vagatur.
Mox aliquis velox digitis, insignis & arte
Adstat, concordēs calamis pulsarque tabellas:
Ast illæ subito exiliunt, & carmina miscent.*

Hæc organa statim audiri cœperunt in Ecclesia permittente Damaso Pontifice, ut quidam aiunt apud Cresolium in Mythagogo. Sed verior, & communior sententia Platinæ est asserentis eorum vsu tempore Vitaliani Papæ circa annum Domini 660. in Ecclesiis incæ-

Cresol lib. 3. Mythag. cap. 27.

pisse. Desino, si prius Ecclesiasticos cantores admonuero, ne ad vsum illicitæ voluptatis assumant, quod sancti Patres ad æstetum pietatis instituerunt. Talis enim debet esse sonus, tam grauis, tam moderatus, vt non totum animum ad sui rapiat oblectationem; sed eorum quæ cantantur sensui, & pietatis affectui maiorem relinquat portionem.

§. III.

Cantus Ecclesiastici qui fuerint primi inuentores. De musicis, & cantoribus, eorumque discrimine. De sonis, seu modis tropicis. Omnem musicæ mutationem malam esse. Cur ab hodierna musica non iidem effectus sint, qui ab antiqua. Actum obiter de triplici genere cantus Diatonico, Chromatico, Enharmonico.

1. **A**B Apostolis, & Apostolicis viris Ecclesiastici cantus initia fuisse doctissimus Cardinalis Baronius tam euidenter ostendit, vt nihil eius eruditioni adiungi possit. Quod autem Theodoretus, & Nicephorus S. Ephræm Syro harmonicæ modulationis inuentionem attribuunt, id ita intelligendum est, quod vel antiquum cantum in aliqua particulari Ecclesia instituerit; vel canendi methodum, & notulas interuallorum ac vocum indices aliqua faciliiori ratione innouarit. Sic Ioannes Damascenus nouam quandam musicæ rationem pro Ecclesiasticis cantibus adinuenisse perhibetur. Sic Magnus Gregorius non omnem cantum, sed planum & vnisonum adinuenit, quo deinceps semper vsa est Ecclesia Latina. Sic etiam Guido Aretinus Monachus sancti Benedicti anno Domini vigesimo secundo supra millesimum maxima omnium admiratione nouam musicæ rationem, nouasque clauēs edocuit, & manum quam vocant cum sex vulgaribus notis, adeo vt puer rudis & semigrammaticus paucis mensibus addisceret, quod homo grandæuus, magnoque polens ingenio vix pluribus annis addiscere potuisset. Erat enim ante ipsum difficillimus cantus, quem nunc balbutientes pueri nullo negotio ediscunt. Hoc item seculo Erycius Puteanus vir eruditissimus, & omni doctrina refertus duobus editis libellis ad sex vulgares notas septimam adiungere conatus est, vt omnes vocum mutationes tollerantur, quæ pueris maius negotium in cantu discendo facessunt; & hoc modo praxis musicæ multo facilior reddatur. Porro musica antiqua pro notis literas Græcas habuit, nunc rectas, nunc inuersas, nunc alio situ super verba canenda collocatas. In media literarum vsus, sed latinarum, de quibus earumque significatione in superscriptione cantilenæ extat Notkeri Monachi paruus tractatus in supplemento Bibliothecæ veterum Patrum editionis Colonienfis. In harmonica denique nostra diuersa forma est, vt omnes norunt. Scripsit de notis musicis librum Alypius Græcus, cuius meminit Vincentius Galilæus

Baron. an. 60. n.º.
24. & seqq.
Theodoret. hist.
Eccl. lib. 4. c. 19.
Nicephor. lib. 9.
cap. 19.

Puteanus in Mu-
sathena, & Palla-
de modulata.

in suo opere de noua, & antiqua musica, quod musicis, & cantoribus valdè vtile est. Cantorum verò, & musicorum magnum esse discrimen docet Boëthius. Cantor ille est, qui harmonicæ rationis expert, & à musicæ scientiæ intellectu seiunctus famularur, nec quicquam affert rationis: is autem musicus est, qui ratione perpenſa canendi scientiam non seruitio opetis, sed imperio speculationis assumit. Cantor nec discernens musicam, nec diiudicans, vocem suam flectere quidem, eleuare, ac deprimere nouit per phoragos, & interualla; sed musicum systema, variamque modorum ordinationem profus ignorat. Musicus ordinat, & componit cantum, scitque eorum quæ cantantur rationem reddere. Hoc prænotato, quia Dauid, & Oedippo debitor sum, operæpretium me facturum arbitror, si quædam de tonis, & modis musicis tractauero, quo prænoscentes musicæ artificium, & ornamenta alacriores in Dei laudibus decantandis sacri cantores inueniantur. In qua sanè tractatione ne molestus sit mihi lector, si prolixus fuero; nam, vt fatear quod res est, & musicam amo, & pudet me plerosque Ecclesiasticos viros totius vitæ cursu in cantu versari, ipsum verò cantum, quod turpe est, ignorare.

Boëth. de musica
lib. 1. cap. vi.

2. Ex diapason igitur consonantiæ speciebus, vt cum Boëthio loquar, existunt qui appellantur modi, quos eodem tropos, vel tonos nominant. Sunt autem tropi constitutiones in totis vocum ordinibus, vel grauitate, vel acumine differentes, quorum omnium compositio plenam continet diapason, siue octauam, vt aiunt, quæ ex octo vocibus constat, & septem interuallis. Omnis verò tonus certos modos, & terminos vocis eleuandæ vel deprimendæ diffinit, & certis quibusdam differentiis omnem cantum coercet, qui quoniam à graui vertitur in acutum, inde tropi nomenclaturam accepit. De numero, & nominibus eorum dubitatum sæpe est à viris doctis. Martianus Felix Capella quindecim enumerat, quorum quinque principales, alij collaterales sunt additis particulis *super* & *sub*, quia *super* vel *sub*trus principales proximè collocantur. Primus est Lydius, cui adherent hyperlydius, & hypolydius. Secundus Iælius, cui sociantur hyperiælius, & hypoiælius. Tertius Æolius cum hyperæolio, & hypoxolio. Quartus Phrygius cum duobus hyperphrygio, & hypophrygio. Quintus Dorius cum hyperdorio, & hypodorio. Alypius eosdem quindecim modos enumerat. Verum hi modi superadditi ad pleni & integri systematis sensibilem harmoniam inutiles sunt, quos Cassiodorus ita constituit, vt à se inuicem sola semitonij intensiōe, vel remissione superentur: propterea in genere datonico locum habere non possunt. Plato numerum senarium, Aristoteles, Bacchius, & Pappus Alexandrinus septenarium non excedunt. Ptolemæus vt totum di diapason systema

Id. ibid. l. 4. c. 14.

Censoria. cap. 22.

Henric. Glarean.
in dodecachordo.Apuleius lib. 2.
floridor.Philostrot. vitæ
Apollon. l. 1. c. 10.Buleng. 2. de
Theatro. c. 17.
Galilæus lib. de
mus. antiq.
Donius de Tonis
antiquis.

modulis conueniret, octauum & acutissimum modum adiunxit; quem hypermixolydium nuncupauit. Censorinus, Genera, inquit, carminum tredecim sunt, ex quibus prima sunt Dorium, Phrygium, Lydium His accesserunt grauissimum hypodorium, mox duo hypophrygij grauior, & acutior: deinde Dorius medius, tum Phrygius grauis, & alter excelsus: totidem lydiij grauis & acutus: tum mixolydiij pari diuersitate, postremo hypermixolydius acutissimus. Practici recentiores post Henricum Glareanum sex tonos authentos ponunt ex harmonica, totidemque plagales ex arithmetica diuisione diapason: nec plures esse posse contendunt, quod non sint plures species diapason. Lucius Apuleius modos sic recenset. Seu tu velles *Æolium*, simplices, seu *Asium* varium, seu *Lydium* querulum, seu *Phrygium* religiosum, seu *Dorium* bellicosum. Hunc verò Apuleij textum corruptum esse monet Glareanus lib. 2. cap. 11. & non *Asium* legendum, sed *Lesium*, nam de modo *Asio* nulla apud reliquos Scriptores mentio est. Philostratus Lemnius *Æolia*, & *Pamphilia* modulamina commemorat. Euclides, Aristoxenus, Plutarchus, Quintilianus Aristides, Lucianus, Athenæus, Emmanuel Bryennius, & omnes antiqui Scriptores discrepant non in numero tantum & nomine, sed in eorum etiam initiis, proprietatibus, & finibus assignandis. Referunt hac de re varias eorum sententias Bulengerus, Galilæus & Ioannes Baptista Donius. Sed hanc omnem controuersiam de vocibus esse hinc colligo, quod ex hominum arbitrio pendeat, quis primus tonus sit, quis secundus, quis tertius. Debet enim inuestigari omnium specierum diapason natura ex grauitate, & acuminis vocum; siue ex intentione, & remissione chordarum, quæ certa & inuariabilis est; seu tonum illius diapason primum, seu tertium nuncupemus. Porro modi musici gentium vocabulo designati sunt, quæ pro varietate morum, & ingeniorum variis etiam modis delectabantur. Sic nos quoque diuersum musicæ stylum apud diuersas nationes esse dignoscimus. Sunt Gallicæ modulationes hilares, molles, concitæ, choreis, & salutationibus idoneæ; Hispanicæ seueræ, vebementes, tetricæ: Italicæ graues, magnificæ, nobiles, insinuandæ pietati, moribusque efformandis aptissimæ.

3. Illud autem ab antiquis obseruatum est nunquam ab aliqua gente mutatam fuisse musicam, quin & ipsa in deterius mutata, ipsique mutantium mores in peiora delapsi sint. Ideo quotquot scripserunt de musica semper recentiori reiecta, antiquam commendarunt. Plutarchus libro de musica, At enim, ait, apud antiquiores Græcos ne notam quidem dicunt musicam, quæ theatris inseruiret: totam scientiam illam Deorum venerationi, & adolescentum institutioni impensam fuisse. Omnis tunc musica in templis versabatur. Cæterum nostris temporibus eius musicæ, quæ ad disciplinam puetorum facit, nulla

nulla memoria, nulla cura: omnes theatris infertuentem amplectuntur. Qui ergo vult musica rectè & cum iudicio vti, is veterem modum æmuletur. Basilii Magnus: Tanta melodiarum rectæ differentia à turpi atque obscœna est, vt eam, quæ nunc in vsu est, non minus fugere debeatis, quam rem aliquam turpissimam. Athenæus in cœnis sapientum: Musicam sanè veteres optimè nouerunt, eiusque leges non sunt prætergressi: nunc autem senio iam cunctis labefcentibus deprauati sunt musices numeri, & pro benignitate mollities, pro temperantia insolens audacia, ignauisq; animi languor irrepfit: quæ mala magis post hac vigeant, nili quispiam patriciam musicam in pristinum splendorem asserat. Sextus Empiricus: Musica vetus virilis erat, recens effracta & effœminata. Seuerinus Boëthius: Amisit musica grauitatis & virtutis modum, ac penè in turpitudinem prolapsa minimum antiquam speciem seruat. Iterum Athenæus: Modus Ionicus minime floridus & latus est, sed austerus, & durus; in quo tamen deprehendas elatum quidpiam generositatis non expers, quam obrem amat concentum illum Tragedia: nostra verò ætate Ionum mores delitiis sunt perditissimi, eorumque itidem cantus ab illo vetusto multum diuersus. Maximus Tyrius: Musica vt nunc est extenuato corpore incidens, pulchritudinem, & suauitatem illam veterem abiicit. Quapropter à lege propria desectens calamitosa nobiscum efficitur, animumque tum publicè, tum priuatim in perniciem trahit: relicta autem priori simplicitate, in leuitatem fatuam abiit, & vt verissimè dicamus, euasit in flagitium; nam in theatris ac scenis corrumpendæ Reipublicæ initium fecit. Cicero secundo de legibus: Assentior Platoni nihil tam facile in animos tenetos, atque molles influere, quam varios canendi sonos, quorum dici vix potest, quanta sit vis in vtramque partem. Ciuitatum hoc multarum in Græcia interfuit antiquum vocum seruare modum, quarum mores lapsi ad molliem pariter sunt immutati cum cantibus: aut hac dulcedine corruptelaque deprauati, vt quidquam putant: aut quod cum seueritas eorum ob alia vitia cecidisset, tum fuit in auribus, animisq; mutatis etiam huic mutationi locus. Quamobrem ille quidem sapientissimus Græciæ vir, longèq; doctissimus valde hanc labem veretur, negat enim mutari posse musicas leges sine mutatione legum publicarum. Rursum Plutarchus in Laconicis Terpan drum, Timotheum, ac Phrynidem multatos ab Ephoris enarrat, quod vel vnâ citharæ chordam addidissent, quam & incidi iusserunt: adeo non permittebant de veteri musica aliquid immutari. Has veterum sententias eò libentius transcripsi, quo magis hodiernæ musicæ deplorabilis status innotescat. Fastidit ætas nostra concentum grauem, & stabilem, amatque modulos quosdam, quibus in frustra concisus cantus dissiliat, & enervetur. Ipse cantus Ecclesiasticus quam

HHh

Basil. hom. de legendis Gentil. libris.

Athenæus lib. 14.

Sext. Empyr. l. 6. adu. Mathematic. cap. 12.
Boëth. lib. 2. c. 2.
Athen. lib. 14.

Max. Tyr. ser. 21.

Xenoph. lib. 1.
Cyrifed.

à veto Gregoriano dissimilis est! Adeò verum est quod scribit Xenophon, ea quæ noua sunt, & ipso quasi in flore vehementer in musicis celebrari.

4. Sed reuertor ad tonos, quos à gentibus denominatos dixi, & cum earum moribus immutatos. Sunt autem, quod attinet ad Ecclesiasticum cantum, octo. Primus, tertius, quintus, & septimus dicuntur principales, & authentici: Secundus, quartus, sextus, & octauus inferiores & plagales nuncupantur. Authentici supra finalem ascendunt vsque ad diapason, & vna tantum voce descendunt: Plagales ascendunt supra finalem vsque ad diapenten, siue quintam; infra verò descendunt vsque ad diatessaron, siue quartam. Quatuor sunt chordæ finales tonorum, nam primus, & secundus desinunt in lychano hypaton: tertius, & quartus in hypate meson: quintus, & sextus in parhypate meson: septimus, & octauus in lychano meson. Cum autem omnis tonus plenam diapason contineat, atque ea ex diapente, & diatessaron componatur: hoc discrimen est inter duos tonos in eadem chorda desinientes, quod is qui authenticus est, plenam diapason habet supra finalem: plagalis verò habet quidem diapenten supra finalem, sed diatessaron quæ diapason complet sub finali collocatur. Legendi hac de re præctici recentiores, atque inter ceteros doctissimus Glareanus, qui de modis musicis eruditè disseruit in suo Dodecachordo: Itemque Franchinus Gafforius libro quarto musicæ instrumentalis, & in descriptione musicæ actionis: Petrus Pontius in dialogo de musica: Ioseph Zerlinus, & Petrus Aron in harmonicis institutionibus: iterum Zerlinus lib. 6. supplementi musicalis, & in defensione quinti demonstrationum harmonicarum: Frater Angelus Minorita lib. 1. Flotis Angelici: & Marchettus Patavinus in tractatu de cantu plano. Is autem tonus, quem nos primum dicimus, Dorius est antiquorum, ut musici communiter existimant, quod tamen non caret difficultate, quam tangit, sed meo iudicio non dissoluit præcitatus Glareanus lib. 2. cap. 9. secundus Hypodorius, tertius Phrygius, quartus Hypophrygius, quintus Lydius, sextus Hypolydius, septimus Mixolydius siue lydius mixtus. Octauo carebant antiqui, nam reuera Mixolydius plagalem, seu collateralem non sustinet modum: grauius enim tetrachordum illius cum grauissimo Dorij coniunctum est. Verum de singulis tonis, eorumque constitutione, & proprietatibus vbetius infra disseremus, si prius dubitatio quædam soluta fuerit, quæ non indigna videtur folletti discussione.

5. Nam si primus noster modus Dorius est antiquorum, si Phrygius idem ac tertius, & sic de ceteris: cur non eisdem pariunt effectus? Cur non iisdem sonantibus modis & tranquillari animum, & commoueri sentimus? Possem equidem respondere non omnes anti-

quos muscos & cantores hos admirabiles effectus edidisse; sed eos tantum, qui in hac disciplina petitiſſimi fuiſſent, qui cum rariſemper fuerint, ita non deſunt etiam hac tempeſtate, qui cum veteribus comparari poſſint. Satiuſ eſt tamen fateri id quod veriſſimum eſt, priſcos illos modos nos neſcire, illudque in primis, in quo maxime excelluerunt. Errant itaque toto celo, qui generum illorum differentias ignorantes acumen tantum, & gravitatem ſonorum conſiderant. Non enim, ut hoc utar exemplo, Doricæ harmoniæ præſtabit effectus omnis cantus à lychano meſon uſque ad Paraneſen protenſus, niſi etiam præter ſuæ octavæ compoſitionem alia quædam habeat ad excitandos affectus requiſita. Sunt autem quatuor, niſi fallor, hæ conditiones, quibus poſitis muſica proculdubio inducet hominem in varios affectus, & commotiones. Prima conditio eſt, ut harmonia ex vocibus, & ſonitu proveniens iuxta toni exigentiam rectè ordinetur. Secunda ut numerus muſicus, quo modulationis totius ſeries à gravi in acutum, & ab acuto in grave procedit qualitati verborum, & toni accomodetur. Hic eſt numerus, quem vulgus vocat ærem cantionis, de quo Poëta. *Numeros memini, ſi verba tenerem.* Tertia ut ipſa verba talia ſint, quæ mentem percellere, & commovere poſſint. Hiſ adiungebant antiqui totius corporis motus, ac geſtus patheticos ad excitandos affectus aptiſſimos. Quarta tandem, ut qui muſicos concentus audit, non tam autem quam rationem adhibeat, uti docet Boëtius, ſitque aptus & diſpoſitus ad muſicæ effectus recipiendos. Fit enim quandoque, teſte Diuo Bonaventura, ut propter pravam audientis diſpoſitionem quem muſica inuenit triſtem, reddat triſtorem: & quem lærum, lætorem. Iſtæ conditiones ſi ad toni ſyſtema adiciantur, efficiunt, ut putò, muſicam noſtram veteri non inferiorem: alioquin omnes affectus in omnibus tonis conſuſi, ſinguliſque permixti ſunt pro varietate modi procedendi, ut Keplerus obſervat. Non poſſum hoc loco quorundam errorem diſſimulare, qui ſuæ inſcitie friuolam prætendentes excuſationem, aiunt muſicam noſtram in ſignes illos effectus, quos in veteri admiramur, operari non poſſe, quia omnis muſica noſtra in genere Diatonico eſt; antiqui autem Enharmonico, & Chromatico utebantur, quæ cantus genera iam pridem antiquata ad mentes hominum ſubito commouendas aptiora erant. De triplici hoc genere diſſerunt antiqui Muſici Ariſtoſenus, & Nicomachus Geſarſenus in ſuis Harmonicis inſtitutionibus, Euclides item, & Theo Smyrnxæus, & ex ipſis alij recentiores. Porro genus Enharmonicum illud dicitur, quod pluribus ſpatiis, & anguſtioribus ſeparatur: cantatur autem per dieſim, & dieſim, & ditonum. Chromaticum autem per duo inæqualia ſemironia, & trihemitonium conſtans ex tono, & ſemitonio minori conſcendit. Diatonicum vero per duos tonos, & ſemitonium

H H h ij

Boët. lib. 1. c. 9.
Bonauen. prolog.
in Thren.

Kepler. tract. 3.
harmon. cap. 15.

Theo lib. 1.
Math. cap. 9. &
ſeqq.

naturaliter procedit. Hoc postremum aliis generibus dignitate, & efficacia præeminet; & sine eius mixtura reliqua duo subsistere nequeunt; atque ideo supradictam opinionem mirabiliores musicæ effectus Chromatico, & Enharmonico generi tribuentium damnat, ac pluribus confutat Ioseph Zerlinus excellentissimus musicorum. Accedit ad rationem experientia: nam Enharmonicum ob nimiam difficultatem, Chromaticum ob nimiam molliem iampridem ab usu recessit, vt docet Macrobius. Plato quoque antiquissimus Philosophorum solo Diatonico utebatur, quod & mundanæ musicæ adscripsit. Plutarchus repudiatum asserit Enharmonicum genus, quod sensui ingratum foret. Aristoxenus initio libri primi veteres solo genere enharmonico usos esse perperam asserit cætera neglexisse vel ignorasse, de quo acriter reprehenditur à Proclo lib. 3. in Timæum Platonis. Damascius in vita Isidori Philosophi apud Photium, Natus, inquit, ad musicam Asclepiodorus deperditum tamen Enharmonicum genus non potuit reuocare, quamquam alia duo cantus genera rescinderet, & reprimeret, alterum Chromaticum appellatum, alterum diatonicum: harmoniam tamen non inuenit, quam nis magades mutarit, & transposuerit non minus quam viginti duas: Sunt autem magades instrumenta musica tabula quadrata repanda, quæ in se recipit chordas, & efficit sonum. Dicitur etiam magadium ea pars lyrae, in qua plectrum illiditur, vbi scilicet percussio chordarum fit manu dextera, vt Budæus notauit. Vide Suidam verbo *uapés*. Aristoteles item solum genus diatonicum commendat: & tamen musicam illorum temporum mirabilem fuisse exempla crebra restantur. Seruanda igitur est cuiusque modi proprietas: nam vt verbis utar Plutarchi, si musicæ peritiæ accedat facultas iudicandi, his præditum constat perfectum musicum fore. Qui enim nouit Doricum tonum, neque tamen iudicare potest vbi is propriè, & conuenienter vsurpetur, non sciet quid faciendum sit, neque genium eius seruabit. Idem auctor eos redarguit, qui initio carminis hypodorium, in fine mixolydium, aut Dorium: hypophrygium & Phrygium in medio adhibent: quam culpam multi recentiores committunt omnium tonorum desinentiam confundentes, solidam eneruantes concinnitatem, vt auribus gratificentur. Sic fit vt eorum musica talis sit, qualem Plato describit in Philebo, quæ videlicet obscuritatem multam habeat, soliditatem paucam. Sed iam tractatum ad singulos tonos conferamus.

Zerlin. par. 1. c. 9.

Macrobius in Somn. Scip. lib. 2. c. 4.

Plutarch. lib. de musica.

Photius Cod. 242.

Plutarch. lib. de musica.

§. IV.

*De singulis tonis, eorumque proprietatibus, & effectibus.
Quadam de cantu Gregoriano.*

1. **P**rimam sedem ordine, & dignitate tenet Dorius. Hic à Platone, & Aristotele cæteris omnibus præfertur. Hoc modulo psaliebant antiqui prosodia multa, & præana, erotica etiam, & quæ spondæa nominantur. Dux ad benè viuendum existimatur hic modus. Arcales, & Lacedæmones hoc impensius delectabantur, teste Polybio. Virilem, ait Athenæus, præ se fert gravitatem, & magnificentiam, unde veteres eo utebantur ad efformandos adolescentum mores. A Cassiodoro pudicitæ largitor, & castitatis effector dicitur. Hoc Pythagorici summo manè ad intermissa studia se excitabant. A Ptolomæo, qui octo tonos sphaeris cælestibus convenire docet, luminoso soli comparatur; nam sicut Sol humida exsiccat, noctisque tenebras fugat; ita hic tonus, qui phlegmati dominatur, pigritiam, stuporem, somnum, mæstitiam, & confusione ex morione phlegmaris provenientem statim expellit. Viris præclaris, magnoque ingenio præditis convenit. Modestus est, hilaris, curiosus, magnificus, sublimis, nihil solum habens, nihil molle, & ad omnes affectus idoneus. Aliquando chordæ velus finalis in mese constituitur, & tunc idem est, ac Hypermixolydius Ptolomæi, & à recentioribus practicis nonus tonus, ab aliis Æolius nuncupatur.

Polyb. lib. 4.
Athen. lib. 14.
Cassiod. lib. de musica.
Ptolom. lib. 3.
Harmonic. c. 11.

2. Secundo loco Hypodorius, siue subdorius est contratio modo se habens, somnum enim lenem inducit, eoque Pythagorici vespere utebantur ad mitigandas animi curas, & quietem conciliandam. Pigritis, mæstis, ac miseris convenit, & ut docet Cassiodorus, animi tempestates tranquillat, somnumque iam placatis attribuit. Ab Aristotele magnificus, constans, & gravis dicitur. Æolium à quibusdam, sed falsò, nuncupari docet Scaliger. Lunæ comparatur, quæ infimum tenet locum inter Planetas, rebusque humidis præst: ita hic tonus flebilis, & gravis, cæterisque inferior est usque ad postreman vocem Monochordi descendens. Verba quæ mæstitiam inducunt, lacrymas mouent, liberationem ab angustiis, calumniis, & servitute deprecantur, huic tono attribuuntur. Si desinat in mese decimus, & Hypæolius vocatur. De hoc, & cæteris plagalibus hæc scribit Athenæus. Sicut nos subalbum dicimus, quod albo simile est; subdulce, quod accedit ad dulce, quamvis non sit huiusmodi: ita & Hypodorium appellatum fuisse arbitror, quod Dorium valdè non sit.

Aristot. sec. 19.
Problem.

Scalig. l. 1. Poëtic.
cap. 19.

Athen. lib. 14.

3. Tertius sequitur, quem Phrygium dicunt Marti attribuitur, nam furiosus est, & incitatus, iram prouocat, pugnas excitat, & votum furoris inflammat. Vehementem, & acutum vocat Clemens Alexandrinus, & ipsa acuminis velocitate vehementius percellit ani-

Cl. Alex. lib. 6.
Strom.

num. Huic modo carmen congruit anapestum. Fortes habet saltus in sua progressionem, conuenitque superbis, iracundis, crudelibus, cholericis, & furiosis. Verba requirit aspera, deque preliis spiritualibus, vel temporalibus pertractantia, & quæ celerius debeant affectus concitare. Hunc autem simul cum Dorico Plato, & Aristoteles præ cæteris commendant: eius tamen usum adolescentibus interdixerunt, quod eorum affectus nimium citra decorum commoueat. Sarisberienfis hunc modum vituperat tanquam incitantem ad lasciuiam, cum potius ad certamina prouocet; sed Marti amicam Venerem fabulantur Poetæ. Entheus à Luciano nuncupatur. De Phrygia harmonia eruditè Læli. Bisciola Hor. subf. tom. 1. lib. 15. cap. 18.

4. Quartus est Hypophrygius mollis, compunctius, choleram mulcens, blandus, adulatorius, & attractius. Mercurio assimilatur, cuius natura cum bonis bona, cum malis pessima est: sic adulatores, quibus hic tonus maximè congruit, bonis & malis, sapientibus & insipientibus æqualiter se accommodant. Illis item competit, qui faciles sunt, & teneri, statimque sedari, ac mitigari solent, & in omnem partem conuerti. Hoc Cretenses, & Lacedæmones à pugna reuocabantur. Verba quæ blanditias, admonitiones, deprecationes, deceptiones, & detractiones significant, huic tono sunt assignanda. Dicit Aristoteles quod Hypophrygius animos lymphatis similes reddit, cogitque debacchari. Hæc proprietas quamuis Phrygiæ propriè conueniat, huic tamen deneganda non est ob affinitatem, quam habet cum suo authentico, quem & aliquando imitatur.

5. Quintum occupat locum Lydius. Hic sanguinis dominium obtinet, & Ioui comparatur, qui homines sanguineos, beneuolos, mites, & iucundos sua influenza facit. Delectabilis est, choreis & saltationibus idoneus, & cum quadam voluptate resiliens. Nimias curas, ait Cassiodorus, animæque tædiæ remissione reparat, & oblectatione corroborat: anxios lætificat, reuocat desperatos. Verba lætitiæ denotantia, & quæ victoriam, ac triumphum celebrent huius toni propria sunt. Quando definit in trite diezeugmenon undecimus tonus, siue Ionicus, vel etiam Iastius à recentioribus; eiusque plagalis duodecimus, hypoionicus, vel hypoiastius nuncupatur. Harmonias Lydias luctuosas esse asserit Plato, sed de hypolydiis, & mixolydiis intelligi debet: Lydia enim simplex, & principalis hilaris est, quare Propertius in campis Elisii Lydia plethra resonare commemorat.

6. Sextam tenet sedem Hypolydius, qui pius, deuotus, humanus, & lacrymabilis est. Veneri attribuitur, cuius influenza homines reddit ad pietatem, amorem, & planctum procliuēs. Differt ab Hypodorio, quia fletus ab illo causatus ab angustis, & anxie-

Sarisb. lib. 1. Poet. erat.

Aristot. Sec. 19. Problem.

Plato 3. de Rep.

Propert. lib. 4. eleg. 7.

tatibus oritur : hic autem ex deuotione, & lætitia, vel ex affectu commiserationis erga proximum procedit. Verba igitur hos affectus inducentia, vel explicantia ei propriè competunt. In huiusmodi compositione aduertendum est, vt voces gradatim progrediantur, sintque inter se colligatæ, & coadunatæ.

7. Septimus Mixolydius est, qui suis modulis duplicem producit effectum, incitat enim ad gaudium, sed statim reuocat ad mœstitiā. Dicitur Mixolydius quia cum Lydio communionem habet. Eo in tragœdiis utebantur antiqui, nam & melancholiam mouet, & partem habet incitationis, ac iucunditatis. Quos Saturnus sua influentia tristes facit, hic tonus concinnitate sua ad quietem incitat, & adducit. Intellectum obrusis acuit, sanctique Spiritus dona designat. Altior est omnibus tonis, perque suauis, & iucundos saltus progreditur : tum terreno desiderio grauatæ cœlestium appetentiam indulget. Ex his patet quæ verba huic tono conueniant. A Iulio Polluce Locrensis appellatur. Hos septem tonos dumtaxat agnoscebant Pythagorici, teste Iacobo Fabro, quod rotius vniuersi harmonia septenario numero secundum ipsos comprehendatur.

Faber in finel. 4.
element. musica-
lium.

8. Octauum tonum, quem Hypomixolydium & Hyperæstium vocant, adiecerunt septem præscriptis recentiores, ne Mixolydius suo plagali careret. Firmamento attribuitur varia stellarum figuratione distincto, nam & omni negotio conuenit, & immunis est ab omnibus qualitatibus. Super omnes tonos insita quadam dulcedine, & venustate nitescit. Suauis, canorus, atque moratus dicitur, & soliditatem futuræ gloriæ representat. Viris discretis conuenit, & qui subtili ingenio profunda speculantur. Verba itaque de rebus altis, & cœlestibus pertractantia ad hunc tonum non incongruè pertinebunt. Dicitur quoque deprecarius esse, quo propterea utendum erit cum aliquam felicitatem, & gloriam etiam cum lacrymis cupimus obtinere. Habet hic tonus hoc cum primo commune, quod omnia verba, quæ commodè nequeunt reliquis applicari, ad hunc potest reduci ; est enim aptus ad omnes affectus, & omnium capax.

9. Cæterum S. Gregorius Magnus cantum planum instituit, qui de plano procedens singulas notas brevis temporis æquali mensura dimeritur. Non enim variarum vocum concordem discordiam, & concinnam per intervalloꝝ distantiam melodiam obseruauit ; sed certos tantum limites, & terminos cuiusque toni constituit, certosque vocum transitus, & progressionem secundum naturalem diatonici generis dispositionem. Obseruat autem Franchinus Sanctus Gregorium in nocturnis Responsoriis vehementer, & dissolutè somnolentos ad vigilandum hortari : in Antiphonis planè, atque suauiter sonare : in introitibus quasi voce præconiis ad diuinum officium euocare : in Alleluia & versibus diuino iubilo dulciter gaudere : in tra-

Franchin. l. i. c. 8.

tribus & gradualibus protensè, atque humiliter procedere : in offertoriis, & communionibus quamdam seruare mediocritatem. Vt ipse verò cantus supernæ patriæ lætitiā indicet, aliquando sine voce longum edit sonum iubilationis pluribus notis sub vna syllaba descriptis, quod maximè fit in hac voce *Alleluia*. Illi enim qui cantant, ait Augustinus, cum cœperint in verbis Canticorum exultare lætitiā, veluti impleri tanta lætitiā, vt eam verbis explicare non possint, auertunt se à syllabis verborum, & eunt in sonum iubilationis. Iubilus sonus quidam est significans cor parturire quod dicere non potest. Et quem decet ista iubilatio, nisi ineffabilem Deum? Ineffabilis enim, quem fari non potes; & si eum fari non potes, & tacere non debes, quid restat nisi vt iubiles? Vt gaudeat cor sine verbis, & immensa latitudo gaudiorum metas non habeat syllabarum. Narrat Ioannes Diaconus in vita Magni Gregorij qualiter Beatissimus Pontifex Cantorum scholam instituerit, & cantum Ecclesiasticum reformatit. Queritur autem Gallos, & Germanos Gregorianis cantibus quædam propria miscuisse: cuius rei hanc reddit rationem. Alpina siquidem corpora vocum suarum tonitruis altissimo perstreptentia susceptæ modulationis dulcedinem propriè non resultant: quia bibuli gutturis barbara feritas dum inflexionibus, & repercussionibus nitentem nititur edere cantilenam, naturali quodam fragore quasi plaustra per gradus confusè sonantia rigidas voces iactat, sicque audientium animos, quos mulcere debuerat, exasperando magis ac obstrependo conturbat. Refert deinde qualiter Carolus Magnus cantum Ecclesiarum Galliæ ad Romanæ dulcedinis præscriptum reuocavit, directis in Gallias ea de causa duobus cantoribus à sanctissimo Papa Adriano. Scribit Henricus de Knyghron Canonicus Leycestren, lib. 2. de euentibus Angliæ circa annum 1071. fuisse quemdam ignominiosum Abbatem nomine Thurthinum, qui inter cæteras stultitiæ suæ ineptias Gregorianum cantum in officio aspernatus, Monachos cœpit compellere, vt Vuillielmi cuiusdam Fiscanenſis Monachi cantum exercerent. Huius ineptiam in fine præcedentis sæculi quidam imitati cantum quemdam ridiculum exploſo Gregoriano introduxerant, non sine maximo Ecclesiasticæ grauitatis detrimento. Sed hæc de cantu dicta sunt satis, iam rectè canendi disciplinam breuiter explicare ex sanctis Patribus aggredior.

§. V.

Qualis esse debeat Ecclesiasticus cantus. Quæ vitia à Cantoribus euitanda. Quinam censcantur bonè cantare. Quæ vera musica, quis verus anima concentus sit.

Vnde autem mihi potius exordium, quam à sanctissimo Patre Bernardo in re præfertim ascetica, & religiosa? Is igitur Epistolâ

Aug. in Psal. 32.
Conc. 1.

Io. diacon. lib. 1.
cap. 6. & seqq.

Bern. Ep. 312. &
sup. Cantic. ser.
47.

stola ad Abbatem Arremaiensem qualis debeat esse cantus sic describit. Cantus plenus sit gravitate, nec lasciviam resonet, nec rusticitatem. Sic suavis, ut non sit lenis: sic mulceat aures, ut moveat corda. Tristitiam levet, iram mitiget, sensum literæ non euacuet, sed fecundet. Non est levis iactura gratiæ spiritualis levitate cantus abduci a sensuum utilitate, & plus sinuandis intendere vocibus, quam rebus insinuandis. Idem alibi cantantium vitia sic redarguit. Sunt quidam voce dissoluti, qui vocis suæ modulatione gloriantur, nec tantum gaudent de dono gratiæ, sed etiam alios spernunt. Tumentes elatione aliud cantant, quam libri habeant, tanta est levitas vocis, forsitan & mentis. Cantant ut placeant populo, magis quam Deo. Si sic cantas, ut ab aliis laudem quæras, vocem tuam vendis, & facis eam non tuam, sed suam. Habes in potestate vocem tuam, habeto & animum. Frangis vocem, frange & voluntatem. Seruas consonantias vocum, servas & concordiam morum. Cave ne sicut delectaris altitudine vocis, delecteris elatione mentis. Ingenium musicum à proportionem in voce reducendum esse ad proportionem in mente ostendit Plotinus. Nimis enim indignum videtur, & nimis flendum, ut ait Augustinus, per suam scientiam versum bene currere, citharamque concinere, & suam vitam, seque ipsam quæ anima est deum iter sequi, & dominante sibi libidine cum turpissimo se vitiorum strepitu dissonare. Extat etiam in antiquissimo nostri Ordinis statuto optima canendi institutio, quam idem sanctissimus Pater Bernardus suis discipulis reliquit. Psalmodiam, inquit, non nimium protrahamus, sed rotundè & viva voce cantemus. Metrum & finem versus simul inonemus, & simul dimittamus. Punctum nullus teneat, sed statim dimittat. Post metrum bonam pausam faciamus. Nullus ante alios incipere, & nimis currere præsumat, aut post alios pneuma trahere, vel punctum tenere. Simul cantemus, simul pausemus semper auscultando. Quicumque incipit Antiphonam, aut Psalmum, Hymnum, Responsorium, Alleluia, unam aut duas partes solus dicat aliis tacentibus: & ab eo loco, quo ille dimittit, alij incipiant non repetentes, quod ille iam dixit. Monemus vos dilectissimi, ut sicut reuerenter, ita & alacriter Domino assistatis non pigri, non somnolenti, non oscitantes, non parentes vocibus, non præcidentes verba dimidia, non integra transilientes, non fractis, & remissis vocibus muliebre quiddam de nare sonantes, sed virili sonitu & affectu voces sancti Spiritus depromentes. Viros enim decet virili voce cantare, & non more scæmineo timulis vel falsis vocibus veluti histrionicam imitari lasciviam; & ideo constituimus mediocritatem in cantu servari, ut & gravitatem redeat, & devotio conferuetur. Hæc statutum Cisterciense. Liqueat autem ex dictis, quænam debeant vitia Ecclesiastici cantores evitare.

Idem, si tamē ipse est, de inter. domo cap. 51.

Plotin. Enn. 1. 1. 3.
cap. 1.
August. lib. 2. de ordine c. 2.

2 Et primò quidem receptum à maioribus cantum integrum oportet, & illibatum custodire, ne si semel aberrare cœperimus à semitis antiquis, quas posuerunt Patres nostri, paulatim inconsultis mutationibus religionis integritas destruat. Mutant mores qui mutant cantum, ut supra ex Platone monstratum est. Deinde in ipso cantu auream decet seruari mediocritatem, ut qui beneficij fructus, corporisque alimenta integra percipere volunt, integrum etiam persoluant officium, non tumultuaria quadam præcipitatione longiores notularum decursus transilientes, sed moderata æqualitate omnes notas ita proferentes, ut nimia acceleratione, ac morosa protractione sublata ex dulci vocum concordia omnes fideles ædificentur. Alioquin extra legem canenti dicit Deus, *Aufer à me tumultum carminum tuorum, & cantica lyre tue non audiam.* Nec ad solam cantus suauitatem intendere oportet, ut monet Dorotheus, sed mens etiam, ut par est, incalcescat in virtute sermonum. Apud Xenophontem Rex Cyrus quosdam conuiuas sic reprehendit: Omnes enim clamabatis simul, & intelligebatis inuicem nihil, canebatis magno cum ridiculo, & cum canentem minimè audiretis, iurabatis optimè eum canere. Hac redargutione quidam Ecclesiastici perstringi possent, qui modum in cantu non seruantes inamœno quodam stridore ita perstreperunt, ut nec ipsi, nec alij ea quæ cantantur, intelligant. Gregorius Nazianzenus senilem narrans apologum Cigni, inquit, Olim ad hirundines aiebant, si non multum, nec apud multos canimus, ac illud certè in nobis pulcherrimum est, quod modum in canendo tenemus. Seruanda quoque modestia in cantu est, quia, ut sanctus docet Ambrosius, in ipso canendi genere prima disciplina verecundia est, ut sensim quis aut psallere, aut canere incipiat, ut verecunda principia commendent processum. Nam quid in plano cantu stridulis, inamœnis, & superacutis vocibus obstrepere necesse est, cum talis clamor immoderatus stomachum turbet, venas exhauriat, vires eneruet, aures offendat, prouocet risum, confusionem excitet, impediat deurbationem? Non in clamorosa voce, ait S. Benedictus, sed in puritate cordis, & compunctione lacrymarum nos exaudiri sciamus. Alitè cantat apud Deum humilitas, sicut dicit Scriptura: *Oratio humiliantis se penetrat nubes.* Nec minoris culpæ reos illos existimo, qui præter religionis grauitatem vocem, ut aiunt, frangentes, dum dulcioribus modulis populo magis, quam Deo placere desiderant, & vanitatis studio Deo displicent, & scandali occasione populum offendunt. Vanam istorum curiositatem Ioannes XXII. Ecclesiæ Romanæ summus Antistes graui animaduersione condemnat in ea extrauaganti quæ incipit, *Docta sanctorum Patrum.* Diuus etiam Hieronymus eosdem redarguit dicens. Audiant hæc adolescentuli, audiant hi, quibus psallendi in Ecclesia officium est, Deo non voce,

Amos 5. 23.

Dorothe. initio
doctr. 12.
Xenoph lib. 1.
Cyrus p. d.

Greg. Naz. Ep. 1.

Ambros. l. 2. de
offic. c. 18.Bened. in regula
c. 30. & 52.
Eccl. 35. 11.Hieron. in c. 5. ad
Ephes.

sed corde cantandum: nec in tragædorum modum guttur, & fauces dulci medicamine colliniendas, vt in Ecclesia theatrales modi audiantur, & Cantica; sed in timore, in opere, in scientia Scripturarum. Quamuis sit aliquis, vt illi solent appellare, *exultans*, si bona opera habuerit dulcis apud Deum cantor est. Hæc autem verba S. Doct̃oris citat & amplificat Agobardus Episcopus Lugdunensis libro de correptione Antiphonarij. Denique damnandi sunt illi, qui parcentes vocibus suis rapinam faciunt in holocaustis, qui vitulos scilicet laborum suorum Domino reddere negligentes vel dolorem capitis, vel stomachi debilitatem, vel exilitatem vocis prætendunt ad excusandas excusationes in peccatis: cum reuera totum in eis sibi vendicent mentis euagatio, distractio cordis, carnis inertia, & propriæ salutis incuria. Non enim considerant, quod qui à communi labore se subtrahunt, communi etiam retributione carebunt: & qui Ecclesiam seruiunt, proximum ædificatione, Angelos lætitia, sanctos gloria, Deum cultu defraudant; ipsi quoque Dei gratia, sanctorum suffragiis, Angelorum custodia, proximi adiutorio, Ecclesiæ beneficiis se reddunt indignos. *Qui reminiscimini Domini*: ait Propheta, *ne taceatis, neque detis silentium ei*. Psalmographus etiam dicit, *Benedicam Dominum in omni tempore, semper laus eius in ore meo: & in te cantatio mea semper: & Confitemini illi in voce laborum vestrorum: & Bene psallite illi in vociferatione*. Eis enim qui legitimè canunt, & sapienter psallunt, inquit Rupertus Abbas, remuneratio vel præmium erit carmen æternum. Ergo, vt præcipit S. Benedictus, sic stemus ad psallendum, vt mens nostra concordet voci nostræ.

3. Hæc optima symphonia est, quæ non in vocibus tantum, sed & in moribus resonat, & in recto virtutum temperamento. Musica, ait Cassiodorus, est scientia bene modulandi, quod si nos bona conuersatione tractemus, tali disciplinæ probamur semper esse sociati: quando verò iniquitates gerimus, musicam non habemus. Rectè Augustinus. Vis rectè psallere? Non solum vox tua sonet laudes Dei, sed opera tua concordent cum voce tua. Cum ergo voce cantaueris: silebis aliquando: vita sic canta, vt nunquam sileas. Vis vt Deo tuo iocunda sit laus? Noli bonæ cantilenæ tuæ obstrepere moribus malis. Plus ille attendit quid viuas, quam quid fones. Quam multi sonant voce, & corde muti sunt! Et quam multi tacent labiis, & clamant affectu! quia ad cor hominis aures Dei. Sicut aures corporales ad os hominis, sic cor hominis ad aures Dei. Multi clauso ore exaudiuntur, & multi in magnis clamoribus non exaudiuntur. Denique cantat Deo, qui viuut Deo: psallit nomini eius, qui operatur in gloriam eius. Hæc Augustinus, cui ad stipulatur Origenes his verbis; Quis putas ita canoræ vocis est, & ita spiritus puræ men-

Isai. 62. 6.
Psalm. 33.
Ps. 70.
Eccli. 39. 20.
Psalm 32.

Rupert. lib. 10. in
Apoc.
Bened. reg. c. 19.

Cassiod. lib. de
musica.

Aug. in Ps. 146.
Et in Ps. 129. &
167.

Origen. hom. 6. in
Iudic.

tis, qui sincerè canat, vt cantilena eius diuinum delectare possit auditum? Ille profectò est, qui nullum rauicm habet in se peccati sonum, qui nihil offensionis in lingua, nihil crassitudinis in spiritu gerit. Quid prodest sonoris vocibus personare, si vità dissòna sit? Docet me, inquit Seneca, quomodo inter se acutæ ac graues voces consonent, quomodo nernorum disparem reddentium sonum fiat concordia; fac potius quomodo animus secum meus consonet, nec consilia mea discrepent. Monstras mihi qui sint modi flebiles, monstra potius quomodo inter aduersa non emittam flebilem vocem. Sic & Diogenes Cynicus muficos in ius vocabat, quod cum lyre chordas congruè aptarent, animi mores inconcinnos haberent. At quorum vita cum cantu, opera cum voce concordant, horum suauissima est harmonia, gratissimus Deo concentus. *Sonet*, ait ille ad talem animam, *sonet vox tua in auribus meis, vox enim tua dulcis, & facies tua decora: amici auscultant, fac me audire vocem tuam.* O amoris ordinatissimas vices, ô animæ amantis consonantissimam melodiam! Ergone credibile est sic Deum humanis cantibus delectari, vt animam sibi dilectam vltro prouocet ad cantandum? O cœlestem virtutum musicam, quæ exuperat omnem sensum, quæ resonat in anima iusti; sed ab his qui foris sunt, qui non sunt amici, comprehendere non potest. Facit Deus concentum istum cum sanctis suis, & vnusquisque pro varietate donorum sonum reddit vel grauem humilitatis, vel acutum viuæ fidei, vel superacutum charitatis. Harmonia denot cordis concentum cœli dormire facit in modulis suis, si Deo & sibi ipsi concordat: & si cordis affectio cantat, Deus psallit, & exultat.

4. At ego Domine quali harmonia ad aures tuas personabo, qui totus dissonus per vitiorum cacophoniam esse reperior? A planta pedis vsque ad verticem non est sanitas in me, & quomodo audebo tot cicatricibus deformis in conspectu tuo apparere? Numquid igitur à facie tua abscondar cum impio fraticida vagus, & profugus in terra: aut cu n primis parentibus nuditatem meam inter folia, & virgulta cœlabo? Sed quo ibo à spiritu tuo, & quo à facie tua fugiam, cum scriptum sit, quia omnes qui elongant se à te peribunt? Vbi fugiam nisi ad te Deus meus? Tibi dixit cor meum, exquisiuit te facies mea, faciem tuam Domine requiram. Ne auertas faciem tuam à me, qui eam non auertisti ab increpantibus, & conspuentibus in te. Audi vocem meam secundum misericordiam tuam, & da sermonem rectum, & benè sonantem in os meum, vt placeant verba mea in conspectu tuo. Ecce tu summe concentor dabis voci meæ vocem virtutis, vocem dulcedinis & suauitatis, vocem bonorum operum inuicem consonantium in organo charitatis. Sic erit beneplacita tibi musica mea, & labiis exultationis laudabit os meum. Sic te

Seneca Ep. 88.

Lactertius lib. 6.

largiente replebitur os meum laude tua, & cantabo tota die magnitudinem tuam. Sic per concordēs virtutum numeros ad antiquam baptismalis innocentiae musicam reuocabitur anima mea, donec cum Angelis, & Beatis felix diapason consumetur.

M E T R V M X L I V.

NAm me quis melior recreet sonus,
 Quam moribus vox consonans?
 Mystica transcendunt modulamina
 Quosunque vocales tonos.
 Vera etenim menti, non sensibus
 Solet placere musica.
 O si perpetuum aures intimas
 Termulceat mundi melos!
 O si dulcisonos pangat modos
 Latè patens vox aetheris!
 Quam subito citharas, atque organa,
 Chorique voces, & tropos
 Sperneret indocilis mortalitas
 Assueta cæli cantibus!
 Harmonicis dissulant motibus;
 Latique subsiliunt choris
 Astra polo lucentia, dum vago
 Cælum rotatur ambitu.
 Sic elementa animum dulcedine
 Aureisque complent cantibus,
 Dum modulis resonant granioribus,
 Tonosque acutos temperant.
 Aetherea sic terrea consonat
 Canore miro musica.
 Respondetque recursio siderum
 Mundi sonoris motibus.
 Omnis ab harmonico systemate
 Et terra pendet, & polus.
 Vt nullis sit dissona litibus
 Natura musica studet.
 Nempe tonis consistunt mysticis
 Quæcunque Phæbus aspicit.
 Complexuque suo omnia colligat
 Dulcis modorum suauitas.
 Nil concinna tamen concordia,
 Vocisque nihil prodest melos:
 Dissona si morum sit musica,
 Deique iussu discrepet,

*Seſe igitur veris concentibus,
 Suosque mores imbuat
 Tſallere qui dignas laudes cupit,
 Numenque cantu ſectere.
 Deſpicit orantium modulos Deus
 Cum moribus vox diſſonat.*

Abſal. Abb. ſer. 1.
 de Annunciat.

5. Ioannes Gerson triplici tractatu de Canticis ; itemque duodecim tractatibus ſuper *Magnificat* totius muſicæ praxim moraliter , & anagogicè explicat diſtuliſſimè , quem ſtudioſus lector non ſine magno animæ proſectu percurret. Quid autem , & quotuplex ſit muſica morum , & virtutum , ſive qua diſſonat coram Deo muſica vocum , & instrumentorum vir præclariffimus Abſalon Abbas his verbis exequitur. Planè muſica iſta vocalis ad laudem Dei ſatis congrua eſt , ſed eſt alia quam docet ſupernus ille muſicus , & illa noſtræ ſaluti magis eſt neceſſaria. Sed quæ eſt illa muſica , quam docet Deus ? Ipſa proſectò triplici ſpecie ſubdiſtinguitur , alia eſt enim animalis , alia ſpiritualis , alia cœleſtis. Animalis eſt muſica , quando ſenſus exteriores nihil ſuperfluum appetunt , & à ductu rationis nequaquam diſcordant , vt viſus non aſpiciat vana , non auris audiat detractiões , vel iudicium ſanguinis , non odoratus quærat ſuauiã , non guſtus ſuperflua , non manns extendatur ad illicita. Iſtæ ſunt quinque vocales animalis muſicæ facientes harmoniam , quæ dicitur diapente : conſtituitur enim de quinque corporis ſenſibus ordinatè conſtitutis. Spirituallis muſica conſiſtit in proſectu virtutum , in gaudio ſpirituali , & morum ſuauiſſitate , in timore Dei & amore fraternitatis , per quam harmonia efficitur , quæ diateſſaron eſt appellata. Quatuor ergo virtutes principales illam efficiunt , vt ſit in omnibus benè agentibus fortitudo ad auxilium , iuſtitia ad directionem , temperantia ad ſolatium , prudentia ad conſilium. Cœleſtis verò muſica conſiſtit in contemplatione Dei , in adeptiōe æternitatis , in mentis iocunditate , & immortalitate corporis : & facit hæc muſica harmoniam , quæ dicitur diapafon , ſiquidem octo beatitudines eam efficiunt. Hactenus ille. Hæc eſt muſica , inquit Chryſoſtomus , quæ Deum & Angelos lætificat , hæc totum in cœlo ſpectaculum excitat , hæc dæmonum furem compeſcit , & affectionum impetum demulcet. (Nam dum charitas citharam pulſat , omnes affectiones ſilent , omnia quieta , omnia tranquilla ſunt. Nos autem his generibus muſicæ iugiter exerceamur , in concordia vocum & morum laudes diuinas in hoc exilio decantantes , donec mereamur diuinæ muſicæ conſortes fieri , & ad ſummatiffimos cum ſanctis Angelis Hymnos eleuari.

Chryſ. hom. 40.
 in Act. Apoſtol.

CAPVT XVIII.

De variis ritibus, quibus vtitur Ecclesia Catholica in recitandis diuinis Officiis.

§. I.

Orthodoxam Ecclesiam varietatibus exornari. Varias Ecclesiarum consuetudines vnitati fidei non obesse.

I.



ECCLESIAM Christi sponsam varietatibus circumamictam Regius Psaltes eo Psalmo describit, quo verbum bonum eructans eiusdem cecinit Epithalamium. Eandem horti nomine censer, quem discolor florum diuersitas ornet, Sponsus in Canticis asseuerat dum ait : *Hortus conclusus*

Psal. 44.

Cantic. 4. 12.

es, soror mea Sponsa, hortus conclusus. Nil apertius ad decus Sponsæ, quam pretiosum indumentum multiformi gemmarum, colorumque nitore distinctum. Nil ad honestam recreationem magis idoneum, quam amœnissimus horti recessus omnium florum venustate resplendens. Sponsa igitur cum sit Ecclesia, decet eam variis gemmis, & monilibus ornatam, varique supellectile diuitem esse. Hortus voluptatis cum sit, eam debent omnium generum flores in varias areolas dimensi exornare. Quid autem vestes, quid flores multicolores sunt, nisi varietas sacrorum rituum, quibus Ecclesiastici viri Deo laudes persolunt? Alias enim consuetudines Ecclesia Romana, alias habet Mediolanensis : alijs ceremonijs vtuntur Monachi, alijs Clerici, suntque diuersæ diuersarum Ecclesiarum in recitandis officiis institutiones. Vnam quidem Ecclesiam vniuersalem, & orthodoxam confitemur, at vnus corporis plura membra diuersa obire munia in vnum finem tendentia quis nescit? aut quis adeo stupidæ mentis est, quem non rerum diuersitas oblectet? Accedit ad delectationem omne ferens punctum vtilitas. Nam vt gentium ac nationum mores diuersi sunt, ita ad actus religionis, cultumque diuinum diuersis vtuntur institutis, quæ salua Christianæ fidei integritate vix possent ab eis vel omitti, vel auferri. Quocirca optimum est, ait S. Isidorus, vt grauis prudensque Christianus eo modo agat, quo agere viderit Ecclesiam, ad quam sorte deuenerit. Quod enim neque contra fidem, neque contra mores bonos habetur, indifferenter sequendum, & propter eorum inter quos viuatur societatem seruandum est, ne per diuersitatem obseruationum schismata generentur. Varias illæsa fide

Isid. de Eccl. officiis l. 1. c. 43.

ab aliis cultu dispari, & varia observatione audiimus dissonare. Nec tamen nos offendit observantiæ diversitas, ubi fidei non scinditur unitas. Porro in multis Græcia ab Hispania, ab illis Romana, & Gallicana discrepat Ecclesia. Sed neque in hoc scandalizamus, si audimus diversam observationem, sed non diversam fidem in Christi semper Ecclesiis extitisse. Stat enim Regina Ecclesia à dextris Regis sui in vestitu de aurato circumdata varietate. Hæc Fulbertus. Legendus de hac re vir doctissimus Ioseph Vicecomes toto libro secundo de antiquis ritibus Missæ. Olim consueverant omnes Ecclesiæ suæ Metropolitanæ institutionem in divinis officiis observare, de qua re habemus decreta Conciliorum Toletani, & Braccharenfis. Sed ut solent humanæ res multis erroribus obnoxie depravari plerumque, & indeterius labi; tanta paulatim licentia irrepsit, ut singuli Episcopi infcio Romano Pontifice privatos sibi ritus assumerent, non sine magna divini cultus perturbatione. Hanc nimiam orandi varietatem gravissimè ferens sanctissimus Pontifex Pius V. Romanum Breuiarium magno studio emendatum, & iuxta decretum Tridentini Concilij pristino nitori restitutum divulgari iussit, eoque sic correcto omnes Ecclesias uti præcepit: quæcunque alia Breuiaria abstulit, & abolevit, iis dumtaxat exceptis, quæ vel à sancta Sede Apostolica iam à primæva institutione approbata, vel ducentis annis antiquiora fuissent. Sic pluribus Breuariis antiquatis Ecclesiastici officij diversitates ad multo minorem numerum redactæ sunt. Porro hoc capite eos ritus describere, quia adhuc vigent, propositum mihi est: Sed præmoneo, ne quis mihi succenseat, si suæ forsitan Ecclesiæ peculiare in divinis laudibus institutiones non attigero: nam nec totum Christianum orbem peragrarè potui, nec omnes officiorum Codices nancisci, quo usus omnium Ecclesiarum perdiscerem. Ergo necessitati, non voluntati tribuendum est, si quid fortassis prætermisero, quod hanc tractationem illustrare potuisset.

Dist. 11. c. 13. & 14.

§. II.

De ritu Romano.

1. **S**ANCTA Romana, & Apostolica Ecclesia mater & firmamentum veritatis, Ecclesiasticæ disciplinæ Magistra primum debet in hoc tractatu locum habere, quæ potestatis eminentia super omnes excellens ab ipso Christo primatum accepisse dignoscitur, cum Beato Petro ligandi atque solvendi tradidit Pontificium, Psalterium per Hebdomadam diu noctuque sic Romani distribuunt. Die Dominica ad Nocturnos duodeviginti concinunt Psalmos à primo vsque ad 10. inclusiue, omissis quarto, & quinto. Reliquis diebus duodecim Psalmos hoc ordine assignant. Feriæ secundæ Psalmum 16. *Domine illuminatio*, vsque ad 37. *Domine ne in furore*. Feriæ tertiæ Psal-

KKk

num 38. *Dixi custodiam*, vsque ad 51. *Quid gloriaris*, omisiss in medio 41. *Iudica me Deus*, & 30. *Miserere*. Feriæ quartæ Psalm. 32. *Dixit insipiens*, vsque ad 67. *Exurgat Deus*, omisiss 51. *Deus in nomine tuo*, 61. *Deus Deus meus*, 64. *Te decet*, & 66. *Deus misereatur*. Feriæ quintæ Psalm. 68. *Salaum me fac Deus*, vsque ad 79. *Qui regis Israël*. Feriæ sextæ Psalm. 80. *Exultate Deo*, vsque ad 96. *Dominus regnavit*, omisiss 89. *Domine refugium*, 90. *Qui habitabat*, 91. *Bonum est confiteri*, 91. *Dominus regnavit decorem induit* est, & 94. *Venite exultemus*. Sabbato Psalm. 99. *Cantate Domino*, vsque ad 108. *Deus laudem meam ne tacueris*.

Ad Laudes semper dicunt quatuor Psalmos, & vnum Canticum ex veteri Testamento. Diebus Dominicis, & festis primo loco ponitur Psalmus 91. *Dominus regnavit*, diebus profestis Psalm. 50. *Miserere mei Deus*. Secundo loco diebus festis Psalm. 69. *Iubilare Deo*. Feria 1. Psalm. 5. *Verba mea*. Feria 1. Psalm. 42. *Iudica me Deus*. Feria 4. Psalm. 64. *Te decet*. Feria 5. Psalm. 89. *Domine refugium*. Feria 6. Psalm. 141. *Domine exaudi*. Sabbato Psalm. 91. *Bonum est confiteri Domino*. Tertio loco semper dicitur Psalm. 62. *Deus Deus meus*, cum Psalm. 66. *Deus misereatur* sub vnica conclusione Quarto loco inseritur Canticum; diebus scilicet festiuis Canticum trium puerorum *Benedicite*. Feria secunda Canticum Isaïæ *Confitebor*. Feria 3. Canticum Ezechïæ *Ego dixi*. Feria 4. Canticum Annæ *Exultauit*. Feria 5. Canticum Moyfis *Cantemus Domino*. Feria 6. Canticum Abacuc *Domine audiui*. Sabbato alterum Canticum Moyfis *Audite cæli*. Quinto loco sub vnica clausula dicuntur tres vltimi Psalmi *Laudate Dominum de cælis*, *Cantate Domino*, & *Laudate Dominum in sanctis eius*.

Ad Primam diebus festis, & Sabbato dicuntur tantum tres Psalmi, scilicet Psalm. 51. *Deus in nomine tuo*, & duæ sectiones Psalm. 118. *Beati immaculati*, & *Retribue*. Cæteris diebus quartum Psalmum adiungunt, nimirum die Dominica Ps. 117. *Confitemini*. Feria 2. Ps. 13. *Domini est terra*. Feria 3. Ps. 24. *Ad te Domine*. Feria 4. Psalm. 21. *Iudica me Deus*. Feria 5. Ps. 22. *Dominus regit me*. Feria 6. Psalm. 21. *Deus Deus meus respice in me*.

Ad Tertiam, Sextam, & Nonam semper iidem Psalmi repeti solent: ad Tertiam *Legem pone*, ad Sextam *Defecit*, ad Nonam *Mirabilia*, quæ sunt diuisiones Psalmi 118.

Ad Vesperas quinque quotidie Psalmos percurrunt incipientes die Dominica à Psalm. 109. *Dixit Dominus* vsque ad Psalm. 148. exclusiue: omisiss tamen in medio Psalm. 117. *Confitemini*. 118. *Beati immaculati*. 133. *Ecce nunc*. & 141. *Domine exaudi*.

Ad Completorium dicunt quotidie Psalm. 4. *Cum inuocarem*: deinde sex primos versus Psalm. 30. *In te Domine speravi*: tum Psalm.

90. *Qui habitat*: demum Psalm. 133. *Ecce nunc*. Sic totus liber Psalmorum vnica Hebdomada psallendo percurritur, quem ritum, licet Psalmis alia ratione distributis, etiam Monachi obſeruant. Ambrosiani verò, vt videbimus, duplicis Hebdomadæ circulo Psalterium explent. Omnes autem nationes occidentalis Ecclesiæ in hoc conueniunt, quod Ps. nocturnos cum Ps. 109. *Dixit Dominus* exclusiue terminant, & exinde diurnos incipiunt. Romani autē officij series hæc est.

2. In Nocturnis dicunt secreto *Pater, Ave, & Credo*: deinde clara voce *Domine labia mea aperies, Deus in adiutorium, Gloria Patri*. Sequitur Inuitatorium cum Psalmo *Venite exultemus*: & repetitō Inuitatorio dicitur Hymnus. Postea recitantur Psalmi nocturni. Sed Nocturnorum triplex distinctio est. Aliter enim diebus Dominicis, aliter diebus festiuis, aliter diebus ferialibus procedunt. Diebus Dominicis in primo Nocturno duodecim Psalmos cum tribus Antiphonis psallunt per ternas diuisiones quatuor Psalmorum. Post Antiphonam vltimi Psalmi dicitur Versus, postea Oratio Dominicalis, tum absolutio, & tres Lectiones cum tribus Responsorijs, præmissa singulis Lectionibus benedictione. In secundo, & tertio Nocturno dicuntur tres Psalmi cum suis Antiphonis, totidemque lectiones, ac Responsoria modo prædicto. Tertio cuique responſorio additur glorificatio sanctissimæ Trinitatis. Post nonam Lectionem agitur sollemnis gratiarum actio per Canticum *Te Deum laudamus*, atque hoc modo Nocturnæ Vigiliæ diebus Dominicis terminantur. Hunc Nocturnorum ritum, vt scilicet prius Psalmi, deinde Lectiones, & reliqua dicantur, existimant Baronius per ea verba Apostoli adumbrari, *Cum conuenitis vnusquisque vestrum Psalmum habet, doctrinam habet*, & quæ sequuntur. Per tria verò Nocturna tria tempora denotari legis Naturalis, legis Scriptæ, & Euangelicæ gratiæ docet Bonauentura. Ideò in tertio Nocturno lectiones legi solent ex nouo Testamento. Eadem ratio in Nocturnis festiuitatum obseruatur, nisi quod in primo tres tantum Psalmi cum suis Antiphonis recitantur, totidemque in secundo, & tertio. Nocturnum verò feriale alio modo procedit: dictis enim omnibus vt supra vsque ad Hymnum inclusiue, mox duodecim Psalmos cum sex Antiphonis persoluunt, post quos tres Lectiones sequuntur ritu superscripto: & si dicendum sit Canticum *Te Deum laudamus*, post vltimam lectionem omisso Responſorio subsequi debet. In his autem Vigiliis numerum duodenarium Psalmorum Angelo reuelante stabilitum fuisse constans sanctorum Patrum consensus apud Ioannem Cassianum lib. 2. de institutis cœnobiorum asseuerat. Nec caret mysterio hæc institutio. Nam duodenarius numerus, cum sit plenæ & consummatæ virtutis, temporis & rerum exprimit vniuersitatem: & quia Dominum omni tempore benedicere debemus, eo Psalmorum numero in eius laudibus vtimur,

Baron. an. 57. nũ.
161.

1. Cor. 14. 16.

Bonau. in pf. 76.

quo temporis plenitudo designatur. Verum, quia omne tempus sex ætatibus mundi continetur, duodecim Psalms sex tantum Antiphonis coniungimus. Accedit quod horæ noctis duodecim sunt, in quibus Dei Custodia muniri totidem Psalmorum modulatione poscimus.

Finito Cantico *Te Deum laudamus*, vel si hoc non dicatur, post ultimum Responsorium statim incipiunt Laudes, præmisso versu *Deus in adiutorium*, post quem sequuntur Psalmi cum suis Antiphonis, tum Capitulum, Hymnus, Versus, Canticum Zachariæ cum Antiphona: deinde preces, si dicendæ sint, Salutatio, Collecta, Commemorationes, si occurrant, ac demum Antiphona de B. Virgine, & sic finiuntur Laudes.

Prima diei hora sic peragitur. Dicuntur primò *Pater, Ave, Credo, Deus in adiutorium*. Tum Hymnus semper idem *Iam lucis orto sidere*: Psalmi cum vnica Antiphona, quibus die Dominica additur Symbolum Athanasij, Capitulum, Responsorium breue, Versus, Preces, Confessio, Oratio, ac denique lectio Martyrologij.

Tertia, Sexta, & Nona eodem modo persoluuntur. Dictis secretò *Pater, & Ave*, sequitur diuini adiutorij imploratio, tum Hymnus, Psalmi, Antiphona, Capitulum, Responsorium, Versus, Collecta, & finis. Per has horas repetitur quotidie Psalmus 118. in 22. octonaria iuxta numerum Hebræicarum litterarum diuisus. Eo enim artificia compositus est, vt omnes Versus primi octonarij incipiant à prima litera *Aleph*, octo Versus sequentes à litera *Beth*, & sic deinceps; quod factum est literaliter memoriæ iuuandæ gratia: mysticè vero vt quemadmodum paruulorum ingenia primis litterarum elementis legendi vsum addiscunt: ita nos huiusmodi elementis vsum discamus viuendi. Hic autem Psalmus totus moralis est tanto profundior mysteriorum sublimitate, quo apertior est superficie verborum. Feruens in eo studium ostendit Propheta erga Dei mandata, quare nullus est Versus, si vnum excipias *Sucipe seruum tuum in bonum*, in quo mandatorum Dei mentio non habeatur, vna ex hisce vocibus adhibita, quæ ferè idem significant, lex, via, iustificatio, semita, mandatam, præceptum, iudicium, testimonium, iustitia, verbum, eloquium, veritas.

Vesperæ cum Laudibus conueniunt, nam post Orationem Dominicam, & Angelicam salutationem diuinum auxilium imploratur. Deinde quinque Psalmi dicuntur cum Antiphonis: tum Capitulum, Hymnus, Versus, Canticum B. Virginis, Preces, & cætera sicut in Laudibus.

Completorium à breui Lectione incipit, post quam Oratio Dominica, Confessio, *Conuertere nos Deus, Deus in adiutorium*, Psalmi cum Antiphona, Hymnus, Capitulum, Responsorium, Versus, Canticum

Simeonis, Preces, Oratio, Benedictio, Antiphona B. Virginis cum oratione, actandem *Pater, Ave, & Credo* subsequuntur. Hoc est Officium Romanum, cuius allegoricas rationes curioso lectori suppeditabunt Amalarius Fortuatus, Honorius in Gemma animæ, Durandus in Rationali, & alij factorum rituum explanatores. Hic eas ego prætermittendas existimaui, tum quia omnes officij partes supra seorsim explicavi, tum quia huiusmodi allegoriæ curiosam potius subtilitatem continere videntur, quam solidam legentium utilitatem.

§. III.

*De ritu Monastico pro his qui militant sub Regula S. Benedicti
Præmittuntur quædam de excellentia huius sanctissimi
Monachorum Patriarchæ.*

1. **S**ANCTISSIMUS Monachorum Patriarcha, & Legislator Benedictus, secundum Magni Gregorij testimonio omnium iustorum spiritu plenus esset, Monachos à Clericis ut conversatione, ita & officio discerere debere existimavit. Itaque pro illis specialem ritum instituit à præfato Gregorio Romano Pontifice approbatum, cunctarumque Monasticarum Congregationum longa & laudabili consuetudine confirmatum, Nulla laus est, quæ huius officij excellentiam assequi possit. Ab eo enim compositum, ordinatumque est, qui non omnium iustorum tantum, sed & ipsius Dei spiritui plenus tantam in hac fragili carne gratiam obtinuit, ut raptus cum Paulo usque ad tertium, & archetypum cælum Angelorum psallentium choros audierit, & ipsum Dominum maiestatis viderit facie ad faciem in momento supernæ claritatis lumine gloriæ illustratus. Est quidem inter Scholasticos diu agitata disputatio, an aliquis in hac vita videre possit divinam essentiam: sed ego ut eorum sanctitatem, & doctrinam veneror, qui negantem controuersię partem tueantur, nunquam tamen argumentis illorum adduci potui, ut Patri meo Benedicto hanc prærogatiuam denegarem, ut Moysen interim, & D. Paulum omitram: Debit enim singularis illius sanctitas singulari aliquo munere insigniri. Non desunt huic assertioni multæ rationes ad Scholasticam libellam summo rigore examinatæ: verum pro meo instituto aliquot testes dumtaxat profero, quorum auctoritas dictis conciliet fidem. Primus est Gregorius Magnus, qui Benedicti raptum narrans in dialogis; Totum, inquit, mundum sub vno Solis radio collectum vidit: mox edisserens quæ id ratione potuerit fieri, subdit, Videnti enim creatorem angusta est omnis creatura. Secundus testis est Bernardus, qui explicans versiculum illius psalmi, *Audiam quid loquatur in me Dominus Deus*, & scribens de ea cognitione, quam animæ beatorum habent in patria; Ad quam nimirum, ait, excellentiam licet ad modicum

Greg lib. 2. dialog cap. 35.

Sand. lib. 3. comment. 42. exercit. 1.

Bonif. Simoneta lib. 4. Christian. persecut. ep. 20. Gerardus Belgæ in Meditationib. d. e. 11. Decembris. Iepcz. centur. 1. chron. Benedicti. ni, & alii recentiores. August. de ciuit. lib. 3. c. 31. Tit. Liu lib. 14.

Odol lib 1. cap. 3.

rapta fuisse videtur anima illa beata, quæ collectum sub vno solis radio mundum vniuersum conspexit. Accedit tertio loco huperius Abbas Tuitensis, qui huic venienti ad stipulam lib. 12. de gloria, & honore filij hominis: quem sequitur Iona uentura serm. 20. de luminaribus Ecclesiæ, Dionysius Carthusianus serm. de S. Benedicto, Ludouicus de Prussia in Trilogio animæ parte 2. c. 11. & Ioannes Thaulerus cap. 12. institutionum: atque hanc sententiam probabilem pronuntiavit in sua varia Theologia vir doctissimus Maximilianus Sandæus. Hanc sancti Patris prærogatiuam libuit commemorare, quo eius eximia virtus clarius elucesceret. Non est autem hoc loco & illud prætermittendum, quod quidam scribunt sanctum videlicet Benedictum adhuc maternis clausum visceribus clarè, & distinctè cum sorore Scholastica cecinisse, quo portento præsignata pueri sanctitas fuerit, Ordinisque Monastici ab eo influendi alacritas in psallendis diuinis laudibus præostensa. Sed quod nullum huius rei antiquum proferant testem, merito suspecta videtur. Faciunt tamen prodigio fidem alia non dissimilia à probatis Auctoribus scripta. Augustinus lib. 3. de ciuitate Dei in Ethnicorum libris scriptum asserit infantes nondum natos de vteris matrum quædam verba clamasse: ac ibidem commentator Valentinus refert ex Tito Liuiio infantem Maruciam Io triumphæ in vtero matris clara voce prouulisse. Scribit Eulogius in præfatione primi libri Memorialis sanctorum sanctum Isaacum Monachum, & Martyrem tribus vicibus vna die loquutum fuisse antequam nasceretur. Sanctus quoque Gerardus ter in ventre matris vagitus emisit teste Odone Cluniacensi in eius vita.

METRYM XLV.

Lux oculos diuina ferit, descendit ab alto
 Culmine cælorum globus igneus.
 In medio veneranda senis præfulget imago,
 Mirantesque animos ad se trahit.
 Quis nouus hic Heros? quod sidus? quæ noua coll
 Progenies variat rerum vices?
 An nouus occiduis surgit rubicundus ab oris
 Phæbus, & Eoi obscurat faces?
 An Benedictus hic est Itala lux maxima gentis,
 Militiaque sacra dux inclitus?
 O properate omnes, ille est, Quam multus cuntem
 Prosequitur Monachorum exercitus?
 Quam pia festiuo glomeratur pompa triumpho,
 Atque Patrem lætis celebrat choris?
 Hinc ades & mundi columen, spes altera terra,
 D & præsidium pereuntium.

Dexter ades, placidusque melos, quod pangimus: audi.

Carminibusque tuis Pater annue:

Te canimus Regum soboles, diuina propago,

Non sine summi plausibus ætheris.

Te celebrat tellus, mare tibi concinet, omnis

Te dignis gens laudibus euebit.

Aurea submitunt proceres tibi stemmata, curuo

Te Reges venerantur poplite.

Te penes est morum probitas, studiosaque recti

Norma, fidesque, & cultus Numinis.

Te pietas gremio fouit, te candida virtus

Nascentem tenero excepit sinu.

Diceris harmonicis matris clausus in aluo

Motibus exultasse, & cantibus.

Iam tunc diuinis præludens laudibus, orbem

Quis iugiter docuisti incumbere.

Diceris & faciem clarè vidisse Tonantis

Æthereo perfusus lumine.

Nempè serenata cælos in mente ferebas,

Atque deum claudebas pectore.

Sic miseris poteris terris Deus alter haberi,

Ni rapuisset te mors inuidi.

O Pater, & tandem Monachorum respice cætus,

Atque tuis da viuere moribus.

Aspice, nec vasto luctantes defere ponto,

Et nostrum repara antiquum decus.

2. Psalterium à Diuo Benedicto per dies, & horas sic distributum est, vt totum vnus hebdomadæ citculo compleatur. Psalmos autem longiores in duas partes diuisit. Nocturnis semper 12. Psalmi assignantur: sed Dominicis ac festiuis adiunguntur tria Cantica è veteri Testamento, vt mox videbimus. Vigiliæ diei Dominicæ incipiunt à Psal. 20. *Domine in virtute tua*, vsque ad 31. *Beati quorum*, inclusiue. Vigiliæ secundæ feriæ à Psal. 32. *Exultate iusti in domino*, ad 44. *Eruitauit*, omisiss in medio 45. *Dixit iniustus*, & 42. *Iudica me deus*: atque diuiso in duas sectiones Psalm. 36. *Noli emulari*, quæ diuisio fit in versu, *Declina à malo*. Feria tertia initium est à Psalm. 45. *deus noster refugium*, ad 48. *Eripe me*: omisiss 50. & 56. *Misere-re mei deus*. Feria quarta à Psalm. 59. *Deus repulisti*, ad 72. *Quam bonus Israël deus*, omisiss quatuor 62. *Deus Deus meus*, 63. *Exaudi deus*, 64. *Te decet*, 66. *Deus misereatur*, & diuisis duobus 67. *Exurgat deus*, in versu *Benedictus dominus die quotidie*, & 68. *Salutem fac deus*, in versu, *Exaudi me domine*. Fer. 5. & Ps. 73. *Vt quid deus*, ad 84. *Benedixisti*, omisso 75. *Notus in Iudæa deus*, & diuiso 77.

Attendite, in versu *Et dilexerunt eum*. Feria sexta à Psalm. 85. *Inclina*, ad 100. *Misericordiam & iudicium*: omissis quinque 87. *Domine Deus salutis mea*, 89. *Domine refugium*, 91. *Qui habitat*, 91. *Bonum est*, 94. *Venite exultemus*: & diuiso 88. *Misericordias Domini*, in versu *Tunc locutus es*. Sabbato à Psalm. 101. *Domine exaudi*, ad 108. *Deus laudem meam*: diuisus 103. *Benedic*, in versu *Hoc mare magnum*, 104. *Confitemini*, in versu *Et intrauit Israël*, 105. *Confitemini*, in versu *Et Irritauerunt*, 106. *Confitemini*, in versu *Dixit & stetit*.

Ad Laudes semper dicitur primo loco Psalm. 66. *Deus misereatur* sine Antiphona, deinde cum Antiphona Psalm. 50. *Miserere* tam in Dominicis, quam in feriis; quem sequuntur alij duo Psalmi singulis diebus diuersi, videlicet die Dominica 117. *Confitemini*, & 62. *Deus Deus meus*. Feria secunda 3. *Verba mea*, & 35. *Dixit iniustus*. Feria tertia 41. *Iudica me*, & 56. *Miserere*. Feria quarta 63. *Exaudi*, & 64. *Te decet*. Feria quinta 87. *Domine Deus salutis mea*, & 89. *Domine refugium*. Feria sexta 75. *Notus in Iudæa*, & 91. *Bonum est*. Sabbato 142. solus *Domine exaudi*: supplet enim alterius Psalmi vices Canticum *Audite celi* diuisum in duas partes in versu *Ignis succensus est*. Sequitur Canticum, tum Psalm. 148. *Laudate Dominum de cælis*, cum duobus sequentibus sicut psallunt Romani. In Laudibus festiuitatum iidem Psalmi dicuntur, quos Romani cantant in festis, nisi quod Psalmus *Deus misereatur*, semper seorsim primo loco recitatur.

Ad Primam tres Psalmi dicuntur. Feria secunda primus, secundus, & sextus: *Beatus vir, Quare fremuerunt, Domine ne in furore*. Feria tertia 7. *Domine Deus meus*, 8. *Domine Dominus noster*, 9. *Confitebor* vsque ad versum *Exurge Domine*. Feria quarta idem 9, à versu *Exurge* vsque ad finem, 10. *In Domino confido*, 11. *Saluum me fac*, Feria quinta 12. *Vsquequo*, 13. *Dixit insipiens*, 14. *Domine quis habitabit*. Feria sexta 15. *Conserua me*, 16. *Exaudi*, 17. *Diligam te Domine* vsque ad versum *Cum sancto sanctus eris*. Sabbato sequitur idem Psalmus à dicto versu, tum 18, & 19. *Cæli enarrant*, & *Exaudiat*. Die Dominica quatuor Psalmi cantantur, quatuor scilicet prima octonaria Psalm. 118. *Beati immaculati*, *In quo corrigit, Retribue, Adhæsit*.

Ad Tertiam die Dominica sequuntur tria octonaria eiusdem Psalmi: *Legem pone, Et veniat, Memor esto*. Sic ad Sextam *Portio mea, Bonitatem, Manus tue*. Ad Nonam *Defecit, In æternum, Quomodo Alexi*. Feria secunda ad Tertiam *Lucerna, Iniquos, Feci iudicium*. Ad Sextam *Mirabilia, Iustus es Domine, Clamaui*. Ad Nonam *Vide humilitatem, Principes, Appropinquet*. Feria tertia, ceterisq; feriis per hebdomadam ad Tertiam cantica graduum *Ad Domi-*

num

num, Leuauit, Letatus sum. Ad Sextam. Ad te leuauit, Nisi quia dominus, Qui confidam. Ad Nonam. In conuertendo, Nisi dominus, Beati omnes.

Ad Vesperas quatuor Psalmi cantantur. Die Dominica Psal. 109. *Dixit Dominus*, cum tribus sequentibus. FERIA secunda 113. *In exitu*, 114. *Dilexi*, 115. *Credidi*, cui adiungitur sub vnica terminatione 116. *Laudate Dominum omnes gentes*, 128. *Sapè expugnauerunt*. FERIA tertia, 129. *De profundis* cum tribus sequentibus. FERIA quarta 134. *Laudate nomen Domini*, & tres immediatè sequentes. FERIA quinta 138. *Domine probasti me* bipartitus in versu *Et dixi*, & duo sequentes. FERIA sexta 141. *Voce mea*, 143. *Benedictus Dominus* diuisus in versu *Deus canticum nouum*, 144. *Exaltabo te*, vsque ad versum *Confiteantur*. Sabbato idem Psalmus à versu *Confiteantur*, vsque ad finem cum tribus subsequenteribus.

Completorium tribus Psalmis inuariabiliter expletur 4. *Cum inuocarem*, 90. *Qui habitat*, & 133. *Ecce nunc benedicite Dominum*. Sic distributis per hebdomadam Psalmis iam totius Officij seriem dispiciamus.

3. Singulis Officiis tam diurnis quam nocturnis præmittitur Oratio Dominica, Salutatio Angelica, & Symbolum Apostolorum, itemque diuini adiutorij imploratio eodem ferè ritu, quo Romani: & similiter in fine additur vna ex Antiphonis B. Virginis, quibus iidem Romani preces horarias terminare consueuerunt. Speciatim verò nocturnæ Vigiliæ diebus Dominicis, & festis 12. lectionum hoc ordine procedunt. Dicto versu *Deus in adiutorium*, ter repetitur *Domine labia mea aperies*: tum Psalmus tertius *Domine quid multiplicati sunt* sine Antiphona recitatur: deinde Inuitatorium, & Hymnus: postea sex Psalmi cum Antiphonis, mox Versus, *Pater noster*, & absolutio. Tum accepta benedictione leguntur quatuor lectiones cum suis Responsoris. Secundum nocturnum iterum sex Psalmis, & quatuor lectionibus constat. In tertio autem tria Cantica ex veteri Testamento diei vel tempori congruentia sub vnica Antiphona cantantur, postquam dicto Versu, & cæteris vt supra, ac benedicente Abbate rursus leguntur quatuor lectiones ex Honilia super Euangelium. Post quartum Responsorium semper dicitur *Gloria Patri*. Post duodecimum incipit Abbas *Te Deum laudamus*, quod Canticum nunquam omittitur. Hoc dicto legit Abbas Euangelium, in cuius fine respondent omnes *Amen*: & immediatè cantatur *Te decet laus, te decet Hymnus, tibi gloria Deo Patri, & Filio cum sancto Spiritu in secula seculorum. Amen*. Sequitur collecta diei, & sic finiuntur Vigiliæ. In Officio feriali dictis omnibus vt supra vsque ad Hymnum, sex Psalmi recitantur cum tribus Antiphonis: tum Versus, *Pater noster*, Absolutio, Benedictiones, & tres Lectiones sequuntur cum suis

Responforiis Sed à Paschate vsque ad Calendas Nouembris vna dumtaxat brevis lectio dicitur cum breui Responforio. In secundo Nocturno reliqui sex Psalmi cum *Alleluia*, & diebus Septuagesimæ cum tribus Antiphonis cantantur. Deinde dicitur Capitulum, Versus, *Kyrie eleison, Pater noster, Oratio* conueniens, *benedicamus Domino, Fidelium animæ*: & sic terminantur Vigiliæ in festis trium lectio-num, & in Officio feriali.

Laudum ritus ferè conuenit cum Romano, nisi quod in Officio simplici & feriali præmitti solent *Pater, & Ave*. Tum primo loco semper dicitur Psalmus *Deus misereatur*. Post Capitulum Responforium breue canitur. Post *Benedictus* sequuntur *Kyrie eleison*, & Oratio Dominica clara voce, tum Collecta, & Commemorationes.

Prima, Tertia, Sexta, & Nona discrepant à ritu Romano in Psalmis, & in eo quod nullum dicitur Responforium post Capitulum; sed statim dicto versu sequitur *Kyrie eleison, Pater noster, & Collecta*. In cæteris nullum est discrimen.

Vesperarum item Monasticarum hæc à Romanis differentia est, quod breuiore vno Psalmo sunt, tum post Capitulum semper dicitur Responforium, & post *Magnificat* ante collectam præmitti solent *Kyrie eleison*, & Oratio Dominicalis clara voce.

Completorium quoque Monasticum Romano breuius est vno psalmo, & Cantico Simeonis, de quo S. Benedictus nullam facit mentionem. Caret etiam Responforio post Capitulum, sed dicto Versu sequuntur more solito *Kyrie, Pater, oratio, benedictio, & finis*. Huius autem Officij symbolicas rationes afferunt Honorius in Gemma animæ libro secundo, Durandus lib. 4. rationalis, Ioannes Belet in explicatione ditinorum officiorum, & Rupertus Abbas lib. 1. in Regulam S. Benedicti, & Petrus Damianus opusculo 10.

§. IV.

De ritu Cisterciensium.

1. **O**Rdinem Cisterciensem antonomasticè Ordinem dici asserit Iustus Abbas sermone in Conuentu Abbatum habito, qui est tomo 2. Bibliothecæ Patrum. Vt enim scribit Hieronymus Platus vir de statu Religioso optimè meritis. Nulla ex omnibus Religiosorum familiis nobilior quam Cisterciensis. Angelus quoque Domini apparet B. Henrico Hemmerodensi nouitio; Benè ait, vt refert Cæsar, tibi placere debet Ordo Cisterciensis, quia nulla vira tantæ perfectionis est in Ecclesia Dei. Nec desunt illustria magnorum virorum de hoc ordine testimonia. Philippus Abbas bonæ spei Ordinis præmonstratensis libro de dignitate Clericorum; Apud Cistercium, inquit, Monachus ordo pridem mortuus suscitatur, & pulso vetusto cinere nouitatis gratia reformatur, dum cæteris acceptam Monachis delicatam tenericudinem execratur, & laborem, pauperiem, luctum,

Plat. de bono stat.
Relig. lib. 1. c. 22.

Cæsar. lib. 8.
histor. c. 96.

Philip. Abb. c. 125.

silentium insatiabiliter amplexatur. Iacobus Aconensis Episcopus, & Cardinalis in Historia Occidentali hæc habet de Cisterciensibus. Alij sermone prædicationis, & gratia ædificationis præpotentes: alij virtute miraculorum, & gratia curationum insignes: alij spiritum prophetiæ diuinis illuminati reuelationibus habentes: alij virtute abstinentiæ, & ieiuniorum humanæ possibilitatis mensuras excedentes: alij in orationibus, & psalmodiis, & laudibus diuinis tantum à Domino consecuti sunt gratiam, & deuotionis suauitatem, quod in fine Nocturni, & Matutini Officii sicut adipe & pinguedine usque ad summum repleti, vellent, si esset possibile, tempore nocturno reuertente rursus iteratum officium inchoare. Richardus Archiepiscopus Cantuariensis Epistola ad Abbatem, & Conuentum Cisterciensem inter Epistolas petri Blesensis: Inter vniuersas Ordinum varietates, quibus decorata est Spousa Christi, nullus Ordo virtute flagrantior, nullus sancti nominis odore suauior est in Christo quam vester. Vna omnium vox est, quia Cisterciensis Ordinis professores tantò differenter præ cæteris triumphales sanctitatis titulos referunt, quantò expressius Religionis Apostolicæ vestigiis inhaerunt. Stephanus Tornacensis Episcopus Epistola prima prolixum huius Ordinis texit elogium, specialiter verò de Cisterciensium psalmodia ait: Diuina officia cum tanta solemnitate, & deuotione celebrant, vt in eorum concentu voces Angelorum sonare putes: psalmis, & Hymnis, & Canticis spiritalibus ad laudes Dei inuitant homines, & Angelos imitantur. Tandem petrus Cellensis, vt alios innumeros prætermittam, sic Cistercienses commendat. Cistercienses præ aliis mortalibus seriis & sine fine mansuris intendere video. Hi sunt qui regulam B. Benedicti, penè combustam, sicut Esdras veterem legem, restaurauerunt. Claustra illorum castra Dei sunt, vbi nocte in psalmis, & Orationibus parati sunt suscitare Leviathan, qui sub umbra dormit in locis humentibus. Sic viuebant patres nostri, hæc nobis virtutum exempla reliquerunt, quorum si vestigia sequuti fuerimus, verè Cistercienses erimus non solo habitu & nomine, sed virtute & perfectione. Quod autem spectat ad ritum Cisterciensem, maiores nostri à Regula S. Benedicti nullatenus deuiantes, ritum proprium instituerunt regulæ protus conformem, qui propterea à communi Monastico discrepat in nonnullis.

2. Ante lectiones nec Orationem Dominicam, nec absolutiones præmittimus: ad primam, & Completorium nec confessionem, nec preces habemus: ad Responsorialia post Capitulum non adiungimus *Gloria Patri*, horum enim nullam Regula mentionem facit. Astiuo tempore vnicam perpetuò lectionem in nocturnis serialibus legimus, sic eadem regula decernente: quapropter nullum festum habemus trium lectionum. Tum quod D. Benedictus Hymnos Ambrosianos

Iacob. Acon. c. 14.

P. Bles. ep. 82.

P. Cell. lib. 6. ep. 23.

vocet, Hymnos omnes ab Ambrosianis accepimus, iisdemque prorsus omni tempore, quibus & illi: quorum Catalogum inueniet curiosus lector apud Radulphum Tungrensem. Ad Tertiam, & Completorium Hymnos variamus pro varietate temporum, & festorum. In Vesperis nunquam Psalmos feriales mutamus ad mentem regulæ, quæ in festiuitatibus Psalmorum mutationem pro Vigiliis tantum nocturnis permittit. Singulis horis Collectas proprias habemus. Festa quæ non sunt 12. lectionum sola commemoratione in primis Vesperis, & Laudibus celebramus. Festa ipsa 12. lectionum in tres classes diuidimus: solemniora dicuntur sermonis, quod Abbas ea die sermonem ad Monachos habeat. Alia sunt duarum Missarum, quod duæ Missæ Conuentuales de illis cantentur, vna post Primam, altera post Tertiam. Alia vnus Missæ, quod vnica de illis Missa canatur. Antiphonas nunquam duplicamus, sed tantum post Psalmos integras cantamus. Ad Laudes vnā dumtaxat dicimus Antiphonam, ad cuius tenorem omnes Psalmos modulamur. Omnes horas commemoratione Beatæ Virginis, & Dominicæ Incarnationis concludimus. Quotidie tandem post Completorium Antiphonam *Salus Regina* solemniter decantamus.

§. V.

De ritu Carthusianorum.

1. SACROSANCTA Religio Carthusiana, licet in cæteris Benedicti Regulam non agnoscat, ritum tamen Benedictinum in diuinis Officiis obseruat. Paucis exceptis vix discrepant à Cisterciensibus, quibus ferè cõui sunt. Cæpit enim Cistercium anno Domini 1098. Carthusia verò initium habuit anno 1086. vt putauit Baronius, vel 1084. vt ex monumentis Ordinis collegit in suo Brunone Theophilus Raynaudus. Ante Vigiliis dicunt ter *Pater*, & *Aue*. Post vltimam Antiphonam Nocturni recitant semel *Pater*, & *Aue*, & Absolutionem. Post *benedictus* dicunt nouem vicibus *Kyrie eleison*, *Christe eleison*, *Kyrie eleison* cum multis precibus. Priuatis diebus ad preces adiungunt Psalmum *Miserere*: quas preces repetunt singulis horis. In fine lectionum ex Prophetis addunt, *Hæc dicit Dominus, Conuertimini ad me, & salui eritis*. Ad Vesperas Psalmos mutant pro diuersitate festiuitatum. Ad Primam dicunt quotidie Symbolum Athanasij. Ad salutationem Angelicam pulsant quater in die, post Matutinum, post Primam, post Nonam, post Completorium. Post Collectam dicto *Benedicamus Domino* nihil aliud adiungere consueuerunt. In reliquis, vt dixi, ferè conueniunt cum Cisterciensibus. Commendat eorū cantum Christus Saluator noster apud S. Brigittam c. 4. reuelationum extrauagantium: & Angelicam eorundem Psalmodiam elegantissimè collaudat Francisc. Petrarca in præfatione lib. de otio Religiosorum.

Sunt autem reuera Carthusiani magna orbis miracula, in carne extra carnē viuentes, Angelos nobis in terra, & Ioannē Baptistam in Ere-
mo repræsentantes. Sunt præcipuum Ecclesiæ ornamentum, similes a-
quile in cælum volanti, quorum status vniuersarum religionum institu-
tis iure præfertur. Pius quidam, & religiosus Poëta apud Maximilia-
num Sandæum in sua mystica Theologia Cartusianorum vitam, &
mores hoc eleganti Epigrammate mirabiliter expressit.

Sand. lib. 2. com-
ment. 3. exercit.
2. disquisit. 6.

Pallentem nuper rigidi Brunonis alumnum

Sic adiit mundum linquere certus Odo.

Ede Pater, quæ Cartusia sit regula vite.

Quæ nox, quæue dies, quid fugiant, quid agant.

Ede quibus studiis hic viuatur. Ille tacendo

Fugit, & ingemuit. Non potuit melius.

Bernard. Bauhu-
si Epigram. l. 5.

Historiam illam notissimam Theologi Parisiensis, qui post mortem
tribus distinctis vicibus iustè se accusatum, iudicatum, & damna-
tum pronunciauit; atque huius Ordinis institutioni occasione imedit,
copiosissimè defendit Raynaudus supra citatus in suo Brunone, vbi
plura de laudibus Cartusianorum Lector inueniet.

§. V I.

De ritu Præmonstratensium.

N Vlla post Monachos Religiosarum Congregationum, quæ pro-
prios ritus habeat, antiquior est Præmonstratensi. Sumpsit
enim originem hic sacer, & Canonicus ordo à sanctissimo Patre Nor-
berto anno salutis 1135. habuitque aliquando plusquam mille Abba-
tias. Eorum ritus cum Romanis conveniunt, si pauca quædam exci-
pias. Et primò quidem ante Vigiliis nocturnas tres Psalmos recitant
cum quibusdam precibus, & orationibus. Deinde in ipsis Vigiliis an-
te Lectiones dicunt Versum, & Orationem Dominicam, sed non ab-
solutiones. Post nonum Responsorium concinunt *Te Deum laudamus*:
& ante Laudes unum Versum semper præmittunt, quem vocant Sa-
cerdotalem. In primis Vesperis solemnitaturn magnum Responso-
rium concinunt post Capitulum. Ad omnes horas diei Hymnos va-
riant pro ratione temporum, & festinitatum. Antiphonam B. Virgi-
nis, qua terminantur Horæ, nonnisi post Completorium cantant.
Psalterium more Romano in dies & horas distribuunt, nisi quod
Psalmum 117. *Confitemini* à Septuagesima vsque ad Pascha diebus
Dominicis non ad Primam, sed ad Laudes dicunt loco Psalmi *Domi-
nus regnavit*, quem eotempore canunt ad Primam. De reliquo tam
diurnum, quam nocturnum Officium ea methodo ordinant, qua
Romana consequit Ecclesia; imò suum Breuiarium esse existimant
antiquum Romanum, quod purum ab ipsis conservatum sit, non ac-
ceptatis mutationibus, & novis eiusdem reformationibus.

1. **I**lluſtriſſimus Prædicatorum Ordo à Canonicis Præmonſtratenſibus vt D. Auguſtini Regulam, ita & pſallendi ritum accepit. Sed viri doctrina, & ſanctitate eximij eos vltus in quibuſdam mutarunt. Ad Primam tres Pſalmos recitant *Deus in nomine tuo, Beati immaculati, & Retribue*: diebus vero Dominicis à Septuageſima vſque ad Paſcha nouem videlicet, *Deus Deus meus reſpice in me, Dominus regit me, Domini eſt terra, Ad te Domine, Iudica me, Deus in nomine tuo, Dominus regnauit decorem indutus eſt, Beati immaculati, & Retribue*: quo etiam tempore dicunt ad Laudes Pſalmum 117. *Conſitemini loco Pſalmi Iubilate*. Reliquo anni tempore dictos Pſalmos, quos Romani diſtributos per ſerías dicunt ad Primam, iſti omittunt. Martyrologium legunt poſt Laudes, ſed cum Matutinum veſpere diei præcedentis dicitur, tunc legitur poſt Primam. In primis Veſperis ſolemnitatum hos Pſalmos concinunt, *Laudate pueri Dominum, Laudate Dominum omnes gentes, Lauda anima mea Dominum, Laudate Dominum quoniam bonus eſt Pſalmus, & Lauda Hieruſalem Dominum*. Hymnos Completorij variant pro ratione temporum, & in fine horarum ſemper dicunt Antiphonam *Salue Regina*, & alteram de ſancto Dominico cum quibuſdam precibus. Extra Aduentum, & Quadrageſimam Officium ſeriale ter, vel quater in Hebdomada omittunt, recitant enim de S. Dominico, de ſanctiſſimo Sacramento, de B. Virgine, & de Sancto titulari Prouinciæ. A die Paſchatis vſque ad Trinitatem tribus Pſalmis, totidemque Lectionibus nocturnas quotidie Vigiliás perficiunt, quod poſt octauas Reſurrectionis non niſi diebus Dominicis vſque ad Aſcenſionem faciunt Præmonſtratenſes.

§. VIII.

De ritu Carmelitarum.

1. **C**armelitz Brewiarium habent ſecundum antiquam conſuetudinem Eccleſiæ Hieroſolymitanæ. Hic enim Ordo pietate, & religione præſtantiffimus diu floruiſſe in Oriente dicitur, antequam per diuerſas Europæ Prouinciás diffunderetur. Eorum ritus non diſcrepat à Dominicanis, hoc dumtaxat excepto quod diebus Dominicis per annum dicunt ad Primam Pſalmum 117. *Conſitemini*. In Dominicis item Aduentus quinque Pſalmos ad Primam aliis conſuetis præmittunt, nempe 11. *Deus Deus meus*, cum quatuor ſequentibus. Dominicis verò Septuageſimæ vſque ad Paſcha ad Laudes, & Primam eoſdem Pſalmos recitant, quos Prædicatorum. Tempore Paſchalí conſuetos Pſalmos concinunt in nocturnis Vigiliis:

tres autem Psalmos dicunt solummodo per octauas Paschatis, & Pentecostes, sicut Romani, Preces longiores habent post quædam officia. In fine cuiusque horæ semper dicunt Antiphon. *Salue Regina*, cui tempore Paschali substituitur *Regina cæli*. Officia multa sanctorum habent cum elegantibus Hymnis, Antiphonis, & Responsoriiis. Diebus Resurrectionis initio Vesperarum, omisso Versu *Deus in adiutorium*, cantant solemniter *Kyrie eleison* nouem vicibus, sicut in Missa: quoritu utebatur olim Romana Ecclesia, vt constat ex ordine Romano, & ex Ruperto Abbate: eundemque legi in Breuiario Præmonstratensi, & in antiquiori Breuiario Ordinis Prædicatorum.

Raper, l. b. 8. de diu. off. cap. 2.

§. IX.

De ritu Lugdunensis Ecclesie.

1. Sancta Lugdunensis Ecclesia Galliarum Primatu insignis propriis ritibus vitur, quos S. Irenæum Episcopum, & Martyrem instituisse earum partium traditio est. Plalterium in serias, & horas distribuitur more Romano; sed ad Primam per Hebdomadam nonnisi tres Psalmos recitant *Deus in nomine tuo*, *Beati immaculati*, & *Retribue*: diebus verò Dominicis nouem, videlicet, *Deus Deus meus respice in me*, *Dominus regit me*, *Domini est terra*, *Ad te Domine*, *Iudicame Domine*, *Confitemini*, *Beati*, *Retribue*, & Symbolum Athanasij, quod quidem Symbolum Primæ Dominicali omnes Ecclesiæ adiungere consueuerunt. Dominica autem Sexagesimæ, & sequentibus Dominicis vsque ad Pascha duos priores Psalmos ad Laudes mutant, & pro Psalmo *Dominus regnauit*, legunt Psalmum 50. *Miserere*, pro Psalmo *Iubilate*, Psalmum 117. *Confitemini*: atque ideo eodem tempore ipsum *Confitemini* omittunt ad Primam, & pro eo substituunt Psalmum *Dominus regnauit*. Hoc excepto in 1 salmodum distributione conueniunt omnino cum Romanis: Porro singula Officia à Lugdunensibus sic ordinantur.

2. Nocturnis præmittunt Orationem Dominicam solam, deinde dicunt Versum *Sancti Spiritus adsit nobis gratia*, cum *Domine labia mea aperies*, *Deus in adiutorium*, *Gloria Patri*, & Inuitatorium. Immediatè post Inuitatorium dicuntur Psalmi, nam Hymnis carent omnia Officia excepto Completorio. In numero, & ritu lectionum non discrepant à Romanis. Post vltimum responsum conueniunt *Te Deum laudamus* cum Antiphona, & *Gloria Patri* ad instar Psalmi: sequitur Versus, quo dicto incipiunt Laudes. Post Psal. Laudum dicto Capitulo, & Versu sequitur Canticum, omisso Hymno, tum Collecta dici, *Benedic. Domino*, & finis. Prima, Tertia, Sexta, & Nona conueniunt cum Romanis, si Hymnos demas, & parua Responsorioria post Capitulum. Id quoque notandum quod ante Horas Orationem Dominicam solam recitant, & post singulas legunt Psalmum

domadæ. Secunda decuria incipit à Psalm. 17. *Diligam te Domine*: habetque Psalmos quatuordecim, & expletur feria tertia. Aliæ decuriæ Psalmis decem constant, excepta vltima, quæ octo Psalmorum est. Decuria itaque tertia pro feria quarta incipit à Psalmo 31. *Beati quorum*. Quarta pro feria quinta à Psalm. 41. *Quemadmodum desiderat*. Quinta pro feria sexta à Psalm. 51. *Quid gloriaris*. Sexta pro feria secunda alterius Hebdomadæ à Ps. 61. *Nonne Deo*. Septima pro feria tertia à Ps. 71. *Deus iudicium tuum*, & sic deinceps. Sabbatis, & Dominicis diebus, & in solemnitatibus Domini certis Canticis nocturnas preces persoluunt. In feriis autem, & quibuslibet aliis sanctorum festiuitatibus suprascriptas decurias non mutant. Ab hac tamen Regula excipiuntur sex feriæ ante Natiuitatem Domini, quas vocant de exceptato, & sex item feriæ maioris Hebdomadæ, in quibus Psalmis vtuntur peculiaribus. Porrò Psalterij versionem propriam habent similem ei, qua Romæ vtuntur Canonici S. Petri in Vaticano.

2. Ad Nocturnos post *Pater*, & *Aue* dicitur Versus *Deus in adiutorium*: sequitur Hymnus semper idem, *Aterne rerum conditor*, mox additur Responsorium, deinde Canticum trium puerorum cum Antiphona, & ter *Kyrie eleison*. Postea cum Antiphonis dicuntur Cantica vel Psalmi pro exigentia diei vel temporis: quibus dictis leguntur tres lectiones cum suis benedictionibus ferè semper propriis. Diebus Dominicis lectiones sunt de Homilia in Euangelium, in feriis de scriptura, in festis tertia est de vita Sancti, vel de sermone festiuitatis. Excipiuntur à hoc ordinario Natiuitas Domini, & Epiphania, quibus diebus dicuntur tres Nocturni, & nouem Lectiones. Feria item sexta in Parasceue leguntur sex Lectiones, sed tres vltimæ sunt integræ Passiones secundum Marcum, secundum Lucam, secundum Ioannem: Passio verò secundum Matthæum Missæ referuatur. Post duas priores lectiones duo sequuntur Responsoria: post vltimam dicitur *Te Deum laudamus*, si tempus requirat, vel nihil additur.

Laudes absolutè inchoantur à Versu *Deus in adiutorium*: sequitur Canticum Zachariæ, pro quo in Dominicis Aduentus, in Natiuitate Domini, Circumcisione, & Epiphania dicitur Canticum Moysis *Audite celi* cum Antiphona, & ter *Kyrie eleison*. Tum in Dominicis, & sanctorum solemnitatibus dicitur quinquies, vel etiam septies repetita Antiphona ad sanctam Crucem, addita quadam Oratione secreta. Mox alterum Moysis *Cantemus Domino* cum sua Antiphona, & ter *Kyrie eleison*, aliaque Oratione secreta. Deinceps Canticum trium puerorum *Benedicite omnia opera* (illud enim quod dicitur ad Nocturnos incipit *Benedictus es Domine Deus Patrum nostrorum*) cuius loco Sabbato dicitur Psalmus 117. *Confitemini*, & in aliis feriis Psalm. 50. *Miserere* cum Antiphona, & ter *Kyrie elei-*

son. Additur Oratio clara voce, qua finita sub vno *Gloria Patri* quatuor Psalmi recitantur *Laudate Dominum de cælis* cum duobus sequentibus, & *Laudate Dominum omnes gentes.* Finitis Psalmis dicitur Capitulum, tum Antiphona cum tribus *Kyrie eleison*, *Dominus vobiscum*, & Psalmus directus, qui simul ab utroque choro cantatur. Postea Hymnus pro qualitate Officii diuersus: & duodecies *Kyrie eleison* cum *Dominus vobiscum*: & dicitur psallenda vna in festis Sanctorum, in Dominicis duplex. Est autem psallenda Antiphona quædam repetita cum *Gloria Patri* additis quibusdam Versibus, & ter *Kyrie eleison* cum Oratione. In feriis læo psallendæ dicitur quoddam Responsorium, quod vocatur in baptisterio, Quibus absolutis finiuntur Laudes, nisi facienda sit aliqua commemoratio, quæ fieri solet per psallendam illius diei vel officij, de quo fit commemoratio. Quotidie autem, quando Officium non est solemne, fit commemoratio de B. Virgine, de S. Ambrosio, & de Patrono Ecclesiæ.

Ad Primam post *Pater*, & *Aue*, & *Deus in adiutorium* dicitur Hymnus *Iam lucis orto sidere*: Tum Psalmi *Dens in nomine tuo*, *Beati*, & *Retribue* sine Antiphona: quibus finitis dicitur *Alleluia*, & in Quadragesima *Laus tibi Domine Rex æterna gloria.* Sequitur epistolella, vt vocant, cum Responso brevī, cui statim quotidie subditur Symbolum Athanasij: postea Capitulum cum precibus, quæ tamen omittuntur in quibusdam solennitatibus. Adduntur tres Orationes eadem semper. Tum legitur Martyrologium, post quod dicitur Versus *Exultabunt sancti in gloria* cum oratiuncula, & sic finitur Prima.

Tertia, Sexta, & Nona iisdem Hymnis, & Psalmis explentur, quibus vtitur Romana Ecclesia. Psalmi tamen dicuntur sine Antiphona, in quorum fine dicto *Alleluia*, vel *Laus tibi Domine*, sequitur epistolella cum Responso oreui, tum preces, si dicendæ sint, postea Oratio, & sic terminantur Horæ. In solennitatibus, & Dominicis diebus cantatur Hymn. ad Tertiam, qui incipit *Iam surgit hora tertia.*

Vesperæ post *Pater*, & *Aue* incipiunt absolutè à Salutatione *Dominus vobiscum*, deinde cantatur Lucernarium, id est Responso quoddam ter repetitum diuersum secundum Officii diuersitatem. Dicitur iterum *Dominus vobiscum*, postea Antiphona, mox tertio *Dominus vobiscum*: tum Hymnus conueniens. Post Hymnum quarto *Dominus vobiscum*, & Responso, quo finito adhuc repetitur *Dominus vobiscum*. Sequuntur quinque Psalmi cum suis Antiphonis idem videlicet, quibus vtitur Romana Ecclesia. Verum in solennitatibus Domini sub vna Antiphona, & vno *Gloria Patri* vnus Psalmus dicitur diuersus pro diuersitate Officii, cui semper adiungi solent Psalmi *Ecce nunc benedicite Dominum*, & *Laudate Dominum omnes gentes.* In festis sanctorum post primam Orationem dicitur alter

Psalmus diuersus pro varietate Officij, seu festiuitatis. Absolutis Psalmis cum Antiphonis dicitur ter *Kyrie eleison, Dominus vobiscum, & Oratio* conueniens Officio. Postea *Dominus vobiscum, & Magnificat* præmissa Antiphona. Finito Cantico iteratur primus eiusdem Versus, & repetita Antiphona dicitur ter *Kyrie eleison, & alia Oratio*. Deinde psallenda, & alia, sicut in Laudibus recitantur. In feriis *Quadragesimæ* non dicitur *Magnificat*, sed duodecies *Kyrie eleison*. Habent Ambrosiani quasdam Vesperas de sanctis Patronis, & Titularibus Ecclesiarum, quæ dicuntur cum Vigiliis, in quibus post primam Orationem dicitur primus Psalmus, tum legitur vna lectio de vita illius Sancti cum suo Responsorio, & post aliam Orationem dicto secundo Psalmo legitur alia lectio cum suo item Responsorio. In eoque dicto Cantico *Magnificat* cum psallendis cantantur Litanie cum quibusdam Orationibus.

Ad Completorium præmissis *Pater, Ave, Conuerte nos, & Deus in adiutorium*, dicitur quotidie Hymnus *Te lucis ante terminum*, excepta *Quadragesima*, in qua dicitur Hymnus *(briste qui lux es) O dies*. Tum sine Antiphona dicuntur Psalmi *Cum inuocarem, In te Domine, Qui habitat*, & sub vno *Gloria Patri, Ecce quam bonum, Ecce nunc benedicite Dominum, & Laudate Dominum omnes gentes*; quibus finitis dicitur *Alleluia*, vel *Laus tibi Domine Rex æternæ gloriæ*. Tum in *Quadragesima* Hymnus *Te lucis ante terminum*, alio tempore statim subditur Epistolella cum suo Responsorio breui, inde Canonicus *Nunc dimittis* cum precibus, si dicenda sint; Additur Antiphona B. Virginis cum sua Oratione. Tandem fit confessio communis, & sic finitur Completorium.

§. XI.

De ritu Mozarabico.

1. **C**VM Hispania penè omnis Arabum inundatione tabesceret, Christiani inter barbarorum pressuras degentes dicti sunt Mozarabes, siue Mixtarabes, id est mixti cum Arabibus, quare & Officium eorum Mozarabicum, & Mixtum appellatum est. Huius ritus institutores fuerunt sancti viri Leander, & Isidorus Hispalenses Episcopi, solius tamen Isidori nomen retinuit, quem solum eius auctorem agnoscit Baronius. Sic inscribi solet, Officium Gothicum, siue Mixtum secundum Regulam B. Isidori. Ex decreto quarti Toletani Concilij omnes Hispaniarum Ecclesie hoc olim utebantur, sed regnante Alphonso VI. mutatum fuisse dicitur iussu Gregorij VII. Romani Pontificis, cuius ob hanc causam cum Regibus Hispaniarum contentiones narrat Baronius. Extant de hac re eiusdem Gregorij Epistolæ Alphonso, & Sanctis Regibus, & Episcopis Hispaniarum a paribus scriptæ Indictione duodecima anno scilicet 1074.

Baron ann. 613.
num. 70.

Idem. an. 1074.
& 1080.
Greg. VII lib. 1.
Epist. 64. & 83.

M M m ij

Tametsi enim officium istud à viris sanctis, & orthodoxis compositum fuisset, Hispania tamen ab infidelibus deuastata multi errores in illud irrepperant, vt ex Albino Flacco constat lib. 1. aduersus Elipantum Episcopum Toletanum, qui ex iisdem Officiis deprauatis multa assumit testimonia adiuam hæresim astruendam. Nunc tam Misfale quam Breuiarium huius ritus correctæ sunt, & iuxta sensum Catholicum emendata iussu Francisci Ximenez Archiepiscopi Toletani, qui explosis Gothicis characteribus, Latinis ea conscribi, ac typis mandari curauit: tum Sacerdotes instituit, qui iuxta hunc ritum Deo laudes, & sacrificium offerrent. Adhuc viget hoc Officium, & seruatur Toleti in quinque Parœciis, & in sacello eiusdem Francisci Ximenez, itemque Salamanticæ in sacello Doctores Talabricensis, quod est in claustro maioris Ecclesiæ. Plura de hoc ritu Ethierius, & Beatus Scriptores antiqui, & graues lib. 1. aduersus præfatum Elipantum. Discrepat ferè in omnibus ab vñibus aliarum Ecclesiarum.

2. Omnes horæ sic inchoantur. *Kyrie eleison, Christe eleison, Kyrie eleison, Pater noster, & Ave Maria* secretò: additur in nocturnis *Ave Regina celorum* cum Versu, & Oratione. Tum protinus alta voce, *In nomine Domini nostri Iesu Christi lumen cum pace*: respondent omnes *Deo gratias*. Solum Completorium aliter incipit, vt videbimus. Horis autem absolutis dicitur *Pater noster* alta voce, singulisque petitionibus responderetur *Amen*, nisi cum ista profertur *Panem nostrum quotidianum da nobis hodie*, cui responderetur, *Quia Deus es*. Mox eodem vocis tenore in Laudibus, & Vesperis hæc Oratio subsequitur: *Liberati à malo, confirmati semper in bono tibi seruire mereamur Deo, ac Domino nostro. Pone Domine finem peccatis nostris, da gaudium tribulatis, præbe redemptionem captiuis, sanitatem infirmis, requiemque defunctis: concede pacem, & securitatem in omnibus diebus nostris, frange audaciam inimicorum nostrorum: exaudi Deus orationes seruorum tuorum omnium fidelium Christianorum in hoc die, & in omni tempore. Per Dominum nostrum*. In cæteris precibus loco huius Orationis dicitur, *À malo nos libera, & in tuo timore, & opere bono nos confirma*. His peractis dicit Diaconus, *Humiliate vos benedictioni*: & statim Sacerdos benedictionem pronunciat tres petitiones continentem, quarum cuilibet responderetur. *Amen*. Tandem omnes horæ hac clausula terminantur, *In nomine Domini nostri Iesu Christi perficiamus cum pace*: & respondent omnes *Deo gratias*. Habebant olim Mozarabes horas duodecim, ex quibus quatuor reiectæ sunt, videlicet, in principio noctis, ante lectum media nocte, & in resurrectione lecti.

Nocturnæ preces huius Officij breuissimæ sunt. Post commune principium superscriptum dicitur Antiphona cum Psalmo 90. *Asserere*. Hinc tres cantantur Antiphonæ cum Responsorio vno,

quamlibet autem Antiphonam sua comitatur Oratio. Diebus Dominicis loco primæ Antiphonæ dicitur Hymnus *Aterne rerum conditor*, statimque sequitur Oratio, post quam dicuntur tres Psalmi cum suis Antiphonis. His rursus succedunt tres Antiphonæ cum Responso, & Orationibus. Cum ultimo autem Responsorio absoluntur Vigiliæ nocturnæ. Psalmus *Miserere* mutatur in Psalmum *Domine quid multiplicati sunt* diebus Dominicis à Paschate ad Pentecosten, & in festis solemnioribus.

Ad Laudes dicta prius salutatione *Dominus sit semper vobiscum* cantatur Antiphona, quam sequitur Canticum vnum ex veteri, vel nouo Testamento. In festis B. Virginis, & in nocte Natiuitatis Domini dicitur hoc loco Canticum *Magnificat*: & in festo S. Ioannis Baptistæ Canticum *Benedictus*. Aliis diebus alia Cantica diuersa assignantur. Absoluto Cantico repetitur Antiphona, & dicto *Dominus sit semper vobiscum*, dicitur alia Antiphona ante Canticum trium puerorum. Sequitur sonus similis nostris Responsoris, & alia Antiphona ante Psalmum *Laudate Dominum de cælis*, quo decantato legitur Prophetia, quam sequitur Hymnus, tum supplicatio Sacerdotis ad populum, cui eum hortatur, vt petat à Deo quæ necessaria sunt ad salutem: cui respondetur *Præsta omnipotens æterne Deus*. Postea Capitulum per modum Orationis præmissio *Kyrie eleison*: Tum *Pater noster*, & Laus constans ex versibus quibuldam sæpius repetitis, dataque benedictione finis Laudibus imponitur. Antiphonis & Laudibus sæpius adiungunt sanctissimæ Trinitatis doxologiam, quam hoc modo pronunciant, *Gloria & honor Patri, & Filio & Spiritui sancto in secula seculorum. Amen.*

Post Laudes vnum Officium speciale habent Mozarabes ante Primam persoluendum, quod vocatur Aurora. Solis diebus ferialibus dicitur, & constat quatuor Psalmis cum Antiphona, habetque laudem vnam, Hymnum vnum, Versum vnum, *Pater noster*, & quasdam preces. Psalmi sunt isti, Deus in adiutorium, Beati immaculati. In quo corrigit, Retribue.

Initio Primæ dicitur Antiphona, & *Dominus sit semper vobiscum*, statimque dicuntur septem Psalmi, nimirum Deus misereatur, Exaltabo te Deus meus Rex, diuisus in Versu Regnum tuum, Laudate pueri, Adhæsit, Legem pone, & Veniat: tum iteratur Antiphona, quam sequitur Responsum vnum, Prophetia, Epistola, laus, Hymnus, & Versus. Mox dicitur *Te Deum laudamus*, & *Gloria* extra Aduentum, & Quadragesimam: deinde Symbolum Apostolorum, supplicatio, *Pater noster*, benedictio, & finis.

Tertia, Sexta, & Nona incipiunt vt Prima, habentque quatuor Psalmos, & varia Responsa, quibus succedunt Prophetia, Epistola, laus, Hymnus, & clamores, quibus petunt à Deo, vt non iuxta scelera

pœnas infligat. Sequuntur supplicatio, Capitulum, *Pater noster*, benedictio, & sic horæ singulæ terminantur. Ad Tertiam hi Psal. dicuntur, Venite exultemus, Memento verbi tui, Porcio mea, Bonitatem. Ad Sextam, Deus in nomine tuo, Feci iudicium, Mirabilia, Iustus es Domine. Ad Nonam, Lauda anima mea Dominum, Latatus sum, Ad te leuavi oculos meos, Nisi quia Dominus.

Ad Vesperas nullos concinunt Psalmos, sed dicto *Dominus sit semper vobiscum* cantant laudem vnâ, sonum vnum, Antiphonam vnâ, semperq; singulis præmittunt salutationem. Sequitur alia laus, tum Hymnus, supplicatio, Capitulum, *Pater noster*, benedictio; item alia laus, quæ dum cantatur incensatur Ecclesia; demum recitata Oratione, siue Collecta diei finiuntur Vesperæ.

Completorium initium sumit à Psalmo *Signatum est super nos lumen vultus tui Domine*. Mox dicuntur tria *Alleluia*, & in Quadagesima *Laus tibi Domine Rex æternæ gloriæ*. Sequitur alius Psalmus, iterumque ter *Alleluia*: deinde alius Psalmus cum Hymno, & Versu. Consequenter dicitur Psalmus *Qui habitat*. Huic succedit alius Psalmus, & alter Hymnus: tum Versus, supplicatio, *Pater noster*, & benedictio. Dicta tandem Antiphona *Salve Regina* cum Versu, & Oratione absoluitur Completorium.

§. XII.

De aliis quibusdam ritibus Ecclesiæ Latinæ.

1. **P**RÆTER hæcenus descriptos ritus de aliis quoque Latinis Ecclesiis agendum forer, quæ & proprio vtuntur Breuiario, & singulati inter cæteras religionem, ac dignitate præminent. Multi enim Episcopatus in Gallia, & in Belgio sunt, multi in Germania, & quidam etiam in Hispania, qui proprio ac peculiari ritu Domino Deo laudes persoluant. Sed quoniam ab his quos iam descripsimus, maxime autem à Romanis vix discrepant, tum in Psalmorum distributione, tum in numero lectionum, tum in ipsa Officii methodo, ac ordinatione, superfluum existimaui singulatem de illis tractationem instituere. Nam præter quædam minora nihil noui in ipsis occurrit. Psalterij diuisionem eam Gallicæ Ecclesiæ ac Germanicæ, itemque Belgicæ, ac Hispanicæ sequuntur, quam Romana tenet Ecclesia, exceptis Psalmis qui horæ primæ deseruiunt, in quorum distributione cum eo ritu ferè omnes conueniunt, quem Officio Prædicatorum, vel Lugdunensis Ecclesiæ supra assignauimus. Ecclesia Bisuntina, quæ est Sequanorum Metropolis, habet hoc proprium, quod in secundis Vesperis solemnitatibus, nec Capitulum, nec Hymnum dicit, sed pro Capitulo *Alleluia* cum Versu, pro Hymno quamdam prosam modulatur: in magnis item solemnitatibus bis Canti-

cum *Magnificat* repetit, variis intermixtis Antiphonis. Toletani ante Matutinum recitant flexis genibus Antiphonam *Aue Regina celorum* cum Collecta : tum Psalmos Graduales, & horas B. Virginis præmittunt exceptis festis. Sed hæc minutiora sunt, & prætermittenda, cum notabile discrimen in sacris precibus non conlittuant.

§. XIII.

De ritu Græcorum.

1. **A**B Ecclesia Occidentali ad Orientalem transeo, à Latino ad Græcum idioma. Vox quidem dissona, ut loquitur Hieronymus, sed una Religio. Sunt autem Græcorum ritus in omnibus Ecclesiis, & Monasteriis Orientalibus similes, exceptis paucissimis obseruationibus, quæ licet modici momenti sint, diuersis tamen Typicis nomen dederunt: est enim Typicon S. Sabæ, Studitarum, Montis sancti, quæ quidem Typica varietatem potius Monasticarum constitutionum, quam factorum rituum continent. Psalterium diuidunt Græci in viginti *ψαλμοὶ* quasi sedes, & pausas, siue stationes, quia dum bini, & bini ad recitandum accedunt, illis stantibus cæteri sedent. Quodlibet Cathisma siue pluribus, siue paucioribus confert Psalmis in tres partes distinguitur per Versum *Gloria Patri*: imo Cathisma 17. quod vnicum habet Psalmum 118. eadem distinctione in tres sectiones diuiditur. A Dominica in Albis vsque ad Dominicam post octauam Exaltationis S. Crucis, quæ die 14. Septembris à Græcis solemniter celebratur, totum Psalterium semel in hebdomada percurrunt hoc modo. Die Sabbati in Vesperis dicunt primum Cathisma. Die Dominico in Matutino secundum, & tertium. Feria secunda in Matut. 4 & 5. In Vesp. 6. Feria tertia in Matut. 7. & 8. In Vesp. 9. Feria quarta in Matut. 10. & 11. In Vesp. 12. Feria quinta in Matut. 13. & 14. In Vesp. 15. Feria sexta in Matut. 19 & 20. In Vesp. 18. Sabbato in Matut. 16. & 17. A Dominica post octauam Exaltationis vsque ad Dominicam in Quinquagesima eundem ordinem seruant in Psalterio legendo, nisi quod feria secunda, tertia, quarta, & quinta semper in Vesperis legunt Cathisma 18. & ea Cathisma, quæ Vesperis horum dierum assignata erant, adiciuntur Matutino: & Matutino diei dominicæ superadditur Cathisma 17. A Quinquagesima vsque ad Feriam quartam dominicæ Palmiarum bis in hebdomada psalterium recitant. die Sabbati ad Vesperas legunt primum Cathisma. die dominica ad Matut. 2. 3. & 17. Fer. secunda ad Matut. 4. 5 & 6. Ad Tertiam 7. Ad Sextam 8. Ad Vesp. 18. Feria tertia ad Matut. 9. 10. & 11. Ad primam 12. Ad Tertiam 13. Ad Sextam 14. Ad Nonam 15. Ad Vesp. 18. Feria quarta ad Matut. 16. 19. & 20. Ad primam primum. Ad Tertiam secundum. Ad Sextam 3. Ad nonam

Hier. ep. 17.

4. Ad Vesp. 18. Feria quinta ad Matut. 5. 6. & 7. Ad Primam 8. Ad Tertiam 10. Ad Sexram 11. Ad Nonam 12. Ad Vesp. 18. Feria sexta ad Matut. 13. 14. & 15. Ad Terriam 19. Ad Sexram 20. Ad Vesp. iterum 18. A feria quarta Dominicæ Palmarum vsque ad Dominicam in Albis exclusiue non legunt Psalterium, nam ista cathismata omituntur, quæ solent adiungi Officio iam ex quibusdam Psalmis, & Orationibus constituto. Omnia verò Cathismata aliquando ex octo, vel nouem Psalmis, aliquando ex paucioribus constant, excepto 17. quod, vt dixi, vnicum habet Psalmum *Beati immaculati in via.*

2. Torum Officium diuidunt Græci in Nocturnum quod *μεσσηνιον* vocant, id est Officium mediæ noctis, Matutinum, Laudes, Primam, Tertiam, Sextam, Nonam, Vesperas, Completorium: quibus additur Typicon, quod loco Missæ recitari solet.

Nocturnum sic incipit. *Benedictus Deus noster nunc & semper, & in secula seculorum, Amen. Rex cælestis, consolator spiritus veritatis, qui ubique es, & repleas omnia, thesaurus bonorum, & vita largitor. Veni, & inhabita nos, & munda nos ab omni macula, & salua bone animas nostras.* Sequitur Trisagion, videlicet, *Sanctus Deus, sanctus fortis, sanctus immortalis miserere nobis: & dicitur ter Gloria Patri. Sanctissima Trinitas miserere nostri, Domine dele peccata nostra, Domine parce iniquitatibus nostris, sancte visita, & medere infirmitatibus nostris propter nomen tuum. Kyrie eleison, ter Gloria Patri. Quoniam tuum est regnum, & virtus, & gloria Patris, & Filij, & Spiritus sancti, nunc & semper, & in secula seculorum Amen. Kyrie eleison duodecies. Gloria Patri. Venite adoremus Regem nostrum Deum. Venite adoremus Christum Regem nostrum Deum. Venite adoremus, & procidamus coram ipso Domino Iesu Christo, & Deo nostro.* Hoc initium est omnibus horis commune, si dicantur separatim: sin autem simul recirentur, illa Officia quæ adiunguntur ab illis versiculis incipiunt, *Venite adoremus.* Deinde Noct. ita proseguuntur. Dicunt Ps. 50. *Miserere,* & integrum Ps. 118. *Beati immaculati in via. Credo in unum Deum,* Trisagion, Troparia consueta, & præscripta. *Kyrie eleison* quadragesies, cum solitis Orationibus. Tum sequitur secunda pars Nocturni. *Venite adoremus* ter, vt supra, Psalm. 120. *Ieuauit oculos meos,* & 133. *Ecce nunc.* Trisagion, Troparia pro defunctis. *Kyrie eleison* duodecies. Oratio pro defunctis, & dimissio Nocturni cum precationibus pro viuis, & eorum necessitatibus specialiter expressis, & pro defunctis. Hic accedit petitio veniæ, & absolutio Sacerdotis, seu Archimandritæ, aut aliterius Præpositi Monachorum. Die Sabbati loco Psalmi *Beati immaculati* dicuntur Psalmi sequentes, *Te decet Hymnus* vsque ad *Deus in adiutorium* inclusiue, videlicet à 64. vsque ad 69. Dominica die Nocturnum penitus diuersum est. Post commune principium dicitur Psalmus *Miserere.* Tum Oda.

Odarium de sanctissima Trinitate , quod novem odis constat , sicut cætera omnia Odaria ; secunda tamen ode non canitur. Trisagion , Troparia consueta , Litaniz pro variis indigentis , Petitiõ veniæ , absolutio , & preces pro vivis , eorumque necessitatibus.

Ad Matutinum præmisso initio suprascripto dicuntur Psalmi 19. & 20. *Exaudiat* , & *Domine in virtute tua*. Mox Trisagion cum Tropariis , & Litania Sacerdotis. Tum Psalmi sex, nempe 3. *Domine quid multiplicati sunt* , 37. *Domine ne in furore* , 62. *Deus Deus meus ad te de luce vigilo* , 87. *Domine Deus salutis meæ* , 102. *Benedic* , & 141. *Domine exaudi*. Sequitur Litania magna Sacerdotis. Canitur deinde *Deus Dominus* & *illuxit nobis*, seu *Alleluia* pro diuersitate temporum , Troparia , & debita Cathismata Psalterij , Psalmus 50. *Miserere* , & post ipsum aliquot Odaria. Tum *Magnificat* addendo post quemlibet versiculum glorificationem B. Virginis Mariæ. In festis tamen solemnioribus non *Magnificat*, sed quædam alia cantantur , & in aliquibus festiuitatibus sufficit ode nona, quæ semper sine vlla exceptione B Virginis laudes continet.

Laudes immediatè iunguntur Matutino , ideoque incipiunt sine præuiis orationibus, sed post Exapostilarion, siue diuersorium canitur *omnis spiritus laudet Dominum*. Sequuntur Psalmi 148. *Laudate Dominum de cælis* , 69. *Deus in adiutorium* , & 108. *Deus laudem meam ne tacearis*, interserendo vltimi Psalmi Versiculis Stichiria diuersa pro dictum diuersitate. Additur *Gloria in excelsis* totum cum orationibus : Tum Litaniz , & Stichiria cum quibusdam Versiculis : & post *Gloria Patri* cum Stichirio cantatur Versiculus *Bonum est confiteri domino*. Demum Trisagion , Troparion , Litaniz , & finis.

Ad Primam post initium dicuntur Psalmi 5. *Verba mea auribus percipe* , 89. *Domine refugium* , & 100. *Misericordiam* , & *iudicium*. Deinde Troparia pro temporis exigentia , & nonnulla quæ nunquam mutantur, Trisagion, Contacion quod est breuissimus modulus, *Kyrie eleison* quadraginta vicibus, Orationes, & finis.

Ad Tertiam, Sextam, & Nonam idem ordo seruatur, sed Psalmi diuersi sunt , & diuersæ Orationes. Psalmi Tertiz sunt 16. 24. & 30. *Exaudi domine iustitiam meam* , *Ad te domine leuavi animam meam*, & *Miserere*. Sextæ 51. 54. & 90. *Deus in nomine tuo*, *Exaudi deus orationem*, & *Qui habitat*. Nonæ 83. 84. & 85. *Quam dilecta*, *Benedixisti*, & *Inclina*. Cæterum præter horas sunt quoque Officia , quæ Mezoriorum nuncupantur. Mezoriorum primæ horæ post initium à Trisagio sumptum habet Psalmos 45. 91. & 92. *Deus noster refugium*, *Bonum est confiteri* , & *Dominus regnavit decorem indutus est*. Sequitur Trisagion, & post ipsum Troparia, tum *Kyrie eleison*.

NNn

triginta vicibus, Orationes. & finis. Similiter procedunt reliqua Me-
zoria, sed Psalmos & Orationes peculiare habent. Mezorium horæ
tertix his constat Psalmis 29. 31 & 60. *Exaltabo te domine, Beati
quorum, Exaudi deus deprecationem meam.* Sextæ 51. 56. 69. *Mise-
rere mei deus quoniam conculcauit me homo, Miserere mei deus mi-
serere mei, deus in adiutorium meum intende.* Nonæ 83. 84. 85. vt
supra ad Nonam.

Typicon ita incipit. *Benedic anima mea dominum: benedictus es
domine: sequuntur Psalmi 102. & 145. Benedic anima mea Domi-
num, & lauda anima mea Dominum.* Tum Canticum de Verbo
incarnato. Octo beatitudines cum Tropariis, aut Stichiriis, Epistola,
& Euangelium. Precationes cum glorificatione sanctissimæ Trinita-
tis. *Sanctus, Sanctus, Sanctus, (redo in unum Deum.* Oratiuncula
deprecatoria *Pater noster.* Contacia. *Kyrie eleison* duodecies Ora-
tio ad sanctissimam Trinitatem. Psalmus 33. *benedicam Dominum in
omni tempore, & finis.*

Ad Vesperas post consuetum initium dicitur Psalmus 103. *benedic
anima mea dominum:* tum Litania magna. Postea Psalterium, mox
Psalmi 140. *Domine clamaui ad te, 141. Vox mea ad Dominum cla-
maui, 119. De profundis, 116. Laudate Dominum omnes gentes:*
Versibus autem duorum Psalmorum posteriorum intermiscetur sti-
chiria. Sequuntur Versiculi, Prophetæ, Litania, Orationes, Psalmus
112. *Ad te leuavi oculos meos* cum stichiriis. Diebus Sabbati, & in
primis Vesperis solemnitatum loco præfati Psalmi alij Versiculi ad-
hibentur. Demum *Nunc dimittis,* trisagion, troparion, Litania, &
finis.

Completorium, quod à Græcis *πρόπαιον* dicitur, quia post cœnam
perfolui solet, triplex est pro temporum diuersitate. Aliud est paruum,
aliud medium, aliud magnum. Completorium paruum præmisso
principio habet Psalmos 50. *Miserere, 69. Deus in adiutorium,*
& 142. *Domine exaudi.* Sequitur *Gloria in excelsis* cum Orationibus.
tum Odarium, trisagion, troparia, *Kyrie eleison* quadragesies, Ora-
tio ad Deum, Oratio ad B. Virginem, alia Oratio ad Deum, & finis
cum petitione veniæ, absolutione, & precationibus pro viuís, & defun-
ctis. Completorium medium post initium habet Psalmum *Qui habi-
tat,* tum Canticum Isaiæ *Nobiscum deus,* postea troparia, *Credo in
unum Deum,* Inuocationes B. Virginis, Angelorum, & Sanctorum,
trisagion, troparia, *Kyrie eleison* quadragesies, & Orationem. Mox
ter *Venite adoremus,* Psalm. 50. 69. & 142. *Gloria in excelsis* & reli-
qua, vt in paruo Completorio. Completorium magnum in tres par-
tes distinguitur. Prima pars post initium constat Psalmis 4. *Cum in-
uocarem, 6. Domine ne in furore, 12. V'squequo, 24. Ad te Domine, 10.
In te Domine speravi, & 90. Qui habitas.* Sequitur Canticum Isaiæ

Nobiscum Deus, troparia, *Credo in unum Deum*, Inuocationes B. Virginis, Angelorum, & Sanctorum, trisagion, troparia, *Kyrie eleison* quadragesies, & Oratio. Secunda pars incipit à Versu *Venite adoremus* ter : deinde dicuntur Psalmi 50. & 101. *Miserere*, & *Domine exaudi*. tum Oratio Manasse Regis Iudæorum, trisagion, troparia, *Kyrie*, & Oratio. tertia pars post *Venite adoremus* ter, habet Psalmos 109. & 142. *Dixit Dominus Domino meo*, & *Domine exaudi* : deinde *Gloria in excelsis*, & reliqua, vt in paruo Completorio. Atque hi sunt ritus, quibus communiter vtuntur Græci : sunt tamen aliqua quæ pro ratione temporum inmutantur, Officium enim hebdomadæ Paschæ diuersum est & breuissimum, Officium Quadragesimæ soliro longius, & alia multa sunt, quæ sigillatim describi non possunt : & si quis ea exactius scire desiderat, typica consulere debet. porro Græci ritus nullibi exactius obseruantur, quam in Monte sancto : quem Geographi Athon vocant. Degunt in eo multa millia Monachorum in diuersis Monasteriis, estque in tanta apud Græcos sanctimonix æstimatione, qua Roma apud nos. Mons adeo elatus est, inquit Pomponius Mela, vt credatur altius surgere, quam vnde imbres cadunt. Longitudo eius trium dierum, latitudo dimidij diei iter habere dicitur, estque in Macedonia. Sunt autem ritus Græcorum antiquissimi à sanctis patribus Sabba, Charitone, Eurhymio, & aliis sapientissimè ordinari. Successu verò temporis multa addita, & mutata sunt, vt docet vir doctissimus, & horum rituum peritissimus Leo Allatus lib. 1. de consensu Orientalis & Occidentalis Ecclesiæ cap. 11. & in Dissertatione de libris Ecclesiasticis Græcorum. Atque hinc factum est vt Græcanica Officia in ingentem molem excreuerint.

§. XIV.

De ritu Græco Monachorum Cryptæ ferratæ Ordinis S. basilij.

1. **M**onasterium Cryptæ ferratæ in agro tusculano ritus habet à communi vsu Græcorum in nonnullis differentes, quod quidem discrimen licet essenziale non sit, vel magni momenti, libet tamen eosdem ritus hic seorsim describere, prout ab illo Monasterio mihi transmissi sunt, ad vberiorem Officij Græci cognitionem. psalterium diuidunt in 20. Cathismata, vt supra : & singulorum Officiorum hæc series est.

Nocturnum siue *μεσσηνίου* certis tantum diebus, recitant, vt in Aduentu Domini, & in Quadragesima, aliisque paucis inter annum diebus.

Ad Matutinum sic procedunt. Hebdomadarius accepta benedictione à Superiore sic incipit : *benedictum Regnum Patris*, &

Fili, & Spiritus sancti nunc & semper, & in secula seculorum, Amen. Respondet Chorus, *Gloria in excelsis deo, & in terra pax hominibus bonae voluntatis.* Quo Versu bis repetito statim dicunt, *Domine labia mea aperies, & os meum annuntiabit laudem tuam.* Deinde dicunt hos Psalmos, *Domine quid multiplicati sunt, domine in furore tuo, 2.* Deus Deus meus ad te de luce vigilo, & in fine postreimi Psalmi addunt, *Gloria Patri, & Filio, & Spiritui sancto, & nunc, & semper, & in secula seculorum, Amen. Alleluia ter, Gloria tibi domine, & iterum ter Alleluia.* Tunc psallunt alios tres Psalmos *domine deus salutis meae. Benedic anima mea dominum, 1. & domine exaudi, 142. Gloria Patri,* cum reliquis vt supra. Isti sex Psalmi semper iidem recitantur ad Matutinum. Adduntur Cathismata, quae priusquam persoluant, nonnullas praemittunt preces, quas Irenicas, id est pacificatorias vocant, quia ad pacem implorandam illas effundunt. Mox dicunt Orationem *Gratias agimus tibi domine deus noster,* post quam canit Hebdomadarius idem repetente choro, *Deus Dominus, & illuxit nobis, benedictus qui venit in nomine Domini.* Iterum Hebdomadarius *Confitemini domino quoniam bonus, quoniam in seculum misericordia eius.* Respondet Chorus, *Deus Dominus, & illuxit nobis.* Hebdomadarius, *Circumdantes circumdederunt me.* Succinit Chorus, *Deus Dominus:* & sic per plures Versiculos. His expletis dicunt Orationem currentis diei sub nomine Troparij, & iterum aliam Orationem, tum Versiculos quosdam graduales, atque Euangelium diei. Post Euangelium recitant Psalmum 50. *Miserere:* & si fuerit dies Dominicus sequitur Hymnus de resurrectione, alioquin dicitur alia Oratio. Sequuntur deinde lectiones currentis diei, quas vocant Canones, & constant novem lectionibus: quaelibet autem lectio vocatur ode constans quibusdam Tropariis. Ante nonam lectionem concinunt Canticum B. Virginis *Magnificat* cum *Gloria Patri.* Postea additur deprecationcula quam vocant Exapostilarion id est dimissorium. Tum psallunt *Laudate dominum omnes gentes,* & quaedam Troparia. Deinde *Gloria in excelsis deo, Trisagion, Gloria Patri,* & hanc Orationem, *Sanctissima Trinitas miserere nobis, Domine indulge iniquitatibus nostris, Domine parce peccatis nostris, sancte Domine protege nos, & sana infirmitates nostras propter gloriam nominis tui, domine miserere, domine benedic.* Sequitur *Pater noster,* quo alta voce decantato statim Hebdomadarius ait, *Quoniam tuum est regnum, & virtus, & Gloria Patri, & Filij, & Spiritus sancti nunc & semper, & in secula seculorum Amen.* Et statim recitant Orationem currentis feriae, vel sancti, & post nonnullas alias deprecationes absoluitur Matutinum.

Primam dicunt immediate post Matutinum, & idco eo absoluto cantant omnes alta voce *Pater noster:* & statim Hebdomadarius di-

cit, *Quoniam tuum est regnum*. Mox alternatim ter concinunt *Venite adoremus*, & *procidamus Christo Regi*, & *Deo nostro*. Sequuntur Psalmi tres, post quos dicunt ter *Alleluia*, *Gloria tibi Domine*. Denum post aliquot deprecationes, post Trisagion, *Pater noster*, *Quoniam tuum est regnum*, & post duo Troparia recitant Oratio nem huius horæ, & sic finitur Prima.

Tertia, Sexta, & Nona eodem modo procedunt, mutatis Psalmis, Tropariis, & Orationibus. Ad has autem horas, sicut & ad Primam eisdem concinunt Psalmos, qui iam supra descripti sunt in communi ritu Græcorum. Adiunguntur his, qui nunquam mutantur, Cathisinata, siue Psalterij portiones, ut supra quoque notatum est.

Vesperæ incipiunt sicut Matutinum, *Benedictum regnum*. Sequitur alta voce *Pater noster*, quo finito dicit Hebdomadarius, *Quoniam tuum est regnum*, & statim psallunt omnes alternatim *Venite adoremus*, quo ter repetito, cantant Psalmum 103. *Benedic anima mea Dominum*. Postea si fuerit dies Dominicus, vel aliqua solemnitas, subdunt preces pacificatorias: quas aliis diebus omittunt. Sequitur Oratio; quæ incipit, *Domine misericors*, & *miserator*. Post quam dicitur *ei* *gratia* *nostra* *Pax omnibus*, cui salutationi respondetur, & *cum spiritu tuo*. Item *Inclina te capita vestra Deo*, respondetur *Tibi Domine*. Et statim cantatur Antiphona, iuxta cuius tonum concinuntur quatuor Psalmi iam supra notati in communi ritu Græcorum. Finitis Psalmis accedunt singulatim Sacerdotes plures, vel pauciores iuxta exigentiam diei, ad canendum Troparia, post quæ Superior, vel cui ipse iussit, intonat *Gloria Patri*. Tum aliud Troparium ab aliquo Diacono, vel Subdiacono canitur, incipiens *et* *in* *nostra* *Lumen latitæ*. Sequuntur quidam versiculi diuersi pro varietate dierum, post quos ab eodem Diacono, vel Subdiacono recitatur quædam Oratio incipiens, *Dignare Domine hoc vespere*. Tum Sacerdos alias recitat preces, & post alia quatuor Troparia concinunt Canticum *Nunc dimittis*, & post ipsum Trisagion, *Sanctissima Trinitas*, *Pater noster*, *Quoniam tuum est regnum*. Denique dicitur Oratio currentis diei, vel sancti, & post alias quasdam deprecationumculas Vesperæ finiuntur.

Ad Completorium Hebdomadarius accepta Benedictione dicit *Benedictus Deus noster nunc & semper*, & *in secula seculorum*, *Amen*. Sequitur Trisagion, *Sanctissima Trinitas*, *Pater noster*, *Quoniam tuum est regnum*. Deinde dicuntur Psalmi sequentes, *Domine illuminatio mea*, *Domine in nomine tuo*, & *Miserere*. Mox recitatur Canon, & post oden octauam Canticum B. Virginis concinunt, & post ipsum immediatè legunt, vnâ lectionem, siue compendium vitæ sancti currentis. Tum nona ode subsequitur, & post

ipsam Psalms *Dens misereatur nostri* : deinde Trifagion, *Sanctissima Trinitas, Paternoster, Quoniam tuum est regnum*, Oratio ad B. Virginem, deprecationes pro variis necessitatibus, & finis.

§. X V.

De ritu Armenorum.

1. Clarissima inter omnes Asiæ regiones est Armenia, multitudo. Cne populorum, terræ fertilitate, salubritate aëris, & locorum amœnitate. Diuiditur in maiorem, & minorem. Maior Turcomannia nunc dicitur, Popul, & Curdi. Minor Pegjan, & Bozoc; & diuiditur à maiori Euphrate flumine. Illa sub Peisaram, hæc sub Turcarum tyrannico dominio miseram seruit, & duram seruitutem. Ad fidem Christi conuersa fuit B. Apostoli Bartholomæi prædicatione, quam illibatam per aliquot secula conseruauit; sed vt res humanæ in deterius semper labuntur, vicinæ Græciæ erroribus tandem adhæsit, & à Romana Ecclesia separata est. Porro statum Religionis Armenæ verè, copiosè, & eleganter describit vir multis pro Catholica fide exantlatis laboribus illustris D. Clemens Galanus Surrentinus Clericus Regularis in sua Conciliatione Ecclesiæ Armenæ cum Romana, quæ nuper Romæ Latino, & Armeno idiomate edita est typis sacre Congregationis de propaganda fide. Ab hoc, qui multis annis in illis regionibus moratus est, & ab eius discipulo Der Garabiet Monacho Armeno Cyriaci Armeniorum Patriarchæ Catholici nuper defuncti fratre germano viro Catholico ea didici, quæ de illius Ecclesiæ ritibus hic fideliter describo.

2. Psalterium, sicut Græci in viginti Cathismata, ita Armeni in octo sectiones diuidunt, quas canones appellant. Prima sectio continet Psalmos decem & septem, à primo vsque ad 8. *Celi enarrant*, exclusiue. Secunda habet Psalmos decem & octo, à decimo octauo vsque ad 36. *Noli emulari in malignantibus*. Tertia constat Psalmis vndeiginti, à trigésimo sexto vsque ad 55. *Miserere mei Deus quoniam conculcauit me homo*. Quarta est Psalmorum decem & septem, à quinquagesimo quinto vsque ad 72. *Quam bonus Israël Deus*. Quinta est Psalmorum viginti septem, à septuagesimo secundo vsque ad 99. *Iubilate Deo omnis terra*. Sexta habet Psalmos septem, à nonagesimo nono vsque ad 106. *Confitemini Domino quoniam bonus*. Septima Psalmis constat tredecim, à centesimo sexto vsque ad 119. *Ad Dominum cum tribularer clamaui*. Octaua denique ab hoc vsque ad finem Psalmos continet triginta duos. Hæ Psalterij diuisiones adiunguntur Officio diuino iam ex Psalmis, aliisque precibus constituto, sicut Græcorum Cathismata: & sic Psalterium non semel, aut bis in Hebdomada, vt supra de Græcis dictum est, sed semel in die totum ex integro in Monasteriis percurrunt. In aliis autem Ecclesiis

ipsas sectiones ita per ferias diuidunt, vt non nisi semel in Hebdomada Psalterium expleant.

1. Totum Officium in octo diuidunt partes. Prima dicitur *Alephobiejeru*, siue media nox, & est Officium nocturnum, quod ab illis media nocte tectatur. Secunda, *Artaodian*, Diluculum, siue Laudes. Tertia, *Arienachal*, ortus solis, idest Prima. Quarta, *Ieruort*, hora tertia. Quinta, *Viezjeruort*, hora sexta. Sexta, *Innieuort*, hora nona. Septima, *Ierieghuorian*, Vespere. Octaua, *Khabagbagban*, pacificatio, siue requies, & est Completorium. His accedit nomen quoddam Officium, quod à singulis priuatim dicitur in fine crepusculi vespertini antequam cubitum eant. Sed de singulis sigillatim agendum est.

Nocturnum Officium incipit ab Oratione Dominica. Tum dicunt *ter Domine labia mea aperies, & os meum annuntiabit laudem tuam. Benedicta sis consubstantialis, vnica, & indiuidua Trinitas Pater, & Filius, & Spiritus sanctus nunc & semper, & in secula seculorum Amen.* Sequuntur Psalmi *Domine quid multiplicati sunt, Domine Deus salutis meae: Benedic anima mea Domino, & omnia quae intra me sunt: Domine exaudi orationem meam, auribus percipe obsecrationem.* In fine Psalmorum dicitur *Gloria Patri: Tum Oratio* quae incipit, *Excitati à quiete somni, quem nobis concessit amator hominum Deus in subsidium fragilitatis nostrae gratias agamus illi.* Post Orationem legitur Concio siue Parænesis, qualem psallunt quinquagesies *Domine miserere*, & in diebus ieiuniorum centies magna & elata voce; diebus autem festis ter tantum. Mox vnus dicit Orationem *Gratias agimus tibi Domine Deus noster, &c.* cantant deinde Hymnos, siue Cantica quædam ab ipsis composita vario metrorum genere. Post hæc diebus Dominicis legunt Euangelium. Sequuntur preces. *Intercessione sanctæ Dei Genitricis, S. Ioannis Baptiste, & S. N. illius scilicet cuius festiuitas agitur, concede nobis omnipotens Deus, &c.* Hic interferunt duas priores Psalterij sectiones: Tum leguntur quatuor Conciones quæ sermones exhortatorii, diuersi pro temporum diuersitate, & post singulos singulas cantant Orationes diuerso tono. Sequitur Hymnus incipiens *Reu seculorum.* Tum alius Hymnus singulis feriis diuersus. Mox alia deprecatio, lectio Menologij, *Pater noster*, & finis. Et hic petuntur tertia, quartam, & quintam sectionem Psalterij.

Laudes post Orat. Dominicam inchoantur à Versu *Repleti sumus mane misericordia tua* vsque ad finem Pl. Sequitur immediatè Cant. 3. puerorum. Tum Oratio *Benedicite Creatorem creaturarum, Dominum dominorum, Regem regum, &c.* Ode in laudem SS. Inuitatio ad orandum. Oratio ad Beat. Virginem. Canticum *Magnificat.* Hymnus in laudem B. Virginis. Canticum *Benedictus*: Hic verò

diebus Dominicis sequentia intermiscent : preces pro omni statu hominum hoc modo Sacerdos ait, *Oremus Dominum* pro tali re, vel persona : Respondent omnes *Dominum oremus* : Orationem *Tu es Rex seculorum, &c.* Tres Versus Psalmorum diuersos pro temporum diuersitate : *Sit nomen Domini benedictum ex hoc nunc & usque in seculum* : Euangelium de Resurrectione : sermonem seu concionem, *Leti magno gaudio propter nuntium Resurrectionis Domini nostri Iesu Christi, &c.* & breuem Orationem. Hæc omnia diebus Dominicis. Aliis diebus post Canticum Zachariæ sequitur Oratio. Deinde Psalm. 50. *Miserere.* Exhortatio ad orandum per intercessionem sanctorum illius diei. Ode iterum Encomiastica sanctorum. Oratio qua prosternunt se Deo. Psalmus *Laudate Dominum de caelis* cum duobus sequentibus. Tres Versus replicati in honorem Dei, & Sanctorum illius diei. *Gloria in excelsis Deo.* Duo Versus ex Psalmis, varij pro dierum varietate. Orationes quas tres Monachi, seu Clerici decantant. Oratio. Trisagion, Psalm. *Laudate pueri Dominum.* Hic verò die Dominica legitur Euangelium diei. Ode seu Hymnus, Psalmi, *Verba mea auribus percipe Domine. Dilexi quoniam exaudiet Dominus,* cum duobus sequentibus. *De profundis, Deus in nomine tuo saluum me fac.* Duo postremi Versus Psalmi 85. Iterum preces pro omni statu hominum Hymnus, Concio, Oratio, *Pater noster,* & finis.

Prima sic peragitur. *Pater noster. Sit nomen Domini benedictum in secula, ante solem permanet nomen eius,* cum cæteris Versibus usque ad finem Psalmi 75. *Gloria Patri.* Oratio, Psal. *Bonum est confiteri Domino,* Oratio ; Psalmi, *Deus Deus meus ad te de luce vigilo : Te decet Hymnus.* Oratio. Hymnus diebus dumtaxat ieiuniorum. Psalmus, *Deus Deus meus respice in me. Audiam fac mihi mane misericordiam tuam,* usque ad finem Psalmi 142. *Eruantur cor meum. Deus in adiutorium meum intende.* Duo postremi Versus Psalmi 85. *Gloria Patri,* Concio, Oratio, & *Pater noster.*

Ad Tertiam. *Pater noster.* Oratio ad Spiritum sanctum. Psalm. 50. *Miserere.* Canticum, & Concio, *Sectio sexta Psalterij.* Oratio iterum ad Spiritum sanctum. Psalm. 21 & 142, à Versu octauo usque ad finem. *Gloria Patri.* Concio, Oratio, & *Pater noster.*

Ad Sextam. *Pater noster* Oratio ad Patrem. *Miserere.* Concio, & Oratio. *Sectio septima Psalterij.* Quatuor primi Versus Psalmi 40. Psalm. *Qui habitat.* Concio, Oratio, & *Pater noster.*

Ad Nonam *Pater noster.* Oratio ad Filium, *Miserere.* Concio, & Oratio. *Sectio octaua Psalterij.* Psalmi *Dilexi, Credidi,* & *Laudate Dominum omnes gentes.* Canticum. Concio, & *Pater noster.* Hic autem in conuentu dicitur Missa, siue Liturgia. Hac peracta, & extra Ecclesiam ea omiſſa sequitur Psalmus vnus diuersus pro varie-

tate

tate diei. Tum encomium, siue Oratio panegyrica ad Sanctum cuius ea die recolitur memoria. Trisagion, Oratio, & Concio. Versus aliquot Psalmorum. Lectio proluxa ex Prophetis, vel ex Apostolo, ita ut integra Epistola perlegatur. *Alleluia* bis. Tres Versus ex Psalmis. Semel *Alleluia*, Lectio Euangelij. *Credo*. Concio, & Oratio. *Pater noster*, & finis.

Vesperæ sic celebrantur. *Pater noster*, *Ego autem ad Deum clamaui*, & *Dominus saluabit me*. *Vespere*, & *mane*, & *meridie* narrabo, & *annunciabo*, & *exaudiet vocem meam*. Sequuntur alij Versus ab ipsis compositi. Tum *Gloria Patri*. Psalmus *Inclina Domine, Gloria Patri, Gloria tibi Domine*. Psalm. 139. *Eripe me Domine ab homine malo*, cum duobus sequentibus. Preces vt supra in Laudibus, repetendo viginti tribus vicibus ad totidem Orationes *Dominum oremus*: sed hæ preces dicuntur tantum die Dominico. Deinde Oratio. Trisagion. Psalm. *Leuaui oculos meos in montes*. Canticum. Concio, & Oratio. Psalmi *Qui habitat, Ad te leuaui oculos meos. Deus in nomine tuo saluum me fac*. Concio. Oratio. *Pater noster*.

Completorium duplex est. Alterum dicitur in Ecclesia immediatè post Vesperas in ipso occasu solis. Alterum à singulis priuatim recitatur initio noctis post refectionem in fine crepusculorum, post quod desas est quicquam cibi, vel potus capere, aut cum aliquo colloqui. Primum fit procedit. *Pater noster. Domine Deus salutis meæ in die clamaui*, & *nocte coram te: Intret in conspectu tuo oratio mea, inclina aurem tuam ad precem meam. Gloria Patri*. Psalmi *Cum inuocarem. Domine ne in furore. Usquequo Domine. Conserua me Domine. Exaudi Domine iustitiam meam. Quemadmodum desiderat ceruus. Deus in adiutorium*. Duo postremi Versus Psalmi 85. *Gloria Patri*. Canticum prolixum, quo faustam à Deo noctem precantur. Concio, & Oratio, Psalm. *Dominus illuminatio mea*. Hymnus diebus dumtaxat ieiuniorum. Concio, Oratio, & *Pater noster*.

Secundum sic recitatur. *Pater noster. Emitte lucem tuam*, & *veritatem tuam*, & quæ sequuntur vsque ad finem Psalmi 42. *Gloria Patri* cum quibusdam versiculis. Ex Psalmo *Beati immaculati in via* aliquot octonarij, videlicet, *Et veniat super me misericordia tua Domine: Memor esto verbi tui seruo tuo: Iniquos odio habui: Appropinquet deprecatio mea in conspectu tuo Domine*. Psalmi 35. quatuor postremi versus, *Quoniam apud te est fons vite, &c.* Ex Cantico Abacuc, *Ego autem in Domino speraui vsque ad finem. Psalmi Qui habitat. Ad te leuaui oculos meos. Deus in nomine tuo saluum me fac*. Initium Cantici puerorum, *Benedixit es*, vsque ad *Benedicite aquæ*. Psalmus postremus *Laudate. Nunc dimittis*. Ex Psalm. 137. Versus *si ambulauero vsque ad finem*. Ex Psalm. 141. *Clamaui ad te Domine vsque ad finem. Magnificat*. Duo vltimi Versus

Pſalm 85. Oratio, Pſalmus *Cum inuocarem*. Hymnus, Lectio Evangelij. Oratio proluxa. *Pater noster*, & finis.

4. In Armenia maiori est parua quædam Prouincia quæ dicitur Nasciuanensis decem circiter oppida habens, in quorum maiori Abrauer residet Episcopus Catholicus. Hæc ad veram, & Catholicam fidem conuersa fuit tempore Ioannis XXII. Romani Pontificis à B. Bartholomæo Bononiensi Ordinis Prædicatorum illarum partium Episcopo: suntque in ea aliquot eiusdem Ordinis monasteria, in quibus diuinum recitatur Officium lingua quidem Armena, sed iuxta consuetudinem Fratrum Prædicatorum, quem ritum sequuntur etiam Presbyteri seculares in prouincia degentes.

§. XVI.

De ritu Maronitarum.

1. Cæsar Baronius in Notationibus ad Romanum Martyrologium ad diem vigesimam primam Octobris; Maronitæ, inquit, sunt illi Christiani qui proprios habentes Episcopos, degentes in monte Libano magna fidei sinceritate, & animi ardore communicant Romanæ Ecclesiæ. An verò Maronitarum nomen à Maronia ciuitate Syriæ, vel à sancto Marone Abbate sortiti sint, non audet definire. Ipsi autem Maronitæ in Romano Collegio degentes hac de re à me interrogati responderunt se primos esse Christi fideles, qui ab ipso Christo siue ab Apostolis ad fidem conuersi fuerunt, quam semper integram, & inuiolatam conseruauerunt: atque ideo ipsi soli inter omnes Phœnicie incolæ Romanum Pontificem Christi Vicarium esse, & Petri successorem considentur. Nomen autem Maronitarum vel à S. Marone primo illarum gentium Patriarcha se accepisse existimant: vel quia Maronita voce Syriaca idem est ac Dominicus, unde ipsi Maronitæ siue Dominici vocantur, quia fidem nunquam violarunt, quam à Domino acceperunt. Plura de Maronitis, eorumque nomine, statu, & Religione curioso Lectori suppeditabit Franciscus Sacchinus Historiæ Societatis Iesu p. 4. lib. 6. num. 37. & sequentibus. Habent isti proprios ritus, & diuina Officia lingua Syriaca persoluunt: cum vulgaris ipsarum Arabica sit.

Septem apud Maronitas sunt Horæ Canonicæ. Media nox, siue Nocturnum, Matutinum, Tertia, Sexta, Nona, Vesperæ, Completorium. Nocturnum eorum lingua dicitur *Lilio* hoc est nox, quia media nocte recitatur. Matutinum *Saphio* hoc est Aurora; Tertia *Tlor sciobin*, Sexta *Sret sciobin*, Nona *Tesasciobin*, Vesperæ *Ramso*, Completorium *Sutro* hoc est protectio, seu destructio; quia dicitur post occasum, vel vt ita dicam post destructionem solis. Horam Primam non habent.

Psalterium nec per Hebdomadam, nec per totum annum recitant, sed certos quosdam Psalmos invariabiliter singulis horis dicunt, nimirum media nocte, *Ecce nunc benedicite Dominum, & Laudate Dominum omnes gentes*: ad Matutinum *Deus Deus meus ad te de luce vigilo, Qui habitat, Miserere, & Laudate Dominum omnes gentes*: ad Tertiam, & Nonam *Miserere*: ad Vesperas *Miserere, Domine clamavi ad te, voce mea ad Dominum clamaui, & ex Psalmo 118. octo Versus incipiendo à Versu Lucerna pedibus meis verbum tuum*: ad Completorium *Miserere, Qui habitat, & Laudate Dominum omnes gentes.*

In principio & fine cuiusque Officij semper dicunt Trisagion, *Pater noster, Ave Maria, Credo in vnum Deum*, & aliam Orationem. Deinde semper cum Hymno recitant aliquem Psalmum, vel aliquod Canticum, vel aliquas inuocationes. Prius autem recitatur vna pars Psalmi, vel Cantici, siue aliqua inuocatio: postea dicitur vna pars Hymni: sequitur alia pars Psalmi, tum sequens pars Hymni, & sic deinceps donec Hymnus ex integro persoluatur.

Hora mediæ noctis continet sexdecim Orationes, vndecim Cantica, sex Hymnos, duos Psalmos, Responsorium vnum, & alias inuocationes. Primò autem recitatur vna Oratio, & vnum Canticum cum secunda Oratione: deinde primus Hymnus cum primo Psalmo, & duæ aliæ Orationes, & secundus Hymnus cum aliquibus inuocationibus: Tum quinta Oratio, & duo alia Cantica cum duabus Orationibus, & tertius Hymnus cum inuocationibus: octaua Oratio, & duo Cantica, & tres Orationes: Hymnus quartus cum inuocationibus, & vna Oratio, & duo Cantica: decimatertia Oratio & quintus Hymnus cum vno Cantico: deinde vnum Responsorium cum duabus Orationibus, & sextus Hymnus cum secundo Psalmo: demum Oratio decimasexta, & reliqua Cantica.

Matutinum vndecim habet Orationes, septem Hymnos, sex Cantica, quatuor Psalmos, & vnum Responsorium, hoc pacto. Dicitur prima Oratio, & primum Canticum: secunda Oratio, & secundum Canticum, atque tertia Oratio: primus Hymnus cum tertio Cantico, & quarta Oratio: secundus Hymnus cum primo Psalmo, & quinta Oratio: tertius Hymnus cum secundo Psalmo, sexta Oratio: quartus Hymnus cum tertio Psalmo, & septima Oratio: quintus Hymnus cum quarto Cantico, & octaua Oratio: sextus Hymnus cum inuocationibus, & nona Oratio: septimus Hymnus cum quarto Psalmo: deinde Responsorium, duæ Orationes, quintum Canticum, Oratio, sextum Canticum, & finis.

Tertia, Sexta, & Nona habent quinque Orationes, & tria Cantica, siue duo Cantica, & vnum Psalmum. Sexta habet tria Cantica: Tertia, & Nona vnum Psalmum, & duo Cantica. Sic verò in his,

proceditur. Dicitur primò Oratio, deinde Psalmus, vel Canticum: sequuntur tres Orationes, vnum Canticum, alia Oratio, & aliud Canticum, & finis.

Vesperæ Orationes septem, duos Hymnos, quatuor Cantica, quatuor Psalmos, & vnum Responsorium continent hoc ordine. Psallitur vna Oratio, & vnum Canticum: secunda Oratio, secundum Canticum, & tertia Oratio; Hymnus cum primo Psalmo, & quarta Oratio: secundus Hymnus cum reliquis tribus Psalmis: deinde Responsorium, quinta, & sexta Oratio, tertium Canticum, septima Oratio, & quintum Canticum.

Completorium quinque Orationibus constat, & tribus Psalmis; duobus Hymnis, & duobus Canticis. Vna dicitur Oratio, & vnus Psalmus: deinde secunda Oratio, & Hymnus cum secundo Psalmo: mox tertia, & quarta Oratio, & vnum Canticum: tum Hymnus secundus cum tertio Psalmo: demum quinta Oratio, & secundum Canticum.

§. XVII.

De ritu Illyricorum.

Illyricum, seu Sclauonia propriè dicitur ea regio, quæ Dratum; Sauumque amnem interiacet, ab occasu Stiria, ab ortu Danubio clausa, à Septentrione perpetuis montium iugis, quibus à Pannonia discernitur. Sclauonia dicitur à gente Sclauonica, quæ olim circa Mæotidem paludem habitabat, & in has regiones descendit. Porro lingua Sclauonica longè, lateque patet, atque ideò plurimæ gentes sacra peragunt hoc idiomate. Ritus verò sequuntur vel Græcum, vel Latinum. Nam in Dalmatia littorali, in Liburnia, & in Istria omnes Ecclesiastici tam seculares quam Regulares Romano ritu psallunt, habentque Breviarium Romanum Illyrica lingua impressum. In cæteris autem regionibus, videlicet in Seruia, Mysia, Bosnia, Bulgaria, Russia minori Regi Poloniæ subdita, in Volhunia, Podolia, & parte quadam Lituaniæ, aliisque finitimis provinciis ritu Græco diuinum peragitur Officium translatum Græcorum Typicis in Sclauonicam linguam. Eosdem Græcos ritus eadem lingua seruant Moscovitæ, quorum Regio Russia maior, seu Roxolania nuncupatur & quicunque parent Moscovitici Ducis amplissimo imperio: Christiani quoque Tartari circa Tauricam Chersonesum, Circassi, & multæ Ponticæ nationes. Aiunt quidam Historici Gregorium VII. vsum huius linguae in sacris Vladislao Bohemorum Duci noluisse concedere: sed concessum iampridem fuisse, anno scilicet 880. narrat Baronius.

§. XVIII.

De ritibus Æthiopum, siue Abassinorum, & Coptorum.

1. **D**Erebis Abassinorum tres libros scripsit Nicolaus Godignus, ex quibus statum illius regionis curiosus lector intelliget. Est autem Abassia ea pars Africae, quam veteres Æthiopiam sub Ægypto vocarunt, atque eius Principis imperio subiecta est, quem vulgò Europæi Preeciannem appellant. Ab ipso exordio Apostolicæ prædicationis Christi fidem susceperunt Æthiopes, prædicante ipsis Eunucho Candacis Reginae, quem paulo post S. Matthæus Apost. sequutus est. Vnicum habent Episcopum, quem Abunam id est patrem vocant, missum illuc à patriarcha Alexandrino. Schismaticos eos esse, & erroribus Diofcori, atque Eutychetis infectos notissimum est. His addiderunt quasdam Iudaicas superstitiones, quibus pertinaciter adherent. In sacris lingua Æthiopica vtuntur, quæ tamen à populari diuersa est. Nocturnum Officium vocant *Manfabcaltis*, Prænam *Neg*, tertiam *Selestû*, Sextam *Sedestû*, Nonam *Tasastû*, Vesperas *Saro*, Completorium *Noam*. Copti, seu Copti sunt quidam Christiani Ægyptij sic dicti à Copto celeberrima olim ciuitate, & Metropoli thebaïdis, de qua Strabo lib. 17. & Plutarchus lib. de *Osiride*. Habent quindecim Monasteria, & proprium patriarcham, qui residet in vrbe Cairo, vel in Monasterio S. Mercurij ad mare rubrum. Vernacula eorum lingua Arabica est. At verò in sacris lingua Coptica vtuntur, quæ antiqua Ægyptiaca est, quam Monachi primi thebaïdis cultores ab interitu vindicarunt. Multi sunt Codices hac lingua scripti in Bibliotheca Vaticana, multi item in Ægypto. plura de hac gente curiosus lector inueniet in Prodomo Copto Athanasij Kircher. Horum ritus Æthiopum ritibus similes esse asserit citatus Auctor cap. 5. *Prodomi*. Æthiopes autem habent Romæ Ecclesiam S. Stephani propè Basilicam S. Petri, in qua tres viros reperi, duos Presbyteros, & vnum Monachum, quos de ritibus suæ Ecclesiæ adhibito Interprete non semel interrogauimus, sed quod sacros Codices non habeant, nihil ab eis ediscere potui, præter ea quæ sequuntur. Omnia Officia incipiunt ab Oratione Dominica, & Angelica salutatione. Initio nocturnæ precis recitant psalmum *Venite exultemus*. Legunt prolixè sacras Scripturas, scripta verò sanctorum Patrum nunquam legunt, nisi in hebdomada sancta. Singulæ horæ duodecim psalmis constant, quorum vnus semper est psalm. 50. *Miserere*. In Monasteriis, in quibus magna multitudo Monachorum est, semper ante prandium integrum psalterium percurrunt breuissimo spatio temporis diuisis per singulos Monachos psalmis, siue psalmodum sectionibus, cū longiores sunt. Hæc illi. Porro de Coptis, eorumque erroribus, obstinatione, & astricti, deque solemnii legatio-

ne ad eos missa longam, & scitu dignam Historiam narrat Franciscus Sacchinus parte 2. Historiæ Societatis Iesu lib. 6. à num. 121. vsque ad 157.

§. XIX.

De aliis quibusdam ritibus Ecclesiæ Orientalis.

I. Nter mare Caspium, & Pontum Euxinum sitæ sint Iberia, Colchis, & Albania. Albanenses ritum sequuntur Armenum in propriam linguam translatum. Sed aduertendum aliam esse Albaniam in Europa, sic dictam ab Albanis Asiaticis qui à Tartaris expulsi istic considerunt. Est hæc illa pars Macedoniæ, quæ ad mare Ionicum vergit, & Illyrico siue Dalmatiæ iungitur, atque etiam Epirum complectitur, habetque proprium idioma ab Illytico, & Græco diuersum, quo sacra gentes illæ peragunt ritu Græco. Iisdem Græcis ritibus vruntur Colchi, & Iberi suo quisque idiomate. Colchi nunc Mengrellenses vocantur, habitantque syluosos colles, & saltus horribiles sparsim more ferarum, absque vlla non solum vrbis, sed nec vici quidem frequentia. Huc Iasonem cum Argonautis nauigasse, aureumque vellus in Græciam transtulisse Poëtæ fabulari sunt. Vix præter nomen quidpiam habent Christianæ Religionis. Iberi nunc Georgiani dicuntur. Circa diuinum Officium in eo sunt errore, vt non omnes Ecclesiastici illud recitent, sed vnus tantum, vel duo, cæteris adstantibus, & minimè attendentibus. Horum mores, & hæreses fusè describit, qui eas regiones peragrauit, Clemens Galanus in conciliatione Ecclesiæ Armenæ, & Romanæ, parte 1. cap. 12. Chaldæi & Syri ritum Maronitarum sequuntur, sed hæretici Nestoriani, & Iacobitæ plerique sunt. Nestoriani in Babylonia, Persia, & aliis Asiæ regionibus degunt, & in Mesopotamia. Inuocant in diuinis Officiis Nestorium, & Theodorum Mopsuestenum, & S. Cyrillum anathematizant. Residet vt plurimum eorum Patriarcha in ciuitate Mosal, quam dicunt esse Niniuem magnam. Iacobitæ à quodam Iacobo Syro Dioscori sectatore nomen acceperunt, suntque dispersi per ciuitates, & oppida Syriæ, Mesopotamiæ, & Babyloniæ. Horum Ecclesia Patriarchalis est in Mesopotamia extra ciuitatem Mardim in Monasterio Zafran. Verum Patriarcha residere solet in ciuitate Caramit, vt testatur Thomas à Iesu lib. 7. de *Conuersione omnium gentium procuranda*. Alij sunt in Persia, & India Orientali solo nomine Christiani, qui se Christianos S. Ioannis Baptiste nuncupant, sed hi nullum Officium recitant, carentque forma, & materia legitima Sacramentorum. In Indiis item Orientalibus in Prouincia Malauar propè insulam Zeilan est alia natio Christianorum, qui dicuntur Christiani S. Thomæ. Hi olim Archiepiscopos ex Armenia habuerunt, qui lingua Syriaca diuina Officia ritu Armeno celebra-

bant, quo idiomate etiam nunc vtuntur. Ideo qui sacris initiari volunt, præter communem regionis linguam, etiam Syriacam, vt nos Latinam, ediscunt.

§. XX.

De Codicibus sacrarum Precationum.

1. **C**odices diuinorum Officiorum, siue, vt loquitur Vigilius *Papa epist. 1. ad Eutberium*, Canonica precis textus apud Græcos multi sunt Psalterium in 20. Cathismata diuisum, vt supra dictum est. Lectiones veteris, & noui Testamenti Triodiam, in quo sunt Canones trium Odarum, quæ tempore Quadragesimæ recitantur. Pentecostarium, in quo sunt Officia à die Paschæ vsque ad Pentecosten. Menæ in 12. tomos diuisa, quot sunt menses, & continent Officia Sanctorum. Menologium, in quo nomina Sanctorum, & vitæ breuiter recensentur, fusius tamen quam in Latino Martyrologio. Euchologium continens Orationes, & benedictiones pro diuersis functionibus Ecclesiasticis. Horologium, quod est Officium diurnum. Anthologium, in quo multa sunt Officia in variis libris dispersa. Panegyricus habet diuersas Orationes in varias festiuitates. Diaconicon de Officio Diaconi. Paracleticus quotidiani vsui deferuiens. Octoechus de octo tonis, seu modis musicis, quo in libro sunt Canones, & troparia diuersa. Hermolarius, siue Hirmologium rithmum indicans, siue tonum iuxta quem debet Canonum cantus inflecti. Sunt denique Liturgiæ, & alij libri ad Missam spectantes. Agit de his diffusè & accuratè Leo Allatius in Dissertatione de libris Ecclesiasticis Græcorum.

2. Plures quoque sunt Latinorum Ecclesiastici libri, videlicet Psalterium, Lectionarium, Collectaneum, Antiphonale, Hymnarium, Martyrologium, Rituale, Ceremoniale, Sacerdotale, Pontificale, Missale, Graduale, Diurnum, & Breuiarium. Omnia autem Officia in Breuiario descripta sunt, qua voce ad significandum Codicem diuinorum Officiorum vsos esse antiquos Patres constat ex Epistola cuiusdam Presbyteri Aurelianensis ad Richardum Priorem S. Victoris, qua petit ab eo lectiones inferendas Breuiario. Habetur tomo 4. Scriptorum Historiæ Franciæ. Est autem Breuiarium idem ac summarium, compendium, opus concisum. Seneca calumniatur hanc vocem tanquam minus Latinam: Breuiarium, inquit. olim cum Latine loqueremur, summarium vocabatur. Sed Plinius, & Suetonius, quos Latine loquutos fuisse nemo negarit, hoc vocabulo vti non dubitarunt. Legi etiam apud Eginhardum in vita Caroli Magni eius testamentum Breuiarium dici, quia scilicet compendio facultatum illius dispositionem continebat. De Breuiarij notione legendus Pithæus ad leges Francicas, itemque Gretserus lib. 1. in Codicum. Cur verò

Epist. 163.

Senec. epist. 39.

Plin. lib. 13. c. 26.
Sueton. in August.
sto.

Gaz. in notis ad
Cassianum lib. 4.
de inst. c. ult.
Lessius de iust. l. 2.
cap. 37. dub. 2.

liber diuinorum Officiorum hanc nomenclaturam sortitus sit, explicant viri docti Alardus Gazæus, & Leonardus Lessius. Continet enim omnes Psalmos, qui sunt compendium totius scripturæ: tum selectissima quæque complectitur ex utroque testamento, insigniorem sanctorum Patrum doctrinam, præcipua Sanctorum gesta, Hymnos, & Oraiones. Addiderim ego Breuiarium diei, quod in eo concisè, ac sine musicalibus notis ea omnia conscripta sint, quæ in Antiphonariis, aliisque libris Choralibus magnis characteribus ad vsum cantantium comprehenduntur. Denique Breuiarii nomen ad Officij diuini breuitatem referri potest: nam illud prolixum non esse & longum iniuria dici, rectè euincit lib. 1. de horis Canonicis cap. 28. Oliuerius Bonartius; constatque euidenter ex collatione hodierni Breuiarii post Pium V. cum antiquioribus, quæ multo prolixiora sunt. Imò etiam vetus Romanum à Fratribus Franciscanis olim abbreviatum fuisse Radulphus Tungrensis conqueritur libro de Canonum obseruantia propositione vigesima secunda, & alibi passim.

CAPVT XIX.

De disciplina psallendi.

Lib. 5. de vitis PP.
libello 11. nu. 11.



N VLLA actio Religiosorum maioris momenti est, nulla maioris obligationis, quam recitatio diuini Officij: dixit enim Abbas Theodorus, quia si nobis imputaret Deus negligentias temporis quo oramus, & captiuitates quas patimur dum psallimus, non possumus salui fieri. Ea tamen incuria nostræ salutis, vt plurimum laboramus, vt omnia negotia & studia secularia accuratissimè peragamus; Sacras verò precationes perfunctoriè omninò, mente distracta, ac prorsus aliud agendo persoluamus, omnem Dei cultum non sine magno æternæ vitæ discrimine negligentes. Nam, vt S. Simeon Monachus scribit, Væ talibus, cum Deo laudes concinunt, væ, cum Deum adorant, væ, cum preces ad eum fundunt. Parum est Sacerdotalis functionis exteriores duntaxat ritus, & ceremonias perspectas habere, si externis actibus internas spiritus operationes copulare nesciamus. Sanctus Benedictus ad hanc sapientiam certissimus Magister, cum per multa capita cœlestis suæ Regulæ nocturnæ diurnæque Psalmodiæ ordinem accuratè digessimus, mox decimum nonum caput adtexuit de disciplina psallendi, vt quoties ad opus diuinum assistimus, consideremus, air, qualiter oporteat nos in conspectu Diuinitatis, & Angelorum esse, & sic stemus ad psallendum, vt mens nostra concordet voci nostræ. Huius ego incomparabilis Magistri exemplum & institutionem numerationis

Sim. orat. 4. de fid.
& morib.

merationis serie, titulique inscriptione sequutus post descriptas horarum Canonicarum partes omnes, & symbolicas earum rationes, ad asceticam me confero tractationem, quæ si longior aliquanto fuerit, boni consulat lector; non enim simpliciter psallere; sed attentè, devotè, & reuerenter psallere id Deo gratum, id animæ nostræ proficuum est.

§. I.

De duplici preparatione ante Officium, remota, & proxima. Remotam in rectitudine vitæ, in libertate animi, in oris taciturnitate: Proximam in puritate intensionis, in diuina presentie consideratione, in diuini auxilii imploratione sitam esse.

1. **A** Preparatione incipio, siquidem scriptum est, *Ante orationem prepara animam tuam, & noli esse quasi homo qui tentat Deum.* Quis enim audeat in conspectu Principis non præparatam orationem habere? Aut quis musicus, vel citharædus coram Rege, & Magnatibus præsumat canere, nisi prius temperet fides, & probe instrumentum? Nos autem, ait Chrysostomus, quando ad Deum accedimus, id esse existimemus theatrum, sed ex vniuerso orbe terrarum, vel potius ex supernis populis cœlestibus collectum; & Regem in medio sedere, qui vult nostram audire orationem. Nullus sit citharædus, nullus lyricen, qui ita se exerceat scenam ingressus timens ne quid insuauæ, & inconcinnum canat, vt nos ingressuri theatrum Angelorum. Vetus præcæmia est *Adoraturi sedent*, qua paratum, purgatumque animum ad orationem afferre monemur. Sancti verò Patres preparationem duplicem faciunt remotam, & proximam. Primam sic explicat Laurentius Iustinianus: Preparatio remota est orantis vitæ laudibilis. Multum enim iuvat orationis puritatem, si in omni loco, actu, & tempore nos ab opetibus temperemus illicitis, & diuinis obediamus præceptis: si semper ab otiosis sermonibus auditum pariter castigemus & linguam. Quæcumque enim sapius agere, loqui, vel audire consueuimus, necesse est frequenter ad animum quasi solitam, propriamque recurrant ad eandem. Rectè de eadem re Gregorius Magnus, si quod præcipit Deus facimus; id quod petimus obtinemus. Valdè namque apud Deum, utraque hæc sibi necessariò congruunt, vt & oratione operatio, & operatione fulciatur oratio. Propterea ait Propheta, *Iniquitatem se aspexit in corde meo, non exaudiet Dominus.* Remota etiã preparatio est non solum carere peccatis, sed & à prauis affectionibus, & ab externis tumultibus liberam habere mentem, & cor expeditum. Sententia cuiusdam Platonici est, optimam apud Deum oblationem esse mentem puram, & perturbationum vacuum animum. Diadochus item Photicensis eleganter docet oportere eos qui cottant animum semper extra perturbationum fluctus conseruare: mare enim cuius

Ecclesi. 18. 13.

Chryl. in Psal. 4.

Iustin. de orat. c. 3.

Greg. 18. moral. cap 5.

Psalm. 65.

Porphyrius lib. 1. de abst. animal. 2. Diadoch. de pænit. spirit. cap. 16.

tranquillum est usque ad fundum est piscatoribus perspicuum, cum verò ventis agitur, tegit tempestate turbida, quæ in placida tranquillitate largiter facit perspicui. Ad hanc animi libertatem assequendam nil vtilius silentio. Nam *in multiloquio non deerit peccatum: & qui custodit os suum, custodit animam suam* Pythagoras, teste Apuleio, primus Philosophiæ nuncupator & conditor, nihil prius discipulos suos docuit, quam tacere, primaque apud eum meditatio sapienti futuro linguam omnem coercere: prorsus hoc erat primum sapientiæ rudimentum meditari condiscere, loquitari dediscere. Taciturnitas, ait Climacus, mater orationis est. Et Ioannes Abbas Raitu; Silentium, inquit, custodia virtutum. Tandem, ut verbo omnem remotam præparationem completar, meminisse debemus sanctissimæ institutionis, quam tradit Cassianus, ut tales nimirum esse studeamus ante orationem, quales orantes volumus inueniri.

2. Altera præparatio specialis, & proxima illa est, quæ iam instantis Officij hora fieri debet. Scimus enim, ait Richardus Victorinus, quia intimè & deuotè nunquam mens orat, quæ se ad deuotionem studiosis præmeditationibus prius non excirat. Primò igitur, audio signo, quo ad sacram synaxim conuocamur, oratio nostra recta intentione in suum finem dirigenda, qui Deus est, aliquin Deo placere nequaquam poterit, nisi eius ipse sit causa. Sincera verò, & rectissima intentio est Deum solum semper respicere, de præmio & mercede nihil sollicitum esse, maiorem Dei gloriam, & beneplacitum eius quocunque alio respectu excluso obseruare. Optimè de hac re Augustinus in illum Psalmi Versiculum, *Voluntariè sacrificabo tibi, & confitebor nomini tuo Domine, quoniam bonum est*: Quare, inquit, voluntariè? quia gratis amo quod laudo. Laudo Deum, & in ipsa laude gaudeo, ipsius laude gaudeo, quo laudato non erubescō. Gratuitum sit & quod laudatur, & quod amatur. Quid est gratuitum? ipse propter se, non propter aliud. Contemne omnia, ipsum attende, ipsum gratis dilige, quia melius ab eo non inuenis quod des, quam seipsum. *Et confitebor nomini tuo Domine, quoniam bonum est*. Ob nihil aliud, nisi quia bonum est. Numquid ait, Confitebor nomini tuo, quia das mihi fructuosa prædia, quia das mihi aurum & argentum, quia das mihi laras diuitias, excellentissimam dignitatem? Non. Sed quid? quoniam bonum est. Melius nihil inuenio quam nomen tuum, ideo *Confitebor nomini tuo, quoniam bonum est*. Ergo laudare Deum propter solum Deum, hoc verè Deum laudare est. Oculis simplex ex sententia Saluatoris nostri totum corpus lucidum facit, quia, ut explicat Gregorius, per bonæ intentionis radium merita illustrantur actionis. Ideo sponsus in Canticis, Sponsæ oculos præ cæteris membris collaudat, sequè mirificè captum unico eius oculo declarat dicens, *Vulnerasti cor meum soror mea sponsa, rub.*

Apul. F. orid. l. 2.

Climac. gr. 11.
Ioan. Abb. ad gr.
27. Climaci.

Cass. col. 9. cap. 3.

Rich. de erud.
hom. int. l. 1. c. 7.

Aug. in Ps. 55.

Matth. 6. 12.

Greg. lib. 18. mor.
cap. 6.

Cant. 4. 9.

verasti cor meum in vno oculorum tuorum. Non dicit in oculis, quasi in pluribus, quia vnica debet esse intentio, vnus oculus simplex, & directus in vnum. Qui plures oculos habet, diuisus est: non respicit Deum, non dicit cum Propheta *ynam petij à Domino, hanc requiram:* Ad summam, non querit Deum, qui cum ipso Deo aliud à Deo querere conuincitur. Porro cum intentio duplex sit, actualis, cum quis Deo offert quod facit, dum facit, aut dum facere incipit; & virtualis, quæ fundatur in actu præterito, virtualiter tamen præsentem; suadeo vt rectæ intentionis actus initio cuiusque Officij instauretur: tum quia matutinæ directionis impulsus ob varias humanæ vitæ occupationes interrumpi facile potest: tum quia censent nobiliores Theologi apud Hieremiam Drexelium in aureo suo libello de recta intentione non sufficere virtualem intentionem ad promouendum singulis actionibus nouum gratiæ incrementum, quamvis sufficiat ad moralem operis integritatem. Narrat Ioannes Moschus in Prato spirituali venisse quemdam senem ad fratrem solitarium, atque illi dixisse. Dic mihi frater in tanto tempore solitariæ vitæ, & spiritualis exercitij quid lucratus es? Cui frater ait, Vade & post decimum diem veni ad me, & dicam tibi. Senex autem abiens post decimum diem rediit, inuenitque fratrem migrasse ad Christum, & testam, in qua sic scriptum erat. Ignosce Pater, quia nunquam dum opus Dei agerem, aut horis constitutis psallere, mentem meam dimisi in terram.

Psalm. 16.

Drex. l. 1. de rec. in teat. cap. 5.

Præf. spirit. c. 98.

3. Sic mentis obtutu in Deum solum defixo sistere se debet oraturus autem conspectum diuinæ maiestatis, quæ res magnum habet momentum ad preces rectè inchoandas, & autè proseguendas. *In omnibus viis tuis cogita illum,* ait Sapiens, *& ipse dirigit gressus tuos.* Docet fides Deum vbique esse, opera autem omnis carnis coram illo, & non est quidquam absconditum ab oculis eius. Ergo si ad orationem assistens Deum esse præsentem verè crederem (verbis vtor D. Hieronymi) illud cor quo Deus videtur mundarem, manibus tunderem pectus, genas lacrymis rigarem, corpore inhorrescerem, ore pallerem, iacerem ad Domini mei pedes, eosque fletu perfunderem, crine tergerem, hæterem certè trunco crucis, nec prius omitterem, quam misericordiam impetrarem. Nunc verò creberrimè in oratione mea, aut per porticus deambulo, aut de sænore computo, aut abductus turpi cogitatione etiam quæ dictu erubescenda sunt gero. Vbi est fides? Vbi timor Domini omnia videntis? Siccine putamus orasse Ionam? sic tres pueros? sic Daniele inter leones? sic latronem in cruce? Stoicus Philosophus nil vtilius ad omnem virtutem concepta animo viti grauioris præsentia existimauit. Accipe, ait ad suum Lucilium, & quidem vtilem & salutarem clausulam, quam te affigere animo volo. Aliquis bonus vir nobis eligendus est, ac sem-

Prou 1. 6.

Hieron. in dial. ada. Luciferian.

Sen. epist. 11.

per ante oculos habendus, ut sic tanquam illo spectante vivamus, & omnia tanquam illo vidente faciamus. Magna pars peccatorum tollitur, si peccatis testis assistat. Aliquem habeat animus quem vereatur, cuius auctoritate etiam secretum suum sanctius faciat. O felici qui sic aliquem vereri potest, ut ad memoriam quoque eius se componat, atque ordinet! Qui sic aliquem vereri potest, citò erit verendus. Hæc ille. Quod si hominibus id tribuendum videretur, ut ne quid eis præsentibus committamus, quod eorum oculos possit offendere, quo timore percelli debemus ante eius conspectum, qui observat omnes semitas nostras, & vestigia pedum nostrorum considerat: cuius oculi sole lucidiores sunt, circumspicientes omnes vias hominum, & profundum abyssi, & hominum corda intuentes in absconditis partes? Idcirco Monachorum Magister mysticæ scalæ, quæ ad beatitudinem ascenditur primum gradum in continua Dei præsentis recordatione constituit, & de disciplina psallendi differens, Vbi-que, ait, divinam credimus esse præsentiam, & oculos Domini in omni loco speculari bonos, & malos, maximè tamen hoc sine aliqua dubitatione credamus, cum ad opus divinum assistimus. Idè semper memores simus quod ait Propheta, *Servite Domino in timore, & iterum psallite sapienter, & in conspectu Angelorum psallam tibi.* Est enim Ecclesia templum Dei, ut doctè ait Sanctus Germanus in rerum Ecclesiasticarum contemplatione, delubrum sanctum, domus orationis, terrenum cælum, in quo Deus inhabitat. Denique Boetius vir sapientissimus, Magna nobis est, inquit, necessitas indicæ probitatis, quando ante oculos agimus iudicis cuncta cernentis.

Bened. c. 7, & 16.

Boët. in fin. lib.
vlt. de consol.

METRV M XLVI.

S Candè polum, medioque sinu celsi abdere celi,
 Illic rotator siderum
 Te Deus inveniet.
 Turbida si inclusum caput inter nubila condas,
 Latè patentès nubium
 Disgregat ille globos.
 Frustra telluris gremio, stygisque cavernis,
 Aut rupe te cauta teges:
 Numine cuncta replet.
 Fortè cupis nigro te noctis condere poplo?
 At noctis umbras intima
 Rumpere luce solet,
 Eia age præpetibus pennis ad littora Thules;
 Extremam ad arcton euola,
 Qua fera senit byems.

*Decolor Eo, qua cingitur India Gange,
Qua sol fluente feruidas
Abluit amne rotas.
Quaque dies medius pallentes denegat umbras,
Et solis vstas ignibus
Torret ab axe plagas:
Sen terra, pelagoque fugam, caeloque capeffas,
Iustus Deus te vindici
Prendet ubique manu.*

4. Postquam verò Deum præsentem humiliter adoraverimus, eius gratiam ad dignè orandum implorare debemus: nam quid *oremus si-
cut oportet nescimus, & nemo potest dicere Domine Iesu, nisi in Spi-
ritu sancto.* Sententia fidei est, supernaturale auxilium gratiæ ne-
cessarium esse ad actus supernaturales eliciendos. At orationem
actum esse supernaturalem, docent Chrysostomus, & Augustinus.
Accedit quod oratio simpliciter necessaria est ad salutem, vt ex
multiplici Christi, & Apostolorum exhortatione ad orandum colli-
gitur: nullum autem credimus salutem suam posse operari nisi Deo
auxiliante, quia; Nemo potest ad me venire, ait Christus, nisi Pa-
ter meus traxerit eum. Quomodo ergo poterit quispiam convenien-
ter orare, nisi fuerit diuinæ gratiæ præuentus auxilio, eiusque assi-
stentia, & efficacia roboratus? Stat quidem Dominus semper ad
ostium, & pulsat, si fortè sit aliquis qui audiat, & aperiat; sed oprat
nihilominus instantè à nobis exorari, vt quod ab initio, & ante se-
cula misericorditer tribuere decreuit, etiam precibus nostris solici-
tatus præbeat: & non solum secundum propositum eius, sed etiam
secundum nostram cooperationem coronemur. Præclare S. Prosper,
Quamvis quod statuit Deus nulla possit ratione non fieri, studia ta-
men non tolluntur orandi, nec per electionis propositum liberi arbi-
trij devotio relaxatur, cum implendæ voluntatis Dei ita sit præordi-
natus effectus, vt per laborem operum, per instantiam supplicatio-
num, per exercitia virtutum fiant incrementa meritum. Rectè di-
ctum est à Poëta, *Dimidium facti qui capis habet*, in singulis enim
actionibus id in primis curandum est, vt benè ordiamur. E funda-
mento totius ædificij ratio coniicitur, & à præparatione futurum
orationis statum dignoscimus. Ignis ergo devotionis in prævia medi-
tatione exardescat, qui scenum & stipulam distrahentium cogitatio-
num comburat, & sic fier totius Officij recitatio sacrificium accepta-
bile Domino in odorem suavitatis.

Chryf. lib. 2. de
orando Deum.
Aug. passim, in li-
bris adu. Pelagian-
nos.

Prosper. de vocat.
gentium lib. 2.
cap. vii.

Horat. lib. 1. ep. 25.

§. II.

Utrum oratio ad intellectum, an verò ad voluntatem pertineat. Variæ orationis definitiones. Vtriusque potentie actus requiri ad bene orandum. Intellectum attentione, voluntatem deuotione componi. Actum prius de reuerentia, qua componitur exterius homo. Ea quid sit, & quod duplex, & quæ eius incitamenta.

1. **Q**Uæruunt Theologi pertineatne oratio ad intellectum, an verò ad voluntatem. Sunt autem qui existimant ad solam spectare voluntatem ea ducti ratione, quod oratio nihil aliud esse videatur, quam interni desiderij, quo quis tenetur, propriæque voluntatis, quam quis à Deo adimpleri vellet, expressio, & manifestatio. Fauet huic opinioni Augustinus ad illa verba Psalmi, *Ante te omne desiderium meum*. Ipsum, inquit, desiderium tuum oratio tua est, & continuuum desiderium continua oratio. Alij verò esse actum intellectus arbitrantur, tum quia orare teste Diuo Isidoro idem est ac dicere, dictio autem mentis actionem significat: tum quia ex Diuo Thoma deprecari ordinationem quamdam denotat, & consequenter soli competit intellectui. Hæ dissidentium Theologorum sententiæ facile poterunt conciliari, si dixerimus vtriusque potentie actus ad orationem requiri. Nam in primis necessarium est, vt illius rei quam petimus indigentiam, & Dei à quo petimus potentiam & benignitatem cognoscamus; tum rem illam conuenienter à Deo postulari diiudicemus, post quod iudicium sequitur in voluntate rei appetitus & desiderium, ac eiusdem insinuatio quædam, & declaratio. Sancti Patres, qui orationis haturam variis definitionibus explicarunt, per actus vtriusque potentie eam solent sine discrimine definire. Basilii magnus; Oratio est boni cuiuspiam petitio, quæ ad Deum à piis effunditur. Damascenus; oratio est ascensio mentis in Deum. Augustinus; Oratio est conuersio mentis in Deum per pium; & humilem affectum. Iterum Damascenus; Oratio est petitio decentium à Deo: nam, vt ait Gabrias, *Deum rogare dedecet, quæ dedecet*. Hugo Victorinus, Oratio est pius affectus in Deum. Gregorius Nyssenus. Oratio est conuersatio, & sermonacinaio animæ nostræ cum Deo, inuisibilem contemplatio, eiusdem cum Angelis honoris conditio. Item Oratio est petitio bonorum, quæ Deo cum supplicatione offertur, Ioannes Climacus; Oratio secundum qualitatem suam est coniunctio atque vnio hominum & Dei. Vnio autem fit per amorem. Rursum Augustinus; Quid est oratio nisi ascensio animæ de terrestribus ad cælestia, inquisitio supernorum, inuisibilem desiderium? Simon de Cassia vir pius & doctus, Oratio est in terrestri corpore incorporea operatio, aspectus immotus animæ in fide Deum

Aug. in Psal. 37.

Isidor. l. 10. orig.
cap. 14.
S. Tho. 1. 2. qu. 8.
art. 1.

Basil. orat. de S.
Iulitta.
Damasc. l. 3. de fid.
Orthod. c. 24.
August. de spir. &
an. cap. 30.
Gabrias in fab.
Greg. Nyss. lib.
de orat.

Climac. gr. 18.

Aug. serm. 230. de
Temp.
Simon de Cass.
l. 16. de gestis.
saluar. cap. 26.

aspicientis, ordo rationis animæ ad Deum, cui se studio subdit, consistentia animæ ante Deum; allocutio diuinæ aures pulsans, suauis clamor in sensu cordis, negatio dum agitur omnium corporalium actionum, præuentio ante aduentum iudicis ad diuinum iudicium, verum animæ speculum, luminare splendidissimum, lux inuisibilis ad actionem inuisibilem, vmbra æstuantem refrigerans, iactatio sui in Deum nihil volendo, nisi quod illi fuerit gratum. Ex his descriptionibus (quamuis quædam earum sublimioris orationis genus respiciant) liquidò constat spiritum nostrum ad Deum orando ascendere duobus mysticis pedibus, cognitione scilicet, & affectu. Hi sunt pedes, de quibus Psalmista cecinit dicens, *Qui perfecit pedes meos tanquam ceruorum, & super excelsa statuens me.* Oportet itaque utramque potentiam ordinari, vt diuini cursus Officij perfectè impleatur. Debet autem homo secundum intellectuam potentiam attentionem, secundum affectiuam deuotionem exhibere. Hæc interni hominis compositio est. Sed quia totus homo totis viribus, totis præcordiis se totum cum Rege Iosaphat conferre debet ad orandum, & laudandum Deum: ideo externus, & animalis homo suam quoque exigit ordinationem secundum vires sensitivas per actus reuerentiæ. Ergo de reuerentia, postea de attentione, & deuotione sigillatim tractabimus, vt prius quod animale, deinde quod spirituale est ædificetur.

Psalm. 17.

1. Paral. 10. 3.

1. Reuerentia apud Cicëronem in Rhetoricis est virtus aliqua prælatione sublimatis debite honorificationis cultum exhibens: erga Deum verò actus religionis est, & adoratio, quam nos seruitutem, Græci latrariæ vocant. Eius necessitatē dum oramus elegantissima oratione explicat Bernardus. Nonnullos arbitror experiri interdum in oratione ariditatem, & hebetudinem quamdam mentis, pro eo quod velut ex consuetudine quadam cum minus digna reuerentia, & solitudine accesserunt. Quid enim aliud cogitare debet frater intrans ad orationem, quam Propheticum illud, *Ingrediar in locum tabernaculi admirabilis usque ad domum Dei?* Omnino si quidem oportet nos orationis tempore curiam intrare cœlestem, illam vtique curiam, in qua Rex Regum stellato sedet solio circumdante innumerabili, & ineffabili beatorum spirituum exercitu. Quanta ergo cum reuerentia, quanto timore, quanta illuhamilitate accedere debet à palude sua procedens, & repens ranuncula villis? Quam tremebundus, quam supplex, quam denique humilis, & sollicitus, & toto intentus animo maiestati gloriæ in præsentia Angelorum, in concilio iustorum, & congregatione assistere poterit miser homineus? Hic primus stimulus est orantes excitans ad reuerentiam, diuinæ scilicet præsentis consideratio. Nam si mortaliū Regum ministri, cum se dominorum conspectibus præbent, quicquid

Bern. ser. de quatuor modis orandi.

Bened. reg. c. 10.

Basil. in Psal. 118.

Bern. serm. 3. in
Missus est, & ep.
118. itemque serm.
7. in Cant.Laur. Iustin. an. de
disc. monast. con-
uer. cap. 17.

loquidum, quicquid deforme, quicquid incompositum est à se am-
pugnare summo studio nituntur; quanto maiori tum gravitate vitæ, tum
puritate cordis, tum morum elegantia æterno Regi assistere debent
inutiles servi? & vrait Regula Monachorum, si cum hominibus
potentibus volumus aliqua suggerere, non præsumimus nisi cum hu-
militate, & reuerentia: quanto magis Domino Deo vniuersorum
cum omni humilitate, & puritatis deuotione supplicandum est?
Ab ipsis quoque Angelis, quos orantibus assistere credimus psal-
lentium verba describentes, teste magno Basilio, excitari debemus
ad reuerentiam. Solent enim Angeli, inquit Bernardus, astare
orantibus, & delectari in his, quos vident leuare puras manus in
Oratione: holocaustum sanctæ deuotionis gaudent se offerre Deo in
odorem suauitatis. O si quis haberet oculos apertos, quos orando
Propheta puero reuelauit, videret proculdubio quemadmodum
præueniunt principes coniuncti psallentibus in medio iuencularum
tympanicularum. Videret, inquam, qua cura, quoue tripudio in-
tersunt cantantibus, adfunt orantibus, insunt meditantibus, super-
sunt quiescentibus, ordinantibus, & procurantibus præfunt. Agno-
scunt nimirum supernæ potestates concives suos, & pro his qui hære-
ditatem capiunt salutis sollicitè congaudent. Doleo proinde aliquos
vestrum, fratres, graui in sacris vigiliis deprimi somno, nec cæli
ciues reuereri, sed in præsentia Principum tanquam mortuos appare-
re, cum vestra ipsi alacritate permoti vestris interesse solemnibus de-
lectantur. Vereor ne vestram desideriam quandoque abominantes cum
indignatione recedant: & incipiat unusquisque vestrum sero cum
gemitu dicere Deo, *Longi fecisti notos meos à me, posuerunt me
abominationem sibi: & illud; Elongasti à me amicum & proxi-
mum, & notos meos à miseria: Item, Qui iuxta me erant de lon-
ge Heterunt, & vim faciebant, qui quærebant animam meam.* Pro-
certo enim, si se à nobis boni spiritus elongauerint, impetus mali-
gnorum quis sustinebit? Consonat cum Bernardo Venetorum Pa-
triarcha Laurentius: Interfunt choris laudantium sancti Angeli,
exultantque in laudibus psallentium; si tamen distinctè, si attentè, si
vigilanter, si ardentè, si concorditer, si humiliter dicantur. Discu-
runt namque inter illos, utpote ipsorum concives, & consortes regni.
Comprimunt & immundorum spirituum impetus, nec eos scire
patiuntur tanquam fideles custodes. Nunc ascendunt, nunc descendunt,
semper ad illorum profectum. Vbiq; vero alacres sunt, vbiq; festiui,
vbiq; solliciti, ne diuina interrumpatur laus, ne cælestia
Cantica maculentur. At si vel ad momentum tepescat affectus, dis-
trahatur animus, aut dormiret oculus, illico indignantur sic osci-
tantes, & non inuenientes quid offerant, suam mox præsentiam
subtrahunt. Verendum igitur, & valde perniciosum est in conspectu
tanto-

tantorum principum irreuerenter psallere, verba intercidere, iniuriales cogitationes tractare, & corde torpescere. O si presentiam suam propalare valerent! O si quantum congaudeant de puritate alacriter psallentium eis licet ostendere! Prorlus omnis torpor abscederet, omnisque ignavia fugaretur.

MET RV M XLVII.

O *Ego si possem rutilo fulgore micantes
Mortali aligeros cernere luce choros!
Ipsaque corporei deterſa arugine ſenſui,
Obuia Cœlituum ſe mihi caſtra darent.
Aut ſaltem poſſito terrenæ pondere molis,
Dent ſuperi æthereas ſcandere poſſe plagas.
Et ſuper aſtrorum, mundiſque volubilis arcem,
Quò nequæo ferri corpore, mente ferar.
Quam multis glomerata choris, diſtincta cateruis
Agmina conſpicerem Numinis ante thronum!
Agmina tam numero, quàm maieltate decora,
Agmina diuinum psallere ſueta melos.
Non tot ſylua feras, tot piſces continet unda,
Totque inſculpta micant ſidera clara polo:
Nec tot ſpumofum reieſtat liſtus arenas,
Quot turmae Aligerum cœlicæ templa colant.
Hos opifex rerum mortali labæ carentes:
Edidit, æterni participesque boni.
Quos nec perpetuo labentia ſecula curſu,
Nec potius eſt gelida vis abolere necis.
Immanes ſenſu tranquillòs cœlico ab æuo
Dinumerant annos, ſidereosque dies.
Triſtia connubij non norunt iura, nec ullis
Præget eos ſtimulis imperioſa fames.
Plurima quin etiam miro ſermone loquuntur,
Nulla licet linguis mutua verba ſonent.
Et iugiter ſummo noua pangunt carmina Regi,
Carmina mortali non referenda ſono.
Feſtinantque ſacras certatim currere ad ades:
Cum gratas reſono fundimus ore preces.
Hiſc ineunt placidas cœlo plaudente choreas,
Et miſcent noſtris verba canora modis.
O templum! ô templum! ô felicia limina cœli!
Solaque digna Deo, cœlicoliſque domus!
Hiſc dulces reſonant melicis concentibus Hymni;
Hiſc colimus caſtra religione Deum.*

Mergimus hic undis culpas, hic sanguinis haustum.
Sumimus, hic algens pectus amore calet.
Hic volucres animæ, pura sine corpore mentes
Occulta irradiant viscera nostra face.
Cernitis ut celeres liquidum per inane feruntur,
Et gaudent templi cæta subire sacri?
Vique bilares inferre polo suspiria cordis,
Et gemitus satagunt, sollicitasque preces?
Scilicet ut Numen faciles admittat ad aures
Luctifonos gemitus, sollicitasque preces.
Sapè etiam læsi compeſcunt Iudicis iram,
Cum foret æternis pæna luenda rogis.
O vos felices, diuinorumque capaces,
Vos quibus astrorum splendida regna patent.
Vos quibus arrisit cælum, iussitque tueri
Angelicos vultus, Angelicosque choros.
Dicite quam densa properent ex æthere turma,
Dum pia festiuis personat aula choris.
Dicite quam tepido demulcent aëra cantu,
Dum pulsant patriæ dulcia fila lyra.
O mihi si mentem, corpusque attollere cælo,
Et vestra liceat conditione frui!
Protinus Elyſiis immiscens carmina turmis
Perpetua colerem laudis honore Deum.
Effundensque nouos succenso è pectore versus
Acciperem votis præmia digna meis.

3. Sed quid Angelos propono ad excitandam in psallentibus reuerentiam? Parum est hoc. Nam & ipse Rex Angelorum, Dominus, & Saluator noster Christus Iesus corporaliter præsens adest Ecclesiæ in augustissimo Eucharistiæ Sacramento. Quam terribilis est locus iste, & omni dignus reuerentia, quem non solum frequentant Angeli, sed sua quoque præsentia Dominus ipse dignatur! Considera teipsum ô homo, nam si multis maculatus criminibus æterni supplicij reus es, altas iudici tuo: quomodo non expauescis? Si dilatato corde viam mandatorum Dei currere incæpisti, magister tuus hic est: quantum ei honorem debes? Si ab omni terrena contagione mundatus iam summam cum eo vnionem appetere audes, hic est sponsus: quanta sollicitudine mores tuos, & actus componere te oportet, ne anima tua minima quauis labe indecora displiceat sponso? Ipsa verò reuerentia duplex est, interna, & externa. Interna in timore, & humilitate, in puritate, & compunctione cordis consistit: ut, sicut docet S. Ephræm, orationis tempore quasi Angeli simus, sicque contendamus, ut oratio nostra sit sancta, pura, immacu-

lata, & irreprehensibilis: ut cum illam sursum ascendere viderint portæ cœlestes gaudentes ultro confestim ei aperiantur, ut ipsam cernentes Angeli, & Archangeli cuncti lætantes illic occurrant, & coram sancto, atque excelso throno immaculati Domini offerant. Porro ad externam reuerentiam pertinent sensuum exteriorum custodia, externi hominis compositio, vocis in cantu moderatio, grauitas motum, habitus decencia, omniumque ceremoniarum, & præscriptorum rituum obseruantia: ut nimirum flectant genua, stent, sedent, surgant, inclinent omnes pro rei, & temporis exigentia: ut nil appareat in eis quod possit offendere inuidentes. Hortor vos, ait Beatus Theodorus Studita, decorè, riteque psallere, non obiter, non supinè, & confusè: Scriptum est enim, Psallite sapienter. Sanctus quoque Macharius Homilia sexta aduersus eos declamat, qui preces suas clamoribus parum decentibus, & confusione plenas effundunt. Inclinationes autem, genuflectiones, & alias huiusmodi exteriores obseruantias eleganti vocabulo orationem corporalem nuncupat B. Angela de Fulgineo sermone de oratione. Septimius Tertullianus non esse sedendum in oratione asserit his verbis: Si quidem irreuerens est assidere sub conspectu, contraque conspectum eius quem cum maximè reuerentis, ac venereris: quanto magis sub conspectu Dei vini Angelo adhuc orationis astantem factum illud irreligiosissimum est; nisi exprobramus Deo, quod nos oratio fatigauerit. Idem asserunt Optatus Mileuitanus, Petrus Damianus, & alij Patres. Sedere tamen humiliter, & modestè non prohibent Ioannes Cassianus, & sanctus Benedictus: idque confirmat consuetudo nostrorum temporum, solemus enim alternatim stare, & sedere.

4. Verum enimverò si sancti Patres non ab omnibus damnatam sessionem tanto zelo reprehendant, quid agerent si quorundam Clericorum, atque Religiosorum depravatam in omnibus psallendi disciplinam conspicerent? Quam acriter aduersus illos insurgerent, qui nec Deum timentes, nec hominibus reuerentiam habentes libertima oculorum iactatione, inconcinna corporis habitudine, licentiosa gestuum leuitare Ethnicorum, ac infidelium exprimunt mores? In sedilibus suis lecti molliem querentes iacent inciui-
liter extensis tibiis, diuaticatis cruribus: tum obrepenti somno cedentes dimidiata proferunt verba, crebris oscitationibus Psalmorum recitationem turbantes animum ibi non esse manifestant: pedibus vacillant, digitis exerceant argutias, seriam aliorum grauitatem effusissimo risu contemnunt. Vocem in cantu vel deprimunt nimis, vel super alios attollunt: importuno garritu omnia miscent, tantoque impetu verba glometant, & præcipitant, vne verbum quidem integrum sonet. De notula vna cantus, vel de aliqua Antiphona lites quandoque mouent acertimas. Ad ineptias, &

Theod. cat. 99.

Tertull. de orat. cap. 11.

Opt. Mileuit 1. 4.
P. Dam. l. 3. ep. 8.

Cass. lib. 1. c. 12.
Bened. cap. 9.

fabulas serpet prompti; ad comestationes, & ebrietates semper robusti, & beneualescentes; in choro deinde languentes nec erecto corpore stare, nec genibus inniti, nec vocem possunt proferre. Diceret eos ad proximum oratorij ingressum grauiori correptos infirmitate mox animam acturos esse. Heu miseros, & infelices! Siccine profanatis templum, sacerdotium confunditis, ordinem temeratis? Vbi religio est, vbi mores, vbi pudor, vbi lex, vbi fides, & disciplina? Quid Deo vestro respondebitis in die iudicii, cum vobiscum ponet rationem, quod opus suum feceritis fraudulenter? Quid dicetis animabus, quarum bona percepistis in vita vestra, vt earum peccata portantes indignationem Dei auerteretis ab illis? Quid Angelicis spiritibus respondere poteritis, quorum spreuistis presentiam, contempnistis auxilia, officia neglexistis? An ignoratis quod scriptum est, *Qui contemnunt me, erunt ignobiles*: itemque, *Solemnitates vestras odiuit anima mea, conuertam festiuitates vestras in luctum*: & *In terra sanctorum iniqua gessit, non videbit gloriam Domini*? Ipsa, ipsa Religio, quam profitemini, errores vestros accusat: Atrocius enim, vt Saluianus scribit, sub sancti nominis professione peccatis; & vbi sublimior est prerogatiua, maior est culpa. Sed de horum miserrima conditione melius est silere, quam loqui. Hugo Cluniacensis dictus de Folieto lib. 2. de claustro animæ inter opera Hugonis Victorini, abusiones claustri enumerans ponit vndecimo loco dissolutionem in choro, eosque perstringit acerrimè, qui mente vagi, attoniti oculis, habitu dissoluti aliud cantant, aliud cogitant: in choro sunt corpore, sed mente in foro. Eosdem reprehendunt; & damnant Ioannes Chrysostomus, & Potho Prumiensis; hic in fine libri tertij de domo Dei, ille Homilia prima de verbis *Matæ, Vidi Dominum*. Omnes autem partes internæ, & externæ reuerentiæ Seraphicus Doctor Bonauentura in speculo disciplinæ diligenter edisserit: & Ioannes Cassianus antiquorum Monachorum reuerentiam in Ecclesia describens, Tantum, inquit, à cunctis silentium præbetur, vt præter illum qui Psalmum decantat, nullus hominum penitus adesse credatur. Non sputum emittitur, non excreatio obstreperit, non tussis intersonat, non oscitatio somnolenta diffutis malis & hiantibus trahitur, nulli etiam gemitus, nulla suspiria astantes impeditura promuntur.

1 Reg. 2. 36.

Isai. 1. 14.

Amos 8. 10.

Isai. 26. 10.

Saluian. lib. 4. de
gub. Dei.

Bonauen. part. 2.
cap. 9.
Cass. lib. 2. cap.
20.

§. III.

Ceremoniæ quid sint, & quæ huius nominis origo. Earum efficacia, & utilitas ad diuinum cultum. Veræ à falsis, & superstitiosis discernendæ. Exteriores ceremonias sine interno spiritus parum prodesse.

1. **I**N publicè persoluendis diuinis Officiis omnes Ecclesiasticæ ceremoniæ ad amussim seruati debent, in his enim exterior disciplina potissimum sita est. Sunt autem ceremoniæ, si propriè loquimur, ritus sancti in sacrificiis, & diuinis Officiis ad Dei cultum adhibiti: sed migravit vocabulum in vsus etiam profanos; nam cum homines instituissent sibi inuicem inclinare, genua flectere, manus osculari; hæ & alia honoris exhibitiones, cum proprio nomine carent, exceptæ sunt etiam ceremoniæ dici. A nomine *Cerus*, quod veteri lingua sanctum significat, dictas ceremonias existimat Festus, vt à sanctus sanctimonia. Augustinus à carendo dici putat, quasi carimonia, eo quod obseruantes careant his rebus, à quibus ablinent. Idem alij tradiderunt apud Cellium, & Macrobiū, quod res sanctæ remotæ ac sepositæ à nobis sint. Quidam ab oppido Cere deriuant; nam vrbe à Gallis capta virgines Vestales, sacerdotess. & simulachra Deorum agente L. Albino, vt Liuius scribit, vel L. Aliuanco, vt placet Valerio Maximo, in id oppidum plaustris perducta sunt, in cuius rei memoriam omni diuino cultui ceremoniarum nomen enatum est. Alij à Cere deducunt quasi Ceretis munia, quod sacra Cerealia omnium sanctissima, & antiquissima sint habita. Nonnulli à verbo Hebræico *Cherem* quod significat deuouere, consecrare Deo, & à communi vsu separare. Alij denique à verbo Græco *χερμη* quod salutis fuit causa, vel ad salutem spectent. Græci ceremonias *τελεται* vocant: est autem *τελεται* apud Suidam sacrificium plenum maximis mysteriis. In veteri Testamento multæ erant ceremoniæ à Domino institutæ, sed facta per Iesum Christum gratia & veritate, cessauit earum obligatio. Asserit Augustinus nullam esse Religionem esse veram, siue falsam, quæ sine ceremoniis subsistere possit. Ideo apud antiquos nihil aliud erat esse Theologum, quam scire quæ Numina quibus ceremoniis colerentur, vt ex Platone colligitur. Licet enim ipsæ ceremoniæ nullam secundum se perfectionem, nullam contineant sanctitatem: sunt tamen actus externi Religionis, quibus quasi signis excitatur animus ad rerum sacrarum venerationem, mens ad superna eleuatur, nutritur pietas, fouetur charitas, crescit fides, deuotio roboratur, instruuntur simplices, Dei cultus ornatur, conseruatur Religio; & veri fideles à pseudochristianis, & eterodoxis discernuntur. Christus ipse vix aliquod illustre miraculum patitur, in quo ceremonias non adhibuerit: nam lutum fecit ex spūto, & li-

Aug. li. 2. retract.
cap. 37.
Cell. lib. 4. c. 9.
Macrobius d. 3. Sat. c. 3.

Liuius l. 5. dec. 7.
Val. Max. lib. 3.

Aug. lib. 19. contra
Fautum c. 11.

Plat. de Regno.

Zoroast. initio
Magic. oraculo 11.

Dion. Halic. Ro.
antiqu. lib. 1.

Niceph. lib. 80.
cap. 21.
Nazian. orat. 1. in
Iulianum.
Baro. ad. 370. n.
46.

Valer. Max. lib. 1.
Philostr. lib. 1.
Censor. cap. 1.
Dionys. Halic. l. 1.

Tertull. de Præse.
cap. 40.
Greg. Nyss. in vita
Thaumaturgi.
Theodor. lib. 8. de
Cur. Græc. affect.

niuit oculos cæci nati : extendens manum tetigit leprosum, & munda-
uit eum : digito scribebat in terra : exspuens, & suspiciens in cæ-
lum aures aperuit surdi, & linguæ vinculum dissoluit. Axioma Zoroa-
stris est sacris ceremonijs animam ad Deum reduci : sunt enim istæ, vt
Psellus, & Plerho in Ichohli docent, manducatrices ad supernas il-
luminaciones, & vnionem cum Deo. Porro Chaldaei sapientes existi-
marunt non aliter posse nos ad Deum reduci, nisi animæ vehiculum
materialibus ceremonijs aptum reddamus, atque firmemus : his
enim lustratur anima, & agilior redditur ad ascensum. Apud Ethni-
cos Numam Pompilium octo libros ceremoniarum scripsisse ad Reli-
gionem pertinentium refert Dionysius Halycarnassæus. Iulianum
quoque Apostatam in templis idolorum nostris consimiles ritus, &
precationum alternatim canendarum formam instituisse scribunt
Nicephorus, & Nazianzenus. Narrat item Baronius Valentem Impe-
ratorem Arianum visis in templo sacris ceremonijs maximam erga res
Catholicorum reuerentiam concepsisse. Tanta est earum vis, & effi-
cacia.

2. Frustra Sectarij, atque irritò prorsus conatu in illis euertendis la-
borant. Dicunt enim ad Idololatras nos accedere, quod quædam cere-
moniæ reperiantur, quæ nobis & illis communes sunt. Nam vt è mul-
tis pauca seligam, in sacris veste candida vtimur, vsi sunt & Gentiles
testibus Valerio Maximo, & Philostrato Lemnio. Primitias offerri
solitas Diis gentium, vt & olim vero Deo auctor est Censorinus. Of-
ferre decimas, & vota etiam apud Ethnicos obseruatum scribit Diony-
sius Halycarnassæus. Non licuisse Pontifici quempiam occidere Sue-
tonius in Tito asserit, sicut nec Sacerdotibus veti cultus. Lustralem
aquam, asperzionem sepulchrorum, cereorum, & lampadarum vsum,
& alia multa, quæ nobis in vsu sunt, inter Gentes vigiuisse præci Scrip-
tores commemorant. Sed hæc omnia iam pridem questus est Tertul-
lianus ex lege diuina in superstitionis cultum, agente diabolo, fuisse
transfusa : præterquant quod multas gentium superstitiones ad cul-
tum veri Dei à sanctis Patribus laudabiliter translatis Gregorius Nyss-
enus, & Theodoretus ostendunt. At omissis hæreticis, qui omnes ce-
remonias tollere conantur, contrarius aliorum error perstringendus
est, qui declinantes in superstitionem nimio cultu onerant Religio-
nem Horum mores graphicè pingit, vt solet, in Ethicis characteri-
bus Theophrastus. Superstitiosus, inquit, is est, qui elotis manibus,
& aqua lustrali aspersus è templo, solum lauri ore præhensum te-
nens integrum diem ita ambulet. Si viam eo ambulante mustela
transcurrerit, non ante progreditur, quam alius prior transierit, aut
ipse tres lapides trans viam miserit. Serpentes si viderit in ædibus, fa-
cellum eo loco extruet. Lapidem vnctum qui sunt in triuijs solet oleo ex
ampulla perfundere; nec prius discedere, quam posito genu eos fuerit

veneratus. Solet etiam domum crebrò purificare, sepulchrum nullum insistere, ad defunctorum iusta nullus accedere, neque item ad vllam vnquam puerperam. In omnium porrò si viderit, pergere illicò ad diuinos, ad augures, sciscitaturus cui Deo, cui Deæ vota sint facienda. Hæc & alia Theophrastus. de superstitionis infidelibus, quos in Evangelica luce nonnulli turpius errantes imitantur.

3. Caveant autem Ecclesiastici, caveant animarum Pastores, ne Christianæ plebis ignorantiam ipsimet foueant, ne fiat sicut populus, ita & Sacerdos. Semper ignarum vulgus proclive fuit ad superstitionem, plus in vanis quibusdam ineptiis, quam in vera pietate confidens. Sed prudentis Sacerdotis munus est docere populum, ut ceremonias quidem à maioribus nostris sanctè institutas accuratè custodiat; suspectas autem nouitates, & tumultuarias hominum adinventiones radicibus amputent, & euellant. In ipsis verò exterioribus obseruantis sitam non esse pietatem, & religionem animaduvertant. Quidam enim Religiosi externis functionibus diligentissimè adimpleris, quasi iam salua sint omnia, magnam de seipsis sanctitatis opinionem concipiunt; cum tamen adhuc à vera perfectione longissimè distent, Christi Domini maledicto tanquam probroscæ arbores proximi, ni post frondes, & flores expectatos etiam in maturitate autumnii fructus parturiant. Hominem intueri, ait Bernardus, vanam istorum Religionem describens, qui solas manus ad opera mandatorum mouet corde penitus arido, ductus consuetudine quadam, planè quasi viuula Ephraim docta diligere trituram. Exteriorum quæ ad modicum valent, nec vnum iota præterit, sed camelum glutit, dum culicem liquat. In corde enim seruus est propriæ voluntatis, cultor auaritiæ, gloriæ cupidus, ambitionis amator, aut hæc omnia, aut singula quæque intus vitia fouens, & mentitur iniquitas sibi; sed Deus non irridetur. Videas enim interdum sic palliatum hominem, ut seducat etiam semetipsum penitus non attendens vermem, qui interiora depascitur. Manet enim superficies, & salua sibi omnia arbitratur. Comederunt alieni robur eius, & ignorauit. Dicit quia diues sum, & nullius egeo: cum sit pauper, & miser, & miserabilis. Nam & inuenta occasione ebullire saniem, quæ latebat in viscere, & excisam non extirpatam arborem in syluam pullulare videas densiorem. Quod periculum si volumus declinare, securim ponamus necesse est ad radices arborum, non ad ramos. Non sola inueniatur in nobis exercitatio corporalis ad modicum valens, sed inueniatur utilis ad omnia pietas, & exercitium spirituale. Hæc doctor mellissimus, qui non dicit externum cultum non esse omnino inueniendum in nobis, sed cum interno coniunctum, sicut scriptum est, *Cor meum & caro mea exultauerunt in Deum viuum. Et si orem lingua, spiritus meus (hoc est vox mea spiritu vitali & vocali prolata) orat, mens autem mea sine*

Bernard. ser. 1. de assumpt.

Psal 83.
1. Cor. 14. 14.

fructu est. Quid ergo? orabo spiritu, orabo & mente: psallam spiritu, psallam & mente.

§. VI.

De attentione. Eam triplicem esse ad verba, ad sensum verborum, ad finem qui Deus est. Quæ & quanta harum attentionum vis, & necessitas. De eo qui rapitur extra se dum psallit. Contraversæ quædam tractantur, & solvantur.

Deut. 16. 10.

1. **F**elestia hymnodia, tamen si secundum se opus sit excellentissimum, si necessariis tamen conditionibus careat, nequaquam altissimo Deo placere poterit, qui modum operis magis attendit, quam opus ipsum. *Iustè, inquit, quod iustum est persequeris.* E qua doctrina illud Gerfonis pronunciarum à viris spiritualibus prouerbialiter usurpatum prodiit. Deum scilicet esse non verborum, sed aduerbiorum remuneratorem: hoc est Dominum non tam respicere ad actionis bonæ substantiam, quam ad modum, & circumstantias, quas Grammatici solent aduerbialibus terminis explicare. Sunt autem tres conditiones necessariæ, ne oratio nostra fiat nobis in peccatum: nimirum vt reuerenter, vt attentè, vt deuotè psallamus. Et de reuerentia quidem, ac ceremoniis, quæ ad vires pertinent sensitiuas, iam dictum est, nunc tractandum de attentione, vt dum psallimus, id versetur in corde quod ore profertur, & cum Deo loquentes tantam saltem attentionem adhibeamus, quantam cum huius mundi principibus de rebus terrenis tractantes adhibere solemus. Alioquin sugillabit nos Prophetica obiurgatione Saluator noster dicens, *Hypocrita benè de vobis prophetant Isaias, potius hic labiis me honorat, cor autem eorum longè est à me.* Scitè Prosper Aquitanicus:

Matth. 15. 7.

Laus vera in Dominum depromitur ore precantis,

Prosp. epig. 6.
Chrys. hom. 30.
in Genes.

Si quæ voce flumit intima cordis habent.

Cypr. de orat.

Magna sunt arma preces, inquit Chrysostomus, dummodò sobrii, & vndequeque mente nostra collecti Dominum adeamus, totique nitamur ita loqui, vt non solum verba, sed etiam mens verborum comes ad Deum accedat. Et quæ sequitur est, vt sanctus loquitur Cyprianus, alienari & rapi ineptis cogitationibus cum Dominum deprecari, quasi sit aliud quod magis debeas cogitare, quam quod cum Deo loqueris? Quomodo te audiri à Deo postulas, cum te ipse non audias? Vis esse Deum memorem tui cum togas, quando tu ipse memot tui non sis? Psalmodia, ait Laurentius Iustinianus, est quædam Dei ad hominem, atque hominis ad Deum dulcis, læta, & familiaris allocutio. Ideo indignum est, vt quamdiu anima cum Deo sermocinatur, aliò se diuertat. Intendere debet omnino illi, qui intendit sibi:

Iustinian. de disc.
mon. conu. c. 17.

sibi & omnia verba sacri carminis suspensa debet audire mente, tanquam si ipsi soli essent prolata. Quod autē voce clamat, concorder sensu, seseque coaptet intellectui Scripturarum. Nihil verò de iis quæ fontis sunt illo beato tempore cogitet, nihil appetat, sed sola ei sufficiat præsentia Redemptoris. Nam negligentes orationes ut rectè dictum est à Smaragdo Abbate, nec ab homine possunt impetrare quod volunt. Oratio autem, teste Guilielmo Aluerno in sua divina Rhetorica velut quidam nuntius est qui ad Deum mittitur, ad ipsum intrat, nec discedet, donec aspexerit Altissimus. Sed satius est videre quot sint gradus attentionis quæ necessitas, quæ adiumenta.

2. D. Thomas, eiusque synchronus & amicus D. Bonaventura tres modos attentionis distinguunt. Prima attentio in materiali verborum pronuntiatione consistit; quando quis attendit ut integrè, & rectè, ac sine errore canter, legat, psallat. Altera in sensu literalium verborum sita est, cum quis observat eorum quæ recitantur significationem. Tertia circa mysticum sensum verborum, ut Seraphicus Doctor explicat, aut circa finem orationis qui est Deus, vel circa tempus pro qua oratur ad mentem Doctoris Angelici versatur. Prima omnium infima simplicioribus competit, qui Latinum idioma, non intelligunt. Secunda ad doctiores, & Theologos spectat. Tertia ad Religiosos pertinet, qui affectui maxime insistant, licet doctrinæ, & hæretici careant. Prima dicitur materialis, secunda formalis, tertia finalis. Per primam attenditur ad verba, per secundam ad sensum, per tertiam ad affectum. Porro hi modi attendendi non æqualiter obligant recitantes. Suppono autem aliquam attentionem saltem virtutalem ad orationis integritatem requiri, quo posito certum est in primis quancumque ex tribus superscriptis attentionibus ad orationis vocalis integritatem sufficere; est enim quælibet actus humanus, & verum signum divini cultus. Verum ad vitandam culpam primus attentionis modus quandoque non sufficit; ille enim qui maioris intelligentiæ omnino incapax ad sola verba superficialiter attendit, non peccat, cum peccatum esse non possit, nisi voluntarium. At vir doctus, qui verbalem duntaxat observans attentionem alias altiores voluntatis distractionibus impedit, & negligit, peccat proculdubio ab gravem Dei irreuerentiam, sacrique Canonis transgressionem, quo Innocentius Papa districtè præcipit in virtute obedientiæ, ut divinum Officium nocturnum pariter, & diurnum, quantum eis Deus dederit, omnes studiosè celebrent, ac devotè. Accedit quod non omnes effectus orationis consequi orantes possunt, quancumque adhibita attentione: effectus enim sunt quatuor, impetratio, meritum, satisfactio, & spiritualis animæ refectio. Ad impetrationem & satisfactionem sufficit primus modus cum virtuali proposito attendendi pro cuiusque viribus & ingenio; nam ex ipso opere penali crescit

Smaragd. in diadem. Monach. c. 1.
Aluerr. diu. Rhet. cap. 18.

Thom. 1. 2. q. 85. art. 13.
Bonau. l. 7. de process. relig. c. 3.

C. Dolentes de celebr. missæ.

per se satisfactio; nec ad impetrationem aliquem actum exigit Deus qui vites hominum excedat, orare autem sine distractione nullos mortalium potest: tum fieri nequit vt ad altiores sensus indocti homines eleuentur. Meritum verò cum formaliter ac propriè totum sit in interiori actu, censent communiter Theologi cessante interna & actuali intentione, ipsius quoque augmentum cessare. Postremus denique effectus spiritualis refectionis tertium, vel secundum attentionis modum requirit cum *actuali* spiritus aduertentia, quæ res adeò certa est, vt nulla indigeat probatione.

3. De hac psallentium mentali dulcedine loquitur dulcissimus Bernardus in ea sententia, quam supra quoque commemorauimus. Cibus in ore, Psalmus in corde sapit. Tantum illum terere non negligat fidelis & prudens anima quibusdam dentibus intelligentiæ suæ, ne si fortè integrum glutiat & non mansum, frustretur palatum sapore desiderabili, & dulciori super mel & fauum. Offeramus cum Apostolis in cælesti conuiuio, & in Dominica mensa fauum mellis. Mel in cera, deuotio in littera est. Alioquin littera occidit, si absque spiritus condimento glutieris. Si autem cum Apostolo psallas spiritu, psallas & mente, cognosces & tu de illius veritate sermonis, quem dixit Iesus, *Verba quæ loquutus sum vobis spiritus, & vita sunt.* Hanc Magistri doctrinam pari stylo, & spiritu sequitur Guericus noster Abbas Igniacensis. *Beati plantæ, ait, qui seruantur testimonia eius, in toto corde exquirunt eum. Mirabilia testimonia tua Domine, ideò scrutata est ea anima mea.* Scrutinio quidem opus est non solùm, vt eruantur mystica, sed etiam vt singantur moralia. Ideoque vos qui perambulatis hortos scripturarum, nolite negligentet, & otiosè transuolare, sed scrutantes singula velut apes sedulæ mel de floribus, spiritum de sermonibus colligite. *Spiritus enim meus,* inquit Iesus, *super mel dulcis, & hæreditas mea super mel, & fauum.* Ita probantes quid sapiat manna absconditum eructabitis illud Dauidicum. *Quam dulcia faucibus meis eloquia tua, super mel ori meo.* Ab his hortis in alios, vbi requies secretior, & voluptas beatior, & species mirabilior, sponsus noster vos introducet, cum intentos laudibus suis in voce exultationis, & confessionis rapit in locum tabernaculi admirabilis vsque ad domum Dei, lucem scilicet inaccessibilem, vbi habitat, vbi pascit, vbi cubat in meridie. Si enim deuotio psallentium habet aliquid de illa pia curiositate querentium, *Rabbi vbi habitas?* puto quia merentur audire, *Venite, & videte. Venerunt,* inquit, *& viderunt, & apud eum manserunt die illa.* Cæterum de hac mansionem apud dilectum, ad quam nonnunquam introducuntur, qui hoc tertio attentionis genere vti solent, grauissima extat Theologorum disputatio. An attentio interior vocalem orationem impediatur, ita vt

Bern. ser. 7. in
Cant.

Gueric. serm. de
Psalmodia.

ille, qui psallendo extra se rapitur per altissimam contemplationem, Officij recitandi præcepto non satisfaciatur.

4. Contingere solet aliquando non mihi, aut mei similibus, sed iis, qui norunt educere mel de petra, oleumque de saxo durissimo, vt dum mysticæ Psalmorum intelligentiæ, vel diuinis mysteriis contemplandis inter psallendum diligentius insistant, extra se rapiantur, eleuatis in altum superioribus potentiis. Amor enim ecstasim facit, & rapit ad amatum. In hoc raptu constituta anima in abyſſo quadam lucis, & ardoris auocatur ab exterioribus, ita vt actus inferiorum potentiarum, vel cessent, & impediuntur omnino, vel suspendantur, & debilitentur. Hæc talis anima ad tantam sublimitatem singulariter perducta, debetnè huiusmodi suspensionem impedire, vt vocaliter possit orare; an cessat tunc recitandi obligatio, vel postea ad se reuersa Ecclesiæ præcepto satisfaciatur? Sed quid si raptus ultra tempus persoluendi Officij duraret? In solutione harum difficultatum possem diutius immorari ob varias, & dissidentes Theologorum opiniones. Sed omiſſis controuersis satis existimo, quid mihi probabilius videatur breuiter indicare. Dico igitur primo, quod si mentis suspensio vsum vocis impediatur, non impletur præceptum; sed tenetur postea, qui talem raptum passus est, Officium suum recitare: nec enim tollit obligationem præcepti singularis impulsus Spiritus sancti. Si verò mentis excessus linguae vsum non tollat, sentio illum, qui sensui spiritali ita attendit, vt verba non consideret, verè orare vocaliter, & Ecclesiæ præcepto satisfacere, dummodò verba ipsa integrè, & sine errore pronunciet. Nam quid præcipit Ecclesia, nisi vt oremus, & laudemus Deum? Oratio autem quid est, nisi ascensio mentis in Deum? Ergo qui mente eleuatur in Deum, verissimè orat, licet attentionem reflexam ad verba non habeat. Nullus vnquam doctor tam rigidus exactor fuit, vt actuale ad verba attentionem necessariam ad orationis integritatem existimaret: Ergo si prima intentio integra verba proferendi, & vocaliter laudandi Deum nunquam voluntariè interrupta virtualiter durat, quis neget hanc veram esse orationem, Deoque gratissimam, qui non vocis clamorem, sed amorem respicit cordis? Dico tamen secundo, quod si tempus non superesset ad persoluendum Officium, idque orans prævideret ita futurum, tantam animi suspensionem impedire teneretur, ne preces horarias omitteret, alioquin non excusaretur à culpa, si priuatos affectus Ecclesiasticæ sanctioni præferret: nisi forte suspensio, vel raptus tanto impetu fieret, vt vsum tolleret libertatis, quod fieri posse Theologi Scholastici cum Mysticis asseuerant: tunc enim in omiſſione Officij inuoluntaria peccatum non esset, vt per se con-

stat. Dissertunt de hac re sanctæ Catharinæ Sententia in Dialogo cap. 67. S. Vincentius Ferrerius tract. de vita spirituali cap. 10. Dionysius Carthusianus in tractatu de discernendis spiritibus, articulo 23. citatus à Consaluo Duranto Episcopo capite tertio libri de visionibus, quem præmisit Revelationibus Sanctæ Brigittæ. Gabriel Biel in Canonem Missæ lectione 61. ubi multa de hac materia, & alij Recentiores.

Gerson. 3. parte
tract. de orat. cir-
ca finem.

5. Hæc verò doctrina ex parte displicet Ioanni Gerson, quem sequuntur quidam Neoterici, displicet etiam Gabrieli loco citato. Iste enim sentiunt nullo pacto licere psallentibus talen^m meditationem admittere, quæ nec pertineat ad verba, nec in eis fundetur, aut quæ ipsorum verborum submoueat cogitationem. Ratio est, inquit, quia non attendens ad verbalem prolationem, dum recitat, mentaliter tantum orat: quis enim asserat externam illam actionem esse humanam, cum careat omni aduertentia? At Ecclesia publicam orationem iubet esse vocalem, ut toti populo, pro quo profertur, immoretur: Ergo non obedit Ecclesiæ, qui voluntariis contemplationibus orationis peruerit integritatem. Sic illi argumentantur. Sed ut veritas nostræ assertionis inconcussa permaneat, id quod assumunt ad probationem, actum scilicet illum non esse humanum, omnino negandum est. Quoties enim in principio actionis actus voluntatis elicitur, quo quis vocaliter orare, atque integra verba proferre decernit, totus recitationis actus qui sequitur liber, voluntarius, ac proinde humanus dici debet, quamuis desit actualis attentio ad verba. Quod si actualis, ac nunquam interrupta attentio requireretur, profectò non saluaretur omnis caro, cum ob cordis humani instabilitatem, vix integram Orationem Dominicam liceat sine distractione proferte. Nec obstat D. Bernardus. Hoc enim ad confirmandam Gersonis sententiam quidam vultur, & locus quem obijciunt hic est. Nihil aliud dum psallitis, quam quod psallitis cogitetis. Nec solas dico vitandas cogitationes vanas, & otiosas: vitandæ sunt & illæ, illa dumtaxat hora, & illo loco, quas Officiales fratres pro communi necessitate quasi necessario frequenter admittere compelluntur. Sed ne illa quidem profectò recipere tunc consuluerim, quæ fortè paulò ante in Claustro sedentes, in Codicibus legeras, qualia etiam nunc me viva voce differente ex hoc auditorio Spiritus sancti recentia reportatis. Salubria sunt, sed minime illa salubriter inter psallendum reuoluens. Spiritus enim sanctus illa hora gratum non recipit, quicquid aliud quam debes, neglecto eo quod debes, obtuleris. Hæc illi à Bernardo, sed malo omine sua opinionis. Istinc enim euidentissima ratione conficitur, eas tantum cogitationes tempore psalmodiæ abijciendas, quæ licet domum tuam, immo

Bernard. serm. 47.
in Cantic.

tamen pacto adorationem pertinent: quales sunt curæ temporales, scientificæ speculationes, & alia eiusdem generis. Secus verò est, cum meditatio practica ad pios erga Deum affectus excitandos ordinatur: nam hic orationis finis est, hoc munus primum, hæc utilis exercitatio, aduersus quam non scribit Bernardus. Moneo tamen consultius fore verborum sensui insistere, quam temerè per alta cœlorum volare, ne audax, & inconsultum facinus celeri ruina castigetur, temerarius maiestatis scrutator opprimatur à gloria. Quis enim audeat ad montem ascendere, nisi solus Moyses? Quis amariora cum Deo miscere colloquia, nisi cor purum, conscientia bona, fides non ficta? Talem animam, cui vivere Christus sit, & mori lucrum, non iudico indignam sublimiori ad Deum accessu. Mihi autem bonum est ponere in Domino Deo spem meam, & recogitare dies meos in amaritudine animæ meæ. Sic per infimos scalæ gradus peruenitur ad culmen: & per materialem, ac formalem attentionem ad finalem, quæ perfectissima est, paratur ascensus, de qua Hefychius Presbyter. *Attentio*, inquit, est continua cordis requies ab omnibus cogitationibus libera. Hæc quidem communiter de attentione. Eam verò plurimum iuuant illæ præparationes, quas Officiorum recitationi præmittendas esse docuimus supra. Tum satagendum est, ut quæ ipsam attentionem impediunt, studiosè euitentur: ne videlicet euagationibus data opera occasionem præbeant, vel nimia oculorum licentia, vel præcipiti Psalmorum pronuntiatione, vel tardo ad chorum accessu, vel immodesta risus petulantia, vel stulta, ac puerili loquacitate. Sunt igitur duo singularia attentionis adinuenta, ante orationem præparare animam suam, & in ipsa oratione omnem euagationis occasionem euitare. Sed de euagationibus, & earum causis, atque remediis seorsum tractandum est.

Hefych. cent. 1.
de Temperantia,

§. V.

Multis euagationibus humanam mentem subiectam esse. Omnes euagationes à septem fontibus oriri: à curis, & sollicitudinibus, à magna negotiorum mole, ab otio, à superfluis colloquiis, ab animi perturbationibus, à sensuum exteriorum libertate, & ab instabilitate imaginationis.

1. **N**Orunt omnes, qui orant quantis euagationibus subiecta mens humana non volens, quantas patiat vel inuita diffcultates, & ne putes ad pusillos duntaxat, & imbecilles in spiritu hoc vsium pertinere, audi magnum sanctitatis fastigium, audi eximium Dei cultorem Augustinum. Verè dicam, ait, tanquam homo in hominibus, & ex hominibus: attendat quisque, & videat, quanta agantur in corde humano, quam admodum ipsa plerumque orationes impediuntur vanis cogitationibus, ita ut vix stet cor ad Deum suum.

August. in psalm.
71.

& vult se tenere, vt ster, & quodammodo fugit à se, nec inuerit cancellos, quibus se includat, aut obices quosdam, quibus retineat auolaciones suas, & vagos quosdam motus, & ster iucundari à Deo suo. Vix est vt occurrat stabilis oratio inter multas orationes. Diceret vnusquisque sibi contingere, & alteri non contingere, nisi inueniremus in scripturis Dei David orantem, & dicentem, *Quoniam inueni Domine cor meum, & orarem ad te.* Inuenire se dixit cor suum, quasi soleret ab eo fugere, & ille sequi quasi fugitiuum, & non posse comprehendere, & clamare ad Dominum, *Quoniam cor meum dereliquit me.* Clamat quidem Dominus per Prophetam, *Auferte malum cogitationum vestrarum ab oculis meis:* & alibi, *omni custodia serua cor tuum, quoniam ab ipso vita procedit.* Ego verò vicissim cum Psalmista clamabo, *Cor mundum crea in me Deus, & spiritum rectum innoua in visceribus meis:* quia nisi Dominus custodierit nos, frustra nos ipsi ad nostri custodiam vigilamus. Sunt autem enagationum varix origines, varij fontes, & riuli mare magnum, & ipatiofum continua accessione componentes, in quo reptilia perambulant, quorum non est numerus, animalia pusilla cum magnis.

2. Primus fons è curis, & solitudinibus oritur. Nimia enim anxietas ad res, & studia, & occupationes externas, cum quis incipit orare, illico suggerit expedienda negotia, componendas lites, fruges comparandas, conscribendas epistolas, pecuniam exigendam, curandam supellestem, & alia eiusdem generis infinita. His curis maxime exæstuant, qui voluntatem suam diuinæ non conformant, nec satis in eo confidunt omnem sollicitudinem proicientes in eum, quoniam ipsi cura est de nobis. Christus Iesus apud Matthæum superfluam temporalium curam multis argumentis prohibet, tandemque concludit: *Nolite ergo solliciti esse dicentes, quid manducabimus, aut quid bibemus, aut quo operiemur? hæc enim omnia gentes inquirunt. Scit enim Pater vester, quia his omnibus indigetis.* Idem ingerens Apostolus, *Nihil, inquit, solliciti sitis, sed in omni oratione petitiones vestre innotescant apud Deum, Dominus prope est.* Olim Israëlitis præceperat Deus, vt ter in anno orationis causa Sanctuarium adirent, & ne sollicitudo rei familiaris eos ad oratione diuenteret, omnem securitatem tempore absentix promisit dicens, *Nullus insidiabitur terræ tuæ, ascendente te, & appARENTE in conspectu Domini Dei tui ter in anno.* Rectè S. Nilus: Non poteris orare purò rebus, ac negotiis terrenis implicatus, & assiduus curis ouultus, quia oratio est depositio cogitationum. Quod autem diuitiæ, & mundi facultates distrahant cor, mentemque perturbent, & anxiam reddant, his versibus eleganter edisserit venustissimus Poëta Coruclius Gallus:

1. Reg. 7. 27.

Isai. 1. 16.

P. ou. 4. 23.

Psalm. 50.

Matth. 6. 31.

Philip. 4. 6.

Exod. 34. 29.
Nilus de orat. c.
65.

*Quid mihi diuitia, quarum si demeris usum,
Quamuis largus opum, semper egenus ero?
Imò etiam pœna est partis incumbere rebus,
Quas cum possideas, est violare nefas.
Non aliter sitiens vicinas Tantalus undas
Captat, & oppositis abstinet ora cibis.
Efficior custos rerum magis ipse mearum,
Conseruans aliis qua periere mihi.
Sicut in auricomis pendentia plurimas hostis
Peruigil obseruat non sua poma draco.
Hinc me sollicitum torquent super omnia cura,
Hinc requies animo non datur ulla meo.*

3. Altera distractionum origo priori similis est, magna scilicet negotiorum moles. Sunt enim quidam magni ardeliones, qui non nisi terram, & carnem sapiunt, & quasi gigantes sub pondere negotiorum gementes, vel non orant omnino, vel tumultuaria celeritate suos Psalmos deglutientes corpore in templo, mente in foro sunt, quibus illud profecto conuenit, quod scriptum est, labor laborum ipsorum operiet eos. Hi tales ab hac voragine difficillimè emergent, nisi quotidie clament ad Dominum, *Saluum me fac Deus, quoniam intuerunt aque usque ad animam meam, infixus sum in limo profundis & non est substantia: Nisi inquam illud sedulo cogitent* *Quid prodest homini, si vniuersum mundum lucretur, anime verò sue detrimentum patiatur? Aut quam dabit homo commutationem pro anima sua? aut turbamur erga plurima, quando vnum est necessarium?* Mundus transit, & concupiscentia eius, atque iratibus transitoriis inuimbendum est, ne beata æternitas amittatur.

Pl. 139.

Pl. 68.

Math. 16. 26.

4. Tertius è contrario fons otium est. Nam dum dormit agricola inimicus homo superfeminat zizania, & via nihil operantium repletur spinis. Otiositas mater nugaturum est, nouerca virtutum, sentina malorum, rubigo sapientie, lumina mentis malitia, viui hominis sepultura. Prostrunt ab hac peste cum tædio spiritualium bonorum carnalia desideria, dicente scriptura, *Desideria occidunt pigrum:* quæ mala si versemus in animo, cum à precibus vacamus, quando mens ad orationis studium se postea erexerit, earum rerum imagines reuerberata patitur, vt bene notat Gregorius, quibus libenter prius otiosa premebatur.

Proz. 27. 23.

Greg. I. 10. mor. c. 11.

5. Quartus fons è superfluis colloquiis, & vanis confabulationibus emanat. Quam rem venerabili Beda præclare edisserens ait: Multum inuat orationis puritatem, si in omni loco vel tempore nos ab actibus temperemus illicitis, si semper ab otiosis sermocinationibus auditum pariter castigemus, & linguam. Quæcunque enim sæpius agere, loqui, vel audire solemus, eadem necesse est sæpius ad animum

Beda de templo Salomona.

quasi solitam, propriamque recurrant ad sedem, & sicut volutabra suae palustria, columbae limpida solent frequentare fluentia, ita cogitationes immunda in putam mentem perturbant, castam verò spirituales sanctificant. Eleganter Poeta:

Corn. Gallul.

Crimen amare locos, crimen conuiuia, cantus.

O miseri quorum gaudia crimen habent.

6. Quintum fontem longè, lateque diffusum animi perturbationes parturiunt. Amor enim, ira, odium, & reliquæ affectiones rationis solem obumbrant, oculum mentis obæcant, intelligentiæ lumen obscurant, distrahunt animum, dilacerant cor, & depriment sensum multa cogitantem. Sicut sol obscuro nubium velamine circumseptus lucis suæ radios non spargit, ita mens perturbationum caligine confusa veræ lucis splendore nequit in oratione perfundi. Et sicut non potest currere, ait S. Nilus, qui ligatus est, ita mens quæ perturbationibus seruit locum spiritualis orationis videre non potest: tæhatur enim, & huc atque illuc à perturbatis cogitationibus agitur. Si vis igitur puram offerre orationem, prius excute mentem tuam, vt sanctissimus Abbas Isaias docet, atque ita constitue, vt si dixeris, *Miserere mei*, ipse quoque precantis te miserearis: si dixeris, *Ignosce mihi*, tu item inimicis ignoscas tuis: si dixeris, *Az remissionis delicta mea*, nec tu proximi tui delicta recorderis. Hæc nisi præstiteris, frustra precaris.

Nilus de grat. c. 66.

Isaias Abb. orat. 18,

7. Sextus fons è sensuum exteriorum libertate nascitur, itemque ex vana, & puerili scurrilitate. Vulgaris parœmia est, *In custodia capiat ouile lupus*, ita mentem non custoditam per apertas sensuum fenestras expugnat demon: Nullus autem sensus est, per quem citius intret mors, quam per oculos. *Oculus meus*, ait Propheta, *deprædatus est animum meum*: & quidam profanus, oculi sunt tota nostra luxuria, hi nos in omnia quotidie vitia præcipitant, mirantur, aditant, concupiscunt. Rectè Propertius:

Thren. 3. 57. Quirilian. declam. 2.

Propert. lib. 4. eleg. 33.

Qui videt is peccat, qui te non viderit ergo Non cupiet, facti crimina Lunon habet.

Propterea Græci eodem modo pupillam; & virginem nominarunt. *Kéga* enim & virgines & pupillæ sunt, vt pupillæ apud Latinos. Atque huc respexit Demosthenes apud Plutarchum initio opusculi de vitioso pudore, cum dixit impudentem scorta in oculis habere non virgines siue *Kéga*. Ideò virgines, inquit Casarius, esse debent, oculorum pupillæ, quæ idem cum virginibus nominis ornatum fortite sunt. Ioannes quoque cognomento Ieiunator, cuius est Homilia quædam Chrysostomo perperam attributa, Pupilla, ait, vocatur oculus, vt sicut ille duabus palpebris vel in quodam concludi clausus est, ita & virgo permaneat. Nilui autem frequentius legimus apud Ethnicos scriptores, quam per oculos ad eos inuicem carnes improp-

Cæsar. dial. 3. de fide interrog. 140. Mom. 22. ad pop. Antioch. Apuleius lib. 10. Heliodor. lib. 3. Longus sophista lib. 1. Pæmnic.

has cupiditates. Elias locuturus cum Deo vultum suum operuit pallio, ut clausis exterioribus oculis internum Dei lumen clarius posset intueri. Pritco. um item : atrum dictum solemnē erat eportere orantem cæcum esse, & mutum, & surdum : ut nihil scilicet videat, loquatur, vel audiat, quod orationis studium interrompere possit.

8. Septimus tandem fons à nobis ipsis etiam non volentibus, & plerumque resistentibus erumpit, ex varia nimirum, & instabili vi imaginationis, quæ nunquam in eodem statu permanens variis discurribus per infinita vagatur. Hanc ego soleo mulieti meretrici comparare, quæ in Prouerbiis à Salomone describitur *garrula, vaga, quietis impatiens, nec valens in domo consistere pedibus suis, nunc foris, nunc in plateis, nunc iuxta angulos insidians.* Richardus Victorinus eam Balæ assimilat, quæ fuit ancilla Rachelis. Imaginatio, inquit, cum tanta importunitate in auribus cordis perstrepat, quatenus eius clamorem ipsa Rachel vix, vel omnino cohibere non possit. Hinc est quod sæpè dum psallimus, vel oramus, phantasias cogitationum, vel quaslibet imagines rerum ab oculis cordis amouere volumus, nec valemus. Quoniam ergo huiusmodi perstreptium cogitationum tumultus quotidie etiam inuiti patimur, qualis vel quanta sit Balæ garrulitas quotidiano experimento docemur. Quæcunque enim visa vel audita quandoque, quæ ipsi gessimus vel diximus, ad memoriam reuocat, & quæ ipsa iam enarrando explicauerat, eadem iterum, atque iterum replicare non cessat. Sic Richardus. Quis autem valeat innumeros imaginationis motus, quæ quisque omni momento sentit, explicare? omni enim mobili mobilior irrequieta pernicitate in varias partes distracta circumuoluitur: ducitur à vanitate in vanitatem, nunc cum mente concordans, mox ab illa resiliens. Quidquid illi occurrit, siue bonum, siue malum, sine differentia discretionis amplectitur, & quia spiritualia non curat, in amore terrestrium occupatur. Omnia transcurrit, & circumuolat, & dicto citius nunc in cælos euolat, nunc in abyssiis est, nunc ultra oceanum pergit, nunc orientem, & occidentem perlustrat. Variat rerum imagines, fingit species, vices alternat, ædificat noua, destruit vetera, destructa reparat, innouat amissa, mutat quadrata rotundis. Quam ridicula eius monstruositas est? Nunc præliantes milites repræsentat, nunc venatores tubicinantes, nunc fabros tractantes quæ sua sunt, nunc mercatores marinis vndis agitatores, nunc eosdem vltamarinas merces distrahentes: niox res humanas perosa ad bestias, & portenta conuertitur. Humano corpori ceruicem iungit equinam, fabricat sub vno capite multa corporea, & rursus in vno corpore multa capita. Desinit leo in draconem, ceruus in vitulum, miraque celeritate tam multas apparere facit formarum varietates, ut vel horæ momento quascumque Poëtæ concinnunt fabulo-

Theophylact. Si-
moeatra, psalt. 36.
Aristot. lib. 1.
ep. Phœdrius fab.
63. & ali. apud
Gasp. Barthelemy
in Notis ad Clau-
dianum.

Prou. 7. 10.

Rich. 1. de præp.
animi ad contem-
p. 1. c. 6.

sis transformationes quasi in tabella pictas exprimat, & proponat. Sic multigenis deformata illusionibus de nihilo infinita componit & nobiliorem hominis partem stulta curiositate seductam allicit, & perturbat.

Ezech c. 47.

9. Hi sunt ferè omnes euagationum fontes, quos oraturi obturare & obstruere debent, ne crescentes in inmenſum aquæ fluctuosum efficiant mare, quod nulla valeat arte pertransiri. Vidit Ezechiel Prophetæ aquas descendentes in templum, dicitque se per eas traductum primò vsque ad talos, deinde vsque ad genua, postea vsque ad renes, tandem intumuerunt aquæ in modum torrentis, qui non potest transuadati. Templum Dei sumus nos, porrò aquæ euagationes sunt, si eis in principio non obuiamus, vñ nobis, quia impetuosis vorticibus sepultos dæmonibus tradent sine villo orationis fructu illudendos. Supraſcriptæ autem euagationes, vel sunt voluntariæ, & culpabiles: vel, sic diuina disponente clementia, orantis mentem afficiunt, vt discamus non altum ſapere, ſed timere, ſicut ſcriptum eſt, *Bonum mihi quia humiliasti me, vt discam iuſtificationes tuas*: vel sunt immiſſiones per Angelos malos, quibus hoſtili fraude decipimur: vel naturaliter animo ingeruntur ob naturæ noſtræ imbecillitatem ſine vlla culpa, & conſenſu. Sed iam videamus quæ ſint earum remedia, & curationes.

6. VI.

Septem euagationum remedia ſigillatim enumerantur. Euagationes inuoluntarias nullum orationi detrimentum inferre.

Clim. gr. 19.

1. **P**rimum euagationis remedium eſt, cum quis ſe diſtractum animaduertit, diuinæ præſentis memoriam innouare, ipſumque imaginari obiurgantem, & dicentem; *Diſcede à me qui operaris iniquitatem, feſtiuitates tuas odiuit anima mea, factæ ſunt mihi moleſtæ. Vt quid cogitas malum in corde tuo? An ignoras quod ſe auferet ſpirtitus à cogitationibus quæ ſunt ſine intellectu?* Vir admirabilis Ioannes Climacus nil efficacius ad attentè orandum exiſtimat quam formam rei iudici aſtantis aſſumere. Si vnquam, ait, viſibili iudici obnoxius fuiſti, non tibi alia forma iam opus erit, quam imitari debeas, dum orationi inſiſtis. Quod ſi neque reus exiſtiſti, neque alios examinari perſpexiſti, vel ex inſirmorum precibus, quas medicis cum ſecandi vel vrendi ſunt fundunt, huiuſmodi aliquid ad-diſce. Idem alibi. Memoria, inquit, æterni ignis tecum ſingulis noctibus dormiat, tecumque euigilet, nec vnquam tempore Pſalmodiæ dominabitur tibi negligentia. Conſidera quoque Dei patientiam in tuis diſtractionibus tolerandis, & caue ne eum amplius irrites, ſed dic ei cum Propheta, *Quoniam tu Domine ſuauiſ, & mitis es,*

Idem gr. 7.

Pl. 85:

Quod multa misericordiae, Quod verax: letifica animam serui tui, quoniam ad te Domine animam meam levavi.

Alterum remedium est duriori inuectiua seipsum arguere his vel huiusmodi verbis, quibus in simili casu sanctus Paphnutius usus fuisse dicitur. Quid agis o pretiosissima, & Deo digna anima, vt coel:stibus relictis terrenis occuperis? Vt tibi miseræ, quia sub conspectu Dei, & Angelorum ludibrium diaboli facta es structum orationis amittens. Viderunt te hostes, & deriserunt Sabbata tua, & plauserunt super te manibus suis. Cleanthes Assius adolescenti cuidam disserens, cum sibi videretur parum attentus, rogavit an sentiret: illo affirmante, cur igitur, inquit, ego non sentio te sentire? Sic Dæmones, cum nullum attentionis signum exterius vident, plane sentiunt orantem non sentire.

Diog. Laërtius
lib. 7.

Tertium remedium præservatiuum est, ante ingressum templi vel oratorij omnem cogitationum extranearum sarcinam deponere, eo modo quo Guillelmus Abbas auctor libelli de Amore Dei inter opera Bernardi utebatur. Intentiones, cogitationes, voluntates, affectiones, & omnia interiora mea venite, ascendamus in montem vbi Dominus videt, & videtur. Curæ, sollicitudines, anxietates, labores, pœnæ, servitutes expectate me hic cum asino corpore isto, donec ego cum puero, ratio scilicet cum intelligentia vsque illuc properantes, postquam adorauerimus, reuertamur ad vos. Ad idem nos hortatur Eucherius Lugdunensis sermone in illud Euangelij, Oportet semper orare: Intraturus ædes sacras foris primum deponere graues curarum catenas, & absoluto corde absoluendus ingredi. Sanctus Adelhardus Abbas vt narrat in eius vita Paschasius Ratbertus, cum ad diuinum intrabat Officium mox omnes cogitationes, & causas rerum temporalium ante ostium reponerat, & secum totus ingrediebatur, vt totus Deo, ac sibi adesset. Eodem remedio quidam Monachus apud Ioannem Climacum gradu quarto utebatur.

Quartum signis quibusdam externis constat, quæ phantasiæ excitant & errantem in viam reducant: qualia sunt carnem vnguibus stringere, digitos contorquere, pectus percutere, & dicere cum Publicano *Deus propitiuss esto mihi peccatori*: orare cum Ezechia *Domine vim patior responde pro me*, vel cum sancta Iudith *Confirma me Deus in hac hora*. Iuuerit etiam ad lacrymas, & singultus interruptæ orationis vindices confugere, & fragilitatem suam ex vitiorum multitudine prodeuntem deslere, ob eamque causam se indignum attentione, & colloquio Dei iudicare: hæc enim humilitas expellit aduersarium, & supernum accersit auxilium.

Luc. 18. 13.
Isai. 18. 14.
Iudith. 13. 9.

Quintum est certis punctis, obiectis, & meditationibus ad tertium attentionis modum pertinentibus mentem ad Deum iugiter

elevare: quæ quidem puncta ex vita, & passione Christi aliisque mysticis fidei deum debent, de qua re agit diffusè Ioannes Mauburnus in Roseto exercitiorum spiritualium in Directorio horarum Canoniarum. Sextum ex frequenti, & sæpius renouata actuali intentione procedit, ut si initio cuiusque Psalmi, vel quoties situs corporis in choro mutatur, ferventius psallere, & diligentius attendere proponamus.

2. Septimum tandem, atque efficacissimum remedium est ipsas quasunque inuoluntarias euagationes, quæ nolentibus, nihilque cooperantibus adveniunt, parvipendere, neque ob eas expellendas nimia sollicitudine, quæ capitis dolorem pariat, laborare. Quid enim perturbaris, si cum sis homo, id pateris, quod humanum est, quod fortissimi quique experti sunt? Sed vereor, inquis, ne tam multæ euagationes immundam reddant animam meam in conspectu Dei. Sanè illic trepidus timore, ubi non est timor. Audi Principem Theologorum: In spiritu, & veritate orat, qui ex instinctu spiritus ad orandum accedit, etiam si ex infirmitate mens postmodum euagetur. Mens enim humana propter infirmitatem naturæ diu stare in alto non potest, quia pondere infirmitatis deprimitur anima ad inferiora: Euagatio verò mentis, quæ fit præter propositum, orationis fructum non tollit. Audi Magnum Basilium: Si debilitatus à peccato fixè nequis orare, quantumcumque potes te ipsum cohibeas, & Deus ignoscit, eo quod non ex negligentia, sed ex fragilitate non potes, ut oportet, assistere coram eo. Audi denique scripturam: *Quomodo misereatur pater filiorum, misertus est Dominus timentibus se, quoniam ipse cognovit signum nostrum: recordatus est, quoniam pulvis sumus.* Sed forsitan meritoria non erit talis oratio? Nihil minus. Nam ut concludit Doctor Angelicus, ad peritum non requiritur ex necessitate, quod attentio adsit orationi per totum, sed vis primæ intentionis reddit totam orationem meritoriam: quamvis ad novi meriti incrementum actualis intentio sit necessaria, ut supra ostensum est. Ego autem amplius dico. Mentis distractio præter voluntatem orantis eveniens, non solum orationis salutare effectus non tollit, imò plerumque ob continuam luctam, ob cognitionem, & depressionem sui augeat meritum, duplicat coronam. Beata Virgo Maria apud Blosium in Monili spirituali S. Brigittæ dixisse fertur. Quacunque tentatione pulseris inter orandum, persiste in bona voluntate, & conatu sancto, sicut commodè potes, quia desiderium, & conatus tuus pius reputabitur pro effectu orationis. Etiam si pravas, ac sordidas cogitationes, quæ cordi tuo incidunt, eicere non poteris, tamen pro illo conatu coronam in cælo recipies: ita tibi proderit illa molestia, modò non consentias tentationi, & tibi displiceat, quod indecens est. Hæc de attentione, quæ ad intellectum pertinet, nunc voluntas devotionis fervore excitanda est.

Thom. 2. 2. q. 83.
art. 13.

Basil. ferm. de
orando Deum.

Psalm. 102.

Blos. Monil. c. 3.

§. VII.

Quid sit deuotio, qui eius effectus, & efficacia. Tum nouem documenta ingeruntur ad eam comparandam, & conseruandam.

1. **D**euotionem à verbo *deuoueo* deduxere Latini, quod destinare, consecrare, vel dedicare significat. Virgilius, Quorum se deuouet aris. Priscianus, Tibi deuoueo hoc opus. Suetonius in Cæsare; Deuotissimos sibi milites reddidit. Legimus, & deuotorium carmen apud Liuium, & Macrobiū, quale fuit illud Deciorum, qui se patriā deuouerunt. Sed quocunque sensu hac olim voce vterentur Latini, iam ex vsu Christianorum profano vocabulo sanctitas, & veneratio accessit, sumiturque deuotio pro peculiari quadam propensione animi ad Deum, & res diuinas. Auctor libri de Spiritu, & anima inter opera Augustini, deuotio, inquit, est pius, & humilis affectus in Deum; humilis ex conscientia infirmitatis propriæ, pius ex consideratione diuinæ clementiæ. Affectus autem est spontanea quædam, ac dulcis ipsius auini in Deum inclinatio. D. Thomas veræ sapientiæ Antistes, Deuotio, ait, nihil aliud esse videtur, quam voluntas quædam promptè se tradendi ad ea, quæ pertinent ad Dei famulatum. Richardus Victorinus; Quid aliud est deuotio, nisi feruida mentis in Deum directio? Hæ deuotionis descriptiones muliercularum, hominumque simplicium conuincunt errorem, existimantium in sensibili quadam dulcedine, & compunctione, ac teneritudine cordis veram consistere deuotionem, cum hæc omnia Doctor Angelicus inter effectus deuotionis enumeret; ipsa verò specialis quidam actus sit pertinens ad Religionem. Per deuotionem docet Seraphicus Doctor omne bonum in cor nostrum immitti. Per hanc enim zelus iustitiæ accenditur, pietas compassionis infunditur, patientia roboratur, exemplum bonum conditur, discretio clarificatur. Hæc est vnctio spiritus docens omnia, quæ expediunt saluti; hæc mentem illuminat, inflammat affectum, actiones ordinat ad virtutem, mores componit, firmat fidem, fiduciam erigit, accendit amorem, ad diuinam eleuat amicitiam, orationem impinguat, dat in aduersis constantiam, in prosperis humilitatem, delet peccata, sublimat merita, fugat dæmones, lætificat Angelos, ædificat proximos, instruit errantes. Arida est omnis Religio, quæ aqua deuotionis non irrigatur: corrui omnis structura bonorum operum, ni hoc munimine fulciatur: huius olei pabulo deficiente fatuarum virginum lampades extinguuntur. Ergo deuotio, ni studiosè incumbendum est, quæ cum difficilis acquisitu sit ob naturæ corruptionem, ob prauos habitus, & dæmonum peruicaciam, seligenda quædam adiumenta sunt, quæ præsidio nobis sint ad eam facilius comparandam, & tenacius possidendam.

2. Feruens autem, & efficax eiusdem deuotionis desiderium pri-

SSS ij.

De Spiritu, & anima cap. 5.

Th 2.2.q.82.ar. 2.

Rich. de crud. in 1. hom. lib. 2. c. 9.

Bonau. de sextalis Seraph. cap. vii.

Bera ferm. 31. in
Cant.

mo loco statuendum est. Initium enim sapientiæ concupiscentia eius, & inuenitur ab his, qui quærunt illam: præoccupat, qui se concupiscunt, vt illis se prior ostendat. Vñtat Deus animam quærentem se, ait Bernat. quæ tamen ad quærendum toto se desiderio, & amore deuouit. Et hoc signum aduentus eius, sicut ab eo qui expertus est, edocemur. *Ignis ante ipsum præcedet, & inflammabit inimicos eius.* Oportet namque vt sancti desiderij ardor præueniat faciem eius ad omnem animam ad quam est ipse venturus, qui omnem consumat rubiginem vitiatorum, & sic præparet locum Domino. Et tunc scit anima, quoniam iuxta est Dominus, cum se senserit illo igne succensam, & dixerit cum Propheta, *De excelsis misit ignem in ossibus meis, & erudiuit me:* Et illud, *Concaluit cor meum intra me, & in meditatione mea exardescet ignis.* Tali animæ suspiranti frequenter, imò sine intermissione oranti, & afflictanti se præ desiderio cum interdum desideratus ille, qui ita quæritur, miseratus occurrit, puto illi de propria experientia conuenire, vt dicat cum Sancto Hieremia, *Bonus es Domine sperantibus in te, animæ quærenti te.*

Thren. 1. 13.

Psalm. 38.

Thren. 3. 15.

Prou. 4. 23.
Bern. ferm. de
tripl. custodia.

Rich. de eru. int.
hom. lib. 1. c. 7.

Cassian. coll. 1.

Prosper. sent. 33. 4.

3. Secundum adiumentum, custodia cordis est. Sic præcipit Sapiens, *Omni custodia serua cor tuum, quoniam ab ipso vita procedit.* Nempe res cordis est, ait rursus Bernardus, gratia deuotionis, & hoc munere se fraudat, qui internum ei dissimulat receptaculum exhibere. Sed à quibus custodiendum est cor? Ab inutilibus cogitationibus, & ab affectibus terrenis. De cogitationibus hæc Richardus: Hi sunt veræ deuotionis socii inseparabiles circumspiciat, discretæ, & prouidæ cogitationes. De affectibus sic Cassianus: Non enim perfectio statim nuditate, aut priuatione omnium facultatum, seu dignitatum abiectioe contingit, sed cordis puritate, hoc est corde intacto à cunctis perturbationibus. Item Prosper in sententiis: Qui supplicaturus Deo locum aptum, & sanctum requiris, interiora tua munda, & omni inde mala cupiditate depulsa præpara tibi in cordis tui pace secretum. Volens in templo orare, in te ora: & ita age semper, vt D. i templum sis, Ibi enim Deus exaudit, vbi habitat.

Psalm. 76;

Psalm. 15.

Matth. 5. 8.

Ephr. lib. de virtut.
et cap. 10.

4. Tertium adiumentum, iugis Dei memoria, sicut scriptum est, *Memor fui Dei, & delectatus sum:* Et alibi, *Prouidebam Dominum in conspectu meo semper, propter hoc latatum est cor meum.* Oritur hoc ex præcedenti Domino attestante, qui dicit, *Beati mundo corde, quoniam ipsi Deum videbunt.* Beatus Ephræm hanc doctrinam stabilienti, ait, Continua Dei recordatione turpes animæ passionis recedunt, instar maleficorum Prætoris accedente: vbi verò memoria Dei abest, ibi tenebræ cum sœtore dominantur, omnisque res improba exercetur.

5. Quartum adiumentum, frequens vsus aspirationum, quibus tanquam subiectis lignis in altari cordis ignis deuotionis succenditur,

& conseruatur. Sunt autem aspirationes crebrae quaedam, sed breuissimae orationes, quas nonnulli iaculatorias vocant, quia tanquam iacula velociter currunt, & subtiliter penetrant. De his Augustinus ad Probam sic scribit. Dicuntur fratres in Aegypto crebras quidem orationes habere, sed eas tamen breuissimas, & raptim quodammodo iaculatas, ne illa vigilantet erecta, quae oranti plurimum necessaria est, per productiores motas euanescat, atque hebetetur intentio.

Aug. epist. lxxi.

6. Quintum adiumentum praebet lectio spiritualis. Quaecunque enim scripta sunt, ad nostram doctrinam scripta sunt: & ut ait Isidorus, qui vult semper esse cum Deo, frequenter debet orare, frequenter & legere: nam cum oramus cum Deo ipsi loquimur; cum verò legimus, Deus loquitur nobiscum. Hanc sacratum lectionum utilitatem Sanctus Abbas Aelredus his verbis confirmat; Sacra Scriptura ager est, in quem Sanctus Isaac inclinata iam die pergit ad meditandū, ubi ei occurrens Rebecca illū, qui acciderat, sua lenit suauitate dolorem. Quoties mihi, Iesu bone, dies vergit in vespem, quoties paruae alicui consolationi quasi diurnae luci intolerabilis dolor nocturna caligo succedit, vertuntur in fastidium omnia, oneri sunt cuncta quae video. In modum silicis cor obduratur, haeret lingua, oculorum vena siccatur. Quid tunc? exeo sanè ad meditandum in agro, sacrum reuoluo codicem, meditationes meas ceris imprimo, cum subito mihi occurrens Rebecca, tua scilicet gratia, Iesu bone, sua luce tenebras discutit, pellit fastidium, duriciam frangit, mox suspiriis succedunt lacrymae, lactymas caeleste gaudium comitatur.

Isid. l. 5. Sent. c. 8.

Aelredan c. 15.

Isai. lxx. 26.

7. Sextum procedit è sensuum exteriorum custodia. Nam ut scribit doctus, & antiquus Abbas Berengosius, nisi ad exemplum legalis Sacramenti primogenitum hominis tedimamus quinque siclis argenti, hoc est quinque sensuum custodia, nihil, nobis quinque vulnorum Christi profecere vibices, quibus in aetate cinis quinque sensuum nostrorum voluit sanare cicatrices. Refert Pelagius inter dicta sanctae Syncreticae istud; Sobriè viuamus, quia per sensus corporis nostri fures ingrediuntur. Sic perimus miseri, & mortem per fenestras intrantem, voluptatis latua personatam excipientes, illud postea magno errore decepti cantillamus.

Bereng lib. 1 de Laude S. Crucis cap. 6.

Ut vidi, ut perij, ut me malus abstulit error.

Virg. ecl. 8.

Sed serò sapiunt Phryges. Semel enim anissa ob licentiosam sensuum euagationem gratia deuotionis nonnisi post longos labores, & continuum fletum, ac feruentissimas deprecationes recuperatur.

8. Septimum gignit solitudo. Ducam eam in solitudinem, dicit Dominus per Oseam. *Et ibi loquar ad cor eius.* Hottatur ad hanc deuotissimus Bernardus: O sancta anima sola esto, ut soli omnium serues te ipsam, quem ex omnibus tibi elegisti. Fuge publicum, fuge &

Oseam 2. 14.
Bern. serm. 40. in Cant.

*Sapiens quietam transigit
Vitam procul negotiis,
Curis procul nocentibus,
Solutus omni iurgio.
Hic alta vitans curia
Potentioris limina
Innoxios ducit dies
Inanis expers ambitus.
Hic lucra conscientia
Quadrante iusto computans
Studet mereri fletibus
Amissa Cæli gaudia.
Optet superba culmina,
Opes, domosque splendidas
Quicumque vult: me nescium
Fraudis iuuat silentium,
Me solitudo, me quies
Abcondat ignotum omnibus,
Deoque soli cognitum.
Hoc scire demum, hoc viuere est,
Sibi, Deoque viuere.*

9. Octauo iuuant deuotionem opera misericordiz, quia *Charitas operit multitudinem peccatorum: & qui inebriat, ipse quoque inebriabitur.* Iuuant corporales afflictiones, quia *caro concupiscit aduersus spiritum: & caro, & sanguis regnum Dei non possidebunt.* Iuuat certum tempus quotidie seligere, quo quis deuotioni diligentius insistat. Iuuat, & ea omnia feuerissimo examine discutere, quæ vel ipsam deuotionem conseruare possunt, vel impedire. Quantum potes, te ipsum argue, ait quidam sapiens, deprehendas te oportet, antequam emendes.

1. Petr. 4. 8.

Prou. 11. 15.

Gal. 5. 17.

1. Cor. 15. 50.

Seneca ep. 28.

10. Nonum denique adiumentum perseverantia suppeditat. Perseuerantia in quam in spiritualibus exercitiis semel assumptis, vt non temerè mutentur, vt sine causa non omittantur, ne ultra præscriptum tempus differantur. Fastidientis stomachi est multa degustare, & sæpius mutatum pharmacum non sanat, sed turbat: sæpius translata arbor non proficit, sed arefcit. Nullum certum exercitium habere, sed quasi folium, quod vento rapitur, per diuersas operationes diuagari, signum est animi ad vitam spirituales prorsus inepti. Omnia quidem probanda, sed tenendum, quod bonum est. Nam quæ virtus coronam, quod opus laudem meretur, si desit perseverantia? Dicam omnibus, quod suis Ianuensibus scripsit Bernardus. Absque perseverantia, nec qui pugnat victoriam, nec palmam victor consequitur. Vigor virium, virtutum consummatio est, nutritrix ad meritum,

Bern. epist. 112.

mediatrix ad præmium. Soror est patientiæ, constantiæ filia, amica pacis, amicitiarum nodus, vnanimitatis vinculum, propugnaculum sanctitatis. Tolle perseverantiam, nec obsequium mercedem habet, nec beneficium gratiam, nec laudem fortitudo. Denique non qui cœperit, sed qui perseverauerit vsque in finem, hic saluus erit. Hæc ferè sunt, quæ deuotionem in nobis gignunt, & conseruant: sed eandem multa quoque sunt, quæ impediunt, & extinguunt, de quibus consequenter agendum est.

§. VIII.

Quæ sint impedimenta deuotionis. Interioris, & exterioris hominis pugna, & humane calamitatis deploratio. Oratio ad impetrandam gratiam deuotionis.

Laur. Iust. de disc.
mon. conuers. c.
19.

1. **P**rimum deuotionis impedimentum sunt peccata venialia, quia, vt Laurentius Iustinianus docet, prius vita commendabilis habenda est, deinde deuotio. Minuunt siquidem veniales culpæ charitatis feruorem, obscurant conscientiæ lumen, contristant Spiritum Sanctum.

Secundum ex conscientia scrupulosa oritur, gignit enim inconstantiam animi, mentis perturbationem, nebulas intellectus, cordis inquietudinem, omnemque deuotionis suauitatem confundit.

Tertium ex cordis amaritudine nascitur, quæ fontem dulcedinis exsiccat, charitatis vnitatem scindit, hostis est concordiæ, inimica pacis, nutrit contentionum.

Quartum impedimentum præstant externæ consolationes: nec enim cœleste manna datum est Israël, nisi postquam defecit farina Aegypti. Præoccupatum nempè secularibus recreationibus animum delectatio sancta declinat, nec misceri possunt vera vanis, æterna caducis, vt iis pariter delectemur, quæ sursum sunt, & quæ super terram.

Quintum è curis superfluis oriri eloquentissimus Iustinianus testatur: nam cum animus per multa diffunditur, vtique minus in se validus est. Non enim interioribus, exterioribusque vacare perfectè potest; sed nec cuiquam intendere valet operi, nisi applicet affectum. Cum autem superflua cura animus occupatur, proculdubio diaboli laqueis captius tenetur.

Sextum è nimio sciendi appetitu, & continua intellectus occupatione in studiis speculatiuis procedit. Nam qui ardentius theoreticis scientiis incumbunt, ferè semper sunt aridi, distracti, indeuoti, ambulantes in mirabilibus super se, nihilque aliud animo reuoluentes, quam controuersias, syllogismos, sophismata, nugas, tricas, aporias. Non tamen dico, vt verbis utar Bernardi, contemnendam, aur negligendam scientiam literarum, quæ ornat animam, & erudit eam, &

Idem de casto
Verbi conuubio
cap. 16.

Bern. serm. 37. in
Cant.

facit etiam vt alios possit erudire. Sed cognitio sui, & cognitio Dei oportet, & expedit, vt præcedant, in quibus summa salutis constituitur. Et vide, si non docebat hunc ordinem, qui dicebat, *Seminate vobis ad iustitiam, metite spem vite, & tunc demum illuminate vobis lumen scientiæ.* Vltimam posuit scientiam, tanquam picturam, quæ statum habere nequeat super inane: & ideo illa duo præmisit, & subiiecit illi, tanquam si solidum aliquid picturæ subterret. Securus iam intèdam scientiæ, si vitæ prius securitatem accepero. Hæc Bernardus.

Septimum malefana curiositas producit, quæ multiplex est. Quidam enim disquisitiones ingeniosi semper in malum aliorum indagare negotia, mores observare solent, vnde detractiones, suspiciones, malevolentia, inquietudines generantur, quibus pax cordis amittitur, turbatur serenitas mentis, & perpetuis quibusdam fluctibus concutitur animus, & in varias partes agitatur. Alij inutilium librorum lectione dissipant spiritum, portentosis Poëtarum figmentis, profanis Ethnicorum historiis, confictis Heroum certaminibus, propudiosis Amadisiorum adinventionibus, aliisque similibus otiosorum pabulis pascentes animum, quæ res, vix dici potest, quanti sit detrimenti his, qui vitam spirituales profitentur. Alij denique in vestibus, ædificiis, supellectili, & superfluis ornamentis curiositatem sectantur, non sine graui spiritus dispendio, dum fel draconum, & venenum aspidum vino sancti Spiritus dulciori super mel, & fauim insipienter præponunt.

Octauum impedimentum obliuiscunt sibi nonnulli, qui gratiam deuotionis iam habitam nulla cura, vel diligentia custodiunt. Non sic sponsa, non sic: nam inuento Dilecto, *Inueni, inquit, quem diligit anima mea, tenui eum, nec dimittam.* Teneatur autem sponsus cordis custodia, orationis instantia, & nunquam interrupto deuotionis seruire.

Cant. 3. 4.

2. Nonum tandem impedimentum explicat qui dixit, *Sentio aliam legem in membris meis repugnantem legi mentis meæ, & captiuam me in lege peccati.* Quandiu sumus in hac vita, caro concupiscit aduersus spiritum, & spiritus aduersus carnem: quæ quidem lucta cum sit perpetua, distrahit animum, & peccati vinculis quasi captiuum religans, non finit eum iugiter rebus diuinis inhærere. Sic duplex in nobis homo reperitur, interior, & exterior. Interior gratia Dei plenus, præditus charitate, spiritu imbutus conuersatur in cœlis, suauitate perfruitur, bonis operibus fecundatur, nihil in conscientia scdum, nihil in intentione admittit obliquum: ad spiritualia exercitia promptus, hilaris ad orationem, patiens ad contumelias, intrepidus in aduersis, ad fratrum obsequia indefessus, austerus ieiuniis, mutus silentio, nudus paupertate, simplicitate reclusus, niueus innocentia, ardens amore, & per deuorum affectum diuino beneplacito semper subiectus. Homo exterior venundatus sub peccato, non per-

Rom. 7. 23.

Psal. 51.

ciens quæ sunt spiritus Dei, amicus mundi, inimicus Christi, oneratus sceleribus, vitiis irretitus, oculos suos statuit declinare in terram, terram comedens, terram diligens, terræ adhaerens omnibus diebus vitæ suæ. Aduersus istum si quis Christi est, armare se debet zelo vindictæ, & clamare cum Propheta, *Ecce homo, qui non posuit Deum adiutorem suum, sed speravit in multitudine diuitiarum suarum, & preualuit in vanitate sua.* Crucifigatur homo iste, reus est mortis, pereat, pereat qui nostrum quærit interitum: destruat corpus peccati, ut ultra ei non seruiamus, sed tentanti concupiscentiæ resistentes, interioris hominis vitam feruentis animi deuotione renouemus.

3. Sed heu me miserum, & infelicem! Quis me liberabit de corpore mortis huius? Quis in tam duro certamine docebit manus meas ad prælium, & digitos meos ad bellum? Quis dabit animæ meæ virtutem, ut inimicum domesticum, aduersarium propinquum, carnem peccatricem, & insurgentem in se supplantet subitus se, & confringat, donec deficiat? Quis, inquam, poterit soluere vincula captiuitatis meæ, nisi tu, qui solus es, Domine Deus, pater vitæ meæ, fortitudo mea, & refugium meum? Obsecro te igitur per Iesum Christum Filium tuum, virum dexterae tuæ, Filium hominis, quem confirmasti tibi, attende mihi, & exaudi me clamantem de profundo, & misericordia tua exaudiat desiderium meum. Erravi sicut ouis quæ perierat, & derelicto te fonte aquæ viuæ, fodi mihi cisternas dissipatas, quæ aquas internæ deuotionis continere non valent. Nunquid non meliores sunt fontes Saluatoris omnibus aquis Ægypti? Et calix tuus inebrians, quam præclarus est? Ego tamen viam carnis ingressus sum, ut biberem aquam fluuij, quæ sitientem animam refocillare nunquam potuit: species enim creaturarum decepit me, & post eas ambulans, exterioris hominis hortamenta sequutus fontes pieratis, venas deuotionis in me ipso siccaui. Et ecce anima mea sicut terra sine aqua tibi. Iam peruersitatis meæ pœnas acerbissimas luo. Inuasit enim me languor animi, hebetudo mentis, inertia spiritus.

Exitiosa caro, Belial tenebrosa procella,

Exitiosa caro, qua fuit omne scelus.

Cœnum, massa grauis plumbi, limosa catena.

Bellua pugnaci prodita materia.

Pestifer æstus, beraque tua vinclum, atque sepulchrum

Formæ, quæ supera venit ab arce mihi.

Non sine causa dictum est de te, quod interficis diligentes te. Nam dum te foueo, dum te nutrio, dum scelerata tua desideria perficio, vita mea Dominus meus declinauit in ira à seruo suo: & ideo appropinquavi usque ad portas mortis, & paulominus habitauit in

Nazianzen. in
Carmine adu.
carnem.

inferno anima mea. Hinc ista sterilitas animæ, & deuotionis inopia, quam patior. Atuit sicut testa virtus mea, factum est cor meum sicut saxum durissimum: nec Psalmus sapit, nec orare delectat, ad vigilias somnolentus, ad fabulas vigil, præceps ad iram, tardus ad patientiam, gulæ indulgens, & linguæ, segnis ad pietatem, nec compungi ad lacrymas queo, nec solitas meditationes inuenio. In tantis miseriis constitutus, quid faciam miser, ubi fugiam, nisi ad te Deus meus? Miserere mei, & resuscita me: ne derelinquas me sicut montem Gelboë maledictum, in quem necros, nec pluuia descendunt. Da mihi irriguum superius, & irriguum inferius, ut sint mihi lacrymæ meæ panes die, ac nocte. Da mihi fontem perspicuum, in quo lauentur iniquitates meæ, & super niuem dealberur anima mea. Loquere ad petram cordis mei, & percutere virga virtutis tuæ, & fluent aquæ compunctionis & inebriabor ab vbertate domus tuæ. Huius aquæ salutaris recreatus aspergine, dilatato corde viam mandatorum tuorum currere incipiam, frequentius orabo, meditabor attentius, donec ad montes excelsos perueniam, in quibus aquæ sunt salubriores, aquæ nimirum Diuinitatis, in cuius contemplatione requiescam in sæcula sæculorum.

METRUM XLIX.

Absiste vulgus: cælicos nunc me decet
 Pangere versiculos
 Amore percussum grani.
 Amore nempe, pura qui semper nouo
 Vulnere corda secat
 Mucrone diro seniens.
 Nam cor potentem armatus ille dexteram
 Cuspide, & igne ferit,
 Hæretque telum vulnere.
 O æstuans incendium, & feruens robor,
 Siccine corda cremas,
 Nec ulla speratur salus?
 Ut sole nix tabescit, ut cere solet
 Soluere lamina globum:
 Sic mens calore absumitur.
 Viuensque morte occumbo, & expers sensum.
 Vno in amore miser,
 Dum pectus vestrum liquitur.
 Ab nulla amoris asperum vulnus potest
 Docta fouere manus
 Senum dolorem leniens.

C A P V T XX.

De variis Sanctorum exemplis ad Diuinum
Officium pertinentibus.

§. I.

Exemplorum magnam esse vim ad vitam rectè instituendam.

HACTENVS Diuinæ Psalmodiæ originem, causas, partes, & disciplinam rudi penicillo malus pictor delineauit: Et quod operis initio non ausus fuisset me præstaturum polliceri, Deo vires subministrante, ipsaque materia vberius quotidie crescente, ipse quoque liber in hanc magnitudinem sensim excreuit. At supersuntne alia? Imò verò, nec finis erit, si quæcunque curiosæ indaginis perscrutatione ad hanc rem spectantia adinueni, studiosè libeat amplecti. Sed cæteris omiſſis sola nobis restant Sanctorum exempla ad diuinum Officium pertinentia, quibus extremum hoc caput dicatum sit. Nam quò pleniori obsequio Ecclesiasticos homines demerear, quædam quasi per saturam sine ordine rerum, aut temporis è probatis Scriptoribus excerpere non grauabor: eritque hoc superpondium non inutile, nec iniucundum; quia vt celeberrimus Historicus scribit, Aliorum erratis ad rectam vitæ institutionem pro exemplis vtī, & rectè factum est imitari scitum, atque pulchrum est. Et facillimè, ait alter, quid proſit, aut obſit homines animaduertunt, cum multa multorum exempla intuentur. Ex vitio alterius, inquit Publius, sapiens emendat suum: estque compendiosum felicitatis genus, vt docet Sanctus Zeno, alterius periculo discere, quid debeas deuotare. Sic vulnus aliorum nostra cautio fit, & veterum egregia facta in vtilitatem posterorum deriuantur. Sententia Platonis est; Nihil rectè doceri, nihil rectè disci sine exemplo: & vt Magnus Gregorius scribit, Non est in sermone laudabilis, qui hoc quod loquitur, opere non ostendit. Præclare de hac re illustriſſis rei rusticæ Scriptor: Vſus, & experientia dominantur in artibus, neque est vlla disciplina, in qua non peccando discatur: & vbi quid perperam administratum ceſſerit improſperè vitatur quod ſeſcellerat, illuminatque rectam vitam docentis magisterium. Exempla denique, teste Iſidoro Pelusiota, dormientes animas ad virtutem capeſſendam exſuſcitant, & ignauas, ac ſocordes excita-

Diodor. Siculus
lib. 1. cap. 1.

Dionys. Halicarn:
initio lib. 11.

Publ. in Scenot.
tis.
Zeno ſerm. 6. de
Iſaia.

Gregor. lib. 19.
moral. cap. 12.
Columella lib. 1.
de re rustica c. 1.

Iſid Pelus. lib. 4.
Epiſt. 172.

tiores efficiunt, & vitiis indulgentes erubescere docent, atque ad penitentiam agendam inducunt. Cæterum à domesticis euentibus, à Cæsario scilicet nostro Heisterbachcensi scribendorum exemplorum initium sumo, eius enim historiz memorabiles datæ sunt mihi in manus, dum hæc scriberem. Stylum autem mutavi, quod & in cæteris obseruatum est.

§. II.

Exemplorum Decades quatuor.

Cæsarius lib. 4.
cap. 28.

1. **M**onachum quendam Ordinis nostri ita Princeps tenebrarum decipiebat, vt quoties ad nocturnas vigilias surgendum esset magno statim sudore perfunderetur. Ille putans infirmitatem esse, quod erat diabolica fraus, iacere, vestibus se operire solebat, & sicut ostium vertitur in cardine suo, ita piger ille vertebat se in lectulo suo. Nocte quadam cum dato signo, cæteri surgerent, & ad diuinum Officium festinarent, delicatulus noster tentare quidem, & aliquantulum moueri, vt surgeret; sed larga sudoris profusione præpeditus, iterum sopore languescere, iterum torpori succumbere. Et ecce incognita vox aures eius implacide feriens, Noli surgere, inquit, noli interrompere sudorem tuum, quia non expedit tibi. Venit tunc demum Monachus se fuisse deceptum, & phantastico sudore neglecto, vigil proliens è lecto aduersus acediz spiritum fortius deinceps dimicauit. Sic illis illudit dæmon, qui corporis infirmitatem magis quam morbos animi timentes, hostium stratagemata celeri vigilantia teuertete non student.

Cæsar. lib. 4. c. 29.

2. Alius quidam Sacerdos cæteris post vigiliis priuatis orationibus, & meditationi iuxta Regulam nostram incumbentibus in sede aliqua oratorij se collocans inter verba orationis dormire solebat. Cumque frequentius ab ingruente somno vinceretur, apparuit ei quadam vice Dominus in cruce verso ad illum dorso, & facie auersa, hac corporali visione patenter insinuans tepidos, & pigros Monachos à facie Domini proiciendos fore: sicut ipse per Prophetam Ieremiam testatur, dicens, *Quia oblitus est mei populus meus, frustra libantes, & impingentes in viis suis; dorsum, & non faciem ostendam eis in die perditionis eorum.*

Ierem. 28.

Cæs. lib. 4. c. 30.

3. Et ne putet aliquis se excusatum iri, quod non omnis somnolentia à proprio vitio, vel ab hostili tentatione, sed à corporali quandoque infirmitate naturaliter oriatur: narrat Cæsarius Beatum Christianum Ordinis nostri Monachum, cum ob aduersam valetudinem post nocturnam synaxim inciperet debile caput in ipsa Ecclesia sopore reficere, à sanctissima Dei Genitrice Maria hac voce excitatum fuisse: Surge Christiane, non est hic locus dormiendi, sed orandi. Quoniam verò huius sancti viri semel mentio iniecta est, aliud eiusdem
exam-

exemplum narrabo, quo ad frequentiam chori, & reuerentiam in eo habendam excitetur.

4. Infirmus erat, vt dixi, B. Christianus, ac propterea licentiam habuerat ab Abbate, ne surgeret ad vigilias. Ille tamen non nisi grauissima necessitate compulſus, hac facultate utebatur. Interrogatus autem à quodam, cur indulta sibi gratia perfrui nollet: Non possum, inquit, memor enim consolationum, quibus inter psallendum lætificat Deus animam meam, valdè crucior, si à publica recitatione me contingat abesse: nam & beatos Angelos chorum circuire, ipsumque Regem Angelorum multoties vidi, ipsi, inquam, Christus Iesum, qui dixit, *Delitæ meæ esse cum filiis hominum: & ubi fuerint duo, vel tres congregati in nomine meo, ibi sum in medio eorum.*

5. Sed redeo ad somnolentiam, quam dæmonis astu orantibus immitti manifestum est. Nam B. Conradus Conuersus noster in dorso cuiusdam fratris dormitantis, dum Laudes recitarentur, diabolum vidit in forma serpentis retortis gyris complicari. Vidit alius in alterius capite eundem sedere domesticæ felis assumpta figura. Circa alium somnolentum sæpè porci sunt visi, & porcorum grunnitus auditi, quia verba Psalmorum semiplenè, ac sine attentione prolata, quasi siliquas porcis infernalibus diripienda proiiciebat.

6. Dormiens nocte quadam Monachus senior nomine Fredericus, vir alioquin bonus, & iustus, hominem vidit procera magnitudine, turpique aspectu deformem, nodum stramineum luto, ac fimo perlitum habentem in manu, qui cum somno sepultum terribilibus oculis respexisset, quid hic dormitas, ait, magnæ fili mulieris? Magnam scilicet mulierem B. Virginem appellauit, cui Ordo noster specialiter addictus est. Tum stramen illud immundum magno impetu faciei eius intentauit, qui cum vellet ferientis ictum declinare, caput parieti allidens non sine proprio dolore, aliorumque ludibrio euigilauit.

7. Horribilius est quod sequitur. Quidam enim in sacris vigiliis dormiens, tantam Deo nauseam prouocauit, vt veniens de altari Crucifixus, maxillam eius validissimo pugno percussit, qui & post triduum mortuus est.

8. Illustris, & facetus miles lapidem oratorij ab Abbate Hemmerodensi emere voluit, quod talis eum naturæ diceret, vt somnum confestim conciliaret. Nam quoties oraturus se super eundem lapidem reclinabat, mox ei somnus tentante Sathana obrepere consueuerat, vt vel inde cognoscas plures in lecto vigiles, in choro somnolentos fieri, omnem pristinam vigilantiam humani generis hoste destruyente.

9. Dictum est supra sanctos Angelos, ipsumque Dominum visos fuisse psallentium cœtibus interesse. Addo nunc, quod relatu iucun-

Ibid,

Cæsar. lib. 4. c. 32.
33. & 35.

Cæsar. lib. 4. c. 34.

Ibid. c. 38.

Ibid. c. 37.

Cæsar. lib. 7. cap. 12.
13. 36. & 48.

diffimum est, Beatam quoque Dei Genitricem sæpè oratorum per-
ambulasse, deuotè cantantibus benedixisse, à tepidis, & dormienti-
bus cum indignatione recessisse: quæ omnia B. Henricus Conuersus
Claustrensis, & S. Godefridus Vilariensis Monachus, & alij non se-
mel videre meruerunt. Sed in his memorabile est, quod cuidam car-
nali Monacho euenit, Hic, cum maiorem corporis curam, quam spiri-
tus haberet, in solempni festo B. Virginis psallens noctu cum cæteris
eandem manifestè intuitus est, quæ mira claritate perfusa, pyxidem
habebat in manu suauissimo electuario plenam, atque inde integrum
cochlear hauriens, in os singulorum infundebat. Ad ipsum verò per-
ueniens indignabunda recessit dicens: Tu de meo electuario sume-
re non indiges, quia mendicus es, & plures tibi impendis consol-
ationes. Hac acerbissima animaduersione perstrictus ille mores emen-
dauit, & in proxima Dominæ nostræ sollemnitate eandem visionem vi-
dere, & electuarium de manu Virginis accipere dignus fuit, quo gu-
stato tanta dulcedine, & deuotione repletus est, vt omnem terrenam
consolationem prorsus respueret. Electuarium istud, inquit Cæsarius,
gratia deuotionis intelligitur, cuius virtute psallentes confortantur,
cuius dulcedine labor vigiliarum vertitur in delicias: huius species
aromaticæ sunt memoria compunctiua Dominicæ Conceptionis, Na-
tiuitatis & reliquorum Sacramentorum Christi, quæ omnia mellis sua
spe futuræ retributionis condiuntur, & meritis B. Virginis psallentibus
infunduntur.

Cæf. lib. 4. cap. 8.

10. Ad cantum pertinent quæ sequuntur. Et quidem ex canora vo-
ce inanis gloriæ occasionem arripere quanti discriminis sit, docuit pe-
riculo suo quidam Monachus Casinensis, qui cum cereum in Vigilia
Paschæ voce dulcissima benediceret, essetque vox eius tanquam
Musica in conuiuio, peracta benedictione subito in veste Leuitica de
medio raptus nusquam cōparuit, nec vllibi inuentus est. Causam huius-
modi raptus elationis vitiū fuisse, qui eius vitam nouerant, testati sunt.

Ibid. cap. 9.

11. Dicit Propheta, *Circuibō, & immolabo in tabernaculo eius ho-*
stiam vociferationis, cantabo, & Psalmum dicam Domino. Si tamen
exaltatio vocis non ex seruore, & abundantia cordis, sed ex inani ia-
ctantia procedat, iam Deo placere non potest, qui superbis resistit, hu-
milibus autem dat gratiam. In Ecclesia quadam sæculari cantantibus
Clericis, & tumultuosas voces in sublime tollentibus, vir religiosus,
ac timens Deum qui fortè tunc adfuit, vidit in loco eminentiori da-
monem, sinistra manu saccum tenere, dextera verò cantantium vo-
ces colligere, ac in eundem saccum immittere. Post Officiū verò,
cum illi de optimo cantandi genere gloriarentur, dixit, qui visionem
viderat. Benè quidem cantastis, sed saccum implestis.

Cæf. lib. 5. c. 5.

12. In Cænobio quodam Ordinis nostri cum Antiphonam Inuita-
torij is ad quem spectabat, psalmumque sequentem voce mediocri

inchoasset, & seniores eodem tenore cœptam melodiam prosequerentur, quidam ineptus iuuenis indignè ferens, depressiori voce Psalmum incœptum fuisse, eum quinque ferè vocum interuallis exaltauit. Cumque Seniores arrogantia eius resisterent, pertinax Monachus cedere contempsit; sed & alij ex opposito choro eum adiuuantes vocem in exaltatione obstinarunt. Cessere peruicacibus cæteri propter scandalum, & cacophoniam. At B Hermannus dicti loci tunc Prior dæmonem vidit cum lætitia, & impetu præsiliens, & circa eos, qui cantum superbè exaltauerant, tripudiantem.

13. Idem Hermannus dæmones sæpè vidit discurrentes in choro, vt sciamus locum certaminis esse oratorium, & non esse nobis colluctationem aduersus carnem, & sanguinem, sed aduersus Principes, & Potestates, aduersus mundi rectores tenebrarum harum, contra spiritalia nequitia in cœlestibus. Cum aliquando initio vigiliarum chorus Abbatís inciperet Psal. *Domine quid multiplicati sunt*, adeò multiplicari dæmones vidit, vt ex illorum concursu, & discursu turbati fratres nescirent prorsus, quid dicerent. Tandem breuissimo illo, & vltimissimo Psalmo non sine labore, & confusione vtcumque expleto, discessit diabolus totius confusionis caput, & psallentibus Monachis pax, & serenitas restituta est.

Ibid.

14. Alia vice cum Prior Monasterii secularia quædam negotia ante ingressum chori immediatè tractasset, vidit Hermannus dæmonem, tanquam viæ ducem ante illum ingredientem. Tanti detrimenti est ad opus diuinum, sine præscriptis præparationibus accedere.

Ibid.

15. Idem cum errantes in aliqua Officii parte, iuxta præscriptum regulæ nostræ, vel terram tangendo, siue deosculando, vel petendo veniam satisfacerent dæmones aspexit ab illis, tanquam turbine impulsos, velocissimè discedentes. Non enim potest superbiæ spiritus humilitatis signum tolerare.

Ibid.

16. Vt discamus quanto feruore Hymnus *Te Deum laudamus*, cantari debeat, rem narro mirabilem, quam in Monasterio quodam Sanctimonialium accidisse scribit Cæsarius. Puella quædam cum dictus Hymnus incœptus esset, vidit cœlos apertos, & chorus cum psallentibus in ipsos supernè eleuari, & introduci: Cumque Versiculus ille *Tibi omnes Angeli* psalleretur, vniuersos ordines Angelorum, & singulos singulorum ordinum spiritus demissis capitibus, flexisque genibus, & expansis manibus Deum adorare. Quod & Apostoli, & Prophetæ, & omnis cœlicus ordo similiter faciebant, cum eorum nomina in consequentibus Versiculis recitarentur. Cum autem extremus Versus decantaretur, rursus chorus in terram descendit, & Cœli clausi sunt. Lique hinc terrestrem hymnodiam cœlestis filiam esse. Stamus enim hic in atriis supernæ Hierusalem, cuius participatio eius in idipsum. Huic exemplo aliud subdo de Cantico Domini *Alleluia*.

Idem lib. 8. c. 90.

Cæsilib. 4. c. 55.

17. Solet hæc vox supernis ciuibus familiaris, magna vocum exultatione, & longo notarum decursu cantari. Intolerabilis autem cui-dam Nouitio Ordinis nostri hæc cantandi ratio videbatur, adeo vt vel hac de causa iam à sancto proposito discedere cogitaret. Nocte quadam, cum tentatio eum acrius infestaret, vidit se in somnis à militibus, quos olim hostes habuerat, omni ex parte circumdatum, & oppressum; nec effugij vlla spes erat: iam hostes eum capere, iam manus in eum violentas injicere. Sic periclitanti adfuit candidato-rum exercitus, quorum signifer cum *Alleluia* ingenti vociferatione clamasset, eandemque vocem crebro repetiisset, territi hostes in fugam dispersi sunt. At Nouitius expergestus, omni-que tentatione solutus tantò feruentius in posterum *Alleluia* cantauit, quantò maiorem eius vim ad effugandas contrarias potestates expertus fuerat.

Lib. de viris illu-
stris, Ord. Cister-
ciensis.

18. Hæc è Cæsarij flosculis delibasse sufficiat. Sed ne statim ab Ordine meo discedam, quod de dulcissimo Patre Bernardo memini me legisse, hic in primis enarrabo. Intererat aliquando nocturnis vigiliis Pater sanctus, cumque solito feruentius diuinas psallere laudes conaretur, singulis Monachis, singulos Angelos altare conspexit, qui psallentium verba, ne minima quidem syllaba prætermissa schedulis excipientes velocissimè conscribebant. Porro quidam auro, alij argento, quidam communi atramento, nonnulli aqua, quod quisque psalleret, exarabant. Erant etiam, qui nihil scriberent. Intellexit protinus vir Dei, eodem qui reuelauerat spiritu edocente, quid scripturæ diuersitas indicaret. Aurum enim feruentissimum in Dei seruitio amorem, & alacritatem; argentum minorem quidem feruorem purissimam tamen intentionem significabat. Atramentum bonam voluntatem denotabat, quamvis deuotionis, & vigilantia studio aliqua ex parte deesset. Per aquam verò eos Scribæ cælestes exprimebant, qui somnolentia pressi, vanisque cogitationibus à se abducti voce, non corde psallebant. At qui nihil scribebant, illos indicabant, qui inter iustos sceleratè viuentes, noxiisque cogitationibus voluntariè distracti contra legis præscriptum vacui apparebant in conspectu Domini: quorum peruersæ operationes indignæ, quæ Angelicis codicibus exciperentur, à dæmonibus quibus seruebant tenebrosis voluminibus consignabantur. Vtinam hoc exemplo edocti sic diuinis assistere laudibus studeamus, vt omnis psalmodia nostra auro, vel argento conscripta honorem Deo, gaudium Angelis, nobis salutem operetur.

Exordium Ord.
Cisterciensis.

19. Cum quædam cantantur, quæ maiorem exigunt attentionem, valde solliciti sunt Angeli sancti, vt maiorem quoque in psallentium cordibus excitent deuotionem. Vidit eosdem Sanctus Bernardus, qui cum Hymnus *Te Deum laudamus* decantaretur, virumque

chorum percurrentes nunc hos, nunc illos ad cantandum alacriter modis omnibus excitabant. Sed & ipse sanctus Abbas, cum dictum Hymnum inciperet, visus est à quodam miro splendore circumfusus: Tum nitidissima flamma ab ore cantantis erumpere visa est; & in cœlum conscendere, quò eius intentio ferebatur.

20. Beatus Vuulfridus Monachus Ordinis nostri in Angliâ cum Canticum trium puerorum decantaretur, vidit Angelum Domini cum magnæ claritatis fulgore in medium chori descendere, & thuribulo cœlesti thymiamate referto spiritualium aromatum vivificum vaporem psallentibus offerre. Cum autem ad illum versum psallentes pervenissent, quo sanctissima Trinitas collaudatur, idem Angelus carbonem ignitum de thuribulo tollens in os Vuulfridi proiecit, qui tantum ardorem ferre non valens, exanguis corruit, & delatus in infirmitorium, tribus diebus quasi mortuus permanfit. Sed regredior ad cantum, quem humilem, & devotum esse debere, hoc item domestico exemplo edocemur.

21. In Abbatia quadam Monachus erat, qui peritia cantandi, & dono suavisissimæ vocis instructus non ad Dei laudem, sed ad inanem suam gloriam tanto munere utebatur. In communi Psalmodia prorsus elinguis, in iis quæ solus concinebat, ultra modum vocalis reperiebatur. In die autem solemnî cum versum cuiusdam Responsorij pro singulari vocis privilegio sibi assignatum non in grauibz, sed in acutis, & superacutis vocibus, tinnulis modulis, flexilique lascivia perfonasser: eo finito dæmunculus teter cunctis videntibus apparuit, qui plaudens manibus, & scædis cachinnis exultans, protinus exclamavit. O, ô benè, benè cantavit, optimè cantatum est. Hoc est videlicet superbi cantus præmium plausus diaboli, exultatio inimici, cantantis perditio. Sancta quædam Virgo primis Patribus nostris ruinam Ordinis euenturam prædixit ex agrorum multiplicatione, ex superfluitate ædificiorum, & ex vocum lascivia. Quam Prophetiam in nobis impletam, heu seris, & inutilibus lacrymis deflemus. Hæc in libro de viris illustribus Ordinis nostri dum legerem, ingesserunt se protinus duo exempla, quæ prætermittere nefas sit. Ea pertinent ad somnolentiam; quæ noctis vigilias custodientibus obrepere solet.

22. Quidam Monachus Henricus nomine, ætate iuuenis, corpore robustus, sed carnis curam perficiens in desideriis, cum in omni parte Monasticæ disciplinæ cespitaret, tum maxime cum ad vigilias surgendum esset. Nam vel non surgere omnino, vel nondum peracta synaxi discedere, pigritiam verò infirmitatis velamine solebat obtegere. Sed Deus non irridetur. Nam qui posthabito timore Domini, neglecta regulari admonitione dixerat, ut delinqueret in semetipso, tandem relicto Ordine reuersus ad vomitum suscepti propositi impissimus defector interiit. Viderat eum sepiissime Cœnobiaz

V. V. u. iij.

Chrysostom. Hæ-
riquez in Mtro-
log. Cisterciën. ad
diem 13. Febr.

Lib. de viris illu-
str. Ord. Cister.

ibid.

cha, dum exiret è choro diabolico impulsu abactum, eius enim collo infidebat visibiliter aduersarius, & extra castra pugnantium, & orantium impellebat, quò facilius solitarium opprimeret. Idem narrante in Dialogis Beato Gregorio eisdem Monacho accidisse didicimus, quem daemon educebat ab oratorio, sed dissimili exitum: nam iste à S. Benedicto correctus culpam agnouit, & emendauit. Audiamus nunc rem iucundissimam, quæ vigilantes Monachos maximopere corroboraret, & confoletur.

Ibid.

23. Miles quidam virtute, & sanguine illustris, quem Corradum vocabant, in Cœnobio Ordinis nostri præcipuas quasque solemnitates celebrare consueuerat. Aderat aliquando nocturnis vigiliis in die festo Purificationis B. Virginis, tantamque inuitus somnolentiam patiebatur, vt ei nullatenus resistere posset. Cumque proprium torporem derelictans non cessaret Monachos admirari, qui ex eodem luto confecti, ac multis insuper ieiuniis afflicti singulas noctes ducebant insomnes, subito sopore oppressus vidit duos homines Monastico habitu venerabiles, quorum vnus iucundo vultu militem allocutus hunc versum Latinum pronunciauit: *Talia posse pati soli meruerunt beati*. At vir analphabeticus verborum sensum non percipiens, manè carmen recitauit Priori, à quo eius explicationem audiuit. Beati ergo diuinitus nuncupantur, quibus datum est posse pati, & vigilare pro Christo: & admirabilis virgo Catharina Bononiensis inter Martyres computandum fore dicebat Religiosum, qui nocturnis semper vigiliis sine vlla exemptione adesset. Pergo & ex vita S. Geltrudis alia hæc dissentanea adiungo.

Vitz ejus lib. 3.
cap. 5.Institutionum
Diuinæ pietatis,
sive vitæ S. Geltr.
lib. 3. c. 23.

24. Cum in festo cuiusdam Sancti horas Canonicas purissima intentione sancta Virgo persolueret, visa sunt omnia psalmodiæ verba quasi lanceæ acutissimæ, quæ de corde eius ad cor Iesu Christi procederent, idque medullitus penetrarent, & suauissima afficerent delectatione. De corde autem Christi exibant radii, qui nouæ gloriæ splendore Sanctos omnes exornabant, viuus quoque specialis gratias, defunctis refrigerium subministrabant. Hi videlicet attentæ Psalmodiæ sunt effectus honor Dei, Sanctorum gloria, salus viuientium, & requies defunctorum.

Ibid. c. 24.

25. Alia vice dum singulas notas, & verba cum actuali intentione proferre studeret, & sæpius pro humana fragilitate deficeret, dixit intra se: & quæ utilitas ex tali studio, cui tanta inest instabilitas? At pius Dominus, vt eam consolaretur, obtulit cor suum in similitudinem lampadis ardentis: Ecce inquit cor meum dulcissimum organum semper venerandæ Trinitatis, cui omnia, quæ per te supplere non sufficis, fiducialiter perficienda commendabis, & sic omnia coram me summè perfecta apparebunt. Quemadmodum si tu vocem haberes dulcissimam, & sederes propè sororem, cuius dissona

vox cunctis ingrata foret, valdè indignareris, si tibi ad cantandum aptissimæ illa inepta vices suas nollet committere: Sic ego solvo æstuanti desiderio præstolari, vt mihi homines ea perficienda offerant, quæ ipsi vtrorè imperfecti adimplere per seipsos non valent.

26. Præcipit Sanctus Pater Benedictus in Regula, vt Capitulum Laudum memoriter recitetur: Cum igitur hebdomadaria sic Capitulum cantasset, reuelavit Deus Sanctæ Geltrudi tale ab illa præmium acquisitum fuisse, ac si tot personæ pro illa orarent, quot verba protulerat. Tanti momenti est, vel in minimis rebus obedientia.

Ibid c 82.

27. Solent Prælati, & Præcentores nostri psallentium cœtum circuire, vt dormientes in nocturna synaxi excitent, & in opere Dei omnem præcauant negligentiam: cum autem quædam Sanctimonialis id ex more præstaret, dixit Dominus beatæ Geltrudi, si quis studet in diuinis tam in se, quam in aliis negligentias præcauere, ego pro illo suppleo omnem defectum perfectæ intentionis, & deuotionis. Alia multa ad diuinum Officiū pertinentia, libro quarto continentur, quæ breuitati consuleus prætermitto. Hic autem tria exempla ex Laurentio Surio describam, quæ doceant operi tibi nihil esse præponendum.

Ibid. cap 83.

28. Cum S. Ludgerus persoluendis diuinis Officiis cum suis infisteret, à Carolo Magno Imperatore tertio accitus ire tamen ad illum distulit, donec cæptam psalmodiam consummasset. Non defuere aulici, qui sancti viri pietatem ad contemptum Cæsaris retorquerent: at ille interrogatus, cur toties accersitus venire contempsisset. Ego, inquit, ô Imperator, tuum semper præceptum ita in omnibus exequendum putavi, vt tamen Deum tibi vbique præferendum non dubitarem: Ideo non ob contemptum Regiæ potestatis, sed potius propter tuam salutem, quæ Deo debebam exoluere curavi, sicque expeditior ad tuum seruitium veni. Hanc Episcopi libertatem suspiciens optimus Princeps, Gratia habeo Episcopo, ait, quia qualem te semper credidi, talem te nunc esse expertus sum.

Surius 26. Martij:
Vitz S. Ludg. l. 1.
cap. 32.

29. S. Hugo Lincolnienſis Episcopus semper Canonicas preces statuto tempore persolvebat. Contigit illum aliquando cum Prælatiſ quibusdam, & Clericis per loca à latronibus obſeſſa iter agere. Surgunt omnes ante lucem, vrgentque socij discessum, vt ingentis periculi viam in tenebris pertransirent: At vir sanctus instabat, vt matutinas preces ante omnia persoluerent. Illi autem metuentes ne propter moram à grassatoribus caperentur, dilato in commodiorem horam Officio iter aggressi sunt. Mira res. Isti prudentes secundum carnem inciderunt in latrones. Hugo verò cum suis expleto Matutino lætus, & incolumis ad constitutum locum peruenit.

Surius 19. Nov.

Id. 4. Decembr. in
vita S. Annonis
lib. 1. cap. 36.

30. In quodam Monasterio Sanctimonialium puella quædam in extremo vitæ discrimine versabatur: instante vetò Completorij hora sorores in Ecclesia conuenerunt, vt diurnæ seruitutis pensum complerent. Vix autem primos cantauerant Psalmos, cum subito euocatæ virgines tactu signi ad transitum morientis diuinum Officium imperfectum reliquerunt. Ad quarum ingressum infirma, quæ iam vltimum efflabat spiritum, repentino saltu è lecto prosiiliens ad Abbatissam cucurrit clamans & dicens: Fer præsidium Domina, fer præsidium: At illa tremebunda. Quid habes, inquit, filia, quid habes: Respondit. Multitudo demonum, qui huc cum sororibus ingressi sunt, me ad inferos secum velle abducere minantur, quia propter me detrimentum seruitij sui Christus habet. Porro sorores ad imperium matris protinus in Ecclesiam regressæ diuinæ laudis cursum deuotè peregerunt: quibus psallentibus puella lectulum repetens, omni horrore discusso, paulatim deficiens mortua est.

Idem 7. Aprilis.

31. Inter Canonicos Præmonstratenses eximia floruit sanctitate B. Hermannus. Hic quotidie, dum Canticum Zachariæ dicebatur, tam mirifico replebatur odore, vt omnium florum, & aromatum fragrantia naribus eius aspirare videretur. Eodem verò tempore duos Angelos videbat ab vtraque parte Ecclesiæ incensum psallentibus ministrantes, sed cum magno discrimine: nam quibusdam hilares sese ostendere, & coram illis reuerenter inclinare: alios præterite negligentius: & à nonnullis cum horrore quodam protinus resilire. Intellexit statim vir Deo plenus primos eos esse, qui Deum animo, & voce laudarent: Secundos, qui minus aduerterent, quod psallebant: Tercios illos, quorum vita mors erat. Conuenit hoc exemplum cum decimo octauo supra descripto: Nunc alia adiungenda sunt ex Thoma Cantipratano.

Cantipratan. lib.
2. de Apib. c. 40.

32. Erat Sueffionensis ciuitas in Gallia Ecclesiastico interdicto subiecta, quamobrem non nisi silentio diuina ibidem mysteria celebrabantur. In Vigilia igitur Assumptionis B. Virginis Prior Canonico-
rum Regularium S. Ioannis in vineis iuxta muros eiusdem ciuitatis assumptis secum tribus Canonicis deuotissimis viris in montem proximum secessit, vt in quodam oratorio solemnitatem Dei Genitricis celebrarent. Hora verò consueta ad nocturnam synaxim euigilant, cantant simpliciter, & deuotè. At vbi Prior nonam lectionem de more finiuit, subito concentus mirabilis Angelorum insonuit, & Responsorium *Felix namque es* altissimis vocibus cantauerunt: quo vsque ad versiculum dicto, quatuor tantum ex illa innumera multitudo versum, cum *Gloria* succinerunt, multitudo semper cum repetitione respondente. Post secundam verò repetitionem iteratò Responsorium, iuxta morem Gallicum quatuor Angeli inchoarunt, & prosequentibus omnibus, alacriter finierunt. Porro de cantu Ecclesiastico,

clesiastico, qualis esse debeat, relatu dignum est quod idem auctor commemorat.

33. In quadam Ecclesia Canonicorum secularium præcipua cuiusdam Sancti festiuitas agebatur: in Completorio autem Responsorium illud *In pace in idipsum dormiam, & requiescam*, Clericis cantantibus, & discantantibus, facta est cunctis audientibus vox, de cælo dicens, solus raucus exauditus est. Erat hic raucus despectus quidam, qui vocis cacophoniam morum consonantia compensans, cæteris in dulcedine vocis, absque cordis deuotione sine fructu exultantibus, solus exauditus est pro sua reuerentia.

34. Semper nititur dæmon diuinum Officium impedire, quare sicut eodem Auctore narrante didicimus, Venerabilis quædam Abbatissa Ordinis nostri nocte quadam cum nulla Monialium ad nocturnum surrexisset Officium, vidit diabolum, qui eas somno fallaciæ deluserat cachinnis singulas irridentem, & fusa ad Dominum prece, eum visibilem multis ostendit.

35. Sanctissimus Abbas Dorotheus vir sapientiâ, ac pietate insignis, rem mirabilem de nocturnis vigiliis scribit, quam ab eo cui accidit se audisse asseuerat. Nocturnam synaxim persoluebat, cum cæteris beatus senex Dioraticus, & ecce virum splendidis indutum vestibus initio Psalmodiæ egredientem videt à sacratio paruum calicem cum sacrificio, & hostia habentem in manu: psallentibus autem appropians hostiam tingebat in calice, & ea fratres omnes obsignabat. Sedes autem quorundam, qui ad vigilias non surrexerant, eo signo tangebatur: aliquorum intacta loca pertransibat. Atque hoc ipsum in fine Psalmodiæ à sacratio rursus egrediens reperebat. Hæc senex cum vidisset, rogat hominem humiliter, vt signorum mysterium edisserat. Respondet ille se esse Angelum Dei delegatum ad hoc, vt Monachos ab initio Psalmodiæ vsque ad finem perseverantes eo signo notaret: nec præsentibus dumtaxat, sed eos quoque, qui cum licentia, & benedictione Prælati aberant, iusta de causa sacro signaculo obfirmabat, eo quod animo, & voluntate cum psallentibus adessent. At loca eorum, qui ob desidiam, & somnolentiam diuinis no-luerant interesse solemnibus, iussu Dei summi nullo signo notasse dicebat, quoniam ipsi eo munere indigni erant.

36. Scribit Seraphicus Doctor in vita Sancti Francisci, quod quamuis beatus Pater oculorum, stomachi, splenis, & hepatis ægritudine laboraret, nolebat tamen muro, aut sedidum psallere in hære; sed horas semper erectus, & stans cum ingenti reuerentia, & alacritate persoluebat. Et si quando esset in itinere constitutus, instante hora diuini Officij stans, & gressum figens in ipsa via, suas preces recitabat: nec ob solis ardorem, nec ob inundantes pluuias, nec ob frig-

XXx

goris asperitatem, aliamue temporis, vel cœli iniuriam huiusmodi consuetudinem prætermittebat. Dicebat enim, si quietè comedit corpus cibum suum futurum cum ipso esca vermium, cum quanta pace, & tranquillitate accipere debet anima cibum vitæ?

Ibid.

37. Idem magno zelo omnem animi euagationem castigare solebat, vt ex subiecto constat exemplo. Fecerat aliquando orij vitandi gratia vasculum quoddam non inelegans, quod cum memoriæ eius occurrens, dum Tertiam psalleret, paululum ipsius animum distaxisset, motus feruore spiritus dictum vasculum igne consumpsit, dicens, sacrificabo illud Domino, cuius sacrificium impediuit. Hæc de Seraphico patre nartat Seraphicus filius Bonauentura. Sed ecce iam manibus vir Eminentissimus Petrus Damianus. Nil grauius, nil iucundius eius eloquio. Hic quædam memoratu dignissima de diuinis Officiis recenset, quæ cum suauissimo eius sermone descripsero, & exemplis, & libro finis erit.

P. Damian. lib. 2.
Epist. 15. ad Desiderium abbatem.

38. Clericus, inquit, Colonienfis Ecclesiæ vadum fluminis transibat, & ecce B. Severinus eiusdem Ecclesiæ nuper Episcopus equi eius habenas apprehendit, eumque retinens sistit. Cumque ille in stuporem versus, & grauiter admiratus cur illic tam clarus, & tam celebris famæ vir moraretur, inquireret: da mihi, ait, manum tuam, & quæ circa me sunt non auditu disce, sed tactu. Cumque datam manum fluctibus Episcopus impressisset, tantum eam ardor absorbuit, vt vndique carnes eius resolutæ dissuerent, & ossa nuda vix hærentibus articulis remanerent. Ad quem Clericus, cum nomen tuum, inquit, in tanta benedictione sit apud nos, & fama tua consonis totius Ecclesiæ præconiis celebretur, cur te pestilens hæc vorago constringit, tantoque, prohi dolor! incendio cruciaris? Ad quem S. Episcopus; Nihil, ait, aliud in me remansit vltione plectendum, præter hoc tantum, quia dum in aula Regia constitutus Imperialibus me consiliis vehementer implicui, Canonice synaxis Officia per distincta horarum spatia non petfolui. Manè quippè simul omnia coaceruans tota die negotiis ingruentibus secura libertate vacabam. Ob hanc itaque negligentiam horarum ardoris huius fero supplicium. Tu vero omnipotentis Dei clementiam humiliter implora, vt manum tuam in salutis pristinæ restituat statum. Quod cum factum fuisset: Vade, inquit, fili, obsecra fratres meos Ecclesiæ Clericos, & alios spirituales viros, vt pro me preces fundant, indigentibus subsidia conferant, sacrificiorum votis insistant. His enim peractis ego mox de vinculo pænæ huius indubitanter expediar, & expectantibus me beatorum ciuium choris lætus adiungar. Hoc certè magnam nobis debet inferre formidinem, quia cum sanctum virum vni culpæ duntaxat obnoxium tam intolerabilis Purgatorii pœna constringit.

xerit: Væ, væ, quæ mihi, meique similibus est inferenda sententia, quos tot reatum prolixitas grauat? Distinguenda sunt ergo per momenta temporum Ecclesiasticæ institutionis Officia, & sub magna reuerentiæ disciplina dicenda sunt, ne dum psallimus, fructum spiritus cum carnis desiderio misceamus. Hæc Damianus, qui ab Adraldo Abbate Bremensi ea se asserit didicisse. Verum Baronius Ecclesiasticæ antiquitatis exactissimus indagator hanc Historiam referens, mendum irrepsisse putat in Episcopi nomen, & pro Seuerino substituendum censet Peregrinum, vel Pilegrinum, alioquin temporis ratio non constaret. Sanctus enim Seuerinus Damiani tempora annis circiter septingentis antecessit: Pilegrinus autem in serie Colonien-sium Episcoporum paulò ante S. Petri ætatem collocatur. Pergit idem Petrus, & ex eiusdem Abbatis relatione, dum simul per Burgundiam iter agerent, aliud subiungit exemplum.

Baron. Tom. II;
an. 1062. n. 84.

39. Frater quidam Cluniacensis Cœnobij piæ mentis, & rectæ conuersationis vir hinc aliquando transibat, & ecce crinitus quidam quasi ex Hierosolymitana peregrinatione deueniens palmam ferebat in manu. Cumque Peregrinus, & Monachus inuicem obuij sese alternè pettranassent, ait ille: Completorium in lecto nec salus est, nec profectus. Quod frater audiens, admiratus expauit, ac repente post terga respiciens, eum videre non potuit. Mox enim ut verbum protulit, omnino disparuit. Ille verò ad conscientiam mox reuersus inuenit, quia pridiano vespere lassus de via redierat, & fessâ in lectulum membra proiciens, iacendo Canonicas horas compleuerat.

Petr. Dam. vbi
supra:

40. Quiddam simile in eremo fontis Auellani, quam dum hæc scriberet, incolebat vir sanctus, narrat consequenter accidisse. Erat ibi Prior nomine Ioannes, qui lentis quibusdam infirmitatibus macilentus videbatur semper, & gracilis. Hac itaque sui corporis imbecilla tenuitate confusus, sæpè iacens in lecto, Completorium decurrebat. Accidit autem, ut dæmoniacus quidam non procul abesset, qui multa hominum secreta, & obscenos actus impudens propalaret. Cumque præfatus Ioannes dæmonem exire præciperet, & quibusdam exorcismi quæstionibus flagellaret: Tunc, ait, ille es, qui sub cotto quotidie Completorium insufurras, & modò me quasi Sanctus eiicere, & iuris mei vasculum de meo vis dominio liberare? Hoc audito frater erubuit, quia rei veritatem etiam per mendacij recognouit auctorem. Hactenus ille.

Ibid.

æternitatem, Nec verebor Iuenci Poëtæ assumpta persona aliquid mihi de hoc qualicumque opere polliceri, cantans in hoc Epilogo, quod ille in Prologo Euangelicæ Historiæ cecinit.

*Nec metuo vt mundi rapiant incendia secum
Hoc opus. Hoc etenim forsan me suberabet igni,
Tunc cum flammivoma descendet nube coruscans,
Iudex altisbronii genitoris gloria Christus.*

Denique hac oratiuncula Deum precabor, qua libros de Trinitate concludit Augustinus. Domine Deus vnus, Deus Trinitas, quæcunque dixi hic de tuo, agnoscant & tui: Si quæ de meo, & tu ignosce, & tui. Amen.

M E T R V M L.

O Mibi iam plures multum vigilata per annos
Pagina, sat spatiis longum confecimus æquor;
Naufragæ fluctuivago iactata carina profundo
Iam portum tranquilla tenet: iam dente tenaci
Auchora de prora iacitur, iam littore gaudet
Nauita, iam Scylla monstrum, rabiemque Charybdis.
Et syrtes, scopulosque, & venti euasimus iram.
Iam licet optatam saltu contingere terram,
Et superis meritas pro munere soluere grates.
Omnipotens Genitor, cæli suprema potestas,
Principium sine principio, sator vnice rerum,
Immensus, sine fine potens, sine tempore durans,
Absque loco loca cuncta replens, sine luce coruscans;
Cuncta simul sine voce loquens, sine robore fortis,
Mundum mente gerens, sine motu cuncta gubernans:
Vnicus, & simplex, placidus seu parci amanti,
Expectasque tacens, seu crimina vindice pæna
Corrigis iratus, seu iustis præmia reddis.
Haud opis humanæ est dignas tibi soluere grates:
Sed cæli dum luce fruor, te carmine semper,
Pestore te memori cantabo, nulla carebit
Laudibus hora tuis, Tuque ô sapientia Patris,
Principium de principio, de lumine lumen,
A vero verax, soboles æquæua Parenti,
Fons lucis, mentale iubar, Verbumque paternum;
Omnia cognoscens diuina notio mentis,

*Ars summi Artificis, primique expressio veri,
 Tu precor ignaro, maioraque viribus auso
 Ignosce, & clemens audacibus annue scriptis.
 Tu Bonitas, tu Patris Amor, tu mutuus ardor,
 O Patris, & Nati Flamen, qui compar utrique
 Imperium sine fine tenes spirabile Numen,
 Tu quoque, si potui per te tot adire labores,
 Has licet exiguas pro munere suscipe laudes.
 Auspice te, quacunque fides Romana patebit,
 Ore legar populi, nec me libitina sepulchro,
 Nec ventura dies tenebrosa condere nocte,
 Nec poterunt flamma, nec edax abolere vetustas.
 Candida posteritas, duce te, mibi digna laboris
 Præmia, & immeritam statuet cum laude coronam.*

FINIS.



IMPRIMATUR,

Si videbitur Reuerendiss. P. Sac. Palatii Apost. Magistro.

Ascanius Rinald. Vicesger.

Imprimatur Fr. Vincentius Cepolla Magist. Reuerendiss. P. Magistri
 Sacri Palatii Apostolici Socius Ordinis Prædicar.

INDEX RERVM, ET VERBORVM.

A



Bassia quæ regio sit. 477
qui Abassinorum ritus.
ibid.
Abrahæ sacrificium mysticè explicatur. 136. & *seqq.*
Acœmetarum Monasteria. 74
Adam vindicatur à quorundam accusatione, quod laudes Deo post creationem non cecinerit. 63
Adoratio unde dicatur. 160
Adoratori sedcant vetus parœmia. 481
Æolius modus. 413. 414. 429
Ætæris aureæ descriptio. 205. 206
Ætæris nostræ defectus. 225
Ætæris antiquæ & nouæ comparatio.
Metro 19. 205
Æthiopum ritus. 477
Affectus animæ erga Christum crucifixum *Met.* 4. 86. & *Met.* 18. 198
Affectus animæ querentis sponsum.
Metro. 16. 136
Affectus varij amantis animæ. *Metr.* 24. 139. & *Met.* 40. 365
Agenda. 78
Agobardi Lugdunen. error circa diuinum officium. 381
Albanenses Europæi & Asiatici, & eorum ritus. 478
Allegoriæ voluntariæ reprobantur. 375
Allegoriis & ænigmatibus occultant antiqui res sacras. 79
Alleluia quæ vox sit. 341. eius encomia ex Patribus. 341. & *seqq.* cur

hæc vox non sit translata in aliam linguam. 342. Vox Hebræica est. 343. 344. Quid Latine significet. 347. Cur certis diebus intermittatur. 342. 343. 345. Cur prolixiori modulatione canetur. 342. 343. 411. 424. A quo primum cantari cœperit. 344. Eius multiplex vsus. 344. & *seqq.* Olim etiam dicebatur in officiis defunctorum. 345.
Audita hæc vox in templo Serapidis eius ruinam portendit. 346
Alterni cantus antiquitas. 361. 363
Ambrosianus ritus à quo institutus, & qualis. 456
Amen, quid significet, & alia quædam de hac voce. 397. 398
Amor vigilare facit. 334
Amoris creati & increati lucra. *Metr.* 40. 365
Amoris potentia. *Metr.* 8. 334. & *Metr.* 49. 317
Amphionis fabula. 410
Angeli ab initio Deum laudarunt. 59
Angeli adstant orantibus & psallentibus. 488
Angelorum dores & ministeria. *Metr.* 47. 489
Angelica saluatio, eiusque dignitas & excellentia. 317
A quibus composita fuerit. 317. Cur dicatur in diuino officio. 318
Animæ lucra cum Deo. 12
Animæ dignitates. 294
Animæ amantis affectus. 7. Affectus.
Animæ purgatio non differenda. 301

Y Y y

INDEX RERV M,

Antiphona quid sit, quæ origo, & quis
vsus Antiphonarum. 361. 362
Antiphona charitatem significat. 364
Antiquitatis vis & excellentia. 50
Apodipnon idem ac Completorium.
2. 0. 466
Apuleij textus corruptus emendatur. 424
Arionis Methymnæi fabula. 410
Armeniarum & Armenorum rituum des-
criptio. 470
Ascensio mentis in Deum. 293. 294
Aspirationum vsus. 510
Athanasij Symbolum quando & à
quo scriptum. 399. cur die Domini-
ci recitetur. *ibid.* A Carthusianis di-
citur quotidie. 452. Itemque ab Am-
brosianis. 458
Athei confutantur. 51. 56. 57. Scazon
aduersus Atheos. 57
Athos mons in Macedonia. 467
Attentio in oratione necessaria. 496
Attentio triplex, ad verba, ad sensum
verborum, ad finem qui Deus est.
497. earum vis & discrimen. *ibid.*
Attentio ad sensum verborum cæteris
præfertur. 501. 518
Attentio ad orationem vocalem an
meditationibus impediatur. 499
An satisfaciatur suæ obligationi qui
pfallendo rapitur extra se. 492. 500
Avaritia. 298
Aurora laudatur, & describitur. 145.
147
Aue Maria. V. Angelica salutatio.

B

Benedictus Pater Monachorum
Psalmodiæ propagator. 73
Eius laudes. 445. & Metr. 41. 446
Vidit in hac vita essentiam Dei. 445
Cantauit in utero matris. 446
Quomodo officium diuinum ordi-
nauerit. 447. Primus Completo-

rium instituit. 227. *et seqq.*
Benedictiones & earum vsus. 384. 385
cur Lectionibus præmittantur. *ibid.*
Benedictionis nomine aliquando in-
telligitur collecta siue Oratio. 393.
394
Bisuntinæ Ecclesiæ ritus. 462
Breuiarium quid sit. 479. cur codex
sacrarum precationum Breuiarium
nuncupetur. 480
Breuitas humanæ vitæ. Metr. 5. 90. &
Metr. 13. 212
Brutis an infir ratio. 52

C

Cabalistarum errores & dogmata. 95
Caligo mystica. 237
Cantus alterni antiquitas. 361. 363
Cantus Ecclesiasticus. 407. V. Musica.
eius antiquitas. 407. 419. 422. qua-
lis esse debeat, & quæ vitia in eo
euitanda. 433. 434
Cantus figurati lepida descriptio. 420
Cantus Gregoriani proprietates. 431
Cantus Gregorianus à quodam Ab-
bate explosus, & nouus turpiter in-
troducitur. 432
Cantorum & Musicorum discrimen. 423
Cantica, eorumque vsus, numerus, ma-
teria, & origo. 374. 375. Quomodo
differant Cantica à Psalmis. 373.
Canticum quid sit, & quid significet.
373. Canticum Psalmi, & Psalmus
Cantici in quo differant. *ibid.* Per
alia Cantica ad Canticum Cantico-
rum peruenitur. 376. 377. Cantica
Euangelica cur stando cantentur.
375. Canticum *Te Deum laudamus*
quis composuerit. 376
Capitulum quid sit. 391. cur singulis
horis, & quo ritu recitetur. 392
Carmelitarum ritus. 454
Carthusiani Ordinis laudes, & ritus.
452
Cathisma. 346

ET VERBORVM.

Ceremoniæ quid [fint.493](#). A fidelibus ad infideles translata. [494](#). veræ à falsis & superstitiosis discernendæ.

[494.495](#)

Ceremoniarum vsus & [efficacia.493](#). [494](#). externæ siue spiritu interno non profunt. [495](#)

Chalæorum ritus. [478](#)

Christus dies sine nocte. [104](#). semper in [medio.187](#). eius passionis memoria quam utilis. [106](#). erga eam affectus.

[Metr.4.86.& Metr.18.198](#). Christi crucifixi [contemplatio.190.191.197.198](#)

Christiani S. Ioannis Baptistæ, & S. Thomæ in India. [478](#)

Cibi sumendi hora apud [antiquos.199](#). Qui olim semel, qui pluries in die [refecerentur.101](#). [Christianorum](#) veterum hac de re motes. [103](#)

Cisterciensis ordo B. Virginis specialiter dedicatus est. [155](#). [256](#). eius prærogatiuæ, & de illis veterum testimonio. [450.451](#). eiusdem ritus, [452](#)

Cleantis Affij apophthegma. [507](#)

Clepsydra, & de ea ænigma. [102](#)

Codices sacrarum precationum quot & qui sint. [479](#)

Cognitio Dei omnibus innata. [51.49](#)

Cognitio sui necessaria. [108.109](#)

Cæmeterium. [244](#)

Cenæ antiquorum. [100](#)

Celchori seu Mengrellensi [ritus.478](#)

Collectæ nomen æquiuocum. [192](#). Collectarum vsus, materia, & auctores. [391](#). [Collecta](#) aliquando benedictio dicitur. [393](#). de postrema Collectæ clausula. [396](#)

Colloquia inutilia vitanda. [503](#)

Completorium cur sic dictum. [216](#). cur à Læctione inchoetur. [ibid.](#) à S. Benedicto primò institutum fuit. [218.219](#). qua hora celebrandum. [211](#). eius mysteria. [131.236.243](#). ad-

mouet nos finis nostri. [231.232](#). ei

feruentius adesse debemus multis de causis. [142.143](#). cur ei præmittatur hic versus, *Conuertere nos Deus salutaris noster.* [319](#)

Concentus Musicus in laudem Dei. [415](#)

[Metr.43](#). [415](#)

Concentus mysticus animæ. [436](#)

Confessio cur fiat ad Primam & Completorium. [404](#)

Constantia viri iusti. [Metr.35](#). [306](#)

Contemptus rerum terrenarum. [Metr.24.219.& Metr.29](#). [275](#)

Contemplationis series ex sacrificio Abrahamæ describitur. [136](#). & [seqq.](#)

Conuersio vera quæ sit. [390](#)

Copti, siue Cophti qui sint, & qui eorum ritus. [477](#)

Corpus castigandum. [298.299](#)

Creatoræ scala ad Deum. [193.194](#). Inuitantur ad laudandum Deum. [Metr.10](#). [314](#)

[Credo.17](#). Symbolum Apostolorum.

Crepusculum quid [sit.139](#). an diei vel nocti tribui debeat [139](#). linea crepusculorum. [140](#). eius duratio, & plura de crepusculis. [140.143](#)

Crucis signum, eiusque antiquitas & virtus. [333](#). & [seqq.](#) Ab eo incipiunt omnia diuina officia. [312](#). Crucis encomium. [334](#). [337](#). signum crucis quæ ratione formatur. [36](#)

Crypta ferrata Monasterium Græcorum in agro Tusculano, eiusque ritus. [467](#)

Cura corporis post mortem. [273](#)

Curæ nimis tollendæ. [302](#)

Cutiositas colubenda. [315](#)

Custodia sensuum. [504.511](#)

D

David & Psalmorum laudes. [Metr.41](#). [371](#)

Dæmoniorum meridianum. [188.189](#)

Defunctorum animæ, & pro eis officium. [258](#). ipsius officij institutio. [263](#). & [rimus](#)

Y Y y ij

INDEX RERVVM,

163. 165. Cur certi dies tributi sint
sacris pro mortuis offerendis. 264
Deuotio quid sit, & qui eius effe-
ctus. 109. quæ eius adiumenta. 109.
110. & segg. quæ impedimenta.
114
Dei cognitio hominibus innata. 10.
est tamen difficillima. 55. semper
homo malè de Deo meruit. *ibid.*
Deus cognoscitur ex creaturis. 51
Deus cur se laudet in *scripturis*. 61. Di-
uinæ laudis initium. 10. 59. 61. 62.
Successio ab initio mundi vsque ad
Christum. 63
Dei existentia manifesta. 56. & segg.
Dei ignorantia vnde proueniat.
54. Atheismum vel superstitionem
parit. *ibid.*
Deus inuocandus initio operum. 82.
331. 332. Dei inuocatio. Metr. 1. 49.
Dei misericordia. 285
Deus cur laudetur hora Prima, Ter-
tia, Sexta, & reliquis, non autem
aliis horis. 83. & segg.
Dei nomina præcipua decem ex He-
braïco fonte. 348. 149. Dei nomen
quadriliterum cur ineffabile dica-
tur. 149. 350. Omnia Dei nomina
includi in nomine Iesu. 351
Deum nemo videre potest, nisi mori-
ariatur. 214. 235
Deus vbique est. Metr. 46. 484 Dei
præsentia. 183. 490. 510
Deos omnes Ethnicorum referri ad
Solem. 160
Deo gratias vox antiqua in Ecclesia.
389
Deus in adiutorium meum intende.
331 332. Huius versiculi vsus. *ibid.*
Dies quid sit. 96. An dies noctem præ-
cedat, vel nox diem. *ibid.* Diuisio
diei in naturalem & artificialem.
97. Diei ciuilis initia varia apud
varias gentes. 98. Cur dies diuisa in

duodecim horas. 107. Diei natura-
lis partes antiquo Romanorum
more. 105. 106. Diei & noctis mira-
bilis vicissitudo. 112. Diei & no-
ctis diuisio in quatuor partes. 113.
Diebus tributa nomina secundum
musicam proportionem. 412. 413.
Dies verus Christus est. 104
Diluculum. 1. 9. cur diluculo oran-
dum. 143. 144
Diptychæ. 263
Diuitiæ spernendæ. 297. 298. Diuitum
curæ. Metr. 33. 298
Dithyrambus. Metr. 24. 29
Disciplina Psallendi. 480 & segg.
Doctor spiritualis qualis esse debeat.
304
Domni & Nouni appellatio, & de ea
plura. 381. & segg.
Dominus vobiscum, diuinissima salu-
tatio, eiusque origo, & cur colle-
ctæ præmittatur. 294. 295. Cur ei
respondeatur, *Et cum spiritu tuo.*
ibid.
Dominicæ diei prærogatiuæ. 399.
400
Dorius tonus. 423. 424. 426. 419

E

Ecclesiæ Catholicæ varias esse
consuetudines, & ritus, qui non
officiunt vnitati fidei. 439. 440
Enos quomodo cœperit inuocare no-
men Domini. 63
Enthusiasmus, & dicendorum propo-
sitis. Metr. 3. 82. Item Enthusias-
mus Metr. 13. 371
Epistolæ laureatæ. 218
Eiseni. 64
Ethnicorum quorundam impietas
erga defunctos. 267
Euagationum fontes qui sint. 401.
Euagationibus semper mens sub-

ET VERBORVM.

ieſta eſt. 101. 102. Euagationum remedia. 106. Euagationes inuoluntarias non obefſe orationi. 108
Euchariftiæ inſtitutio. 110
Exapoſtolarion. 465
Exceſſus ab humanis. Metr. 32. 295
Exempla quantum profint. 103. 400.
119
Exemplorum pertinentium ad diuinum officium decades quatuor. 110.
Externa ſine internis non profunt. 495

F

Fabulis veritas velata. 80
Felicitas vera in quo conſiſtat. Metr. 14. 100.
Fides commendatur. 111. 126
Fidei myſteria. Metr. 18. 123
Fletus ad Veſperam cur *demorari* dicatur. 211
Funerum ritus qui auctores deſcribant. 273

G

Gemitus Pœnitentis. 213. 214
Gemitus animarum in Purgatorio. 261
Gloria Patri, &c. quando cœperit in fine Pſalmorum cantari. 339. De huius verſiculi origine errores conſutantur. 117
Glorificare Deum quid ſit. 140
Gloria vera quæ ſit, & cui debeat. 140
Gratus quindecim vitæ ſpiritualis. 296. *et ſeqq.*
Gratiarum actio neceſſaria. 87. 18
Gratiarum actio pro fine operis. 112
Gratia Spiritus ſancti quid operetur in anima. 174. 176
Gratiæ & libertatis concordia. 129

Græcorum ritus. 463. 467. eorum officium quot & quibus Codicibus contineatur. 479
Gregorius Magnus commentaria ſua in Iob publicè legi in Eccleſia prohibuit. 381
Guido Aretinus Monachus inuentor facilioris methodi cantandi. 412

H

HArmonia mundi. 417. & Metr. 44.
Hipparchus Pythagoricus cur expulſus à Tchola. 72
Homo cur rectæ ſtatutz. 53. 299. *quæ* poriffimum ratione à brutis diſtinguatur. 12. Vitioſus ſit beſtia. 13.
Vix natus tendit ad finem. Metr. 21.
Hominis interioris & exterioris pugna. 115
Horæ Canonicæ. *Pſ.* Pſalmodia. Officium diuinum.
Horarum Canonicarum varia nomina. 78. earum calumniatores reprehenduntur. 77
Horæ ad Deum laudandum quæ & qua de cauſa inſtitutz. 81. *et ſeqq.*
Hora vnde dicta. 90. Horæ nomen æquiuocum. 99. Fabulæ Poëtarum de horis. 100. 101. Nomina horarum. 101. Imago horarum apud Philoſtratum. *ibid.* Horæ pro anni tempeſtatibus olim acceptæ. 99. olim nuntiatæ à ſeruis. 104. Horæ æquales & inæquales. 108. 109. Hybernæ & æſtiuæ. 110
Horæ in ſphæra maximè obliqua, quomodo conputandæ. 141
Horarum duodecim diurnarum antiquo more diſtributio. 111
Hora legitima cuiuſque officij celebrandi quæ ſit. 117

INDEX RERVM,

- Hora prandij & cœnæ quæ olim fuerit. 199. & *segg.*
- Hora Romuli vxor. 100
- Horologiorum primi inuectores. 101.
104. vsus & species 101. 102 Horologia mirabilis structura. 103.
- Monachi olim quomodo horas metirentur. *ibid.* Horologium quid moraliter significet. 104. De Horis, & Horologiis elegia. 105
- Homeri Poëma allegoricum. 79
- Humanæ miseræ deploratio. 316
- Humanarum rerum inconstantia. 192.
- & vicissitudo. 210
- Humilitas. 104. 340
- Hymnus quid sit. 359. Hymnorum auctores 360. primi inuectores. 356.
357. 358. varia genera, & laudes. *ib.* quo ritu cantentur. 360. 361. de Hymnis Orphei. 356
- Hymni sanctissimæ Trinitatis. 61. Angelorum. 59. 60. Primorum parentum, & veterum Patrum. 63. & *segg.* Primorum Christianorum, & de illis testimonia infidelium. 66
- Hymnus Christi post Cœnam, quis fuerit. 358
- Hymnus ad Christum. Metr. 11. 169
- Hymnus Eucharisticus pro fine operis. Metr. 50. 133
- Hypodorus Tonus. 423. 426. 429
- Hypothygius. 413. 426. 430
- Hypolydius. *ibid.*
- Hypomixolydius. 431
- Hypoæolius. 421. 429
- Hypoastius. 423. 430
- Hypoionicus. 430
- Hypermixolydius. 424. 429
- Hyperastius. 423. 431
- Hyperlydius, Hyperæolius, Hyperdorus, Hyperthygius. 423
- I
- Iacob, eiusque lucta cū Angelis 157
- Iacobitæ & eorum ritus. 478
- Iastius Tonus. 423. 424. 430
- Iberorum ritus. 478
- Ieiuniorum ratio apud veteres. 117.
- Diebus ieiuniorum qua hora cibum sumeret antiqui Christiani. 204. 205
- Ignorantia malorum radix. 54
- Ignis alienus quis sit. 167. Quis ignis obscurans Solem. *ibid.*
- Illyricorum ritus. 476
- Imaginatio, & eius instabilitas. 355
- Incipientium gradus. 296
- Infidelium oratio stans horis. 95
- Inuitatorium quid sit, eiusque ritus. 352
- Explicatur Psalmus, Venite exultemus Domino. 353
- Inuocatio superni auxilij. Metr. 1. 49
- Inferni coniuratio. Metr. 27. 260
- Intentionis puritas. 307. 482
- Intētio duplex actualis & virtualis. 483
- Ionicus modus. 430
- Ira Dei duplex. 331
- Irenicæ preces. 468
- Irrerentes in choro arguuntur. 491.
- 492
- Iustificacionis ordo. 273. 274
- K
- Krie eleison. 288. 479. etiam infideles vsi sunt hac precatione. 288
- L
- Abia cur aperiri deprecemur initio nocturni officij. 327
- Lacrymarum vtilitas & vis. 111. & *segg.* Hortatio ad lacrymas. Metr. 21. 214
- Laudes qua hora dicendæ. 142. An sint Officium distinctum à Nocturnis Vigiliis. 138. Quæ sint laudum rationes mysticæ. 142. 143. 144. 148
- Lectonum antiquitas, vtilitas, & excellentia. 379. & *segg.* Vfus & ritus. 181. quæ & qualiter in Ecclesia legantur. 382. cur eis præmittatur benedictio. 384. cum leguntur, cur

ET VERBORVM.

eis pramittatur benedictio. 384.
 cum leguntur, cur sedeamus. 387.
 postrema earum clausula explicatur. 389
 Lectio spiritualis. 511
 Leucothea. 142
 Libertas & gratia quomodo coherant. 319. 330
 Libri Ecclesiastici Latinorum & Græcorum quot & qui sint. 479
 Litaniam quid & quotuplex. 188. Quando & à quibus instituta. *ibid.* eorum descriptio. 289. vis & efficacia. 290. 291
 Lucani versus explicatur. 115
 Lucernarium, hora lucernaris, & Psalmi lucernares. 124
 Lucta Iacob cum Angelo. 151. animæ cum Deo. 152
 Lugdunensis Ecclesiæ laudes & ritus. 456
 Lux mystica animæ. 149
 Lucis encomium. 146. 149
 Lydius Tonus. 423. 426. 430
 Lyfidis Epistola. 79

M

Maria Virgo maior omni laude. 245. 246. difficile de ea scribere *ibid.* & 317. cur dicta negotium omnium seculorum. 246. eius cultu semper viguisse. 248. eius encomia & inuocatio. Metr. 25. 247. Metr. 26. 252. itemque 253. 254. 405. 406. eius nomen venerandum. 257. 258
 Mariæ Virginis officium paruum. 245. eius institutio antiquior quam vulgus putet. 250. & seqq. A Monachis Benedictinis originem habet. *ibid.* Ritus explicatur. 255
 Magister spiritualis qualis debeat esse. 304
 Magas, sine Magadium. 428
 Maronitæ qui sint, & quis eorum ri-

tus. 474
 Martyrum tormenta 400. & Metr. 42. 401
 Martyrologium cur legatur post Primam. 400. 403. quo ritu. 403 404. primi eius scriptores. 403
 Matutinum officium. 7. Laudes. 403
 Matutini nomen æquiuocum. 119. unde dicatur. 142
 Matutinæ salutationes. 168. 169
 Matutinum tempus aptissimum contemplationi. 148
 Matutina sacra apud Ethnicos. 145
 Mediolanensis Ecclesiæ ritus. 456
 Memnonis fabula. 157
 Meridies quid sit. 97. idem mysticè. 184. 185. Solis effectus in meridie mysticè explicatur. 183. Meridie cur oremus. 181. & infra diffusè.
 Mediocritas laudatur. 188
 Mezoria in officio Græcorum. 465
 Mezonyction. 461. 467
 Mixolydius tonus. 426. 431
 Mons sanctus in Macedonia. 467
 Mores nostri quàm diuersi ab antiquis. 225
 Mors hominis duplex apud Platonicos. 233
 Mors mystica. 234. 235
 Mors inexorabilis. Metr. 29. 276
 Mortis memoria. 255
 Mortis contemplatio vera Philosophia Metr. 28. 266
 Mortuos sepeliendi varij mores. 267. 272. Mortui qui plangendi. 269. orandum pro mortuis. 269. Ritus orandi pro mortuis qui auctores astruant. 271. Romanorum pietas erga mortuos. 268. officium pro mortuis. 7.
 Defuncti. 1
 Monasticus ritus. 445
 Monachorum in choro multiplex tentatio. 332
 Moscovitarum ritus. 476

INDEX RERVM,

Mozarabes qui sint, & quis eorum ritus. 459. ubi nunc vigeat hic ritus. 460

Musica, eiusque laudes, & vsus in nuptiis, conuiuiis, funeribus, bellis, ludis, sacrificiis, opificiis, &c. 407. & segg. Bestias quoque allici cantu. 410 Musicae effectus admirabiles. 411. & segg. eius utilitas pro S. Scriptura, & omnibus sciētiis. 412. 413. Vtilis est ad gratiam contemplationis. 413. ad moderandas passionēs. 415. Qui de laudibus Musicae scripserint. 415. eius origo. 418. Musica in se singulis rebus. 417. eius mutatio semper mala. 424. 425. Musica vera quæ sit. 414. & segg. Musica morum & virtutum. 418

Musicalia instrumenta an admittenda in Ecclesia. 410

Musicalium signorum diuersitas apud antiquos. 422

Musica hodierna cur non eosdem pariat effectus quos antiqua. 426

Musicae siue cantus genus triplex, Enharmonicum, Chromaticum, Diatonicum. 427. 428. Modi Musici. V. Toni.

Mysterium quid sit. §1. Mytheria sacra cur occulterant antiqui. 79. 80

N

Nasinauensis Prouincia in Armenia, eiusque ritus. 474

Necrologium. 403

Nepenthes Homeri quid fuerit. 414

Nestorianj & eorum ritus. 478

Nox quid sit. 97. 106. Noctis encomiū.

Metr. 7. 128. Nox mystica, 110. cur nocte orandum. 1. 9. Nocturnæ orationis prærogatiuæ. 127. Noctem

Ethnici coluerunt. 110. 111

Noctium numerum non dierum olim Galli & Germani computabant.

Nocturnum officium. V. Vigilæ.

Nomina quædam barbara cur in alteram linguam non transferantur.

341. 397

Nomina Dei. 348. & segg. V. Dei nomina.

Nonæ officium, eiusque mysteria & causæ. 192. 197. & segg.

Nonnus & Domnus. 385

Nonnæ, Nonnanes, Nonnannæ. 387

Nouenarius numerus infautus. 196

Nouensiles Dij. 196

Nouemdiaia sacra. ibid.

Numerorum Philosophia quanti faciendi sit. 92

O

Oculorum custodia. 104. 111

Odarium. 465

Officium quid sit. 78

Officij diuini partes quot & quæ. 118. eius initium. 327. & finis. 405. V. Psalmodia.

Officium Defunctorum. Z. Defuncti.

Officium paruum B. Virginis. V. Maria.

Opus Dei quid, & cur sic dictum diuinum officium. 72

Operis modum magis attendit Deus, quam ipsum opus. 496

Oratio. Z. Collecta.

Oratio cur fiat versus Orientem: & antiquorum hac de re mores. 161.

& segg.

Oratio est actus supernaturalis. 485.

Orationis studium. 307. & necessitates. 485. eius diffinitiones. 486. 487.

effectus quatuor. 497. Vtrum pertinere ad intellectum, an vero ad volun-

ET VERBORVM.

voluntatem. **486**
 Oratio Dominica, eiusque dignitas, **311. 312.** Petitionum ordo & congruentia, **312. 313.** Quinam eam ritè recitent. **314.** A quibus sit explicata. *ibid.* Quoties, & quo ritu dicatur in diuinis Officiis. **315.** Præferenda omnibus orationibus. **316**
 Orationes diuersæ. Desiderium laudandi Deum. **76.** Ad impetrandum verum lumen. **104.** Vt mysticæ fugentur tenebræ. **123.** Vt Deus excitet nos. **131.** Vt verum lumen oriatur in nobis. **130.** Ad Spiritum sanctum. **177. 178.** Aspiratio amantis animæ ad Christum. **185.** Ad Christum ut nobiscum manere dignetur. **222.** Pro dono contemplationis. **238.** Ad Deiparam Virginem. **247. 249. 252. 254. 258.** Pro remissione peccatorum, & osculo sancto. **328.** Ad S. Crucem. **337.** Susspiria amantis animæ. **364. 365. 377.** Pro gratia benè psallendi. **436.** Pro gratia deuotionis. **516**
 Organorum inuentio & vsus. **421**
 Ortus & occasus Solis mysticè quid sint. **107.** *et seq.*
 Osculum mysticum. **128**
 Oscula olim adhibita in Deorum cultu. **160**
 Otiositas vitanda. **103**
 Oxyrynchus ciuitas plena Monachis. **75**

P

PAcis encomium, & ad eam exhortatio. **114. 219.** Pax ubi inueniendâ. Metr. **22.** **219**
 Patientiæ laudes. **305**
Pater noster. V. Oratio Dominiua.
 Peccata venialia euitanda. **297**
 Perfectorum gradus. **305.** *et seq.*

Perseuerantia necessaria. **513**
 Perturbationes animi. **104**
 Phrygius tonus. **423. 424. 426. 429**
 Pœnitentiæ laudes. **274.** & deinceps, qualis esse debeat. **276.** homini propriè conuenit. **279.** hortatio ad pœnitentiam. **286.** Sacram pœnitentiam non probant sancti Patres. **286. 287.** Pœnitentis felicitas. Metr. **30. 280.** Pœnitentis ad Christum oratio. Metr. **39** **329**
 Prandij hora olim circa meridiem. **103. 104**
 Prædicatum ritus. **454**
 Præmonstratensium ritus. **39**
 Primæ officium quando & à quibus fuerit institutum. **170.** qua hora celebrandum. **171.** eius causæ, & mysteria. **155. 157. 168**
 Preces cur certis diebus recitentur. **404**
 Profani à sacris arcentur. **1** **72**
 Proficientium gradus. **302.** *et seq.*
 Psalmorum encomia ex Patribus. **368.** de Psalmorum auctore. **371**
 Psalterij diuisio & vsus. **372.** Psalterium compendium omnium scientiarum. **370.** Psalmorum & Canticorum discrimen. **373**
 Psalmi graduales. **221.** eorum vsus, antiquitas, & mysteria. **291. 293.** explicantur singuli, & quindecim gradibus Christianæ perfectionis applicantur. **296.** *et seq.*
 Psalmi Pœnitentiales. **273.** eorum vsus & ritus. **274. 275. 277.** cur septem sint. **277.** singulorum explicatio. **278.** *et seq.*
 Psalmodia, & eius origo. **51.** Progressus. **94.** Vsus vsusque ortu Ecclesiæ & deinceps. **67.** Continua in multis Ecclesiis instituta. **74.** eius diuersa nomina, cur dicatur officium, cursus, canon, synaxis, collecta, Missa, agenda, opus Dei. **78** cur certæ ho-

INDEX RERVM,

raz ei tributæ, 83. singulæ eius partes
explicantur, 111. & deinceps.
Psallendi disciplina, 480. Quam stri-
cta sit obligatio attentè recitandi
diuinum officium, *ibid.* Præparatio
ante Officium necessaria, 481. re-
mota in quo consistat, *ibid.* Proxi-
ma, 482. Psallendum mente & spi-
ritu, 498. Psallendi modus præ-
scriptus à SS. Patribus, 433
Purgatorium, & quæ peccata in eo
puniantur, 259, 260. eius acerbitas,
& ad illud euitandum exhortatio,
270. voces purgantium animarum,
261. quibus suffragiis iuuentur,
262. Qui Auctores fidem Purgato-
rij propugnent, 171
Purgatio animæ non differenda & in
quo consistat, 401
Purgati animi indicia, *ibid.*

Q

Q Vadragesimæ ieiunia prorogata
olim vsque ad vesperam, 103.
105

R

R Eligio hominibus innata, 51, 59.
folius hominis propria, 12
Responsoria quid significant, 389. eo-
rum origo & ritus, 391. cur prolixius
cantentur, 390
Reuerentia quid sit, 487. Duplex est
interior & exterior, 490, 491. eius
necessitas in oratione, 487. eius in-
citantia, *ibid.*
Ritus diuersarum Ecclesiarum in ce-
lebrandis diuinis officiis, 439. & per
totum caput,
Ritus speciales multarum Ecclesia-
rum cur omitti, 441, 462
Romani ritus series, & explicatio, 441

S

S Alue Regina. Quis auctor huius
Antiphonæ, 406
Sanctorum commemorationes, 404.
405
Sapientia vigilantibus apparet, Metr.
8. 114
Scripturæ sacræ obscuritas unde pro-
ueniat, 388
Scientiæ nimius appetitus moderan-
dus, 514
Sclauonia, & illarum gentium ritus,
476
Seculum seculorum quid sit, 397
Sensuum custodia, 504, 511
Sepeliendi mortuos varij ritus, 267.
268, 271
Sepulchrorum consideratio salutaris,
265, 266
Sextenarij laudes & mysteria, 92
Sessio in choro an licita, 491
Sextæ officium, 179. eius causæ & my-
steria, 183. & seq. 187. & seqq.
Silentium, eiusque utilitas, 482. Silen-
tium rebus sacris debetur, 81, 388
Sol laudatur, eiusque ortus describi-
tur, 155. & Metr. 11, 155. pro Deo ha-
bitus ab Ethnicis, 157. plura de eius
cultu, 157. & seq. omnes Deos gen-
tium referri ad Solem, 160, 161. ve-
terum opiniones de Sole, 166. Deus
est verus Sol, Metr. 15, 181. Christus
item verus Sol, 163, 166, 167, 181.
quibus verè luceat Sol, 167. Solis &
Dei comparatio ex Patribus, 179.
& seqq. Solis effectus in meride
mysticè explicantur, 183. & seqq.
Solis ortus & occasus mysticè quid
sint, 107. & seqq.
Solitudo, eiusque bona, 511. eiusdem
laudes, Metr. 48. 512
Somnus imago mortis, 244. cur Mo-

ET VERBORVM.

nachis interdictus post vigilias. 131
 Sphinges in ingressu templorum cur
 positæ. 80
 Spiritus sancti gratia quid operetur in
 anima. 174. & seqq. Quomodo
 possimus viuere in spiritu. 177. eius
 aduentus hora tertia. 171. 174. 178.

119

Statio quid sit. 115. 116. An & quomo-
 do differant stationes à ieiuniis. 117.
 quid sit dirimere stationem. 199
 Sticheiria. 465

Superstitiosi reprehensio & descrip-
 tio. 494. 495

Suspendium mysticum. 193

Symbolum quid sit. 419. Multiplex
 huius nominis significatio. 420

Symbolum Apostolorum quando &
 à quibus fuerit institutum. 319. eius
 laudes ex Patribus. 319. 321. 322. quo-
 ties & quo ritu dicatur. 323. eius ex-
 planatio à quibus petenda. 325. cur
 dicatur Romanum. 326

Symbolum Nicænum quando cœpe-
 rit Romæ cantari. 326

Symbolum Athanasij. 2. Athanasij.

Synaxis. 78

Syrorum ritus. 478

T

Tertia 171. cura aurea & sacra di-
 catur. 179. eius mysteria. 17. 174

Ternarij numeri laudes. 171. 173

Teletæ. 493

Te Deum laudamus. 7. Canticum.

Tentationes septem. 87. Tentationum
 utilitas. 193. 19. Plallentes multi-
 pliciter tentantur. 132

Theologia symbolica eiusque scripto-
 res. 121

Toni seu modi Musici qui & quot
 sint. 423. 426. cuiusque toni pro-
 prietas seruanda in cantu. 428. de

singulis tonis, eorumque syste-
 mate, effectibus, & proprietatibus.

429. & seqq.

Trinitatis mysterium. 61

Trisagion. 464

Troparia. ibid.

Turcas horarum distinctionem in o-
 ratione seruare. 25

V

Versus quid sit, quid significet, &
 quo ritu dicatur. 378. 379. ali-
 quot versuum explicatio. 378

Veneris sydas mane lucifer, vespere
 hesperus, & noctifer dictum. 123

Vesper quid sit, & vnde dicatur. ibid.

Vesperugo. ibid.

Vespertinum officium. 207 eius my-
 steria & prerogatiuæ. 97. 109. & c.
 217. 220. Vesper contemplationem
 significat. 116. & finem mundi. 221.
 Vesperè cur flendum sit. 221. Qua
 hora celebrandæ sint Vesperæ. 223.

224

Vigiliæ quid & quot. 115

Vigiliæ nocturnæ. 119. etiam ab Eth-
 nicis celebratæ. 120. 121. Primi Chris-
 tiani propter eas gentium calum-
 niis exagitati. 122. laudes Vigilia-
 rum. 124. Vigiliis damnant Hære-
 tici. 129. qua hora celebrandæ
 Vigiliæ nocturnæ. 130. earum ritus. 130.
 & causæ. 139. & seqq.

Vigilantium exempla. 121. 126. Vigi-
 lare facit amor. 134. Hortatio ad
 vigilandum. 136. 144

Vigiliæ mysticæ. 137

Vicissitudo rerum. 193. & Metr. 20.
 210

Vitæ humanæ cum horis Canonicis
 analogia. 81

Vitæ breuitas. 90. 92

Vitæ spiritualis triplex status. 253

ZZz ij

INDEX RERVM, ET VERBORVM.

Virtus sola beatum facit.	<u>300.</u> <u>301</u>	Voluntas propria abneganda.	<u>395</u>
Virtutum acquisitio.	<u>302</u>	Voluntatis propriæ conformitas cum	
Vnio cum Deo.	<u>309.</u> <u>310</u>	diuina. <u>308.</u> <u>Metr.</u> <u>36.</u>	<u>306</u>

F I N I S.



LIBRI THEOLOGICI
Excusi à LVD. BILLAINE, *Parisiensi Biblio-*
pola ab anno M. DC. LX.

SVMMA Conciliorum General, & Prouincial, in vi. Partes distributa
1. Concilior. veteris Testam. 2. Concil. general. in Oriente celebrat,
3. Concilior. gener. in Occidente. 4. Vulgatorum Prouincialium per
cuncta sæcula, 5. Additorum ex variis Regionibus, maximè ex Gallia,
6. Decreta Pontificum ac Synodos, Diœcesanas exhibet. Omnia collecta
ex Merlino, Iouerio, Baronio, Syrmundo, &c. à M. Lud. *Bail. Doctor.*
Theol. Paris. 1. vol. fol.

Conciliorum Generalium & Prouincialium collectionis amplissimæ, quæ
Bibliopolæ Parisienses edituri sunt, synopsis ordiue Chronologico disposi-
ta, cum Vitæ Pontificum. 40.

Concilij Rhemensis in causa Godefridi celebrati falsitas demonstrata, auth.
D. Rob. Quatremaire Ascetæ Benedictini. 8.

Canonum Ecclesiasticorum collectores Græci & Latini, scil. Codices Eccle-
siæ Africanæ, vniuersæ Dionys. exigui. Decreta antiqua Summorum Pon-
tificum. Martinus Bracarensis, Arsenius, Photius, Balsamon, & alij plurimi,
quorum maior pars nunc primum edita, cum Notis Virorum doctorum,
studio *G. Voëlli. Doctoris Sorbonici & Henrici Juselli* Chr. filij. 2. vol. fol.
parua, maiori ex maximâ cartâ.

Parua Bibliotheca Patrum, siue Leo Magnus, Petrus Chrysologus, Fulgentius
& alij in vnum collecti. fol.

S. Ambrosij Mediolanensis opera omnia eloquentissimè edita 1. vol. fol.

Supplementum Bibliothecæ Patrum, in quo Lanfrancus Cantuariensis, Hugo
Lingonensis, Durandus, Troarnensis, Guibertus Abbas, Hugo Rothomag.
 Archiepiscopus. Virorum illustrium Epistolæ & opuscula varia, nunc primum
in lucem edita, cura & studio D. Lucæ Dacherij Ascetæ Benedictini.
2. vol. fol.

S. Ioannis Chrysostomi Homiliæ, nunc primum editæ ex Bibliotheca Scoria-
censi, cum notis Græc. Lat. 4.

Tertulliani opera omnia, ex emendat. N. Rigaltij: cum notis inte-
gris eiusdem, & variorum commentariis vno conspectu dispositis. Opus
nouum, accurate P. Priorio. fol.

D. Thomæ Aquinatis summa Theologica, à mendis expurgata & notis illu-
strata à Reu. P. I. Nicolai Ordinis Prædicatorum. fol.

Poncij (*Ioannis* Ord. Minorum) Commentarij Theologici ad mentem Sco-
ti, quibus ipsius Scoti Doctrina variis questionibus illustratur. 6. vol. fol.

De Imitatione Christi variz Editiones. 12. 24. 32.

Codex Regularum, quas sancti Patres Monachis & Virginibus sanctimonialibus seruandas præscripsere, collectus olim à S. Benedicto Anianensi Abbate: Cum appendice in qua SS. Patrum exhortationes ad Monachos & Virgines de Obseruantia vitæ Religiosæ, ex Bibl. Floriacensi. Lucas Holstenius Vaticanæ Biblioth. Præfectus, nunc primum edidit cum Notis & Glossis. 4.

De Diuina Psalmodia, eiusque causis, mysteriis & disciplina, deque variis ritibus omnium Ecclesiarum & Ordinum, in Psallendis diuinis Officiis: Tractatus, Historicus, Symbolicus, Asceticus, opus nouum, Authore D. Ioann. Bona Congregat. Reform. S. Bernardi Ord. Cisterc. Abbate Generali, sacrorum Congregat. Rituum & Indicis Consultore. 4.

De Ritu sacrarum Ecclesiæ Catholicæ concionum libri tres, in quibus veterum Christianorum consuetudo & alia multa elucidantur; authore F. B. Ferrario Ambrosiani Collegij Doctore. 8.

De triplici Examine Ordinandorum, Confessariorum, & Pœnitentium: Editio nouissima auctior, authore M. Lud. Bail Propœnitentiario Parisiensi. 8.


Bibliotheca Bibliorhecarum pernecessaria omnibus Bibliothecariis, & librorum Amatoribus. 8.

Pontificale Romanum ex noua emendatione Urbani VIII. P. M. cum figuris æneis *Rubro. nigr.* 3. vol. fol.

Rubro. nigri siue Rituales ad vsum Romanum, partim cum antiquis, partim cum nouis Hymnis editi.

Libri Rituales Ordinis Diui Benedicti.

N. Lector in principio operis de Diuina Psalmodia
Notitiam esse variorum Authorum, quorum qui
opus habuerint eorum maiorem partem eadem
Officina suppeditabit.



— — —

— — —
— — —
— — —
— — —
— — —

— — —
— — —
— — —
— — —
— — —

— — —

